

შოთა შულთა

საქართველოში

მეცნიერებათა

სახელმწიფო

„მეცნიერებათა“ • 1982

9 (C 41)  
63.3 (2 Γ)  
9 (47.922)  
8 587

წინამდებარე წიგნი გამოჩეხილი ქართველი ისტორიკოსის, საქართველოს სსრ მეცნიერებათა აკადემიის წევრ-კორესპონდენტის, პროფესორ შოთა მესხიას (1916—1972 წწ.) გამოსაცემად განზრახული თხზულებათა სამტომეულის პირველი ტომია. მეცნიერმა გამოიკვლია ფეოდალური საქართველოს ისტორიის ისეთი წამყვანი პრობლემები, როგორცაა სოციალურ-ეკონომიკური და პოლიტიკური ისტორიის საკითხები, ქალაქების ისტორია და საქალაქო წყობა; შეისწავლა წყაროთმცოდნეობისა და ისტორიოგრაფიის საკითხები.

პირველ ტომში წარმოდგენილია შ. მესხიას მიერ სხვადასხვა დროს დაწერილი გამოკვლევები, რომელთა მნიშვნელოვანი ნაწილი პირველად ქვეყნდება. ცალკეულ ნაშრომებში პირველწყაროებისა და სპეციალური ლიტერატურის შესწავლა-შეფერების საფუძველზე დასმულია და ორიგინალურადაა გადაწყვეტილი ქალაქებისა და საქალაქო ცხოვრების, ვაჭრობა-ხელოსნობის, კლასობრივი ბრძოლებისა და სხვა საკითხები.

წიგნში შეტანილი გამოკვლევები ფართო საზოგადოებისათვის მისაწვდომადაა დაწერილი და, ბუნებრივია, დიდ სამსახურს გაუწევს საქართველოს ისტორიით დაინტერესებულ ყველა მკითხველს.

### სარედაქციო კოლეგია

შ. დუმბაძე (მთ. რედაქტორი), ა. აფაქიძე, რ. მეტრეველი,  
ნ. შენგელია, ვ. გუჩუა, მ. მესხია

ტომის რედაქტორი

რ. მიტრეველი

## წიგნის ტიტული

საქართველოს სსრ მეცნიერებათა აკადემიის სარედაქციო-სამომხმელო საბჭოს დადგენილებით სამ ტომად უნდა გამოიცეს გამოჩენილი ქართველი ისტორიკოსის, საქართველოს სსრ მეცნიერებათა აკადემიის წევრ-კორესპონდენტის, პროფესორ შოთა მესხიას (1916-1972 წწ.) შრომები.

შოთა მესხიამ მნიშვნელოვანი მეცნიერული მემკვიდრეობა დაგვიტოვა. იგი ავტორია ოთხმოცზე მეტი გამოქვეყნებული გამოკვლევისა. მეცნიერმა შეისწავლა ფეოდალური საქართველოს ისტორიის ისეთი წამყვანი პრობლემები, როგორცაა: სოციალურ-ეკონომიკური და პოლიტიკური ისტორიის საკითხები, ქალაქების ისტორია და საქალაქო წყობა; მნიშვნელოვანი სამუშაო ჩატარა წყაროთმცოდნეობისა და ისტორიოგრაფიის დარგში.

პირველ ტომში იბეჭდება გამოკვლევები: „ხელოსნობა ძველ საქართველოში“; „საქალაქო კომუნა შუა საუკუნეების თბილისში“; „XI—XIII სს. საქართველოს საზოგადოებრივი წყობის ისტორიიდან („საქარგავის“ მნიშვნელობისათვის)“; „კლასობრივი ბრძოლა XVII—XVIII სს. საქართველოს ქალაქებში“ და სხვ.

მეორე ტომში განზრახულია შეტანილი იქნეს გამოკვლევა — „ქალაქები და საქალაქო წყობილება ფეოდალურ საქართველოში“. ესაა უკვე რუსულად გამოქვეყნებული წიგნის (1959 წ.) ვრცელი ქართული ვარიანტი. იგი საინტერესო იქნება როგორც სპეციალისტების, ასევე ფართო მკითხველი საზოგადოებისათვის.

მესამე ტომში შევა შ. მესხიას გამოკვლევა დიდგორის ბრძოლის შესახებ და სხვა ნაშრომები.

წინამდებარე ტომში შეტანილი შრომა — „ხელოსნობა ძველ საქართველოში (V—XII სს.)“ მიძღვნილია ფეოდალური საქართველოს ისტორიის მეტად აქტუალური პრობლემის — ხელოსნური წარმოების ისტორიის გამოკვლევისადმი. ხელოსნობას ფეოდალური ქვეყნების მეურნეობაში ფრიალ მნიშვნელოვანი ხვედრითი წონა ჰქონდა. იგი „ქალაქის ყოფაცხოვრების აუცილებელ შემად-

გენელ ნაწილს წარმოადგენს... ის მნიშვნელოვნად არის გავრცელებული სოფლადაც და გლახური მეურნეობის დამატების დანიშნულებას ასრულებს“ (გ. ი. ლენინი, კაპიტალიზმის განვითარება რუსეთში, ტ. 3, IV გამოც. გვ. 383). V—XII სს. საინტერესო პერიოდია საქართველოს ისტორიაში და, ბუნებრივია, ამ დროის ხელოსნობის საფუძვლიანი შესწავლა წინ წყევს ქართულ ისტორიოგრაფიას.

მეცნიერმა საგანგებოდ შეისწავლა ხელოსნობის ყველა ის დარგი, რომელიც კი ცნობილი იყო V—XII სს. საქართველოში. ძველი საქართველოს ეკონომიკური ისტორიის ამ მნიშვნელოვანი საკითხის შესწავლა მრავალ სირთულესთან იყო დაკავშირებული (ნიშანდობლივია, რომ ეს გამოკვლევა შ. მესხიამ 1942 წ. დაასრულა). საკითხი არსებითად დაუმუშავებელი იყო. საქართველოს ისტორიის მეცლევართათვის ეს პრობლემა არ ყოფილა სპეციალური შესწავლის საგანი.

შოთა მესხიას ნაშრომში გამოკვლეულია ხელობისა და ხელოსნობის აღმნიშვნელი ტერმინები (მესაველ ნაწილში). პირველი-მეშვიდე თავეები მიძღვნილია ძველ საქართველოში ხელობათა შესწავლისადმი. სათანადო დარგი გამოკვლეულია მისი კონკრეტული სახით, ყურადღება ექცევა თვით ამ ხელობის აღმნიშვნელ ტერმინებს, შესწავლილია სამუშაო იარაღები და მათი ძველი სახელწოდებები. წიგნში მოცემულია ცალკეულ ხელოსანთა მუშაობის პროცესი, განხილულია შექმნილი პროდუქტების სახეები, საგანგებოდაა შესწავლილი ხელოსანთა სოციალური მდგომარეობა, გამიჯნულია თავისუფალ და არათავისუფალ ხელოსანთა კატეგორიები, მინიშნებულია მათ როლზე ფეოდალური საქართველოს საზოგადოებრივ ცხოვრებაში, ნაშრომში დასმულია საკითხი ძველ საქართველოში ამქრული წყობის არსებობის შესახებ (ეს საკითხი შ. მესხიამ შემდგომში დაწვრილებით შეისწავლა).

შ. მესხიამ გამოკვლევაში აჩვენა, რომ ძველ საქართველოში ხელოსნური წარმოება სავაოდ დაწინაურებული იყო და იგი ცალკეული დარგების მიხედვით სპეციალდებოდა; დაასაბუთა, რომ იმდროინდელ (V—XII სს.) საქართველოში გვხვდება შუა საუკუნეებში ცნობილი თითქმის ყველა ხელობა.

გამოკვლევა დაფუძნებულია სხვადასხვა სახის უხვ მასალაზე (წერილობითი წყაროები, მატერიალური კულტურის ძეგლები) და იმდენად ღრმად და საფუძვლიანადაა საკითხი შესწავლილი, რომ დღესაც არ დაუკარგავს თავისი მნიშვნელობა.

შ. მესხიას მონოგრაფია — „საქალაქო კომუნა შუა საუკუნეების თბილისში“ (გამოქვეყნდა 1962 წ.) ფეოდალური ქალაქების

სოციალური ურთიერთობის ერთ-ერთი მნიშვნელოვანი საკითხის შესწავლას ისახავს მიზნად. ქართულ ისტორიოგრაფიაში XI—XII სს. თბილისში საქალაქო კომუნის არსებობის საკითხი, მისი წარმოშობის დრო და პირობები საგანგებო განხილვის საგანი არ ყოფილა. ასეთი რიგის საკითხების დასმასა და გადაწყვეტას ხელს უშლიდა როგორც საერთოდ შუა საუკუნეების ქართული ქალაქების შესწავლელობა, ასევე წყაროების სიმცირე. ჩვენი საუკუნის 50—60-იან წლებში შ. მესხიას მიერ ქალაქების შესწავლისა თუ ახალი წყაროების გამოვლენის თვალსაზრისით გადადგმულმა ნაბიჯებმა თბილისის ისტორიის ამ მეტად მნიშვნელოვანი პერიოდის შესწავლა ჩვენი ცოდნის გარკვეულ ჩარჩოში მოაქცია.

თბილისის, როგორც ქალაქ-კომუნის, ისტორია მკიდროდ უკავშირდება შუა საუკუნეების საქართველოს სოციალური მოძრაობის ისტორიის მნიშვნელოვან საკითხებს. მეცნიერი თბილისის საქალაქო კომუნის შესწავლას გზით იძლევა შუა საუკუნეების საქართველოს ისტორიის რიგი საკითხების ახლებურად გაგების ცდას. გამოცვლევა აშკარად გვიჩვენებს XII ს. საქართველოში ქალაქებისა და საქალაქო ცხოვრების მძალად დონეს, წარმოგვიჩენს საქალაქო კომუნისათვის ბრძოლას, თვით კომუნასა და მის ისტორიას სხვა, იმდროინდელ სოციალურ-საზოგადოებრივ მოძრაობასთან კავშირში.

კრებულში შეტანილია შ. მესხიას გამოკვლევა „XI—XIII სს. საქართველოს სახელმწიფოებრივი წყობის ისტორიიდან („საკარგავის“ მნიშვნელობისათვის)“. ამ პრობლემის შესახებ მეცნიერმა საგანგებო მოხსენება გააკეთა თბილისის სახელმწიფო უნივერსიტეტში, შემდეგ კი დაბეჭდა XII ს. საქართველოს ისტორიისადმი მიძღვნილ საუნივერსიტეტო კრებულში (1969 წ.). შ. მესხია ასაბუთებს, რომ „საკარგავი“ XI—XIII სს. ქართულში ორგვარი მნიშვნელობით იხმარებოდა — „საკარგავი“ ნიშნავდა როგორც სამოხელეოდ, საგამგეოდ, სამართავად გაცემულ გარკვეულ ტერიტორიას, ქალაქს, ასევე სარგოს, ფულად გასამრჯელოს; საკარგავის ასეთი ორგვარი მნიშვნელობა შემთხვევითი არ უნდა ყოფილიყო და იმაზე უნდა მიგვითითებდეს, რომ საკარგავად მიღებული ტერიტორიის, ქალაქის თუ სახელოს გამგებლობა, ე. ი. მოხელეობის ეს სახე. სარგოთი, რენტით, ძირითადად ფულადი სარგოთი ნაზღაურდებოდა.

შ. მესხიამ თავის მეცნიერულ კვლევა-ძიებაში დიდი ადგილი დაუთმო კლასობრივი ბრძოლის შესწავლას საქართველოს ქალაქებში. სწორედ ამ პრობლემას ეძღვნება გამოკვლევა — „კლასობრივი ბრძოლა XVII—XVIII სს. საქართველოს ქალაქებში“. ამ ნაშრომის

მნიშვნელოვანი ნაწილი შესულია მეცნიერის ფუნდამენტურ გამოკვლევაში — „ქალაქები და საქალაქო წყობილება ფეოდალურ საქართველოში“. წინამდებარე წიგნში შეტანილი ეს გამოკვლევა მეცნიერს ცალკე დასაბეჭდად ჰქონდა გამზადებული. ტომში მოთავსებულია შ. მესხიას რეცენზიები მ. ინაძისა და ლ. ჯანაშიას ნაშრომებზე.

რ. ბ ე ტ რ ე ვ ე ლ ი

## შ ე ს ა ვ ა ლ ი

ხელოსნობა ძველ საქართველოში საქართველოს ისტორიის ქველევართათვის სპეციალური კვლევის საგნად დღემდე არ გამხდარა. ძველი ქართული საისტორიო მწერლობა ამ მხრივ მხოლოდ დასაშუალებელ მასალას იძლევა.

ცნობილი ქართველი მეცნიერი ვახუშტი ბატონიშვილი, მართალია, საგულისხმო ცნობებს გვაწვდის მრეწველობისა და შინამრეწველობის ზოგიერთ სახეზე (იხ. მისი „ზნენი და ჩვეულებანი საქართველოსანი“), მაგრამ საკითხს ხელოსნობის შესახებ ძველ საქართველოში ის არ შეხებიდა. საქართველოს ისტორიის მკვლევარები (შ. ბროსე, დ. ბაქრაძე, თ. ყორღანია, ე. თაყაიშვილი და სხვ.) უფრო მასალებს აგროვებდნენ, ვიდრე იკვლევდნენ საქართველოს ეკონომიკური ისტორიის ამ საკითხს.

ხელოსნობის საკითხს ძველ საქართველოში, ისე როგორც საქართველოს ისტორიის ყველა ძირითად საკითხს, აკად. ივ. ჯავახიშვილი შეეხო. თუმცა მოკლედ და მხოლოდ ზოგიერთი წყაროს გამოყენებით, მაგრამ ძველი საქართველოს ხელოსნობის ზოგი დარგი ჩამოთვლილი და განხილული აქვს მას თავისი „საქართველოს ეკონომიური ისტორიის“ პირველ წიგნში (1907 წ.). ივ. ჯავახიშვილი ხელოსანთა წოდებრივ მდგომარეობასაც შეეხო გაცვრით (იხ. მისი „ქართული სამართლის ისტორია“. 1928, III, გვ. 37). ხელოსნობა, ვაჭრობა-მრეწველობა საერთოდ, სხვა საკითხებთან ერთად, როგორც იგი თვითონ წერს<sup>1</sup>, განზრახული ჰქონდა განეხილა „საქართველოს ეკონომიური ისტორიის“ შემდეგ წიგნებში, მაგრამ სამწუხაროდ, არ დასცალდა.

ხელოსნობის ისტორიაზე ძველ საქართველოში მნიშვნელოვანი მოსაზრებები გამოთქმული აქვთ აკად. ს. ჯანაშიას და პროფ. ნ.

<sup>1</sup> იხ. ივ. ჯავახიშვილი, საქართველოს ეკონომიური ისტორია, 1, 1930, გვ. IV—V.

ბერძენიშვილს. მათ შეხედულებებზე დაწვრილებით ქვემოთ გვექნება საუბარი.

ხელოსნობის შესახებ ძველ საქართველოში პირდაპირი მასალები არ მოგვეპოვება. ძველი ქართული საისტორიო მწერლობა ამ მხრივ მეტად ღარიბია და მკვლევარს, რომელიც დაინტერესებულია ამ საკითხით, სხვა სიძნელებთან ერთად არსებული მასალების დაუმუშავებლობაც ელოდება წინ. ამით აიხსნება ისიც, რომ კავკასიისა და საქართველოს ხელოსნობის მკვლევართა უმრავლესობა, დაწყებული XIX ს-დან, თავისი კვლევის საგანს უმთავრესად XVIII—XIX სს. ფარგლავს (ეგიაზაროვი, შ. ჩხეთია, ალ. ფირცხალიაშვილი და სხვ.) და ამქრობის ისტორიით ინტერესდება; ძველი საქართველოს ხელოსნობის მიმოხილვა კი მათი გამოკვლევების მხოლოდ შესავლით ამოიწურება. ამ შემთხვევაში გამოიკვლინა შეიძლება მივიჩნიოთ გ. გამყრელიძის სადისერტაციო ნაშრომი: „ხელოსნური მრეწველობა და ამქრული წყობილება საქართველოში“<sup>2</sup>. გ. გამყრელიძემ სადისერტაციო ნაშრომის წარმოდგენამდე რამდენიმე წლით ადრე (1926 წ.) გამოაქვეყნა ნარკვევი: „ხელოსნობა ტფილისში“, რომელშიც უდიდესი ადგილი XVIII—XIX სს. ხელოსნობის ისტორიას აქვს დათმობილი; აქვე ავტორი „ხელოსნობის ისტორიულ მიმოხილვასაც“ შეეცადა (გვ. 19—21); ხოლო 1940 წ. წარმოდგენილ ზემოხსენებულ საკანდიდატო ნაშრომში მან თავისი შეხედულებები უფრო გააფართოვა და ძველი საქართველოს ხელოსნობას ხელნაწერის 15 (73—88) გვერდი დაუთმო. ავტორი ძველი საქართველოს სხვა მნიშვნელოვან საკითხებსაც შეეხო და თავისი შრომის II თავი საქართველოს ქალაქებსა და საქალაქო წყობილებას მიუძღვნა. მაგრამ აქვე უნდა ითქვას, რომ ავტორი მხოლოდ ზოგიერთი, საკმაოდ ცნობილი გამრკველვის მითითებით კმაყოფილდება და ის მასალებიც კი, რომელთა გამოყენება შეეძლო XII—XIII სს. საქართველოს საქალაქო წყობისა და უფრო მეტად XVIII ს. ქალაქების საკითხისათვის, მას გამოყენებული არა აქვს. შეიძლება ეს იმით აიხსნება, რომ ავტორი ეკონომისტის თვალსაზრისით იხილავდა საქართველოს ქალაქებსა და საქალაქო წყობას და ეს მასალები მისთვის თითქმის საჭირო არ იყო. შეიძლება ითქვას, ასევე სუსტად აქვს განხილული ავტორს ხელოსნობაც ძველ საქართველოში. იგი ხელობის ზოგიერთი დარგის ჩამოთვლით კმაყოფილდება, ალბათ, იმიტომ, რომ ამ მხრივ მისთვის ცნობილი

<sup>2</sup> ვსარგებლობთ ხელნაწერით, რომელიც ინახება თბილისის სახ. უნივერსიტეტის ბიბლიოთეკაში.



წყაროები (ეესტათისა და აბოს მარტვილობანი, თ. ჟორდანიას „ქრონიკები“ და მცირედი სხვა) ბევრს აჩაფხვრს იძლეოდნენ. ყოველივე ამის მიზეზი ის უნდა იყოს, რომ ავტორი ამ შემთხვევაშიაც უმთავრესად XVIII—XIX სს. ხელოსნობით იყო დაინტერესებული. გ. გამყრელიძის ზემოხსენებული ნაშრომი მაინც მნიშვნელოვანია, როგორც ცდა ძველი საქართველოს ხელოსნობის მიმოხილვისა.

ძველ საქართველოში ხელოსნობის დარგებისა და ხელოსანთა შესახებ პირდაპირი მასალების უქონლობისა და აგრეთვე ამ საკითხის სავსებით შეუსწავლელობის გამო იძულებული ვიყავი არაპირდაპირი წყაროებით მესარგებლა და როგორც ქართული ორიგინალური, ასევე ნათარგმნი მარტროლოგიური ძეგლები ამ თვალსაზრისით დამემუშავებინა. მნიშვნელოვან ცნობებს იძლეოდნენ აგრეთვე ქართველ და არაქართველ მოღვაწეთა ცხოვრების აღმწერი ავტორები, ჩვენ შიერ აღებულნი ხანის ფარგლებში მოქცეული ყველა პოეტური ნაწარმოები, ეპიგრაფიკული ძეგლები და ისტორიული დოკუმენტები. ტერმინებს დადგენასა და გაგებაში დიდი დახმარება გამიწია „დაბადების“ ქართულმა თარგმანმა მისი ხანმეტური და სხვა რედაქციებით.

ქართული ორიგინალური და ნათარგმნი ძეგლების შესწავლით მიღებული შედეგების ქართული საისტორიო მწერლობის საბუთებთან და უცხო მწერლობის ძუნწ ცნობებთან შედარება ნათელს პფენდა ძველი ქართული ხელოსნობის ისტორიის ზოგიერთ საკითხს.

ილია ჭავჭავაძის სამართლიანი შენიშვნით „ჩვენი „ქართველის ცხოვრება“ ხალხის ისტორია კი არ არის, მეფეთა ისტორიაა“ და მასში ისტორიის შემქმნელ ხალხზე და ქართული კულტურის არაერთი მნიშვნელოვანი ძეგლის უშუალოდ შემქმნელ ხელოსნებზედაც არაფერია ნათქვამი. ილიას სიტყვით რომ ვთქვათ, ისინი „ჩრდილშია მიყენებული“. ეს კი თავის კვალს ამჩნევს ჩვენს ნაშრომს და ძველი საქართველოს ხელოსნობის გარკვეული, მთლიანი სურათის დახატვა შეუძლებელი ხდება.



ქართველი ტომები თავიანთ შორეულ ისტორიულ წარსულშიაც, რამდენადაც ამის თქმის უფლებას ასურული და ბერძნული წყაროები იძლევა, ხელოსნურ წარმოებაში საკმაოდ დაწინაურებული ყოფილან. ასურული წარწერების მიხედვით მუსკები XI ს. დამ-

დეგს (ძვ. წ.) მისდევდნენ უმთავრესად მევენახეობასა და მესაქონ-  
ლეობას, აგრეთვე ლითონის დამუშავებასაც. როგორც აკად. ივ. ჯა-  
ვახიშვილი აღნიშნავდა, ეს იმ ხარკიდან ჩანს, რომელსაც მუსკები  
ასურეთის მეფეს აძლევდნენ: „სასოფლო მეურნეობის გარდა, —  
წერს ივ. ჯავახიშვილი, — მრეწველობა და ხელოსნობაც გავრცე-  
ლებული ყოფილა, მეტადრე თითბრის ქურჭლებს აკეთებდნენ  
თურმე მუსკები. ეს იქითგან ჩანს, რომ აშურ-ნასირ-აბალ მეფის  
(884—860 წ. ქ. წ.) დროს მუსკები ასურეთის ხელმწიფეს ხარკად  
თითბრის ქურჭლებს, ხარებს, ცხვრებს და ღვინოს აძლევდნენ  
ხოლმე“<sup>3</sup>.

ქართველთა მეორე ტომი — თბალები — ხომ მეტალურგია-  
ში იყო დახელოვნებული. მათ ვერცხლის განთქმული მალაროებიც  
ჰქონდათ. როგორც ცნობილია, სალმანასარ II-მ 937 წ. (ძვ. წ.) თა-  
ბალების სწორედ ეს ვერცხლისა და ძვირფასი ქვების მალაროები  
დაიპყრო<sup>4</sup>.

ქართველ ტომთა დაწინაურებაზე მეტალურგიაში შიგვითითებს  
აგრეთვე „დაბადების“ საკმაოდ ცნობილი ადგილი: იაბალ „ესე იყო  
მამა მკვიდრთა კარგებისათა, საცხოვარისა შირდელთა“, თუბალი  
„იყო გამომაჩინებელ ფსალმუნისა და ებნისა“, ხოლო თუბალი ანუ  
თუბალ-კაინი „ესე იყო კვერით ხურობ, მჭედელი რვალისა და რკი-  
ნისა“ (მოსე, 1, 4, 20—22). „ამ ქართველ ტომებს, — აღნიშნავს ივ.  
ჯავახიშვილი, — მართო თავიანთთვის კი არ უკეთებიათ მადნეული  
ქურჭელი და იარაღი, არამედ ისეთ შორეულ ქვეყნებშიაც კი მიჰ-  
ქონდათ ხოლმე გასასყიდათ, როგორც იყო ტვიროსი“<sup>5</sup>.

სპეციალისტების აზრით, „კაენიც“ სწორედ იმიტომ შეეკრევა  
თუბალების ჯგუფს, რომ „კაენი“ სემიტურად მჭედელს ნიშნავს.  
აკად. ს. ჯანაშია წერს: „ადვილად იხსენება თუბალის ორმაგი სახე-  
ლიც — თუბალ — კაინი და თობალი: „კაინ“ || „კაენი“ აქ ეპითეტია,  
რომელიც სათანადო სემიტური ძირის საშუალებით, „მჭედელს“  
აღნიშნავს“<sup>6</sup>.

ქართველ ტომებში მეტალურგიული წარმოების განვითარებუ-  
ლობას ისიც ამტკიცებს, რომ ლითონების (მადნების) სახელთაგან  
არც ერთი გარდა „კალისა („კალა“-ს მაგივრადაც ძვ. ქართულში

<sup>3</sup> ივ. ჯავახიშვილი, ქართველი ენის ისტორია, I, გვ. 18.

<sup>4</sup> იქვე, 19.

<sup>5</sup> იქვე, 20. ეზეიელის წიგნში ნათქვამია: „თუბალ და მოსოხ ვაქრობდეს შენ  
შორის სულეხსა კაცთასა და ქურჭელნი რვალისანი მისცეს სავაჭროდ შენდა“  
(27<sub>13</sub>).

<sup>6</sup> ს. ჯანაშია, თუბალ-თბალი... ენმკის მოამბე, 1, გვ. 239.

„ბრებნი“ და „ბრენი“ იხმარებოდა) ნასესხები არ არის. პირიქით, ზოგ ხალხს ქართველთაგან აქვთ შეთვისებული მადანთა სახელები. მაგ., „ბერძნული სიტყვა „ხალიფს“, რაც ფოლადს ნიშნავს. ხალი-ბების ტომის სახელისაგან არის ნაწარმოები. ევროპული ტერმინი „ბრონზა“ (ბრინჯაო) სუბარების მადანს ნიშნავს“<sup>7</sup>.

ხალიბებისა და ტიბარუნების სპილენძისა და რკინის ნაწარ-მოები საბერძნეთშიაც განთქმული ყოფილა. არისტოტელი სხვათა შორის წერდა: „ამბობენ, რომ მოსინიკების თითბერი განირჩევა ნა-თელი ლაპლაპით და მეტისმეტი სითეთრით. მას ურევენ არა ტყვი-ას, არამედ იქაურს ერთგვარი სახის მიწას, რომელიც სპილენძთან ერთად დნება... ამიტომ სპილენძის ძველი ნაწარმი ამ ქვეყნისა გა-ნირჩევა თავისი საუკეთესო ჯარისხით“<sup>8</sup>. აკად. ივ. ჯავახიშვილი იმასაც კი აღნიშნავდა, რომ „რკინის, განსაკუთრებით ფოლადის მომზადებაც, ბერძნებს, როგორც ეტყობა, პირველად ქართველი ტომებისაგან შეუსწავლიათ“<sup>9</sup>. როგორც ცნობილია, ზოგი ევრო-პელი მეცნიერი (ა. ბერტარნი, ფრ. ლენორმანი და სხვ.) კავკასიას მეტალურგიის სამშობლოდ სთვლიდა.

საერთოდ უნდა ითქვას, რომ ქართველმა ტომებმა ამიერკავ-კასიაში განვითარებული ბრინჯაოს კულტურა მოიტანეს. ამას არა-ერთი არქეოლოგიური მონაბოვარი ადასტურებს. აკად. ს. ჯანაშია წერს: „თბალის ანუ თუბალ-კაინის შესახებ აქ („შესაქმეთა წიგ-ნში“ — შ. მ.) ნათქვამია: „ესე იყო კვერით ხურომ, მკედელი რვა-ლისა და რკინისა“ (IV, 22). თუ ამას დაფუძავით თანამედროვე არქეოლოგიის მიერ დადგენილ ფაქტს, რომ ბრინჯაოს შესანიშნავი კულტურა, რომელსაც წინათ ყობანის კულტურას უწოდებდნენ, ნამდვილად კოლხების კულტურაა, რომ ამ კულტურის აყვავების ხანა სწორედ თბალ-თუბალის ეპოქაზე მოდის, რომ კოლხური ბრინჯაოს კულტურა, უახლესი აღმოჩენებით, ვრცელდება შორის სამხრეთით მცირე აზიისაკენ (ვეულისხმობთ ართვინისა და ორდუს განძებს), მაშინ ბუნებრივად შეიძლება დავსვათ საკითხი: ხომ არ არის კოლხური ბრინჯაოს კულტურა ნამდვილად თუბალების ანუ იმავე თუბალ-კაინების კულტურა?“<sup>10</sup>

როგორც არქეოლოგიური მონაცემებიდან ირკვევა, ბრინჯაოს

<sup>7</sup> ს. ჯანაშია და სხვ. საქართველოს ისტორია, გვ. 14.

<sup>8</sup> В. Л а т ы ш е в, Известия, I, вып. II, с. 38; შდრ. ივ. ჯავახიშვილი, ქართ. ერის ისტ. 13, 24.

<sup>9</sup> ივ. ჯავახიშვილი, იქვე, გვ. 21.

<sup>10</sup> ს. ჯანაშია, თუბალ-თბალი... „ენიმე“-ს მოამბე, 1, გვ. 240.

ხანის ქართველებში საკმაოდ მაღალ დონაზე იდგა ხელოსნური წარმოების სხვადასხვა დარგებიც. კეთდებოდა თიხის მშვენიერი მონატული ქურჭლები, საუკეთესო ბრინჯაოს იარაღები სხვადასხვა სახისა, მზადდებოდა ლამაზი ორნამენტებით შემკული მატყლისა და სელის ქსოვილები, რომელნიც, ისტორიკოსების მოწმობით, საზღვარგარეთაც გააქონდათ გასაყიდად. მაგ., ასურელები „იხსენიებენ თავის წარწერებში „კილხურ“ მატყლისა და სელის ქსოვილებს. „კილხის“ კი ასურელები კოლხეთს ეძახდნენ“<sup>11</sup>.

ჰეროდოტეს დროინდელ კოლხეთში, როგორც ცნობილია, სელის წარმოება ძლიერ განვითარებული ყოფილა და სელის ნაწარმი, მისივე სიტყვით, ეგვიპტურს ემსგავსებოდა. „მხოლოდ ეგვიპტელები და კოლხები აკეთებდნენ ერთნაირად სელს... იმ სელს, რომელიც კოლხეთიდან მოდის, ბერძნები სარდიონის სელს უწოდებენ“ — წერდა ჰეროდოტი<sup>12</sup>. კოლხური სელის შესახებ ზემომოყვანილ ცნობას იმეორებდა სტრაბონიც: „ამ ქვეყანაში დიდი წარმოებაა სელისა, — წერდა იგი კოლხეთის შესახებ, — კანაფისა, ცვილისა და კუპრისა. სელის ნაწარმოები ამ ქვეყნისა ძლიერ სახელგანთქმული იყო და გაქონდათ კიდევ უცხო ქვეყნებში“<sup>13</sup>. ქსენოფონტეს ცნობით კი, მოსინიკებს დამორჩილებული ხალიბების ცხოვრების ერთადერთ საშუალებას რკინის მადნების დამუშავება შეადგენდა. „დიდი უმრავლესობა მათი (ხალიბებისა — შ. მ.) რკინის მადნების დამუშავებით ცხოვრობდა“<sup>14</sup> — წერდა იგი.

გარდა არქეოლოგიური მონაცემებისა და ისტორიული ცნობებისა, ხელოსნური წარმოების დაწინაურებაზე ქართველ ტომებში ზოგი თქმულებაც მიგვითითებს. მაგ., თქმულება არგონავტების მიერ ოჭროს ვერძის მოტაცების შესახებ იმაზე უნდა მიგვანიშნებდეს, რომ ოჭროს მოპოვება და დამუშავება კოლხეთში საკმაოდ ცნობილი ყოფილა. როგორც აკად. ს. ჯანაშია შენიშნავს, „უკვე ძველი საბერძნეთის მწერლებმა შეამჩნიეს, რომ ეს შითი (არგონავტების შესახებ — შ. მ.) მეტ-ნაკლებად ნამდვილი, ისტორიული ცნობების გადამუშავებაა, რომ ოჭროს ვერძი მიუთითებს ოჭროს მოპოვების ჩვეულებაზე ადგილობრივ მდინარეებში ცხვრის ტყავების საშუალებით“<sup>15</sup>.

<sup>11</sup> ს. ჯანაშია და სხვ., საქ. ისტ., გვ. 18.

<sup>12</sup> В. Латышев, Известия, I, вып. I, გვ. 9.

<sup>13</sup> იქვე, 137.

<sup>14</sup> იქვე, 83.

<sup>15</sup> ს. ჯანაშია, საქ. ისტ. (კონსპექტი), გვ. 62.

კოლხეთთან შედარებით უფრო დაწინაურებულ იბერიაში, საფიქრებელია, მრავლად იყვნენ ოსტატები. სტრაბონის მიერ დახატული სურათი იბერიელთა ყოფა-ცხოვრებისა ამის უდავო საწინდარია. თვით სტრაბონიც ხომ წერდა: „მართლაც, იბერია მშვენიერად დასახლებულია უმეტესად ქალაქებითა და სოფლებით იშგვარად, რომ იქ გვხვდება კრამიტის სახურავებიც, ხუროთმოძღვრების წესის მიხედვით აშენებული საცხოვრებელი სახლების მოწყობილობაც, ბაზრებიც და საზოგადოებრივი ნაგებობანი“<sup>16</sup>. ხუროთმოძღვრების წესის მიხედვით აგებული სახლების არსებობა სტრაბონის დროს ხუროთმოძღვრების წესების მცოდნე მაშენებელი ხელოსანების არსებობაზე მიგვიჩივებენ. და მართლაც, როგორც ქვემოთ დავინახავთ, სტრაბონის ეს ცნობა ქართულ წყაროებში თავის ზადასტურებას პოულობს.

ასურული წარწერები და ბერძენ ისტორიკოსთა მცირე ცნობები, არქეოლოგიური მონაცემები და თქმულებები ქართველი ტომების დაწინაურებაზე მიგვითითებენ როგორც თავიანთ პირველ საცხოვრისში, ასევე აქაც, საქართველოს დღევანდელ ტერიტორიაზე. ყოველივე ეს კი გვაძლევს შესაძლებლობას ვიმსჯელოთ სხვადასხვა დარგის ხელოსნობისა და ხელოსანთა არსებობის შესახებ უფრო შორეულ ისტორიულ წარსულში, ვიდრე იმ პერიოდში (V—XII ს. ს.), რომელიც ჩვენი კვლევის საგანს შეადგენს.

## თ ა ვ ი I

### ხელოვნისა და ხელოსნობის აღმნიშვნელი ტერმინებისათვის

ხელოსნობა, როგორც აღვნიშნეთ, ქართველ ტომებში უძველეს ხანაშიაც საკმაოდ ცნობილ საქმეს წარმოადგენდა. თვით ხელოსნისა და ხელოსნობის აღმნიშვნელი ტერმინები შედარებით უფრო გვიან გვხვდება. ის, რაც დღეს ჩვენ „ხელოსნობისა“ და „ხელოსანის“ ცნებებში გვესმის, ძველ ქართულ წერილობით ძეგლებში სხვანაირად იყო გააზრებული და თვით ხელოსნობის აღმნიშვნელად უფრო სხვა ტერმინი იხმარებოდა.

„ველოსანი“ ძველ ქართულში თანამდებობის პირს აღნიშნავდა. ამავე მნიშვნელობით იხმარებოდა „მოკველც“. X ს. ერთ-ერთ გუჯარში ვკითხულობთ: „მითავისუფლებიან ყოველთავე ველოსან-

<sup>16</sup> В. Л а т ы ш е в, Известия, I, вып. I, гл. 139.

თავან: მოლაჩეთავან, მეულუფეთა, მეჯინბეთა, მეგორეთა, ყო-  
ველთავე დარბაზით გამოსულთა კელოსანთავან“ (შიომღვ. საბუთ.,  
გვ. 3). ხოლო მოველეთა შესახებ თამარის ისტორიკოსის ნათქვამი  
აქვს: „და სრულ ყვეს მოველეთა სუიანთა და დიდებულთა ვარდა-  
ნის ძეთა, საღირის ძეთა და ამანელის ძეთა მოღებამ და დაღებამ  
კრმლისამ“ (ისტ. და აზმანი, გვ. 74, 28—30). თანამღებობის პირის  
მნიშვნელობით აქვთ ნახმარი „გელოსანი“<sup>1</sup>. დავითის ისტორიკოსის  
(საბინინი, გვ. 322), „იოანე და ექვთიმეს ცხოვრების“ ავტორის (სა-  
ბინინი, გვ. 419, 420; ათ. კრებ., გვ. 39, 41), „პეტრე იბერიელის  
ცხოვრების“ ავტორის (პეტრე იბერი, გვ. 39, თ. 493-4) და სხვ. XIV  
საუკუნეშიაც ამ ტერმინს თავისი შინაარსი შეუცვლელად აქვს შე-  
ნარჩუნებული და „ველმწიფის კარის გარიგებაშიაც“ „გელოსანი“  
სამეფო მართვა-გამგეობაში მონაწილე პირს ეწოდება: „სხვანი კე-  
ლისუფალნი და გელოსანნი სასახლის დიდებულნი ჩასხდებიან“  
(ბ. კ. ვარ., 18412-413). ამრიგად, შემომოყვანილ ამონაწერებში „ვე-  
ლოსანი“ და „მოველენი“ ეწოდებათ „იმ თანამღებობის პირთ, რო-  
მელნიც მეფის ბრძანებისა და კანონის აღმასრულებლნი იყვნენ  
და სამეფო მართვა-გამგეობაში ემგებებოდნენ“<sup>1</sup>.

იმას კი, ვინც „ნივთთა შეკმზადებს და სახლთა აშენებს და  
სხუთთა თითოფერთა კაცობრიეთა საჯმართა მოქმედებათა სრულ  
ჰყოფს“, ზოგადად „მოქმედი“ ანუ „საქმის მოქმედი“ ეწოდებოდა.  
ძველი ქართული წერილობითი ძეგლებს მიხედვით „მოქმედი“  
ეწოდებოდა ამა თუ იმ ხელობის, ამა თუ იმ საქმის მცოდნეს, რო-  
გორც უნდა ყოფილიყო ის საქმე. ერთი სიტყვით, „მოქმედი“ მკე-  
თებელს, მუშაკს შეესატყვისებოდა: „დაადგინნეს იგინი...ვენახის  
მოქმედად და რომელნიმე ეტლთა თვსთა მოქმედად“ (მეფეთა, 1, 812).  
„საქმეთა მოქმედში“ ხელოსნობის ყოველი წარმომადგენელი იგუ-  
ლისჩნებოდა და ზოგადად ისინი ამ სახელით ეწოდებოდნენ: „შეიძი-  
ნე სიპრავლე, — გკითხულობთ „ნეშტთა წიგნში“, — „მოქმედთა  
საქმისათა: კელოვანნი, მაშენებლნი ქვსანი, ხის მოქმედნი და ყო-  
ველნი ბრძენნი ყოველთა შინა საქმეთა“ (ნეშტთა, 1, გვ. 15). „მოქ-  
მედად“ ეწოდებოდა მიწის მუშაც („ქუეყანის მოქმედი“ — შრა-  
ვალთავე, გვ. 18), მოთამაშეც („სიმღერის მოქმედი“ — ელინთა  
ზღაპრობანი, გვ. 45), და თვით პოეტიც კი („ომიროს სიტყვს-მოქ-  
მედი“ — იქვე, გვ. 37; შდრ. იქვე, გვ. 44, 45).

ხელოსნებს საზოგადოდ მოქმედთავან განსხვავებული სახელი  
გააჩნდათ. ისინი თავდაპირველად, ჩვენი აზრით, ზოგადად „ხურო“-დ

<sup>1</sup> ივ. ჯავახიშვილი, ქართული სამართლის ისტორია, II, გვ. 108.

იწოდებოდნენ. როგორც წყაროებიდან ირკვევა, „ხურო“ ხელოსანს შეესატყვისებოდა, ხოლო, როგორც ქვემოთ დავინახავთ, იგი შემდეგ შედარებით შეიზღუდა და მხოლოდ მაშინებულ ხელოსანთა სახელად იქცა; იმავე დროს იგი უფრო სპეციალური შინაარსის მატარებელიც იყო.

„დაბადების“ ქართული თარგმანის მიხედვით „ხურო“-დ იწოდებოდა ხელოსანობის ყოველი დარგის წარმომადგენელი — როგორც მქსოველი, ასევე მკედელი და ოქრომკედელიც: „მაჰა მისი იყო კაცი ტკრონელი, ხურო რვალისა და სავეგ კელოვნებითა და შეცნინიერებითა და გულისხმისყოფითა ქმნად ყოვლისა საქმარისა რვალისა“ (მეფეთა, 111, 714). როგორც ვხედავთ, „კაცი ტკრონელი“ იწოდება „ხუროდ რვალისა“ და არა მკედლად რვალისა, როგორც ეს შემდეგდროინდელ ძეგლებში გვხვდება. „დაბადების“ ცნობილ ადგილას, სადაც თობალოს შესახებ არის საუბარი, მკედელი რვალისა და რკინისა „კვერით-ხურო“-დ იწოდება: „ხოლო... დღებელ ესე იყო კვერით ხუროდ მკედელი რვალისა და რკინისა“ (წმოსე, I, 422). მკედლობის სხვა დარგის წარმომადგენელიც აგრეთვე „ხურო“-დ არის წოდებული „დაბადების“ სხვა ადგილებში: აღივსო იგი სულითა საღრმითთა სიბრძნისა და გულისხმისყოფითა ყოველსავე ზედა ხუროთ მოძღვრებისა მოძღურებად; საქმედ ოქროსა მას და ვერცხლისა და რვალისა და ანთრაქისა მას ხუროდ და საქმედ ძელისა მას და ყოვლისა საქმესა სიბრძნისასა“ (მოსე, II, 3527-29). ამგვარად, ოქროს, ვერცხლისა და რვალის მოქმედების მცოდნე, მასწავლებელი ხუროთმოძღვრად იწოდება; ასევე ანთრაქის მოქმედი და ძელის მოქმედიც ხუროდაა წოდებული. „დაბადების“ თარგმანის სხვა ადგილას კი ქსოვის საქმის ხუროთმოძღვარიცაა დასახელებული: „და ლიას... ხუროთმოძღურებდა ქსოვილსა მას, დანემსულსა და ჭრელსა ქსოვად მუწამულისა და ზეზისა“ (მოსე, 11, 3717). ქსოვის საქმის მცოდნე, ამდენად, ხუროდ უნდა წოდებულიყო. „დაბადების“ თარგმანის გარდა, სხვა მასალებიც აღასტურებს ჩვენს მოსაზრებას. X—XI ს.ს. ძეგლებში „ხურო“ აგრეთვე ხელოსანთა ზოგად სახელს წარმოადგენს. X ს. ერთ-ერთ ხელნაწერში ვკითხულობთ: „ვითარცა იგი ხურომან პოვის ნივთი უსაჰმარტსად და უმარტუტსად შექმნის“ (მრავალთავი, გვ. 44). „ხურო“ ამ შემთხვევაში ზოგად სახელადაა ნახშირი ყველა იმათ აღსანიშნავად, რომელნიც რაიმე ნივთისაგან (რაც უნდა იყოს იგი) სხვადასხვა საგანს აკეთებდნენ. ეს უფრო ნათლად აგრეთვე X ს. ძეგლში — „იერუსალჴმის წარტყვენვაში“ ჩანს: „და რაჟამს გამოვიდეს დამალულნი იგი, მოუწოდა მათ მთავარმან მან და იწყო კითხვად

ყოველსა ერთსა, ვითარმედ რამ ხუროობა იცით. და ვითარცა წარმოთქუა კაცად კაცადმან საქმე თვისი, ბრძანა, რათა გელოვანნი იგი ხუროებითა განარჩივნეს კიდე, რათა წამოყვანნეს ტყუედ სპარსეთად“ („წარტყუენვამ“, ითა-გ). აშკარაა, რომ აქ „ხუროება“ ხელობას უდრის და ამდენად ზელოსანიც „ხუროდ“ უნდა წოდებულყო. დასასრულ, ხურო რომ ზელოსან-მოქმედთა ზოგად სახელს წარმოადგენდა, ამას „განძთა ქუაბიდან“ ერთი ამონაწერიც ცხადყოფს: „და შემზადე სარეკელი ძელისაგან ჯუარისა, რომელ არს ურთხელი... და რეკე სამგზის დღესა შინა, ერთი დილას, რათა შემოკრბენ ხურონი და სხუა შუადღე ყამსა სამზრისასა და კუალად მწუხრი რათა წარვიდნენ მოქმედნი“ (მ. დედ. ქ. ცხზა, 805გ-10). „ხურონი“ ამ შემთხვევაში მოქმედით ეთანაბრება. ცხადია, „მოქმედებში“ მარტო მაშენებელი ხელოსნები არ იქნებოდნენ ნაგულისხმევი. მასში ალბათ სხვა დარგის ხუროებიც იგარაუდებიან.

ყოველივე ზემოთქმულის შემდეგ ვერ გავიზიარებთ აკად. ნ. მარის მტკიცებას იმის შესახებ, რომ ძველად „ხუროს“ ჰქონდეს მხოლოდ „მხატვრის“ მნიშვნელობა და რომ საერთოდ იგი მაშენებელი ხელოსანს ჰრქმოდეს. უძველეს ხანაში, წერს მარი, ხურო ნიშნავს მხატვარს... საერთოდ კი არის მშენებელი ოსტატი ან ხუროთმოძღვარი<sup>2</sup>. ჩვენი აზრით, ქართული ხურო იმგვარსავე როლს ასრულებდა, როგორსაც გერმანული «Schmied». «Schmied» თავდაპირველად საერთოდ ხელოსანს აღნიშნავდა და არა მარტო მკვედელს. ხელოსნობის სხვადასხვა დარგების წარმოშობის შემდეგ «Schmied» გამოყენებული იქნა, როგორც მაწარმოებელი ამა თუ იმ ხელობის სახელისა: «Steinschmied» (ქართ., „ქვთხურო“), «Schuhschmied» („მეკამლე“), «Tuchschmied» (მაულის მქსოველი) და სხვ.<sup>3</sup> ამგვარადვე, ქართული „ხურო“-ც, როგორც ხელოსნობის აღმნიშვნელი ზოგადი ტერმინი, გამოყენებული იყო სხვადასხვა ხელობის სახელთა საწარმოებლად: „კვერითხურო“ ანუ „ხურო რვალისა და რკინისა“ (მკვედელი), „ქვთხურო“ ანუ „კირითხურო“ (კალატოზი), „ძელითხურო“ ანუ „ხითხურო“, „ხურო ანთრაქისა“ (ძვირფას თვალთა დამმუშავებელი) და სხვ.

ხელობის, ხელოსნობის აღმნიშვნელად „ხუროს“ პარალელურად იხმარებოდა „ველოსანი“ და ისიც, როგორც „ხურო“, ხელოსანს ნიშნავდა. „ველოსანი“ ხშირად გვხვდება ძველ ქართულ წერილობით ძეგლებში და უმთავრესად იგი ხელოსანს აღნიშნავს. „და-

<sup>2</sup> Н. Марр, ТР, IX, გვ. 5, შენიშვნა 4.

<sup>3</sup> И. М. Кулишер, История экономического быта Западной Европы, I, 1926, გვ. 72.



ბადების“ ქართულ თარგმანში კერძთა გამოქმანდაკებელი და გამოქმენი „ველოან“-ად იწოდებოდა: „წყეულ იყავნ იგი კაცი, რომელმან ქმნეს კერპნი გამოქმანდაკებულნი ქმნულნი კელითა ველოვანისათა“ (მეორე სჯულისა, 2714). ამგვარ გაგებას „ველოვანისას“ არაერთგან ვხვდებით „გიორგი მთაწმინდელის ცხოვრებაში“. აქ ოქროს მომღებელს და საერთოდ ყოველგვარი ხელობის მცოდნეს „ველოანი“ ეწოდება: „ოქროს მომღებულსა მას ველოსანსა“ (ცხბა გი მთწმ., საბინინი, გვ. 458; ათ. კრებ., გვ. 310). ან კიდევ: „უკეთუ არა პოსს ველოსანმან ნივთი შემსგავსებული საქმისა თუსისა, ვითარ გამოაჩინოს ბრწყინვალება საქმეთა თუსთა“ (იქვე, საბინინი, გვ. 450; ათ. კრებ., გვ. 298). მხატვარნიც, ხელობის ამ დარგის წარმომადგენლებიც, კ ე ლ ო ვ ნ ე ბ ა დ იწოდებიან: „და ვრ მოვიდეს ველოვანნი იგი, პრქუა მათ წმინდამან თეოდოსია, ეგოდენი ოქრო მიიღეთ, რაჲსა ესრტთ უშუერად გამოხატეთ აპოლონი. და პრქუეს: დედოფალო თეოდოსია, რაოდენი ძალი იყო გონებასა ჩუენსა და მეცნიერება ველოვანისა, ეგოდენ შეუძლეთ განშუელება აპოლონისი“ (კიმენი, 1, 151ვ-ფ). „ველოვანი“, როგორც აქედან ჩანს, ეწოდება არა მარტო იმას, ვინც თავისი ოსტატობით განთქმულია, არამედ იმასაც, ვინც „უშუერად“, არაწესიერად აკეთებს შეკვეთილს, ე. ი. ცუდ ხელოსანსაც. ხელოსნის მნიშვნელობით გვხვდება „ველოანი“ ფილექტიმონის წამების სხვა ადგილებშიაც (იხ. იქვე, გვ. 149, 150, 151 და სხვ.). „ველოვანის“ ამგვარ გაგებას ვხვდებით აგრეთვე გიორგი მონაზონის „ხრონოლორაფიცი“: „პტოლემეოს შეკრიბა ველოვანნი, რათა შემზადოს ანდრიანტი არტემიდისაჲ“, და, როცა ყოველივე გააკეთეს, „წარწყმიდნა ველოვანნი, რათა კელითუქმნელობისა სახელი მოუგოს მის მიერ დმრთად-ზმნობილსა მას“ (ხრონოლორაფი, 309<sup>11-16</sup>). ამავე მნიშვნელობით იხმარება იგი წმ. გიორგის ვერცხლის ხატის ერთ წარწერაში: „მოიჭედა წ<sup>ა</sup> ესე ხატი მამასახლისობასა ვახტანგ ლომანაჲს ძისა და გამოილო ოცისა დრაპქნის საქონელი მისისა ველოვანთაჲ მისაცემლად“ (Матер. по арх., გვ. X, შენ. 34).

„ველოვანი“ ზოგჯერ იხმარებოდა არა საერთოდ ხელოსანთა აღმნიშვნელად, არამედ მხოლოდ ისინი იწოდებოდნენ „ველოვნებად“, რომელნიც თავიანთი ხელობით განსაკუთრებულ ყურადღებას იპყრობდნენ, ე. ი., ვინც ძლიერ დახელოვნებულნი იყვნენ ამა თუ იმ საქმეში. ამგვარი გაგებით იხმარებოდა იგი XVIII ს. და ასეთი შინაარსი აქვს მას დღესაც. „ველოვანის“ „დახელოვნებულის“ მნიშვნელობით ხმარების არაერთი მაგალითი გვხვდება ძველ ქართულ წერილობით ძეგლებში, მაგრამ ჩვენ აქედან მხოლოდ რამდენ-

ნიმეს დავასახელებთ. მაგ., გვხვდება „მენავეთ მოძღუარი კელოვანი“ (ცნბა გ ი მ თწმ., საბინინი, გვ. 467, 471; ათ. კრებ., გვ. 327; შდრ. „ილარიონ ქართველი“, ათ. კრებ., გვ. 94). ან კიდევ: ივლიანე იყო „მკურნალი კელოვანი, რ არა ხოლო თუ წამალთა შეზავებითა ჰკურნებდა სენსა კაცთასა“ (კიმენი, 1, 119<sub>ა-გ</sub>). ივლიანე უბრალო მკურნალთაგან იმით განირჩეოდა და იმიტომ ეწოდებოდა მას „მკურნალი კელოსანი“, რომ იგი არა მარტო „წამალთა შეზავებითა ჰკურნებდა სენსა კაცთასა“, არამედ მას სხვა, განსაკუთრებული საშუალებაც გააჩნდა ალბათ. ამა თუ იმ საქმეში დახელოვნებულთა მნიშვნელობითაა ნახმარი „კელოვანი“ „ბაგრატ ტავრომენელის ცხოვრებაში“: „ხოლო მე მოუწოდე კელოვანთა ჭვის ზურათთა და მივეც საფასე ჭერისაებრ“ (ბაგრატ ტავრომენელი, გვ. 108). ამგვარადვე ხმარობს „კელოვანს“ ვახუშტი ბატონიშვილიც: „კანეთში „კაცნი არიან კელოვანნი ზის მუშაობითა და შენებითა ნავთათა, დიდთა და მცირეთა“ (ვახუშტი, აღწერა, 142<sub>31-32</sub>)<sup>4</sup>. მაგრამ, რომ „კელოვანი“ მხოლოდ კარგად მკეთებელს არ ეწოდებოდა და რომ იგი აგრეთვე ხელოსანთა ზოგადი სახელიც იყო, ამას, გარდა ზემოთქმულისა, ტერმინ „ჰავკელოვანის“ (ხრონოლორაფი, 283<sub>24</sub>) ხმარებაც ადასტურებს. „ჰავკელოვანი“, ცხადია, „ავხელოსანს“ ე. ი. ცუდ ხელოსანს ეთანაბრება.

„ხელოსნის“ აღმნიშვნელ ტერმინად, გარდა „ხურო“-სა და „კელოვან“-ისა, უნდა ხმარებულყოფიყო თვით „კელოსანი“-ც, არა როგორც თანამდებობის პირის აღმნიშვნელი, არამედ მის პარალელურად, სახელად „მოქმედთა თითოფერთა კაცობრივთა სახმარათა“. მაგრამ იგი უფრო იშვიათად იხმარება და ძირითად ტერმინად შიინც არ შეიძლება მივიჩნიოთ. „კელოსნობა“ რომ „კელოვნების“ მაგივრად იხმარებოდა და რომ ამგვარი ტერმინის ხმარება ხელოვნის მნიშვნელობით შესაძლებელი იყო, ამას ცხადჰყოფს გიორგი მონაზონის თხზულების ქართული თარგმანის სხვადასხვა ვარიანტებში „კელოსნობისა“ და „კელოვნების“ ერთი და იმავე მნიშვნელობით ხმარება. იმ ვარიანტში, რომელიც პროფ. ს. ყაუხჩიშვილს დაბეჭდილი აქვს, იკითხება: იყო იგი „მკედრობისა და კელოსნობისა და აგარაკთა და ვაჭრობათა და სხვასა სამოქალაქოდას ჩვეულებისა კეთილად და ღმრთის-მსახურებით მზრუნველობისა რწმუნებული“ (ხრონოლორაფი, 111<sub>14-16</sub>). ხოლო, ს. ყაუხჩიშვილისავე მითითებით, „ხრონოლორაფის“ ქართული თარგმანის „C“ ვარიანტში კი „კელოსნობისას“ მაგივრად „კელოვნებისა“ იკითხება (იხ. იქვე, შენიშვნა).

<sup>4</sup> ასევე ესმოდა იგი ს. ორბელიანს: „კელოვანი—საქმის კეთილად მოქმედი“.

ეპქს გარეშეა, რომ „კელოსნობა“ ზემომოყვანილ ამონაწერში ხელობის მნიშვნელობითაა ნახმარი და ცხადი ხდება აგრეთვე, რომ „კელოსნობის“ ხმარება „კელოვნების“ მნიშვნელობით შესაძლებელი იყო. თუ ხელობის მნიშვნელობით „კელოსნობა“ იხმარებოდა, მაშინ „კელოვანის“ მაგივრად „კელოსანიც“ უნდა ხმარებულყო. მაგრამ პირდაპირი მითითება ამ მხრივ ჩვენ არ გვაქვს.

ნ. ბერძენიშვილის ამოკითხვით „კელოსანი“ იხსენიება ფოკათა ეკლესიის XI ს. წარწერაში: „[სა] თა ლთა მე ბვერელი ღრს ვიქმენ შებ[სა] წაჲს აშს ექსა საფდლი [დაიდ] ვა მე თნა დავშრ ვე [.....] ი ვყვ ოქროპირსა ქკზისა“. ქარაგმების გახსნით მოყვანილი წარწერა შემდეგნაირ სახეს იღებს: „სახელითა ღმრთისაჲთა მე ბავრელი ღირს ვიქმენ შენებისა წმინდაჲსა ამის ეკლესიისა. საფუძველი დაიდვა, მე თანადავშუერ, კელოსანი ვიყავ ოქროპირისა ქართლისა კათალიკოზისა“ (ნ. ბერძენიშვილი, მცხეთის საბუთი, გვ. 258). ნ. ბერძენიშვილის მითითებით აქ „კელოსანი“ მოხელის, თანამდებობის პირის მნიშვნელობითაა ნახმარი, ე. ი. ბავრელი ოქროპირ ქართლის კათალიკოზის მოხელე, კერძოდ, ეკლესიათა მშენებლობაზე მზრუნველი და მეთვალყურე, საგანგებო თანამდებობის პირი ყოფილა. ამ მოსაზრების დამადასტურებლად პროფ. ნ. ბერძენიშვილს ბავრელის ქართლის კათალიკოსთან მოხსენიება მიაჩნია. მისი აზრით, მშენებელი ოსტატი ვერ გაბედავდა თავისი თავი ისეთი დიდი ადამიანის გვერდით მოეხსენიებინა, როგორც ქართლის კათალიკოსი იყო. ჩვენი აზრით, ამ წარწერაში სწორედ მაშენებელი ხელოსანი—ბავრელია დასახელებული; წამწერელი ამბობს: „საფუძველი დაიდვა, მე თანა დავშუერ“-ო, ე. ი. მას თვით მიუღია მონაწილეობა ეკლესიის მშენებლობაში. გარდა ამისა, ჩვენ არავითარ შემთხვევა გვაქვს წარწერებსა და მინაწერებში ხელოსან ოსტატთა მოხსენიებისა მათ პატრონთა გვერდით. მაგ., ერთ წარწერაში, სადაც მეღქმისდეკ კათალიკოსია მოხსენიებული, სამირონეს განმანახლებელი კალატოზებიც არიან აღნიშნულნი. (იხ. Натроев, Свети-Цховели, გვ. 178). ასევე ანანია მხატვარი თავის თავს ამირსპასალარ ყუარყუარეს ძეთა ბაადურისა და ქაიხოსროს გვერდით იხსენიებს (იხ. М. Джанашвили, Опис., III, გვ. 62, 63). ასე რომ, ხელოსანი ოსტატები ხშირად არიან მოხსენიებულნი თავიანთ პატრონებთან. შესაძლებელია, თვით ტერმინ „კელოსანი“-ს ხმარება იმაზე მიგვიითთებდეს, რომ აქ სწორედ „კელოსანი“ თანამდებობის პირზეა ლაპარაკი, რადგან „კელოსანი“, როგორც აღვნიშნეთ, ძირითადად ამგვარ შინაარსს ატარებდა. მაგრამ, წარწერის „ქე(. . . . .)“-ის „კელოსნად“ ამოკითხვა შეიძლება საეკვოდ მივიჩნიოთ და მის მაგივრად „ქე[ლოვანი]“ ამოვიკითხოთ,

რაც, როგორც ვთქვით, ოსტატს შეესატყვისებოდა. ამგვარი ამოკითხვა წარწერის შინაარსს არ შეეცვლის და იმის დამამტკიცებელი იქნება, რომ ბავრელი ოქროპირის „პელოვანი“ ანუ მაშენებელი ოსტატი ყოფილა. „პე(.....)ი“-ს „პელოსნად“ წაითხვაც XI ს. წარწერაში შესაძლებელი ხდება, რამდენადაც ამაზე აღრეც, როგორც ეს ზემოთ გვქონდა ნათქვამი, „პელოვნების“ მაგივრად „პელოსნობა“-ც იხმარება და ამიტომ „პელოსანის“ ხმარება ოსტატის მნიშვნელობით ამ დროისათვის დასაშვები ჩანს. ამრიგად, ფოკათა ეკლესიის ზემომოყვანილ XI ს. წარწერაში „პელოსანი“, მაშენებელი ოსტატი, არის მოხსენიებული.

ვახუშტი ბატონიშვილი „პელოსანს“ უკვე გარკვევით ოსტატის მნიშვნელობით ხმარობს: „ხუროთმოძღვარი, ამის ხელისა იყო: სრულიად კ ე ლ ო ს ა ნ ი და შ ე ნ ო ბ ა ს ა ს ა ხ ლ ე თ ა და ე კ ლ ე ს ი ა თ ა, ხ ი დ თ ა, ფ უ ნ დ უ კ თ ა“ (აღწერა, 17<sup>27-28</sup>). ან კიდევ: გუდამაყარში არიან „ქალნი მგზავსნი მთიულთა, კელოსანნი, მშვილდთმოქმედნი, აკეთებენ რქისაგან მჭიხვისა, თხისაგან და გართაგან“ (იქვე, 65<sup>19-21</sup>)<sup>5</sup>.

როგორც ცნობილია, „ხელოსანი“-ს მნიშვნელობით თანამედროვე ქართულში „ოსტატი“-ც იხმარება. „ოსტატი“ ძველ ქართულ წერილობით ძეგლებშიაც გვხვდება, მაგრამ მას, როგორც ჩანს, სრულიად სხვა შინაარსი ჰქონდა. „ვისრამიანში“ ვკითხულობთ: „თუ ყოველთა გრძნულთა ოსტატი შენ ხარ, ვირო ჩემი პატრონი და ქმარი არის“ (ვისრამ., გვ. 28). ან კიდევ: „საყუარლობისა საქმითა ყოველთა გრძნულთა ოსტატი ხარ“ (იქვე, გვ. 83). პროფ. ი. აბულაძის მოწმობით, საშუალო ირანულით „ო ს ტ ა ტ“, ახალი ირანულით „ო ს ტ ა დ“ ანუ „უ ს ტ ა დ“ ქართულ თავს, უფროსს, მოძღვარს, მასწავლებელს შეესატყვისება (იხ. ვისრამ. ლექსიკონი). „გრძნულთა ოსტატი“ გრძნულთა თავს, უფროსს უდრის. ასე რომ, ოსტატი ძველად სულ სხვა შინაარსის მატარებელი იყო. XVII ს. კი, როგორც მანგლისის ეკლესიის ერთ-ერთი წარწერიდან ჩანს, „ო ს ტ ა ტ“-ს უკვე „ხ ე ლ ო ს ა ნ ი“-ს მნიშვნელობა ჰქონდა: „ქ. ღ-თო შეიწყალე ამისი ამშენებელი მანგლელ ეფისკაპოზი არსენ ოსტატი თებრ. გ ქ-კ ს ტ ნ ე“ (= 1667 წ.) (ა. შანიძე, მანგლისის წარწერები, გვ. 235; E. Такайшвили, Арх. экск., 14, გვ. 140).

ამრიგად, ძველ ქართულ წერილობით ძეგლებში ხელოსანი თავდაპირველად „ხურო“-დ იწერებოდა, შემდეგ „პელოვნად“ და

<sup>5</sup> „პელოსანი—ხურო, გალატოზი, ხარაზი, მკერვალი და ყოველი ესევეთარი“—ს. ორბელიანი, ქართ. ლექსიკონი.

„ველოსნად“, რომელსაც უფრო გვიან ზოგჯერ ირანული წარმოშობის „ოსტატი“-ც სცვლის.

ხელოსანთა საქმეს, ხელობას ძველი ქართულით „ველოვნება“, „პელი“ და ზოგჯერ „ველთსაქმანი“-ც ეწოდებოდა. ამასთან, უფრო გავრცელებული „ველოვნება“ იყო. „პელს“ სხვა მრავალი მნიშვნელობაც ჰქონდა, ხოლო „ველთსაქმარი“ უფრო სპეციალური მნიშვნელობის საქმის სახელად იყო გამოყენებული. ამდენად, ძველი ქართულის „ველოვნება“ თანამედროვე „ხელობის“ აღმნიშვნელ ერთ-ერთ ძირითად ტერმინად უნდა მივიჩნიოთ.

ამა თუ იმ ხელობის მცოდნეს ძველად „ველოვნებისა მეცნიერი“ („წამება ფილექტიმონისი“, კიმენი, 151<sub>18</sub>) ეწოდება. ცხადია, ყოველი ხელოსანი თავისი დარგის მცოდნე ანუ „ველოვნების მეცნიერი“ იყო. წერილობით ძეგლებში მრავლად გვხვდება „ველოვნების“ ამა თუ იმ სახის დასახელება. მაგ., იყო „ველოვნება ხუროებისა“ (ტიმოთეს ცხბა, 48<sub>19</sub>; 59<sub>59</sub>—30; 51; 60<sub>4</sub>, 6), „ველოვნება მჭედლობისა“ („ველოვნებათა მჭედლობისა თვისსადათა“... ელინთა ზღაპრობანი, გვ. 41), „ველოვნება ნელსაცხებლისა“ („და აქუნდა მათ ველოვნებაჲ საქმედ ნელსაცხებლისა და საკუმეველისა და მოიგებდეს საზრდელსა მათსა ველოვნებითა მით“—ცხბა სუმ. მესუეტისაჲ; კიმენი, 1, 216<sub>17</sub>—19; შდრ. Март, Опис.; გვ. 46), „ველოვნება ოქროსა გამოდნობისაჲ, რომელსა ეწოდების ქიმიჲ“ (ბაგრატ ტავრომენელი, გვ. 96), „ხელოვნებაჲ მწიგნობრობისაჲ“ (თეოფანე ხუცესი იყო „ველოვნებით მწერალი წიგნთა საღმრთოთა“—იოანე და ექვთ. ცხბა; საბინინი, გვ. 427; ათ. კრებ., გვ. 97) და სხვ. ხელობის აღსანიშნავად რომ „ველოვნებაჲ“ იხმარებოდა, ამას, გარდა ზემომოყვანილი ამონაწერებისა, „სერაპიონ ზარზმელის ცხოვრების“ ერთი ადგილიც ცხადჰყოფს: „რამეთუ ველოვნებით განთქმულსა კაცსა მოუწოდა მიქელ ქუეყანისაგან ბერძენთაჲსა“ (სრპ. ცხბა, 179<sub>25</sub>—28); მიქაელმა ხელობით ანუ „ველოვნებით“ განთქმული კაცი მოიხმო.

ყოველი ხელობა, როგორც უნდა ყოფილიყო იგი, „ველოვნებად“ იწოდებოდა. იყო, მაგ., „ხელოვნება თევზაობისა“, ხოლო იმას, ვინც ამ საქმის მეცნიერი იყო, „ველოვნებით მეთევზური“ ეწოდებოდა: „ველოვნებით იყო მეთევზური; ხოლო დაღაცა თუ შექცეულიყო ველოვნებასა მას თევზაობისაჲსა და მისგან მოიღეწდა სახმარისა მას კორციელისა ცხოვრებისაჲსა“ (ანდრია მოციქ. ცხბა; საბინინი, გვ. 25; შდრ. იოანე ღვთისმეტყველის ცხბა; ათ. კრებ., გვ. 112). მიწის მოქმედება ველოვნების ერთ დარგს წარმოადგენდა. ტიმოთეს მშობლებს „ველოვნებად აქუნდა საქმე ქუეყნისა“ (ტიმო-

თვის ცხება, 4819). „ველოვნება“ ხელობის მნიშვნელობით გვხვდება „ვეფხისტყაოსანშიაც“. ნესტანი ეუბნება ტარიელს:

„შენ გასტეხე ფიცი ჩემი, სიმტკიცე და იგი მცენება,  
ღმერთმან ქმნას და დაგირჩინო ცუდად შენი ხელოვნება“...  
(525-ე).

აღსანიშნავია, რომ ვახტანგ VI-ს „ვეფხისტყაოსნის“ „თარგმანში“ „ველოვნება“ ხელობად აქვს განმარტებული: „ველოვნება რაცრა ფერი კაცმან რომ იცოდეს და იქმოდეს იმას ჰქვან“ (ვახტანგისეული „ვეფხისტყაოსანი“, თბ., 1937. გვ. ტლ).

„ველოვნება“-მ, როგორც ხელობის აღმნიშვნელმა ტერმინმა, თითქმის უცვლელად შეინარჩუნა თავისი შინაარსი. ვახუშტი ხელობის მაგივრად იმავე მნიშვნელობით „ველოვნება“-ს ხმარობს. „ოვსეთში“, წერს ის, „უწყიან ველოვნებანი ტყავისა, ქსოვა შალისი, თელვა, კეთება ნაბღისა კარგისა. იციან მჰედლობა, ზეინკლობა“ და სხვ. (აღწერა, 11120-25). აღსანიშნავია, რომ ვახუშტის „აღწერის გამოცემულთ — ნ. ბერძენიშვილსა და თ. ლომოურს ვახუშტის მიერ ნახმარი „ველოვნება“ გაგებულნი და თარგმნილი აქვთ „ხელობად“, „ხელოანობად“ (იხ. იქვე, ლექსიკონი). მართო ის გარემოება, რომ ძველად ხელობის მნიშვნელობით „ველოვნება“ იხმარებოდა, ცხადჰყოფს, რომ ხალოსანს „ველოვანი“ უნდა ჰქმნებოდა.

როგორც აღვნიშნეთ, ზოგჯერ ხელობის აღმნიშვნელად „ველთსაქმარი“-ც იხმარებოდა: „და აქუნდა მას კელსაქმარი მწერლობისაჲ“, ნათქვამია „გრიგოლ ჰრომთა პაპის ცხოვრებაში“ (კიმენი, I, გვ. 127—128). ამასვე ადასტურებს „ივლიანე ემეწელის ცხოვრების“ ერთი ადგილიც: „მაშინ იყო გუამი იგი წდღისა მოწამისა ივნიანჴსი მღებარე ქუბასა მას შინა. და რ ქუაბი იყო ურთისა ვისიმე შეკეცისაჲ და მოვიდა იგი (შეკეცე, შ. მ.) ჩვეულებისამებრ ქუბად რა იქმოდის კელთ-საქმარსა თუქსა და პოვა გუამი იგი წმიდისა (კიმენი, I, 1235-6). მიუხედავად „ველთსაქმარის“ ამგვარი მნიშვნელობით ხმარებისა, იგი მაინც ხელობის აღმნიშვნელ ტერმინად არ შეიძლება მივიჩნიოთ. ძველდაც ხელსაქმარი ძირითადად სწორედ იმას ნიშნავდა, რასაც დღეს ნიშნავს.

ხელობის აღმნიშვნელ ტერმინად გარდა ხელოვნებისა „ველი“-ც იხმარებოდა. მაგრამ მას („ველს“) სხვა მნიშვნელობებიც ჰქონდა: „ველი“ მნიშვნელობით ლათინურ manus—„მანუს“-ს უდრიდა და უფლებასა და საქმეს ეწოდებოდა. აქედან არის ნაწარმოები „ველმწიფე“... „ველისუფალი“<sup>6</sup>. გარდა ამისა, „ველი“ ზოგჯერ პირობის,

<sup>6</sup> ივ. ჯავახიშვილი, ქართული სამართლის ისტორია, II, გვ. 108.

ხელწერილის მნიშვნელობითაც იხმარებოდა: „სახელითა ღვთისაჲ-  
თა ესე ქელი და ვწერეთ ჩვენ კრიხმა სოფელმა...“ (საქ.  
მუზ. მოამბე, VII, გვ. 236).

„კელის“ ხელობის, ხელოსნობის მნიშვნელობით ხმარებას ჩვენ  
ჩერ კიდევ „ევსტათი მცხეთელის მარტილობაში“ ვხვდებით. „მარ-  
ტილობის“ ავტორის სიტყვით ევსტათი მცხეთაში „ისწავლებდა  
ჯელსა მეკამლობისასა“ (ევსტ. მცხეთელი, ს. კაკაბაძე, საისტ. კრებ.,  
III, გვ. 80: საბინინი, გვ. 313). ამ შემთხვევაში გარკვევით ჩანს „ქე-  
ლის“, როგორც ხელოსნობის, ხელობის აღმნიშვნელი ტერმინის,  
მნიშვნელობა და სწორედ ამგვარად აქვს იგი გაგებული და გადათარ-  
გმნილი აკად. ივ. ჯავახიშვილს. მის მიერ შესრულებულ „მარტილო-  
ბის“ გერმანულ თაგრმანში „კელი მეკამლობისაჲ“ გერმანულად  
Das Schuhmacherhandwerk-ად არის თარგმნილი (იხ. Das Marti-  
rium des heiligen Eustatius, 876<sub>20</sub>).

„ქელი“ ხელობის მნიშვნელობით არაერთგან ვხვდებით  
„ამირანდარეჯანიანში“: „ჩემი კელი ომი არის. აწ გავალ ომად მი-  
სად“ (ამირანდარეჯანიანი, 100); „უბადოდ კვება არა კაბუკთა კელი  
არის“ (იქვე, გვ. 119); „თქვენი კელი ეტიკობა არის“ (იქვე, გვ. 149;  
მდრ. იქვე, გვ. 159). „ვისრაშიანშიაც“ იგი აგრეთვე „საქმის“ შე-  
სატყვისად იხმარება: „მაშიგან შესვლა არა მეცნიერთა  
ქელია“ (ვისრაშ., გვ. 175). აღსანიშნავია, რომ თამარის ისტორი-  
კოსს „კელი“ გამოყენებული აქვს როგორც ხელობის, საქმის, ასე-  
ვე თანამდებობის და უფლების აღმნიშვნელადაც. იგი ღვმეტრეს  
შესახებ წერს: იყო „ყოვლითა კელითა მარჯუნასწავლი“ (ისტ. და  
აზმანი, გვ. 67გ); ზოლო ივანე სარგისისძეზე კი აღნიშნავს: უბოძეს  
„პირველად მსახურთ-უხუცესობა, ქელი შინაური და საპატიო“  
(იქვე, 94<sub>33-34</sub>).

„კელს“ XIV ს-შიაც ხელობა-ხელოსნობის მნიშვნელობაც  
ჰქონდა სხვა მნიშვნელობებთან ერთად. ეს ნათლად ჩანს ბანდაიძის  
მიერ 1365 წ. შესრულებული მინაწერიდან: „წყალობითა ღვთისათა  
მომცა, თუნიერ მოძღურისა კელოვნება ესე ვითარი: პირველად  
კელი სწავაჲ კუცობისაჲ; კელი მეორე მწიგნობრობისაჲ; [კელი  
მესამე] წერაჲ კუცურისაჲ; [კელი მეოთხე] შექმნაჲ ეტრატისაჲ;  
[კელი მეხუთე] შეკერვაჲ წიგნისაჲ; [კელი მეექვსე] მხატვრობისაჲ;  
[კელი მეშვიდე] მკერვალობისაჲ; [კელი მერვე] ტყავის კერვისაჲ;  
[კელი მეცხრე] ხუროვნობისაჲ; [კელი მეთათ] ყოვლისა მსოფლიო  
მუშაკობისაჲ“. (Жордания, Опис., II, გვ. 94).

ამრიგად, „კაცობრივთა სახმართა მოკმენნი“ „ხუროლ“, „ხე-

ლოვნად“ და „ხელოსნად“ იწოდებოდნენ. მათ საქმეს ზელოვნება ანუ ხელი ერქვა, ხოლო მათ მიერ შექმნილთ „მონაჯელოვანნი“ (ხრონოლორაფი, 309ჯ) ეწოდებოდა.

## თ ა ვ ი II

### გაშენებელნი და ამაჯის მკათებელნი

#### § 1. შენება და მორად შენება

ძველ ქართულ წერილობით ძეგლებში „შენება“ ანუ „აღშენება“ (ს.რ.ბ. ც.ზა, 150<sub>16-21</sub>; 151<sub>30</sub>; 152<sub>5,13</sub>; 153<sub>8,11</sub>; 155<sub>10</sub>) ძირითადად იმავე მნიშვნელობით ახმარებოდა, როგორც იტალიაში იხმარება.

„აშენება“ უმთავრესად ახლის აგებას ნიშნავდა.<sup>1</sup> ამის შესაბამისად, ვინც აშენებდა, ან შენებას თაოსნობდა, „მაშენებელი“ ეწოდებოდა: „წმიდაო ეკლესიაო, შენნი მუშაკნი და ყოველნი მაშენებელნი შენნი ღლესა მას საშჯლისა დაეფარენ და შეიწყალე“ (Brosset, Voyage, გვ. 2, 11, 168). ამავე მნიშვნელობით იხმარება „მაშენებელნი“ სერაპიონ ზარზმელისა და გრიგოლ ხანძთელის „ცხოვრებებშიაც“ (იხ. ს.რ.ბ. ც.ზა, 150<sub>1</sub>; გრ. ხანძთელი, 3<sub>4-5</sub>). ასევე იკითხება უბისის ერთ-ერთ წარწერაშიც: „მავრიკ მაშენებელი“. ზოგჯერ კი „აშენება“ მხოლოდ გადაკეთებას, განახლებას გულისხმობდა. მაგ., სვეტიცხოვლის ტაძრის გარეთიბჭის წარწერაში მოხსენიებულია მელქისედეკი, „რომელმან მეორედ აღაშენა წმიდა ეკლესია და ბჭი“, მაშინ, როდესაც იგივე მელქისედეკი იმავე ტაძრის აღმოსავლეთი კედლის წარწერაში მაშენებლად მოხსენიებული: „აღშენა ეკლესია ესე...“ (ნ. ბერძენიშვილი, მცხეთის საბუთი, გვ. 282). ცხადია, ეს შემთხვევით, ან კიდევ შეცდომით როდია ჩადენილი. ამგვარი მაგალითები „აშენების“ განახლების, რესტავრაციის მნიშვნელობით ხმარებისა არაერთი მოგვეპოვება. ურბნისის სიონის განმაახლებელი თევდორე თავს მაშენებელს უწოდებს: „დიდება შენდა, ქრისტე, რამეთუ მოჰმადლე თეოდორე ებისკოპოსსა ამის აღმშენება“. ნამდვილად კი, როგორც თვით თევდორე გვამცნობს, „იყო ესე სიონი დაძველებულ უფროს ზომისა: ოთხნა კუთხენა და კონქი ნაპობილ იყვნეს, სვეტი ქტცი (?) დამპალ იყვნეს და მომმადლა ღმერთმა ამის ყოვლისაა აღშენ-

<sup>1</sup> „აშენების“ მნიშვნელობით ძველ ქართულში „გება“-ც გვხვდება: „ტფილისის მკვიდრთა ეკლესიის გება აღ იწყეს“—ამბობს სუმბატ დავითისძე (მ. დედ. ქ. ც.ზა, 339—340).



ნებაჲ“ (ე. თაყაიშვილი, არხ. მოგზ. 1, გვ. 43, 44; შდრ; მ. ბერძენიშვილი, იქვე, გვ. 282—283). როგორც წარწერიდან ჩანს, „აღმაშენებელ“ თევდორეს კი არ უშენებია, არამედ განუხლებია „სიონი დაძველებული უფროს ზომისა“. ამავე ტაძრის 1668 წ. განმაახლებელი დედოფალი მარიამი აგრეთვე „მაშენებელს“ უწოდებს თავის თავს: „აღმაშენე ძირითუთთ აღმოფხვრილი ტაძარი“—ო. ნამდვილად კი ამ ტაძრის პირვანდელი გეგმა და უძველესი ნაწილები, არქეოლოგების მოწმობით, დღემდე დაცულია<sup>2</sup>. „ასე რომ, წერს ნ. ბერძენიშვილი, როგორც თეოდორე, ისე მარიამი ურბნისის სიონის განმაახლებლები, „მეორედ მაშენებლები“ არიან. წარწერებში ისინი „მაშენებლებად“, „აღმაშენებლებად“ იწოდებიან“<sup>3</sup> პროფ. ნ. ბერძენიშვილს, გარდა ამისა, არაერთი საბუთი მოჰყავს თავისი მოსაზრების დასამტკიცებლად (იხ. გვ. 283—284) და ჩვენ ამჟამად სიტყვის გაგრძელება ზედმეტად მიგვაჩნია.

განახლების აღმნიშვნელ ტერმინად გარდა „შენებისა“, რომელიც უმთავრესად „ხაზს უსვამდა განახლების სიდიდეს, მის საფუძვლიანობას“, იხმარებოდა „მეორედ აშენება“ და „ახლად აშენება“. აშოტ კურაპალატი ოპიზის „მეორე მაშენებელად“ იწოდება ერთ წარწერაში: „აშოტ კურაპალატი მეორედ მაშენებელი ოპიზისაჲ და წმიდისა ამის საყდრისაჲ“ ... ე. ი. აშოტმა ამონა, ანდრია, პეტრე და შაკარი მონაზვნების მიერ ერთხელ აშენებული მონასტერი და ეკლესია გადააკეთა. „ქართლის ცხოვრების“ ცნობით, ეს „მეორედ აშენებული“ მონასტერი და ეკლესია გუარამ აშოტის ძეს კიდეც განუხლებია და ისიც „მეორედ მაშენებლად“ იწოდება: „და მოკულა გუარამ, ძე აშოტისი და დამარხეს ოპიზას, მეორედ მისგან აშენებულსა“ (ნ. ბერძენიშვილი, მცხეთის საბუთი, გვ. 285). ამრიგად, განახლებას, გადაკეთებას, რამდენჯერაც უნდა მომხდარიყო იგი, „მეორედ აშენება“ ეწოდებოდა. ხშირად „მეორედ აშენება“ იმგვარივე საქმედ ითვლებოდა და „მეორედ აღმაშენებელი“ — იმგვარივე პირად, როგორადაც „აღმაშენებაჲ“ და „აღმაშენებელი“. „გიორგის თანა მაშენებლისა დაგვრძალეთ, ამბობს გ. მთაწმინდელის ცხოვრების ავტორი, ჭეშმარიტად ვითარცა მეორედ მაშენებელი და შემამკობელი ეკლესიათა“ (ცნება გ. ი. მთაწმ., საბინინი, გვ. 485; ათ. კრებ., გვ. 347). სამართლიანობა მოითხოვს შევნიშნათ, რომ „მეორედ აშენება“ ზოგჯერ ხელახლა აშენებასაც უღრიდა. მაგ., ნ. მარის

<sup>2</sup> ე. თაყაიშვილი, არხეოლოგიური მოგზაურობა სამეგრელოში, გვ. 48; VI, გვ. 14—16; ნ. ბერძენიშვილი, მცხეთის საბუთი, გვ. 283.

<sup>3</sup> იქვე.

მიერ დაბეჭდილი ერთ-ერთი ხელნაწერის ნაწყვეტში ვკითხულობთ: „აღაშენა თჳსა მას ქ'ლქსა პ'ლდ სიონი წ'ჲ, არა მას ვიტყჳ იუსტი-  
ნიანეს (sic) გ'რ აღშენებულსა, ა'დ პ'ლსა მას დიდსა რ'ლი ძვრი-  
საგან დაეცა და ღ'ის მსახურისა მეფისა ისტუნიანეს მ'რ აღშენა  
მეორედ დიდი იგი ტაძარი“ (H. Marr, Опись, გვ. 179).

„მეორედ მაშენებლის“ მნიშვნელობით იხმარებოდა აგრეთვე  
„განახლებით აღმაშენებელი“. სოფრონი, „გვ. ხანძთელის ცხოვრე-  
ბის“ მიხედვით, იყო შატბერდის ეკლესიის „განახლებით აღმაშენე-  
ბელი“: „დიდი სოფრონი სანატრელი მამაა შატბერდისა ეკლესიისა  
განახლებით აღმაშენებელი და უკუნისამდე გვრგვნი მისი“ (გვ. ხან-  
ძთელი, გვ. 12—13). „მეორედ აშენების“ მნიშვნელობით იხმარება  
აგრეთვე „გვ. ხანძთელის ცხოვრებაში“ „კუალად განახლება“ (გვ.  
ით) და „ახლად შენება“ (გვ. ლვ; შდრ. ნ. ბერძენიშვილი, მცხეთის  
საბუთი, გვ. 286).

ამრიგად, ტერმინი „აშენება“ იხმარებოდა როგორც ახლის აგე-  
ბის, ასევე აგებულიის განახლების მნიშვნელობითაც. განახლებას  
გადაკეთებას უფრო „მეორედ აშენება“, „განახლებით აშენება“,  
„კუალად განახლება“ და „ახლად შენება“ ეწოდებოდა, ზოლო ის,  
ვისაც აშენებას ხელმძღვანელობდა, ან ის, ვისი თაოსნობითაც ზღე-  
ბოდა „აშენება“ თუ „მეორედ აშენება“, „მაშენებლად“ და „მეო-  
რედ მაშენებლად“ იწოდებოდა.

„მაშენებლებში“, რომელნიც ხშირად არიან მოხსენიებულნი  
წარწერებში და მინაწერებში, ძირითადად, როგორც ეს მოყვანილი  
ამონაწერებიდან ჩანს, ხელმძღვანელნი, მოთავენი იგულისხმებოდ-  
ნენ, მაგრამ ზოგჯერ „მაშენებელნი“ უშუალოდ მკეთებელი, მშე-  
ნებელი ხელოსნებისა და სხვა მუშაკთა აღმნიშვნელიც იყო.

## § 2. მკითხურო, ხითხურო და ხუროთმოძღვარი

ყველა იმ პირს, რომელიც თავისი შრომით ამა თუ იმ საქმეს ას-  
რულებდა საერო თუ სასულიერო ნაგებობათა მშენებლობაში, „მ უ-  
შ ა კ ნ ი“ და „მაშენებელნი“ ეწოდებოდათ: „წმიდაო ეკლესიაო,  
შენნი მუშაკნი და მაშენებელნი შენნი... შეიწყალე“ (Brosset, Vo-  
yage, გვ. 2, 11, 68). „მაშენებელნი“, ალბათ, იმათ ერქვათ, ვინც  
ეკლესიის თუ სხვ. შენებაში უშუალო მონაწილეობას იღებდნენ.  
„ეკლესიის მ ა შ ე ნ ე ბ ე ლ თ ა გალატოზთა და ხელისუფალთა  
და მზარეთულთა ჩ'თა შ'ს ღ'ნ ა'ნ“ (Brosset, Voyage, 2, IX, 16—17;  
ე. თაყაიშვილი, არხ. მოგზ. სამეგრელოში, გვ. 211—212)—ვკითხუ-  
ლობთ წალენჯიხის ეკლესიის XIV ს. წარწერაში.

„მაშენებელი ხელოსნები კი, როგორც აღვნიშნეთ, „ხურო“—დ იწოდებოდნენ. „ხურო“ მნიშვნელობის შეზღუდვის შემდეგ მაშენებელ ხელოსანთა აღმნიშვნელ ზოგად ტერმინად რჩება. „სუმიონ მესუეტის ცხოვრების“ მიხედვით მშენებლობის საქმის ცოდნას „ხუროებით მეცნიერება“ ეწოდება. („იყო ძმა ესე ბრძენ სიტყუთა ად არა აქუნდა მას ხუროებით მეცნიერება“ — ც“ხ სუმ. მესუეტისა, კიმენი, I, 265<sub>2-4</sub>), „ტიმოთე ანტიოქელის ცხოვრების“ ავტორის სიტყვით „ხუროვნება“ ეწოდებოდა („თუთ ხუროვნება ისწავა“ — ტიმოთეს ც“ხბა, 60<sub>9</sub>), ხოლო მშენებლობის ხელობას — „კელოვნება ხუროებისა“. ტიმოთე შეეცადა, რათა „კელოვნება იგი“ (ხუროებისა) ესწავლა, „რომელ იგი არა უკმარ არს, არამედ ფრიალცა სახმარ მონაზონთათუს“ (იქვე, 59<sub>31-33</sub>). იმათ კი, ვისაც ჰქონდა „კელოვნება ხუროებისა“, „ხურონი“ ეწოდებოდათ. „ხურო“, როგორც მშენებელ ხელოსანთა აღმნიშვნელი ტერმინი, ქვითხუროს, ხითხუროს და მშენებლობის სხვა წარმომადგენელთა (მაგ., ქვის მთლელნი და სხვ.) გამომხატველი იყო. „სუმიონ მესუეტის ცხოვრებაში“ ვკითხულობთ: „იყო კაცი ვინმე ქუთ ხურომ ქალაქისა ხუროთაგან და ავაზაკნი. დაესხნეს მას და მიუღეს ათორმეტი დრაჰკანი შრომით მოგებული“ (კიმენი, I, 304<sub>1-2</sub>). ეს „კაცი ვინმე“, როგორც აქედან ჩანს, ყოფილა ერთი ხუროთაგანი, სპეციალობით „ქუთხურო“. ქალაქის ხუროებში, ჩანს, სხვა დარგის წარმომადგენლებიც შედიოდნენ, რომელნიც ერთ სახელქვეშ — „ხურო“ — ერთიანდებოდნენ. „ხურო“ რომ საერთოდ მაშენებელს ეთანაბრებოდა, ამას ისევ „სუმიონ მესუეტის ცხოვრების“ კიდევ ერთი ადგილი ვეიდასტურებს: „შევიდა იგი (მზაკუარი, შ. შ.) საფუძველსა მისსა და შეძრა იგი ვემდე ვერ შეუძლეს ხუროთა შენებად“ (კიმენი, I, 258<sub>12-13</sub>). მზაკვარმა იმდენად შეძრაო საფუძველი, რომ მაშენებელმა — ხუროებმა ვერ შეძლესო შენება.

„ხურონი“ მაშენებლების მნიშვნელობით არაერთგან გვხვდება: „სერაპიონ ზარზმელის ცხოვრებაში“, სერაპიონი, — ვკითხულობთ იქ, — „იხილვებოდა მდგომარედ ხუროთა (ე. ი. მაშენებელთა, შ. მ.) თანა საეკლესიოთა“ (ს“რპ. ც“ხბა, 170<sub>15-16</sub>). თვით სერაპიონიც იყო მეცნიერი საეკლესიო მშენებლობისა, ე. ი. ხუროობისა: იგი იყო „სხუათავე თანა სათნოებათა მეცნიერ სჯულთა საეკლესიოთა [შენებისათა] და ფრიალ წესითა ხუროობისათა“ (იქვე, 170<sub>6-18</sub>).

„ხურო“ მშენებლობის მნიშვნელობით ნახმარი აქვს ლეონტი მროველსაც. ლ. მროველის სიტყვით, მირიან მეფეს, მისი თხოვნისამებრ, წარმოუგზავნეს „ხურონი ფრიალ მრავალნი“ ეკლესიის ასა-

შენებლად და „იწყეს ხუროთა შენებად ეკლესიისა გარეუბანსა მა-  
ყუალთა მათ ზედა“ (მ. დედ. ქ. ცხბა, 991, 9927-28). ან კიდევ:  
მირიან მეფემ „მიიღო ძელი და ასწავებდა ხუროთა“ (იქვე, გვ. 93),  
ე. ი. ეკლესიის მაშენებელთ.

\*

• •

ჰვიტხურონი ანუ ქვითკირით შენობათა მაშენებელნი, ხურო-  
თა ერთ ჯგუფს წარმოადგენდნენ. ქვითხურონი ანუ „ხურონი ქვათა-  
ნი“ გვხვდება „დაბადების“ ქართულ თარგმანში: „წარმოგზავნა  
ხირა შეფემან ტუროსისამან მოციქულნი დავითის მიმართ და ზენი  
ნაძვისანი და ხურონი და ხურონი ქვათანი“ (მეფეთა, 11, 511).  
„ქვთხურონი“ იხსენიება „იოანე შეყენებულის ცხოვრებაშიაც“:  
„და ივსებნ იგი წყალსა ჳევით და წუენსა უქმნ ქვთ-ხუროთა მან და  
კლდ მისცემნ ქვასა და ყლსა შესაწევენელსა მათსა“ (კიმენი, I,  
182-3). „ქვთხურონი“ მოხსენიებული იყო, როგორც ვნახეთ, „სუმი-  
ონ მესუეტის ცხოვრებაშიც“. „სვეტი ცხოველის საკითხავში“ აგ-  
რეთვე „ქვთხურონი“ არის ნახსენები: „მეფემან მირიან წარავლინა  
კუალადცა ებისკოპოზი იოანე კონსტანტინე მეფესათანა... და  
ითხოვა ქვთ-ხურონიცა აღშენებისათჳს ეკლესიისა“, ხოლო იოა-  
ნემ, მოიწია რა ერუშეთს, „მუნ დაუტეგნა ქვთ-ხურონი იგი საქმედ  
ეკლესიისა“ (საბინინი, გვ. 97). ლ. მროველი კი მირიან მეფის ამ  
თხოვნის გადმოცემისას აღნიშნავს: „და ითხოვნა ქვითა ხუროს მოძ-  
ლუარნი აღშენებისათჳს ეკლესიათა“ (მ. დედ. ქ. ცხბა, 9821-22).

„ქვთხუროთა“ შინაარსის მატარებელ ტერმინს წარმოადგენ-  
და აგრეთვე „კირითხურონი“. აღსანიშნავია, რომ „ქართლის მოქ-  
ცივის“ ჰელიოზურ ვარიანტში, იქ, სადაც მირიან მეფის მიერ ხუროთა  
გამოწევის შესახებაა საუბარი, „ქვითხუროთა“ მაგივრად „კირითხუ-  
რონია“ დასახელებული: „წარავლინა მირიან მეფემან და ითხოვნა  
საბერძნეთით ქვისა მთლელნი და კირითხურონი და მოსცა მეფემან  
და წარმოვიდეს ერუშეთს და დადგეს საძირკველი ეკლესიისა“ (მ.  
Такаишвили, Опис. II, გვ. 714). ასევე „გრ. ხანძთელის ცხოვრე-  
ბაში“ ნათქვამია: „ხოლო გაბრიელ დიდებულმან აზნაურმან...  
მოსცა კირით-ხურონი და ნივთი ყოველი ქვით-კირისა ეკლესიისა  
საშენებლად“ (გრ. ხანძთელი, ილ2—3). როგორც აქედან ჩანს, კი-  
რითხურონი აშენებდნენ ქვითკირის ნაგებობებს, ე. ი. იმგვარსავე,  
როგორსაც „ქვითხურონი“. ცხადია, ცალ-ცალკე მოხსენიებულ

„კირითხურონი“ და „ქვითხურონი“ თანაბარი მნიშვნელობის მატარებელი ცნებებია.

„ქვითხურო“ და „კირითხურო“ მაინც იშვიათად გვხვდება ძველ ქართულ წერილობით ძეგლებში. ამ მნიშვნელობით უკვე აღრევე, VIII ს. მაინც, მკვიდრდება და იხმარება სომხურიდან შემოსული „გალატოზი“. ამ ტერმინმა დღემდე შეინარჩუნა თავისი შინაარსი უცვლელად. აბუსერისძე ტბელმა კარგად იცოდა, რომ ქ ვ ი თ ხ უ რ ო ს გალატოზი ეწოდებოდა: „და იყო ესრეთ, რამეთუ ესე ბასილი იყო ქვითხურო, რომელსა ეწოდების გალატოზი“ (აბუსერისძე ტბელი, გვ. 56, 25). „გალატოზი“ უფრო გავრცელებული და ხშირადხმარებული ტერმინია, ვინემ ქვითხურო. თითქმის ყოველ ეპიგრაფიკულ ძეგლში, სადაც მაშენებლებზეა ლაპარაკი, „გალატოზია“ ნახსენები. მცხეთის ჯვრის ძველი ეკლესიის ქვებზე, რომელნიც მისი „მეორედ აშენების“ შემდეგ არეულ-დარეულად და უალაგო ალაგას არის ჩატანებული, იკითხება: „მზიდებ გალატ[ოზ]“ (თ. ჟორდანიას, ქრონიკები, I, გვ. 176). „გალატოზი“ მოხსენიებულია „წმ. ნინოს ცხების“ მცხეთის ვარიანტში, მაგრამ აქ (ალბათ შეცდომით) „გალატოზი“ სხვადაა მიჩნეული, ვიდრე ქვითხურო: „კულად წარვლინა მეფემან მირიან და შემოკრიბნა ქვითხურონი და გალატოზნი და უბრძანა პირველად ერუშეთს დადებად საძირკუჭლი ეკლესიისაჲ“ (Натроев, Свети-Цховели, გვ. 147). ქვითხურო უდავოდ გალატოზს უდრის; მათი აქ სხვადასხვა გაგებით მოხსენიება შეიძლება იმით აიხსნას, რომ ალბათ „ცხოვრების“ მცხეთურ ვარიანტში, მსგავსად „მოქცევის“ ჰელიოზური ვარიანტისა, „ქვისა მთლელნი“ იყვნენ პირველად დასახლებულნი, ხოლო ვადამწერმა იგი „ქვითხუროდ“ გადააკეთა, რაკი „გალატოზის“ შინაარსი მას, შესაძლებელია, არც კი ესმოდა.

„გალატოზი“ გვხვდება ქართულ ლიტერატურულ ძეგლებშიც. „სრპ. ცხების“ მიხედვით ბერძენთა ქვეყნით მიქელის მიერ მოწოდებულ „კელოვნებით განთქმულ კაცს“ „თანაშემწედ აქუნდა გალატოზ[ი] სახელით შუარტყელი“ (სრპ. ცხბა, 179<sup>25</sup>-28). იგი მოხსენიებულია „იოანე და ექვთ. ცხბაშიც“: „თვნიერ მქედელთა, და ხუროთა და გალატოზთა და მევენახეთა და ნავის მოქმედთა და სხუათა ესევითართა, ამის ესევითარისა ვრცელისა ლავრისა დამპირვა უღონო არს“ (საბინინი, გვ. 407. ათ. კრებ., გვ. 13—14).

X საუკუნიდან „გალატოზი“ და „გალატოზნი“ ხშირად არიან მოხსენიებულნი სხვადასხვა სახის ეპიგრაფიკულ ძეგლებში. ჩვენ ამათგან მხოლოდ ზოგიერთს დავასახელებთ. მელქისედეკ კათალი-

კოსის ერთ წარწერაში ვკითხულობთ: „ნებისა ღვთისათა“ განახლდა სამირონო ესე ბრძანებითა ქრისტეს მიერ კათალიკონისა მელქიზედესისითა. შეიწყალე უფალო მონა შენი ამის გალატოზნი ოთხნი არიან“ (Натроев, Свети-Цховели, გვ. 178). მარტვილის ეკლესიის დასავლეთის შუა ეკვტერზე კი ოპიზელი გალატოზია მოხსენიებული: „ქრისტე შეიწყალე მიქელ გალატოზი ოპიზარი“ (თაყაიშვილი, არხ. მოგზაურ. სამეგრელოში, გვ. 41). შატბერდის ეკლესიის სამრეკლოს გუმბათის აღმოსავლეთ ნაწილზე, ნ. მარის მიხედვით, იკითხება: „ქ. ლამენათ: შეიწყალე: სული: გალატოზთა: და მათათა დედა მამათ შეუნად/ანეს ლამენათ მას“ (Н. Марр, Дневник поездки..., გვ. 143 შდრ. იქვე, გვ. 144). ე. თაყაიშვილის მოწმობით ხონის ეკლესიის კედლის XI—XIV სს. წარწერაში „კალატოზი“ იკითხება: „წმიდაო გიორგი, შეიწყალე კალატოზი იოვანე“ (არხ. მოგზ. სამეგრელოში, გვ. 272). ეს წარწერა უფრო XIV ს. შეიძლება მივაკუთვნოთ, ვინემ XI ს., რადგან XI ს. „კალატოზი“ ჯერ კიდევ არ ჩანს და ყველგან „გალატოზი“ გვხვდება. „კალატოზი“ თაყაიშვილისავე ამოკითხვით გვხვდება აგრეთვე ურბნისის ეკლესიის წარწერაში: „უფალო იესო ქრისტე, კალატოზი მამა მიქელ შეიწყალენ ამის სიონისა მაშენებელი (ე. თაყაიშვილი, არხ. მოგზ., 1, გვ. 46; შდრ. მისივე, Арх. экск., V, გვ. 15). XVII—XVIII სს. ერთ წარწერაში კი „კალატოზი“ იკითხება (Brosset, Voyage, გვ. 2, 1, 55).

ქვითხუროებს ანუ გალატოზებს თავიანთი მოძღვარი, უხუცესი ჰყავდათ. „მოძღვარი“, როგორც ცნობილია, უფროსს, მთავარს; შეესატყვისებოდა. ამდენად, „ქვითხუროთა მოძღუარნი“ ქვითხუროთა უფროსს, მთავარს ნიშნავდა. როგორც აღვნიშნეთ, „ქვითხუროთა მოძღუარნი“ მოხსენიებული აქვს ლეონტი მროველს, ხოლო „ქვითხუროთა“ მაგიერად ტერმინ „გალატოზის“ შემოსვლას მოჰყვა „გალატოზთა მოძღვარის“ ხმარება: „მამინ მოძღვარი გალატოზთა წარვიდა პალატად სარჩელ იყო მეფესა“—ნათქვამია „აია სოფიის აღშენებაში“ (Э. Такаишвили, Опис., I, გვ. 593): „გალატოზთა მოძღვარი“ ბროსეს საეკლე ამოკითხვით იხსენიება ხონის საყდრის ერთ წარწერაში (Brosset, Voyage, 1, VII, 10).

„მოძღვარის“ თანაბარი მნიშვნელობით „უხუცესი“ იხმარებოდა. ამდენად, „გალატოზთა მოძღუარის“ პარალელურად გვხვდება „გალატოზთა უხუცესი“. ბედიას საყდრის წარწერაში მ. ბროსეს მიხედვით იკითხება: „წმიდაო ღვთისმშობელო მეოხ ექმენ წმიდისა ამის საყდრის აღმშენებელს გალატოზთა უხუცესს[ა] სიმონსა“ (Brosset, Voyage, 1, VIII<sub>91</sub>). „გალატოზთა უხუცესი“ შორეთის წარ-

წერაშიაც იხსენიება: „ქ. ლო განსუტნე ნიქსს გალატოზთ უხუცესთა (sic) ამინ“ (Матер. по арх., XII, გვ. 12). „გალატოზთა უხუცესის“ მნიშვნელობით გვხვდება აგრეთვე „გალატოზთა მთავარიც“. მოთხრობაში „აღშენებისათჳს აია სოფისა“ იხსენიება „ეგატიოს... გალატოზთა მთავარი“ (Э. Такайшвили, Опис., I, გვ. 591).

გალატოზთუხუცესს ალბათ გალატოზები ექვემდებარებოდნენ. გალატოზებს, უხუცესებს ანუ მთავრების გარდა, „განმგებლებიც“ ჰყოლიათ. „გალატოზთა გამგებლის“ მოვალეობა შეიძლება იგივე იყოს, რაც „გალატოზთა უხუცესისა“. ყოველ შემთხვევაში, ამ მხრივ ვადაპრით რამის თქმა შეუძლებელია. „გალატოზთა განმგებელი“ „სერაპიონ ზარზმელის ცხოვრებაშია“ მოხსენიებული: „დაიწყეს შენებად გულის მოღვინეთ და ყვეს კაცი იგი განმგებელ არა თუ გალატოზთა, არამედ ძიათაცა იკონომოსობა ერწმუნა“ (სრბ. ცნბა, 180გ-10). „განმგებლობა“, როგორც ირკვევა, მსგავსად უხუცესობისა, ოსტატობა-ხელოსნობის მომენტს არ შეიცავს. როგორც „ს. ზარზმელის ცხოვრებიდან“ ჩანს, როცა მიქელი დიდი ეკლესიის აშენებას შეუდგა, ზედამდგომელად და „გამგედ გალატოზთა“ ყვეს კაცი „ყოვლად უცნაური“, რომელიც მხოლოდ იმით გახდა ცნობილი, რომ ის იყო „მომღებელი ეგლოგისა“. თვით „კაცი იგი“, რომელსაც განმგებლობა ერწმუნა, როგორც ეს გარკვევით ჩანს ბასილ ზარზმელის სიტყვებიდან, ერისკაცობაში ყოფილა „საჯმარ და მსრბოლ გზათა შორთა“ (იქვე, 178ა1-ა2), ხოლო ხელობა, კერძოდ „კელი ხუროობისაჲ“, მას, ვფიქრობთ, არ ჰქონია; ამრიგად, „გალატოზთა გამგებლად“ შეიძლებოდა ყოფილიყო კაცი, რომელსაც გალატოზობის ბევრი არაფერი ესმოდა. გამგებელი, გამგე ზედამდგომელს, თვალყურის მღევნებელს ეწოდებოდა, ისევე როგორც უხუცესი ან მოძღვარი. ამიტომ არ უნდა იყოს გასაკვირი, თუ ზედამხედველად ხელობის არმცოდნე იქნა დაყენებული. როგორც თავის დროზე დავინახავთ, არათუ განმგებლად, არამედ ხუროთმოძღვრდაც იყვნენ ისეთი პირებიც კი, რომელთაც ხუროობის ხელობა არ ჰქონდათ.



ქვითხუროთა ანუ გალატოზთა გარდა, ცხადია, იყვნენ მაშენებელნი, რომელნიც უმთავრესად ხის ნაგებობათა შენებაში იყვნენ გაწაფულნი. ქვის ნაგებობათა გვერდით ჩვენ ვაქვს როგორც საე-

რო, ასევე სასულიერო ხის ნაგებობანიც. მაგ., „გრ. ხანძთელის ცხოვრებაში“ „ძელისა ეკლესია“ იხსენიება: „მამამან გრიგოლ პირველად აღაშენა ძელისა ეკლესია“ (ია 47). დასავლეთ საქართველოში ხე საშენ მასალად ზშირად იყო გამოყენებული. აგათია სქოლასტიკოსის სიტყვით მისიმიელთა „სახლები ხისა იყო და ბზით დახურული და ცეცხლი უცხად მოედო“ (გეორგიკა, 111, გვ. 170). ხე გამოყენებული იყო სამხედრო მნიშვნელობის სიმაგრეებისთვისაც, ნახორაგანის აზრით, „იქაური (ფაზისის, შ. მ.) სიმაგრის აღება ძალიან ადვილი იყო, რადგან მთლიანად ხისაგან იყო აგებული“ (იქვე, გვ. 97). ოდესღაც ჭვისხურობით განთქმულ აჭარაში ვახუშტის დროს იყვნენ თურმე: „კაცნი კელოსანნი ხის მუშაობითა“ (აღწერა, გვ. 134). ხის სახლები და სხვა დანიშნულები ხის ნაგებობანი მოხსენიებულია ნიკორწმინდის XI ს. სიგელში. ხის მასალას, როგორც სიგელიდან ჩანს, მეორე სართულის დასაშენებლადაც ხმარობდნენ ხოლმე: „მუხისაჲ სამზარეულოჲ ა: ს'ხე სახლი შეექმენ სახუცოჲ მუხისაჲ ა: და ნაძვისაჲ ა:... ზედა სახლი მუხისაჲ კარგი ა:“ (თ. ეორდანი, ქრონიკები, II, გვ. 46).

ხის შენობათა არსებობა, ხის მასალათა გამოყენებაჲ ქვეთკირის შენობათათვისაც თავისთავად ადასტურებს ხისმოქმედ ხუროთა არსებობას. ხით მშენებელ ხუროთ „ძელითხურო“ ანუ „ხურო ხეთანი“ ეწოდებოდათ. „დაბადების“ ქართულ თარგმანში სხვათა შორის ნათქვამია: „წარმოგზავნა მეფემან ტვროსისამან... ხურონი ხეთანი და ხურონი ქვითანი“ (მეფეთა, 11, 5<sub>11</sub>). მოსეს მეორე წიგნში კი „ძელით ხუროებისა საქმე“ არის დასახელებული (31<sub>5</sub>). „ხურო“, როგორც აღვნიშნეთ, საერთოდ ხელოსანთა აღსანიშნავი ტერმინი იყო და ამავე დროს მაშენებელ ხელოსანებსაც გულისხმობდა, მაგრამ მაშენებელთა სხვადასხვა დარგში, ზოგის ქვეთკირის ნაგებობათა შენებაში, ზოგის ხის ნაგებობათა შენებაში გაწაფვამ, დასპეციალებამ „ხურო“-ს მნიშვნელობა უფრო შეზღუდა და იგი მხოლოდ ხისმოქმედ ხელოსანთა აღმნიშვნელ ტერმინად იქცა. უკვე ამ გაგებით (ე. ი. როგორც ხისმოქმედი ხელოსანი) იხმარება „ხურო“, ჩვენი აზრით, „იოანე და ექვთ. ცხოვრების“ შემდეგ ადგილში: „თკნიერ მკვდელთა და ხუროთა და გალატოზთა და მევენახეთა და ნავის მოქმედთა და სხუათა ესევეთართა, ამის ესავითარისა ვრცელისა დავრისა დამკირვა უღონო არს“ („იოანე და ექვთ ც'ხბა“, საბინინი, გვ. 407; ათ. კრებ., გვ. 13—14). თუკი ხურო აქ მაშენებლის მნიშვნელობითაა ნახმარი, მაშინ რა საჭირო იყო გალატოზთა ცალკე მოხსენიება? ისინიც ხომ მაშენებლები იყვნენ მოყვანილ ამონაწერში „ხუროთა და გალატოზთა“ ცალ-



ცალკე მოხსენიება სხვით არაფრით შეიძლება აიხსნას, თუ არა იმით, რამ „ხურო“—ში ძელითხუროები იგულისხმებოდნენ, ხოლო გალატოზებში კი—ქვითხურონი. ამგვარადვე უნდა იქნეს გაგებული „აია სოფის აღშენების“ მოთხრობაში „ხუროსი“ და „გალატოზის“ სხვადასხვა მნიშვნელობით მოხსენიებაც: „რომ დამეკარგოს რაიმე ქურჭელთაგანი ხუროთა და გალატოზთა, ისინი ძალან გამლახავენ მე“ (E. Такашвили, Опис. I, გვ. 591). მიუხედავად იმისა, რომ აქ აშკარად ჩანს ხელნაწერის გადამწერის ალექსი ბაქრაძის ენის გავლენა, მაინც ამონაწერი თავის მნიშვნელობას არ ჰკარავს.

„ქართლის მოქცევისა“ და „წმ. ნინოს ცხოვრების“ ჰელიოზურ ვარიანტში, როგორც ზემოთ აღვნიშნეთ, თვით ეკლესიის მშენებელთ „კირითხურონი“ ეწოდებოდათ, ხოლო იმავე ძეგლების ჰელიოზურ და აგრეთვე შატბერდულ ვარიანტში „ხურონი“—ც იხსენიებიან: „იწყეს ხუროთა მათ აღმართებად (სვეტისა, შ. მ.) და ვერ უძღეს“—ნათქვამია „წმ. ნინოს“ შატბერდულ ვარიანტში (E. Такашвили, Опис., II, გვ. 776). როგორც ჩანს, „ხურონი“ ამ ძეგლების მიხედვით სწორედ იმათ ეწოდებოდათ, ვინც „ძელითხუროების საქმეს“ მისდევდნენ. ზემოხსენებულ ძეგლებში თითქმის ყველგან, სადაც ხუროებზეა ლაპარაკი, ხურონი ხის მკვეთელთ ან ხისაგან რაიმეს მკეთებელთ წარმოადგენდნენ. მაგ., „წმ. ნინოს ცხების“ შატბერდულ ვარიანტში იკითხება: „და უბრძანა მირიან მეფემან ძელი საჯუარედ, წარვიდეს ხურონი და მოჰყუეთეს ხმ ერთი ჰაეროვანი და უბრძანა მეფემან შესაქმედ ჯი... უთხრეს მირიან მეფესა ხუროთა მათ მდ შეეკმენით ჩნ ჯრი იგი ვა მდღელთა მათ გუასწავეს“ (იქვე, გვ. 793). ასევე „ქართლის მოქცევის“ ჰელიოზურ ვარიანტში ავტორი, სანამ კირითხუროთა საბერძნეთით გამოწვევის ამბავს მოგვითხრობდეს, აღნიშნავს: „და უბრძანა ხუროთა მოკუშთაჲ ხისა მის და შექმნეს ხისა მის ტანისაგან სამნი ჯუარნი“ (იქვე, გვ. 714). „წმ. ნინოს ცხების“ შატბერდულ ვარიანტში ნათქვამია: „და ოდეს მაუწყა აღმართებად წარვაგლინენ ხურონი ძიებად ხესა და ... პოვეს ხმ ერთი მარტოი მდგომარც“ (იქვე, გვ. 300). ამგვარადვე მეორდება ჰელიოზურ ვარიანტშიაც.

ამრიგად, „ხურონი“, როგორც მოყვანილი ამონაწერიდან ჩანს, იმათ ეწოდებოდათ, ვინც „ძელითხუროობას“ მისდევდა.

ტერმინმა „ხურომ“ თავისი პირვანდელი მნიშვნელობა „ხუროთმოდვარის“ ცნებაში შეინარჩუნა. „ხუროთმოდვარი“ ანუ „ხუ-

რომთაგარი“ ხურობის, ე. ი. მშენებლობის ყოველი დარგის წარმომადგენელთა მთავარი იყო. ხუროთმოძღვარს ექვემდებარებოდნენ არა მარტო ქვეთხურონი და ძელითხურონი, არამედ გალატოზთა მოძღვარნი და გამგებლებიც. ხუროთმოძღვარი მთავარი მშენებელი იყო: „ყველა ხუროების უფროსს, ანუ მთავარ აღმშენებელს „ხუროთმოძღვარი“ ერქვა“, — წერდა აყად. ივ. ჯავახიშვილი<sup>4</sup>.

„ხუროთმოძღვარის“ გაგება, როგორც მშენებლობის მთავარი უფროსისა და მაშენებელთა მოძღვრისა, არაერთგზის გვხვდება ქართულ წერილობით ძეგლებში. „ხუროთმოძღვარი“, როგორც ტერმინი, გვხვდება „გნი მთაწმინდელის ცხბაში“ (საბინინი, გვ. 439. 449; ათ. კრებ. გვ. 285, 297), „იოანე ურპაელის ცხოვრებაში“ (Христинанский Восток, в. III., გვ. 347) და სხვაგან; ხოლო მაშენებელთა და მშენებლობის უფროსის გაგებით კი — „სრპ. ზარზმელის ცხოვრებაში“: „რაოდენი რაჲ ეშენა ახალსა მას ხუროთმოძღვარსა“ — „ამბობს ბასილ ზარზმელი (სრპ. ცხბა, 172<sub>24</sub>—25). გარდა ამისა, როცა სერაპიონის მიერ პირველი ეკლესიის აშენებაზეა საუბარი, ბასილ ზარზმელი აღნიშნავს: „ხოლო იყენეს ხუროთმოძღვარ და ზედამდგომელ საქმისა მის (ე. ი. აღმშენებლობისა, შ. მ.) გარბანელი და ორნი ძმანი“ (იქვე, 167<sub>6</sub>—7). როგორც აქედან ჩანს, ხუროთმოძღვარი იყო გარბანელი; მას მაშენებელნი, ხურონი და მშენებლობის საქმენი ექვემდებარებოდნენ. აღსანიშნავია, რომ თვით გარბანელი იყო კაცი „სახელოვანი და კეთილი“: „ხოლო კაცი იგი ია გკრუნებდა მცირესა რასმე დაბასა და სახელსდებდა კაცსა სახელოანსა და კეთილსა, რომელსა ეწოდა გარბანელი“ (იქვე, 161<sub>24</sub>—28). გარბანელი რომ თვით ყოფილიყო ხელოსანი — ოსტატი, ამის შესახებ არაფერია ნათქვამი; პირიქით, ბასილ ზარზმელის მითითება, რომ გარბანელი იყო „კაცი სახელოანი“, გვეუბნება იმას, რომ იგი ხელოსანი არ ყოფილა.

ამრიგად, როგორც გალატოზთა ზედამდგომლად, გამგებლად, ასევე ხუროთმოძღვრად ხუროთმოძღვრებაში განუსწავლელი კაცი გვევლინება. როგორც ჩანს, ხუროთმოძღვარს, გარდა უმაღლესი აღმინისტრაციული ზედამხედველობისა, ევალებოდა მშენებლობის წესიერ მსვლელობაზე ზრუნვა. თვით უხუცესობა, როგორც გარბანელის მაგალითიდანაც ირკვევა, საერთოდ ოსტატობის მომენტს არ შეიცავს და ამიტომ ხუროთმოძღვრად ისეთი კაცი შეიძლება მოეწვიათ, რომელსაც თვით „ქელი ხურობისა“ არ გააჩნდა. წინააღმდეგ გარბანელის მაგალითისა, ხუროთმოძღვრად ზოგჯერ „ბელოვ-

<sup>4</sup> ივ. ჯავახიშვილი, საქ. ევ. ისტორია, 1, 1907, გვ. 38.

ნებით განთქმულ კაცს“ იწვევდნენ ხოლმე. მაგ., მიქელმა მოიწვია ზუფათიდან ხელოვნებით განთქმული კაცი, რომელიც შემდეგ ზუროთმოძღვრად დანიშნეს (იხ. ს.რ.პ. ც.ზბა, გვ. 179).

ხუროთმოძღვარი, ვახუშტის ცნობით, ერთგვარი თანამდებობის მქონე პირი იყო, რომელსაც ხელოსნები და ყოველგვარი მშენებლობის საქმე ექვემდებარებოდა: „ხუროთმოძღვარი, ამის კელისა. იყო სრულიად კელოსანნი და შენობა სასახლეთა და ეკლესიათა, ხიდთა, ფუნდუკთა“ (აღწერა, 1727-28). შეიძლება მეფის ხუროთმოძღვარი ყოფილიყო ამგვარი უფლებებით აღჭურვილი და სამეფო მამულში წარმოებული აღმშენებლობის საქმე და მაშენებელი ხელოსნები მასზე ყოფილიყვნენ დაქვემდებარებულნი, მაგრამ ყოველი ხუროთმოძღვარი როდი იყო ამგვარი უფლებებით მოსილი. ზოგ მათგანს ეს უფლებები დროებით, ამა თუ იმ მშენებლობის დამთავრებამდე, და განსაზღვრულ რაიონში ჰქონდა.

როგორც „ს.რ.პ. ზარზმელის ცხოვრებიდან“ ჩანს, გარბანელი მხოლოდ პირველი ეკლესიის აშენებისას იყო ხუროთმოძღვრად, ხოლო შემდეგ „ახალი ხუროთმოძღვარია“ დასახელებული „ბასილ ზარზმელის თხზულებაში“ (ს.რ.პ. ც.ზბა, გვ. 172). მიქელის მიერ ახალი ეკლესიის დაწყებისას კი მესამე, „ხელოვნებით განთქმული კაცი“, იქნა მოწვეული, რადგან საქმე, როგორც ჩანს, უფრო რთული ნაგებობის შესრულებას ეხებოდა.

ხუროთმოძღვარს თავისი საქმის წარმოებაში „თანაშემწენი“ და „საქმისა ზედამდგომელნი“ ეხმარებოდნენ (ამაზე დაწვრილებით ქვემოთ).

### § 3. საერო და სასულიერო დანიშნულების ნაგებობანი

ამჟამად ჩვენს მიზანს არ შეადგენს დეტალურად ჩამოთვლა სასულიერო და საერო ნაგებობათა ყველა იმ სახისა, რომელნიც ჩვენში გავრცელებას პოულობდნენ. მისი განხილვა უფრო ხელოვნების ისტორიის საგანია, ვიდრე ხელოსნობის ისტორიისა.

საერო ხუროთმოძღვრება ძველ საქართველოში საკმაოდ დაწინაურებული ყოფილა. ჯერ კიდევ სტრაბონი წერდა იბერიაში ხუროთმოძღვრებებს წესით აგებული და კრამიტით დახურული საცხოვრებელი და საზოგადოებრივი დანიშნულებების ნაგებობათა არსებობის შესახებ. სამართლიანად შენიშნავდა ივ. ჯავახიშვილი, რომ სტრაბონის აღწერილობას მნიშვნელობა იმითაც ემატება, რომ იგი გვიხატავს სურათს საქართველოს კულტურული მდგომარეობისა

კავკასიაზე რომის პროტექტორატის დამყარების ეპოქამდე. სტრაბონის მოღვაწეობის დროს რომის ბატონობა მხოლოდ 2—3 ათეული წლით განისაზღვრებოდა (თუ ვინაგარიშებთ პომპეუსის ლაშქრობიდან); „სავსებით ცხადია, წერდა ივ. ჯავახიშვილი, რომ ამდენად მოკლე დროის განმავლობაში შეუძლებელია რაიმე ითქვას რომის კულტურულ გავლენაზე“<sup>5</sup>.

ერთი მხრივ სტრაბონის ცნობის დამადასტურებელი, ხოლო მეორე მხრივ ქართული საერო ხუროთმოძღვრების დაწინაურების მაუწყებელია „პეტრე იბერიელის ცხოვრების“ სირიული დედანი, V ს. დაწერილი. „პეტრე იბერიელის ცხოვრებაში“, სხვათა შორის, მოთხრობილია, რომ პეტრეს აღმზრდელმა ზუზომ (სუსანა, შუშანა) შემოჴარა ირგვლივ დარბაზს, «который был восьмиконховый (qonkos), и хваталась за каждую из колонн» (Raabe, Petrus der Iberer, გვ. 11<sub>22</sub>—<sub>23</sub>; ციტირებულია ივ. ჯავახიშვილის მიხედვით, იხ. Термины искусств... Хр. В., III., в, 1, 24). როგორც „პეტრე იბერის ცხბიდან“ ჩანს, აღმოსავლეთ საქართველოში, იბერიაში, ჯერ კიდევ V ს. პირვ. ნახევარში იყო საცხოვრებელი ნაგებობანი, რომელთაც დარბაზები ჰქონდათ 8 აფსიდითა და ნახევარსვეტებით, რომლებიც ამ აფსიდებს ერთიმეორისაგან ჰყოფდნენ. აკად. გ. ჩუბინაშვილი, როცა ქართული ხუროთმოძღვრების პირველ (IV—V სს.) ძეგლებს ეხება, აღნიშნავს: „მართლაც პირველი ძეგლებივე, რომლებმაც ჩვენ დრომდე მოაღწიეს, სრულიად ამტკიცებენ ხუროთმოძღვრული ხელოვნების და სპეციალური სამშენებლო ცოდნისა და წესის არსებობას საქართველოში“<sup>6</sup>.

საერო ხუროთმოძღვრების ძეგლები ჩვენში ცოტაა შემონახული და ცნობილი. კახეთში რამდენიმე ნანგრევია საერო შენობებისა, „რომელთა შორისაც ზოგი ეკუთვნის ადრეულ ხანას IX — X საუკუნეებს. ეს შენობებია ფეოდალებისა და ეპისკოპოსების სასახლეები, ნეკრესსა, ჰერემსა, ვანთასა, ვაჩნაძიანსა და კვეტერაში და აგრეთვე აკადემია იყალთოში“<sup>7</sup>. ეს შენობები, სპეციალისტების აზრით, აგებულია ორ სართულად: ქვედა — საცხოვრებლად და სხვადასხვა საჭიროებისათვის, ხოლო ზედა — საზეიმოდ, მიღებისა და სხდომებისათვის. „ზედა სართული, — წერს გ. ჩუბინაშვილი, შედგება ერთი დიდი გრძელი დარბაზისაგან, რო-

<sup>5</sup> И. Джавахов, Термины искусств... Хр. В. III., в, I, გვ. 25.

<sup>6</sup> გ. ჩუბინაშვილი, ქართ. ხელოვნ. ისტორიიდან, გვ. 13—14.

<sup>7</sup> გ. ჩუბინაშვილი საქ. საერო ხუროთმოძღვრ. რამდენიმე ნიმუში, გვ. 107.

მელსაც ზოგიერთ ამ დასახელებულ შენობათაგანში გვერდით ცალკე ნაწილები აკრავს<sup>8</sup>. ამრიგად, საერო ხუროთმოძღვრება, ჯერ კიდევ ადრე დაწინაურებული, თავისი ნორმალური განვითარების გზით წასულა და უკვე IX—X სს. გვაქვს ორსართულიანი საერო დანიშნულების ნაგებობანი. ყველაფერი ეს კი მაშინებელთა საკმაო დაწინაურებასა და სააღმშენებლო ხელობის განვითარებაზე მიგვითითებს. თუ ზემოაღწერილ სურათს შევადარებთ შუა საუკუნეების დასავლეთ ევროპის ხუროთმოძღვრების დონეს, ნათლად დავინახავთ საქართველოს უფრო დაწინაურებას ამ მხრივ. კულიშერი ის აზრით, შუა საუკუნეების ევროპაში ქვის ნაგებობანი იშვიათია. უმრავლესობას ამ მხრივ ეკლესიები შეადგენდნენ. კარლოს დიდის დროს ნაგებობანი სამეფო საუნჯეთა შესანახად, კულიშერის სიტყვით, კეთდებოდა ხისაგან. გვხვდება ორსართულიანი სახლებიც, მაგრამ სააღმშენებლო ხელოვნება იმდენად სუსტად იყო განვითარებული, რომ მეორე საართული ადვილად ირღვეოდა. მეორე საართულის დანგრევით „დაიღუპა, წერს კულიშერი, იმპერატორი ჰენრიხ III 1045 წ., უფრო ადრე (870 წ.) — კარლოს გერმანელი

† Карл Немецкий) და მრავალი სხვა<sup>9</sup>.

საქართველოში მარტო დარბაზიანი სასახლეები და ქვითკირის ნაგებობანი როდი უკეთებიან. სასახლეთა გვერდით იყო „სახლები“ და ზოგჯერ „სახლაკი“-ც (შუშ. წამება, 726), რომელნიც ხისგანაც კეთდებოდა. როგორც ნიკორწმინდის XI ს. სიგელიდან ჩანს, ჩვენს წინაპრებს უშენებიათ ორსართულიანი სახლები, მაგრამ ქვევით ქვითკირისა და მეორე საართული კი ხისა: „შევექმენ სახლი ქვითკირი :ა: და ზედა სახლი მუხისაჲ კარგი“ (თ. ჟორდანი, ქრონიკები, II, გვ. 46). ზოგჯერ კი ორივე საართული ხისა იყო: „სახლი მუხისაჲ :ა: და ზედა სახლი ქორედიანი და სენიანი“ (იქვე). ზოგ შემთხვევაში პირველი საართული სამეურნეო დანიშნულებისათვის იყო გამოყენებული, ხოლო მეორე — საცხოვრებლად: „ქვითკირი შევექმენ ბოსელი :ა: და ზედა სახლი მუხისაჲ კარგი“ (იქვე). ზოგჯერ ბოსელზე ბეღელს დააშენებდნენ გახეჩხილ ძელთაგან: „ქვითკირი ბოსელი და ზედა ხეჩხული ბეღელი“ (იქვე).

ქვის შენობა ზოგ შემთხვევაში უკიროდაც უშენებიათ თურმე და ამგვარ ნაგებობას „ყოჩრეს“ უწოდებდნენ. ილარიონ ქართველმა თავის მოწაფეებს დაუბარა: „აწ ვიდრე მოსვლამდე ჩემდა, თქუენ

<sup>8</sup> გ. ჩ უ ბ ი ნ ა შ ვ ი ლ ი, საქ. საერო ხუროთმოძღვ. რამდენიმე ნიმუში, 33. 108.

<sup>9</sup> М. Кулишер, История экономич. быта Зап. Европы, I, გვ. 68.

აღაშენეთ მცირე სენაკი ყორისა ქვათაგან“ და ასწავლა „ვითარ ჭერ იყო აღშენება მისა“ (ათ. კრებ., გვ. 87). საბას განმარტებით; „უტალახოდ (უციროდ) ლიტონის ქვით ნაშენებს“ ნიშნავს. ზოგჯერ კიორის მაგივრად „თივა“ ანუ ტალახი იყო გამოყენებული და ამგვარ ნაგებობას, საბა ორბელიანის მოწმობით, სკირა ერქვა თურმე (იხ. მისი ქართ. ლექსიკონი). მაგრამ ეს იშვიათი იყო და უბრალო საცხოვრებელი ნაგებობანიც ზოგჯერ ქვითკირით კეთდებოდა: „შევქმენ სახლი ქვითკირით“ — ნათქვამია ნიკორწმინდის სიგელში (თ. უორდანი, ქრონიკები, II, გვ. 46). საცხოვრებელ ნაგებობათა გარდა ქვითკირით კეთდებოდა სამეურნეო დანიშნულების ნაგებობანიც. ქვითკირით უშენებოათ „მარნები“ ანუ, როგორც მაშინ უწოდებდნენ, „სასაწნახელონი“. ნიკორწმინდის სიგელში რამდენჯერმე ნათქვამია: შევქმენ „სასაწნახელო ქვითკირი ა: და შიგან ყურძნისა საწნეხი ქვითკირი“ (იქვე, გვ. 46, აქვეა მოხსენიებული „მარანი ქვითკირი“), ან კიდევ: „დავდგი სასაწნახელე ქვითკირი ა: და შიგან ყურძნისა საწნეხი ქვითკირი ბ: და შეშისა საწნახელი ა: (იქვე, გვ. 48). გარდა მარნისა ქვითკირით უშენებოათ ბოსელიც: „ქვითკირი შევქმენ ბოსელი“ (იქვე, გვ. 46), „სხ“ ბოსელი ქვითკირი“, „შევიქმენ საწირესა ქვითკირი ბოსელი“, „შევქმენ მუხურას ქვითკირი ბოსელი“ (იქვე, გვ. 48). ნიკორწმინდის იმავე სიგელიდან ჩანს, რომ უშენებოათ აგრეთვე „ქვითკირი ფარეხი“ (იქვე, გვ. 46) და სხვ.

ნიკორწმინდის სიგელში მოთხრობილს არქეოლოგიური გათხრებიც აღასტურებენ. გარდა ქვითკირის საცხოვრებელ და სხვა დანიშნულების შენობათა ნანგრევებისა, დმანისის გათხრებისას აღმოჩნდა მარანი — პატარა და დიდი; მარნის „ქვევრები ყველა ქვითკირითაა მოსხმული გარედან და ამიტომ კარგადაა შენახული; მათი ძირიც ქვითკირზე დგას“<sup>10</sup>.

გარდა ზედა სახლებისა, ხით უშენებოათ აგრეთვე სამეურნეო დანიშნულების ნაგებობანი — სამზარეულო, სამეხრო და სხვ. „შევქმენ მუხისაჲ სამზარეულო ა: სხუად სახლი შევქმენ სახუცოჲ მუხისაჲ ა: და ნაძვისაჲ ა:“ ...„სამეკროჲ სახლი შევქმენ ან: (თ. უორდანი, ქრონიკები, II, გვ. 46). ზოგჯერ კი ქვითკირის საწნახლების მაგივრად „შეშის საწნახელები“ ჰქონიათ.

საერო ნაგებობათა შორის აღსანიშნავია სასტუმრო, საავადმყოფო და სხვა დანიშნულების სახლების მშენებლობაც. „პეტრე იბერის ცხოვრებიდან“ ვგებულობთ, რომ სასტუმრო სახლებს აშენებდნენ ქართველები ჭერ კიდევ V საუკუნეში: „აღაშენეს სახლი

<sup>10</sup> ლ. მ უ ს ხ ე ლ ი შ ვ ი ლ ი, დმანისი, გვ. 408—409.

სასტუმრო ქალაქსა შინა და განასუტნებდეს მომავალთა ძმათა ქართულშლთა და ბერძენთა, რამეთუ განამზადეს ფერკეთა საბანელი და ტრაპეზი და სარეცლები და წარაგეს ზოგი განძისა მის, რომელ აქუნდა სამეფოთ“ (პეტრე იბერი, გვ. 14—15; თ. 20<sub>12-17</sub>). როგორც აქედან ჩანს, სასტუმრო სახლები შედგებოდა: ა) საპირფარეშოსაგან, ე. ი. ისეთი განყოფილებისაგან, სადაც გარდა „ფერკეთა საბანელისა“ იქნებოდა პირის საბანიც და, შესაძლებელია, ტანისაც; ბ) სატრაპეზოსაგან, ე. ი. სასადილო განყოფილებისაგან და გ) ძილისათვის განკუთვნილი განყოფილებისაგან, სადაც „სარეცლები“ იყო გაწყობილი. სასტუმრო, დასასვენებელი სახლები შენდებოდა ქართველ მოგზაურთათვის არა მარტო საზღვარგარეთ, არამედ საქართველოშიც. ვახუშტი ბატონიშვილი თამარ მეფის შესახებ წერდა: მთა გამბიანზე „არს ფუნდუკი თამარ მეფისაგან აღშენებულ ზამთარ მოგზაურთათვის“ (აღწერა, გვ 40). დავითის ისტორიკოსს დავით აღმაშენებელზე ნათქვამი აქვს: აღაშენა ქსენონნი ადგილსა შემსგავსებულსა და შუენიერსა (მ. დედ. ქ. ცხ<sup>ბ</sup>, 295<sub>9-10</sub>). „ქსენონი“ ანუ საუძღურე აკაზმულობითა მისათა“ — ნათქვამია ქაიხოსრო ათაბაგის შიერ აღზრდილ ამბროსიზე ათონის ივერთა მონასტრის აღაპებში (ათ. კრებ., გვ. 267, № 163).

დავით აღმაშენებელი ცნობილი იყო ხილთა და გზათა მშენებლად: „რაოდენნი ეკლესიანი აღაშენნა, რაოდენნი ხილენი მდინარეთა სასტიკეთა (ზედა), რაოდენი გზანი, საწყინოდ სავალნი, ქუთაფენილ ჰყუნა, რაოდენნი ეკლესიანი წარმართთაგან შეგინებული გაშმინდა სახლად ლუთისა“. საქართველოს მატერიალური კულტურის ისტორიისათვის ფრიად მნიშვნელოვან საკითხს ძველი საქართველოს ხილების ნაგებობაც წარმოადგენს. ხილს მშენებლობა იყო ერთ-ერთი მნიშვნელოვანი დარგი ქართული ხუროთმოძღვრებისა. XI—XII სს. ხიდი (მდ. ბესლეთზე, სოხუმის მახლობლად) გაზომილი და შესწავლილია. მას, როგორც ცნობილია, „ვენეტიკის“ ან „გენუის“ ხილს უწოდებდნენ. უვაროვმა ეკვი შეიტანა ხიდის ამგვარ სახელში და გამოთქვა მოსაზრება, რომ „იგი შეიძლება მივაკუთვნოთ ბერძენ ოსტატებს“. აკად. გ. ჩუბინაშვილმა ხილზე დიდი ასომთავრული მხატვრული დამწერლობით ამოკვეთილი ქართული წარწერა აღმოაჩინა და ამით საბოლოოდ დაამტკიცა, რომ ის არც „ვენეტიკურია“ და არც ბერძენ ოსტატებს ეკუთვნის, არამედ ქართული მხატვრული კულტურის უცილობელი ძეგლია და რომ იგი ქართველი ხელოსანი ოსტატების ნახელავს წარმოადგენს. „ეს ძეგლი დიდი თანამედროვე ხილთაშენებლობის კანონებსაც კი სრულ-

ლიად აკმაყოფილებს და 8 ტონიანი მანქანების მთელი შეუწყვეტელი რიგის სიმძიმის ატანაც კი შეუძლია<sup>11</sup>.

მაშინ, როდესაც საცხოვრებელი და სამეურნეო დანიშნულებს ნაგებობანი ძირითადად ქვეთკირით შენდებოდა, ცხადია, ისეთ ნაგებობებს, რომელთაც თავდაცვითი, საომარი მნიშვნელობა ჰქონდათ — მაგ., „კოშკი“ — ქვეთკირით აშენებდნენ. მათ შესახებ ანგარიშგასაწევი წერილობითი ცნობები თითქმის არ მოგვეპოვება.

სამაგიეროდ მრავალმხრივია მასალები სასულიერო ნაგებობათა შესახებ. სასულიერო დანიშნულების ნაგებობებს უნდა მიეკუთვნოს: „ეკლესია“ (შუშ. წამება, VIII<sub>21</sub>). იგი თავიდანვე храм-ის, церковь-ის მნიშვნელობით გვხვდება. ამავე მნიშვნელობით, მაგრამ უფრო მოგვიანებით, შემოდის ხმარებაში ტერმინი „საყდარი“. იგი თავდაპირველად ნიშნავდა ტახტს; ჯუანშერი წერდა: ვახტანგი „დაჯდა საყდართა ზედა მალალთა“ (მ. დედ. ქ. ცხბა, გვ. 125 გ). „საყდარი“, როგორც სახუროთმოძღვრო ტერმინი, ივ. ჯავახიშვილის შენიშვნით, კათედრალურ ეკლესიას ნიშნავს: აფხაზთა მეფე ლეონმა „აღაშენა ეკლესიაჲ მოქესა და შექმნა საყდრად საეფისკოპოზოდ“ (მ. დედ. ქ. ცხბა, გვ. 33; შდრ. ივ. ჯავახიშვილი (Термины искусств, Хр. В. Т. III, в. 1. 202). ბაგრატ III-ზე ნათქვამია: „აღაშენა საყდარი ბედისა, შექმნა საეპისკოპოზოდ“, „აკურთხა ეკლესია ქუთათისისა“ (მ. დედ. ქ. ცხბა, გვ. 245).

„ტაძარი“ საერთო დანიშნულების ნაგებობის აღმნიშვნელი იყო. ამ მნიშვნელობით გვხვდება იგი „შუშანიკის მარტვილობაში“: „შუშანიკ „აღდგა და დაუტევა ტაძარი თვისი“ („შუშ. წამება“, 119). „არზილის წამებაში“ ნათქვამია: „სამეფუთონი ტაძარნი თვისნი დაუტევა“ (მ. ჯანაშვილი, ქართ. მწერ., I, გვ. 257). ამავე მნიშვნელობითაა ნახმარი „ტაძარი“ „გრ. ხანძთელის ცხბა-შიც“. მაგრამ XI ს. ამ ტერმინმა შინაარსი შეიცვალა და იგი სასულიერო დანიშნულების ნაგებობის აღმნიშვნელი გახდა. მეღქისედექ კათალიკოსის XI ს. სიგელში ვკითხულობთ: „ჩუენ ქრისტეს მიერ კურთხეულმან ქართლის კათალიკოზ-პატრიარქმან მეღქისედექ... ღირს ვიქმენ საჭედპყრობად წმიდისა ამის ტაძრისა კათოლიკე სამოციქულო ეკლესიისა“ (თ. ქორდანი, ქრონიკები, 11, გვ. 31). დავითის ისტორიკოსს ნათქვამი აქვს: დავით აღმაშენებელმა აღაშენა გელათში „ტაძარი ყოვლად წმიდისა ღვთის მშობლისა“ (მ. დედ. ქ. ცხბა,

<sup>11</sup> ხუროთმოძღვრ. ლ. რ ჩ ე უ ლ ი შ ვ ი ლ ი და ნ. ჩ უ ბ ი ნ ა შ ვ ი ლ ი, XI—XII სს. ხილი მდ. ბესლეთზე, „შ. რუსთაველის ეპოქის მატ. კულტ. ძეგლები“, გვ. 269; იხ. იქვე, იხე. ვ. მ ა რ ს ო ვ ი, აილის გაანგარიშება, გვ. 276.



გვ. 294). ამრიგად, XI ს. შემდეგ „ტაძარი“ სასახლის მნიშვნელობით არ იხმარება და იგი სასულიერო ნაგებობის აღმნიშვნელ ტერმინადაა ქცეული.

ჯვარის სახის ეკლესიას, რომელიც ძველ საქართველოში უშენებიათ, „ჯუარი“ ეწოდებოდა. „ჯუარი მცხეთისა“ მოხსენიებულია ევსტათი მცხეთელის მარტილობაში“. აღსანიშნავია აგრეთვე სასულიერო დანიშნულების ნაგებობის აღმნიშვნელი „ს ი ო ნ ი“-ც. „ს ი ო ნ ი გ ა ნ ე შ ო რ ა მ კ ვ დ რ თ ა“—ნათქვამია „ქართლის მოქცევაში“ (E. Такайшвили, Опис. II, გვ. 725). ჯუანშერის სიტყვით, „მცხეთას მეფემან ვახტანგ აღაშენა ეკლესია მოციქულთა სუეტი-ცხოველი... რომელ არის ს ი ო ნ ი დ ი დ ი“ (მ. დედ. ქ. ცნება, გვ. 179).

საერო ხუროთმოძღვრების ძეგლებთან შედარებით, გასაგები მიზეზის გამო, სასულიერო ნაგებობანი, ძველი და ახალი, მრავლად არიან შემონახულნი საქართველოში. ივ. ჯავახიშვილის სიტყვით, „ვისაც ერთხელ მაინც ძველი ნაშენი ქართული ეკლესია ნანახი აქვს, ის ადვილად მიხვდება, რომ საქართველოში ხუროთმოძღვრება ძალიან განვითარებული და დაწინაურებული იქნებოდა. ეკლესიები ნაშენობის ადგილების ზომიერებით და საკვირველის შეთანხმებითა და სიმეტრიით არის აგებული, ისეთ მიუხედავ და მაღალ ადგილებზე, ისეთის რთულ თალებითა და გუმბათებით შემკული, რომ უეჭველია ხუროთმოძღვრები ნასწავლი კაცები უნდა ყოფილიყვნენ“<sup>12</sup>.

#### § 4. შენების ტერმინი და პროცესი

საერო ნაგებობათა შენების პროცესისა და ტექნიკის შესახებ ჩვენ მასალები არ მოგვეპოვება. არსებული მასალები („გრ. ხანძთელის ცნება“, „სერაპიონ ზარზმელის ცნება“, „აბუსერისძე ტბელის თხზულება“ და სხვ.) სასულიერო დანიშნულების ნაგებობათა შენების შესახებ იძლევა ცნობებს. როცა ჩვენ შენების ტექნიკასა და პროცესს ვიხილავთ, უმთავრესად სასულიერო ნაგებობანი გვაქვს მხედველობაში. შეიძლება ითქვას, რომ ქვითვირის საერო შენობათა აგების პროცესი ძირითადად იმგვარივე იყო. მასალები სხვა მხრივაც ზღუდავენ ჩვენს შესაძლებლობას: თითქმის არავი-

<sup>12</sup> ივ. ჯავახიშვილი, საქ. ეკ. ისტორია, 39.

თარი ცნობა არა გვაქვს ხის ნაგებობათა შენების შესახებ, გარდა იმისა, რომ ვიცით ამგვარ ნაგებობათა არსებობა.



ეკლესიის ან მონასტრის (ან კიდეც სხვა სახის ნაგებობის) შენების დაწყებამდე საჭირო იყო მოეძიათ „ადგილი, სადა აღაშენოს მონასტერი“ (ს.რ.ბ. ც.ხ.ბ., გვ. 166გ). ასაშენებლად არჩეული ადგილი ყოველთვის მოხერხებული როდი იყო. საჭირო ხდებოდა მისი „შეკაზმვა“: „მოიძია ადგილი, სადა აღაშენოს მონასტერი“, და „შეკაზმეს ადგილი იგი“ — ნათქვამია „ს.რ.ბ. ზარზმელის ც.ხ.ბ. ში“ (იქვე, 166ჯ). „შეკაზმვა“ ხშირად დიდ სამუშაოებს მოითხოვდა. რაკი სწორი ადგილი საქართველოში იშვიათად თუ მოიძებნებოდა, აუცილებელი ხდებოდა ნიადაგის გასწორება, რომელსაც მაშინ „ქვეყნის დავაება“ (გრ. ხანძთელი, ია 37) ეწოდებოდა: ნეტარმა გრიგოლმა „ადგილი იგი საეკლესიოა დაავაჟა“ (იქვე, ილიე 5—6). თუკი ეკლესია შენდებოდა „ფიცხელსა... კლდესა ზედა“ ადგილის დავაება ქვეთიკრით უნდა მომხდარიყო: „იქმნა დაწყება ახლისა მის და შუენიერისა ეკლესიისა ფიცხელსა მას კლდესა ზედა, რომელიცა ფრიადითა შრომითა და ქვეთიკრითა მყარითა მრავალთა ეამთა დაავაჟეს და ესრტთ შეჰრაცხეს შემზადებად ადგილისაჲ მის“ (გრ. ხანძთელი, ლგ 22—25). ხოლო, როცა დამთავრდებოდა „შე მ ზ ა დ ე ბ ა ა დ გ ი ლ ი ს ა ო“, ხდებოდა „საზომით გაზომვა“ ეკლესიის „სივრცისა და სიგრძისა“ ანუ „შესაზღვრაჲ და შემოწირვაჲ“: „აღიღო საზომი და განზომა სივრცე და სიგრძე მის ტაძრისაჲ და ნებითა ღმრთა იწყყო მოსწრაფედ შშნებად მის ტაძრისა (იოსებ არიმთიელი, აღშენებისათჳს, 524-გ).

ზემოაღნიშნული მუშაობის ჩატარების შემდეგ, უფრო ხშირად კი აღრეც, შენების დაწყებისათვის აუცილებელ მოსამზადებელ სამუშაოთა შესრულება იყო საჭირო. საჭირო იყო საშენი მასალის ანუ, როგორც მაშინ უწოდებდნენ, „ნივთი საგებლის“<sup>12</sup> მომზადება და მიტანა ადგილზე. პირველ რიგში საშენი ქვა უნდა მოეპოვებინათ. ქვის მოპოვება ხშირად ძალიან ძნელ საქმეს წარმოადგენდა. აბუსერისძე ტბელის სიტყვით, ბასილისათვის უბრძანებიათ: „ქვასა... მიწით აღმოიღებდე, ანუ კლდისაგან აღმოჰკაფავდე“ (აბუსერისძე

<sup>12</sup> „მეყსეულად მოიღეს ნივთი საგებელი, და იწყეს შენებად ეკლესიისა“ (საბინინი, გვ. 88).

ტბელი, გვ. 58, 53). სხვა შემთხვევაში საშენი ქვა სხვა გზით შეიძლება მოპოვებულიყო. ისეთ ადგილებში, სადაც მიწაში ქვა არ იყო და არც კლდე მოიპოვებოდა, საშენი ქვები მდინარიდან ამოჰქონდათ: „არა იპოვა რაფთურით ქვა და კირითა და შრომით მდინარისა მისგან მოიღებდეს“ — ნათქვამია „სრპ. ზარზმელის ცხბაში“ (167<sup>10-11</sup>). თუ აღმშენებლობა იქ ხდებოდა, სადაც ძველი ეკლესიების ნანგრევები იყო, ნანგრევებიდან დარჩენილი ქვებით სარგებლობდნენ. ასეთი ქვები, ბასილ ზარზმელის სიტყვით, „კუთხთა და კამარათათჳს“ გამოყენებულნი, გამოირჩეოდნენ: „არა ადგილი ერთი, სადა ეკლესია მისი დაცემულ არს ძვრისაგან, აწ უკეთუ ჰბრძანოთ, ადვილ არს, რათა იგი მოვილოთ, ხოლო ცნეს რა წმიდათა მათ, რამეთუ უკმრად მდებარე არს ეკლესია იგი, ბრძანეს, რათა სწრაფად კელყონ საქმესა მას. და იწყეს მიღებად მეყსეულად, რა ოდენი ეხმარებოდა ეკლესიასა მისთჳს. და იცნობებიან ქვანი იგი ზოგნი რაამე კუთხთა მიერ და კამარათა“ (იქვე, 167<sup>18-20</sup>). როცა არც მდინარიდან შეიძლებოდა ქვების მოტანა და არც ეკლესიის ნანგრევები არსებობდა, საშენ ქვას ყიდულობდნენ ხოლმე. „გრ. ხანძთელის ცხბის“ მიხედვით „ქვა და კირი ფრიად შორით მოაქუნდა ძნელთა მათ გზათა კაცთა ზურგითა და ყოველი სასწორითა იწონებოდა, რამეთუ იყიდდეს მაშტნებელნი იგი“ (გრ. ხანძთელი, ლგ 28-30). ზოგჯერ საშენი ქვები შეწირვის საგანს წარმოადგენდა და ქვის შემწირავი ალაპის გარეხას მოითხოვდა ეკლესიის მსახურთაგან (იხ. E. Такайшвили, Арх. экск., вып. II, გვ. 9). ქვის მოპოვების ზემოთხრობილ სიძნელე როდი მიგვითითებს საქართველოშიც საშენი ქვის ნაკლებობაზე. ზოგან ეს საშენი ქვები მრავლად იყო (შდრ. ვახუშტი, აღწერა, გვ. 78).

თუ მდინარიდან ამოღებული ქვა და ძველი, უკვე გათლილი ქვები — მშენებლობისათვის უშუალოდ გამოდგებოდა და მძიმე დამატებით სამუშაოებს არ მოითხოვდა, „კლდისაგან აღმოკაფა“ ქვისა და მისი საშენებლად გამოყენება მრავალმხრივ სამუშაოს ითხოვდა.

როგორც ირკვევა, „ქვის აღმოკაფა“, „ქვის გათლა“ და გათლილი ქვებით მშენებლობა სხვადასხვა ხელობის მქონეთა საქმეს წარმოადგენდა. წყაროებში ცალ-ცალკე არიან მოხსენიებულნი ქვის მკვეთელი, ქვის მთლელი და გალატოზი. ქვის მკვეთელი და ქვის მთლელი ამგვარადვე იწოდებოდნენ ძველადაც. „დაბადების“ ქართულ თარგმანში ვკითხულობთ: „და მისვეს იგი (ვერცხლი, შ. მ.) კელთა შინა მოქმედთა საქმისათა ზედამდგომელთა ტაძარსა შინა უფლისასა და მისცემდეს იგი მოქმედთა საქმისათა... და ხუროთა

და ქვს მკუჭთელთა და მომსყიდველთა ხეთასა და ქუათა მთელთა“ (მეფეთა, IV, 22<sub>5</sub>, 6). იმათ, ვინც ქვების მოპოვების სამუშაოებს ასრულებდა (ე. ი. კლდიდან ქვის აღმომკაფავთ), „ქვს მკუჭთელნი“, „ქვს მკოდელნი“ (ხრონოლორაფი, 85<sub>17</sub>, მეფეთა IV, 12<sub>12</sub>), „მომჭრელნი ქვათა“ ერქვათ („იყო სოლომონისა სამეოცდაათათასი მომღებელი ტურთისა და ოთხმეოციათასი მომჭრელნი ქვათა მთავსა შინა“ — მეფეთა, 111, 5<sub>15</sub>; შდრ. ეზდრა, 1, 37). ქვის მოჭრას „კლდის კაფა“ („იწყეს ფარულად კლდესა კაფა“, ლ. მროველი. მ. დედ. ქ. ცხბა, 15<sub>1</sub>), „კლდისაგან აღმოკაფვა“ ანუ „კოლა“ ეწოდებოდა.

ქვის მკეთებელთა სამუშაოსაგან განსხვავებულ სამუშაოს, უფრო დახელოვნებული პირის საქმეს, წარმოადგენდა „ქვის თლა“: „კაცნი სავარელნი იყვნენ ჩუენ თანა მონასტერსა და შურებოდეს იგი თლასა ქვსასა“ (ცხბაჲ სკმ. მესუეტისა, 300<sub>38—39</sub>). ქვის გათლას, ე. ი. მის სააღმშენებლოდ შეკაზმვას „კაზმვა“-ც ეწოდებოდა: „ადგილსა და უბანსა, რომელსა ეწოდების ჯალე“, იყო ბასილი „კაზმასა შინა ქვისასა“, მთასა, რომელსაც „ხაქარ-წმინდა ეწოდების... შეკაზმა ქვა დიდი და მძიმე ფრიად და დადვა მარტომან მარხილსა ზედა“ (აბუსერისძე ტბელი, გვ. 57, 58, 59, 66—67). ქვის შეკაზმველთ ქვის მთლელებს უწოდებდნენ: ქვათა გაუთლელთა „გათლიდეს ძენი სოლომონისანი და ხირამისანი და ქვს მთლელნი გაბაელნი“ (მეფეთა, 111, 5<sub>17</sub>). „ქვის მთლელნი“ მოხსენიებულია „ქართლის მოქცევის“ ჰელიოგრაფიკის ვარიანტში: „ითხოვნა (მირიამ მეფემ, შ. მ.) საბერძნეთით ქვისა მთლელნი და კირით ხურონი“ (E. Такайшвили, Опис, II, გვ. 714). აბუსერისძე ტბელის ნაშრომში კი „ქვის მთლელნი“ „ქვის მქნელეზად“ იწოდებიან. აღსანიშნავია, რომ აბუსერისძე ტბელის სიტყვით ქვის მთლელთ ანუ ქვის მქნელთ თანაშემწეები ჰყოლიათ: „ქვის მთლელთა და თანაშემწეთა მათთა“ ჰკურნებდაო, — ნათქვამი აქვს მას (აბუსერისძე ტბელი, გვ. 152). „თანაშემწენი“ ალბათ ისინი იყვნენ, რომელნიც ქვას ჰკაფავდნენ და გასათლელად უმზადებდნენ ქვის მთლელთ, ე. ი. ისინი, ვინც გათლისათვის საჭირო შავ სამუშაოს ასრულებდნენ.

ქვის მთლელნი გათლილ ქვებს უკეთებდნენ მათ მიერ დათქმულ ნიშნებს. ქვის მთლელთა ნიშნები VII საუკუნემდეღ ქვლებს აქვთ, ხოლო უფრო მოგვიანებით აგებულთ, აკად. გ. ჩუბინა-

<sup>14</sup> გ. ჩუბინაშვილი, მცხ. ჯვრის ტაძარი, უნივერსიტეტის მამბე, II, გვ. 29.

შვილის სიტყვით, ნიშნები არა აქვთ. „ასეთი ნიშნები აქვს, — წერს გ. ჩუბინაშვილი, — მცხეთის ჯვრის დიდ ტაძარს, ატენის სიონს, მარტვილისა და წრომის ტაძარს, აგრეთვე სომხეთში ქ. მრენის ნანგრევებში აგებულ ტაძარს და მცხეთის ჯვრის მცირე ტაძარს“<sup>15</sup>.

როგორც ვთქვით, ქვის მოკვეთა და გათლა ქვის მკვეთელისა და ქვის მთლელის საქმე იყო და არა გალატოზისა. ეს იქიდანაც ჩანს, რომ მირიან მეფემ კირითხუროთა, ე. ი. გალატოზთა გარდა ქვის მთლელნიც გამოითხოვა საბერძნეთიდან: „ითხოვა საბერძნეთით ქვის მთლელნი და კირითხურონი“ (Е. Такаишвили, Опис., II, გვ. 714). აბუსერისძე ტბელის სიტყვით კი, გალატოზი ბასილი, აგრეთვე ქვის თლასაც აწარმოებდა, მაგრამ ეს იმით აიხსნება, რომ ბასილს იმ შემთხვევაში წმ. გიორგისაგან ნაბრძანები ჰქონდა „თუნიერ კაცთა შეწევნისა“ აუშენებინა ეკლესია. ქვის გათლა რომ გალატოზის საქმე არ იყო, ამას, სხვათა შორის, ისიც ადასტურებს, რომ გალატოზ ბასილს სწორედ ქვის სათლელი იარაღი არ ჰქონია და წმ. გიორგის ბრძანებით თვით უნდა გაეკეთებინა იგი იმ რკინისაგან, რომელიც მონაზონ სტეფანეს ჰქონდა: სტეფანეს „უთქს ერთი კერძო—კარაული, რომელ არს ჯორი და უც რკინაჲცა, და იგიცა მოითხოვ ჯორითურთ და შექმენ მის რკინისა ქ უ რ ქ ე ლ ნ ი ქ ე ი ს ს ა თ ლ ე ლ ნ ი კ ე ლ ი თ ა ვ ე შე ნ ი თ ა, თ უ ნ ი ე რ კ ა ც თ ა შე წ ე ვ ნ ი ს ა“ (აბუსერისძე ტბელი, გვ. 57, 40—42). სტეფანემ „მოსცა... რკინა შესაქმნელი ქვისსათლელთა ჭურჭელთა“ (იქვე, გვ. 58, 50) და ამის შემდეგ შეუდგა იგი ქვის სათლელ იარაღთა შექმნას და ქვათა კაზმვას. აღსანიშნავია, რომ ძეგლში არაფერია ნათქვამი იმის შესახებ, რომ ბასილს ის იარაღები ჰქვებოდეს, რომლებიც მშენებლობისათვის, კალატოზისათვის აუცილებელი იყო.

ქვების გათლა მშენებლობის ადგილზე წარმოებდა, რადგან გათლილი ქვების გადატანა საშიში იყო გზაზე მათი მოსალოდნელი დაზიანების გამო, ზოგჯერ გადატანა გათლის შემდეგაც ხდებოდა ხოლმე. აბუსერისძე ტბელის სიტყვით, ბასილს გათლილი ქვები გადაჰქონდა საამშენებლო ადგილზე. გადაზიდვისათვის ანუ, აბუსერისძის სიტყვით „საზიდავისა სამუშაოჲსათვის“ „უღლეულნი ხართა“ (გვ. 57, 43) და „კარაული“ (გვ. 57, 44) იყო გამოყენებული. „უღლეულნი კართა“, იმავე ავტორის მიხედვით, შებმული იყო „მარჯილში“: „შეკაზმა ქვა დიდი და მძიმე ფრად, და დადვა მარტომან მარჯილსა ზედა მათივე უღლეულთა თვსთასა“ (იქვე, გვ. 59, 76). როცა „უღლე-

<sup>15</sup> იქვე, გვ. 41.

ულნი ვართა“ და „მარჯილი“ არ იყო, საშენი ქვეები, როგორც „გრ. ხანძთელის ცხ“ბიდან“ ჩანს, ზურგითაც უზიდიათ ხოლმე: „ქვაა და კირი ფრიად შორით მოაქუნდა ძნელთა მათ გზათა კაცთა ზურგითა“ (გრ. ხანძთელი, ლგ 28—29).

„ნივთი საგებელი“ ქვასთან ერთად კირს, ქვიშასა და საჭირო ხის მასალასაც გულისხმობდა. კირი, ისევე როგორც ქვა, ქვითკირის შენობის ასაშენებელ მთავარ მასალას წარმოადგენდა. გრ. ხანძთელს, როგორც ეს მისი „ცხოვრებიდან“ ჩანს, ეკლესიის ასაშენებლად საჭირო კირი, ქვასთან ერთად, წონით უყიდიდა და ზურგით მოუტანიათ. ზოგჯერ კირიც, ისევე როგორც ქვა, შესაწირავ საგანს წარმოადგენდა. ბურნაშეთის ეკლესიის წარწერებში იკითხება: „ქ. სხ“თა ლ“თა ესე ქვა ჩ“ნ გაშ“ტს ძეთა დავსუით და ოცა გ“რვა კარი შეეს“წირთ წ“ა ნთლს მ“ცემლსა და ო“ნ შეუენდენ“ (E. Такайшвили, Арх. экск.-; IV, გვ. 42). როგორც ჩანს, გაშტას ძეთ ოცი კირი შეუწირავთ ეკლესიისათვის. კირი „საკირეში“ მზადდებოდა: „ბრძანა, რა შთააგონ მსწრაფლ საკირესა მას“ და შთააგდეს კირსა ახალსა ქუაჲ მძიმშ დასდვეს ზედა მკერდსა მისსა“ (წბაჲ ალათანგელშსი, X P. B., IV, B. III, გვ. 275<sub>17</sub>—21). „საკირის“ მნიშვნელობით იხმარებოდა აგრეთვე „სალბობელი კირისა“: „და ბრძანა, რა შთააგდონ წმიდა იგი სალბობელსა კირისსა ოთხმეოც დღე“ (იქვე, 275 —).

აბუსერისძე ტბელის სიტყვით, ბასილს უნდა მოემზადებინა საშენებლად „კირი და ღორღი“, აგრეთვე ქვიშაც: „ამათ კარაულითა კრებდეს ქვშასა“ — უბრძანებს წმ. გიორგი ბასილს (აბუსერისძე ტბელი, გვ. 57, 44). ისეთ ადგილებში, სადაც წყალი ნაკლებად იყო, ან შორიდან იყო მოსატანი, მშენებლობისათვის წყლის მომარაგებაც საჭირო ხდებოდა. ამისათვის აკეთებდნენ „ჭურღმულებს“ „წყლისა შესაკრებელსა“ (იხ. ც“ხბაჲ სჲმ. მესუეტისაჲ, გვ. 257); ზოგჯერ კი წყლის მომარაგება სპეციალურ მსახურთ ევალებოდათ. ის, ვინც წყალს აგროვებდა, „წყლის მკრებელად“ იწოდებოდა: „არა მოაკლდეს თქუენგან მონაჲ, არცა შეშისმკოდელი და წყლისმკრებელი ჩემდა“ (ხრონოღრაფი, 80<sub>21</sub>—22).

მშენებლობისათვის ხის მასალაც იყო საჭირო. დასამუშავებელი ხის მასალის მომპოვებელს „შეშის მკოდელი“ ეწოდებოდა: „ამისათვის იქმნნეს გაბაონელნი შეშისმკოდელ და წყლისმკრებელ“ (იქვე, 80 24—26). ხის მოჭრას „კოდა“, „კაფა“ ეწოდებოდა: „უჩუ-

ენა მას ჰინდო ერთი, რლი კაფდა შეშასა (H. Mapp, Агиогр. мат., I, გვ. 29). კაფეისას „მკოდელი შეშისა“ ყურადღებას აქცევდა ხის „კეთილსახმარობას“. საშენებლად უვარგისი ან „არაკეთილსახმარი“ იყო „ხე მრული და როკითა საესე“. „შეშის მკოდელის“ ძირითად ბარალს, როგორც ამჟამად, ძველადაც „ცული“ და „ხერხი“ წარმოადგენდა: „შეთუენმესულიყოს ტყესა შეშისა კაფვად და ცემას მას ცულისასა, განუარდეს იგი ჴელთა მისთა“ (მეორე სჯულისა, 19<sub>გ</sub>). „შეშის მკოდელის“ მიერ მოპოვებულ ხეს მშენებლობისათვის ამზადებდა და საჭირო ფორმას აძლევდა „ძელითხურო“ ანუ „ხურო“.

•

• •

საშენი მასალის ადგილზე მოტანის შემდეგ საძირკველისათვის მიწის გათხრა იწყებოდა. საძირკველთან დაკავშირებული სამუშაოები ადგილმდებარეობაზე იყო დამოკიდებული. თუკი საამშენებლო ადგილი ჴვითკირით იყო დაკავებული, კედლის უშუალო ამოყვანა შეიძლებოდა. მაგრამ იყო ადგილი, სადაც „ქვეყნის დავაება“ ჴვითკირით კი არ ხდებოდა, არამედ ღრმა საძირკველის გათხრა იყო საჭირო. მაგ., აბუსერისძე ტბელის მიხედვით წმ. გიორგიმ ბასილს „თუთ აუწყა ადგილსა ზედა მწყურნებსა და მიწასა ზედა ლბილსა კელყოფა ამის საკვრველისა აღშენებისაჲ“ (აბუსერისძე ტბელი, 61—62, 97). რბილი და წყლიანი ადგილი განსაზღვრავდა მომავალ სამუშაოებს: საძირკველის სიღრმეს, საშენ მასალათა რაოდენობას და სხვ. ამგვარი ადგილმდებარეობა საძირკველის სიმაგრისათვის მიწის ღრმად გათხრას მოითხოვდა. სწორედ ამოდენა შრომის აუცილებლობის გამო ბასილი „მწყურნარებით შეპყრობილყო“: „ხოლო ბასილი, მწყურნარებითა შეპყრობილმან და ზარგანქილმან, თხარა ეგოდენი სიღრმე ჴუეშე მიწისა, ვითარცა ჩანს ზედაჲთ ტაძარი ესე“ (იქვე, გვ. 62, 93).

ამრიგად, საშენი მასალის მიტანისა და მიწის სამუშაოების შესრულების შემდეგ მაშენებელთ უნდა შეემზადებინათ ე. წ. „წუენი“ (კიმენი, I, გვ. 18), ანუ ღულაბი. იწყებოდა „ზელა კირისა და ჴვიშისა“. აბუსერისძე ტბელის მიხედვით ყველაფერი ეს ბასილს უნდა გაეკეთებინა, სხვას „მოღებად და ზელად ჴვიშისა კირისავე თანა თუნიერ მისსა“ (იქვე, გვ. 56, 24) აკრძალული ჰქონდა.

საძირკველის ჩაყრას „საფუძვლის დასხმა“ ანუ „საფუძვლის დადება“ ეწოდებოდა: „და აკურთხნეს ადგილნი წმინდათა ეკლესიათანი და დახსნეს საფუძველნი“ (გრ. ხანძთელი, ლხ 88—89). „სრბ. ზარზ-

მელის ცხ<sup>ბ</sup>აში“ ვკითხულობთ: „შეკაზმეს ადგილნი იგი“ და „დადევს საფუძველი ადგილსა მას“ (ს<sup>რ</sup>პ. ც<sup>ხ</sup>ბა, 167 გ<sup>ჟ</sup>). „საფუძველის“ მნიშვნელობით „ბალაპვარი“-ც იხმარებოდა. აბუსერისძე ტბელის სიტყვით, ბასილმა შეკაზმული ქვა, „რომელი არს მცირედლა უნაკლოვანეს ათერთმეტისა მტკაველისა „და დ ვ ა ბ ა ლ ა პ ვ ა რ ა დ კ არსა დასავლისასა“ (გვ. 59, 72), „ბალაპვარი“ საძირკველის მნიშვნელობით არაერთგან გვხვდება ეპიგრაფიკულ ძეგლებში. კუმურდოს 964 წ. წარწერაში ვკითხულობთ: „შეწევნითა ღვთისაჲთა იოვანე ეპისკოპოსმან დადვა სრული საძირკველი ამის ეკლესიისაჲ, ჴელითა ჩემ ცოდვილისა საკუთრისათა (?) ლეონ მეფისა ზ<sup>მ</sup> ადიდენ ღ<sup>ნ</sup> ქ<sup>ნ</sup>ს: რპდ: თვესა მისსა, შაფათსა მთვარისსა, ერისთობასა ზ<sup>ვ</sup>სსა. ეს ბალაპვარი მან დადვა“ (E. Такайшвили, Арх. экск., IV, გვ. 83; თ. ჟორდანი, ქრონიკები, I, გვ. 90). როგორც ირკვევა, ბალაპვარს სხვა მნიშვნელობაც გააჩნდა: „ბალაპვარი, წერდა ე. თაყაიშვილი: ჩვეულებრივ ნიშნავს საძირკველს, მაგრამ, როგორც ჩანს, ძველად იგი იხმარებოდა აგრეთვე იმ დიდი ქვის სახელწოდების აღსანიშნავად, რომელსაც ათავსებდნენ ეკლესიის კარის ზევით, ე. ი. კარის თავზე. ამგვარი მოსაზრება გამოთქვა ი. ჯავახიშვილმა თავის ლექციასში“<sup>16</sup>.

„ბალაპვარის“ დადვამდე და მის შემდეგ ხდებოდა კირში აზელილი ქვიშისა და „ლორღის შთასხმა“ (აბუსერისძე ტბელი, გვ. 56, 24). „ლორღის“, ე. ი. ქვის კენჭზე უმსხვილესი ნამტკრევის, „შთასხმა“ კირთან ერთად ნაშენების უფრო მეტი სიმაგრისათვის ხდებოდა: ნაგებობის სიმაგრისათვის აიხ სოფის ტაძრის აშენებისას, როგორც ეს მისი მშენებლობის აღმწერი ძეგლიდან ჩანს, კირისა და ქვიშის შესაზავებლად წყლის მიკვიერ უხმარიათ „ნაგებობი ქერისა“ და „ძეწნის ხის ქერქის ნაგებობი“. იქვე გამოუყენებიათ კედლის სიმაგრისათვის „ადუღებული ტყვია“, კირი, ზეთითა და „ქრთილისა და ძეწნისა ქერქისა ნაგებობითა“ შეზელილი (E. Такайшвили, Опис., I, გვ. 590, 594). უხმარიათ თუ არა ამგვარი შენაზავები საქართველოში, ქართული წყაროებიდან არ ჩანს.

„ქვისა ქვასა ზედა დასმით“, კირისა და ქვიშის შენაზავლის შერევით შენდებოდა შენობის კედელი. თაღების გადაყვანას რომ შეუდგებოდნენ, ჯერ „კალაპოტს“ შეუდგამდნენ, ხოლო თაღი რომ გამაგრდებოდა, „კალაპოტს გამოუყრიდნენ“ და „მოლესავდნენ“

<sup>16</sup> E. Такайшвили, Арх. экск., IV, გვ. 84, შენიშ. I. „ბალაპვარზე“ სხვა აზრისა იყო აკად. ნ. მარი (ბ. მისი «Два грузинских архитектурных термина «ачрдыл» и «балавар», Хр. В., IV, в. III, გვ. 298.)



კიდეც. დავით აღმაშენებლის ანდერძში, სხვათა შორის, ნათქვამია: „თუ მე ღირს მყოს ღმერთმან, ენკენობაჲ მისი ვიზილო; კურთხეულ არს სურგრძელობაჲ მისი, თუ არა არსენ ბერსა რომელ აქუს კონსტანტი და პერპერაჲ, კალაპოტი გამოუყარონ, მოლესონ, მოხატონ და აკურთხონ“ (შიომღვ. საბუთ., გვ. 16). ამრიგად, განესრულებოდა ეკლესია „საფუძვლით და ხარისხითგან“... „შტოფთურთ, ვიდრე სარკუმელთამდის“... „სარკმელითგან“ ვიდრე „სამკურამდე“ (ს.რპ. ც.ხბა, გვ. 180). ამის შემდეგ სახურავი ანუ, როგორც მაშინ უწოდებდნენ, „სართული“ უკეთდებოდა: ათონის ივერთა მონასტრის ალაპებში მოხსენიებულია „ტყუაჲვი სართულთათვის ეკლესიისათა“ (ათ. კრებ., გვ. 265, № 161). „სართულის დასაბურავად“, გარდა კრამიტისა (ეს ზომ ადრე სცოდნიათ), იყენებდნენ ბრტყელ, მსუბუქ ქვებს, რომელთაც „სიპი“ ეწოდებოდათ: „ავაგე მარანი და ჩაეღვი ოცი კური, ავაგე ზედა სამყოფი სახლი ბელელი, საწოლი, დეიფანი, სამრეკლო და ბოსელი და დაებურე ყოველი სიპითა“ (თ. უორდანია, ქრონიკები, II, გვ. 204—205). სიპით ბურავდნენ ეკლესიებსაც: „ტბეთ ზეით არს ნაციხარი, წერს ვახუშტი, ამას ზეით ითხრების ქვა შავი დუდეთს. ამ ქვით ბურენ ეკლესიებთა, სიბრტყისა და სიმსუბუქისათუს“ (აღწერა, გვ. 78). გარდა სიპისა და კრამიტისა, ეკლესიები იბურებოდა „ტყვეით“. ეკლესიის „ზედა ტყვეი არა იყო და წყალი შთადიოდა“ — ნათქვამია „გ. მთაწმინდელის ც.ხბაში“. გიორგი მთაწმინდელმა, მისი „ცხოვრების“ აღმწერის სიტყვით, სთხოვა კონსტანტინე მონომახს „მოცემად ტყვეი (საბინინი — ტყვა), რომლისა მიერ დაებუროს წმინდა ეკლესიაჲ“... „ხოლო მან სიხარულით სრულჰყო თხოვა იგი ბერისა და ნივთთაგან სამეფოთა უბრძანა მოეცა ტყვეისა, რომელი იგი მოილო და დაბურა წმიდა ეკლესიაჲ“ (ც.ხბა გ. მთაწმინდელისაჲ; ათ. კრებ., გვ. 302; საბინინი, გვ. 452).

დაბურვისა და მოლესვის შემდეგ მოხატვა ხდებოდა. „მოლესონ და მოხატონ“-ო, ნათქვამია დავითის ზემომოყვანილ ანდერძში. ამგვარადვეა ნათქვამი ათონის ივერთა მონასტრის ალაპებში სკმონ ქყონდიდელის მიერ გაზრდილი ნიკოლოზის შესახებ, რომელსაც „ეკლესიაჲ მთავარანგელოზთა“ აღუშენებია და დაუსრულებია „ყოველითურთ მოხატვით“ (ათ. კრებ., გვ. 254; თ. უორდანია, ქრონიკები, 1, გვ. 270). ზოგჯერ კიდეც კედლების და სხვ. „მარმარილოთა მოქმნა“ ან „მოფიქვლა“ ხდებოდა. შავთელს თავის პოეტურ ნაწარმოებში „კედელ-ყურენი ფიქლით ძერწილნი“ აქვს მოხსენიებული (აბდულმესია, 40 გ.). სახარების ერთ-ერთ მინაწერში იკითხება:

„საკუთხეველი მოვფიქლეთ“ (А. Цагарели, Свед. в. III, <sup>7</sup> გვ. 52). მოხატვასა და მოფიქვლას ხელოსნობის სხვა დარგის წარმომადგენლები აწარმოებდნენ. ასევე ცალაქე ხელოსნები იყვნენ ალბათ ისინი, რომელნიც შენობებს სოფლის კენჭით ანუ მოზაიკით ამკობდნენ. „სოფლის კენჭით შემკობა ეკლესიებისა ძალიან გავრცელებული ყოფილა საქართველოში. ვახუშტის სიტყვით, ბაგრატის ტაძარი (ქუთაისში) არის „მშვენიერი, გუმბათიანი, სრულიად სოფლის კენჭით შინაგან ქმნული და მარმარილოთა სპეტაკითა, წითლითა და ჭრელითა, და სვეტებითა მისითავე, და ყოვლითა შემკობილებითა სრული და ფრიად დიდი“ (აღწერა, 157<sup>14</sup>—18). ვახუშტისავე ცნობით, სოფლის კენჭით „ჩაწყობილი-დახატული“ ყოფილა წრომისა და შორაპნის მონასტრები (იხ. იქვე, გვ. 58, 127).

ხშირად ხდება აგრეთვე მონასტრების გამოჭიქვა, დაჭრელება. გამოჭიქვა და დაჭრელება, როგორც ჩანს, სრულიად სხვადასხვა საქმეს წარმოადგენდა და მოხატვისგანაც განირჩეოდა. ზემოხსენებულმა ნიკოლოზმა „ეკლესიაჲ მთავარანგელოზთაჲ აღაშენა ყოვლითურთ მოხატვით, გამოჭიქვით, დაჭრელებით და მერმე გარეთასა დაკუასა დამართებით იგი კუთხი ბურღოდ აღამალა, რამეთუ დია დაბალი იყო“ (ათ. კრებ., გვ. 254). მოჭიქული აგურები უხმარიათ, როგორც ეს დმანისის გათხრებმა დაამტკიცა, სამოქალაქო შენობებისათვისაც: „უფრო მდიდრულად მოწყობილ სახლებში; — წერს ლ. მუსხელიშვილი, — კედლების შემოსვა იცოდნენ მოჭიქული აგურითა და შორენკეცებით. ერთ-ერთი ნატეხი მწვანედ მოჭიქული აგურის ფილისაც აღმოჩნდა დმანისში, მაგრამ გაცილებით უფრო ხშირია ტრაპეციის მოყვანილობის პატარა და საშუალო ზომის აგურები, რომლებსაც ზედაპირი მოჭიქული აქვს, ჩვეულებრივად, მწვანე ფერის გაუმჭვირავი მინარით“<sup>17</sup>. ძველ საქართველოში მოუჭიქავთ არა მარტო აგურები, არამედ კრამიტებიც კი. მოჭიქული კრამიტებით ყოფილა დახურული გიორგი III-ს მიერ აშენებული დარბაზი გეგუთში. „იქ, საცა გადახურვა ქვემოდან არ ჩანდა, წერს არქიტექტორი ვ. წილოსანი, მოუჭიქავი კრამიტი დაუწყვიათ, სახურავის დანარჩენი, უდიდესი ნაწილი კი მწვანედ და მუქი ზეთისხილისფრად მოჭიქული კრამიტით იყო გადახურული“<sup>18</sup>.

<sup>17</sup> ლ. მუსხელიშვილი, დმანისი, გვ. 399.

<sup>18</sup> ვ. წილოსანი, გეგუთის ციხე-დარბაზი. შ. რუსთაველის ეპოქის მატ. კულტ. ძეგლები (კრებული), გვ. 467.

როგორც აღენიშნეთ, მოხატვა, დაჭრელება, მოჭიქვა მშენებელი გალატოზის საქმე არ იყო. ის სხვა პირთა საქმეს შეადგენდა. ხელობის ამ დარგებში გაწაფული ოსტატები ცალკე არსებობდნენ. შენობის გამშვენება-მორთვაში მონაწილეობდნენ მქანდაკებელნიც, რომლებმაც იცოდნენ „ქანდაკების ხუროება“ (ც<sup>ნ</sup>ბაჲ სჲმ. მესუეტისაჲ, გვ. 265); მათ „ძეგლთ-მქანდაკებელნი“ (ხრონოლორაფი, 309ჲ, 9—10) ერქვათ.

ცალკე ხელოსნები იყვნენ ალბათ ისინი, რომელნიც სხვადასხვა წარწერებს ამოჭრიდნენ, ე. ი. „შ თ ა წ ე რ ი ლ“ (იერემია, გვ. 17,) ასოებს გამოიყვანდნენ, ან „გამოაქანდაკებდნენ“ (ს<sup>რ</sup>ბ. ც<sup>ნ</sup>ბა, 180<sub>13-14</sub>). ამგვარ ხელოსანთ „წამწერელნი“ ეწოდებოდათ. გ. მონაზონის „ხრონოლორაფის“ ქართულ თარგმანში ნათქვამია: „ტყუილით სადმე დაწერეს ესე წარმწერელთა მათ“ (ხრონოლორაფი, 517-18). „წარმწერელნი“ თავიანთი ხელობით, ცხადია, განსხვავდებოდნენ „გადამწერთა“ ანუ „მწერალთაგან“. „წარმწერელთ“, როგორც ამაზე ძველი „ქვებიც კი ლაღადებენ“, არაერთი მნიშვნელოვანი და საუცხოო ხელოვნებით შემკული წარწერები შეუსრულებიათ.

## § 5. მონუმენტების ორგანიზაცია, მონუმენტები და მათი იარაღები

აშენებაში არაერთი პირი იღებდა მონაწილეობას. მომუშავეთა რაოდენობას მშენებლობის სიდიდე განსაზღვრავდა. მშენებლობაში რამდენიმე გალატოზი მონაწილეობდა, თუ, ცოტა თუ ბევრად, რთული სახის შენობა იყო ასაშენებელი. ეპიგრაფიკული ძეგლების უმრავლესობაში, სადაც მშენებლებზეა ლაპარაკი, „გალატოზნი“ არიან მოხსენიებულნი, ზოგჯერ მითითებულია ისიც, თუ რამდენ გალატოზს უკეთებია ესა თუ ის საქმე. სვეტიცხოვლის ერთ წარწერაში იკითხება: „ნებითა ღვთისათა განახლდა სამირონო ესე ბრძანებითა ქრისტეს მიერ კათალიკოზისა მელქიზედუკისითა. შეიწყალე, უფალო, მონა შენი ამის გალატოზნი ოთხნი ამინ“ (Натроев, Свети-Цховели, გვ. 178). გალატოზებიან აგრეთვე მოხსენიებული შატერდის ეკლესიის ერთ-ერთ წარწერაში: „ქრისტე, შეიწყალე ამისიოსტი (sic) გალატოზნი: კლდელი აბესალმს, მისნი ამხანაგნი ქამირსა ყაზანსა მსახურსა შეუნდვენ ღმერთმან“ (Марр, Дневник поездки, TP VII, გვ. 144, შდრ. იქვე, გვ. 143). „გალატოზნი“ არიან მოხსენიებულნი აგრეთვე კლდეისისა და საფარეთის ეკლესიის წარწერებში და სხვ. (იხ. Е. Такайшвили, Арх. экс., I, გვ. 87, вып. IV, გვ. 199;

Brosset, Voyage, вып., VI, გვ. 15, 56 და სხვ.). ზარზმის მონასტერი, როგორც „სრპ. ზარზმელის ცხოვრებიდან“ ჩანს, უშენებია რამდენიმე გალატოზს, რომელთაგან ორი კიდევ გამოუხატავთ კედელზე: „და იყო ვითარ განსრულდა საარქუმლამდე, გამოიხატეს თვით მიქელცა ორთა მათ თანა გალატოზთა ზედა საარქუმელსა აღმოსავლეთისა“ (სრპ. ცხბა, 18<sub>15-17</sub>).

მშენებლობაში მონაწილე გალატოზები უხუცესს, მთავარს, „გალატოზთა უხუცესს“ ექვემდებარებოდნენ. ზოგჯერ კიდევ გალატოზებს, უხუცესთა მაგივრად, ალბათ, იმავე უფლებების მატარებელი, „განმგებელი“ ჰყავდათ. ზარზმის ეკლესიათა მშენებლობაში მონაწილე გალატოზებს, რამდენადაც ამის თქმის უფლებას „სრპ. ზარზმელის ცხბა“ იძლევა, „გალატოზთა უხუცესი“ არ ჰყოლიათ; სამაგიეროდ, იქ „გალატოზთა განმგებელია“ მოხსენიებული, რომელიც მათი ზედამდგომელი იყო: „ყვეს კაცი იგი (მომღებელი ევლოგიისა, შ. მ.) არა თუ განმგებელ გალატოზთა, არამედ ძმათაცა იკონომოსობა ერწმუნა“ (სრპ. ცხბა, 180<sub>8-9</sub>). ამგვარივე ხელისუფლების მატარებელი პირი მოხსენიებულია აგრეთვე რუისის ტაძრის ერთ წარწერაშიც: „გლტოზთა ზა მოგესა შალვას შნს ღნ ან“ - „გალატოზთა ზედა მომგესა“ (შეიძლებოდა ამოგვეკითხა „მომამგესა“, შ. მ.) შალვას შეუხდევს ღმერთმან“ (Brosset, Voyage, 3, IV, 7: გ. ჩუბინაშვილი, რუისის ტაძრის ისტორიისათვის, „ენიმკი-ს მოამბე“, V—VI, გვ. 466). როგორც არ უნდა იქნეს ამოკითხული „მომგესა“ და „მომამგესა“, მაინც გალატოზთ განმგებელი თუ ზედამდგომელი, ერთი სიტყვით, გალატოზებზე რაღაც უფლებების მქონე პირი უნდა იყოს აქ მოხსენიებული.

როგორც წინა პარაგრაფში აღვნიშნეთ, მშენებლობის პროცესი აერთებდა არა მარტო გალატოზებს, არამედ ხელობის სხვა დარგის წარმომადგენლებსაც: ქვის მთლელებს, ხუროებს, მხატვრებს, მქანდაკელებს, მომჭიქავეებს და სხვა დარგის წარმომადგენლებს, რომელთაც თავიანთი ხელობით ახლო კავშირი ჰქონდათ მშენებლობის საქმესთან. გალატოზების მსგავსად, ხელობის ზემოდასახელებულ წარმომადგენლებსაც თავიანთი მთავარი, უხუცესი გააჩნდათ, ალბათ, რომელთაც ისინი უშუალოდ ექვემდებარებოდნენ (მაგ., მხატვრები — „მხატვართუხუცესი“ და სხვ.); მაგრამ მშენებლობის პროცესი მათ, დროებით თუ მუდმივად, ერთ ორგანიზაციულ კავშირში აქცევდა და ერთ მოძღვარს — ხუროთმოძღვარს უქვემდებარებდა.

მშენებლობით კოოპერაციაში, ხელოსან-ოსტატთა გარდა, უბრალო სამუშაოების შემსრულებელნიც იღებდნენ მონაწილეობას,

რომელთაც ზოგადად „მუშაკნი“ ეწოდებოდათ. „მუშაკნი“, როგორც უკვე აღვნიშნეთ, X—XI სს. ერთ წარწერაში იხსენიებიან, სადაც ისინი მშენებლობაში მონაწილეებად არიან მიჩნეულნი, მაგრამ არა მშენებლებად. „მუშაკნი და ყოველნი მაშენებელნი“—ონათქვამია იქ. „მუშაკნი“ მშენებლობაში მომუშავეთა ზოგადი მნიშვნელობით არის ნახმარი „სრკ. ზარზმელის ცხბაშიაც“: „აღმოიღეთ იგი (ეკლოგიაჲ, შ. მ.) და მიეცით ყოველთა მუშაკთა (სრკ. ცხბა, 179<sup>20-22</sup>); „და ესრეთ წარემართა შენებაჲ იგი ეკლესიისაჲ ვინაჲცა საფუძველით და ხირისხთაჲთგან ილუწიდა კაცი იგი ყოველთა მუშაკთა, თუნიერ სანოვაგეთაჲსა“ (იქვე, 180<sup>10-12</sup>).

„მუშაკთა“ სიმრავლე აუცილებელი იყო შენების წარმოებისას. ისინი შენების პროცესთან დაკავშირებულ საჭირო სამუშაოებს ასრულებდნენ. „სასწაულად“ იყო მიჩნეული, თუკი ესა თუ ის გალატოზი „მუშაკთა“ გარეშე აშენებდა ამა თუ იმ შენობას. მაგ., გალატოზმა ბასილმა „თუნიერ კაცთა შეწევნსა“ ააშენა ეკლესია, მაგრამ იგი აბუსერისძე ტბელს წმ. გიორგის სასწაულმოქმედების ერთ მხარედ აქვს მიჩნეული. ჩვეულებრივ კი, როგორც თვით აბუსერისძე ტბელი გვეუბნება, მშენებლობაში „მუშაკობით მოქმედნი“ იღებდნენ მონაწილეობას. აბუსერისძე, როცა ხიხათა ეკლესიის მშენებლობაზე მოგვითხრობს, აღნიშნავს, რომ მშენებლობაში მონაწილეობდნენ „მრავალნი მუშაკობით მოქმედნი“ „ქვისმქნელნი“ და „თანაშემწენი მათნი“ (აბუსერისძე ტბელი, გვ. 66, 152). აღსანიშნავია, რომ, ამავე ავტორის სიტყვით, ჩვეულებრივად მშენებლობა კოოპერაციის საშუალებით მიმდინარეობდა ხოლმე და ეს მაშინ ჩვეულებასა და წესს წარმოადგენდა: „და ერთი ტაძარი სხუა აღაშენა სახელსავე ზედა წმიდისა მთავარმოწამისა ვიორგისა... შენდობითა კაცთა თანაშემწევისაჲთა, ვითარცა არს ჩვეულებაჲ და წესი სოფლის დასაბამითგანი“ (იქვე, გვ. 60, 82). ამრიგად, მიღებული წესს წარმოადგენდა ურთიერთდახმარებით, კოოპერაციული თანამშრომლობით აშენება ამა თუ იმ ნაგებობისა, თუ იგი შედარებით რთული იყო.

იმ წარწერებში, სადაც მაშენებელნი არიან მოხსენიებულნი, ზოგჯერ მათ გვერდით „მზარეულებიც“ იხსენიებიან. მაგალითად, წალენჯიხის ეკლესიის XIV ს. წარწერაში ვკითხულობთ: „ეკლესიის მაშენებელთა გალატოზთა და მზარეულთა ჩთა შს ღწ, აწ“ (ე. თაყაიშვილი, არხ. მოგზ. სამეგრელოში, გვ. 212—213). „მზარეულნი“ უშუალო მონაწილენი როდი არიან მშენებლობისა, მაგრამ ისინი მშენებელთა გვერდით იხსენიებიან, რამდენადაც მაშე-

ნებელთათვის საჭირო სურსათ-სანოვაგეს ამზადებდნენ ალბათ. მზარეულნი მშენებლობისას ყოველთვის არ იყვნენ საჭირო: ზოგჯერ მაშენებელნი თავიანთი საკმელით იკვებებოდნენ.

„ყოველნი მაშენებელნი“ და სხვა მუშაკნი „მათი უხუცესებითა და ზედამდგომლებითურთ ექვემდებარებოდნენ მშენებლობის ე. წ. „ხელისუფალთ“. „ხელისუფალნი“, მოხსენიებულნი წალენჯიხის ეკლესიის ზემომოყვანილ წარწერაში, სწორედ ის პირნი იყვნენ, რომელთაც ადმინისტრაციული თუ სხვა უფლებები ჰქონდათ მშენებლობის პროცესში. მშენებლობის „ხელისუფალნი“ იყვნენ „ყოველთა საქმეთა“ მზრუნველნი და ზედამდგომელნი. „ხელისუფალში“ იგულისხმებოდნენ: ხუროთმოძღვარი, „ზედამდგომელნი საქმეთა“ და ხუროთმოძღვრის თანაშემწე. „ხუროთმოძღვრობა“ და „ზედამდგომლობა“ რომ სხვადასხვა საქმე იყო და სხვადასხვა პირთა მოვალეობას შეადგენდა, ამას სხვათა შორის „ს“ რკ. ზარზმელის ც“ხბის“ ერთი ადგილიც ადასტურებს: „ხოლო იყვნენ ხუროთმოძღვარ და ზედამდგომელ საქმისა მის გარბანელი და ორნი იგი ძმანი“ (გვ. 167<sup>გ-7</sup>). როგორც აქედან ჩანს, „ხუროთმოძღვრის“ გარდა უნდა ყოფილიყო „ზედამდგომელი საქმისა“. საფიქრებელია, რომ სწორედ გარბანელი იყო ხუროთმოძღვარი, ხოლო „ორნი იგი ძმანი“ — „ზედამდგომელნი საქმისანი“.

ხუროთმოძღვართა საქმეს მშენებლობის მსვლელობისათვის თვალყურის დევნება შეადგენდა. გარდა ამისა, ხუროთმოძღვარი იყო „ყოველთა მაშენებელთა მოძღვარი და მასწავლებელი“. მიქელის მიერ მოწვეული ხელოვნებით განთქმული კაცი და გალატოზი შუარტყლელი „ეყვნეს მოძღვარ და მასწავლელ სიმრავლესა მუშაკთასა“ — ამბობს ბასილ ზარზმელი („ს“ რკ. ც“ხბა“, 179<sup>28-29</sup>). „ზედამდგომელი საქმისა“ ალბათ ადმინისტრაციული მეთვალყურე და მშენებლობისა და მაშენებელთათვის საჭირო ნივთებისა და მომარაგებისათვის მზრუნველი იყო: „და მისცეს იგი (ვერცხლი, შ. მ.) კელთა შინა მოქმედთა საქმისათა ზედამდგომელთა ტაძარსა შინა უფლისასა და მიეცემოდეს იგი მოქმედთა საქმისათა... და ხუროთა ქვსმკუთელთა და მომსყიდველთა ხეთასა და ქუათა მთლელთა“ (მეფეთა, 22<sup>გ-7</sup>). ხუროთმოძღვარს თანაშემწეც ჰყავდა ხოლმე. თანაშემწედ გალატოზიც შეიძლებოდა ყოფილიყო. „ს“ რკ. ზარზმელის ც“ხბაში“ ვკითხულობთ: „რამეთუ კელოვნებით განთქმულსა კაცსა. მოუწოდა მიქელ ქუეყანისაგან ბერძენთაგან, ადგილისაგან ხუფათ წოდებულსა, ბრძანებითა უფალთაგან, რომელსა თანაშემწედ აქუნდა გალატოზი, სახელით შუარტყლელი. და ესე ორნივე

ეყენეს მოძღუარ და მასწავლელ სიმრავლისა მუშაკთასა“ (179<sub>25-29</sub>)-ხელობით განთქმული კაცი, რომელიც ხუფათიდან მოუყვანიათ, ხუროთმოძღვარი იქნებოდა, ხოლო გალატოზი შუარტყლელი მისი თანაშემწე ყოფილა. ხუროთმოძღვრის თანაშემწეს, როგორც ჩანს, ისეთივე უფლება-მოვალეობა ჰქონდა, როგორიც თვით ხუროთ-მოძღვარს. აღსანიშნავია, რომ ხელობით განთქმული კაცის ხუროთმოძღვრობისა და გალატოზ შუარტყლელის თანაშემწეობის დროს იყო სწორედ „კაცი მომღებელი ეელოგიისაჲ“, „განმგებელ-გალატოზთა“ (ე. ი. როდესაც მშენებლობას ხუროთმოძღვარი და მისი თანაშემწე ხელმძღვანელობდა, გალატოზებს საკუთარი გამგებლებიც ჰყოლიათ).

მშენებლობის „ხელისუფალთა“ მოვალეობას მშენებელთა ხელფასისათვის ზრუნვაც შეადგენდა. მშენებელნი უსასყიდლოდ იშვიათად თუ მუშაობდნენ. მშენებლობისათვის განკუთვნილი დასახარჯი თანხის „წარსაგებელში“ მომუშავეთა ხელფასიც შედიოდა. „ს“რ. ზარზმელის ცხოვრებიდან“ ჩანს, რომ მუშაკნი და საერთოდ მშენებელნი სათანადო სასყიდელს იღებდნენ. როცა ზარზმის მონასტრის წინამძღვარი გიორგი აღსასრულს მიუახლოვდა და წინამძღვრობა მიქელს გადასცა, მან დაუბარა თავის შემცველს: „ოწყეთ შენებად ეკლესიისა ბრძანებისაებრ მამისა სერაპიონისა და ნურარას ზრუნავთ წარსაგებელთათჳს, რამეთუ ჩუენებით მეუწყა წმიდისა მიერ, ვითარმედ ეელოგიაჲ იგი, რომელ მოილო კაცმან მან, იგი დამარხულ არს ქუეშე კერძო ჭუარისა, რომელი იყო თავით-კერძო წმიდისა მის, აღმოიღეთ იგი და მიეცით ყოველთა მუშაკთა“ (იქვე, 179<sub>16-21</sub>). აღმოჩენილი შენაწირავი, 305 დრაჰკანი, ყოველმხრივ ეყო ეკლესიის მშენებლობას „შტოფთურთ ვიდრე სარკუმელთამდის“. ხოლო შემდეგ „სახედ მდინარისა შემოსლიოდეს სახმაჲნი“ და მით დაასრულეს ეკლესიის აშენებაც. ჩვეულებრივ, როცა ესა თუ ის ეკლესია ან მონასტერი შენდებოდა, ასაშენებელ წყაროს, როგორც ბასილ ზარზმელის ზემომოყვანილი მოთხრობიდან და აბუსერისძე ტბელის თხზულებიდან ჩანს, წარმოადგენდა შემოწირულებანი და ან კიდევ გადასახადები. მაგ., აბუსერისძე ტბელს ნათქვამი აქვს: „მამულისა ჩუენისა კაცთა წესისაებრ, დიდი ჰირინახეს, გარნა ბაკოელთა მეტის-მეტად დიდი მოიჭირვეს, რომელთა ვაზრობითა და შემოხუეწითა კელეყავ ეკლესიისა მრავლითა სახელოვნებითა აღშენება“ (აბუსერისძე ტბელი, გვ. 67, 166). ცხადია, ეკლესიის აშენებაში აბუსერისძის „მამულის კაცთა“, ე. ი. მის ყმათა, განსაკუთრებით ბაკოელთა, მიერ ნახული ჰირი იმაში კი არ მდგომარეობდა, რომ ისინი აბუსერისძეს „ვაზრობითა და შემო-

ხუეწით“, ე. ი. რჩევითა და ხეეწნით, მიმართავდნენ, არამედ იმაში, რომ მისი „მამულის კაცთა“ სათანადო მატერიალური სახსრებიც გაიდეს ეკლესიის მშენებლობისათვის. აღსანიშნავია, რომ ყოველივე ეს წესად ითვლებოდა: „წესისაებრ მოიჭირვესო“ — ნათქვამი აქვს აბუსერისძეს. იმავე თხზულებიდან ჩანს, რომ ამგვარი სახსრების გარდა ეკლესიის ასაშენებელ წყაროს შემოწირულებანიც წარმოადგენდა: „ჩემთა შვილთა დედამან ბავულ პაშტა, — წერს აბუსერისძე, — წააგო საშენისა შინა წმიდისა მთავარ მოწამისა გიორგისა და მას და მისთა შვილთაცა ავსენებდით“ (იქვე, გვ. 68, 173).

საფასით მოქმედ მაშენებელთა გვერდით იყვნენ „გარეშე“ საფასისა მოქმედნიც“ (E. Такайшвили, Опис.; I, გვ. 590). ესენი ალბათ ისეთი ხელოსნები იყვნენ, რომელთაც ზოგჯერ ესა თუ ის დიდებული აზნაური, ან მეფე და სხვ. აძლევდნენ ეკლესიის მშენებელთ დროებით ან მუდმივად, ე. ი. ისეთნი, როგორნიც გაბრიელ დაფაჩულმა მისცა გრიგოლ ხანძთელს (იხ. გრ. ხანძთელი, იდ 2—3).

ქართული ეკლესიები, მონასტრები და სხვ. მხოლოდ ქართველ ხუროთმოძღვრებს და გალატოზებს როდი უშენებიათ. ქართველ მშენებელთა შორის იყვნენ უცხოელნიც, ბერძნები თუ სომხები. უცხო ხუროთმოძღვართა მიერ ნაშენები, თუ ბევრი არა, აქა-იქ მაინც მოიძებნება საქართველოს ტერიტორიაზე. წერილობითი წყაროებიც გვაძლევენ ამ მხრივ ცნობას. „წმ. ნინოს ცხოვრების“ და „ქართლის შოქცევის“ სხვადასხვა ვარიანტები ერთხმად ადასტურებენ მირიან მეფის მიერ ქრისტიანობის მიღების შემდეგ „ქვთხუროთა მოძღუართა“ გამოთხოვნას კონსტანტინოპოლიდან: „და ითხოვნა ქვითა ხუროს მოძღუარნი აღშენებისათჳს ეკლესიათა“—წერს ლ. მროველი. კონსტანტინემ შეიწყნარა თხოვნა და „წარმოგზავნეს მღუდელნი და ხურონი ფრიად მრავალნი“ (მ. დედ. ცხბა, გვ. 98—99; შდრ. „წმ. ნინოს ცხბის“ და „ქართლის შოქცევის“ ჰელიოპური და შატბერდული ვარიანტები, (E. Такайшвили, Опис., II, გვ. 714). ბასილ ზარზმელიც მოგვითხრობს ამგვარ შემთხვევებზე, როცა იგი ზემო-მოყვანილ ამონაწერში ხელოვნებით განთქმული კაცის ხუფათიდან მოყვანაზე ლაპარაკობს.

უცხო ხელოსანთა საქართველოში ყოფნას ზოგი ეპიგრაფიკული ძეგლიც გვიდასტურებს. ატენის საყდარი, როგორც მის კე-



დელზე მოთავსებული სომხური წარწერა მიგვითითებს, სომეხი ზუროთმოძღვრის მიერ ყოფილა აგებული, მაგრამ რომელი ეკლესიის მას, უძველესი სიონი თუ განახლებული, გაურკვეველია. „ერთადერთი, რისი თქმაც შეიძლება, ისაა, რომ ტაძრის აღმშენებელი იყო სომეხი. ეს ჩანს მშენებლის სომხური წარწერიდან, რომელიც მსხვილი ასოებით გამოკვეთილია იმავე კედელზე, რომელზედაც მოთავსებულია... ქართული ლაპიდარული წარწერა 1060—1068 წწ.“ — წერდა ივ. ჯავახიშვილი ატენის საყდრის შესახებ<sup>19</sup>. ძირითადად კი, ცხადია, მშენებელნი ქართველი ზუროთმოძღვრები და გალატოზები იყვნენ. საქართველოშიც მრავლად იყვნენ თავიანთი ხელობით განთქმული, დახელოვნებული ოსტატები, როგორც ერისკაცნი, ასევე სასულიერო პირებიც.

საქართველოშიც, როგორც საშუალო საუკუნეების დასავლეთ ევროპაში, სასულიერო პირებიც იყვნენ მშენებელნი და მშენებლობის ხელოვნებაში გაწაფულნი. „ქაროლინგების ეპოქაში, წერს კულიშერი, და უფრო გვიან XII საუკუნემდე ისინი (სასულიერო პირები, შ. მ.) იყვნენ ერთადერთი მშენებლები ქვის ნაგებობათა“<sup>20</sup>. საქართველოში ადრევე გრძნობდნენ, რომ „ველოვნება ზუროვნობისაჲ“ „არა უქმარ არს, არამედ ფრიადცა საჭმარ მონაზონთათჳს“. ამიტომ მონაზვნები თვით სწავლობდნენ და სხვებსაც ასწავლიდნენ ამ საქმეს. ბასილ ზარზმელის სიტყვით, სერაპიონი იყო „სხუათავე თანა სათნობათა მეცნიერ სჯულთა საეკლესიოთა შენებისათა და ფრიად წესითა ზურობისაჲთა“ (სრპ. ც. 3ბა, 170 18—18). საამშენებლო ხელობის მცოდნე ყოფილა ილარიონ ქართველიც. მან, მისი ცხოვრების აღმწერლის სიტყვით, „ასწავლა (თავის მოწაფეებს, შ. მ.) ვითარ ჯერ იყო აღშენებაჲ“ ყორის სენაკისა (ათ. კრებ., გვ. 87). გომარეთის წარწერებში კი „მიქელ ხუცესი გალატოზი“ იხსენიება: „სახელითა ღვთისაჲთა მას ჟამსა ოდეს ძლიერმან და უძლეველმან გიორგი აფხაზთა მეფემან შეიპყრა ზვიად მარუშინი, მაშინ ესე ბალავარი იღვა კელითა ცოდვილისა მიქელ ხუცეს გალატოზისაჲთა“ (E. Такайшвили, Арх. экс., IV, გვ. 83). რომ გალატოზები და საერთოდ მშენებლობის ხელობის მცოდნე ბერები იყვნენ საქართველოში, ეს ცხადია, მაგრამ რომ ისინი სასულიერო ნაგებობათა ერთადერთი მშენებლები ყოფილიყვნენ შუა საუკუნე-

<sup>19</sup> И. Джавахов, К вопросу о времени постр. груз. храма, Хр. В., I, вып. III, гв. 294.

<sup>20</sup> М. Кулишер, Истр. экономич. быта Зап. Европы, I, гв. 71.

ებში, არ ჩანს. პირიქით, მასალები უფრო მშენებელ ერისკაცებზე მოგვითხრობენ, ვიდრე სასულიერო პირებზე.

მშენებელთა იარაღების შესახებ საკმარისი ცნობები არ მოგვეპოვება, მაგრამ ზოგი რამის გათვალისწინება მაინც შესაძლებელი ხდება.

„ჭურჭელს“ ძველ ქართულში, სხვა მნიშვნელობათა გარდა, ყოველგვარი სახის იარაღის მნიშვნელობაც ჰქონდა. „ჭურჭელი“ ეწოდებოდა ზოგადად ხელოსანთა იარაღებსაც: „ჭურჭელიცა ხუროებისაჲ მოვეილიან მათ თანა სიტყვისა მისებრ ოღისა“ (ცხბაძსკმ. მესუეტისაჲ, გვ. 257). „ზ ეგნატოს პლმნ გალატოზთა მთავარმან დაუტევა ძე თსი ზა კერძოსა შენებულსა მხარესა მარჯვენსა მცველად ჭურჭელთა ხუროთა მაშენებელთასა“ (E. Такайшвили, Опис. I, გვ., 591.)

ქვის მკვეთელთა უპირველეს იარაღს წარმოადგენდა „წერაქვი განმკუჭთი კლდისა“ (იერემია, 23ჟჟ). „დაწერა ქვითა და წერაქვითა, ანდამატისა ცვლილ-მყოფელითა“ — ნათქვამი აქვს შავთელს (აბდულუმესია, გვ. 80). ასეთსავე აუცილებელ იარაღს წარმოადგენდა „ცული“ „ხის მკოდელისათვის“. საერთოდ ცული და წერაქვი მშენებლობისათვის საჭირო იარაღებს წარმოადგენდა. ჰირითა და ვაი-ვაგლაზით დაავაკესო საეკლესიო ადგილი, „რამეთუ არა აქუნდა მათ ცული და წერაქვ, არცა სხუა ეგჴვითარი საემარი“ — ნათქვამია „გრ. ხანძელის ცხბაში“ (იავს-40). ცულთან ერთად ხის მკოდელსა და ხუროს „ხერხი შეშისა“ უნდა ჰქონოდა. „განხერხნეს ესაია შეშის ხერხითა“-ო წერს ყალბი ეფრემ ასური (მ. დედ. ქ. ცხბა, 825ჲ); „ნუ იდიდოს ცული თუნიერ მკუჭთელი-სა მის მიერ, ანუ აღმალდეს ხერხი თუნიერ მზიდველისა მისისა“ (ესაია, 101ჲ; შდრ. ჟამთააღმწერელი, მ. დედ. ქ. ცხბა, 61813-15).

წერაქვით კლდისაგან მოკვეთილი ქვა „ურთი“ იმტვრეოდა, და „ეჩოთი“ ითლებოდა. „ურო“ და „ეჩო“ „დაბადების“ ქართულ თარგმანში გალატოზთა სწორედ ამგვარ იარაღებადაა მოხსენიებული: „ტაძარი შენებულ იყო ქუთა განუთლელითა ჟკვეთელითა აღშენებულნი, ხოლო ურონი და ეჩონი და ყოველნივე ჭურჭელნი რკინისანი არა ისმა ტაძარსა აღშენებასა მისსა“ (მეფეთა, IIIგ-7). „ქვისათლელთა ჭურჭელთა“ (აბუსერისძე ტბელი, გვ. 57, 42) ერთ

სახეს „ხუეწი“ წარმოადგენდა, რომელიც ალბათ უკვე ეჩოს მიერ გათლილი ქვების გადასაწმენდად იყო გამოყენებული. გიორგი მონაზონის „ხრონოგრაფში“ აღნიშნულია: ტაძარსა „აქუნდეს ქვანი შენებისა მისისანი თეთრნი დახუეწით გარდაწმენდილნი“ (137<sub>23-24</sub>). „დახუეწით“ გარდასაწმენდელი იარაღი „ხუეწი“ უნდა ყოფილიყო: „ხუეწი მოკაკული სათლელი“ — განმარტავს ს. ორბელიანი.

მძიმე ქვები და სხვა საშენი მასალა ზოგჯერ თვით აპქონდათ მშენებლებს. აბუსერისძე ტბელის სიტყვით, ბასილმა და მისმა შვილმა იოვანემ დასვეს „ბლაპვარად კარსა დასაველისასა ქვა, რომელ არს მცირედლა უნაკლულოვანეს ათერთმეტისა მტკავლისა“ (გვ. 59, 72). ზოგჯერ კი ასაზიდი, ასაწვე-დასაწვეი იარაღი იყო გამოყენებული, რომელსაც „ჭახრაგი“ (ამირანდარეჯ., გვ. 86) ეწოდებოდა.

## § 6. ავეჯის მკეთებელი

ავეჯის მკეთებელი ხელოსნები უნდა არსებულიყვნენ ძველ საქართველოში, მაგრამ ისინი ცალკე არსად არ არიან მოხსენიებულნი. წყაროების მიხედვით მათი, როგორც დამოუკიდებელი დარგის ხელოსნების, არსებობა თითქოს არ მტკიცდება. მათი ცალკე მოუხსენიებლობა გვაფიქრებინებს, რომ ავეჯის კეთება უსათუოდ ხუროთა საქმეს წარმოადგენდა. ამდენად, ავეჯის მკეთებლებში ხუროები უნდა ვიგულისხმოთ, როგორც მისი ერთ-ერთი დარგი. ხუროობის ეს დარგი რომ საქართველოში არსებობდა და რომ ის საკმაოდ დაწინაურებულიც იყო, ამას, გარდა წერილობითი ძეგლებისა, მატერიალური კულტურის ნაშთებიც გვიმტკიცებენ.

„ავეჯი“, როგორც საბა ორბელიანი განმარტავს, „სახლის ჭურჭელია“, ე. ი. მასში შედის ყველაფერი ის, რაც სახლში საჭიროა: საწოლი, საჯდომი და სხვ.

ძველ საქართველოში ავეჯის მკეთებელ ხელოსანთ სხვადასხვა სახის საწოლი ავეჯი უკეთებიათ. ერთ ამგვარ საწოლთაგანს „ცხედარი“ წარმოადგენდა: „და შეიყვანეს წ<sup>ა</sup> იგი საპყრობილედ და დააწინეს იგი ცხედარსა ზ<sup>ა</sup> პირალმართ და დაუკრნეს მას კელნი მისნი და ფერკნი ცხედარსა მას ზ<sup>ა</sup>“ (Март, Агиогр. мат., II., 135<sub>2-3</sub>). ამავე მნიშვნელობით აქვს ნახმარი „ცხედარი“ დავითის ისტორიკოსს. მეფის შესახებ იგი წერს: „მონახის თვისითა კელითა ცხედრებისა მოსილებითა (ბროსე—ცხედრები, სამოსლები) და საგებელი პი-

ნაკი და ყოველი სახმარი მათი მისცის თუთეულსა ოქრო კმა“ (მ.დღდ. ქ. ცხ<sup>ბ</sup>ა, 295<sub>18</sub>—<sub>18</sub>). „ცხედრები ულ<sup>დ</sup> ოქროსა მედგა“—ნათქვამია ერთ-ერთ აგიოგრაფიულ ძეგლში (Март, Агиогр. мат., I, გვ. 28). ცხედარი, „სპილოას ძუალედითა დამშუტნებული“, იხსენიება „დაბადების“ ქართულ თარგმანში (ამოსი, გვ. 6, 4).

„ცხედარის“ გარდა „ლოგინიც“ გვხვდება ამავე მნიშვნელობით, მაგრამ, როგორც ჩანს, ლოგინი უფრო მდაბიოთა შორის მიღებული საწოლი იყო. „პრომით მოსული მამა“ მწირობაში მიწვა „ლოგინსა ზედა“ და იგონებს იმ დროს, როცა მას „ჰქონდა სახლები დიდ-დიდები“ და შიგ ლოგინის მაგივრად ედგა „ცხედრები და გებული საგებლითა“ (Н. Март, Агиогр. мат., I, გვ. 27—28). „ლოგინი“ რომ სწორედ დასაწოლად განკუთვნილ ავეჯს ეწოდებოდა, ამას ერთი ნაწყვეტიც ადასტურებს XI ს. კრებულისაგან: „მიაწვინა იგი ლოგინსა ზედა და მცირე სასთაული დაუდვა სასთუმალ... და ვითარ იხილა იგი ლოგინსა მას ზა და მცირე იგი სასთუმალ მისსა, დაბრკოლდა ბერი იგი“ (იქვე, გვ. 30).

„ცხედარი“ და „ლოგინი“ უნდა ყოფილიყო „დაგებული საგებლითა“. დაგებულ ცხედარს, ს. ორბელიანის განმარტებით, „სარეცელი“ ეწოდებოდა. „ცხედარი ითქმის შიშველი საგებელთაგან, ხოლო სარეცელად დაგებული და გარდაგებული“ (იხ. „ქართ. ლექსიკონი“). დაგებას კი „დასარეცლა“ ეწოდებოდა: „დაუსარეცლა საულსა ქორსა ზედა და დაიძინა“ (მეფეთა 1, 925).

„ავეჯში“ „სუფრაც“ შედიოდა. ამ სპარსული სიტყვის მაგივრად ძველ საქართველოში „ტაბლა“ (ლათ. tabula-დან) იხმარებოდა, ზოგჯერ კი მას ბერძნული „ტრაპეზი“-ც ცვლიდა. „ტაბლა“ რომ სუფრის მნიშვნელობით იხმარებოდა, ნათლად ჩანს იოანე ბოლნელის ქადაგების ერთი ადგილიდან: „სწადინ მას განძლებად ნაბიჭვისაგან, რი გარდამოცკვინ ტაბლისაგან მის მდიდრისა“ (ქადაგებანი, გვ. 68); „რამასათჳს ტაბლაჲ შენი სავსე არს პოვნითა“ (იქვე, გვ. 70). ტაბლა, საბას განმარტებით, „ფიცრის სუფრაჲ ფეკელი“, ე. ი. ხისაგან გაკეთებული ფეხებიანი სუფრა ყოფილა. „ფეკელ“ სუფრათა გარდა შესაძლებელია „უფეკონიც“ ეკეთებინოთ ჩვენს წინაპრებს.

ავეჯში „საჯლომნი“-ც შედიოდა. „საჯლომი“ ამგვარი დანიშნულების ავეჯთა ზოგადი სახელი იყო. „ვეფხისტყაოსანში“ ნათქვამია: „ტარიელ დაჯდა საჯლომსა, ოქსინო-გარდაგებულსა“ (1383გ). საბა ორბელიანს კი სკამი მიიჩნია ამგვარ ზოგად სახელად. საჯლომის ერთ სახეობას „საყდარი“ წარმოადგენდა. „საყდარ-

რი“, როგორც თავის დროზე აღვნიშნეთ, თავდაპირველად ტახტს შეესატყვისებოდა. ამ მნიშვნელობით აქვს იგი ნახმარი ჯუანშერს, როცა წერს: ვახტანგი „დაჯდა საყდართა ზედა მალალთა, ხოლო ჯუმბერ ეპისკოპოსნი (ბროსე — ჯუანშერ სპასპეტი და ორნივე ეპისკოპოსნი) დასხდეს საყდართავე და სხუანი ყოველნი ერისთავნი დასხდეს სელეპითა და ათასის თავნი ყოველი ერი წარმოადგეს ზე“ (მ. დედ. ქ. ცნება, 1258-11). მეფის საყდარი, როგორც ჩანს, სპასპეტისა და ეპისკოპოსთა საყდართაგან თავისი სიმალლითაც გამოირჩეოდა, ხოლო ერისთავთათვის საყდართა მაგივრად სელები ჰქონიათ სამეფო დარბაზებში. საყდარი სწორედ იმიტომ ერქვა ამ საჯლომს, რომ მისაყდნობი ანუ გადასაყდნელი გააჩნდა: „მიიყვანნა სენაკსა მცირესა, კეთილად მოკაზმულსა, სადა იგი დაედგა ცხედარი და საყდარი და აწვა ნეტარსა მას დაჯდომამ... ხოლო მთავარი წარდგა გარდასაყდნელსა მას თუსსა“ (ბაგრატ ტავრომინელი, გვ. 39). საყდრის მნიშვნელობით იხმარებოდა „ტახტი“-ც. თამარის ისტორიკოსს ნათქვამი აქვს: „დასხდეს ტახტსა ზედა ოქროჰედილსა თვთ თამარ, დავით და ძე მათი გიორგი“ (ისტ. და აზმანი, 1033-4); „ვეფხისტყაოსანში“ ვკითხულობთ: „შევე, დავჯე, ტახტსა ზედა, ქალი მოდგა ნოხთა პირსა“ (გვ. 373). საყდარი და ტახტი, როგორც მოყვანილი ამონაწერებიდანაც ჩანს, მეფეთა და უმაღლეს მოხელეთათვის განკუთვნილ საჯდომთ წარმოადგენდა. ამგვარი საჯდომები, როგორც შავთელის სიტყვებიდანაც ჩანს, სარდლიონითა და სხვა ძვირფასი თვლებითაც შეუმკიათ:

„ტახტ-საჯდომელნი მკამკამებელნი,  
სარდლიონითა ხურმუზს შემკულნი“ (აბდულმესია, გვ. 40).

ავეჯის მკეთებლებს უკეთებიან აგრეთვე „სელი“; საბას განმარტებით, „რომელიც სკამი შეიკურის და გაიხსნების, სელი ეწოდების“. სელი მრავლად იხსენიება ქართულ წერილობით ძეგლებში: „მონამან სელნი დაუდგნა, დაჯდა კრძალვით და რილითა“ — ნათქვამია „ვეფხისტყაოსანში“ (1243). „ამირანდარეჯანიანში“ კი ოქროს სელიც იხსენიება: „წარმოვიდგენ ოქროსა სელნი და დავჯედ“, „დადგა ოქროსა სელები“ (გვ. 71, 83, 84). თუ ოქროს სელი არა, საქართველოში რომ ოქროთი მოჭედილი სელები ყოფილა, ნათლად მტკიცდება ისტორიკოსებისა და სხვა საბუთების ჩვენებითაც. მაგ., თამარის ისტორიკოსი წერს: „უბოძა კიანბერსა მანდატურთ-უხუცესობა და მისცა არგანი ოქროსა კელითა მისითა და შთააცვეს ტანსა მისსა სკარამანგი და დასუეს სელებითა ოქრო-ჰედილებითა რომელნიმე მარჯუენით მისსა და რომელნიმე

მარცხენით“ („ისტ. და აზმანი“, 7833-36, 79). ოქროთი მოჭედილი სელები მოხსენიებულია „ველმწიფის კარის გარიგებაშიაც“: „სელებითა ოქრომჭედილითა“ (16362-363).

დასაჯდომად განკუთვნილი ავეჯის სხვა სახელწოდებებიც გვხვდება. მაგ., იყო „სავარძელი“, რომელიც, საბას განმარტებით, „კეთილ ჭრელებული დასადგმულია“. „კეთილ საჯდომთა“ გვერდით უბრალონიც კეთდებოდა. დასაჯდომთა შორის „სკამი“-ც იხსენიება XI—XII ს. ძეგლებში<sup>21</sup>. „ვეფხისტყაოსანში“ ნათქვამია: „ერთილა ახლავს ავთანდილ, წინაშე უზის 'სკამითა“ (გვ. 103). ვახუშტი, როცა ფარეშთუხუცესის მოვალეობას განსაზღვრავს, ავეჯთა სახეობებსაც ჩამოთვლის: „ფარეშთუხუცესი, ამის კელისა იყო: ფარეშნი, ნოხნი, კარავნი, ოთახნი, მნათენი და ყოველნი საგებელნი, ღალიჭნი, სკამნი, სავარძელნი, სარაფარდაგნი, ფარდანი და მნენი მისნი და მერწყულნი“ (ალწერა, 1722-28).

ავეჯთა სახეობანი ამით არ ამოიწურება. ავეჯში შედის აგრეთვე „ჩიდობანიც“ (ვეფხისტყაოს., 5803, 11311; იხ. აგრეთვე ტრ. ხერხეულიძე, ავეჯი, ტაბ. III). როგორც ძველ ქართულ ფრესკებსა, მინიატურებსა და ჰედურ ხელოვნებაში გამოხატული და გამოქანდაკებული ავეჯის სხვადასხვა სახე მიგვითითებს, უკეთებიანთ აგრეთვე პუპიტრიანი საწერი მაგიდები (იხ. ტრ. ხერხეულიძე, ავეჯი, ტაბ. XII—XVII), პუპიტრიანი სამუშაო კათედრები (იხ. იქვე, ტაბ. XVIII—1) და სხვ.

ავეჯის მკეთებელთა და მათი იარაღების შესახებ ჩვენ არავითარი ცნობა არ მოგვეპოვება. ვერაფერს ვიტყვი იმაზედაც, თუ როდის გამოეყენენ ხუროებს ავეჯის მკეთებელნი, როგორც ცალკე, დამოუკიდებელი დარგის ხელოსნები. მაგრამ, რომ ამგვარი ხელოსნები არსებობდნენ და რომ ისინი თავიანთ საქმეში საკმაოდ დახელოვნებულნიც იყვნენ, ძველ ქართულ ფრესკებსა, მინიატურებსა და ჰედური ხელოვნების ნიმუშებში გამოსახულ ავეჯთა ნაირსახეობით და მათი მშვენიერი ორნამენტის შემკულობითაც მტკიცდება.

---

<sup>21</sup> ტერმინ „სკამის“ სიძველის შესახებ მიუთითებდა ივ. ჯავახიშვილი ს. კაკაბაძეს, როცა იგი „ვეფხისტყაოსნის“ საკითხის გამო ეკამათებოდა მას. იხ. ივ. ჯავახიშვილი, ქართ. ერის ისტ. II, გვ. 664—665.

ჯურჯულთა მოქმედნი

მეჭურჭლეობა ხელოსნობის ერთ-ერთ უძველეს და მნიშვნელოვან დარგს წარმოადგენდა ძველ საქართველოში.

„ჭურჭელი“, როგორც აღვნიშნეთ, ფართო გაგებით იხმარებოდა და სხვა მნიშვნელობებთან ერთად ყოველგვარ ჩასადებ და ჩასასხმელ ჭურჭელთა აღმნიშვნელი ზოგადი ტერმინის როლს ასრულებდა. ამ თავში ჩვენ იგი მხოლოდ ამ გაგებით გვექნება ნახმარი.

ჭურჭელი თავისი დანიშნულების მიხედვით სხვადასხვაგვარი იყო. საბრძოლო და სამუშაო ჭურჭელთა გარდა, ძველებური გაგებით, იყო „ჭურჭელნი სამსახურებელნი სამეფოთა ტაბლათანი“, „სანადიმონი“, „ჭურჭელნი საბანელნი“ და „ჭურჭელნი სამზარეულოთანი“. ჭურჭელთა ამგვარი (პირობითი) კლასიფიკაციის შესაძლებლობას გვაძლევს დავითის ისტორიკოსი. იგი, 1121 წ. დავითის წინააღმდეგ მოწყობილი კოალიციური ლაშქრობის დამარცხებასთან დაკავშირებით, მოგვითხრობს: „ყოველი სამეფო აღივსო კარგებითა და სარა ფარდებითა და სხვითა უცხოთა ჭურჭლითა, საბრძოლოთა თუთო სახეთა, ქოსთა და ფილაკანანთა სასმურითა ტერფითა და სანადიმოთა, საბანელთა და სამზარეულოთა, რომელმან ქარტიმან და მელანმან დაიტოს აღწერად“ (მ. დედ. ქ. ცხ<sup>ბ</sup>ა, 3074-7). დაახლოებით ამგვარადვე მოგვითხრობს იგივე ისტორიკოსი სხვა შემთხვევის აღწერის დროს. როცა გიორგი II თურქებმა გააქციეს, ისტორიკოსის სიტყვით: „საჭურჭლენი დიდნი და სამსახურებელნი სამეფოთა ტაბლათანი ოქროსა და ვერცხლისანი ბაგრატიულნი და სასმურნი სამწდონნი კარაენი სამეფონი, ყოველთა დიდებულთანი აიხუნეს იავარად“ (იქვე, 28210-12). „სამეფო ტაბლათა“ მაგივრად შეიძლება ზოგადად „ტაბლანი“ ვიგულისხმოთ. ამდენად ჭურჭელნი იყო: „სამსახურებელნი ტაბლათანი“ („სანიადაგო“ და „სანადიმო“), „საბანელნი“ და „სამზარეულოთანი“. ამ პირობით კვალიფიკაციაში, თუ ყველა არა, ჭურჭლეულთა დიდი უმრავლესობა მაინც იგულისხმებოდა. თუ ამათ დავემატებთ სამეურნეო დანიშნულების ჭურჭელს, მაშინ ჭურჭლეულის კლასიფიკაცია სრული იქნება.

დანიშნულების მიხედვით დაყოფის გარდა ძველადაც არსებობდა ჭურჭელთა დაყოფა იმის მიხედვით, თუ რისგან იყო გაკეთებული ისინი. ამ დაყოფას ჩვენთვის გადაამწყვეტი მნიშვნელობა აქვს, რადგან მეჭურჭლენიც სწორედ ამის მიხედვით იყვნენ დანა-

წილებულნი. მასალის მიხედვით ჭურჭელი იყო ხისა, თიხისა, ტყავისა, ლითონისა (სპილენძისა, ვერცხლისა და ოქროსი) და ძვირფას ნივთიერებათა.

ხის ჭურჭელი ძველ ქართულ წერილობით ძეგლებში „შეშის ჭურჭლად“ და „ძელის ჭურჭლად“ იწოდებოდა. „დაბადების“ ქართულ თარგმანში ვკითხულობთ: „ჭურჭელსა კეცისასა, რომელსა შეეხოს თესლმდინარე იგი, შეიმუსრნენ და ჭურჭელი ძელისა განირცხეს წყლითა“ (ლევიტელთა, 13<sub>12</sub>). „კელმწიფის კარის გარეგებაში“ მოხსენიებულია „უვერცხლო ჭურჭელი სპილენძისა და შეშისა“ (599-600). თიხის ჭურჭელი, გამომწვარი თიხის ძველი სახელწოდების შესაბამისად, „კეცის ჭურჭლად“ იწოდებოდა: „ჭურჭელი კეცისაჲ, რითა შეიგბოს იგი, შეიმუსრნენ“ (ლევიტელთა, 628). ტყავის ჭურჭელზე ნათქვამია: „ყოველი ჭურჭელი ტყავისა და ყოველი საქმარი თმისა და ყოველი ჭურჭელი ძელისა განსწმიდოთ“ (რიცხვთა, 312). ლითონის ჭურჭელთა შორის, სპილენძის ჭურჭლის გარდა, ამავე მნიშვნელობით „ჭურჭელი რვალისაჲ“-ც იხსენიება (ლევიტელთა, 628). ვერცხლის, ოქროსა და ძვირფას ნივთიერებათა ჭურჭლები იმგვარადვე იწოდებოდნენ, როგორც დღეს.

საჭურჭლე მასალა განსაზღვრავდა მუშაობის პროცესის სპეციფიკურობას და მოითხოვდა ხელოსნის გაწაფვას ამა თუ იმ მასალის ჭურჭლის კეთებაში. „კეცის ჭურჭლის“ მკეთებელი ვერ გააქეთებდა სპილენძის, ვერცხლისა თუ ოქროს ჭურჭელს და პირიქით. ესა თუ ის მასალა თავის მკეთებელს მოითხოვდა. ამდენად, მეჭურჭლენი მათ მიერ შექმნილი პროდუქტის დანიშნულების მიხედვით მონათესავე, ხოლო დასამუშავებელი მასალისა და დამუშავების წესის მიხედვით განსხვავებულ ხელოსანთა ერთობლიობას შეადგენდნენ — „მეჭურჭლეთა“. ამ ზოგად ცნებაში ერთიანდებოდნენ ხელოსნობის ისეთი დარგის წარმომადგენლები, როგორც იყვნენ ძელის ანუ შეშის ჭურჭელთა, კეცის ჭურჭელთა, სპილენძის, ვერცხლისა, ოქროსი და სხვა ჭურჭელთა მკეთებელნიც.

წერილობითი ძეგლები ხელოსნობის ყველა ამ დარგის შესახებ როდი გვაწვდიან საჭირო ცნობებს. ამეამად ჩვენ არაფერს ვიტყვიტ მეჭურჭლეობის ისეთი დარგების შესახებ, როგორც იყო დაწნული ჭურჭლებისა და ტყავის ჭურჭლების წარმოება ძველ საქართველოში. მაგრამ, რომ ამგვარი ჭურჭლები იწარმოებოდა და რომ მისი



მკეთებლები არსებობდნენ, ამაში ექვის შეტანა შეუძლებელია. საქართველოში რომ „თხიერი“ კეთდებოდა, ეს უდავოა. როგორც დაწვული ჭურჭლების წარმოება, ასევე „თხიერისა“ და სხვ. კეთება რთული არ იყო და იგი უფრო შინამრეწველის საქმეს წარმოადგენდა, ვიდრე ხელოსან-ოსტატისას.

შინამრეწველის საქმედ შეიძლება მივიჩნიოთ აგრეთვე ძელის ჭურჭელთა წარმოებაც, ამ დარგის ხელოსნებიც უნდა არსებულყვნენ, რადგან ძელის ჭურჭელი ფართო მოხმარების საგანს წარმოადგენდა და საკმაო პატივითაც სარგებლობდა (XIV ს. იგი სამეფო ჭურჭელთა შორისაც გვხვდება). გადმოცემის მიხედვით, ძველ დმანისში ხელოსნებს კეცისა და ლითონის ჭურჭელთან ერთად ზის ჭურჭლებიც უწარმოებიათ და იგი (დმანისი) ზის კოვზებით ვაჭრობდა თურმე თბილისთან და ლორესთან<sup>1</sup>.

ძველ ქართველ ძელითმეჭურჭლე ხელოსნებს და შინამრეწველებს არაერთი სახის ძელის ჭურჭელი უკეთებიათ. ს. ორბელიანს ძელის ჭურჭელთა ზოგად სახელად „ფუჟა“ წარმოუდგენია. ძელის ჭურჭლებში სხვათა შორის „ტაბაკი“-ც შედიოდა. თამარის ისტორიკოსის სიტყვით, კათალიკოსს „ხელთა ეტკრთა ტაბაკითა სებისკუერი და თანაჰყეებოდეს ყოველნი წარჩინებულნი“ (ისტ. და აზმნი, 122<sub>14-15</sub>). ტაბაკი, საბას განმარტებით, „ხონჩას“ ეწოდებოდა: „ხონჩა სხუათა ენაა, ქართულად სიფლი და ტაბაკი ჰქვან“—წერს იგი. ძელის ჭურჭელთა მკეთებელთ ძელის „ჩამიც“ უკეთებიათ, რომლის აღსანიშნავად ძველ ქართულში „პინაკი“ იხმარებოდა (საბა ასური, 134-5). ძელისაგან უთლიათ „გობი“, „ქელგობი“ და სხვ.

## § 1. მ ი კ ე ც ე ნ ი

ძველი ქართული „მეკეცეობა“ კერამიკულ წარმოებას შეესატყვისება. მიუხედავად იმისა, რომ ამ ძველ ქართულ ტერმინს დღეს თავისი შინაარსი შეცვლილი აქვს და მის მაგივრად ჩვენს სამეცნიერო ლიტერატურაში ბერძნული წარმოშობის ტერმინია (კერამიკა) გაბატონებული, ჩვენ „მეკეცეობას“ ვიხმარებთ, რადგან სწორედ იმ ეპოქასთან გვაქვს საქმე, რომელშიც ეს ქართული ტერმინი ბატონობდა; ძველ ქართველებს მხოლოდ ამ ტერმინით აღუნიშნავთ ხელოსნური წარმოების ეს დარგი.

თინის ჭურჭლების მწარმოებელს ძველ ქართულში „მეკეცე“

<sup>1</sup> იხ. ლ. მ უ ს ხ ე ლ ი შ ვ ი ლ ი, დმანისი, გვ. 448, შენ. 2.

ეწოდებოდა. „მეკეცე“ იმ ხელოსანთა ზოგადი სახელი იყო, რომელნიც თიხისაგან აკეთებდნენ ამა თუ იმ სახის ჭურჭელს თუ სხვა დანიშნულების საგანს. „მეკეცე“ ამ მნიშვნელობით გვხვდება „დაბადების“ ხანმეტურ რედაქციაში: „აღდგე და შთავედ შენ სახიდ მეკეცისა და მუნ გესმენ სიტყვანი ჩემნი. და შთავედ სახიდ მეკეცისა მის და აჰა [იგი ხიქმოლა საქმეთა თვისსა [ლოლ]სა ზა. და აჰა ესერა [დავარდა] ჭურჭე[რი] იგი, რლსა [ხიქმოლა] კელითა თვისითა ლოდსა მას ზა. შეხიმუსრა და კულად შექმნა იგი ჭურჭლად სხუად, ვა სათნო ხუჩნდა წინაშე მისსა საქმედ. და ხიყო სიტყვა რა ჩემდა და მრქუა მე: უკუეთუ ვა მეკეცესა ამას ვერ ძალ-მიც თქნდა, სახლო იმლნისაო? ხიტყვის რი. აჰა ესერა, ვა თიჯაჲ კელსა შინა მეკეცისასა, ეგრეცა თქნ ხართ კელსა ჩემსა სახლო იმლნისაო“ (იერემია, 18<sub>2-6</sub>, აკ. შანიძე, ძვ. ქართული ქრესტომათია, გვ. 1, 2). ამ ამონაწერიდან გარკვევით ვანს, რომ თიხისაგან ჭურჭლის მკეთებელს „მეკეცე“ ეწოდებოდა. „მეკეცე“ ამავე მნიშვნელობით არაერთგან იხმარება „დაბადების“ სხვა რედაქციებშიც: „ვითარცა თიჯა მეკეცისა და ვითარცა მეკეცე დამთურგენელი თივისა, ეგრეთ დაითრგუნნეთ“. (ესაია, 41<sub>25</sub>; შდრ. ისო ზირაქი, 33<sub>13</sub>; სიბრძნე სოლომონ., 15<sub>7</sub> და სხვ.).

ძველ ქართულ წერილობით ძეგლებში მეკეცეთა მიერ ხმარებული სხვადასხვა ნედლი მასალის აღსანიშნავად განკუთვნილი ტერმინებიც — „მიწა“, „თიჯა“, „ლაში“, „ქვიშა“, „წერნაქი“ და სხვ. გვხვდება.

ქუეყანაჲ“ ძველ ქართულში „დედამიწას“ აღნიშნავდა, ხოლო „მიწაჲ“ — კონკრეტულ, ხელშესახებ ნაწილს ქვეყნისას: „მოითხოვა მიწაჲ ქუეყანით და წყალი და აკურთხა იგი და ბრძანა, რათა სცხონ წყალი იგი და მიწაჲ წყლულსა მისსა“ (ც<sup>1</sup>ხზაჲ სუმ. მესუეტისაჲ, 246<sub>31-32</sub>); „წმ<sup>1</sup>დმან ბრძანა, რა მოართუან მიწა ქუეყანისა მისისაგან და წყალი“. ილოცა და სთქვა: „დასაბამსა მოილო ღთმნ მიწაჲ ქუეყნისაჲ და შექმნა მისაგან კაცი“ (იქვე, 290<sub>30-35</sub>). „ეკლესიასტეს თარგმანებში“ კი გარკვეულადაა ნათქვამი: „შექმნა ღმერთმან კაცი მიწაჲ ქუეყანისაგან... ესე იგი არს მიწისა ქუეყანად მიქცევა“ (თარგმანება, 173<sub>1-3</sub>).

თუ მიწა კონკრეტულ, ხელშესახებ ნაწილს ეწოდებოდა ქვეყნისას, თიხა ამ ნაწილის სითხეში შერევით მიღებულ ანაზელს, ტალახს ეწოდებოდა. „ევესტათი მცხეთელის მარტივილობაში“ ვკითხულობთ: „მერმე შობითგანი ბრძამა პოვა და თიჯა შექმნა ნერწყვთა და თუალთა მისთა დაპხოვა“ (ევესტ. მცხეთელი; ს. ყუბანეიშვილი, ნარკვევი, ხელნაწ., 21<sub>2-3</sub>); ამრიგად, ნერწყვით შექმნილ ტალახს „თიჯა“

ეწოდება. ეს უფრო ნათლად ჩანს „მარკოზი მახარობელის წამების“ ერთი ადგილიდან: „მაშინ ჰნერწყუა ქყნასა და შექმნა თიჯა ნერწყვისაგან და სცხო კელსა მის კაცისასა“ (კიმენი, /, 194<sub>12-17</sub>). „გრ. ხანძთელის ცხებაში“ ვკითხულობთ: „კაცთა ნახჷნი ფერკთანი არა ოდეს თიჯიან ექმნებიან სლვასა მათსა“ (კლ, 13—14). „თიჯა“ ტალახის მნიშვნელობით აქვს ნახმარი ჯუანშერსაც: „ხოლო უწინა ვერ დასკრეს (ბროსე—ხოლო უწინარე დასკრეს) კულები ცხენთა მათთა, რამეთუ თიჯისაგან ვერ ითრევიან“ (მ. დედ. ქ. ცხება, 204<sub>20-21</sub>, 205<sub>1</sub>). „ვისრამიანში“ ტალახის მნიშვნელობით იხმარება „თიჯა“ და აგრეთვე თვით „ტალახი“-ც გვხვდება: „ცრემლითა... მიწას დავითიხებ თევზისა ზურგამდის, რომელსა ზედა ქუეყანა დგას“ (გვ. 225) „ცრემლისაგან მიწა დაატალახა“ (გვ. 59). ამრიგად, უკვე XII—XIII სს. „თიჯა“ იხმარება ტალახის მნიშვნელობით და აგრეთვე მის პარალელურად გვხვდება ტალახიც, იმავე მნიშვნელობის მატარებელი. „თიჯა“ რომ დიდხანს დარჩა ტალახის მნიშვნელობის მატარებელ ტერმინად, ამას XVII ს. ერთი წარწერაც ცხადპყფს: „ჩვენ თიჯა შეზელიმან, ტვირთ მძიმემან ცოდვითა შებღალულმან...“—ნათქვამია ლევან დადიანის ერთ-ერთ წარწერაში (Brosset, Voyage, 2, IX, 3). ამგვარადვე ესმოდა იგი საბა ორბელიანსაც: „თიჯა-ტალახი“—განმარტავს იგი.

საგანგებო დანიშნულებსათვის აზელილი მიწა — თიჯა წარმოდგენდა მეკეცის ნედლ მასალას. როგორც ირკვევა, იმ მიწის ჯიშისათვის, რომელსაც დღეს ჩვენ თიხას ვუწოდებთ, ძველ ქართულში ცალკე სახელწოდება არ არსებობდა. როგორც მტკიცდება, მეკეცის მიერ გამოყენებული მიწის ჯიში აგრეთვე „თიჯად“ იწოდებოდა. მეკეცის მიერ დასამუშავებელი ნედლი მასალის აღმნიშვნელ ერთადერთ ტერმინს რომ „თიჯა“ წარმოდგენდა, ამას დღემდე ჩვენთვის ცნობილი უძველესი ქართული ხელნაწერები — „დაბადების“ ხანმეტური პალიმფსესტები — გვიდასტურებენ. ოქსფორდის პალიმფსესტში, სადაც „იერემიას გოდების“ ნაწყვეტია შემორჩენილი, ნათქვამია: „აჰა ესერა ვა თიჯა კელსა შინა მეკეცისსა ეგრეცა თქნ ზართ კელსა ჩემსა სახლო იშლისაო“ (აქ. შანიძე, ძვ. ქართ. ქრესტომათია, 2; ივ. ჯავახიშვილი, ახლად აღმოჩენილი უძვ. ქართ. ხელნაწერები, უნივერსიტეტის მოამბე, II, გვ. 374). ამრიგად, ის მასალა, რომელიც იყო „კელსა შინა მეკეცისასა“, „თიჯად“ იწოდებოდა. სხვა, მისი შემცველი ტერმინი არც უძველეს და არც შემდგომდროინდელ წერილობით ძეგლებში არ იხსენიება. „დაბადების“ თარგმანის სხვა ადგილებიც ადასტურებენ ამ მოსაზრებას. „სოლომონის სიბრძნეში“ ერთ ადგილას „მეკეცე“

„თივის მოქმედათ“ იწოდება (სიბრძნე სოლომონისი, 157). დასასრულ კიდევ ერთი ადგილი „დაბადებიდან“: „შეგმზადე ვითარცა თივა მეკეცემან... ნუ რქვას თივამან მეკეცესა. რასა ჰხამ“ (ესაია, 456). ყოველივე ზემოთქმულის შემდეგ შეგვიძლია არასწორად მივიჩნიოთ მოსაზრება, რომლის მიხედვით „სიტყვა „კეცი“-თ ჩვენს დროში „თიხა“-ს სახელწოდებით ცნობილი მიწის ჯიში აღინიშნებოდა და „თიხა“ კი ჩვეულებრივ ტალახსა და საგანგებო საჭიროებისათვის აზელილ მიწას ეწოდებოდა. გარკვეული დროიდან მოკიდებული „თიხას“ შინაარსი მისი თანამედროვე მნიშვნელობით განისაზღვრა და „კეცი“ კი თიხის ნაწარმთა ზოგად სახელად... განიკუთვნა“<sup>2</sup>. ლ. ბოჭორიშვილისათვის ამ შემთხვევაში ს. ორბელიანის არაზუსტი განმარტება წარმოადგენს: „კეცი — შიწა საჭურჭლე“. ნამდვილად კი თითქმის ყველგან, სადაც მეკეცეზე და თიხაზეა ლაპარაკი, „თივა“ მეკეცის ნელლი მასალის აღმნიშვნელ ტერმინად გვევლინება; იგი „ტალახის“ ცნების გამომხატველიც იყო. „კეცი“, როგორც ქვემოთ დავინახავთ, გამომწვარი თიხისა და მეკეცეთა ყოველგვარი ნაწარმის ზოგად სახელს წარმოადგენდა. დანამდვილებით შეიძლება ითქვას, რომ „კეცი“ არსად მიწის ჯიშის მნიშვნელობით არაა ნახმარი. ჩვენი მოსაზრების დასამტკიცებლად კიდევ ორიოდ საბუთს მოვიტანთ. ეფრემ მცირე „ფსალმუნთა წიგნის თარგმანის“ შესავალში წერდა: „მეცნიერ [იქმნ] და სცნა ჩნთს ედ მისივე თივისაგან ვმეკეცეობით და ამათვე წიგნთა მიერ მოღებულთა ძალითა“ (ძვ. საქ., III, 251<sub>543-547</sub>). აშკარაა, რომ მეკეცე სწორედ „თივისაგან მეკეცეობდა“. როგორც აღვნიშნეთ, „კეცი“ გამომწვარი ან გამხმარი თიხის (რაც სახისაც უნდა ყოფილაყო იგი) ზოგად სახელს წარმოადგენდა. რომ „კეცი“ აზელილ თიხას კი არა, არამედ სწორედ გამომწვარ, გამხმარ თიხას ნიშნავდა, ამას ადასტურებს შემდეგი ამონაწერიც: „განჴმა ვითარცა კეცი ძალი ჩემი“ (დავითნი, ფსალმ., 21<sub>16</sub>). „ალათანგელის წარწერაში“ ვკითხულობთ: „ერმიონ სპილენძი არს, ჰერაკლე კეცი არს და აპოლონ ქუა არს“ (X. B., IV, БѢП. III. 276<sub>27-29</sub>). ძნელი წარმოსადგენია თიხის, ტალახის ქანდაკება; ცხადია, ამ შემთხვევაში ლაპარაკია გამომწვარ ან გამხმარ თიხაზე.

როგორც ირკვევა, ძველ ქართულში „თივა“ ერთადერთი სიტყვა იყო მიწის ჯიშის აღსანიშნავად. ამჟამად მიწის ერთ-ერთი ჯიშის აღმნიშვნელი „ლაში“ ძველად „შავ ლიად“ ანუ „საფლობ ტალახად“ იყო გაგებული (იხ. ს. ორბელიანი, ქართ. ლექსიკ.), მეკე-

<sup>2</sup> ლ. ბოჭორიშვილი, კახური კერამიკა (თეზისები), გვ. 5.

ეთა მიერ ზმარებული „ქვიშა“ და „წერნაქი“ კი ძველადაც იმ-  
გვარადვე იყო გააზრებული, როგორც დღეს.



ძველ საქართველოში მეკეცეთა შორის იმგვარი დასპეციალება არ უნდა ყოფილიყო, როგორც შემდეგ ჩანს, ყოველ შემთხვევაში, ორი ძირითადი დარგი განირჩეოდა: ა) „მეჭურჭლეობა“, რომელშიაც ქვევრისა და თონის კეთება ივარაუდებოდა, და ბ) „მეალიზეობა“ ანუ მეაგურეობა, რომელშიც კრამიტის კეთებაც შედიოდა. არათუ ძველად, არამედ ამჟამადაც, როგორც ამას ეთნოგრაფიული სინამდვილე გვიდასტურებს, მეკეცეთა შორის ღრმა სპეციალიზაცია ყველგან არაა მომხდარი. ლ. ბოჭორიშვილი თავის საკანდიდატო ნაშრომში — „კახური კერამიკა“, წერს: „შიდა კახეთში შესაძლებლად მიჩნეული გარემოება ქიზიყში მტკიცედ დადგენილ წესად ითვლება და „მეაგურეში“ კრამიტის მჭრელი და „მეჭურჭლე“-ში თორნის მკეთებელი ივარაუდება“<sup>3</sup>. ასევე ქსნის ხეობაში, მისივე თქმით, ჭურჭლის, ქვევრის და თორნის ოსტატი... ერთი და იგივე ხელოსანია<sup>4</sup>.

ჭურჭლის მკეთებელ მეკეცეთა ნაწარმს ზოგადად „ჭურჭელნი კეცისანი“ ეწოდებოდა. „იერემიას წინასწარმეტყველობაში“ ნათქვამია: „ჭურჭელნი კეცისანი, საქმენი ველთა მეკეცისათანი“ (42). „ვისრამიანშიც“ მეკეცეთა მიერ წარმოებული ჭურჭელი „კეცის ჭურჭლად“ იწოდებოდა: „ვაი ისეთსა უამსა, რომელ კეცისა ჭურჭელსა ჰგავს ჩუენი სიყუარული, არ ოქროსა, რომელ, რა გატყდების, ცუდად წაყდების“ (ვისრამ., გვ. 251). კეცის ჭურჭლის შესატყვისად, „თი ხისა გან შენივთებული სხეულის“ (საბინინი, გვ. 112) სახელწოდებად „ჭურჭელი თივისა“-ც გვხვდება. „ჭურჭელი თივისა“, თუმცა იშვიათად, მაგრამ მაინც, „კეცის ჭურჭელთა“ პარალელურად და იმავე მნიშვნელობით იხმარებოდა. აკად. ნ. მარის აღწერილობით სინას მთის ხელნაწ. № 85-ში ვკითხულობთ: „ტაძარი იგი ს'ლსაჲ წ'და ვყოთ ვ'ა ოქროჲ და არა ვ'ა ჭურჭელი თივისაჲ, ა'დ პატიოსანი“ (H. Mapp, Опис., გვ. 244).

„თიხის ჭურჭელთა“ მკეთებელ მეკეცეებს წყლის ჩასასხმელი

<sup>3</sup> ლ. ბოჭორიშვილი, კახური კერამიკა (ხელნაწ.), გვ. 28.

<sup>4</sup> ლ. ბოჭორიშვილი, ქსნის ხეობაში მივლინების ანგარიში, ენამკის შოამბე, IV, 29.

ჭურჭლები უკეთებიან. წყლის ჭურჭელთა საერთო სახელწოდებას „სარწყული“ წარმოადგენდა: „აქუნდა სარწყული მკართა მისთა ზა და შთავდა წყაროსა ამას და აღმოვისო“ (მოსე, 1, 24, 25; ომკის ხელნაწერ.); „ედგა სარწყული მკარსა მისსა“. „შთავიდა ჭურღმულსა მას და აღავსო სარწყული იგი და აღმოცდა“. „ჰქა მას: მასუ მე წყალი სარწყულისაგან შენისა“ (იქვე, 24<sup>15</sup>, 16, 17). „სარწყული“ შეიძლება ყოველგვარ ჩასასხმელ ჭურჭელთა ზოგად სახელად წარმოვიდგინოთ; რამდენადაც მოსეს I წიგნში (24<sup>20</sup>) „სარწყული წყლისა“ იხსენიება, საფიქრებელია, იყო „სარწყული“ არა-წყლისა, ე. ი. სხვა სითხეთა. მეკეცეთა მიერ ნაკეთებ ერთ-ერთ „სარწყულს“ „კოკაჲ“ წარმოადგენდა. „კოკა“, როგორც ირკვევა, ძირითადად წყლის ჩასასხმელად იყო გამოყენებული: „ხოლო გული მისი მხიარულ იყო და ოდესმე აღიღის კოკაჲ და გავიდის გარე მონასტრით და ასუძმ წყალსა უცხოთა მოგზაურთა. და სხუა ჯერ განტეხის კოკაჲ ნეფსით“ (კიმენი, 1, 205<sup>30-32</sup>). „ვისრამიანში“ ნათქვამია: „კოკა რა ახალი იყო, წყალსა კარგად დაიჭირავს“ (გვ. 232). კოკას ზოგჯერ სხვა დანიშნულებაც გააჩნდა თურმე. შესაძლებელია ვიფიქროთ, რომ იმ ჭურჭელს, რომელშიაც მწნილს ამზადებდნენ, აგრეთვე „კოკაჲ“ (საბა ასური, 634-35) ეწოდებოდა. როგორც ცნობილია, კოკას საწყაო ერთეულის ფუნქციაც მიენიჭა დროთა განმავლობაში.

„სარწყულს“, კეცისაგან ნაკეთებ ჭურჭელს წარმოადგენდა აგრეთვე ე. წ. „ლაგჯნი“-ც (კიმენი, 1, 177). „ლაგჯნი“, როგორც ჩანს, კეცისაგან კეთდებოდა და ისიც კოკასავით წყლის მოსატანი ჭურჭელი იყო: „აღიღო ლაგჯნი კეცისა დიდი ფად და აღავსო იგი წყლითა და მერმე წარვიდა ტყედ“ (ცხბაჲ სჲმ. მესუფტისაჲ, 269<sup>30-21</sup>). „ლაგჯნი“ სხვა დანიშნულებაც ჰქონდა, როგორც ქვემოთ დავინახავთ.

მეკეცეებს ღვინის ჩასასხმელი ჭურჭლებიც (ჭური და ქვევრი) უწარმოებიათ. ქართულ წერილობით წყაროებში ჭურ-ქვევრებთან დაკავშირებული ცნობები საკმაოდ მოიპოვება. „ჭური“ და „ქვევრი“, როგორც ჩანს, ერთნაირი მნიშვნელობით იხმარებოდა. სამართლიანად წერს ლ. ბოჭორიშვილი, რომ „აღმოსავლეთ საქართველოში აშკამად უკვე დავიწყებული ტერმინი „ჭური“ ძველი ძეგლების მიხედვით — საქართველოს ყველა კუთხის მცხოვრებთათვის ცნობილ სიტყვად გვევლინება“<sup>5</sup>. „კეცისჭოვრები“ იხმარებოდა მტბევარის პოეზიაში: „სუფევაჲ გამოუთქოუმელ მოვა-

<sup>5</sup> ლ. ბოჭორიშვილი, კახური კერამიკა (თეზისები), გვ. 6.

ქოუნდა, ვითარცა მოციქოვლთა კეცის-ჭოურებითა“ (სასულიერო პოეზია, რმბ. 13-14). „ჭური“, როგორც ღვინისათვის განკუთვნილი ჭურჭელი, „იოანე ბოლნელის ქადაგებაშია“ მოხსენიებული: „პოოს საყოფელი მისი (მემთვრალემან, შ. მ.) საესე ვა თხიერი და ფშო-ვოდეს ვა ჭური“ (ქადაგებანი, გვ. 83). „ჭური“ მეკეცეთა „მონა-კელოვანს“ წარმოადგენდა: „ჰმწყსნე იგინი კუერთხითა რკინისა-მთა და ვითარცა ჭურნი მეკეცეთანი შემუსრნე იგინი“ (მ. ჯანა-შვილი, ქართ. მწერლ., I, გვ. 238).

ღვინის ჭურის გარდა იყო აგრეთვე „ჭური შამანისაჲ“, ე. ი. ჭური წყალში ჩაღობილი ნაწნეხი ჰაჰის გამონაწურისათვის გან-კუთვნილი (ცხბაჲ სვმ. მესუეტისაჲ, 328<sub>გვ-გვ</sub>).

„ჭურის“ მნიშვნელობით იხმარებოდა აგრეთვე აღმოსავლეთ საქართველოში ამჟამად გაბატონებული „ქვევრი“-ც. ქვევრი, იაე-ვე როგორც ჭური, ღვინის ჩასასხმელი ჭურჭლის სახელწოდება იყო. ღვინის ჭურჭლად გამოყენებული იყო „ლაგვნი“-ც. „ლაგვნი-ბი საესეები ღვინითა“ იხსენიება „იერემიას წინასწარმეტყველება-ში“ (35<sub>ჲ</sub>). მეგრულში მისი შესატყვისი „ლაგვანი“ დღესაც არსე-ბობს.

მეტურჭლეებს, წყლისა და ღვინის ჩასასხმელ და შესანახ ჭურჭელთა გარდა, „ჭურჭელნი სასმურნი“-ც უწარმოებიათ. ამ-გვარ „სასმურ ჭურჭელს“ წარმოადგენდა „იოანე და ექვთიმეს ცხბა-ში“ არაერთგან მოხსენიებული „კრასოული“ (სომხური „კარას“-იდან). ივ. ჯავახიშვილის აზრით, კრასოული სასმისი ჭურჭელია — თიხისაგან დამზადებული. თიხის ჭურჭელს წარმოადგენდა „კარა-ბა“-ც. „მოიღე კარაბა გამოზელილი მეკეცისა“ (დაბეჰდილში: მექ-ცისა; იერემია, 19). ს. ორბელიანის განმარტებით, „კარაბა“ ჭი-ქის საღვნეს ჰქვანა.

ჭურისა და ქვევრის მკეთებლებს, როგორც აღვნიშნეთ, „სა-ცხობელი ჭურისა“ ანუ „თორნე“ („შესწირვიდეს ძლუნესა, შესაწი-რავად გამოცხობილსა თორნითა“. ლევიტელთა, 24, ოშკის ხელნა-წერი), და აგრეთვე „ჭურჭელნი სამზარეულოთანი“ უკეთებიათ. სამზარეულოს ჭურჭელი იყო „ქოთანი“ (მეფეთა, 1, 214), „კოჭო-ბი“ და სხვ. ქოთანი „ვისრამიანშიც“ იხსენიება: „შენი შეგონება ასრე უსარგებლოა, ვითა უღონოსათვის ქოთანი“ (გვ. 164). აქვეა მოხსენიებული „კოჭობიც“: „ჭირისა კოჭობსა შიგან მადულეჲ“ (იქვე, გვ. 241). „კოჭობი“ „იოანე და ექვთიმეს ცხოვრებაშიც“ გვხვდება, როგორც სამზარეულოს ჭურჭელი (იხ. საბინინი, გვ. 422).

სპილენძისა და ოქრო-ვერცხლის ჭურჭლეულობით მდიდარ საქართველოში, თიხისაგან ნაკეთებ უბრალო ჭურჭლებთან ერთად,

საკმაო რაოდენობით უმზადებიათ მოჭიქული ჭურჭლებიც. შეუძლებელია დანამდვილებით ითქვას, თუ რატომ ეწოდებოდა „მოჭიქვა“ ჭურჭლის დაჭრელებას. ლ. ბოჭორიშვილის აზრით, „სულ ძველად — იმის გამო, რომ „ჭიქა“ ჭურჭლის გასალამაზებელ საშუალებათა ერთ-ერთ სახეობას წარმოადგენდა, თუ იმის გამო, რომ შეღებვის შედეგად ჭურჭელს ჭიქის მსგავსი ბრწყინვალე ეძლეოდა — მას „მოჭიქული ჭურჭელი“ ეწოდებოდა“<sup>6</sup>. ჩვენი აზრით, უფრო საფიქრებელია შეღებვის შედეგად ჭიქასავით მბრწყინავი ჭურჭლისათვის „მოჭიქული“ ეწოდებინათ.

მოსაჭიქავად მიეკეცებენ „წერნაქი“ უხმარიათ, ს. ორბელიანის განმარტებით, „წერნაქი ესე წითელი სახატავია, კაპალუკიას გამოვა. ერთი უწითლესია, მეორე უმქრალესი, მესამე ცუდია“. ქართველ მიეკეცებენ წერნაქი კაპალუკიიდან არ უზიდათ, ის საქართველოშიც ბლომად მოიპოვება. „წითელი ჭურჭლის დასაჭრელებლად წერს ლ. ბოჭორიშვილი, — ქიზიყშიც და შიგნით კახეთში წერხაქის სახელწოდებით ცნობილი მიწა იხმარება. ქიზიყელი მეჭურჭლეები წერნაქს კარდანახის მთაში სთხრიან და შიგნით კახეთის ოსტატები კი — მას გარეკახეთიდან — პირიქითიდან (უმთავრესად მარტყოფისა და ლილო-პატარძელის მიდამოებიდან) მოეზიდებიან. წინათ კი თვით პირიქითელებსაც მოჰქონებოდათ გასასყიდათ“<sup>7</sup>. აღსანიშნავია, რომ მომჭიქავებს წერნაქი თეთრი ფერისაც უხმარიათ. თეთრი ფერის წერნაქს, ლ. ბოჭორიშვილის ცნობით, წყალში ხსნიან და შემდეგ იგი გამოდგება დასაჭრელებლად<sup>8</sup>.

მოჭიქულ ჭურჭლებს „ხშირად „ქაშანურსა“ და „ჩინურს“ უწოდებდნენ. მაგ., „ველმწიფის კარის გარიგებაში“ ნათქვამია: „ლარი და ჭურჭელი ოქროსი და ვერცხლისა, ჩინური და ქაშანური უსაღვინო, ყოველ საჭურჭლესა ძეს და დგას“ (მ171-173). მაგრამ, როგორც ივ. ჯავახიშვილი შენიშნავდა, ეს ცნებები ჩინურისა და ქაშანურის მიბაძვით საქართველოში დამზადებულ, და არა ჩინეთიდან და ქ. ქაშანიდან მოზიდულ ჭურჭლებს გულისხმობდნენ. ჭურჭლები უწერნაქოდაც მოუხატავთ ხოლმე. უბრალოდ მო-

<sup>6</sup> ლ. ბოჭორიშვილი, კახური კერამიკა (თეზისები), გვ. 6; ხელაწ. გვ. 342.

<sup>7</sup> იქვე, გვ. 39. შდრ. მისივე, ეთნოგრ. ექსპედიცია თელავის რაიონში, „ენიქის“ მოამბე, გვ. 113, 344.

<sup>8</sup> ლ. ბოჭორიშვილი, ეთნოგრ. ექსპედ. თელავის რაიონში, „ენიქის“ მოამბე, გვ. 113, 351.



ხატვას, როგორც ლ. ბოქორიშვილი წერს, „დაპრელებასა“ და „დაკენჭას“ უწოდებენ<sup>9</sup>.

ძველ საქართველოში რომ მეკეცეობა ფართოდ გავრცელებულ და საკმაოდ დაწინაურებულ საქმეს წარმოადგენდა, ამას ეთნოგრაფიული მონაცემების გარდა ძუნწი ისტორიული ცნობები და არქეოლოგიური მონაპოვრებიც გვიდასტურებენ. არა მარტო აღმოსავლეთ, არამედ დასავლეთ საქართველოშიც V ს. ისეთი ადგილები ყოფილა, სადაც მეკეცეთა ნაწარმის სავაჭროების მეტი არაფერი იყო. „ბესას და იუსტინეს რაზმები, წერს აგათია სქოლასტიკოსი, ერთ დაბლობში იყვნენ დაბანაკებულნი, ტელეფისის მახლობლად, სულ შვიდი სტადიონის მოშორებით. იქ სხვა არაფერი არ არის გარდა ქოთნების სავაჭროებისა; ამითვე აიხსნება ამ ადგილის სახელწოდება: მას ხომ ლათინურად „ოლლარია“ ეწოდება, ელინთა ენაზე ეს „ქიტროპოლია“ იქნება“ (გეორგიკა, III, გვ. 34; იხ. იქვე, შენ. 2). ამ მიდამოებში დღესაც ეწოდება ერთ-ერთ უბანს დერგა ... „დერგა“ კი თიხის ჭურჭელს ნიშნავს: „დერგი — ჭურთ უმცირესი“ — განმარტავს საბა<sup>10</sup>.

ლ. მუსხელიშვილის სამართლიანი შენიშვნით, დმანისის ნაქალაქარის გათხრა საშუალებას გვაძლევს შუა საუკუნეების საქართველოში მეკეცეობა არქეოლოგიური მონაცემების სახითაც წარმოვიდგინოთ. დმანისის ნაქალაქარში აღმოჩენილი კერამიკა მრავალფეროვანია როგორც ფორმის, ისე ტექნიკისა და აგრეთვე ორნამენტთა სხვადასხვაობის მხრივაც. „ძირითადად, წერს ლ. მუსხელიშვილი, ორი ჯურის ჭურჭელი უნდა გავარჩიოთ: სადა თიხისა და მოჭიქული. სადა თიხის ჭურჭელი ხშირად ანაგობიანია. ანაგობი ასეთ შემთხვევაში წითელია (წარნაქი). ასეთია, მაგალითად, ნატეხი კრასოულისა, იმ საღვინე ჭურჭლისა, რომელიც ცნობილია ანცისიდან“<sup>11</sup>. გარდა სადა, ანაგობიანი ჭურჭლებისა, როგორც გათხრებში დაამტკიცეს, უწარმოებიათ მოჭიქული ჭურჭლებიც, რომელნიც იმით არიან საინტერესო, რომ მათ შორის ქართულწარწერაინი ცალეებიც აღმოჩნდა<sup>12</sup>. იქ აღმოჩენილი მოჭიქული ჭურჭლების შესახებ ლ. მუსხელიშვილი წერდა: „გასაოცარია ორნამენტული სახეების სიმრავლე; კონტურები თამამად და მკაფიოდაა გამოყვა-

<sup>9</sup> შდრ. ლ. ბოქორიშვილი, იქვე, გვ. 351.

<sup>10</sup> იხ. ს. ყაუხჩიშვილი, ბიზანტიური ეპოქის ციხე-სიმაგრეები ლაზეთში, გეორგიკა. III, გვ. 314.

<sup>11</sup> ლ. მუსხელიშვილი, დმანისი, გვ. 422.

<sup>12</sup> იქვე, გვ. 443; შდრ. აგრეთვე გვ. 403.

ნილი, ფერები დიდი გემოვნებითაა შეხამებული. ამასთან, როგორც ეს უკვე ნ. მარმა აღნიშნა ანისის კერამიკის შესახებ, ჭყატუნა ფერებს გაურბოდნენ<sup>13</sup>. სპეციალისტების აზრით, დმანისში აღმოჩენილი მეკეცეთა ნაწარმის მსგავსი ნიმუშები (მტაცებელ ფრინველთა გამოსახვით და სხვ.) ვრცელდებოდა აღმოს. საქართველოში, ჩრდ. უკრაინაში, ყირიმში, დასავლეთ ბიზანტიაში, საბერძნეთში და თარიღდება XII—XIV საუკუნეებით.

გარდა იმისა, რომ მოჭიქულ ჭურჭლებს შორის ქართულ-წარწერებიანი ჭურჭლებია აღმოჩენილი, ამ ნაწარმთა ადგილობრივობას სხვა საბუთებიც ადასტურებს: გათხრისას დმანისში რამდენიმე ნახევარფაბრიკატის ნატეხიც აღმოჩნდა. თიხის ჭურჭელი, თეთრ ანაგობში ამოვლებული და ამოფხაზნილი ორნამენტით, ე. ი. მოსაქიქავად უკვე გამზადებული, გამტყდარა და ასე ნახევრად შემზადებული გადაუგდიათ. აღსანიშნავია აგრეთვე, რომ დმანისთან ხუთიოდე კილომეტრით, ფინეზაურის ხეობასთან, კარგი ხარისხის წითელი საჭურჭლე თიხა თურმე ბევრი მოიპოვება.

ადგილობრივ ნაწარმთა გარდა, დმანისში, სპარსული ყაიდის, ხშირად ლუსტრიანი და ზოგჯერ ოქროს ვარაყიანი ფაიანსიც ბევრი ყოფილა აღმოჩენილი. მაგრამ მათგან ზოგიერთი ისეთიც ყოფილა, რომლის ორნამენტი „ორიგინალური სპარსული კი არაა, არამედ საკმაოდ უმწეო მიბაძვას წარმოადგენს“; ეს კი, როგორც ლ. მუსხელიშვილი აღნიშნავდა, გვაძლევს შესაძლებლობას, რომ დავასკვნათ: „ფაიანსიც, ნაწილობრივ მაინც, ადგილობრივი ნაწარმოებია“<sup>14</sup>.

დმანისის გარდა მოჭიქული ჭურჭლები და მათი ნამტკრეგები მრავლადაა აღმოჩენილი სხალტბა შიომღვიმის 1202 წ. აგებული წყალსადენის გათხრის დროსაც. აქ აღმოჩენილი ნივთების შესახებ შ. ხიდაშელი წერდა: „ძველი სხალტბის მიდამოებში ნაპოვნი ნივთიერი კულტურის უმთავრესად კერამიკული ნიმუშებიდან ჩანს..., რომ ძველ სხალტბაში საკმაოდ მაღალი ხარისხის კერამიკა ყოფილა გავრცელებული. მოუჭიქავი, გამომწვარი თიხის ჭურჭლებთან ერთად, გათხრის დროს აღმოჩნდა აგრეთვე ფაიანსისა და ქაშანური ჭურჭლის ნატეხები, რომლებიც თავისი მასალით, ფორმითა და სახეობით ძალიან ჰგავს ქ. დმანისში ნაპოვნი კერამიკულ ნივთებს“<sup>15</sup>.

<sup>13</sup> იქვე, გვ. 443.

<sup>14</sup> ლ. მუსხელიშვილი, დმანისი, გვ. 444.

<sup>15</sup> შ. ხიდაშელი, სხალტბა-შიომღვიმის წყალსადენი, შ. რუსთაველს ეპოქის მატ. კულტ. ძეგლები (კრებ.), გვ. 234.

ქართული წერილობითი ძეგლები გვაწვდიან ძუნწ ცნობებს მეკეცეთა ხელსაწყოსა და სხვათა შესახებ. „ღაბადების“ ქართული თარგმანის მიხედვით, იმ იარაღს, რითაც მეკეცე ჭურჭელს ჭრიდა, „ბორბალი“ ეწოდებოდა: „ეგრეთვე მეკეცეთა, მჯდომარე საქმესა ზედა თუსსა, დამბრუნებელი ფერკითა თუსითა ბორბლისა. რომელი ზრუნვასა ზედა ძეს მარადის საქმესა ზედა თუსსა. აღმრიცხველი ყოვლისა საქმისა მისისა. მარჯუენით თუსითა გამოსახოს თივა და წინაშე ფერხითა მოდრიკოს ძალი თუსი. გული თუსი მისცეს აღსრულებად ჭურჭლისა და მღვიძარება. მისი განწმედად საქმილისა“ (ისუ ზირაქი, 3833-36). მეკეცე, როგორც აქედან ჩანს, ჭურჭლის საჭრელ „ბორბალს“ ფეხით აბრუნებდა, ხოლო „მარჯუენით თუსითა“ გამოსახავდა თიხას ჭურჭლად, ე. ი. აძლევდა თიხას სასურველ ფორმას. ამრიგად დამზადებული ჭურჭელი „სახმილში“ უნდა გამოიწვიარიყო.

მეკეცის სამუშაოდ და მისი ნაწარმის გამოსაწვავად განკუთვნილი ნაგებობა, XVII ს-დან „ქურად“ და „ქარხანად“ წოდებული, როგორც აღრინდელი წერილობითი ძეგლებიდან ირკვევა, „საკმილად“ იწოდებოდა. „საკმილი“ ზოგადი სახელი იყო როგორც გამოსაწვავისა, ასევე გამოსახობი და გამოსადნობი ღუმელისა. „ღაბადების“ თარგმანის ოშკურ ხელნაწერში ვკითხულობთ: „აღვიდოდა ალი ცეცხლისაჲ ქყანით ვა არმური საკუმილისაჲ“ (მოსე, 1, 192ა); „და ვა იყო მზმ დასლვასა იყო ალი და აჰა ესე რა საკუმილი მკუმოლვარჷ და ლამპარნი ცეცხლისანი და შორის განყოფილდა მათ“ (მოსე, 1, 1617, ოშკის ხელნაწ.). ქართული ორიგინალური ძეგლებიდან „სახმილი“ გვხვდება იოვანე ქონქოზის ძის ნაწარმოებში: „საკოუმილისა იგი შემწოველობაჲ“ (სასულიერო პოეზია. მგ); იგი ნახმარი აქვს იოვანე მტბევეარსაც: „საკოუმილისა შინა დგეს ცეცხლისასა“ (იქვე, მზ). „საკმილი“ არაერთხელ აქვს ნახსენები ლ. მროველს თავის „მეფეთა ცხოვრებაში“. „ცეცხლი დგა თავსა ზედა მისსა შუდ წილად მზისა უბრწყინვალესი... ვითარცა საკმილისა ნაბერწყალნი აღვლენ, ეგერე სახედ ანგელოზნი ღთისანი აღვიდოდეს“ (მ. დედ. ქ. ცხბა, გვ. 104; შდრ. იქვე, გვ. 67, 88). „სახმილს“ იხსენიებს შ. რუსთაველიც: „მით გული ჩემი სახმილმან აწ ასრე დაბაბა დია“ (3042). იგი გვხვდება „ვისრამიანშიაც“: „გული თუით მისგანვე დანაგზებსა საკუმილსა შიგან ეგზებოდა“ (გვ. 112). ნათარგმნ მარტიროლოგიურ ძეგლებშიც არა-

ერთგან გვხვდება სახმილი, მაგრამ აქ მათი დაწვრილებით ჩამოთვლა ზედმეტად მიგვაჩნია. ამრიგად, როგორც ამონაწერებიდან ჩანს, სახმილი ანთებულ, სიმხურვალით დამწველი ნაგებობის ზოგადი მნიშვნელობითაა ნახმარი. სახმილი მისი დანიშნულების მიხედვით სხვადასხვაგვარი უნდა ყოფილიყო, და მართლაც, წყაროების მიხედვით ვგებულობთ, რომ სპილენძის გამოსადნობსა, „საქმილი რვალისაჲ“ ეწოდებოდა: „აღაგზნებს იგი უფსკრულსა, ვითარცა საქმილსა რვალისასა“ (იობ; 41<sub>22</sub>). იყო აგრეთვე „საქმილი ალიზისა“ (მეფეთა, II, 12<sub>31</sub>), ე. ი. აგურისა. ამდენად, ცხადია, უნდა ყოფილიყო „საქმილი ჭურჭელთა“ მეკეცის ჭურჭელთა გამოსაცდელად: „ჭურჭელსა მეკეცისასა გამოცდის საქმილი“ (ისო ზირაქი, 27<sub>6</sub>). მაშასადამე, ჭურჭელთა გამოსაწვავად განკუთვნილი ნაგებობა, ე. ი. „საქმილი ჭურჭელთა“ უბრალოდ „საქმილად“ იწოდებოდა.

საჭიროების მიხედვით ხდებოდა სახმილის გათბობა, დანთება. დანთებას „აგზება“ ეწოდებოდა: „შეკრიბეს შეშაჲ იგი და ააგზეს საჯუმილი დიდი“ (თეკლას მარტვილ., გვ. 105); დანთებულს კი — „აგზებული“: „აგზებოვლი იგი საჯოკმილი“ (ქადაგებანი, გვ. 44). სახმილს ზოგჯერ მასზე გაპიროვნებული პირი — „მესაჯუმილჱ“ აღაგზნებდა: „მესაჯუმილჱთა მათ კაცთა აღაგზეს საჯუმილი იგი“ (A. Хаханов, Мат. по груз. агиог. გვ. 9).



როგორც აღვნიშნეთ, მეკეცეობის მეორე მნიშვნელოვან დარგს მიაგურეობა და მეკრამიტეობა წარმოადგენდა. ძველ ქართულში „აგურის“ აღსანიშნავად „ალიზი“ იხმარებოდა: „მოიწივნეს მცირესა ქალაქსა ზანგანს, ალიზის ზღუდითა გამაგრებულსა“ (ისტ. და აზმნი, 135<sub>1-2</sub>). „ალიზი“ ნიშნავდა როგორც გამოუწვავს, ასევე გამომწვარ აგურს. „დაბადების“ მცხეთის ხელნაწერში ვკითხულობთ: „მოვედით, გამოვზილნეთ ალიზნი და გამოვაცხუნეთ იგინი ცეცხლითა, და იყო მათდა ალიზი (იგი) ქუა და აასფალტოასი იყო მათდა თიხაჲ“ (მოსე, 1, 11<sub>3</sub>). „ელინთა ზღაპრობებში“ გარკვევითაა ნათქვამი: ქალაქს „ას ბჱე ჰქონან... რომელნი აღიშენნეს ალიზითა გამოცხობილითა და ნავითა განდნობილითა“ (გვ. 28). გიორგი მონაზონის „ხრონოგრაფიის“ თარგმანში იკითხება: „აღაშენა (ქ. ბაბილონი, შ. მ.) ალიზითა მცხვრითა და თლილითა ქვითა“ (129<sub>13-14</sub>).

გამომწვარი ალიზის მნიშვნელობით ტერმინ „აგური“-ს ხმა-

რებაში შემოსვლის შემდეგ (XI ს.) „ალიზის“ მნიშვნელობა შეიზღუდა და იგი მხოლოდ გამოუწვევი აგურის მნიშვნელობით გვხვდება. კახელი მეჭურჭლენი დღეს არათუ გამოუწვევ აგურს უწოდებენ ალიზს, არამედ ყოველ გამოუწვევ ჭურჭელს: „დაუწველ ჭურჭელს, — წერს ლ. ბოჭორიშვილი, — ოსტატები „ალიზს“ უწოდებენ. ალიზი ეწოდება აგრეთვე დაუწველ ქვევრს, თონეს, მილს, აგურს, კრამიტს“<sup>16</sup>.

პირველ თავში უკვე აღვნიშნეთ, რომ საქართველო ქვისხეობით საკმაოდ დაწინაურებული იყო, რომ ქვეთკირით არა მარტო სასახლეები, ტაძრები უშენებიათ, არამედ — სამეურნეო დაწინაურების ნაგებობანიც. მაგრამ მაშინ მასალად საქართველოში გამოუყენებიათ როგორც რიყის ქვები, ასევე აგურიც. მთლიანად აგურის შენობების არსებობა და ქვეთკირის შენობაში აგურის საშენ მასალად ხმარების შემთხვევები არაერთია დამოწმებული ქართული ხელოვნების ისტორიკოსებისა და არქეოლოგების მიერ. მაგ., გიორგი III-ს მიერ გეგუთში აშენებული სასახლის მშენებლობისათვის გამოყენებული ყოფილა არამარტო თლილი ქვები, არამედ „აგურიც არაჩვეულებრივად მტკიცე ხარისხისა და ლამაზი წითელი ფერისა“. იქ გამოყენებული აგურები, დიუბუას სიტყვით, რუსების შემოსვლის შემდეგ ქუთაისის გასაშენებლადაც უხმარათ<sup>17</sup>. იმგვარ შენობებშიც კი, რომელნიც მთლიანად ქვებით კეთდებოდა, აგურიც იყო გამოყენებული ბუხრებისა და ზოგჯერ თახჩების ამოსაყვანად. როგორც არქეოლოგიურმა გათხრებმა დაამტკიცა, საპოქალაქო შენობები და საცხოვრებელი ბინები დმანისში (შიდაციხის შენობების გამოკლებით) უკლებლივ ნაგებია ადგილობრივი ქვით, ხოლო აგური „ინმარებოდა აგრეთვე ბუხრებისა და ზოგჯერ თახჩების ამოსაყვანად“<sup>18</sup>. აკად. გ. ჩუბინაშვილის მიხედვით ქართული ხუროთმოძღვრების ძეგლისა და გაუბეღაობის ხანაში (VIII—IX სს.) „ჩვეულებრივ კახურ საამშენებლო მასალას (რიყის ქვას) შენობის მნიშვნელოვანსა და საპასუხისმგებლო ნაწილებისათვის უმატებდნენ აგურს, როგორც სრულიად თანასწორი ზომის საშენ მასალას“. ხოლო შემდეგ, „საშუალო ხანაში“ (X—XII სს.), მიატოვეს აგური და ტაძრებს აგებდნენ რიყისა და თლილ ქვათა-

<sup>16</sup> ლ. ბოჭორიშვილი, ეთნოგრაფ. ექსპედიცია თელავის რაიონში, ენიშკის მოამბე, 113, გვ. 350.

<sup>17</sup> იხ. გ. წილოსანი, გეგუთი, ციხე-დარბაზი, შ. რუსთაველის ეპოქის მატ. კულტ. ძეგლები, გვ. 462.

<sup>18</sup> ლ. მუსხელიშვილი, დმანისი, გვ. 398.

გან. „ახალი ხანა“ კი (XIV საუკუნეიდან) „საშენ მასალად ხმარობს მხოლოდ და მხოლოდ წვრილი კვადრატული ფილების აგურს“<sup>19</sup>.

მეაღიზეთა „კელს“ კრამიტის წარმოებაც შეადგენდა: კრამიტი ანუ „კეცის ლორფონი“ შენობათა ერთ-ერთი უძველესი და თავიდანვე გამოყენებული საბურავია. ჯერ კიდევ სტრაბონის დროს სტოლნიათ იბერიელებს კრამიტის წარმოება და მისი სახურავად გამოყენება. ამ მხრივ არსებულ ძუნწ ისტორიულ ცნობას არქეოლოგიური მონაპოვრები ავსებენ და ნათლად წარმოგვიდგენენ აგურ-კრამიტის წარმოების დაწინაურებას ძველ საქართველოში.

როგორც აღენიშნეთ, არათუ მოჭიქული ჭურჭლები უწარმოებიანთ ქართველ მექეცეებს, არამედ აგური და კრამიტიც კი მოუჭიქავთ. მოჭიქული აგური, აგრეთვე კრამიტი და შორენკეცები არაერთია აღმოჩენილი დმანისის ნაქალაქარში. ლ. მუსხელიშვილი დმანისისეულ მოჭიქულ შორენკეცებზე წერდა: „დმანისისეული ნატეხები (შორენკეცებისა, შ. მ.) მოყვანილობისა, ტექნიკისა და შემკულობის მხრით რეიდან და ვერამინიდან კარგად ცნობილ შორენკეცებს ენათესავენბიან, რომლებიც დათარიღებულია XII ს-ით“<sup>20</sup>. გიორგი III-ს დარბაზი გეგუთში, როგორც ვთქვით, მუქი ზეთისხილისფრად მოჭიქული კრამიტით იყო გადახურული.

საქართველოს ზოგი კუთხის უწყლობა წყლის მილებით წყაროების გაყვანას მოითხოვდა. ეს კი აუცილებელს ხდიდა თიხის მილების წარმოებას. „მილს“, ს. ორბელიანის მითითებით, „სოლინარი“ ეწოდებოდა. „სოლინარი“ მოხსენიებული აქვს თამარის ისტორიკოსს: „და იხილვების ვითარ, სოლინარი მცნესა თანა მედინთა ნაკადისათა“ (ისტ. და აზმანი, 761-2). თიხის სოლინარები მრავლადაა აღმოჩენილი არქეოლოგიური გათხრებისას, განსაკუთრებით სხალტბაში, სადაც თამარ მეფის ბრძანებით და ანტონ ჭყონდიდელის თაოსნობით გამოიყვანეს წყალსადენი მემღვიმეთათვის. სხალტბა-შიომღვიმის წყალსადენის მილების გარდა, სოლინარები აღმოჩენილია აგრეთვე მცხეთის მიდამოებში — არმაზის ხევში, ნიჩბისში, სადაც გლეხებმა ორმხრივ გახვრეტილი, მილსადენში დატანებული ქილებიც (თანგირები) ნახეს; ველისციხეში, ვეძისში (თბილისისა და დიღომს შუა), დმანისისა და გეგუთის ციხე-დარბაზების აბანოებთანაც და სხვაგან<sup>21</sup>.

<sup>19</sup> გ. ჩუბინაშვილი, საქ. საერთო ხუროთმოძღვ. რამდენიმე ნიმუში, გვ. 121.

<sup>20</sup> ლ. მუსხელიშვილი, დმანისი, გვ. 399—400.

<sup>21</sup> შდრ. შ. ხიდაშელი, სხალტბა-შიომღვიმის წყალსადენი, შ. რუსთაველის ეპოქის მატერ. კულტ. ძეგლები (კრებ.), გვ. 264.

სოლინარების ანუ წყლის მიღების კეთება, ისევე როგორც დღეს, ძველადაც „მეკეცეთა“, კერძოდ, მეკრამიტეთა, კელს“ შეადგენდა.

აღსანიშნავია, რომ მეალიზეთ, როგორც განსხვავებული დარგის მეკეცეებს, ალიზის გამოსაწვავი სახმილი გააჩნდათ და იგი სხვა სახმილთაგან განსხვავებით „სახმილი ალიზისად“ (მეფეთა, II, 1231) იწოდებოდა.

## § 2. ბურჰელთა გვადელნი

ძველი საქართველო სპილენძისა და ოქრო-ვერცხლის ჭურჭლეულით მდიდარი იყო. ლითონის ჭურჭლეულის კეთება ლითონის მკედელთა საქმეს შეადგენდა. ამდენად, შესაძლებელი იყო „ჭურჭელთა მკედელნი“ მკედელთა და ოქრომკედელთა გვერდით გაგვეხილა, მაგრამ რამდენადაც ჭურჭელთა ჰედვა ცალკე დარგს წარმოადგენდა და უფრო მეჭურჭლე ხელოსანთა საქმეს შეადგენდა, ისინი „მეჭურჭლეებში“ მოვაქციეთ. საქმის არსებითი მხარე ამით მაინც არ იცვლება.

მკედელთა საქმეს ჭურჭლეულის ჰედვაც შეადგენდა, მაგრამ ის მკედელნი, რომელნიც ჭურჭლებს აწარმოებდნენ, ზოგჯერ ცალკე იხსენიებიან და „ჭურჭელთა მკედლებად“ იწოდებიან.

„ჭურჭელთა მკედელი“ მოხსენიებულია ბურნაშეთის ეკლესიის ერთ წარწერაში: „შანაღმეგსა ესაიასსა იმისცა აღიდნე გიორგი სნი მწყეკლ მნს ოთხითა შვილითა და თავითა ჩემითა ერთა მკედელი იყო ყოველთა დღეთა ჭურჭელსა...“ (E. Такайшвили, Арх. экск., IV, გვ. 41—42). ჩვენთვის საინტერესო ადგილს ე. თაყაიშვილი შემდეგნაირად თარგმნის: «Один кователь (кузнец) посуды присутствовал каждый день». ჭურჭლის მკედლის მოხსენიება ამ წარწერაში შესაძლებლობას გვაძლევს ვიფიქროთ, რომ მკედელსა და ოქრომკედელს, რომელნიც უფრო ჭურჭლეულს ამზადებდნენ, „ჭურჭელთა მკედელნი“ ეწოდებოდათ ზოგადად.

ჭურჭლის მკედელთა დასპეციალებაც იქნებოდა საჭირო დასამუშავებელი მასალის სპეციფიკურობის გამო. სპილენძის ჭურჭელთა მკედელს გარკვეულ მასალასთან ჰქონდა საქმე და ამდენად სხვა სახის მუშაობის წარმოება უხდებოდა, ვიდრე ოქრო-ვერცხლის ჭურჭლეულის მკედელს.

„უვერცხლო ჭურჭელს“ წარმოადგენდა „ჭურჭელი რვალისა“ ანუ „ჭურჭელი სპილენძისა“: „ჭურჭერთა რვალისაჲთა შეიგბას“ (ლევიტელთა, 628. ოშკის ხელნაწ.); აკეთებდა ხორცსა „სიავისა დიდსა ანუ სპილენძის ჭურჭელსა“ (მეფეთა, 1, 214). რვალის ანუ სპილენძის ჭურჭლის მკეთებელს, როგორც ეს „დაბადების“ თარგმანის ერთი ადგილიდან ჩანს, „ხურო რვალისა“ წარმოადგენდა: „ქლაბნი და სათბობელნი და ლაგვნი და ყოველნი ჭურჭელნი...“ შექმნა „ხურომან რვალისამან“ (მეფეთა, III, 745).

სპილენძისაგან უკეთებიათ, როგორც ირკვევა, „ქუაბი“: „მოილო ქუაბი რვალისაჲ და მით შეიპყრა წა იგი სისხლი მისი“ (Март, Опис., გვ. 75). „ქუაბი რვალისაჲ“ „ქუაბს სპილენძისას“ შეესატყვიებოდა. „ქუაბი სპილენძისაჲ“ მოხსენიებული აქვს ჟამთააღმწერელს (მ. დედ. ქ. ცხბა, 751 20—21). „რვალთხუროს“ უწარმოებია არა მარტო „სიავი“, „ქვაბი“, „სათბობელი“, „ლაგვნი“ და სხვ., არამედ აგრეთვე ლანკანებიც უკეთებიათ სპილენძისაგან და ბრპენისაგან. სპილენძის ჭურჭელთა შორის „ბრპენის ჭურჭელიც“ იხსენიება: „მოაქუნდა შესაწირავი იგი მათ ლანკანებითა სპილენძისა და ბრპენისაჲთა და ეგრძთვე ღვინოჲ იგი შესაწირავისაჲ ბარძიმებითა“ (ცხბა რავახისი, Xp. B., II, вып. I, 82<sub>15</sub>—16).

საქართველო განსაკუთრებით ვერცხლის ჭურჭლით იყო მდიდარი. ისინი მრავლად იყო გამოყენებული სამეფო და სხვა ტაბლათა სამსახურისათვის და ჰხვადასხვა საეკლესიო ცერემონიალის შესასრულებლად.

ვერცხლის ჭურჭელს „ჭურჭელი ვერცხლისაჲ“ ეწოდებოდა. გიორგი მაგისტროსმან „შემდგომად სიყუდილისა მისისა დაუტოვა: განძი, სტავრანი და ჭურჭელი ვერცხლისაჲ და სავედარი“ — ნათქვამია ათონის მონასტრის ალაპებში (ათ. კრებ., გვ. 230, № 56). ვერცხლის ჭურჭლის დამამზადებლები ჭურჭლის კეთებაში დახელოვნებული ოქროსა და ვერცხლის მჭედლები იქნებოდნენ.

ვერცხლის ჭურჭელთა შორის ქართულ საბუთებსა და სხვა წერილობით ძეგლებში იხსენიება: „თასი... ვერცხლისაჲ“ (ათ. კრებ. გვ. 344, № 115), „სამყინვარი ვერცხლისაჲ“ (ჯ. კ. გარ., 10228). „კოვზი ვერცხლისა პირ-დიდი“ (იქვე, 11228). ვერცხლისაგან უკე-



თეზიათ აგრეთვე ბარძიმ-ფეშხუმი. დავით ვაჰარმან „შემოსწირა ბარძიმ-ფეშხუმნი ვერცხლისანი“ (ათ. კრებ., გვ. 245, № 118). მელქისედეკ კათალიკოსის სიგელში ვკითხულობთ: „დავდგი ბარძიმ-ფეშხუმი ვერცხლისა და კოვზი ვერცხლი“ (ნ. ბერძენიშვილი, მცხეთის საბუთი, გვ. 289). მელქისედეკს შეუწირავს აგრეთვე „ვერცხლისა ტაშტაბარგი დიდი წყვილი :ბ:“ (იქვე, გვ. 289). ამათ გარდა ეკლესიებში ჰქონიათ სამსახურებლად ვერცხლის ტაბაკი, საცეცხლური და სხვ.: „მე მამან იოსებ ვიყიდე საბაწმიდელთაგან ბარძიმში, ტაბაკი, საცეცხლური, ხუნი, კოვზი, სათბობი — ყოლა ვერცხლისაჲ“ (ნ. მარი, აღაპნი, გვ. 19, № 79). როგორც „იოანე და ექვთიმეს ცხბიდან“ ჩანს, ვერცხლისაგან აკეთებდნენ აგრეთვე „ძელიცხოვრების ნაწილის შთასასუშნებელ“ ბუდეს, დიდ ბარძიმს კოვზითურთ და ბრწყლით: „კუალად მისცეს ოქრო განძად ათუალეული ოცდახუთი ლიტრა და ძელი ცხოვრებისა ნაწილი ვერცხლისა ბუდითა და ორნი ბარძიმნი დიდნი ვერცხლისანი და ფეშხუმნი კოვზითურთ და ბრწყლით და ნაწილის შთასასუშნებელი ვერცხლისა და ესე ყოველნივე ოქრო ცურვებულნი“ (ათ. კრებ., გვ. 17; საბინინი, გვ. 409). როგორც დმანისის ნაქალაქარის განათხარი ადასტურებს, ვერცხლის წყლის ჰურჭელიც უწარმოებიათ. „ხშირად გვხვდება აგრეთვე, — წერს ლ. მუსხელიშვილი, — ე. წ. „ვერცხლის წყლის ჰურჭლის“ ნატეხები, რომელთა გავრცელების არე მთელს მუსულმანურ აღმოსავლეთს მოიცავს“<sup>22</sup>.

ვერცხლის ჰურჭლებს ხშირად ოქროს წყალში „აცურებდნენ“, ე. ი. მოოქვრავდნენ. მოოქვრა, როგორც ეტყობა, იმათი საქმე იყო, ვინც ოქროსა და ვერცხლის ჰურჭლებს აკეთებდა. ვერცხლის ოქროცურვებული ჰურჭლები თავიანთი ძვირფასეულობით განირჩეოდნენ ვერცხლის ჰურჭლებისაგან და ისინი წერილობით ძეგლებში ცალკე იხსენიებიან კიდევ. მელქისედეკ კათალიკოსს, გარდა ვერცხლის ტაშტაბრაგებისა, შეუწირავს აგრეთვე „ბერძნული ტაშტაბრაგი ვერცხლისაჲ ოქროთა ცურვებული :ა:“. — (ნ. ბერძენიშვილი, მცხეთის საბუთი, გვ. 289). „იოანე და ექვთიმეს ცხოვრებაში“ ვკითხულობთ: „ბარძიმ ფეშხუმი ვერცხლისაჲ ოქრო ცურვებული ხატებითა“ (ათ. კრებ., გვ. 18; საბინინი, გვ. 409). გარდა ოქროს წყალში ცურვებისა, სცოდნიათ სპილენძის და სხვ. ჰურჭლების მოჭედვა ვერცხლით, ან კიდევ ოქროთი. ოქროთი თუ ვერცხლით მოჭედდნენ ნივთთა ზოგადი სახელი „მნათობნი“ იყო:

<sup>22</sup> ლ. მუსხელიშვილი, დმანისი, გვ. 443.

„ეს ყოველნი მნათობნი, მოქედლინი ვერცხლითა და სპილენძიანი“  
(ტ. კ. გარ., 10<sub>203-204</sub>).

ვერცხლის ოქროცურეველი ჭურჭლებისა და ოქროთი მოქედლი ჭურჭელთა გარდა, თვით ოქროსგანაც უწარმოებიათ მეჭურჭლეებს ნივთები. „ოქროს ჭურჭელნი“ ამგვარადვე იწოდებოდნენ ძველადაც. „ილ. ქართველის ცხბაში“ ნათქვამია: „და შესწირა მეფემან ჭურჭელი ოქროსა და ვერცხლისა და სოფელნი და ქულბაგნი და მეტოქი ქალაქსა შინა“ (ათ. კრებული, გვ. 101). მელქისედეკ კათალიკოსი, ვერცხლს ზემოჩამოთვლილ ნივთებს გარდა, ასახელებს ოქროსაგან კეთებული „ოქროსაჲ, თუალითა და მარგალიტითა და მინაჲს ხატებითა შემკობილი, კოვზი ოქროსაჲ და ხვრნი ოქროსანი თუალითა და მარგალიტითა შეკაზმულნი“ (ნ. ბერძენიშვილი, მცხეთის საბუთი, გვ. 289). „ქელმწიფის კარის გარიგებაში“ „ოქროს ტაბაკია“ ნახსენები (17<sub>392</sub>), „ვეფხისტყაოსანში“ კი „ოქროს ჭამი“: „ასმათს მივართვი რჩეული თვალი ოქროსა ჭამითა“ (385<sub>1</sub>). სპილენძის ჭურჭლები ზოგჯერ ვერცხლით იჭედებოდა, ხოლო ვერცხლისა — ოქროთი იცურებოდა; თვით ოქროს ჭურჭლები ძვირფასი თვლებით იმკობოდა, როგორც ეს მელქისედეკ კათალიკოსის სიგელის ზემომოყვანილი ადგილიდან ჩანს. ძვირფასი თვლებისაგანაც უწარმოებიათ ჭურჭლები. ძვირფას თვალთაგან კეთებულ ჭურჭელს, როგორც ჩანს, „ჭურჭელი თვალთა“ ეწოდებოდა:

„როსტენისთვის წაატანა საქლნოთ ტურფა ჭუბაჩები,  
კვლა ჭურჭელი თვალთა თლილთა, არ კოვზები, არ ჩამჩები“.

(„ვეფხისტყაოსანი“, 1658<sub>1-2</sub>). ქართულ პოეტურ ნაწარმოებებში არაერთგანაა მოხსენიებული „ჭურჭელნი თვალთა თლილთა“. შავთელი „ლალ-ფირუზის ჭამებს“ ასახელებს: „ჭამები იყვის ლალ-ფირუზისა“ (აბდულმესია, გვ. 44, 13-4). ან „ჭამი და და ჭიქა ყველაი ფეროზისა და ლალისა“ (483<sub>3</sub>), ან კიდევ: „იაგუნდისა ჭამები იყვის, ლალისა ჭიქები“ (1551<sub>1</sub>).

თვალთაგან თლილი ჭურჭლები ყველა სხვა მასალისაგან ნაკეთებ ჭურჭლებთან შედარებით უძვირფასესს წარმოადგენდა. ისინი, თუ იზმარებოდნენ, ალბათ მხოლოდ „სამეფო ტაბლათა სამსახურებლად“ იქნებოდნენ განკუთვნილნი. „ამზრანდარეჯანიანში“ ამ

მხრივ მეტად საინტერესო ამბავია მოთხრობილი: „სამეფოთა ტაბლათა თვალისა ჭიქათა ჯამთა მეტი არა იხმარებოდა. რომელიმე ჭიქა ძოწეულისა, იაგუნდისა და რომელიმე მწვანისა ზურმუხტისა, რომელიმე იაგუნდისა ყვითლისა და რომელიმე ბადახშისა და რასა ვთვალვიდე... აზნაურთა ტაბლათა ზედა ყველა ჯამი ოქროსა და ჭიქები ბროლისა ბაღდადური“ (გვ. 85; შდრ. იქვე, გვ. 88). როგორც თავის დროზე დავინახავთ, ძვირფასი ქვები საქართველოში მრავლად იყო ხმარებაში და მისი დამუშავებაც საკმაოდ იყო დღწინაურებული. ამდენად, არაა გასაკვირი, თუ ჩვენ ამ თვალთა ჭურჭლებად გათლა-დამუშავებაზე ვილაპარაკებთ.



ძვირფას ლითონთა და თვალთა ჭურჭლებს შორის საპატიო ადგილი ეჭირათ მინისა და ბროლის ჭურჭლებსაც. „მინა“ ანუ „ჭიქა“ „კაჟთა მიერ გამოდნობილი ჭურჭელი“ — განმარტავს ს. ორბელიანი და დასძენს: „კაჟთა მიერ გამოდნობილი ხელოვნება, შიგ შთაბერვით შექნა ჭურჭელთა“. „ჭიქად“ ჯერ კიდევ „შუშანიკის წამებაში“ გვხვდება და იქიდან მოყოლებული იგი ხშირად იხსენიება წერილობით ძეგლებში. როგორც ირკვევა, ჭიქა თავდაპირველად მინისაგან ნაკეთებ გამოქვირვალე საღვინე ჭურჭელს ეწოდებოდა. ამ შინაარსითაა იგი ნახმარი „შუშანიკის წამებაში“: „ხოლო ცოლმან ჯოჯიკისამან მხართუა ღუნოა ჭიქითა“ (VI, 9—10) „და განყარა კელი და ჭიქად იგი პირსა შეაღეწა და ღუნოა იგი დაითხია“ (1, 12—13). „ჭიქად და სხვადა საღვინე ჭურჭელი“ მოხსენებულია „ვეფხისტყაოსნის კარის გარიგებაში“ (11227—228). ჭიქა, როგორც საღვინე ჭურჭელი, იხსენიება „ვეფხისტყაოსანშიც“:

„თვითო ა ი ვ ს ე ს ჭიქები, მივლენ ქცევითა წყნარითა“ (59ა);  
 „კვლა შესეს და კვლა აივსეს სხვა ფარჩნი და სხვა ჭიქანი“ (1166).

„ჭიქას“ ამ მნიშვნელობასთან ერთად უფრო ზოგადი მნიშვნელობაც მოუპოვებია და არა მარტო შუშა-მინისაგან ნაკეთები საღვინე ჭურჭლის, არამედ საერთოდ სხვა მასალისაგან ნაკეთებ საღვინე ჭურჭელთა მნიშვნელობითაც იხმარებოდა. ამ მოსაზრებას „ვეფხისტყაოსანში“ მოხსენიებული „ლალის ჭიქები“ (1551) და „ლალფირუზის ჭიქები“ (483ა) ადასტურებს.

„მინად“ მეღქისედეკ კათალიკოსის სიგელში იხსენიება. იგი გვხვდება აგრეთვე დავით აღმაშენებლის ანდერძში, „ვეფხისტყაო-

სანში“ და სხვაგან. „მინა“ გამოყენებული იყო ისეთივე შესაძგობ ნივთად, როგორც, მაგ., ძვირფასი თვალი. მეღქისედეკ კათალიკოსის სიგელში, როგორც ვნახეთ, ნათქვამი იყო: „ბარძიმ-ფეშხუმი ოქროსაჲ თუალითა და მარგალიტითა და მინაჲს ხატებითა შემკობილი“ (ნ. ბერძენიშვილი, მცხეთის საბუთი, გვ. 289). დავითის ანდერძში კი მინის კანდლებია მოხსენიებული. როგორც ჩანს, მინა სათანადო პატივით სარგებლობდა. შ. რუსთაველი მას პოეტურ შედარებებშიაც იყენებს: „ჯერ უწვევრულო, სადარო ბროლი-მინა საცნობარისა“ (403). მინათა შორის საუკეთესოს ბროლი წარმოადგენდა. ბროლის ჭურჭლებიც უკეთებიათ და გამოუყენებიათ ჩვენს წინაპრებს. „ბროლი“ პოეტურ შედარებებში და ძვირფას თვალთა შორის არაერთხელ გვხვდება „ვეფხისტყაოსანში“ (1383, 8673, 8891 და სხვ.). „ქელმწიფის კარის გარიგებაში“ კი „ბროლის კოვზია“ მოხსენიებული: „კოვზი ბროლისა ტარმოჭედილი, ხალასის თვალი ზედ იყო და ერთი ატლასის ჭილანი ზედ ისხდნენ“ (17395-396). დავითის ანდერძში ბაზიჯისა და მინის კანდლებს შორის ბროლის კანდელიც იხსენიება: „ბროლისა, ბაზიჯისა და მინისა კანდლები, რომელი მე მომიჯსენებია და რომელი არსენის დაუდგამს, ნუმცა ვის უკადრებია გამოლება“ (შომღვ. საბუთ., გვ. 16). იმავე ანდერძში სხვა ადგილას „ბროლისა ბარძიმი და ბაზიჯისა ფეშხუმი“ გვხვდება (იქვე), ხოლო „ამირანდარეჯანიანში“, როგორც დავინახეთ, „ჭიქები ბროლისა ბალდაღურია“ (გვ. 85) მოხსენიებული სხვა ძვირფას თვალთა ჭურჭლებს შორის.

დმანისის ნაქალაქარში მინის ჭურჭლებისა და ნივთეულთა (ერთი მთლიანი მინის საყურე) ნამტვრევების აღმოჩენა და აგრეთვე გადმოცემები დმანისთან ახლო, ფინეზაურის ხეობაში ძველი შუშის ქარხნის არსებობის შესახებ იძლევა შესაძლებლობას, რომ ძველ დმანისში მინის წარმოების არსებობაც ვიგულისხმოთ. ლ. მუსხელიშვილი, რომელმაც ეს ზისაზრება გამოთქვა, შენიშნავდა: დმანისიდან „ხუთიოდე კილომეტრით უფრო ზევით, ფინეზაურის ხეობაში ე. წ. „შუშის ქარხანა“, რომელიც ახლა მიტოვებულია. აქ, გადმოცემით, ძველი ქარხანა ყოფილა. წარსული საუკუნის შუა ხანებში იგი განუახლებია ბარონ კუჩინბახს. შუშის ქვა შახნაზარიდან მოჰქონდათ“<sup>23</sup>.

ოქროსა და სხვა ძვირფას ლითონთა ჭურჭლები მრავლად არის საქართველოში შემონახული და ნაპოვნი. გარდა წერილობითი წყაროებისა, ამაზე არქეოლოგიური აღმოჩენებიც მიგვითითებენ. წერილობითი წყაროების მიერ მითითებული და არქეოლოგიური აღ-

<sup>23</sup> ლ. მუსხელიშვილი, დმანისი, გვ. 448, შენ. 1.

მოჩენებით მოპოვებული ჭურჭლები, ცხადია, ყველა საქართველოში და ქართველ ხელოსანთა მიერ გაკეთებული როდია. ზოგი ჭურჭლის უცხოურობაზე, წყაროების პირდაპირი მითითების გარდა („ბერძნული ტაშტაბრაგი“ და სხვ.), მათზე გაკეთებული წარწერებიც მიგვი-თითებენ.

უცხოეთიდან ჭურჭლები, გარდა იმისა, რომ ის ვაჭრებს შემო-ჰქონდათ, სხვა გზითაც შემოდის საქართველოში და ამგვარი გზა არაერთი იყო: ა) უცხოური ჭურჭლები შემოდის სამეფო ნიჟის ანუ ძღვენისა და სამონასტრო შესაწირვების სახით და ბ) უმთავრესად — სამხედრო ალაფის სახით. იმ მრავალი დაპყრობითი ომების შემდეგად, რომელნიც ძველ საქართველოს უწარმოებია, დიდძალა ალაფი შემოდის და მათ შორის ოქროსა და სხვა ძვირფას ნივთთა ჭურჭელიც. დავითის ისტორიკოსს დავით აღმაშენებელზე ნათქვამი აქვს: „და კულაღ გვირგვინნი მანიაკნი და ფიალნი და სასმლნი, რომელნი მოიხუნა მეფეთა არაბეთისათა“ (მ. დედ. ქ. ცხვა, 294<sub>11-13</sub>). ზმირად ძღვეამოსილი ლაშქრობიდან დაბრუნების შემდეგ, „ვერცხლის ჭურჭელთა არღარა აქუნდა პატივი პალატსა შინა მეფისასა, რამეთუ ყოველი ოქროსა და ბროლისა წინგებულ იყო ინდურთა ქვათაგან შემკობილნი“.

## თ ა ვ ი IV

### მასოველნი და მკერპალნი

#### § 1. მასოველნი

„ქსოვა“ ძველად იმ გაგებით იხმარებოდა, როგორითაც დღეს იხმარება. მისი შემცველი სხვა ტერმინი წერილობით ძეგლებში არ ჩანს. „დაბადების“ ქართულ თარგმანში ნათქვამია: „მამა მისი კაცი იყო ტურონელი, რომელმაც უწყის... ქსოვა პორფირისა და ზეზისა... ჩამოსხმად ყოვლისა გამოსაპრელისა“ (ნეშტთა, 11, 214). „გ. მთაწმინდელის ცხოვრებაში“ იკითხება: „იგი სამოსელი ჰმოსიან მას, რომელი იგი სიწმინდითა ცხოვრებისა თესითა უქსოვნა თავსა თუსსა“ (ათ. კრებ., გვ. 342; საბინინი, გვ. 482). არაერთგან გვხვდება ძეგლებში „სამოსელი ქსოვილი“: „სამოსელი მოიქსოვების (ქადაგებანი, გვ. 46). მოქსოვილს, როგორც უნდა ყოფილიყო იგი, „ნაქსოვი“ ეწოდებოდა. „ნაქსოვი“ ქსოვილთა ზოგადი სახელი იყო. ლ. მროველი წერდა: „სუმბატ წარავლინა მოციქული და პრქუა, რომელი აღგლია ნატყუენავი სომხითით პირუტყუ, ოქრო და ვერცხლი“ და ნაქ-

სოვი ყოველი მომინიჭებია თქუენდა“ (მ. დედ. ქ. ცხ<sup>ბ</sup>ა, 332—4). ქსო-  
ვილთა ზოგადი მნიშვნელობით აქვს ნახმარი ეს სიტყვა შ. რუსთა-  
ველსაც თავის „ვეფხისტყაოსანში“: „სილბო ჰქონდა ნაქსოვისა და  
სიტკიცე ნაჭედისა“ (1149ა). ნაქსოვის ყოველგვარი სახეობის მნიშ-  
ვნელობით არაერთგან გვხვდება აგრეთვე „ლარი“ წერილობით ძეგ-  
ლებში. „თამარიანში“ იკითხება: „აღივსნენ ტყვიითა, ლარ-პირუტყ-  
ვითა“ (XII, 71-2). ლარი მარტო ძვირფას ქსოვილთა სახელი არ  
იყო, ეს „ვეფხისტყაოსნის“ შემდეგი ადგილიდანაც ჩანს:

„დილასა ლარი ყველი უჩვენა, გაახსნევინა,  
ტურფანი სეფედ გარდასხნა, ფასიცა დათვლევინა,  
ვაპართა უთხრა: „წაიღეთ“, აპიდა, გააწვეინა“ (1079 1-2).

ე. ი. გასინჯულ ლართაგან ძვირფასი სეფედ აურჩევია, ხოლო არა  
ტურფანი, ე. ი. უბრალონი ვაჭრისათვის აუცილია. რომ ლარი მხო-  
ლოდ ძვირფას ქსოვილთა აღმნიშვნელი ყოფილიყო, ვაპართა წასა-  
ღებად არაფერი დარჩებოდა. ამგვარივე მნიშვნელობით გვხვდება  
„ლარი“ „ვისრამიანშიც“ (გვ. 75). „ველმწიფის კარის გარიგებაში“  
იგი აგრეთვე ქსოვილთა ზოგად სახელადაა წარმოდგენილი: „ლარი  
და ჭურჭელი ოქროსი და ვერცხლისა, ჩინური და ქაშანური უსაღ-  
ვინო, ყოველი საჭურჭლესა ძეს და დგას“ (8171-173). „ლარი“ მარტო  
შეუკერავ ქსოვილთა ზოგადი სახელი როდი იყო; თამარის ისტორი-  
კოსი, როცა თამარის პირველი ქორწინების ამბავს მოგვითხრობს,  
წერს: იყო „სიმრავლე სახეობათანი... ლართა კერულთა და უკე-  
რულთანი“ (ისტ. და აზმნი, 823-4). „ლარი“-დან ნაწარმოებია „სალა-  
რო“, ე. ი. ლართა შესანახი, და „მოლარე“, ლარის მცველი, მნე. ასე  
ესმოდა ვახუშტი ბატონიშვილსაც, როცა წერდა: „მოლარეთუხუ-  
ცესი ამის კელისა იყო: რაიცა მეფის თეთრი ანუ ლარნი თუსთა სა-  
კუთართა ზედა ანუ ქველის საქმისად უხმდა და მის ქუეშე დაწესე-  
ბულნი მოლარენი“ (აღწერა, 176-8).

ქსოვილის ხარისხი, გარდა მოხელის გაწაფულობისა, ძირითა-  
დად დამოკიდებული იყო საქსოვ ძაფზე, რისთვისაც იქსოვებოდა  
„ნაქსოვი“; მასალის მიხედვით ერქმეოდა ნაქსოვსაც სახელი: სელი-  
საგან მოქსოვილი ტანისამოსი „სამოსელი სელისა“-დ (მეფეთა, 1,  
219) იწოდებოდა. იოანე ბოლნელის „ქადაგებაში“ ნათქვამია: „მოი-  
ღეთ სამოსელი იგი პირველი და რი იქსოების სელისაგან. და შეჭ-  
მოსეთ მას“ (გვ. 39). სელის წარმოება და სელის ქსოვილების დამ-  
ზადება ჩვენში ადრევე იცოდნენ და იმგვარი ხელოვნებით აკეთებ-  
დნენ, რომ საზღვარგარეთაც სახელმოხვეჭილი იყო „კოლხური სე-  
ლის“ აწარმი.

სელის გარდა იყო აგრეთვე „მატყლი“, რომლისგანაც „სამოსელი მატყლისა“ მზადდებოდა. „მატყლი“ დავითის ანდერძშია მოხსენიებული, სადაც ხაზგასმულია აგრეთვე მეცხოველეობის მნიშვნელობაც: „ხუთი ათასი ცხუარი თუთ სასეფო მონასტრისა და მათთა მეცხოვერეთაჲ (sic) უსაბანჯროდ, უბაჟოდ და უწყინელად დგეს და იარებოდის ჩუენსა ჭამბარსა გუჭრდით და ამისი გამოსავალი ცხუარი ჯორსა იყიდდეს, მატყლი მსახურთა მონასტრისათა და წუჭლად ძმათა მიეცემოდის“ (შიომღვ. საბუთ., გვ. 17). როგორც „კელმწიფის კარის გარბგებდან“ ჩანს, სამეფო ცხვარი და მატყლი მსახურთუხუცესის განკარგულებაში ყოფილა: „ცხოვარნი ყოველნი და მატყლნი მსახურთუხუცესისა კელთავე არს“ (6116-117). მატყლის ძაფისაგან მოქსოვილ სამოსელს „მატყლისა სამოსელი“ (მრავალთავე, გვ. 101) ეწოდებოდა.

ძველ ქართულ წერილობით ძეგლებში „აბრეშუმი“-ც გვხვდება. „გ. მთაწმინდელის ცხაში“ კვითხულობთ: „აბრეშუმსა გამოიღებს მატყლი უნდო“ (საბინინი, გვ. 487); მაგრამ ძველად მისი შემცვლელი, როგორც ირკევევა, ჭიჭნეუხტი ანუ „ჭიჭნაური“ იყო. „დაბადებს“ თარგმანში ერთგან იკითხება: „იქმნეს გარემოს ხმელნი შენნი ბისონისანი და ტრინაპტანი და ჭრელი ჭიჭნაურითა შეგასხენ“ (ეზეკიელი, გვ. 13, 14). „ჭიჭნაუხტი“ „შუშანიკის წამებაშია“ მოხსენიებული: „ხოლო წმიდამან შუშანიკ ნაცვლად ჭიჭნაუხტისა საქმისა დიდითა გულმოდგინებითა კელთა აღიხუნა დავითნი“ (XII, გვ. 1—2). „ჭიჭნაუხტი“ რომ აბრეშუმს უდრიდა, ამას ეფრემ მცირის ერთი მინაწერიც ადასტურებს: „შეისწავე... რამეთუ დედაკაცი არს მომღებელი ჭიჭნაურისა, ხოლო ჭიჭნაური მამასა ექვთიმის აბრეშუმისა სახელად მოუპოვებია“ (Жордания, Опис. I, გვ. 384); „ვისრამიანში“ კი აბრეშუმის ქსოვილების აღსანიშნავად არაბული „ჰარირი“ და თურქული „ხარა“-ც გვხვდება (გვ. 10).

ძაფი, რომლიდანაც იქსოვებოდა ამა თუ იმ სახის ლარი, „მკედლად“ იწოდებოდა. მკედი ზოგადი სახელი იყო ყოველგვარი ღირსების (სელის თუ ოქროს) ძაფისა, თუკი იგი ოდნავ მსხვილი იყო. მაგ., „ვეფხისტყაოსანში“ იკითხება: „ხმალი რკინისა მოჰკრიან, ვით ბამბის მკედსა სჭრიდიან“ (1370გ). ასევე განმარტავს მას ს. ორბელიანიც: „მკედი მოხხო ძაფი“, ხოლო თვით „ძაფი“, მისივე მოწმობით, „არს წურილად დართული აბრეშუმი, ყაჭი, სელი და მისთანანი; ხოლო მკედი — მისთანავე ხოშრად დართული“. „ძაფის“ თუ „მკედის“ დამზადებას საქსოვად, ძველი ქართულით, „სთვა“ ეწოდებოდა. „ყოველნი დედაკაცი სიბრძნით სთვდეს თმასა თხისასა“ (მოსე, II, 35<sub>21-22</sub>). თამარის შესახებ მისი ისტორიკოსი წერდა: „ვეითარ განილ-

უძა, ბრძანებად გასცა წინაშე მოყვანებად დიასახლისი იგი, რომელმაც აღიარა ათორმეტისა მლუდელისათვის უფროსად სრულისა კუართ-ფილონისა შესთვად და მლუდელთად მიძღუნა. მიერთვან იწყო ამანაცა აღუქსანდრიით ვაჭართავან მიღებულისა მატყლისაგან სთვად და ქმნად შესამოსლისა, ვიდრემდის ათორმეტად სრულ ყოს“ (ისტ. და აზმნი, 114<sup>23-34</sup>). როგორც აქედან ჩანს, „მატყლისაგან „სთვა“ მის ძაფად დაგრეხას ნიშნავს, ხოლო „შესთვად“ — მოქსოვას, ზოგჯერ ორი ძაფის ერთად დაგრეხა ხდებოდა და ამით იქმნებოდა ჭრელად ნაქსოვი. საქსოვად ხმარებული „ზეზი“ წარმოადგენდა ორ ფერ ძაფს თუ ძაფსა და სირმას, „ერთად შესთულს“, როგორც ს. ორბელიანი განმარტავს. სხვადასხვა მასალისაგან ნაკეთებ ძაფთა ერთად მოქსოვას „შერთულად ქსოვა“ ეწოდებოდა: „ნუ შეიმოს სამოსელსა რომლისა მატყლი და სელი შერთულად მოქსოვილ იყოს“ (მეორე სჯულისა, გვ. 2211). „შერთულად მოქსოვილი“ ზოგჯერ „ჭრელად ნაქსოვსაც“ იძლეოდა. „ჭრელად ქსოვაც“ იხსენიება ცალკე: „საქმედ ქსოვასა და ჭრელსა ქსოვად მეწამულისა მას და ზეზსა ხუროთმოდგრებდა“ (მოსე, 11, გვ. 3535). იყო აგრეთვე თანაშექსოვაც. ამგვარ ნაქსოვს „თანაშექსულნი“ ეწოდებოდა:

„გვირგვინ სკიბტრანი, ბისონ-შიტრანი,

ძო წე უ ლ ი თ ა თ ა ნ ა შ ე ქ ს უ ლ ნ ი“ (აბდულმესია, გვ. 38, 21-4).

„ვეფხისტყაოსანში“ ამისაგან განსხვავებით ლარულად და ორხაულად ქსოვა იხსენიება:

„ვერა შევიგენ, რა იყო, ანუ ნაქმარი რაულად.

ვისცა ვუჩვენე, უკვირდის, ღმრთისაგან თქვის სასწაულოდ;

არცა ლარულად ჰგებოდა მას ქსელი, არ ორხაულად,

სიმტკიცე ჰგვანდის ნაქელსა, ვთქვი ცეცხლთა შენართულად“ (გვ. 461-4)

ქსელის გება ლარულად სულ სხვა იყო, ვიდრე მისი დაგება ორხაულად. „ქსოვა ლარულად“ სხვანაირად უნდა ეწარმოებიათ, ვიდრე ქსლის დაგება ორხოვათა, ე. ი. ნოხთა, ხალიჩათა და მისთანათა მოსაქსოვად. ამრიგად, ძირითადად ორგვარი სახის ქსოვა განიჩიეოდა: „ლარულად“, რომელშიაც ყოველგვარ ჩასაცემელთა და მოსახურავთა და სხვა მისთანათა ქსოვა იგულისხმებოდა, და ორხაულად, რომელშიც საფენთა და საგებელთა, ნოხთა და სხვათა ქსლვა იყო ნავარაუდევნი.

ორხაულად იქსოვებოდა, ცხადია, თვით „ხაოიანი ქვეშ საფენელი და საგებელი“ — „ორხოი“ ანუ „ორხოვა“. „ორხო სამი ზოლი“ მოხსენებულია ათონის ივერთა მონასტრის აღაპებში (ათ. კრებ., გვ. 258, № 150). იგი გვხვდება აგრეთვე „ქელმწიფ. კარის გარიგებაში-



აღ: „დიდი მაფრაში, რომელთა შიგან იდევს ერთი მომცრო უკეთე-  
სი ორხოვა“ (6120-121). ორხაულად იქსოვებოდა აგრეთვე „ნოხი“  
(ვ. კ. გარ. 13295, 299; „ვეფხისტყაოსანი“, 1260<sub>3</sub> და სხვ.) და ალბათ  
სხვადასხვა ფარდაგებიც.

უბრალო ქსოვილთა გვერდით იყო „ქსოვილი ოქრომკერდითა“  
(თ. ჟორდანი, ქრონიკები, 1, გვ. 132). ქსოვილი ოქრომკერდითა  
„ოქროქსოვილად“ იწოდებოდა. სხვადასხვა სახის ოქროქსოვილი  
ტანისამოსი არაერთხელ გვხვდება წერილობით ძეგლებში, მაგრამ  
ჩვენ აქ მხოლოდ რამდენიმეს მოვიხსენიებთ. მელქისედეკ კათალი-  
კოსის XI ს. სიგელში ნათქვამია: „შესამოსელი სამღვდელთმოდღუ-  
არო ოქსინოა, უღლითა ანაფორითა, ხატოვანთა, ოქროვანითა და  
ყოვლითავე სრული ე:; სამკლავენი ა:; მაზარაა ნივანდარი ა:; მწუ-  
ანე ა:; და კვერცხის გული მ'აქნა ბერძნული ოქროთაჲ... შესამო-  
სელი ოქროქსოვილი ა:; მაზარაა ოქროქსოვილი... ბაგრატ კურაპა-  
ლატისა ნაბოძვარი დიდი სკარამანგი ა:“ (ქრონიკები, 11, გვ. 33; ნ.  
ბერძენიშვილი, მცხეთის საბუთი, გვ. 290). „ოქროქსოვილი“ ტანი-  
სამოსი არაერთგანაა მოხსენიებული „ამირანდარეჯანიანში“ (გვ. 19,  
83, 87, 105, 146), „ვისრამიანში“ (გვ. 178—179) და სხვაგან. „ვეფხის-  
ტყაოსანში“ კი ოქროქსოვილი, ოქრომკერდი. ფარჩეულობის ზო-  
გად სახელად „ზარქაში“ გვხვდება: „ყველასა ტანსა ემოსა ზარ-  
ქაში განაზიდარი“ (6124). ამავე მნიშვნელობით „ზარქაში“ იხსე-  
ნიება რკონის XIII ს. სიგელშიც (იხ. თ. ჟორდანი, ქრონიკები, II,  
გვ. 134).

„სირმის ნაქსოვი“ ფარჩეული „სტავრად“ იწოდებოდა. „სტა-  
რა (იოანე და ექვთ. ც'ხბა; საბინინი, გვ. 409, 422; ათ. კრებ., ალაპნი,  
გვ. 230, 239, 248; ნიკორწმინდის სიგელი, ქრონიკები, 11, გვ. 44;  
აბდულუმესია, 49, 31; ვეფხისტყაოსანი 471<sub>2</sub>), აგრეთვე ოქროქსო-  
ვილით იმკობოდა. სუმბატ კურაპალატმან „მოსცა ეკლესიასა სტა-  
რაჲ ერთი კარგი ოქროქსოვილი, სკუტელი ვერცხლისაჲ დიდი ა:;  
ხუცესთა სკუტელი ა:; სხუა სტავრა შესამოსელი“ (ათ. კრებ. გვ.  
246, № 120).

ოქროქსოვილი ხავერდი „ოქსინოდ“ იწოდებოდა. „ოქსინო“  
(იოანე და ექვთ. ც'ხბა, გვ. 409; ვ. კ. გარ. 1227<sub>3</sub>) შესამოსლადაც იყო  
გამოყენებული: „ოქსინო შესამოსელი სამღვდელთმოდღვრო“ მოხ-  
სენიებულია მელქისედეკ კათალიკოსის სიგელში. ხოლო XIII ს.  
ერთ-ერთ სიგელში „ოქსინო ჭუბაჩაჲ“ (შიომღვიმ. საბუთ., გვ. 58)  
არხსენიება.

ქსოვის შემსრულებელ ხელოსანს, როგორც არ უნდა ყოფილი-  
ყო ნაქსოვი — „პრელად“ თუ „შერთულად“, „ლარულად“ თუ „ორ-

ხოულად“, — „მქსოველი“ ეწოდებოდა: „გული შუბისა მისისა იყო ვითარცა ლვილი მქსოველთა“ (მეფეთა, II, 21<sub>9</sub>); „ზე შუბისა მისისა ვითარცა რვილი მქსოველთა“ (ნეშტთა, I, 20<sub>6</sub>). „მქსოველნი“ ზოგჯერ „მექსლე“—დაც იწოდებოდნენ. „მექსლე“, ანუ ქსელის დამგები — „მქსელავი“ იგივე მქსოველი იყო. „მექსლე“ მქსოველის მნიშვნელობით გვხვდება „განძთა ქუაბში“ და გ. მონაზონის „ხრონოლორაფში“: „იყო პირველი მეფე ბაბილოვნისა, ამან იხილა გვირგვინი ცათა შინა და მოუწოდა სირის მექსლესა, რათა მოუქსოვოს მას, ვითარცა იგი იხილა და ვითარცა მოუქსოვა, დაიდგა თავსა“ (მ. დედ. ქ. ც<sup>ხ</sup>ბა, 813<sub>22-25</sub>); „ხრონოლორაფში“ ვკითხულობთ: „ელეანან ამან მოკლა კაცი ძლიერი ქეტელი, რომლისა იყო ზროდ ჰოროლისაჲ, ვითარცა ვლილი მექსლეთაჲ“ (78<sub>25-26</sub>). შ. რუსთაველი მექსლეთ პოეტურად „ქსლის მბეჭველსა“ უწოდებს: „კაცი ჯაბანი რითა სჯობს დიაცსა ქსლისა მბეჭველსა“ (799<sub>3</sub>). დასასრულ, მქსოველნი ანუ მექსლენი „მთინარ“—ადაც იწოდებოდნენ: „რკინისა შუბი მისი (გოლიათისა, შ. მ.) ვითარცა ჭურჭელი მთინართ, ესე იგი არს მაქო“ (მეფეთა, I, 177).

ამრიგად, მქსოველი ხელოსანი ანუ, თანამედროვე ენით, ფეიქარი ძველად „მექსლედ“, „მბეჭველად“ და „მთინარად“ იწოდებოდა.

მქსოველთ არა მარტო საკერავი ლარი უქსოვიათ, არამედ — ტანისამოსიც, ისე რომ, ნაქსოვს გამოჭრა და შეკერვა არ სჭირდებოდა. ამგვარ ნაქსოვს, როგორც ეს „განძთა ქუაბის“ ერთი ადგილიდან ჩანს, „ზეით მოქსოვილი“ ეწოდებოდა: „იყო კუართი მისი ზეით მოქსოვილი, რამეთუ წესი იყო პალესტინელთა. ორი სამოსელი ერთად შეაერთიან და მრგვალად მოქსოვიან, რომელთა არა უნდეს ყოვლადვე კერვა, და მას ეწოდა ზეითა მოქსოვილი კუართი, რამეთუ უნდო იგი სამოსელი ემოსა ქრისტესა“ (მ. დედ. ქ. ც<sup>ხ</sup>ბა, 842<sub>9-13</sub>). „მრგვალად მოქსოვა“ ორი ტანისამოსისა ერთად იცოდნენ თუ არა ჩვენში, ძნელი სათქმელია, მაგრამ, „ზეით მოქსოვილი“ ტანისამოსი რომ არსებობდა და მისი მოქსოვა რომ შესაძლებლად მიაჩნდათ, ამას თამარის ისტორიკოსის ზემომოყვანილი მოძებობაც ადასტურებს: თამარმა, „ვითარ, განიღძა, ბრძანებაჲ გასცა წინაშე მოყვანებად დიასახლისი იგი, რომელმან აღიარა ათორმეტისა მლუდელთათჳს უფროსად სრულისა კუართ-ფილონისა შესთვა და მლუდელთად მიძლუნაჲ“. „სრულისა კუართ-ფილონისა შესთვა“ იქნებ იმაზე მიგვითითებდეს, რომ აქ ორი ტანისამოსის ერთად (კვართისა და ფილონის) მოქსოვაზეა ლაპარაკი.

„მთინარტ ჭურჭელთა“ გათვალისწინებაც შესაძლებელი ხდება. თვით საქსოვი „მანქანა“ რომელზედაც „ქსელი“ იმართებოდა, როგორც ჩანს, „საქუსალად“ იწოდებოდა. როგორც ს. ორბელიანი შენიშნავს, საქუსალის მაგივრად „სადმე საგუსალი აღუწერიათ, სადმე სავალაო“, ზოგჯერ კიდევ „საგუსასი“ გვხვდება. ეს სხვადასხვა ვარიანტები, რომლებსაც ჩვენ აქ მოვიტანთ, ერთი და იგივე საქსოვი დაზვის სახელწოდებებია. „დაბადების“ თარგმანის ერთ ადგილში იკითხება: „უკეთუ დაქსოვო შუდი ესე კონძოლი თავისა ჩემისა საგუეასსა თანა და ღამსკვალო მანებითა კედელსა და მაშინლა მოუძღურდე მე“ (მსაჯულთა, 1614). როგორც ჩანს, იმას, რაზედაც ქსოვდნენ, „საგუეასი“ ეწოდებოდა. „საგუსასი“ და „საგუსელი“ გვხვდება ამავე მნიშვნელობით „დაბადების“ სხვა ადგილში: „ჰქმნე საგუსასა მას ზედა ფერჯთა შესასხმელთა მათ ქუჭმო კერძო, ვითარცა რაჲ ვარდი ყვავილოვანი... ძახილისა საგუსელსა მას ფერჯთა შესასხმელსა ქუემო კერძო გარემოსა“ (მოსე, 11, 2834). „თეკლას მარტილობაში“ კი ვკითხულობთ: „და უფრომსლა თეკლა მოეხუევის მას, ვითარცა საქუსალი“ (საქ. მუზ. A ფონდის № 643 ხელნაწერით: საქუსულში ქსელვა (ქსელსა)“, „თეკლას მარტე.“, 9617-19). როგორც აქედან ჩანს, თეკლა ისე მოჰხევევია მას, როგორც „საქუსალი ქსელსა“ თუ „საქუსულში ქსელთა“, ე. ი. ქსელის საქსოვი ქსელს, ან პირიქით, — ქსელი საქსოვ დაზვას. ამრიგად, ის დაზვა, რომელზედაც საქსოვი იქსოვებოდა, „საქუსალად“ ანუ „საქუსუსალად“ იწოდებოდა<sup>1</sup>. ს. ორბელიანის მიხედვით კი „საქუსალი ქსელი საქსოვია“. საქუსალი არაა ქსელი საქსოვი, არამედ — საქსოვი ქსელისა. წინააღმდეგ შემთხვევაში გაუგებარი იქნებოდა „მარტილობიდან“ ზემომოყვანილი ამონაწერის შინაარსი: „მოეხუევის მას, ვითარცა საქუსალი ქსელსა“.

საქუსალზე ხდებოდა მექსლეს მიერ „ქსელის დაგება“ ან ლარულად ან ორხაულად: „ლარულად ჰგებოდა მას ქსელი“ — ნათქვამია „ვეფხისტყაოსანში“. ზოლო შემდეგ ქსელი „იბეჭებოდა“ ანუ იქსოვებოდა მქსოველთა მიერ. ქსოვა ქსელისა იმ იარაღით ხდებოდა, რომელიც ძველად „რვილად“ ან „ლვილად“ და „მაქოდ“ იწოდებოდა. როგორც ზემოთ დავინახეთ, არაერთხელაა შედარებული

<sup>1</sup> ილ. აბულაძის განმარტებით კი „საქუსალი საქსოვი დაზვის ნაწილია“ (იხ. „თეკლას მარტილობა“, გვ. 86).

მებრძოლთა შუბი „მქსოველთა ლვილს“. „ლვილი“ ანუ „რვილი“, როგორც მქსოველთა ჭურჭელი, ხშირად გვხვდება „დაბადების თარგმანშიც: „ხელსა შინა მეგვპტელისა შუბი ვითარცა რვილი მქსოველთა“ (ნეშტთა, 1, 1123). „ლვილი“ „მაქოდაც“ იწოდებოდა: „რკინისა შუბი მისი, ვითარცა ჭურჭელი მთინართ ,ესე იგი არს მაქო“ (მეფეთა, 1, 177). „მაქო“, საბას განმარტებით, არის „საქსოვის საზედაოს გასაელები“. დაახლოებით ამგვარადვე განმარტავს დ. ჩუბინაშვილი ლვილსაც: „ლვილი, ლილვი, ბადის საქსოვი ჩხირი მაქო“. მაქო არა მარტო ბადის საქსოვი, არამედ ყოველგვარი ქსოვილის საქსოვი ჩხირია. ს. ორბელიანს „ლვილი“ რატომღაც „ქსლის ყდათ“ წარმოუდგენია. ამრიგად, საქუსალზე ეგებოდა ქსელი და ქსლის ანუ საქსოვის საზედაოზე მაქოს ანუ ლვილის გავლებით რომელშიც ძაფი თავსდებოდა, იქსოვებოდა ამა თუ იმ სახის ქსოვილი.



მოქსოვილი ლარი, ანდა ძაფი ნაქსოვის ფერადობისათვის იღებებოდა. ამისათვის სპეციალური ხელოსნები არსებობდნენ, რომლებსაც „მღებვარნი“ ეწოდებოდათ: „მივიდა ძაღლი პირსა ზღვისასა, იხილა ლოფორთქინი ,შეიპყრა და შეჭამა იგი და აღევსო პირი სისხლითა. ვითარცა იხილა მწყემსმან, მოიღო მატყლი და მოჰხოცა პირი ძაღლისა მის და შექმნა გვრგვნი მატყლისა და დაიდგა თავსა თუსსა... მოიწია საქმე ესე ქირამისსა და მოიყუანა მწყემსი იგი. ვითარცა იხილა გვრგვნი იგი, უკვრდა და მოიყუანნეს ყოველნი მღებვარნი და დააკურნა შეუენიერებამან“ (განძთა ქუაბი, მ. დედ. ქ. ც<sup>2</sup>ხ<sup>2</sup>ა, 828<sup>16-24</sup>). მღებვარის მნიშვნელობით „მღებარე“ აქვს ნახმარი ჩახრუხადეს:

„ვინ ეფრემს თვისობს, სიმხრითა ისობს,  
მბრძოლთა სისხლითა ვმელთა მღებარე“ (თამარიანი, X<sub>15</sub>).

ნ. მარი „მღებარე“ -ს მართლაც «красильщик»-ად თარგმნის.<sup>2</sup> შეღებვას „შელებვაჲ“, ან კიდევ „ღება“, „ღებვა“ ეწოდებოდა. მეფემან „ბრძანა კონქკლისაგან შეღებვა მატყლისაჲ და ქმნად მისთვის შესამოსელი და ესრეთ პირველ შეიმოსა რაჲ მან პორფირი შესამოსილი“ (ხრონოლრაფი, 7<sub>23-25</sub>). ხრონოლრაფის სიტყვით თავიდანვე არ სცოდნიათ ტანსაცმელის შეღებვა: „პირველ არა უწყოდეს კაცთა

<sup>2</sup> შდრ. ნ. ბერძენიშვილი, სამღებროთა შესახებ, „მასალები“, გვ. 6, 436.

ლებვაჲ სამოსელთა ფერებისაჲ, რომლისათჳს არცა ადვილად გამო-  
ირჩეოდა მეფე მიმდგომთა თჳსთაგან“ (730—31). შეღებულ ტანსაც-  
მელს ან კიდევ ლარს „ღებული“ ეწოდებოდა: „ნატყვენავი მოღე-  
ბულთა თვით ფერთა, ღებულთა ჳრელთა“ (მსაჯულთა, 530); ხოლო  
იმას, რითაც ტანსაცმელი იღებებოდა, „საღებავი“ ერქვა. „გულის  
ხმა ყო ირაკლი, ვითარმედ არა სისხლი, არამედ საღებავი არს იგი“  
(ხრონოლოგია, 721; შდრ. იქვე, 716). იმ შენობას კი, სადაც ღებავ-  
დნენ, მაშინაც ალბათ „სამღებრო“ ეწოდებოდა, როგორც ეს შემ-  
დეგდროინდელი ძეგლებიდან ჩანს.<sup>3</sup>

## § 2. მკერვალი

მოქსოვილ და შეღებულ ლარს ტანსაცმლის ფორმას აძლევდა,  
ე. ი. გამოჳრიდა და კერავდა „მკერვალი“. ისინი დამოუკიდებელ  
ხელოსნებს წარმოადგენდნენ და თავიანთი ხელობით დაკავშირე-  
ბულნი იყვნენ მქსელავებთან. „მკერვალნი“ მოხსენიებულნი არიან  
ათონის ალაპებში და „კელმწიფის კარის გარიგებაში“. ჩვენ არავითა-  
რი ცნობა არ მოგვეპოვება, თუ როგორ აწარმოებდნენ მკერვალნი  
თავიანთ საქმეს. ათონის ალაპებიდან ჩანს, რომ „მკერვალ თეოფილა-  
ქტეს“, რომელიც ამ მონასტერში შესულა, იმდენი ქონების შეწირვა  
შესძლებია, რომ მისი ხსენება იმნაირადვე იყო განწესებული, რო-  
გორც ლავრის დამაარსებლისა<sup>4</sup>: „ალაპი განუწყსეთ თეოფილაქტეს  
მკერვალსა. მოსცა ეკლესიასა პროტოხარაგი :მ ბ:“ — ნათქვამია  
ათონის ივერთა მონასტრის ალაპებში (ათ. კრებ., გვ. 233, № 64;  
შდრ. იქვე, გვ. 256). მკერვალნი იქნებოდნენ მონასტრებშიც. სამეფო  
კარზეც და თავისუფალნიც, მაგრამ ჩვენ მხოლოდ ზემომოყვანილ  
ალაპში გვყავს მოხსენიებული მკერვალი; „კელმწიფის კარის გარი-  
გებაში“ კი „მკერვალთ უხუცესია“ (19) ნახსენები: „ადრე მკერვალთ  
უხუცესი და ტყის მცველნი დასხდებოდნენ“ (19-10). თუკი, „მკერ-  
ვალთუხუცესი“ იყო, ცხადია, „მკერვალნიც“ იქნებოდნენ. სამეფო  
კარზე რომ მკერვალნი იყვნენ, ეს უდავოა. სამართლიანად წერდა  
ივ. ჭავჭავიძე, რომ, „რაკი“ „მკერვალთ-უხუცესი არსებობდა...  
რასაკვირველია, „სამკერვალთ“ საფარეშოც იქნებოდა და „მკერ-  
ვალნი“—ც უნდა ყოფილიყვნენ“<sup>5</sup>. „მკერვალი“ იხსენიება „ვისრამი-

<sup>3</sup> იქვე, გვ. 438 და შემდეგ.

<sup>4</sup> შდრ. ივ. ჭავჭავიძე, საქ. ეკ. ისტორია, 1907, გვ. 40.

<sup>5</sup> ივ. ჭავჭავიძე, ქართ. სამ. ისტ., 11., გვ. 189.

ანში“: „ომსა შიგან ისარი მკერვალსა ჰგუანდა, მკერვალისაებრ შე-  
აკერის ვორცი უნაგირსა“ (გვ. 24). მკერვალნი უმთავრესად ტანისა-  
მოსს კერავდნენ. „შეკერვა“ ძველად ამავე მნიშვნელობით იხმარე-  
ბოდა. „ვეფხისტყაოსანში“ ნათქვამია: „თუ შეიკერე, რაცა გწადს,  
ჩვენგან ნულარა გრცხვენია“ (4867).



ტანისამოსი ძველ ქართულ წერილობით ძეგლებში „სამოსად“  
იწოდებოდა. „ახალი აღთქმის“ ჰაემეტურ რედაქციაში იკითხება:  
„არავინ სადგმელი ოზმოურკნველი ახალი დაადგის სამოსელსა ძუ-  
ელსა“ (მარკოზი, 11, გვ. 21; აქ. შანიძე, ჰაემეტი ტექსტები, უნი-  
ვერსიტეტის მოამბე, III, გვ. 373). „სამოსელის“ მნიშვნელობით  
გვხვდება აგრეთვე „შესამოსელი“ (იოანე, XXI, გვ. 7; ივ. ჯავახი-  
შვილი, ახლად აღმოჩენილი უძვ. ქართ. ხელნაწ. უნივერსიტეტის მო-  
ამბე, 11, გვ. 388) და „საშიშლო“ (ვახუშტი, აღწერა, 1197; შდრ.  
ნ. ბერძენიშვილის შენიშვნა, იქვე, გვ. 260). „საშიშლო“, ივ. ჯავახი-  
შვილის განმარტებით, ეთანაბრება „სამოსს“ ზოგადად და ნაწარ-  
მოებია სიტყვისაგან „შიშველი“. იხმარებოდა აგრეთვე „ტანისამო-  
სი“-ც (ვისრამიანი, 10<sub>12-13</sub>, 15-20).

ტანისამოსი იმის მიხედვით, თუ ვისთვის იკერებოდა იგი, სხვა-  
დასხვაგვარი იყო. არსებობდა „სადიაცო“ და „სამამაცო“ ტანისა-  
მოსი. ქალის ტანსაცმელს „შესამოსელი ქალისა“ ეწოდებოდა. „ვე-  
ფხისტყაოსანში“ ნათქვამია: „მოიღეს, ტანსა ჩააცვეს შესამოსე-  
ლი ქალისა“ (1187). „შესამოსელი ქალისა“ ზოგჯერ „სადედო შთა-  
საცმელად“ იწოდებოდა. დავით აღმაშენებელი, როგორც ცნობი-  
ლია, „ჯაბანთა სადედოთა შთაცმითა“ კიცხავდა (მ. დედ ქ. ცხზა,  
328<sub>13-14</sub>). გარდა ამგვარი დანაწილებისა, იყო ტანისამოსი საერო და  
სასულიერო და თვით ესენიც ნაწილდებოდნენ. მაგ., იყო „სამოსელ  
სამღვდელო“ (Март, Опик., გვ. 35); ამისგან განსხვავებული იქ-  
ნებოდა „დიაკონთა სამოსელი“ (წარტყუენვა, იჭმ); სულ სხვანაირი  
იყო „სამღვდელთმთავრო სამოსელი“: „შესამოსელი სამღვდელთ  
მოძღუარო მქსინო მუღლითა, ანაფორითა, ხატოვანითა, ოქროვან-  
ითა და ყოველთავე სრული“ მოხსენიებულია მელქისედეკ კათალი-  
კოსის სიგელში (ნ. ბერძენიშვილი, მცხეთის საბუთი, გვ. 290). გან-  
სხვავება იყო საერო ტანისამოსთა შორისაც. განსხვავებული იქნე-  
ბოდა „სამეფო შესამოსელი“ სხვა ხელისუფალთა და ერისკაცთა სა-  
მოსისაგან. ვაჭრებსაც, როგორც ცნობილია, თავიანთი სამოსი ჰქონ-

დათ. სხვათა შორის „საფილოსოფოსო სამოსიც“ იხსენიება (იხ. ელინთა ზღაპრობანი, გვ. 36). იყო აგრეთვე „სამოსელი სადარბაზო“, „სამოსელი საქორწინე“ (ბაგრატ ტავრომინელი, გვ. 79) და სხვ.

როგორც „ველმწიფის კარის გარიგებიდან“ ჩანს, განსაზღვრული იყო, თუ რა მოხელეს რა დროს რა ტანსაცმელი ჩაეცვა. მაგ., მონადირეთუხუცესის შესახებ იქ ნათქვამია: „მონადირეთ უხუცესი ყუთლით ყაბაჩით შეიმოსების, საველ-მოკლით, ტყავიანითა მოყვინთუსლითა, არა და პრტყელად, თავსა და საყელსა კარგისა ყუნღისისა და მალლად აშვერილსა, მკლოდ შეკერილსა ქუდსა დაირქვამს“ (ჯ. კ. გარ., 13-7). ამრიგად, მკერვალთ ბევრი სამუშაო გააჩნდათ და ისინი ალბათ მრავლად იყვნენ ძველ საქართველოში.

ტანსამოსის ყოველგვარი სახის, რომელიც კი უკერიათ მკერვალთ, დეტალური განხილვა, მისი ისტორია, ჩვენი საკვლევი საგნის ფარგლებს სცილდება. იგი უფრო ყოფაცხოვრების ისტორიის, კერძოდ ტანსამოსის ისტორიის, საგანია, ვიდრე ხელოსნობის ისტორიისა; ამიტომ ჩვენ მოკლედ შევჩერდებით ტანსამოსის ზოგ სახეზე, რომელნიც მკერვალებს და მქსოველებს შეუქმნიათ და უკერავთ.

ვახუშტი ბაგრატიონი თავის „აღწერაში“ მნიშვნელოვან ცნობებს იძლევა ქართველთა ძველ შესამოსელზე. როგორც თვითონ წერს, ყოველივე ეს მას ძველი წყაროებიდან და სურათებიდან აქვს ამოღებული: „ვითარცა იცნობებიან ნახატთა ზედა“-ო. ვახუშტის სიტყვით, „შემოსილნი არიან ქართველნი და კახნი ერთ რიგად:... ტანსა კაბა ლარისა, სკლატისა ანუ ღოზისა მუხლთ ქვემომდე, მაზედ სარტყელი, შიგნით საგულე ბამბიანი, კაბის უმოკლე, პერანგი აბრეშუმისა ბანბისა ანუ ტილოსაგან, უგრძე კაბისა, და კისერი სრულიად მჩენი; ნიფხავი აბრეშუმისა, ანუ ბამბისაგან, ანუ ტილოსა“. როგორც თვით ვახუშტი წერს, ქართველებს „პირველ ერთ მეფობას შინა სცმიათ სხვაგვარ:... პერანგი ბერული ტილოსი, საგულე და კაბა გრძელი კოჭამდე უდილოდ, მას ზედა სარტყელი ფოჩჩაშვებული, ტყავი დიდი სახელვიწრო და ფეხთა ზედა მოგვი, ვითარცა იცნობებიან ნახატთა ზედა“ („აღწერა“, 32<sub>12-22</sub>). ტანსამოსის ვახუშტისეული აღწერა წერილობითი წყაროებითაც დასტურდება.

ძველად უშუალოდ სხეულზე ჩასაცმელი იყო, როგორც ჩანს, „პერანგი“ და პერანგითვე იწვნენ: „ავთანდილ ჭდა მარტო საწოლს, ეცვა ოდენ მართ პერანგი“ (120<sub>1</sub>). „ამირანდარეჯანიანში“ ნათქვამია: „პერანგითა კაცი წვა ტახტსა ზედა და გვერდით ქალი უჯდა“ (გვ. 103). მარტო პერანგით საერთოდ არავინ დადიოდა. ისტორიკოსი გაკვირვებით ამბობდა დავით აღმაშენებელზე, რომ მეფე „ღდა პერანგითა მოსილი ოდენ შუა დღე“ (მ. დედ. ქ. ცხ<sup>ბ</sup>ა, 333<sub>9-10</sub>). ვა-

ხუმტის დროს, როგორც ეს ზემომოყვანილი აღწერილობიდან ჩანს, პერანგი ყოფილა „უგრძე კაბისა“ და აბრეშუმის, ბამბის, ან ტილოს ქსოვილისაგან იკერებოდა. „პერანგის“ მნიშვნელობით აღრინდელ ძეგლებში „კვართი“ გვხვდება. „კუართი — ჭუბა, გინა პერანგი“, წერს ს. ორბელიანი. „მცირე კუართი კმა არს სამოსლად მისსა“ — ნათქვამია „ბაგრატ ტავრომინელის ცხბაში“ (გვ. 3). „კვართი“ მოხსენიებულია ნიკორწმინდის XI ს. სიგელში: „ზაზი შემოსწირა ბაღდაღური აფი :ა: და შეკერენ კუართი :ა: და სასთაული :ბ: ნუშ (ანუშ?) შემოსწირა კუბასტი ბერძული :ა: და კუართად შევეკერეთ“ (ქრონიკები, 11, გვ. 45). უხმარიათ თუ არა ჩვენს უძველეს წინაპრებს პერანგის ამხანაგი, არ ჩანს, მაგრამ, თუ მისი მსგავსი ჰქონდათ რაიმე, მას, როგორც „დაბადების“ თარგმანიდან ჩანს, „სამოსელი საწვევ“ უნდა ჰქმეოდა: „უქმნე მათ სამოსელი საწვევ სელისაჲ დასაფარველად სარცხუშნელისა სხეულისა მათისა, სარტყელითგან ბარკალ სხვლამდე იყოს“ (მოსე, 11, 2843). „სამოსელი საწვევ“ სწორედ იმ ადგილს ფარავდა („სარტყელითგან ბარკალ-სხვლამდე“), რასაც დღეს ე. წ. ნიფხავი ფარავს. ვახუშტის დროს კი „სამოსელი საწვივე“, როგორც ჩანს, სცოდნიათ და მას მისი სიტყვით „ნიფხავი“ ეწოდებოდა; ისიც მსგავსად პერანგისა აბრეშუმისაგან, ბამბისაგან და ტილოსაგან უკერავთ.

პერანგს ზემოთ, როგორც ვახუშტის აღწერილობიდან ჩანს, „საგულე“ ემოსათ. „საგულე“ ძველ ქართულ წერილობით ძეგლებში „სამეკერდედაც“ იწოდებოდა (მოსე, 11, 284). „სამეკერდე“ ანუ „საგულე“ ბანბისა კაბის უმოკლე“ იყო. „საგულეს“ ზემოთ „კაბა“ ემოსათ თურმე. „კაბა“ ვახუშტის დროს პერანგზე უმოკლესი და „საგულეზე“ უგრძესი („მუხლთ ქვემომდე“) ყოფილა, ხოლო ძველად, მისივე სიტყვით, სცოდნიათ „კაბა გრძელი კოჭამდე უღილოდ“, რომელიც ალბათ როგორც საგულეზე, ასევე პერანგზეც უგრძესი იყო.

„კაბა“ მოხსენიებულია ნიკორწმინდის XI ს. სიგელში: „მივეც ცხენი ხუადი ორი, სტავრა კაბაი :ა:“ (თ. უორდანია, ქრონიკები, II, გვ. 48). იგი „ვეფხისტყაოსანშიც“ გვხვდება: „მას ტანსა კაბა ემოსა გარე თმა ვეფხის ტყავისა“ (851); „ომ-გადახთილსა მშვენოდეს მე ენაიანი კაბანი“ (იქვე, 4782). ენის სახეებიანი კაბის გარდა სხვანაირი ჰრელი კაბებიც სცოდნიათ ძველად: „ადგა და კაბა ჩაიცივა, მჯობი ყოვლისა ჰრელისა“ (1212). კაბით ცხენზედაც იჯდნენ თურმე: „გამოვიდა იგიცა კაბითა, ცხენსა ჯდა“ („ამირანდარეჯანიანი“, გვ. 110). მაგრამ ცხენზე მჯდომთ „საწმართულიც“ ემოსათ: „ცხენსა ზედა, — წერს ვახუშტი, — მოსიათ საწმართული და მოგვნი“ (აღწე-



რა, 321a), ვახუშტის „აღწერის“ აქ მოყვანილ ადგილზე დავით რექტორი შენიშნავდა: „საწმართული არს შარვალი, გინა ნიფხავ-კვართი“ (ე. თაყაიშვილი. არხ. მოგზ., 1, გვ. 20); ვახუშტის „აღწერის“ ახლანდელ გამომცემელთა (ნ. ბერძენიშვილი, თ. ლომოური) აზრით კი, იგი არის „სამგზავრო სამოსი“ (იხ. აღწერა, გვ. 260, შენიშვნა). კაბის ზემოთ ხშირად „ტყავ-კაბა, კაბისაგან უმოკლე“. სცმიათ. ხოლო ზამთარში — „ტყავ-დიდი“ (აღწერა, 322). კაბის ზემოთ მოსასხმელი იყო აგრეთვე ე. წ. „საბეჭულური“ (Март, Опис., 2, გვ. 29; შდრ. იოანე და ექვთ. ცხბა, საბინინი, გვ. 421) და „ყაბაჩა“ ანუ „ყაბარჩა“ (ვეფხისტყაოსანი, 1255, 505; ჯ. კ. გარიგ., 13-5). „ყაბაჩა ლაბადა, რომელი სპარსთა ქალნი შეიმოსენ მოკლესა გარეგნივ“ (საბა). ყაბაჩა არა მარტო ქალებს, და ისიც ირანელებს სცმიათ, არამედ ქართველ მამაკაცებსაც ჩაუცვამთ, როგორც ეს „ჯელმწიფის კარის გარიგებიდან“ ჩანს: „მონადირეთ-უხუცესი ყვთლით ყაბარჩით შეიმოსების, საჯელმოკლით, ტყავიანითა მოყვინთუსლითა, არა დია პრტყელად“ (13-5). აღსანიშნავია, რომ იყო წვიმის დროს წამოსასხამი ტანისამოსიც, რომელიც „საწმართად“ იწოდებოდა (იხ. იხ. Е. Такашвили, Опис., 2, გვ. 281; ლ. მროველი, მ. დედ. ქ. ცხბა, 461-2).

ცალკე ხელოსნები იჭნებოდნენ ის მკერვალნი, რომლებიც როგორც სალიაცო, ასევე სამამაცო თავსაბურავებს კერავდნენ. „ჯ. კ. გარიგების“ მიხედვით მონადირეთ უხუცესს „მჭლოდ ნაკერი“ ქუდი ეხურა (13-7). ვახუშტის სიტყვით კი, მისი დროის ქართველებს „თავს სკლატისაგან (მუდი, შ. მ.) ანუ შალისაგან ქუდი გრძელწვრილი, ბეწვეული, აფროსანი“ ეხურათ, ხოლო „პირველ ერთს მეფობასა შინა... თავს ქუდი გრძელი, რომლისა კუნჭული ბექსა ზედა მცემელი და გრძელ ბეწოსანი“ (აღწერა, გვ. 32). „ქუდი“ ზოგადი სახელი იყო ყოველგვარი თავსაბურავისა, როგორც საეროსი, ასევე სასულიეროსი. მაგ., „ვისრამიანში“ ნათქვამია: რამინს „კაბა და ქუდი უებრად ჰშუენოდა“ (გვ. 53); ხოლო იერუსალიმის „საეკლესიოთა განწესებათა“ „ში ვკითხულობთ: „ქუდსა მოვიხდით სახარებასა ზელა“ (Жордания, Опис., 1, გვ. 195). ძველად „თმაბარდატევებით“ სიარული, „შუშანიკის წამების“ ავტორის სიტყვით, „შეურაცხთა“ საქმედ იყო მიჩნეული: „მოჰყვანდა წმიდაჲ შუშანიკ უკამური და თმა-ვარდატევებული, ვითარცა ერთი ვინმე შეურაცხთაგანი“ (შუშ. წამება, IX, 6—7). ამიტომ ყოველ შერაცხილ მანდილოსანს თავსაბურავი უნდა ჰქონოდა. ამგვარ თავსაბურავად შუშანიკს „კუბასტი“ ჰქონია. ვარსკენ პიტიახშმა შუშანიკის „კუბასტიცა თავსა მისსა მოხეთქა“ (VI, გვ. 19). „კუბასტი“ მოხსენიებულია ნიკორწმინდის

XI ს. სიგელშიც: „შემოსწირა „კუბასტი“ ბერძული“ (თ. ქორდანია, ქრონიკები, II, გვ. 45; იქვე, გვ. 44). ვახუშტი ქალთა თავსაბურავების შესახებ წერდა: „ხოლო თავი ქალწულთა კავნი თვითისავე თმისა დაწვთა ზედა და ქუდი ანუ ლეჩაქი, არამედ ქმროსანთა კავსა ზედა“ (აღწერა, 132<sub>გ</sub>—33).

შესაძლებელია „მკერვალობის“ ცალკე დარგს წარმოადგენდა აგრეთვე „სადიაცო ჩასაცმელთა“ კერვა და ალბათ ცალკე იყვნენ ქალთა ტანსაცმლის მკერვალი ხელოსნები. ვახუშტი ბატონიშვილი „სადიაცო ჩასაცმელთა“ შესახებაც გვაწვდის ცნობებს: „ქალთაცა მსგავსად, გარნა სარტყელთა წვერნი ჩაშვებულნი და მის ზეით კაბა ახალუხი ამოჭრილი, და თუთიერ პერანგისაგან კიდე არა რაი ჰფარავს და პერანგი მჭვირვალი, ჯორცის მჩენელი, უპაიჭოდ ნიფხავი და ფეწხედ წულა-მაშია“ (აღწერა, 32<sub>გ</sub>—32). როგორც აქედან ჩანს, ქალებსაც პერანგი ემოსათ. იგი მამაკაცთა პერანგთაგან მხოლოდ იმით განსხვავდებოდა, რომ იყო „მჭვირვალი“, ე. ი. „ჯორცის მჩენელი“. „პერანგისაგან კიდე“ არაფერი ეცვათ მის ქვემოთ. პერანგივით ჩასაცმელს, როგორც ეს „ვეფხისტყაოსნიდან“ ჩანს, წარმოადგენდა ე. წ. „ჯუბა“: „ქვებისა კარსა გამოდგა ქალი ჯუბითა შავითა“ (221<sub>გ</sub>); „მას მზესა ტანსა ემოსნეს ნარინჯის ფერნი ჯუბანი“ (480<sub>1</sub>). „ჯუბა“ სამოსელი პერანგივით — განმარტავს ს. ორბელიანი.

„სამოსელი საწვიმე“ ქალებსაც სცოდნიათ ვახუშტის დროს. ქალებს „ნიფხავი უპაიჭოდ“ ემოსათ თურმე. პერანგს ზემოთ, მსგავსად მამაკაცებისა, ამოჭრილი კაბა ახალუხი სცმიათ და იმაზე — „სარტყელთა წვერნი ჩაშვებულნი“. „პალეკარტიც“ ემოსათ ქართველ მანდილოსნებს. პალეკარტით შემოსილი იყო „შუშანიკ დედოფალი“: „რამეთუქშინაგან ძაძა ემოსა და არავინ იცოდა ჩემს გარეშე, ხოლო გარეგან ანტიოქიისა პალეკარტი ემოსა“ (შუშ. წამება, XV, გვ. 16—17). ნ. მარის განმარტებით პალეკარტის მსგავსი, ფეხებამდე დასული გრძელი ჩასაცმელი, იყო „პოდირი“ (აბდულუმესია, 38<sub>41-4</sub>). „პალეკარტი—პოდირი“ — განმარტავს ს. ორბელიანი. „პალეკარტი უსაჯელოა“ -ც (Н. Марр, Опис., გვ. 90) ყოფილა. ეს გვაფიქრებინებს, რომ იგი უფრო მოსასხმელი იყო, ვიდრე კაბის მსგავსი ჩასაცმელი. ზამთარს ქალი და კაცი, ვახუშტის სიტყვით, ერთნაირად უმოსებთან: „ზამთარ კაცთა და ქალთა ქათიბი ტყავი და ტოლმაქნეწულნი; განა ქალთა კაბა და ტყავი ვიდრე მიწამდე“ (აღწერა, 32<sub>გ</sub>—33).

ბუნებრივია, რომ ტანსაცმელთა ზემომოყვანილი აღწერილობა

სრული არ იქნება. იმის გამოკვლევა, თუ რომელ ეპოქაში რა და რა სახის ტანისამოსი და თავსაბურავი იხმარებოდა, ტანისამოსის ისტორიის საგანს შეადგენს და ზეენი მიზანი არც ყოფილა ამ საკითხის დაწვრილებით განხილვა თუნდაც მოცემულ პერიოდში.



მკერვალთა საქმეს წარმოადგენდა აგრეთვე ტანისამოსის მოქარგვა და მორთვა. მართალია, ქარგვა და მკობა განსხვავებულნი საქმე იყო, მაგრამ ძნელი წარმოსადგენია, რომ ცალკე ხელოსნები ყოფილიყვნენ ისინი, ვინც „ოქრონემსულს“ ანუ „ოქრომკერდს“ აკეთებდნენ, როგორც ფიქრობდა აკად. ივ. ჯავახიშვილი<sup>7</sup>.

შეკერილთა მორთულობა მრავალნაირი ყოფილა. ზოგჯერ ტანსაცმელი ბეწვით მორთვებოდა. როგორც უკვე აღვნიშნეთ, ყვინდიზის ბეწვმოვლებული ყოფილა მონადირეთუხუცესის „ყაბარჩა“. ყვინდიზის ბეწვმოვლებულ ჩასაცმელს „მოყვინთისული“ ანუ „მოყვინდიზული“ (ვ. კ. გარ. 1ს) ეწოდებოდა. ერთ გუჯარში „მოყუნტივიზილი“ თავსაბურავიცაა მოხსენიებული: „თეთრისა ატლასისა ჩაჩი თავსა ებუროს მოყუნტივიზილი“ (თ. ქორდანი, ქრონიკები, I, გვ. 45). იყო აგრეთვე ტანისამოსი „თვალმარგალიტითა“ შეკაზმული (ამირანდარეჯან., გვ. 8).

ყველაზე უფრო გავრცელებული იყო ოქროქსოვილი — „ოქრონემსული“ ანუ ოქრომკერდით ნაქარგი ტანსაცმელი. „ოქრონემსული“ (იოანე და ექვთ. ც<sup>7</sup>ზბა; ათ. კრებ., გვ. 17; საბინინი, გვ. 409) შესამოსელი მოხსენიებული აქვს შავთელსაც: „შესამოსელნი, შესამკობელნი, გამოსიან ტანსა ოქრონემსულნი“ (38, 11-4). „ოქრონემსული“ ოქრომკერდით ანუ ოქროს ძაფით მორთულ-მოქარგულს შესატყვისება.

წერილობით ძეგლებში ოქრონემსული ფარჩეულიცაა მოხსენიებული. „ოქროთნაკერი რაიმი“ „სკარამანგალ“ იწოდებოდა. „სკარამანგი“ (იოანე და ექვთ. ც<sup>7</sup>ზბა, საბინინი, გვ. 409; ვ. კ. გარიგ., 16362), ს. ორბელიანის განმარტებით, „ესე არს ძვირფასად და ყვავილოვნად ნაკერი ოქროს თმითა და ჩივინითა“. „სკარამანგი“ გამოყენებული იყო როგორც ადამიანთა შესამოსად, ასევე სხვა დანიშნულებისთვისაც. თამარის ისტორიკოსს ნათქვამი აქვს: ჭიბბერსა მისცეს მანდატურთ-უხუცესობა და „შთააცვეს ტანსა მისსა სკარა-

<sup>7</sup> ივ. ჯავახიშვილი, საქ. ეკ. ისტორია, 1907, გვ. 40.

შანი“ (ისტ. და აზმანი, 7835). მელქისედეკ კათალიკოსის სიგელში კი იკითხება: „ამა სამარტვილოსა შიგან საკურთხეველი ჩემი შევემოსე სკარამანგითა, მოვქედე ვერცხლითა“ (ქრონიკები, II, გვ. 33—34, ნ. ბერძენიშვილი, მცხეთის საბუთი, გვ. 292). სკარამანგი, როგორც ძვირფასი ფარჩეული, ხშირად შედიოდა სამეფო ძღვენში. ჟუანშე-რის სიტყვით „უძღუნა გორგასალმან მკეველი ათასი მონა, ხუთასი სტავრა, სკარამანგი ხუთასი“... (მ. დედ. ქ. ც<sup>7</sup>ხბა, 1621-2).

ამრიგად, მქსოველთ და მკერვალთ მრავალნაირი სახის ლარი უქსოვიათ და ტანსაცმელი უკერავეთ, უქარგავეთ და ურთავეთ. უფრო ზუსტსა და მრავალმხრივ საბუთებზე დამყარებულ ტანისამოსის ისტორიას ბევრი რამის თქმა შეუძლია მქსოველ და მკერვალ ქართველ ხელოსანთა გაწაფულობისა და დახელოვნების შესახებ.

აქვე უნდა შევნიშნოთ, რომ წყაროების მიხედვით ჩვენ მიერ დასახელებული სხვადასხვა სახის ქსოვილები და ტანისამოსი ყველანი ადგილობრივ, საქართველოში როდი იყო დამზადებული. ზოგი მათგანი უცხოეთიდან შემოჰქონდათ, როგორც შეუქერავი, ისე შეეკერილი. უცხოური, კერძოდ ანტიოქური, იყო ის პალეოკარტი, რომელიც შუშანიკს ემოსა თურმე. ბალდადიდან და არაბეთის სხვა ქალაქებიდან და ირანიდან შემოჰქონდათ „აფი ბალდაღური“ (ქრონიკები, II, გვ. 45), „მანდილი ბალდაღური“ (ვ. კ. გარიგ., 7133-134) და მრავალი სხვადასხვა სახის „ლარი“. აქიდანვე შემოდიოდა, წერს ივ. ჯავახიშვილი, „ოქროქსოვილები, რომელთაც ზარქაშს ეძახდნენ“<sup>8</sup>. ბიზანტიიდან შემოუტანიათ „კუბასტი ბერძული“ (ქრონიკები, II, გვ. 45) და „სტავრაჲ ბერძული“ (იქვე) „სკარამანგიც“ ძირითადად ალბათ იქიდან შემოდიოდა. ქსოვილი სომხეთიდანაც შემოჰქონდათ: ნიკორწმინდის XI ს. სიგელში „ტაბასტაჲ სომხური“ იხსენიება. სამაგიეროდ, „ლარი, კერული და უკერული“ საქართველოდანაც გაუზიდავეთ და იგი საზღვარგარეთ საკმაოდ სახელმძოხვეჭილიც ყოფილა.

მკერვალის ძირითად ხელსაწყოს „ნემსი“ ეწოდებოდა. ეს თვით ტერმინ „ოქრონემსულის“ არსებობითაც დასტურდება. „ნემსი“ იხმარება „იოანე და ექვთიმეს ც<sup>7</sup>ხბაში“ (საბანინი, გვ. 420). იგი გვხვდება აგრეთვე „ახალი ალექმის“ ჰაემეტურ რედაქციის: „ჰოვადვილჴს არს მანქანისა საბელი გოჯრელსა ნემსისასა განსვლად, ვ<sup>7</sup> მდიდარი შესვლად სასოფეველსა ღ<sup>7</sup>მსასა“ (მარკოზი, X, გვ. 25; აკ. შანიძე, ჰაემეტი ტექსტები, უნივერსიტეტის მოამბე, III, გვ. 380). ჰქონდათ თუ არა მკერვალთ საკერავი მანქა-

<sup>7</sup> ივ. ჯავახიშვილი, საქ. ეკ. ისტორია, 1907, გვ. 30.

ნის მსგავსი რაიმე, თუ ისინი მარტო ხელითა და ნემსით კერავდნენ, ჩვენთვის უცნობია.

### § 3. ფეხსაცმელთა გაირკვალნი ანუ „მეპაპლენი“

„კამლი“ ძველ ქართულ წერილობით ძეგლებში ზოგადად ფეხსაცმელის მნიშვნელობით იხმარებოდა. იგი შეიცავდა ყოველგვარ ფეხსაცმელს, როგორი სახისაც უნდა ყოფილიყო იგი. „კამლი“ ფეხსაცმლის მნიშვნელობით იხსენიება პალიმფსესტებიდან ამოკითხულ „დაბადების“ ხანმეტურ ნაწყვეტებში: „შეხაცუთ ბეჰედი კელსა მისსა და კამლი ფერკთა მისთა“ (ლუკა, XV, გვ. 22, ივ. ჭავახიშვილი, ახლად აღმოჩენილი უძვე. ქართ. ხელნაწ., უნივერსიტეტის მოამბე, III, გვ. 384). „დაბადების“ თარგმანის ოშქურ ხელნაწერში იკითხება: „შეჰმოსა მათ სამოსელი და შეარტყა სარტყლები და მათ კამლები და გარდასდვა მათ ზა სამკრტ“ (ლევიტელთა, 8,7). „დაბადების“ სხვა ადგილებში იგი არაერთგანაა ნახმარი ამ მნიშვნელობით. თ. ბატონიშვილის ბრძანებით 1800 წ. გადაწერილ „წმიდათა ცხოვრებას“ დართულ „სიტყვათა განმარტებაში“ სხვათა შორის აღნიშნულია: „კამლი არს ფერკთ საცმელი“. ამგვარადვე განმარტავდა მას ს. ორბელიანიც.

რაკი „კამლი“ ზოგადად ფეხსაცმელს ნიშნავდა, უფეხსაცმლო „უკამურად“ იწოდებოდა ძველად. „დაბადების“ თარგმანში ერთგან იკითხება: „მოიძარცვე ძამა წელთაგან შენთა და სანდალნი შენნი მოიხსნენ ფერკთაგან შენთა და ქმნა ეგრეთ ესაია მავალმან შიშველმან და უხამლიერომან“ (ესაია, 20, 2). „შუშანიკის წამებაში“ ნათქვამია: „მაშინ წარმოიყვანეს და მოჰყვანდა წმიდაჲ შუშანიკ უკამური და თმაგარდატევებული, ვითარცა ერთი ვინმე შეურაცხთაგანი“ (IX-7). „ბალაჰვარის სიბრძნეში“ ვკითხულობთ: „თუთ უკამლონი და თავ-შიშველნი ერთითა სამოსლითა მიმოვიდოდეს და აჭირებდეს თავთა თუსთა“ (3925-27). „მას თოქსა ზედა უკამუერიითა ფერკითა გავიდა, ვითა მოშაითი“ (ვისრამ., გვ. 159). როგორც „შუშანიკის წამების“ ზემომოყვანილი ადგილიდან ჩანს „კამლი ქალთა ფეხსამოსსაც ნიშნავდა, როგორც ზოგადი ტერმინი, ფეხსაცმლის აღმნიშვნელი. ამასთან იგი რომელიმე გარკვეული სახის ფეხსაცმელის სახელი კი არ იყო, არამედ ზოგადად ფეხსაცმელს ნიშნავდა — „ფერკთა შესასხმელი“: „აღვიდა სიმრავლე ერისა დიდძალი მთასა მას საკრველსა და არა ემოსა მათ ფერკთა შესასხმელი, ად

უკამურნი და ძაძითა მოსილნი მოვიდეს წ'დისა მის ტირილითა დი-  
დითა“ (ც'ხზაჲ სუმ. მესუეტისაჲ, 252<sub>35-37</sub>).



რამდენადაც კამლი ფეხსაცმელს შეესატყვისებოდა, მეფეხსაც-  
მლეობა „მეკამლობად“ უნდა წოდებულყო. „ეესტათი მცხეთელის  
მარტვილობაში“ მოხსენიებული „მეკამლობა“ სწორედ მეფეხსაც-  
მლეობას შეესატყვისებოდა. „მარტვილობის“ ავტორის სიტყვით  
„მოვიდა იგი (ეესტათი, შ. მ.) ქალაქად მცხეთად და ისწავლებდა  
კელსა მეკამლობისასა“ (ს. ყუბანეიშვილი, ნარკვევი, ხელნაწ., 2<sub>8-9</sub>;  
ს. კაკაბაძე, გვ. 80; საბინინი, გვ. 313). რამდენიმე ხნის შემდეგ  
ეესტათიმ ისწავლა „კელი მეკამლობისაჲ“ და ცოლიც ითხოვა: „ვი-  
თარ ისწავლა მეკამლობაჲ, ითხოვა მან ცოლი ქრისტიანც და თვთ  
ქრისტიანე იქმნა“ (ს. ყუბანეიშვილი, იქვე, 2<sub>12-14</sub>; ს. კაკაბაძე,  
იქვე; საბინინი, იქვე). „კელი მეკამლობისაჲ“, როგორც აღვნიშნეთ,  
ფეხსაცმლების ხელობას ნიშნავდა და სწორად უთარგმნია იგი აკად.  
ივ. ჯავახიშვილს გერმანულად ა. პარნაკისათვის შესრულებულ „მარ-  
ტვილობის“ თარგმანში: «Er kam nach der Stadt Mzchetha und ler-  
nte schuhmacherhandwerk»... «Als er das schuhmacherhandwerk  
ausgelernt hatte, heiratete er ein christliches weib» («Das Mar-  
tyrium des heiligen Eustatius»... (876<sub>19-20</sub>; 22-24). «Schuhmacherhan-  
dwerk» „მეკამლობის კელი“-ს ზუსტი თარგმანია. მეფეხსაცმლე,  
ანუ კამლთა მკერვალი ხელოსანი, ე. ი. ის, ვისაც ჰქონდა „კელი  
მეხმლობისაჲ“, „მეკამლედ“ იწოდებოდა. „მეკამლენი“ მოხსენი-  
ებულნი არიან აგრეთვე „ეესტათის მარტვილობაში: „მას ეამსა  
შეკრებეს სპარსნი, რომელნი მცხეთად იყვნეს, მეჭადაგენი და მეკამ-  
ლენი, ტოზიკობდეს და მიავლინეს ნეტარისა ეესტათისა და ჰრქუეს:  
მოვედ და გუერთე შუებასა ამას ჩუენსა“ (ს. ყუბანეიშვილი, ნარკვე-  
ვი, ხელნაწ., 2<sub>18-20</sub>; ს. კაკაბაძე, გვ. 80; საბინინი, გვ. 113). ან კიდევ:  
„და ვითარ ტოზიკი იგი გარდაიხადეს, შეკრბეს იგინივე მეჭადაგენი  
და მეკამლენი და ზრახვა ყვეს წინაშე უსტამისა“ (ს. ყუბანეიშვილი,  
იქვე, 3<sub>7-8</sub>; ს. კაკაბაძე, იქვე; საბინინი, იქვე); „შეკრბეს იგივე მე-  
ჭადაგენი და მეკამლენი და მოვიდეს უსტამისა და ჰრქუეს: „არიან  
აქა სხუანიცა ჩუენისა რჩეულისანი და იგინიცა ქრისტიანე არიან“  
(ს. ყუბანეიშვილი, იქვე, 6<sub>4-7</sub>; ს. კაკაბაძე, გვ. 81; საბინინი, გვ. 114).  
ამრიგად, „ეესტათი მცხეთელის მარტვილობაში“ „მეკამლენი“,  
ეკვს გარეშეა, მეფეხსაცმლეთ, ე. ი. საზოგადოდ ფეხსაცმელთა მკე-

რვალ ხელოსნებს აღნიშნავდა და არა რომელიმე სახის ფეხსაცმლის მკერვალებს. აკად. ივ. ჯავახიშვილს, როგორც ვნახეთ, „კელი მეკამლობისაჲ“ «Schuhmacherhandwerk»-ად აქვს თარგმნილი და ამის შესაბამისად მას „მეკამლე“ «Schuhmacher»-ად უნდა ეთარგმნა, მაგრამ თუ ტექსტის ქართულ წყობას მივყევით, «Sandalenmacher»-ად უთარგმნია: «Zu dieser Zeit versammelten sich die Perser, die in Mzchetha waren die Schuhmacher und Sandalenmacher». («Das Martyrium des heiligen Eustatius», 876<sub>28-27</sub>, 877<sub>1</sub>): ამგვარადვე ეთარგმნება სხვა ზემომოყვანილი ადგილებიც (იხ. იქვე, 877<sub>1-10</sub>, 878—879). ზემოთქმულის შემდეგ ცხადი უნდა იყოს, რომ «sandalenmacher» ე. ი. „მეცანდლე“ ანუ კამლის ერთი გარკვეული სახის მკერავი, შეუძლებელია ცნება „მ ე კ ა მ ლ ე ს“ გამომხატველად ვიგულოთ. ვთქვათ, ქართული ტექსტის წყობა დარღვეულია და მეკამლე «Schuhmacher»-ად არის თარგმნილი, ხოლო „მეჯადაგე“ — «Sandalenmacher»-ად, „მეჯადაგე“, როგორც ტერმინი, მხოლოდ ერთხელ გვხვდება ქართულ წერილობით ძეგლებში. მისი შესატყვისი, ან „ჯადაგ“-ისაგან ნაწარმოები სხვა სიტყვა არ მოიპოვება და, თუ იგი, „ეესტათის მარტიელობაში“ მოხსენიებულია, თანამედროვე ქართულით ისევე „მეფეხსაცმლე“-თი გადმოიციება, ეს მხოლოდ და მხოლოდ ტრადიციის შედეგია. „მეჯადაგე—მეჯადაგე“—განმარტავს ს. ორბელიანი, თუმცა ამისათვის მას არავითარი საფუძველი არა აქვს. მაჯადაგე რომ მეჯლანედ ვიგულისხმოთ, მაშინ გამოვიდოდა, რომ „შეიკრიბნენ იგივე მეფეხსაცმელენი და მეჯლანენი“, რაც, ცხადია, უაზრობაა. გ. გამყრელიძის სადისერტაციო ნაშრომიდან („ხელოსნური მრეწველობა და ამქრული წყობილება საქართველოში“), ეყრდნობა რა იგი ს. ორბელიანისა და დ. ჩუბინაშვილის განმარტებებს „მეჯადაგისა“ და „მეკამლისას“, გამოდის, რომ „მეკამლეც“ წაღების მკერავია და „მეჯადაგეც“, რაც ტექსტის გაგების თვალსაზრისით უაზრობამდე მიგვიყვანდა (იხ. ზემოხსენებული შრომის გვ. 75, შენ. 2). „მეჯადაგეში“ რომ „მეცანდლე“ გვეგულისხმა, არც ეს იქნებოდა სწორი, რადგან „კამლი“ ფეხსაცმელთა ზოგადი სახელი იყო. „მეკამლეებში“ ყოველგვარი სახის ფეხსაცმელის მკერავნი იგულისხმებოდნენ და რა საჭირო იქნებოდა „მეცანდლეთა“. ცალკე მოხსენიება? ამრიგად, არავითარი საფუძველი არ არსებობს „მეჯადაგის“ მეჯლანედ, ან მეცანდლედ და მით უმეტეს «Schuhmacher»-ად გაგებისათვის. მაგრამ მეჯადაგეობა რომ ხელობის რაღაც გარკვეული დარგი იყო და რომ „მარტიელობის“ ტექსტში არავითარ შეცდომასთან არა გვაქვს საქმე, ამას „მარტიელობაში“ „მეჯადაგეთა“ რამდენიმეჯერ მოხსენიებაც ადასტურებს. უფრო საფიქ-

რებელია, რომ „მეჯადაგენი“ ხელობის ისეთი დარგის წარმომადგენლები იყვნენ, რომელიც ახლოს იდგა მეფესსაცმლეობასთან. იმის გარკვევით თქმისათვის კი, თუ რა დარგის ხელოსნები იყვნენ ისინი და რას ეწოდებოდა მეჯადაგეობა, არავითარი საბუთი არ მოგვეპოვება ჩვენ, როგორც იმათ, რომელთაც მეჯადაგეობა მეფესსაცმლეობად ჰქონდათ გაგებული.

„მეჯამლის“ მნიშვნელობით შედარებით უფრო გვიან „ხარაზი“-ც იხმარებოდა. „ხარაზი“ მოხსენიებულია როგორც ათონის ივერთა მონასტრის, ასევე ჯვარის მონასტრის აღაპებში. ათონის მონასტრის აღაპებში ვკითხულობთ: „ალაპი გაუწესეთ ძმისა ჩუენსა ოქროპირსა ხარაზსა“ (ათ. კრებ., 256, № 146). ოქროპირი ხარაზი ძმად იხსენიება; ჩანს, ის მონასტერში ასრულებდა თავის ხელობას.

ჯვარის მონასტრის აღაპებში კი „ხარაზი“ რამდენიმეჯერაა მოხსენიებული: „ამავე დღესა წირვამ და ალაპი საუკუნოვან ძმისა ჩუენისა გიორგი ხარაზისამ, შეუხდევნ ღმერთმან“ (ნ. მარი, აღაპნი, 9, № 32). ხოლო ტექსტის ქვედა ველზე... ძველი, შესწორებული ან უბრალოდ წაშლილი აღაპი 22 აპრილის თარიღით იკითხება: „ამასვე დღესა პანაშვიდი ძმისა ჩნისა გნის ხარაზისამ, მოგვცა ჭუთასი დრამა დიდსა დაჭირებებსა შა. ვინც შეცვალოს“... (იქვე, 54, № 209). ამგვარად, აქაც გიორგი ხარაზია დასახელებული; შეიძლება იგი სხვა გიორგი იყოს და არა ის, რომელზედაც 5 ოქტომბერს იყო აღაპი დაწესებული, რადგან ამ უკანასკნელის აღაპში არაფერია ნათქვამი ჭუთასი დრამის შეწირვაზე.

როგორც ზემოხსენებული აღაპიდან ჩანს, გიორგი ხარაზს საკმაროდ დიდი შემოსავალი ჰქონია თავისი ხელობიდან; მას მონასტრისათვის 500 დრამის შეწირვა შესძლებია.

„მეჯამლეთა“, „ხარაზთა“ შორის არსებობდა, ცხადია, სპეციალიზაცია. მეჯამლეთა ნაწილი ალბათ „ცანდლეებს“ კერავდა, ნაწილი კი — „მოგვს“ და სხვ.. იმ მეჯამლეს, რომელიც ცანდლის კერვაში იყო გაწაფული, „მოქმედი ცანდალთაჲ“ ანუ „მეცანდლე“ ეწოდებოდა. „მარკოზ მახარობელის წამებაში“ ამ მხრივ მნიშვნელოვანი ცნობაა დაცული: „რჴმს შევიდა იგი (მარკოზი, შ. მ.) კართა ქალაქისათა, განუწყდა მას საბელი იგი; მაშინ იხილა მან მუშაჲუესვე კაცი ერთი მოქმედი ცანდალთაჲ და მისცა მას ცანდალი თვისი, რა განუგოს იგი. და... იწყო მეცანდლე მან განკერვად ცანდლისაჲ მის“ (კიმენი, I, 1947-8). „ცანდლის მოქმედთა“ გარდა იყო ალბათ „მოქმედი მოგვთა“, „ქალამანთა“ და სხვ.



საფეხსაცმლე ტყავის დამზადება ზოგჯერ ალბათ თვით „მეკამლის“ საქმე იყო; ზოგჯერ კი დასპეციალებული ხელოსანი ამზადებდა მას. „ტყავის მოქმედს“ „მეპატრაკე“ ეწოდებოდა. „ვპოვეთ მუნ ჰურიამ ვინმე მეპატრაკეა“ (ათ. კრებ., 145.) „მეპატრაკე-ტყავის მოქმედი“, განმარტავს ს. ორბელიანი. „მეპატრაკე“ ზოგჯერ „მეტყაველ“ იწოდებოდა. „მეტყავენი“, როგორც ჩანს, მრავლად იყვნენ სამეფო კარზე და სხვადასხვა საჭიროებისათვის ტყავებს ამზადებდნენ. „ვ. კ. გარიგებაში“ ნათქვამია: „მეტყავენი და მეჭურჭლენი მიიღებენ ქონსა, სასაპოვნელადა იგინი მისცემენ და სამაშხლელადაცა“ (8150-151). „მეტყავენი“ ამუშავებდნენ სხვადასხვა სახის ტყავს. საქალამნედ დამზადებულ ტყავს „ქალამანი შოლტი“ ეწოდებოდა: „ვიყიდე ვენაჯი და მივეც ვარი :ა: საჯნისი :გ: და ქალამანი შოლტი“ (ქრონიკები, II, 48). ტყავისაგან ტანისამოსიც იკერებოდა და მას „ტყავისა სამოსელი“ (გ. მთაწმინდელის ცხბა; ათ. კრებ. 432; სასულიერო პოეზია, 6140) ეწოდებოდა.

„მეკამლენი“ ტყავისაგან ფეხსაცმელებს ამზადებდნენ. ფეხსაცმლის ერთ სახეს „ცანდალი“ (კიმენი, 1, 170<sup>21-22</sup>) ანუ „სანდალი“ (H. Марр, Опис., გვ. 230; H. Марр, Агиогр. мат., I, გვ. 28; და სხვ.) წარმოადგენდა. ცანდალი ანუ სანდალი დღესაც იხმარება ამავე მნიშვნელობით.

ვახუშტი ბატონიშვილის სიტყვით, ერისკაცთ მის დროს ფეხზე ეცვათ „პაიჭი და წულა ტყავისა ანუ სკლატისა, ხოლო მაშია სპარსული; უმცირესთა ჩუსტი და ქალამანი“, ხოლო „ცხენსა ზედა მოსიათ საწმართული და მოგვნი თვნიერ მისსა — არა“ (აღწერა, 3218-21). ძველადაც „ფერკთა ზედა მოგვი“ სცემიათ, „ვითარცა იცნობებთან ნახატთა ზედა“, ქალეხსაც, მამაკაცთა მსგავსად „ფერკ-ზედ წულა-მაშია“ ეცვათ (იქვე, 3232-33). წერილობითი წყაროები გვაწვდიან მასალებს ფეხსამოსთა აქ მოხსენიებული ზოგიერთი სახის შესახებ. „მოგვი“ „ამირანდარეჯანიანში“ არაერთგანაა მოხსენებული: „წესი იყვის ამირან დარეჯანის ძისა, მერე ორი დაშნანი იქით და აქეთ მოგვშიგან ესხნიან“<sup>8</sup> (28). როგორც ჩანს, „მოგვი“ მაღალყელიანი ფეხსაცმელი იყო; და ყელი ისეთი ჰქონდა, რომ დაშნაც კი ეტეოდა შიგ. იგი თავისი ქუსლითაც ძლიერ მოგვაგონებს თანამედროვე ჩექმას. მართლაც, დავით რექტორის შენიშვნით, ვახუშტის „აღწერაში“ (აგრეთვე ს. ორბელიანის განმარტებით)

<sup>8</sup> იხ. აგრეთვე გვ. 92, 104.

„მოგვი არის ჩექმა“ (ე. თაყაიშვილი, არხ. მოგზ., 1, 90). „მოგვი“  
„ვისრამიანშიც“ გვხვდება: „მოგვისაგან კლიტე ამოილო“ (გვ.147).

ძველად მოგვზე, მსგავსად დღევანდელი კალოშისა, „ჩაფლას“  
იცვამდნენ თურმე: „სარამუზა აცვია, ანუ ჩაფლა მოგვსა ზედა“ (ვ.  
ქ. გარ., 7132). „ჩაფლა“ იქვე მეორეგანაც იხსენიება: „ჩაფლად  
წახსნის“ (7139; შღრ. იქვე, 15352). „ჩაფლა“, როგორც აქედან ჩანს,  
მოგვსზემთ ჩასაცემელია და ის არ უღრიდა იმ „ჩაფულას“, რო-  
მელსაც დღევანდელი მეგრელები ხმარობენ. „ჩაფლა“ და „მოგვი“  
მოხსენიებულია აგრეთვე „იოანე და ექვთ. ც“ში: „სსუჲა კულა  
საჲმარი იკონომისისაგან ითხოვიან გინა თუ მოგუნი, გინა თუ ჩაფ-  
ლანი, გინა თუ ტყავი, გინა თუ საბლები, გინა თუ სელი“ (ათ. კრებ.,  
გვ. 51; საბინინი, გვ. 425). მოგვი და ჩაფლა წმინდა მამებსაც  
უხმარიათ და მისი განაწილება და საჭიროებისამებრ გაცემა იკო-  
ნომოსის საქმე ყოფილა.

„კამლთა“ ერთ სახეობას „ქალამანი“ (სასულიერო პოეზიზ-  
ტკზ. XXIII) ანუ „ქალამანი“ წარმოადგენდა. „ქალამანი“ ნიკორ-  
წმინდის სიგელშია მოხსენიებული: „ვიყიდე ყანაჲ :ა: და მივეც კა-  
რი ერთი, რკინაჲ ლიტრაჲ რვაჲ და ქალამანი :ბ: (თ. ჟორდანი,ა,  
ქრონიკები, II, გვ. 46). „ქალამანი“ და „ჩუსტი“, როგორც ვახუშ-  
ტი წერს, უმცროსთა ჩასაცემელი ყოფილა. აღსანიშნავია, რომ პაი-  
ტი და წულა ვახუშტის დროს უკერავთ არა მარტო ტყავისაგან, არა-  
მედ სკლატისა ანუ მაუდისგანაც.

ფეხსაცმელი, ისევე როგორც ტანსაცმელი, ხშირად თვალმარგა-  
ლიტით შეუქმიათ. იოანე მალალას სიტყვით, ლაზთა წათეს „წალე-  
ბი, რომელთაც ატარებდა, თავისი საკუთარი ქვეყნიდან ჩამოეტანა  
და მარგალიტებით იყო შემკული სპარსულ ყაიდაზე. ამგვარადვე  
მისი სარტყელიც მარგალიტებით იყო შემკული“ (გეორგიკა, 111,  
გვ. 264—265, იხ. იქვე, გვ. 87, შენ. 2). ეს ცნობა მეორდება როგორც  
«Chronicon Paschale»-ში (გეორგიკა, IV<sub>1</sub>, გვ. 12—13), ასევე თეოფა-  
ნე ჟამთა აღწერელის თხზულებაშიც (იქვე, გვ. 18). „ქრონიკა“ მხო-  
ლოდ უმატებს, რომ წათეს „წალეები... წითელი ფერისა იყო“.

„მეკამლეთა“ საქმეს არა მარტო შეკერვა წარმოადგენდა, არა-  
მედ დახეულ ფეხსაცმელთა შეკეთებაც. შეკეთებას „განკერვაჲ“ ეწო-  
დებოდა: „მისცა მას ცანდილი თვისი, რა განუგოს იგი და... იწყო  
მეცანდალემან მან განკერვად ცანდალისაჲ მის“ (კიმენი, I, 1947-9).

სახელოსნოს, სადაც მეკამლენი კამლთა შეკერვას და განკერ-  
ვას აწარმოებდნენ, „საწანგრო“ ეწოდებოდა. „საწანგრო“ ბერძნულ-

ლი წარმოშობის სიტყვაა; იგი „იოანე და ექვთ. ცხბა“-ში იხსენიება: „ხოლო საპარიკონომოსი და საწანგრო და საჯორე და სამკედლო და ხურონი და კალაფტანი... და მენავენი... იკონომოსისა განსაგებელნი იყუნეს“ (ათ. კრებ., გვ. 50; საბინინი, გვ. 424). „საწანგრო“ შემონახულია აგრეთვე „წანგი“-ს ფორმით ჭანურ ენაში, სადაც იგი, ნ. მარის თქმით, არის მაღალყელიანი ყვითელი ტყავის ქალის ფესხაცმელი (Март, Граммат. Чанского яз., გვ. 218).

პროფ. ს. ყაუხჩიშვილი „საწანგროს“ და „წანგარის“ ეტიმოლოგიის შესახებ წერდა: „ორივე სიტყვა *τσαγγιον* (*τσαγγα*) და *τσαγγαριον* შემდეგ უკან დაბრუნებია ქართველურ ენებს. პირველი მათგანი იხმარება ჭანურ ენაში ფორმით „წანგი“... ხოლო მეორე— „საწანგრო“ შემონახულია „იოანე და ექვთიმე მთაწმინდელეების ცხოვრებაში“ (გეორგიკა, III, გვ. 265, შენ. 1).

ათონის ივერის მონასტრის საწანგრო, სხვა სახელოსნოებთან ერთად, როგორც ვნახეთ, იკონომოსის სახელოს შეადგენდა თურმე.

ზოგი რამის თქმა მეკამლეთა იარაღის შესახებაც შეიძლება. მეკამლეთა ერთ-ერთ მნიშვნელოვან იარაღს მაშინაც „სადგისი“ (მოსე, II, 216; მეორე სჯულისა, 1517) ეწოდებოდა. „სადგისი“, როგორც მეკამლის იარაღი, „მარკოზ მახარობელის წამებაშია“ მოხსენიებული: „და ვა იყო მეცანდლემან მან განკერვად ცანდლისაჲ მის, რჳს განუცუმიდა სადგისსა მარჯუენითა კელითა, აქუნდა ცანდალი იგი მარცხენსა კელსა მისსა. დააჭირა მან ძლიერად და სიმძაფრისა მისგან განჯდა ცანდალსა მისაგან ჯა განუპურიტა სასტიკად ნები მარცხენსა კელითა მისისაჲ“ (კიმენი, I, 1949-12). „აქუს თანა პორი და წყალი და სადგისი და ლოდი და, უკუეთუ შეემთხვის მას კცი მშიერი, სცის მას პორი და წყალი... და, თუ ვის განუწყდის ცანდალი, მუნაქუესვე გნჯის იგი“ (Март, Опис., გვ. 185). კამლთა „განსაეკრავად“ და, შესაძლებელია, შესაეკრავადაც ზოგჯერ „ღვედი“ ანუ „ლოდი“ იყო გამოყენებული. „ღვედი“ ანუ დაწნული თასმა „ვეფხისტყაოსანშიც“ იხსენიება: ერთი აბჯარი „ფრიდონის საძღვნობლად შეკრეს ღვედითა“ (1371).

„ევესტათე მცხეთელის მარტივლობიდან“ ჩანს, რომ უკვე VI ს. მცხეთაში მეკამლენი, როგორც გარკვეული დარგის ხელოსნები, არსებობდნენ. ამავე ძეგლის მიხედვით შეიძლება აგრეთვე დაისვას საკითხი ამ დარგის ხელოსანთა შორის რაიმე ორგანიზაციული კავშირის არსებობის შესახებ. მაგრამ ამაზე სპეციალურ თავში გვექნება საუბარი.

გ ზ ე დ ე ლ ნ ი

§ 1. გ ზ ე დ ე ლ ნ ი რ ა ი ნ ის ა დ ა რ ვ ა ლ ის ა

მ ჰ ე დ ლ ო ბ ა ხ ე ლ ო ს ნ ო ბ ის მ ნ ი შ ე ნ ე ლ ო ვ ა ნ დ ა რ გ ს წ ა რ მ ო ა დ გ ე ნ ს. ი გ ი მ ო ი ც ა ე დ ა დ ა მ ო ი ც ა ე ს ხ ე ლ ო ბ ის რ ა მ დ ე ნ ი მ ე, უ რ თ ი ე რ თ კ ა ე ვ ი რ შ ი მ ყ ო ფ დ ა რ გ ს. მ ჰ ე დ ე ლ ს, რ ო მ ე ლ ი დ ა რ გ ის წ ა რ მ ო ა დ გ ე ნ ე ლ ი ც ა რ უ ნ დ ა ყ ო ფ ი ლ ი ყ ო ი გ ი, „კ ვ ე რ ი თ ხ უ რ ო ა“ ე წ ო დ ე ბ ო დ ა: „ხ ო ლ ო... თ ო ბ ე ლ ი ე ს ე ყ ო კ ვ ე რ ი თ ხ უ რ ო ა, მ ჰ ე დ ე ლ ი რ ვ ა ლ ის ა დ ა რ კ ა ი ნ ის ა“ (მ ო ს ე, I, 422). „ხ უ რ ო ა“, რ ო გ ო რ ც ხ ე ლ ო ს ნ ის ა ღ მ ნ ი შ ე ნ ე ლ ი ზ ო გ ა დ ი ტ ე რ მ ი ნ ი, „მ ჰ ე დ ლ ის“ მ ნ ი შ ე ნ ე ლ ო ბ ი თ ა ც ი ხ მ ა რ ე ბ ო დ ა ზ ო გ ა ჯ ე რ: „მ ე ფ ე თ ა წ ი გ ნ შ ი“ (III, 714) „მ ჰ ე დ ე ლ ი რ ვ ა ლ ის ა“ - ს მ ა გ ი ვ რ ა დ „ხ უ რ ო ა რ ვ ა ლ ის ა ა“ ი ხ ს ე ნ ი ე ბ ა. მ ა გ რ ა მ ხ უ რ ო მ ა დ რ ე შ ე ი ც ე ვ ა ლ ა თ ა ვ ის ი შ ი ნ ა - ა რ ს ი დ ა ა მ ი ტ ო მ „კ ვ ე რ ი თ ხ უ რ ო თ ა“ მ ა გ ი ვ რ ა დ უ მ თ ა ვ რ ე ს ა დ „მ ჰ ე დ ე ლ ი“ ი ხ მ ა რ ე ბ ო დ ა დ ა მ ა ს შ ი ი გ უ ლ ის ხ მ ე ბ ო დ ა ა რ ა მ ა რ ტ ო რ კ ა ი ნ ის ა დ ა რ ვ ა ლ ის მ ო ჰ მ ე დ ი, ა რ ა მ ე დ ო ჰ რ ო მ ჰ ე დ ე ლ ი ც დ ა ძ ე ი რ ფ ა ს თ ვ ა ლ თ ა დ ა მ მ უ შ ა ვ ე ბ ე ლ ი ც. მ ა გ., „ფ ი ლ ე კ ტ ი მ ო ნ ის წ ა მ ე ბ ა შ ი“ „ო ჰ რ ო ს მ ო ჰ მ ე დ ნ ი“, ო ჰ რ ო ს მ ქ ა ნ დ ა კ ე ბ ე ლ ნ ი უ ბ რ ა ლ ო დ „მ ჰ ე დ ლ ე ბ ა დ“ ი წ ო დ ე ბ ი ა ნ (კ ი მ ე ნ ი, I, 135<sup>24-26</sup>). ვ ე რ ც ხ ლ ის მ ქ ა ნ დ ა კ ე ბ ე ლ ი „დ ა ბ ა დ ე ბ ის“ ქ ა რ თ უ ლ თ ა რ გ მ ა ნ შ ი ა გ რ ე თ ვ ე „მ ჰ ე დ ლ ა დ“ ი წ ო დ ე ბ ა: „მ ო ი ლ ო დ ე დ ა მ ა ნ მ ის მ ა ნ ო რ ა ს ი ვ ე რ ც ხ ლ ი დ ა მ ის ც ა ი გ ი მ ჰ ე დ ე ლ ს ა დ ა შ ე ქ მ ნ ა ი გ ი კ ე რ პ ა დ გ ა მ ო ბ ე რ უ ლ ა დ დ ა გ ა მ ო ქ ა ნ დ ა კ ე ბ უ ლ ა დ“ (მ ს ა ჯ უ ლ თ ა, 174). „ს რ ა. ზ ა რ ზ მ ე ლ ის ც ო ხ ბ ის“ მი ხ ე დ ვ ი თ „თ უ ა ლ თ ა პ ა ტ ი ო ს ა ნ თ ა“ გ ა მ წ მ ე ნ დ ნ ი დ ა „ო ჰ რ ო თ ხ ზ უ ლ ე ბ ი თ შ ე მ წ ყ ო ბ ნ ი“ ა გ რ ე თ ვ ე მ ჰ ე დ ლ ე ბ ი ა რ ი ა ნ (ი ხ. ს რ ა. ც ო ხ ბ ა, 157<sup>23-26</sup>).

„მ ჰ ე დ ე ლ ი“ მ ო ხ ს ე ნ ი ე ბ უ ლ ი ა „ი ო ა ნ ე დ ა ე ქ ე თ. ც ო ხ ბ ა შ ი“ (ს ა ბ ი ნ ი ნ ი, გ ვ. 407); ა თ ო ნ ის ი ვ ე რ თ ა მ ო ნ ა ს ტ რ ის ა ღ ა ბ ე ბ შ ი კ ი „მ ჰ ე დ ე ლ ი გ ი ო რ გ ი ქ ა რ თ ვ ე ლ ი ა“ ნ ა ხ ს ე ნ ე ბ ი: „ა ღ ა ბ ი გ ა ნ უ წ ყ ე ს ე თ გ ი ო რ გ ი მ ჰ ე დ ე ლ ს ა ქ ა რ თ ვ ე ლ ს ა: დ ი ა დ ე მ ს ა ხ უ რ ა ე კ ლ ე ს ი ის ა დ მ ის ა ს ი ც ო ც ხ ლ ე ს ა დ ა შ ე მ დ გ ო მ ა დ ს ი კ უ დ ი ლ ის ა მ ო ს ც ა ე კ ლ ე ს ი ის ა : მ: პ რ ო ტ ო ხ ბ ა რ ა გ ი“ (ა თ. კ რ ე ბ., გ ვ. 247, № 123).

მ ჰ ე დ ე ლ თ ა ხ ე ლ ო ბ ა ს „გ ე ლ ო ვ ე ნ ბ ა ა მ ე ჰ ე დ ლ ო ბ ის ა ა“ (ე ლ ი ნ თ ა ზ ლ ა პ რ ო ბ ა ნ ი, გ ვ. 41) ე წ ო დ ე ბ ო დ ა. მ ჰ ე დ ე ლ ნ ი, დ ა ს ა მ უ შ ა ვ ე ბ ე ლ ი მ ა ს ა ლ ის მი ხ ე დ ვ ი თ, ა მ ა თ უ ი მ დ ა რ გ შ ი ს პ ე ც ი ა ლ დ ე ბ ო დ ნ ე ნ დ ა ა მ ის მი ხ ე დ ვ ი თ ნ ა წ ო ლ დ ე ბ ო დ ნ ე ნ. „მ ჰ ე დ ლ ე ბ შ ი“ რ კ ა ი ნ ის ა დ ა რ ვ ა ლ ის მ ჰ ე დ ე ლ ნ ი ც ი გ უ ლ ის ხ მ ე ბ ო დ ნ ე ნ, მ ა გ რ ა მ თ ა ვ დ ა პ ი რ ვ ე ლ ა დ ი ს ი ნ ი ი მ მ ა ს ა - ლ ის მ ჰ ე დ ლ ა დ ი წ ო დ ე ბ ო დ ნ ე ნ, რ ო მ ე ლ თ ა ნ ა ც მ ა თ ს ა ქ მ ე ჰ ქ ო ნ დ ა თ. „ვე რ -

ცხლით დაადგინებდეს... მჭედელს რკინისას და რვალისას“ (ნეშტთა, 11, 24<sub>12</sub>); „ხოლო მჭედელნი რკინისანი არა იპოვნეს ყოველსა შორის ქუჭყანასა ისრაელისასა“ (მეფეთა, 1, 13<sub>10</sub>). ოქრომჭედელთა ცალკე გამოყოფისა და მათთვის „ოქრომჭედლის“ სახელწოდების მიკუთვნების შემდეგ „მჭედელი“ ძირითადად რკინისა და რვალის მოქმედთა სახელად იქცა. „თეკლას მარტილობის“ ერთ ვარიანტში იკითხება: „მირაჲ ვიდოდა პაეღე იკონია ქალაქად შემოდგომად დევნულებთისა მისისა თანამოგზაურად შეუდგეს მას დემა და ერმოგინე სპილენძის მჭედელნი“ (Н. Марр, Агиогр., мат., I, გვ. 5). ხოლო ილ. აბულაძის მიერ დაბეჭდილ იმავე „მარტკლობის“ სხვა ვარიანტში დემა და ერმოგინე „სპილენძის“ მოქმედად“ და „მჭედლად“ არიან მოხსენიებულნი: „მირაჲ-ვიდოდა პაეღე იკონია ქალაქსა შემდგომად დევნულებთისა მისისა თანამოგზაურად შეუდგეს დემა და ერმოგინე სპილენძის მოქმედნი და მჭედელნი რომელნი სავეს იყვნეს. სიღრმითა მანკიერებისაჲთა“ (თეკლას მარტიელ., 91—9). მარტილობის ამავე ვარიანტის სხვა ადგილზე „სპილენძის მოქმედნი“ უბრალოდ „მჭედლებად“ იწოდებიან: „ხოლო დემა და ერმოგინე მჭედელნი იგი, რომელნი სავეს იყვნეს ზრზინებითა, თანა მიუვდეს თემეროზს“ (იქვე, 100 8—10).

მჭედელთა შორისაც იყო დასპეცილალება: ზოგი სამეურნეო დანიშნულების იარაღებს აკეთებდა, ზოგი საომარს და სხვ. მაგრამ ისინი მაინც ერთ სახელქვეშ — „მჭედელნი“ — ერთიანდებოდნენ. აღსანიშნავია, რომ „ვისრამიანში“ „ზეინკალიც“ იხსენიება: „საწუთროისა ზეინკალმან მისისა გულისაგან მტერობისა ჯანგი აღმოჰყოცა“ (გვ. 82).

„მჭედელნი რკინისა და რვალისანი“ უმთავრესად რკინისა და რვალის ნივთებს აკეთებდნენ. მჭედელთა მთავარ ნედლ მასალას „რკინა“ წარმოადგენდა. დასამუშავებელი რკინა, ე. ი. მჭედლის ნედლი მასალა „უჭედელ რკინა“-დ (ათ. კრებ., გვ. 264, № 158) იწოდებოდა. „უჭედელი რკინა“ ჰედილთან ერთად ხშირად წარმოადგენდა უშუალო გაცვლა-გამოცვლის საგანს. ნიკორწმინდის XI ს. სიგელში ნათქვამია: „მუნვე ზნაკუას კეპოას ძისგან ვიყადე ყანაჲ :ა: და მივეც კარი ერთი, რკინაჲ ლიტრაჲ რვაჲ და ქალამანი :ბ:“ (თ. უორდანი, ქრონიკები, II, გვ. 46); „ქუმელოანს ვიყიდე სგოჯაას ძისაგან ყანაჲ :ა: და მივეც რკინაჲ და მატყლი ღრამისა :ლ: საჲ (იქვე, გვ. 47). რკინა და სხვა დასამუშავებელი ლითონი საქართველოში საქმაოდ მოიპოვებოდა და დახელოვნებული ოსტატები მის გაწმენდა-დამუშავებას აწარმოებდნენ: „სარკინეთს, — წერს ვახუშტი,

— ითხრების ლითონი რკინისა და სპილენძისა, და იპოების მცირე ლაქვარდიცა“ (აღწერა, 3634-35; შდრ. იქვე, გვ. 38, 39). ასევე მისხანაში (ტაშირი), ხინწის ხევში და სხვაგან.

მჭედელნი „უჭედელ რკინას“ „ჭედელ რკინად“ აქცევდნენ, ე. ი. გარკვეული საგნის ფორმას აძლევდნენ. რადგან „ჭედა“ და „განჭედა“ „აკუერით“ ხდებოდა, „ჭედა“ ზოგჯერ „გამოკუჭრვა“-დაც იწოდებოდა: „გამოკუჭრნე მისთვის ხუთნი ხარისხნი რვალისანი“ (მოსე, II, 23ვე); „რამეთუ რკინაჲ ქყანით იქმნების და რვალი ვა ქვაჲ გამოიკუერვის“ (იობ, 28<sub>2</sub>, ოშკის ხელნ.).

რკინისა და რვალის მჭედელნი, გარდა ჩასასხმელი და ჩასადები ჭურჭლებისა (იხ. თავი 11), ჭედდნენ სამეურნეო, საომარი და სხვ. დანიშნულების საგნებს. მჭედელთა ნაწარმი მრავალმხრივი და მასიური მოხმარებისა იყო, განსაკუთრებით ისეთი საგნები, როგორიცაა სახნისი, ნამგალი და სხვ. მჭედელთა ნაწარმი ხშირად არის დასახელებული ნიკორწმინდის XI ს. სიგელში, როგორც გაცვლის ობიექტი: „ვიყიდე მიწაჲ :ა: და მისთვის მივეც კარი :ა:, საჯნისი :ა:... ვიყიდე კაჩაეთს ყანაჲ :ა: და კვევქმელს :ა: მისთვის მივეც კარი :ა: და საჯნისი :ა:“ (თ. ჟორდანი, ქრონიკები, II, გვ. 46); „ვიგვს... ვიყიდე ვენაჯი და მივეც კარი :ა: და ცხოვარი :ა: და საჯნისი :ა:... მუნვე... ვიყიდე ვენახი :ა: და მივეც კარი :ა: და საჯნისი :გ: და ქალამანი შოლტი :ა: (იქვე, გვ. 48; შდრ. იქვე, გვ. 45). ასეთივე გაცვლის საგანადაა დასახელებული „ქუაბი“ და „საქუაბე“ ნიკორწმინდის იმავე სიგელში: „ვიყიდე აგარასავე თანა ყანაჲ ოტაბოჲს ძისაგან და მივეც კარი :ა: და ქუაბი :ა: და საქუაბე :ა:“ (იქვე, გვ. 47). მჭედელთა ნაწარმი იყო აგრეთვე „მანგლები“ (ბაგრატი ტავრომინ., გვ. 80) ანუ ნამგლები, „ცული“, „წერაქვი“ და სხვა მისთანანი, რომელნიც ყოველი დარგის მუშაკთათვის პირველი მოთხოვნილების საგნებს წარმოადგენდნენ.

მჭედელნი ნალეზსაც ჭედავდნენ. შესაძლებელია სხვადასხვა სახის ნალის მჭედლები და ცხოველთა დამჭედავნი ცალკე ხელოსან-მჭედლები ყოფილიყვნენ. „ცხენის ჭედა“ ძველად აუცილებელ საქმედ იყო მიჩნეული. „უჭედელი ცხენით“ ომში წასვლა უსაჭურველოდ წასვლას უდრის: „წარვიდეს ომითა უსაჭურლონი... უჭედელითა ცხენითა“ — ამბობს ჟამთაღმწერელი (მ. დედ. ქ. ცხ<sup>2</sup>ბა, 561<sub>15</sub>—<sub>18</sub>; შდრ. იქვე, 562<sub>4</sub>). ხელნაწერის ერთ მინაწერში „ნალი“-ც იხსენიება: „დავითას მიხამარე (sie) ოთხი ყურუში ოცდა ექვსი ჭედა ნალი, მომებარა ხუთი მარჩილი“ (Джанашвили, Опис., III., გვ. 23).

საომარი იარაღების ჭედა მჭედლებს ალბათ დიდ შემოსავალს აძლევდა. ვახუშტის სიტყვით, ქართველთა „საომარნი საჭურველნი

აქუნდათ: ჯავშანი, ხვაფთანი, პოლიტიკონი, საბარკულნი, მუზარადნი, ჩაბალახნი, კმალნი, ლახტნი, ჩუგლუგნი, გურზნი, ოროლნი, შუბნი, ხიშტნი, შვილდ-ისარნი, არამედ ისარი ბოძალი დიდთა ნადირთათჳს, ქეიბური მკეცთათჳს, სარჩა და ქიბორჯი წვრილთა ნადირთათჳს, და სამუდამოთ აქუნდათ; კაპარკის ისარი, რომელ არს საყალნო, ომსა — ბრძოლასა შინა “(აღწერა, 1436-40, 151-2). აქ დასახელებულ საომარ და სანადირო საჭურველთა დიდ უმრავლესობას მკვდლები აკეთებდნენ.

საომარი იარაღი, რომელსაც ძველად „აბჯარი“ ეწოდებოდა, მრავალნაირი იყო. ტანზე, როგორც ჩანს, „თეთრი“ ანუ „ჯაჭვი“ ემოსათ: „ჯაჭვი, ხრმალი, მუზარადი, საბარკული, მათი გვანი“ (ვეფხისტყაოსანი, 1369ჟ). „ჯაჭვი ქაფითურთ“ ნიკორწმინდის სიგელშია მოხსენიებული და იგი გაცვლის საგნადაა იქ წარმოდგენილი: „მეტეხარას (sic) დებორიანის ძისაგან ვიყიდე გლეხი :ა: და მისთჳს მივეც ძულოა ახალი ერთი და შემდეგ ძულოა :ა:, ტაბასტაჲ სომხური :ბ: ჯაჭჳ :ა:... და ქაფი ჯაჭჳსა“ (ქრონიკები, II, გვ. 45).

მეომრებს თავზე რკინისაგან ან ბასრისაგან (ფოლადი) ნაკეთები „მუზარადი“ ეხურათ: „ჯაჭვ-მუზარადი, აღმასი, ხრმალი ბასრისა, მკრელიო“ (ვეფხისტყაოსანი 2368ჟ). თავდასარქმელი სხვადასხვაგვარი იყო. ერთ მათგანს „ჩაფხუტი“ (მეფეთა, 1, 17ს) ეწოდებოდა, ხოლო „თხემსა ზედა „დასარქმელს „პოლიტიკი“ ერქვა თურმე. თავსახურავი კი „ლიტონი ჯაჭვით“ ნაკეთები, „ჩაბალახად“ იწოდებოდა. ნიკორწმინდის სიგელში „გუდამაყრული ჩაბალახნი“ (ქრონიკები, II, 45) იხსენიება, წვივთა საფარველად ე. წ. „საბარკული“ (ვეფხისტყაოსანი, გვ. 1019) იჭედებოდა. „ხელმწიფის კარის ვარიგებაში“ შემდეგი საომარი იარაღებია ჩამოთვლილი: „ჯაჭვი, მუზარადი, ხმალი, ქაფა, საბარკული, შვილდ-კაპანჭი, ლახტი, შუბი, სრულიად ყოველივე უნაგირი მოჭედილი და ხამი... და საცხენე ჯავშანი“ (ჯ. კ. გარ., 9197-200). ამრიგად, „ჯავშანი“ ანუ „ჯაჭვი“ არა მარტო ადამიანებისათვის იჭედებოდა, არამედ ცხენთათვისაც (შდრ. „ცხენი თორასანი“). თუ საომარი ტანსაცმელი ფოლადისა და რკინისაგან კეთდებოდა, ცხადია, „ხრმალი“ ანუ „ხმალი“, „პოროლნი“, „შუბნი“ და სხვა საბრძოლონი საუკეთესო ფოლადისაგან იქნებოდა ნაკეთი.

## § 2. ო მ რ ო მ ზ ე დ ე ლ ნ ი

„შემდეგი პროფესია, — ვერდა ა. კრემერი, — რომელიც უპირატესობით სარგებლობდა ქრისტიანებსა და ებრაელებს შორის, უფ-

რო გვიან მუჰამედელებს შორის, იყო ოქრომჰედლობა და იუველი-რობა“<sup>1</sup>. ოქრომჰედლობა ქრისტიანული კულტურის შექმნაში აქტიუ-რად მონაწილე ქართველებშიაც ხელოსნობის საკმაოდ დაწინაურე-ბულ დარგს წარმოადგენდა. ქართული ოქრომჰედლობის ძეგლები, რომელნიც თავისი სიმშვენიერით არაფრით ჩამოუვარდებიან ბიზან-ტიურს, უმთავრესად ქართული ჰედური ხელოვნების ისტორიის სა-განს შეადგენს. ლევენ ოქრომჰედლობაზე შევჩერდებით, როგორც ხელოსნობის გარკვეულ დარგზე.

ის ხელოსანი მჰედელი, რომელიც უმთავრესად ოქროსა და ვერ-ცხლის ნივთებს აკეთებდა და საერთოდ ამ მასალასთან ჰქონდა საქ-მე, „ოქრომჰედლად“ იწოდებოდა. „ოქრომჰედელი“ ხშირად იხსენ-იება „დაბადების“ ქართულ თარგმანში (ესაია, გვ. 39, 19; შდრ. ბარუქი, გვ. 6, 44) და სხვა ნათარგმნ ძეგლებშიც. იგი ქართულ ეპიგ-რაფიკულ ძეგლებშიც გვხვდება (იხ. Е. Т а к а й ш в и л и, Арх. экск., I, გვ. 72; Brosset, Voyage, ნაკვ. 2, გვ. X, შენიშ. 50, 60).

„ოქრომჰედელი“ ზოგჯერ „ოქრომჰემედად“ და ზოგჯერ კი „ოქრომქანდაკებლად“ იწოდებოდა. „სოლომონის სიბრძნეში“ ნათ-ქვამია: „ემურების ოქროს მოქმედთა და ვერცხლის მდნობელთა და რვალის მჰედელთა ებარვის, დადებად ჰგონებს, რამეთუ ჯელოვნებით იქმს“ (გვ. 15, 9). ოქრომჰედელი ბექა ოპიზარი ერთ მინაწერში „ოქრომქანდაკებლად“ იწოდება: „სიმდიდრე და სამკაული საყდრისა ხრწნილებასა დაენტჳა... და კუალად შეკნინებულ იყო, ესრეთ, რომ ვიკადრე სახარებისა ამის მოსყიდვა წმიდით უდაბნოთ წყაროსთავით და შემსგავსებულად ძალისა ჩემისა მოვაჰქედინე ღვ<sup>1</sup>ისა მიერ კურთხე-ულს ღირსს ოქროსქანდაკებელსა ბექასა“ (თ. ჟორდანია, ქრონიკე ბი, I, გვ. 293; E. Такайшвили, Арх. экск., III, გვ. 37). სხვა მინა-წერებში და ხატებზე შესრულებულ წარწერებში კი ბექა, როგორც ცნობილია, ოქრომჰედლად იხსენიება. „ოქრომჰედელი“ მოხსენი-ებულია „ვეფხისტყაოსანშიც“: „სამხრე გაბია ოქროსა, ოქრომ-ჰედლისა დნობილი“ (898<sub>1</sub>).

ოქრომჰედელნი არა მარტო ოქროს ნივთებს აკეთებდნენ, არა-მედ ვერცხლისასაც და ძვირფას ქვებსაც ამუშავებდნენ. აღსანიშნა-ვია, რომ ზოგ წყაროში (არა ქართულში) „ვერცხლის მჰედელი“ ცალკეა მოხსენიებული. X ს. ერთ კრებულში მოთავსებულია „ცხ<sup>1</sup>-ბა წმ. ანდრონიკე ვერცხლის მჰედლისა“. „ცხოვრების“ დასაწყისი ამგვარად იკითხება: „იყო ვინმე ვერცხლის მჰედელი ანტიოქიას დიდსა ქალაქსა ჰაბუჯი სახელით ანდრონიკე“ (Жордания, Опис.

<sup>1</sup> A. K r e m e r, Culturgeschichte des Orients, II, с. 185—186.



I, გვ. 113). აქ ვერცხლის მკედელი ხელოსნის მოღაწეობაზეა ლაპარაკი. ქართული წყაროებით არ დასტურდება, რომ „ვერცხლის მკედელი“ ხელოსნები ცალკე ყოფილიყვნენ.

თამარის ისტორიკოსი მოგვითხრობს: იყო „სიმრავლენი სახეობათაგანი, ძღუენობანი და ნიკებანი თვალთანი და მარგალიტთანი, ოქროთა ჰედლითა და უჰედელთანი, სიმდიდრეთა და ლართა კერულთა და უკერულთანი“ (ისტ. და აზმანი, 821-4). „უჰედელ და ჰედლი“ ოქროსა სიმრავლით განთქმულ საქართველოში ოქრომკედლობა რომ დაწინაურებული ყოფილიყო, არაა გასაკვირი.

ოქრომკედლის მიერ დასამუშავებელ ძირითად მასალას „უჰედელი ოქრო“ ანუ „ქვა ოქრო“ წარმოადგენდა. „ქვა ოქრო“ ჰქონდის — ნათქვამია „თამარიანში“ (VI ა 84). ამგვარსავე მასალას „ზოდი ოქროსა“ წარმოადგენდა. იგი „აბდულმესიაში“ იხსენიება:

„ბევრად ძეს გორი, ერთა საგორი.

ზოდი ოქროსა მისგან თლილისა“ (44,3 1-2).

ოქრომკედლები „ქვა ოქროსაგან“ და „ოქროს ზოდთაგან“, გარდა სხვადასხვა სახის ჭურჭლებისა, მრავალნაირ სამკაულს აკეთებდნენ. ოქროსაგან ოქრომკედელთა მიერ იკედებოდა „საყურეები ოქროსაჲ“, ხელთ შესასხმელი „სალტენი ოქროისანი“ (მოსე, I, 2422), „ბეჰედი“ და სხვა მისთანანი, ზოგადად რომ ვთქვათ, „ოქროისა სამკაულნი“ (ათ. კრებ., გვ. 209). თუ ოქროსაგან არა, ვერცხლისაგან მაინც აბჯარიც უჰედლიათ; „ქელმწიფის კარის გარიგებაში“ ნათქვამია: „ერთსა სეფესა ჯაჭვი აცვია უთეთრესი“ (231-32); „გიორგი მეფეს, თამარის მამას, თვით ვერცხლისა შეუქმნია სალმასურისა სახესა ზედა და მას ჩაიციმიდენ“ (იქვე). როგორც ჩანს, გიორგი III-ს ჩრდ. სპარსეთის ვერცხლისა და ოქროს წარმოებით განთქმულ ქალაქ სალმასურში დამზადებული ჯაჭვის მსგავსი „შეუქმნია თვთ ვერცხლისა“. აღსანიშნავია, რომ XIV საუკუნეშიც „ჯაჭვი აცვიათ უთეთრესი“. სალმასურიულის მიბაძვით ნაკეთები ჯაჭვი, როგორც ჩანს, დიდ განძად ყოფილა მიჩნეული. უამთაღმწერელი, როცა მოგვითხრობს სამეფო განძეულობის ორ დავითს (მორის (დავით რუსუდანის ძე და დავით გიორგის ძე) გაყოფაზე, წერს: „ხოლო ჯაჭვი იგი სახელდებული სალმასური და თვალი იგი პატივემული გურდემლი და მარგალიტი იგი დიდი, რომლისა სწორი არავის სადა უხილავს, ესე სამივე რუსუდანის ძესა დავითს“ (მ. დედ. ქ. ც<sup>1</sup>ნბა, 677<sup>14-17</sup>).

ოქრომკედლები საეკლესიო ცერემონიალის შესასრულებელ ნივთებსაც ამზადებდნენ: აწარმოებდნენ ხატების, ჯვრებისა და სამსახურე-

ბელი წიგნების მოქედვას. ოქროთი მოქედვა ოქრომჭედელთა საქმე იყო. ოქრომჭედელნი უმთავრესად დაკვეთით მომუშავე ხელოსნები იყვნენ და ამიტომ სათანადო „ნიეთის ბოძების“ შემდეგ ასრულებდნენ დამკვეთის დავალებებს. როგორც იოანე ანჩელის ერთი წარწერიდან ჩანს, მას თამარ მეფისაგან მიუღია მოსაჭედი ნიეთი და ამის შემდეგ მოიჭედა „ხატი საშინელი“ „კელითა ბექასათა“: „ბრძანებითა და ნიეთის ბოძებითა ღმრთივ გვირგვინოსნისა დედოფალთ დედოფლისა თამარისათა მე იოანე ანჩელმან რკინელმან კელეყავ საშინელისა ამის ხატისა პატივით მოქედად... მოიჭედა კელითა ბექასათა“ (Brosset, Voyage, 2, V, გვ. 29—30; თ. უორდანი, ქრონიკები, I, გვ. 293—294; შ. ამირანაშვილი, ბექა ოპიზარი, გვ. 8). თუ მომჭედი თვით გაიღებდა მოსაჭედად საჭირო ოქრო-ვერცხლს, მაშინ კიდევაც მიუთითებდა წარწერაში: „მოიჭედა ხატი ესე... ჩემითა ოქროთა და ვერცხლითა კელითა ამონა ოქრომჭედლისათა“ (Матер. по арх., X, გვ. 36).

ოქრომჭედელნი, გარდა ხატთა მოქედვისა, მის შემკობასა და კაზმვას აწარმოებდნენ. ბექა ოპიზარი ერთ მინაწერში როგორც მომჭედლად, ასევე შემამკობლად იხსენიება: „და შემსგავსებულად ძალისა ჩემისა მოვაჭედინე ღისა მიერ კხულს, ღირსსა ოქროსს მქანდაკებელსა ბექასა... ამას წინათ ხატი ღისა განკაცებისაჲ კელეყავ და შეევა მკვე მისივე ბექას კელითა“ (E. Такайшвили, Арх. экск., III, გვ. 37). მოქედვა სხვადასხვაგვარი იყო. ზოგი ხატი უბრალოდ მოიჭედებოდა, ზოგი კი „მძიმედ“. მაგ., ქაიხოსრო ათაბაგის (X V ს.) მიერ ათონის ივერთა მონასტერში გაგზავნილმა ამბროსიმ „მოჭედა ხატი მძიმედ“ (ათ. კრებ., 267 № 163). მოჭედვა შემკობისაგან განირჩეოდა. თუ მოჭედვა ოქრო-ვერცხლით მოჭედვას გულისხმობდა, შემკობა თვალ-მარგალიტით შემკობას ნიშნავდა. მელქისედევ კათალიკოსის სიგელში ნათქვამია: „ხატი ესე დიდი მაცხოვრისაჲ სართითთა და გარემემო თუალითა შემკობილი...“ „ხატნი ოქროთა და ვერცხლითა შეჭედილნი“, „ხატნი... სართითთა და ოქროფორტილითა დაწერილნი“ შევსწირეო (ნ. ბერძენიშვილი, მცხეთის საბუთი, გვ. 289). ხატი ღროთა განმავლობაში რამდენჯერმე შეიმკობოდა. წალენჯიხის ეკლესიის ჯვარცმის ხატი, როგორც მისი წარწერებიდან ჩანს, პირველად მანდატურთუხუცესს დადიან ბედიანს შეუშკია, „მეორედ მკობი“ ყოფილა ძე მისი დადიანი გიორგი, ხოლო მესამედ—შერგილ დადიანი და მისი მეუღლე ნათელა (იხ. ე. თაყაიშვილი, არხ. მოგზ. სამეგრელოში, გვ. 227). შემდეგ კი ალბათ სხვა შემამკობელი გამოუჩნდებოდა ჯვარცმის ხატს.

ოქრომჭედელნი წიგნებსაც კაზმავდნენ ხოლმე. ათონის ალა-

პებში „მოქედლილი სახარებაჲ“ იხსენიება (ათ. კრებ., 221 № 22). წყაროსთავის ოთხთავი კი, როგორც მასზე მინაწერიდან ჩანს, ბექა ობიზარს მოუქედავს. მელქისედეკ კათალიკოსის სიგელში იკითხება: „სათანაოა ოთხთავი სახარებაჲ :ა: — გარე თუალითა და მარგალიტითა შემკობილი, და მოწამეთა წიგნი... გარე ვერცხლითა შეკაზმულნი, დილოკილომთა ვერცხლისაჲთა“ (ნ. ბერძენიშვილი, მცხეთის საბუთი, გვ. 289).

ოქრომქედელნი, გარდა ოქროსა და ვერცხლის ნივთებისა, „ოქროცურვებულ“ და ოქროს „ცვრით“ შემკობილ ნივთებსაც აკეთებდნენ. ოქროს და ვერცხლის „ცვრით“ ამა თუ იმ საგნის მკობას „მოცვარვა“ ეწოდებოდა. ნიკორწმინდის XI ს. სიგელში ნათქვამია: „იადგარი... ყოვლითავე სისრულით შევმოსე და მოვცუარე“ (ქრონიკები, II, გვ. 49). „მოცვარვის“ მაგივრად „ცუართა ამოქედაც“ იხმარებოდა: „ხუცეს-დიაკონთა კურთხევანი, გარე ოქროს ხატითა და ცუართა მოქედლინი“, მოხსენიებულია მელქისედეკ კათალიკოსის სიგელში (ნ. ბერძენიშვილი, მცხეთის საბუთი, გვ. 289). მოქედლინი ცუართა იგივე მოცვარული იყო: „სააღაპონი ვერცხლითა მოქედლინი :ა: და მ ა ტ ი ა ნ ე ნ ი... ვერცხლითა მოცუარულნი“ (იქვე, გვ. 290). „მოცვარვის“ გვერდით და მისგან განსხვავებით „ოქროცურვებაც“ იხსენიება. ოქროცურვება სულ სხვანაირად ხდებოდა, ვიდრე ოქროს ცვრით მკობა. როგორც „მოცვარვას“, ასევე „ცურვებას“ აწარმოებდნენ არა მარტო ოქროს, არამედ ვერცხლის წყლითაც. მელქისედეკ კათალიკოსის სიგელით არის „საწიგნენი ოქრომთა და ვერცხლითა ცურვებულნი“ და „საკელაპტრენი ვერცხლითა ცურვებულნი“ (იქვე, გვ. 290). ვერცხლის ნივთები მოიცვარებოდა და იცურვებოდა ოქროს წყლით. „სხუაჲ ხატი... ვერცხლისაჲ, ოქრომთა ცურვებული“ მოხსენიებულია მელქისედეკ კათალიკოსის სიგელში (იქვე, გვ. 289). ოქროცურვებული ნივთი არაერთია დასახელებული აგრეთვე „იოანე და ეკვთ. ცხბაში“ (იხ. ათ. კრებ., გვ. 17; საბინინი, გვ. 409).

ოქრომქედელი ყოველთვის ერისკაცი როდი იყო. ისე როგორც აღმშენებლობაში, ოქრომქედლობაშიც ზოგი სასულიერო პირი საქმალად გაწაფული იყო ამ ხელობაში. ერთი ხელნაწერის XVI ს. ხელით შესრულებულ მინაწერში, თაყაიშვილის ცნობით, იკითხება: „ღო შე ფდ ცოდვილი იე მონაზონი ოქროს მქედელი ან“ (ე. თაყაიშვილი, არხ. მოგზ. სამეგრელოში, გვ. 189). მარტვილის ტაძრის ჭვარი (იხ. ე. თაყაიშვილი, არხ. მოგზ., II, გვ. 65, 66) შესრულებული ყოფილა, მასზე გაკეთებულ წარწერის თანახმად, ბაგრატ IV-ს

დროს, „კელითა ივანე დიაკონისაჲთა“ (შ. ამირანაშვილი, ბეჟა ოპიზარი, გვ. 27).

ოქრომჭედელთა ხელფასის შესახებაც შეგვიძლია ორიოდ სიტყვა ვთქვათ. როგორც აღვნიშნეთ, ოქრომჭედელნი უმთავრესად დაკვეთით მომუშავენი იყვნენ, რამდენადაც ოქრო-ვერცხლის ნივთები არც ისე მასიური მოხმარებისა იქნებოდა. შემკვეთი უმრავლეს შემთხვევაში თვით აძლევდა ოქრომჭედელს საჭირო ოქროს თუ ვერცხლს ამა თუ იმ საგნის გასაკეთებლად და მოსაჭედად და აგრეთვე — საჭირო ხელფასსაც (ე. ი. ოქრომჭედელი გასამრჯელოს მხოლოდ მის მიერ შესრულებული სამუშაოს მიხედვით იღებდა). ამ მხრივ მნიშვნელოვან მასალას გვაწვდის წყაროსთავის სახარების მინაწერი, სადაც ვკითხულობთ: „ამას ოთხთავსა ზედა არს ორასი დრამისა ვერცხლი და ოცი დრამისა ოქროჲ, თვლები და მარგალიტები და ოქრომჭედლისა კელფასი :კგ:“ (შ. ამირანაშვილი, ბეჟა ოპიზარი, გვ. 7). ამრიგად, ოთხთავის მოჭედვაში, მოცვარვაში და თვალ-მარგალიტებით შემკობაში სულ დახარჯულა: ვერცხლი ორასი დრამისა, ოქრო და თვალმარგალიტი ოცი დრამისა; ოქრომჭედლის ხელფასი კი ოთხთავის მოჭედვისათვის 23 დრამა ყოფილა. როგორც ჩანს, ხელფასში არ შედის დახარჯული მასალის ღირებულება. ხელფასში რომ მასალის ღირებულებაც შესულიყო, მაშინ ბეჟა ოპიზარს ერგებოდა არა 23, არამედ 243 დრამა. მოჭედვა ერთი ოთხთავისა საშუალოდ 243 დრამა ღირებულა, ხოლო „მძიმედ მოჭედვა“, როცა უფრო მეტი ოქრო და ძვირფასი ქვები იყო დახარჯული, გაცილებით მეტი ჯდებოდა და ოქრომჭედელიც მეტ ხელფასს იღებდა.

საქართველოში არაერთი მნიშვნელოვანი ცენტრი არსებობდა ოქრომჭედლობისა, რომელნიც თავიანთი ნაწარმით საკმაოდ სახელმწიფევილნი იყვნენ. ხელოვნების ისტორიკოსები უმთავრესად სამ სკოლას არჩევენ: „XII ს. ქართული ხელოვნება ოქრომჭედლობის დარგში არ განისაზღვრებოდა ოპიზისა და ტბეთის სკოლებით: ჩვენში არსებობდა მესამე სკოლაც, რომელიც წმინდა დეკორატიულ მიზანს ისახავდა და რომლის ცენტრი გელათის მონასტერი იყო“<sup>2</sup>, სადაც მოიჭედა ცნობილი ხახულის ხატი. ქართველ ოქრომჭედელთა ნაწარმოებნი (X—XIII სს.), ქართული ხელოვნების ისტორიკოსების აზრით, ბიზანტიის ხელოსნობის ნივთებს არაფრით ჩამოუვარდებოდნენ და ზოგიერთი მათგანი მსოფლიო ხელოვნების საგანძურშიც მნიშვნელოვან ადგილს იჭერს. აკად. გ. ჩუბინაშვილი თავის

<sup>2</sup> შ. ამირანაშვილი, ბეჟა ოპიზარი, გვ. 38—39.

დროზე წერდა: „მსოფლიო ხელოვნების კონექსშიაც იშხნისა და მარტვილის ჯვრები დაიჭერენ სრულიად განსაკუთრებულ და საკმაოდ თვალსაჩინო ადგილს, როგორც სხვა მრავალი ძველი ქართული ქედვითი ხელოსნობისა“<sup>3</sup>.

### § 3. ძვირფასი თვალთა დაფუძავება

ხელოსნობის ამ დარგისათვის ძველ საქართველოში ცალკე სახელი არ უნდა არსებებულიყო. ამ დარგის აღმნიშვნელი ტერმინის არარსებობა შეიძლება იმაზე მიგვითითებდეს, რომ ამგვარი ხელობა დამოუკიდებლად არც კი იყო. მაგრამ, რომ ძვირფას თვალთა დაფუძავება წარმოებდა და ის მკედლის, კერძოდ ოქრომკედლის, „ქელს“ წარმოადგენდა, ამას „სრპ. ზარზმელის ცხოვრების“ ერთი ადგილიც ადასტურებს: „გონიერად ისმინე, მთავარო, იგავი ესე, რამეთუ მარგალიტნი და თუალნი პატიოსანნი, მიმოგაბნეულ რა იყვნენ თანაალრევით მიწისა, არა ესრეთ ბრწყინებენ წინაშე თვალებსა ხილვის მოყუარეთასა, ვითარ იგი რაჟამს გამოიჭურვნენ და განწმდენ და ოქროთხულებით შეიწყვნენ კეთილთა მიერ მკედელთა“ (სრპ.. ცხბა, 157<sup>22-26</sup>). ამრიგად, „მარგალიტთა“ და საერთოდ „თვალთა პატიოსანთა“ გაწმენდა, გამოხურვება, ოქროთხულებით შეწყობა, როგორც ჩანს, მკედლის საქმეს წარმოადგენდა. ცხადია, ამ შემთხვევაში ფაქიზი სამუშაოს შემსრულებელი ოქრომკედელი იგულისხმება და არა მკედელი რვალისა და რკინისა.

საერთოდ, რომ ძვირფას თვალთა კეთება ოქრომკედლების საქმეს წარმოადგენდა, ამას ბიზანტიაში კანონის სახით გაფორმებული წესიც ადასტურებს. ედიქტი (რომელიც თ. უსპენსკის აზრით X ს-ისაა და ნიკიფორე ფოკას ეკუთვნის) მტკიცედაა განსაზღვრული, რომ ვერცხლის მოქმედთ შეუძლიათ ივაჭრონ „ოქროთი, ვერცხლით და ძვირფასი ქვებით; მათ ეკრძალებათ აწარმოონ ვაჭრობა სპილენძის ნაწარმით და სელის ქსოვილებით“<sup>4</sup>. ამავე ედიქტით, გარდა ოქრომკედლებისა და ვერცხლის მკედლებისა, სხვებს ეკრძალებოდათ ვაჭრობა როგორც ოქროსა და ვერცხლის ნივთებით, ასევე ძვირფასი ქვებით. ოქროსა და ვერცხლის მკედლები ვალდებულნი იყვნენ კანონის დარღვევის შემთხვევა ეცნობებიათ ქალაქის ეპარხისათვის<sup>5</sup>.

<sup>3</sup> გ. ჩუბინაშვილი, 973 წ. ჯვარი იშხანიდან, საქ. მუზეუმის მოამბე, VI, გვ. 312.

<sup>4</sup> Ф. Успенский, Ист. Визант, имп., I, გვ. 246.

<sup>5</sup> იქვე.

ძვირფასი ქვები უძველესი დროიდან იყო ცნობილი საქართველოში. ჭერ კიდევ ხანმეტურ ძეგლებში გვხვდება მათზე მითითება. ერთ-ერთ პალიმფსესტში ვკითხულობთ: „ნუ მიხცემთ სიწმინდესა ძალთა, ნუცა დახუდებთ მარგალიტსა თქუენსა წინაშე ღორთა“ (ივ. ჯავახიშვილი, ახლად აღმოჩ. უძვე. ქართ. ხელნაწ., გვ. 376). „სრპ. ზარზმელის ცხოვრებაში“ კი, როგორც ზემომოყვანილი ამონაწერიდან ჩანს, იხსენიება „მარგალიტნი“ და ზოგადად „თუალნი პატიოსანნი“. იქვე სხვა ადგილას „ლალიც“ არის ნახსენები (სრპ. ცნება, 160<sub>2</sub>4). „თუალნი“ და „მარგალიტი“ მეღქმისედეკ კათალიკოსის სიგელშიც იხსენიება რამდენიმეჯერ, ასევე „აბდულმესიაში“ — „რიყე თვალისა წინ ნათალისა“ (43, 21-2). იქვე ნათქვამია: „ბადახშით ჳელყვეს შექმნულობანი“ (39, 4<sub>3-4</sub>). „ვისრამიანში“ ძვირფას თვალთა შორის ნახსენებია მარგალიტი, იაგუნდი, წითელი იაგუნდი, ბროლი, ფეროზი, სათი და ალმასი. ხოლო „ამირანდარეჯანიანში“, როგორც ვნახეთ, თვალთაგან თლილი სასმისი ჭურჭლებიცაა დასახელებული.

როგორც ირკვევა, „თუალნი პატიოსანნი“ ანუ „თუალნი“ ძველ ქართულში ძვირფას ქვათა ზოგად სახელს წარმოადგენდა. „ვისრამიანში“ ვკითხულობთ: „ჰე, საწუთრო მუხთალო, მომპარეა ჩემი თუალი პატიოსანი. შენცა ჩემებრ გიყუარდა იგი თუალი და მისთუის მომპარე“ (გვ. 153). „თვალი“ ნახმარია „ვეფხისტყაოსანშიც“:

„სამი ათასი აჰკიდეს მარგალიტი და თვალები,  
თვალი ყველაი დათილი, იაგუნდი და ლალები“ (1426<sub>2-3</sub>).

ან კიდევ: უძღვნა ფარლული „მრგვალად დათილისა თვალისა“ (1466<sub>2</sub>). აქვე შევნიშნავთ, რომ ძველი ქართული, როგორც ჩანს, არჩევდა ერთმანეთისაგან მინერალურ თვლებს და თვლებს, ცხოველთა და მცენარეულთაგან მიღებულს. მაგ., ალმასს არჩევდნენ მარგალიტისაგან. მარგალიტი, გიშერი, სათი, ქარვა და სხვ., მართალია, არ იყო მინერალები, მაგრამ ისინი მაინც ძვირფას ნივთებად ითვლებოდნენ და მეტ-ნაკლები მნიშვნელობით მათ გვერდით იხსენიებიან. ბასილ ზარზმელი ამ განსხვავებას ალბათ ხედავდა, როცა წერდა: „მარგალიტნი და თუალნი პატიოსანნი“-ო. ასევე წერს რუსთაველიც: „სამი ათასი აჰკიდეს მარგალიტი და თვალები“ (1426<sub>2</sub>). მიუხედავად ამ სხვაობის დანახვისა, ისინი (მარგალიტი, გიშერი, სათი და სხვ). უფრო ხშირად „პატიოსან თვლებში“ იგულისხმებოდნენ.

„ვეფხისტყაოსანი“ ძვირფას თვალთა დამუშავების შესწავლისათვის მრავალმხრივ მასალას გვაწვდის. პროფ. ნ. ქოიავას მიხედ-

ვით, „ვეფხისტყაოსანში“ გვხვდება სულ 17 სახელწოდება ძვირფასი ქვებისა, ესენია: „ალმასი, ამარტა, აყიყი, ბადახში (ანუ ბალახში), ბროლი, გიშერი, ზურმუხტი, წითელი იაგუნდი, ყვითელი იაგუნდა, ლალი, ლაქვარდი, მარგალიტი, სათი, ფაზარი, ფეროზი (ფირუზი), ქარვა, ძოწი“<sup>6</sup>. მასვე აქვს ნაჩვენები ის სტროფები, სადაც ზემოხსენებული ქვებია დასახელებული<sup>7</sup>, და ამიტომ ჩვენ ამჟამად მათ შესახებ ცალ-ცალკე ამონაწერებს არ მოვიყვანთ. ნ. ქოიავას მიერ დადგენილია აგრეთვე, თუ რა სახელწოდება რომელ ქვას გულისხმობდა<sup>8</sup>. ამდენად, ამ საკითხზე შეჩერებაც ზედმეტად მიგვაჩნია.

ძვირფასი ქვების მრავლად მოხსენიება ძველ ქართულ წერილობით ძეგლებში გვაფიქრებინებს მის ფართოდ გავრცელებას და მცემოქცევასი არსებობას როგორც მთელს აღმოსავლეთში, ასევე საქართველოშიც. ძვირფასი ქვებით ფართოდ სარგებლობა საქართველოში მათი დამუშავების შესაძლებლობასა და დამუშავებულ ხელოსანთა არსებობაზე მიგვიითხებს.

ი. სვიატსკის აზრით, „XIII ან XIV საუკუნემდე ძვირფას ქვებს სამკაულად იყენებდნენ მათი ბუნებრივი სახით, როგორც ისინი გვხვდება ბუნებაში. გვაქვს საფუძველი ვიფიქროთ, რომ ლალს, საფირონს, ზურმუხტსა და სხვა ფერად ქვებს სთლიდნენ XIII ან XIV ს-ში, ხოლო გათლა ალმასისა, როგორც ყველაზე მაგარი ქვისა, XV საუკუნემდე ალბათ არ წარმოებდა. ჩვეულებრივ ფიქრობენ, რომ იუველირი ლუდვიკ ბერკენი (1465 წ.) პირველი იყო, რომელმაც მიაქცია ყურადღება იმ გარემოებას, რომ გათლა საგრძნობლად აღიღებს შუქის თამაშს ალმასში“<sup>9</sup>. ამავე აზრისა იყო პილიაევიც ალმასისა და საერთოდ თვალთა დამუშავების შესახებ<sup>10</sup>. სამართლიანად შენიშნავს ნ. ქოიავა, რომ „ვეფხისტყაოსანი“ ზემოდასახელებულ მეცნიერთა მოსაზრებების წინააღმდეგ ლაპარაკობს, რამდენადაც XII ს. გათლილ პატიოსან ქვებზე გვაქვს საუბარი. ძველი ქართული წერილობითი ძეგლები ამ მხრივ უფრო მეტ მასალას გვაძლევენ და დანამდვილებით შეიძლება ითქვას, რომ უკვე X ს. ამ ძვირფას თვალთა გაწმენდა-გათლა წარმოებდა. „სრპ. ზარზმელის ცხოვრებიდან“ ვგებულობთ, რომ უკვე X ს. იცოდნენ ის, რაც ზემომოყვანილ მოსაზრებათა მიხედვით პირველად მხოლოდ XIV ს. შენიშნეს, კერძოდ — გათლის მნიშვნელობა ალმასისა და:

<sup>6</sup> ნ. ქოიავა, ძვირფასი ქვები, გვ. 58.

<sup>7</sup> იქვე, გვ. 87.

<sup>8</sup> იქვე, გვ. 59—73.

<sup>9</sup> ციტირებულია ნ. ქოიავას წერილის მიხედვით, იხ. იქვე, გვ. 76.

<sup>10</sup> იქვე, გვ. 17.

საერთოდ ძვირფას თვალათვის. ბასილ ზარზმელის სიტყვით, „თუ-  
 ალნი პატროსანნი“ და „მარგალიტნი“ „მომოგაბნეულ რა იყვნენ თანა-  
 აღრევით მიწისა, არა ესრეთ ბრწყინვენ წინაშე თვალებსა ხილვის-  
 მოყუარეთასა, ვითარ იგი, რაჟამს გამოიჯურვნენ და განწმედნენ და  
 ოქროთხზულებით შეიწყვენენ კეთილთა მიერ მკედელთა: მაშინლა გა-  
 მოყნდეს ბრწყინვალებაჲ მათი და იქოს მუშაკი და შუენიერებაჲ მათი“.  
 (ს<sup>რ</sup>პ. ც<sup>ხ</sup>ბა, 157<sup>ა</sup><sub>23-28</sub>). ამ მნიშვნელოვანი ამონაწერიდან ნათ-  
 ლად ჩანს, რომ საქართველოში, არათუ რუსთაველის დროს, რო-  
 გორც ნ. ქოიავა ფიქრობდა, არამედ უფრო აღრეც, X ს. კარგად  
 იცოდნენ, რომ მარგალიტისა და საერთოდ ძვირფას თვალთა მშვე-  
 ნიერება და მიმზიდველობა ბუნებრივი სახით ისეთი არაა, როგორც  
 მათი დამუშავების შემდეგ, და როცა მათ ხელოსნის, მკედლის ხელი  
 შეეხება, მხოლოდ მაშინ გამოჩნდება „ბრწყინვალებაჲ მათი“. ამ  
 ამონაწერიდან ჩანს აგრეთვე ძვირფას თვალთა დამუშავების საფე-  
 ხურებიც. ბასილ ზარზმელის სიტყვით, დამუშავება შეიცავდა „გა-  
 მოკურვებას“, „გაწმენდას“ და „ოქროთხზულებით შეწყობას“. მარ-  
 თალია, აქ გათლაზე პირდაპირ არაფერია ნათქვამი, მაგრამ ტექსტის  
 შინაარსიდან ჩანს, რომ ამგვარი დამუშავება გათლის მომენტსაც  
 შეიცავდა, რადგან მის გარეშე მაინც არ გამოჩნდებოდა „ბრწყინ-  
 ვალებაჲ მათი“. ძვირფასი ქვების გათლა რომ X—XI სს. საქართვე-  
 ლოში ცნობილი იყო და რომ იგი XII ს. უკვე ჩვეულებრივ საქმეს  
 წარმოადგენდა, ამაზე „ვეფხისტყაოსანიც“ მიგვითითებს, სადაც  
 თლილი ძვირფასი ქვები არაერთგან არის ნახსენები: „ბროლ-ბადახ-  
 შისა თლილისა, მით მიჯრით მიწყობილისა“ (ვეფხისტყაოსანი, 5<sup>ა</sup>);

„მოკრიფეს ჯორი, აქლემი, რაც ვით პოვეს მალეზი;  
 სამათასსა აკიდეს მარგალიტი და თვალეზი,  
 თვალე ყველაი დათლილი, იგუნდი და ლალები“ (1426<sub>1-3</sub>);  
 „კვლა უძღვნა თვითო ფარღული, გადასაყრელი ყელისა,  
 მრგვლად დათლილისა თვალისა, იგუნდისა მრთელისა“ (1466<sub>1-2</sub>).

„აბდულმესიაში“ კი, როგორც ვნახეთ, ნათალ თვალთა გროვაზე,  
 რიყეზეა საუბარი. ამრიგად, აქ უკვე გარკვეული მითითებები გვაქვს  
 „თლილ“ და „დათლილ“ ქვებზე. აღსანიშნავია, რომ უბრა-  
 ლოდ გათლილი ქვებისაგან განსხვავებით რუსთაველი მიუთითებს  
 „ხელწმინდად განათალზე“:

„პოვეს საქურჳლე უსახო, კვლა უნახავი თვალისა,  
 მუნ იდგა რიყე თვალისა, ხელწმინდად განათ-  
 თალისა“ (136<sub>1-2</sub>)

„ხილწმინდად გათლა“ გვიდასტურებს ქვების გათლის მაღალი



ტექნიკის არსებობას. ამასთან, მოყვანილ ამონაწერში ლაპარაკია არა ერთ „ხელ-წმინდად გათლილ“ ქვაზე, არამედ მთელი რიგი ქვების გათლაზე. რუსთაველი მიუთითებს არა მარტო ბროლის, არამედ აგრეთვე ბღანაშის, იაგუნდის, ლალის გათლის შესახებაც. არ უნდა დავივიწყოთ, რომ იაგუნდი და ლალი წარმოდგენს ყველაზე მაგარ ქვებს ალმასის შემდეგ და მათი გათლა შედარებით რთული საქმეა. „ვეფხისტყაოსნიდან“ ჩანს, რომ გათლა ჩვეულებრივი მოვლენაა და მთელი განძი (ჭურჭლეულობა) შეიძლება იყოს „თვალთაგან თლილთა“:

„როსტემისთვის წაატანა საქდნოდ ტურფა ჯაბაჩები,  
კვლა ჭურჭელი თვალთა თლილთა, არ კოვებები, არ ჩამჩებები“ (1658<sub>1-2</sub>)

შ. რუსთაველი გათლის ფორმებზედაც მიუთითებს თავის პოემაში. „ვეფხისტყაოსანში“ „მრგვალად დათლილი თვალთა“ (1466<sub>2</sub>) მოხსენიებული. „მრგვალად თლის“ გარდა უნდა არსებულიყო გათლის სხვა ფორმაც, ე. წ. „წახნაგებულად გათლაც“, მაგრამ რუსთაველი ამაზე არაფერს გვეუბნება.

როგორც ჩანს, X—XII სს. საქართველოში ალმასის გათლა ჯერ კიდევ არც ისე ცნობილი იყო და ამიტომ, როგორც ნ. ქოიავა შენიშნავს, რუსთაველის პოეზიაში ალმასს არ უჭირავს მაინცდამაინც საპატიო ადგილი. სხვა ძვირფას ქვათა გათლა და გათლის ტექნიკა კი საქართველოში მაღალ საფეხურზე უნდა მდგარიყო. შ. რუსთაველის პოეტურ შედარებებში წარმოდგენილია ძვირფას თვალთაგან გამოთლილი და გაკეთებული სხვადასხვა ჭურჭლები და ნევთები (ვეფხისტყაოსანი, 1551<sub>1</sub>, 483<sub>3</sub>, 1559, 1557<sub>4</sub> და სხვ.).

შ. რუსთაველი არაჩვეულებრივი სიდიდის მარგალიტებისა და სხვ. არსებობაზე მიგვითითებს, რაც საეჭვოდ შეიძლება მოგვეჩვენოს. მსოფლიოში ჯერჯერობით ცნობილი ყველაზე უმსხვილესი მარგალიტი, რომელიც ირანის შაჰს ჰკუთვნებია, სიგრძით 35 მმ და და სიგანით 25 მმ ყოფილა<sup>11</sup>, რუსთაველი კი იხსენიებს „საბურთალი ბურთის ოდენ“ მარგალიტს (1366<sub>6</sub>). „საბურთალი ბურთის“ ოდენი მარგალიტი შავთელსაც აქვს მოხსენიებული:

„სჩანს მარგალიტი—ართუა ლიტი<sup>11</sup>  
ო დ ე ნ ბ უ რ თ ი ს ა ს ა ბ უ რ თ ა ლ ი თ ა“ (143, 3<sub>1-2</sub>)

აღსანიშნავია, რომ უამთააღმწერელსაც მოხსენებული აქვს „მარგალიტი ღიდი, რომლისა სწორი არავის სადა“ უნახავს. სამეფო გან-

<sup>11</sup> იქვე, გვ. 79.

ძეულობის გაყოფის შემდეგ რუსუდანის ძეს დავითს ერგო, გარდა სალმასური ჯაჭვისა, „თუალი იგი პატივცემული გურდემლი და მარგალიტი იგი დიდი, რომლისა სწორი არაეის სადა უხილავს“ (მ. დედ. ქ. ც<sup>ნ</sup>ბა, 677). ვინ იცის, ეგების რუსთაველისა და შავთელის პოეტური ჰიპერბოლები არც ისე გაზვიადებული იყოს და იგი თავის დადასტურებას ისტორიულ ცნობებშიაც პოულობდეს. იქნებ ქართველ მეფეთა სალაროში მოიძიებოდა ირანის მბრძანებლის მარგალიტზე უდიდესი მარგალიტი.

ძვირფასი ქვების გათლა რომ მართლაც წარმოებდა და მალალ საფეხურზე იდგა საქართველოში და საერთოდ აღმოსავლეთში, ამაზე მიგვიითიუებს, წინააღმდეგ სვიატსკისა და პილიაევის ზემომოყვანილი მოსაზრებებისა, რუსთაველის პოემის ის ადგილი, სადაც აღმასის გამოყენებაზეა ლაპარაკი ძვირფას თვალთა გასათლელად: „გახეთქა ლალი, გათლილი ანდამატისა კვერითა“<sup>12</sup> (1342<sub>3</sub>). ამრიგად, XII ს. საქართველოში ცნობილი ყოფილა ანდამატის (აღმასის) გამოყენება ლალის და ალბათ აგრეთვე სხვა თვალთა გასათლელად. „ანდამატის კვერი“ ძვირფასი ქვების მთლელის ერთ-ერთი ძირითადი იარაღი იქნებოდა. თუ გავიხსენებთ იმასაც, რომ ლალი წარმოადგენს ყველაზე მაგარ თვალს აღმასის შემდეგ და რომ მისი გათლა შესაძლებელი ყოფილა „ანდამატის კვერით“, ადვილად წარმოსადგენია, რომ სხვა, უფრო რბილ თვალთა გათლა შედარებით იოლ საქმედ უნდა წარმოედგინათ.

ძვირფასი ქვები, როგორც ეს ქართული წერილობითი ძეგლებიდან ჩანს, ფართოდ იყო გამოყენებული ფეოდალურ საქართველოში. ჩვენ აქ არ შევჩერდებით იმაზე, თუ სად ხდებოდა ამ ძვირფასი ქვების მოპოვება<sup>13</sup>; აღვნიშნავთ მხოლოდ, რომ ისინი საქართველოში ირანისა და ბიზანტიის გზებითაც ვრცელდებოდა ზოგჯერ დამუშავებული და ზოგჯერ კი დაუმუშავებელი სახით. მათი დამუშავება, როგორც აღვნიშნეთ, ადგილობრივადაც ხდებოდა.

ძვირფასი ქვების შემოტანისა და დამუშავების აუცილებლობას იწყვედა ფართო მოთხოვნილება მასზე. ისინი, ძვირფასი სამკაულების სახით, იხმარებოდნენ ბეჭდების, საყურეების, ქინძისთავებისა

<sup>12</sup> აღსანიშნავია, რომ თავის მნიშვნელოვან გამოკვლევაში ნ. ქოიავამ ამ ადგილს ყურადღება რატომღაც არ მიაქცია, და, პირიქით, აღნიშნა, რომ „რუსთაველის პოემაში სრულებით არ გვხვდება „პირდაპირი მითითება ქვების ტექნიკური გამოყენების შესახებ“ (ნ. ქოიავა, ძვირფასი ქვები, გვ. 89), რაც, ცხადია, სწორი არ არის.

<sup>13</sup> ამის შესახებ იხ. ნ. ქოიავა, ძვირფასი ქვები, გვ. 80—82.

და სამაჯურებისათვის; აგრეთვე ტანსაცმლის, ავეჯის, ჭურჭლისა და სხვ. შესამკობად. ფეოდალურ საქართველოში ძვირფას თვალთა ამ სახით გამოყენების შესახებ ჩვენ არაერთი წერილობითი მითითება გვაქვს. თვით შ. რუსთაველი ამაზე მრავალ მასალას იძლევა. რუსთაველის მიხედვით ძვირფასი ქვები იხმარებოდა ლაგამის, აბჯრისა და უნაგირის მოსაკაზმავად: „ხშირად ესხა მარგალიტი ლაგამ-აბჯარ-უნაგირსა“ (843); ტანისამოსის შესამკობად:

„ნესტან-დარეჯანს ყაბაჩა უძღვნა შემკული თვალითა,  
იავუნდითა წითლითა, ბადახშითა და ლალითა“ (1439 1-2);

საჯდომთა მოსაკაზმავად:

„კუბო ღვა იავუნდისა ლალისა“ (3292).

შ. რუსთაველის პოეტური თქმანი დღმადსტურებას ძველ საბუთებშიც პოულობენ. XIII ს. ერთ საბუთში იხსენიება „უნაგირი ოქროთა და ზარხოთა მოჭედელი, ექუსას თეთრად დაფასებული, აღურნი თათრულნი, მარგალიტის ძირისანი, რომელთა ჰქუნ სადაფი“ (თ. უორდანი, ქრონიკები, II, გვ. 102; შიომღვ. საბუთ., გვ. 58). „ქელმწიფის კარის გარიგებაში“ კი „ლაგამი ერთობ მოთვალული“ არის ნახსენები (ვ. კ. გარ., 6119-120). საქართველოში აღრევე იყო გამოყენებული თვალმარგალიტები საკაზმავ-მოსართავად. აგათია სქოლასტიკოსის სიტყვით, ლაზთა მეფე წათემ „რომაელთა მეფისაგან“ მიიღო ძველითგანვე დაწესებული სამეფო ნიშნები. „ეს ნიშნები: ოქროს გვირგვინი, თვალმარგალიტით შემკული; კოჭებამდე გრძელი ქიტონი, ოქრომკერდით მოქარგული; მიტრა აგრეთვე ოქროთი და თვალებით შემკული, და წითელი წაღები“ (გეორგიკა, III, გვ. 84). ხოლო, იოანე მალალას სიტყვით, წათეს წითელი წაღები, რომელიც მას თავისი ქვეყნიდან ჩამოეტანა, „მარგალიტებით იყო შემკული“. „ამგვარადვე მისი სარტყელიც მარგალიტებით იყო შემკული“ (იხ. იქვე, გვ. 264—265; შღრ. გეორგიკა, IV, გვ. 12—13).

ძვირფასი ქვები მრავლად იყო გამოყენებული ხატების შესამკობადაც. მცხეთის ტაძრის განძთა სიაში „ხატი მძიმედ ნაკერი თვალითა მარგალიტითა“ არის ნახსენები (იხ. Натроев, Свети-Цховели, прилож, XVIII). მელქისედეკ კათალიკოსის სიგელში კი ნათქვამია: „ხატი ესე დიდი მაცხოვრისაჲ საროთითა და გარემემო თუალითა შემკობილი“ (ნ. ბერძენიშვილი, მცხეთის საბუთი, გვ. 289); „ხატი.... წმიდისა ღმრთის მშობლისაჲ შემკობილი ოქროთა, თუალითა და მარგალიტითა“ (იქვე, გვ. 288). ძვირფასი თვლები გამოყენებული იყო აგრეთვე წიგნთა შესამკობადაც. მელქისედეკ კათალიკოსის სიგელში თვლით შემკობილი სახარებაა მოხსენიებული:

„სათანაო ოთხთავი :ა: გარე თუალითა და მარგალიტითა შემკობილი“ (იქვე, გვ. 289).

ალსანიშნავია, რომ ძვირფასი ქვები, მხატვრულ ნაწარმოებთა მიხედვით, გამოყენებული ყოფილა იარაღებად და ზოგჯერ მშენებლობისათვისაც. ალმასის გამოყენებაზე ქვების სათლელად უკვე ვილაპარაკეთ. „ალმასი“ „ვეფხისტყაოსანში“ საომარ იარაღთა შორისაც იხსენიება:

„ზედა ეწერა: „აქა ძეს აბჯარი საკვირველო,  
ჯაქე-მუზარადი, ალმასი, ხრმალი ბასრისა, მკრელიო“ (1367 1-2).

ნ. ქოიავას აზრით, „საოცარია, რომ საომარ საქურველთა შორის ვბოულობთ ალმასსაც. შესაძლებელია, აქ ალმასი მოხსენიებულია, როგორც გამარჯვების მომნიჭებელი თილისმა“<sup>14</sup>. ზევით ჩვენ ვნახეთ, რომ ალმასი იხმარებოდა ქვების სათლელ იარაღად, კერძოდ „ანდამატის კვერი“ გამოყენებული იყო ლალის სათლელად; ამდენად, საოცარი არ უნდა იყოს ალმასის მოხსენიება საომარ იარაღთა შორისაც. შეიძლებოდა იგი გამოყენებული ყოფილიყო საომარი იარაღის რომელიმე ნაწილისათვის. ეს უფრო საფიქრებელია, რამდენადაც „ვისრამიანში“ გვაქვს მითითება „პირალმას ისარზე“: „შენ მე წამსა ათასსა პირალმასსა ისარსა გორობით მარავს გულსა და სულსა დამასობ“ (21832-34; შდრ. იქვე, 1945); „ვეფხისტყაოსანში“ ნათქვამია: „პირ-ალმასითა ისრითა გულდაკლული“ (იქვე, 30018). მოყვანილ ამონაწერში „პირ-ალმასი“ იმავე მნიშვნელობით უნდა იხმარებოდეს, როგორითაც „ვისრამიანში“ (241;) „პირ-ბასრი“ იხმარება, რაც პირფოლადიანს ანუ წვერფოლადიანს ნიშნავს, სრულიად დასაშვებია, რომ „პირალმასი“ წვერალმასიან ისარსა ნიშნავდეს, და ამდენად საფიქრებელია, რომ ალმასის ნატეხი ისრის წვერათვის გამოუყენებიათ. ასეა თუ ისე, „ვეფხისტყაოსნის“ ზემომოყვანილ ამონაწერში ალმასი საომარ იარაღადაა წარმოდგენილი და არა „გამარჯვების თილისმად“. ამას ისიც ადასტურებს, რომ მიუხედავად აღმოსავლეთში განმტკიცებული ჩვეულებისა (ძვირფასი ქვების თილისმებად გამოყენების) შ. რუსთაველს, როგორც თვით ნ. ქოიავა შენიშნავს, არც ერთხელ არა აქვს ნაჩვენები ძვირფასი ქვის თილისმად გამოყენების შემთხვევა<sup>15</sup>. თუკი ალმასი იარაღისათვის იყო გამოყენებული, შეიძლება ისიც ვიფიქ-

<sup>14</sup> ნ. ქოიავა, ძვირფასი ქვები, გვ. 84.

<sup>15</sup> შდრ. იქვე, შვ. 84.

რომ, რომ რუსთაველის დროს ალმასის გათლაც და მისი სხვადასხვა-  
დანიშნულებისათვის გამოყენებაც უკვე იწყებოდა.

დასასრულ, აღსანიშნავია მითითებები ძვირფას ქვათა მშენებ-  
ლობისათვის გამოყენების შესახებ:

„მეფემან სახლი ააგო, შიგან სამყოფი ქალისა;

ქვად ფაზარი სხდა, კუბო დგა იაგუნდისა, ლალისა,“ (329<sub>1-2</sub>).

ყველაფერი ეს — ძვირფასი ქვების მრავლად გამოყენება სამკაუ-  
ლების სახით, ტექნიკური და საომარი იარაღების სახით, აღმშენებ-  
ლობისთვისაც და სხვ. — ნათლად მიგვითითებს საქართველოში  
ძვირფას ქვათა ფართოდ გავრცელებაზე და მათი დამუშავების ტექ-  
ნიკის მაღალ დონაზე, საიუველირო ოსტატობის მაღალ ხარისხზე.

როგორც აღვნიშნეთ, იუველირად ძველ საქართველოშიც ოქ-  
რომპედელი გვევლინებოდა. იუველირი ოსტატი, სხვა ხელოსნებ-  
თან შედარებით, უფრო სხვისი დაკვეთით მომუშავე ხელოსანი იყო.  
რაკი ხელოსნის მიერ ძვირფას თვალთა მოპოვება დასამუშავებლად  
დიდ საფასურს მოითხოვდა, ხელოსანი დასამუშავებელი „ნივთის  
ბოძების“ შემდეგ მუშაობდა შემკვეთისათვის. ძვირფასი ქვების  
ფართო მოხმარების მიზნით წარმოება წარმოუდგენელია. ისინი მე-  
ფის, მსხვილი მოხელებისა და დიდი ვაჭრების ფუფუნების საგანს  
წარმოადგენდნენ.

#### § 4. საგვიდლო და მისი მოწყობილობა

იმ ნაგებობას, სადაც მჭედლები და ოქრომჭედლები მუშაობ-  
დნენ, „სამჭედლო“ ეწოდებოდა. „სამჭედლო“ „იოანე და ექვთიმეს  
ცხოვრებაშია“ მოხსენიებული: „გინა თუ სამჭედლოა იყვის, გინა  
სახუროვნოა, გინა თუ სავენახე მათ დაიურვის სამამოს“ (ათ., კრებ.,  
გვ. 41; საბინინი, გვ. 420). იმავე ძეგლიდან ჩანს, რომ სამჭედლო,  
ისე როგორც საწანგრო, ხურონი და სხვ., მონასტრის იკონომოსს  
ემორჩილებოდა: „ხოლო საპარიკონომოსი და საწანგრო და საჯორე  
და სამჭედლო და ხურონი და კალაფტანი და მდრინინი და მენავენი  
და ვენახი ესე იკონომოსისა განსაგებელნი იყუნეს“ (იქვე, ათ. კრებ.,  
გვ. 50; საბინინი, გვ. 424).

როგორც რკინისა და რვალის, ისევე ოქრომჭედლის დასამუშა-  
ვებელი მასალის „გამოდნობა“ და „გამოხურვება“ აუცილებელი  
იყო. ამიტომ სამჭედლოში „სადნობელი“ და „გამოსახურვებელი“  
უნდა ყოფილიყო. რკინისათვის „სადნობელი რკინისა“ (მეფეთა.

111, 8<sub>31</sub>) არსებობდა, ხოლო ვერცხლისა და ოქროსათვის— „ვერცხლის სადნობი“ და „სადნობი ქვისაჲ ოქროსაჲ“ (ელინთა ზღაპრობანი, გვ. 43). „სადნობელი“ „საკმილ“-ადაც იწოდებოდა: „საკმილი გამოსცდის რკინისა ფოლადსა შინა“ (ისო ზირაქი, 31<sub>30</sub>). რკინის გამო-სახურებელს „საკმილი რკინისა“ (ხრონოლორაფი, 51<sub>24</sub>; 12<sub>112—13</sub>) ეწოდებოდა. იყო აგრეთვე „საკმილი ოქროსი და ვერცხლისა“: „ვითარცა გამოიციადების ოქრო და ვერცხლი საკმილსა შინა, ეგრეთ გული რჩეულთა უფლისა მიერ“ (იგაენი სოლომონისნი, 17<sub>3</sub>). „საკმილი“ ზოგადად „ცეცხლის საგზებელს“ ეწოდებოდა და იგი თიხის ნაწარმთა გამოსაწვავად ხმარებული ნაგებობის აღმნიშვნელადაც იხმარებოდა. ხოლო ილეკროს სადნობელს („ილეკრო ეწოდების ოქროსა, ვერცხლსა, სპილენძსა, რკინასა, ტყვასა, კალასა და ყოველსავე მისთანათა ერთბაშად“—ს. ორბელიანი) „ბრძმედი“ ეწოდებოდა. „ბრძმედი“, როგორც ოქრო-ვერცხლის სადნობის აღმნიშვნელი, ხშირად გვხვდება ქართულ წერილობით ძეგლებში. იგი „დაბადების“ თარგმანშიც გვხვდება: „ვითარ სახედ გამოდნების ვერცხლი შორის ბრძმედსა, ეგრეთ გამოდნენთ შორის მისსა“ (ეზეკიელი, 22<sub>22</sub>). იგი გვხვდება ორიგინალურ ქართულ ძეგლებშიც: იოანე მტბევარის ნაწარმოებებში (სასულიერო პოეზია, ქე 143—145; ვზ. 326), „გ. მთაწმინდელის ცხ`ბაში, სადაც ნათქვამია: „ოქრო, სიღრმითგან ქუჭყანისათა აღმოღებული, ბრწყინვალე ბრძმედისა მიერ გამოცდილი და განწმედილი, კეთილად შუენიერ იქმნების“ (ათ. კრებ., გვ. 351). „გ. მთაწმინდელის ცხ`ბის“ ავტორის მიხედვით ბ რ ძ მ ე დ ი განარჩავს ოქროს „ბრპენისაგან და თიხისა“ და ამდენად წარმოაჩენს მის ბრწყინვალეებას: „ემსგავსა იგი ოქროსა მომღებელსა მას ჯელოვანსა, ვითარცა იგი ქიმიათათეს, წერილ არს, რომელნი იგი მრავალ ღონებითა სიღრმითგან ქუჭყანისათა გამოიღებენ და ბრძმედისა მიერ და ცეცხლისა ბრწყინვალეებაჲ მისსა წარმოაჩენენ, ეგრეთვე წმიდისა ამის მამისა ჩუჴნისა გონებაჲ სიტყვერისა ამის ოქროსა ბრძმედი იქმნა, მდნობელ ცეცხლითა სულისათა წმიდისათა განმარტურებელ და განმარჩეველ ოქროსა ბრპენისაგან და თიჯისა“ (ათ. კრებ., გვ. 310). „ბრძმედი“ გვხვდება აგრეთვე „აბდულმესიაში“ (25, 2 <sub>3—4</sub>). „ბრძმედი — ГОРНИЛО“ — განმარტავს ნ. მარი. „აბდულმესიაში“ იგი გვხვდება „გამოსადნობის“ მნიშვნელობით, „სიწმინდის ბრძმედსა თვით განსაწმედსა გამოდნობიხარ ბიწუშეუხებლად“ (42 <sub>31—4</sub>). ცეცხლის დანთება ბრძმედიში „ცეცხლმბერველით“ (Хр. В., IV, вып. I, 68<sub>12</sub>) ხდებოდა. „ცეცხლმბერველი“ „საბერველადაც“ იწოდებოდა: „ხოლო მუცელი,

ჩემი, ვითარცა თხიერი ტყბილისა მღვლარისა შეკრული, ანუ ვითარცა საბერველი მჭედლისა განხეთქილი“ (იობ., 32<sub>19</sub>) ან კიდევ: „მოაქლდა საბერველი ცეცხლისაგან, მოაქლდა ბრპენი, ცუდი სადმე ვეცხლის მჭედლობას“ (იერემია, 6<sub>29</sub>). საბერველის მბერავი თვით მჭედელი იყო, ან სპეციალურად მისთვის მიჩნეული პირი. „აჰა მე აღვაგე შენ არა ვითარცა მჭედელმან მბერავმან ცეცხლისა მიერ ნაკვერცხალთამან და გამომღებელმან ჭურჭლისა საქმედ“ (ესაია, 54<sub>13</sub>). „ბრძმედზე“ „ნაწვირი“ (ათ. კრებ., გვ. 79) იყრებოდა. მჭედლისათვის საჭირო ნახშირი სპეციალურად მზადდებოდა; მის დასამზადებლად განკუთვნილ ღუმელს „სანაწვირე ღუმელი“ ეწოდებოდა, ხოლო „ნაწვირის“ დამამზადებელს კი „მენაწვირე“: „მოგუაქლდა ოდესმე ნაწვირი და ძმანი იგი განიზრახვიდეს ერთი-ერთას, რამცა ხუალის დღე შექმნეს სანაწვირედ ღუმელი ერთი საქმარად მჭედლისა“ (ც<sup>ნ</sup>ხბაჲ სუმ. მესუეტისაჲ, 301<sub>12-14</sub>).

ნაწვირდაყრილი ბრძმედი საბერველით ეგზებოდა. აგზებულ ბრძმედში გახურებული ლითონი „მარწუხითა შეპყრობილი“ (იქვე, 284 27-28; შდრ. Xp. B., II, вхп. III, 334 ა-გ; სასულიერო პოეზია, ლა<sub>58</sub>) იყო. „მარწუხით შეპყრობილი“ ლითონი „გრდემლზე უროთი და კვერით იქედებოდა მჭედელთა მიერ“. „გრდემლი“ „დაბადების“ ქართულ თარგმანში გუხვდება: „მჭედელი... მახლობელად მჯდომარე გრდემლისა“ (ისო ზირაქი, 38<sub>26</sub>). იგი იხსენიება „შიო მღვიმელის ცხ<sup>ნ</sup>ბაში“: „იხილა, რამეთუ გურდემლსა ქედდა, ანუ კუჭრსა სცემდა“ (საბინინი, გვ. 229). „გრდემლი“ ნახსენები აქვს ლეონტი მროველს, შოთა რუსთაველს, „ვისრამიანის“ ქართულად გადმომღებელს და სხვ. შ. რუსთაველი „ტყევის გრდემლს“ იხსენიებს: „გასტეხს ქეასაცა მაგარსა გრდემლი ტყეისა ლბილისა“ (5<sub>2</sub>). „ვისრამიანში“ ნათქვამია: „გრძნეულთა უხუცესი იყო. მისითა ჯელოვნებითა და გრძნეულობითა ეგზომ მაგალითი იყო, რომელ ბასრისა გურდემლისაგან ვარდსა აყვავებდა“ (გვ. 144). ან კიდევ: ჯრმალი „ჩემი კულა ქეასა და გურდემლსა“ სჭრის (იქვე, გვ. 105; შდრ. იქვე, გვ. 181). როგორც აქედან ჩანს, ილეკროს გასაჭედი საღვარი ბასრისაგან ანუ ფოლადისაგან კეთდებოდა.

მჭედლის განუყრელ იარაღს „ურო“ და „კუერი“ წარმოადგენდა. უძველეს ხანაში მჭედელთა სახელიც კი ამ იარაღიდან იყო ნაწარმოები („კვერითხურო“). „დაბადების“ სხვა ადგილშიც მჭედელი „კუერის მცემელად“ (ესაია, 41<sub>7</sub>). იწოდება. „ურო“ კი „კუერზე“ უფრო დიდ იარაღს წარმოადგენდა: „მოღებდა ჰსცა ურო მჭედლისაგან“ — ნათქვამია „გ. მთაწმინდელის ც<sup>ნ</sup>ხბაში“ (ათ. კრებ.,

გვ. 306). ლეონტი მროველი კი მოგვეთხრობს: „ოდეს უხეტქნიან ჩუგლუგები იგი საჭურველსა ზედა მათსა, ჰგუანდა ვმა იგი მასა მას უროს მკედლისასა, რომელი ეცემის გურდემლსა“ (მ. დედ. ქ. ც'ხბა, 291-2).

## თავი VI

### მწიგნობრობასთან დაკავშირებული ხელობანი

აკად. ივ. ჯავახიშვილს თავის ცნობილ ნაშრომში „ქართულ დამწერლობათა მცოდნეობა ანუ პალეოგრაფია“ დეტალურად აქვს განხილული საკითხი მწერალთა საწერი მასალის და სხვ. შესახებ. ამიტომ ჩვენ მხოლოდ ზოგიერთ საკითხზე შევჩერდებით მოკლედ-მწერლობას, წერა-კითხვის ცოდნას და განათლებას ძველ საქართველოში „მწიგნობრობა“ ეწოდებოდა. „ველი მწიგნობრობისაჲ“ მწიგნობრობასთან დაკავშირებულ ყოველგვარ ხელობას შეიცავდა. ცალკე, დამოუკიდებელ დარგებად ითვლებოდა „წერაჲ ხუცურისაჲ“, „შეკერვაი წიგნისაჲ“, მაგრამ ისინი ერთად მწიგნობრობის ხელობას შეადგენდნენ და ზოგჯერ ერთი პირის ხელში ერთიანდებოდნენ კიდევ.

ბანდაიძის შემომოყვანილ მინაწერში აღნიშნულია: „წყალობითა ღმრისათა მომცა თვნიერ მოძღუარისა კელოვნებაჲ ესე ვითარი: პირველად კელი სწავაჲ კუცობისაჲ; კელი მეორე მწიგნობრობისაჲ, პელი მესამე წერაჲ კუცურისაჲ; კელი მეოთხე შექმნაჲ ეტრატისაჲ; კელი მეხუთე შეკერვაჲ წიგნისაჲ და სხვ. (Жордания, Опис., II, გვ. 94). მწიგნობრის ხელობას „წიგნითა მუშაკობაჲც“ (ხრონოლოგია, 237,) ეწოდებოდა, ხოლო წერით ხელოვნებას—„კელსაქმარი მწერლობისაჲ“ (კიმენი, I, 127, 128). მწიგნობრობასთან დაკავშირებული ხელობის მცოდნის სახელი „მწიგნველიც“ (იერემია, გვ. 36, 23) უნდა იყოს.

#### § 1. მტრატის შექმნისანი

როგორც აკად. ივ. ჯავახიშვილი აღნიშნავს, წერილობითი ძეგლებისათვის თავდაპირველად ქვა, ლითონი და სხვა მაგარი ნივთიერებები იყო გამოყენებული. წარწერისათვის „ფიცარნი ქესანი“ (სასულიერო პოეზია, რ 41), აგრეთვე ხისაც, უხმარიათ. ეგვიპტელების მიერ საწერ მასალად გამოყენებული პაპირუსი, რომელსაც



ქართულად „ჰილი“ (ესაია, 19<sup>6</sup>) ეწოდებოდა, იხმარებოდა თუ არა საქართველოში, ჯერჯერობით გამოურკვეველია. ჰილზე ნაწერი დღემდე ცნობილი ძველი ქართული ძეგლები ამას ვერ ამტკიცებენ.

IV—V სს-დან ჰილს პერგამენტი ცვლის და იგი (პერგამენტი) უკვე VIII—XIII სს. გაბატონებულია. პერგამენტს, ანუ საწერად დამუშავებულ ტყავს, ქართულად „ეტრატი“ ეწოდებოდა: „თუ რას მაწერიებდე, მიხარია ეტრატი გიზლო“-ო, მიწერილია 982 წ. ტყავის ერთ ხელნაწერზე (შდრ. ივ. ჯავახიშვილი, პალეოგრაფია, გვ. 35). ან კიდევ: „ამის წიგნისა ეტრატი დაიწერა ქკსა: სნე:“ 1035 წ. (თ. ჟორდანიას, ქრონიკები, I, გვ. 177). დღემდე ცნობილი უძველესი ქართული ხელნაწერები (V—VI სს.) ეტრატზეა შესრულებული. როგორც მასალის დაუზოგავად ხმარებიდან ჩანს, V—VI სს. საქართველოში ამგვარი საწერი მასალა მრავლად მოიპოვებოდა და ალბათ მისი გამკეთებლებიც იყვნენ.

დას. ევროპაში ყოველ განთქმულ მონასტერს IX ს-დან თავისი ეტრატის მკეთებელი ხელოსნები ჰყავდა, რომელთაც «pergamena-rius» ეწოდებოდათ. ეტრატის მკეთებელი ხელოსნები უნდა ყოფილიყვნენ საქართველოშიც, მაგრამ მათ შესახებ ცნობები ნაკლებად მოგვეპოვება. XIV ს., საქართველოს დაკნინების ხანაში, ეტრატის მკეთებელ ხელოსანთა არსებობაზე გარკვევით მიგვითითებს ზემომოყვანილი მინაწერი, სადაც ხელობის ერთ დარგად „შექმნა ეტრატისაჲ“ არის დასახელებული. მით უმეტეს, ამგვარი ხელობის მქონეთა მრავლად არსებობა უნდა ვიგულისხმოთ უფრო წინათ, როცა ქართული მწერლობა ჰყვაოდა და სამწიგნობრო ხელოვნება უფრო განვითარებული იყო.

ეტრატის დამუშავების პროცესის შესახებ ჩვენ არავითარი ცნობა არ მოგვეპოვება, მაგრამ ქართველები ეტრატს ალბათ ისევე ამზადებდნენ, როგორც სხვა ქვეყნების ოსტატები<sup>1</sup>. ჩვენი აზრით, ეტრატის დამზადებაზე მიგვითითებს ზოგიერთი მინაწერი. თ. ჟორდანიას მოწმობით XI ს. ერთ-ერთ ხელნაწერზე მიწერილია: „ამის ეტრატისა სიძბილე (იმისაგან წარმოსდგებაო, რომ, თ. ყ.) მესხმან უმეცარ უწრფელომან... კვერცხის ცხება მოიგონა და შეკაზმვა... და ვერ კარგად ქმნა უბადრუქმან“ (Жордания, Опис., I, გვ. 215). მესხს, როგორც ეტყობა, ჰქონდა კელი ეტრატის შექმნისა, მაგრამ არც ისე დახელოვნებული ყოფილა და „ვერ კარგად უქმნია“. „შეკაზმვა“ და „კვერცხის ცხება“, ჩვენი აზრით, ეტრატის შექმნის სამუშაოს შესრულების მომენტებია. ეტრატის შემქმნელის გოდებლ მიგვაჩნია ჩვენ შემდეგი მინაწერიც, რომელიც, მ. ჯანაშვილის

<sup>1</sup> ივ. ჯავახიშვილი, პალეოგრაფია, გვ. 34.

აზრით, XII—XIII სს. მიეკუთვნება: „ფოთათა კუჭრცხნი ესთხოვენ ეტრატისათჳს, ვერ მამცნეს. კუჭრნათამცა დაურჩებთან ქათამნი, თქუნცა თქვთ, ძმანო საყვარელნო. ანდრია“ (M. Джанашвили, Опис, III, გვ. 53). კვერცხის ცხება, როგორც ჩანს, ეტრატის შექმნის შემდეგ ხდებოდა გასაპრიალებლად, გასალესავად. მაგრამ უკვერცხოდაც შეიძლებოდა თურმე ეტრატის გაპრიალება და გამოყენება: მესხმა კვერცხის ცხება მოიგონა და ამით გააფუჭაო; რომ არ წაეცხო უკეთესი იქნებოდაო, ალბათ; ხოლო მეორე შემთხვევაში მკეთებელს კვერცხი ვერ უშოვნია და ამით აიხსნება ქათამთა წყევლით მოხსენიება.

ეტრატის შემქმნელ ოსტატს ზოგჯერ სხვა, მწიგნობრობასთან დაკავშირებული ჯელიც გააჩნდა. ბანდაიძეს, გარდა ეტრატის შექმნისა, ჰქონია აგრეთვე ცხრა ჯელი, მათ შორის — „წერაჲ კუტურისაჲ“, „შეკერვაჲ წიგნისაჲ“ და სხვ. აღსანიშნავია, რომ ზემომოყვანილი XII—XIII სს. მინაწერი, რომელიც ვინმე ანდრიას ეკუთვნის, ტექსტის ხელით არის გაკეთებული; ე. ი. მწერალი და ეტრატის მკეთებელი, რომელსაც კვერცხი ვერ უშოვნია, ერთი და იგივე პირი ყოფილა.

ეტრატს, ისე როგორც ჭილს, მალე უჩნდება შემცვლელი. XI—XII სს. უკვე პარალელურად ქალაღდიც იხმარებოდა. აღმოსავლეთ საქართველოში, რომელიც არაბების სახალიფოს ფარგლებში შედიოდა, ივ. ჭავჭავიძის აზრით, ქალაღდის ხმარება ადრე უნდა დაწყებულიყო, მაგრამ XI ს. ადრე ქალაღდზე დაწერილი ქართული ძეგლი არ ჩანს, თვით სიტყვა „ქალაღდი“ კი პირველად „ვეფხისტყაოსანში“ იხსენიება: „მე გული შენი ქალაღდად გულსავე ჩემსა ვეწები“ (1293<sub>3</sub>). ჰქონდა თუ არა საქართველოს XI—XII სს. საკუთარი ქალაღდი, თუ მას იგი უცხოეთიდან შემოჰქონდა და მით კმაყოფილდებოდა, გამორკვეული არ არის, მაგრამ, რომ ქალაღდის დამამზადებელი ხელოსნები არსებობდნენ, ამას შედარებით მოგვიანო ხანის ზოგი მინაწერიც ცხადჳყოფს. მაგ., ერთ-ერთ მინაწერში გვითხულობთ: „ა<sup>ნ</sup> ღ<sup>ო</sup> შ<sup>ე</sup> სუღითა (?) კპეტვაძე (?) კერძო დიაკონი, რომლისა ჳელითა იღესებოდა ქალაღდი ესე“ (Жордания, Опис. I, გვ. 198). როგორც ეტყობა, მოხსენიებული „კერძო დიაკონი“ ყოფილა მღესავი, გამპრიალებელი ქალაღდისა. ალბათ ქალაღდის კეთებასთან დაკავშირებული სხვა სამუშაოს შემსრულებლებიც იყვნენ.

## § 2. გაღაჲჳარნი

წერა, გადაწერა, ერთგვარ ხელობას წარმოადგენდა. ის ფასდაღებულიც იყო, რაკი წიგნების გავრცელებისათვის სხვა საშუალება

არ არსებობდა. 1365 წ. ზემომოყვანილ მინაწერში სხვა ხელობათა შორის მესამედ „წერაჲ ხუცურისაჲ“ იხსენიება. ზოგჯერ ავტორი თვით იყო მწერალი ანუ გადამწერი თავისი თხზულებისა, მაგრამ უფრო ხშირად ამ სამუშაოს ე. წ. „გადამწერელი“ (თარგმანება ფსალმუნთა, ძვ. საქ., III, 245<sup>22-23</sup>) ასრულებდნენ, ამ ხელობაში სპეციალდებოდნენ და საფასურსაც საკმაოდ იღებდნენ. „გადამწერელს“ ზოგჯერ „დამწერელი“, „მწერალი“ და „მწიგნობარი“ ეწოდებოდა.

როგორც წყაროებიდან ირკვევა, იყვნენ სხვადასხვანაირად მწერალნი: მწერალთა ერთ ჯგუფს „კეთილად მწერალნი“ შეადგენდნენ, რომელნიც სუფთად და კარგად წერდნენ, მაგრამ შედარებით მეტ დროს ანდომებდნენ მას. მათგან განსხვავებით იყვნენ აგრეთვე „მალე მწერალნი“, რომელნიც უფრო ჩქარა ასრულებდნენ თავიანთსამუშაოს. „მალე მწერალნი უკუე მოუშზადნა მას შვდნი, ხოლო კეთილად მწერალნი უმრავლესნი“ (ხრონოლორაფი, 236<sub>15-16</sub>). „მალე მწერალი“ იხსენიება X IV ს. ერთ-ერთ ხელნაწერში: „ესე მე ათანასე მალე მწერალმან აღვწერე (Март, Опис., გვ. 258—259). აღსანიშნავია, რომ ათანასე მალე მწერალი ყოფილა თვით ავტორი „ეკატერინეს წამებისა“ (იხ. იქვე). „მალე მწერლები“ „უცხად მწერლებადაც“ იწოდებოდნენ: „შრომისთჳს ლცჳყო უცხად მწერლისა და მწარედ ცოდვლისა ბასილისათჳს“ (Март, Агиогр. мат., I, გვ. 14). ან კიდევ: „ლოცვა ჰყავთ წთა შმათა ჩთჳს იოვანესა და ეფთჳმისა თარგმნებისათჳს... და ჩნ უცხად მწერალთა და სერაპიონ მმოსელისათჳს... ქრონიკონი იყო სჳმ (1088, А. Цагарели, Свел., I, გვ. 86; შდრ. იქვე, გვ. 82; Март, Опис., გვ. 139 და სხვ.). მალე მწერალთაგან განსხვავებით იხსენიება „სიმიათ მწერალი“ (იხ. Н. Март, Acta Iberica, გვ. 303—304. „სიმიათ რომელ არს წერტილი“—განმარტავს საბა; ამდენად სიმიათ მწერალი წერტილებით მწერლად (სტენოგრაფისტად) უნდა იქნეს გაგებული. ს. ორბელიანი სწორედ ამგვარად განმარტავს მას: „სიმიათ მწერალი წარსაგებლის მწერალი, გინა მონასმენის მწერალი“ („პრეუმისი, რაც ესმას წეროს“—უმატებს საბას შემავსებელი). მაგრამ, როგორც ნ. მარი შენიშნავს, „სიმიათ მწერალი“ სხვა გაგებითაც იხმარებოდა (იხ. Acta Iberica, გვ. 327; შდრ. ივ. ჯავახიშვილი, პალეოგრაფია, გვ. 127—128). აღსანიშნავია, რომ ქართული სიმიათმწერლობის არსებობის დამადასტურებელი ძეგლები, როგორც აკად. ივ. ჯავახიშვილი წერდა, ჯერჯერობით უცნობია.

გარდა „კეთილად მწერლისა“ და „მალე მწერლისა“ გვხვდება „მჩხრკელი“—მწერლის, გადამწერის, მნიშვნელობით („ქე შე მჩხრ-

კელი ამისი ინე ან—Mapp, Опис., გვ. 26; „ლცეყო ამონა მხრე-კელისათჳს ცოდვილისა ფდ.“—იქვე, გვ. 24; შდრ. აგრეთვე გვ. 52, 251, 264; Mapp, TP, IX, 63) და „ჩხრეკა“—წერის მნიშვნელობით („დაეჩხრეკე წა ესე წიგნი წიწს ამის მონასტრისათჳს“—Жордания, Опис., II., გვ. 58). როგორც ჩანს, მხრეკელისაგან განსხვავდებოდა „უცბად მხრეკელი“. „მაქსიმე აღმსარებელის ცხბას“, ე. თაყაიშვილის სიტყვით, მიწერილი აქვს: „ხოლო დაიწერა... გელითა უღირსისა და უცბად მხრეკელისა ისაკისათა“ (ე. თაყაიშვილი, არხ. მოგზ. სამეგრელოში, გვ. 79; შდრ. იქვე, გვ. 189—190. Жордания, Опис., 1, გვ. 196 და სხვ.). ივ. ჯავახიშვილი „ჩხრეკისა“ და „მხრეკელისა“ შესახებ წერდა: „ჩხრეკა“ მეგრულად თხრას, გათხრას ეწოდება... ამიტომ საფიქრებელი ხდება, რომ ჩხრეკა წერითი ხელოვნების ძველი, წარწერათა გამოყვანის აღსანიშნავად განკუთვნილი ტერმინი უნდა იყოს“.<sup>2</sup> ივ. ჯავახიშვილის ამ მოსაზრებას ერთი ეპიგრაფიკული ძეგლიც ადასტურებს. ბეშვანაშენის ეკლესიის კედლის წარწერის შემსრულებელი მღვდელი ვურგენი ამბობს: „გურგენ მღვდელმან დაწერე ცოდვილმან, უცბად დაეჩხრეკე“ (Э. Такайшвили, Арх. экск., IV, გვ. 16).

„მხრეკელისა“ და „უცბად მხრეკელისა“ გვერდით იხსენიება „ჰავად“, „უნდოდ“ და „უგუნურად მხრეკელნი“ (ე. თაყაიშვილი, არხ. მოგზ. სამეგრელოში, გვ. 82). „უნდოდ ჩხრეკა“ ნახსენებია 983 წ. ხელნაწერზე მინაწერში: „შემინდვეთ უნდოდ დაჩხრეკისათჳს, ყლდ არა ყოფასა ესევე შჯობს“ (Mapp, Опис., გვ. 76). „უგუნურად მხრეკელს“ კი ერთ მინაწერში ნათქვამი აქვს: „მე რი დამეკლოს, შემინდვეთ, რ უგუნურად მხრეკელი ვიყავ და ღწ იცის გუამითა დიად ხაში“ (იქვე, გვ. 110).

გადამწერის ხელოვნებაზე გავლენას ახდენდა მისი კულტურული დონე, მხატვრული ნიჭი, მოცილობა თუ მოშუცელობა, წლოვანება და მრავალი სხვა. გადამწერნი ხშირად უჩივიან მოხუცებულობას და ამ მიზეზით ბოღიშს იხდიან „ფარჩხად“, „მოცდომილად“ წერისათვის: „ფარჩხად წერისათჳს შემინდვეთ, რამეთუ მესამესა წელსა ბოსტანსა მას (ვიყავ) და დასასრულსა შინა ასაკათასა ვიქცეოდი“ (Цагарети, Свед., I, გვ. 46). „დაეჩხრეკე წა ესე წიგნა... უამსა ოდენ ბოროტად მოხუცებულობისათა ჩემისათა... შემინდვეთ, პირველ სხვთა დედებითა დამეჩხრეკა მოცდომილად“ და შემდეგ გავასწორეო (Mapp, Опис., გვ. 58. შდრ. Матер. по арх., XII, გვ. 160).

<sup>2</sup> ივ. ჯავახიშვილი, პალეოგრაფია, გვ. 51.

ზოგჯერ გადაწერა იმდენ ხანს გრძელდებოდა, რომ ახალგაზრდას მოხუცებულობა მოუსწრებდა კიდევ. გადამწერი ავგაროზ ბანდაიძე აღნიშნავდა: „ოდეს ვიწყე წერად (1348 წ., შ. მ.), ყრმა ვიყავ და აქა მიმკვოვნებულმან სრულეყავ, ქრონოკონსა მიგ.“ (1365 წ., Жордания Опис., II, გვ. 93-94).

ძველი ქართული ხელნაწერების სიმრავლე თავისთავად ადასტურებს გადამწერთა დიდი რაოდენობით არსებობას ძველ საქართველოში. მინაწერებით ირკვევა, რომ ამა თუ იმ წიგნს ორი ან სამი გადამწერი ერთად წერდა, ერთ სამუშაოს ასრულებდა. „დაბადების“ ათონური ხელნაწერის მინაწერში იკითხება: „დაიწერა წა ესე წიგნი ჰელითა სამთა მწერალთათა: მიქელისითა, გიორგისითა და სტეფანესითა... ქკს რჟმ“ (978 წ., Жордания, Опис., II, გვ. 40. А. Цагарели, свед., I, გვ. 5). გვაქვს შემთხვევები ორი მწერლის თანამშრომლობისაც ერთი წიგნის გადაწერის დროს: „ესე სახარება დაიწერა მათსა (დავით კურაპალატისა, შ. მ.) ზეობასა ჰელითა ორთა მწერალთათა: დავითისითა და არქიპოსითა“ (Цагарели, Свед., I, გვ. 19). ასევე მეორდება იმავე სახარების შემდეგ გვერდებზე. როგორც მინაწერიდან ჩანს, ორი მწერლის მიერაა შესრულებული წყაროსთავის 1195 წ. სახარებაც. „დაიწერა და გასრულდა ჰელითა ორთა მწერალთაათა: იოვანეს ფუკარალისძისა მნათისათა და გიორგი სეთაქსისათა“ (Матер. по арх., XII, გვ. 160; შ. ამირანაშვილი, ბეჟა ობიზარი, გვ. 7). რამდენიმე პირის ერთად თანამშრომლობაზე მოგვითხრობს აგრეთვე სინას 864 წ. ხელნაწერი: „მე მაკარი ლეთეთელი გრ გრძელისაჲ ცოდვილი ფდ ღირს მყო ღნ შესაქმედ წდისა ამის წიგნისა მრავალთავეისა. თანაშეწვენითა ძმისა ჩნისა სლიერითად პიმენ კახისათა და ჰელთწერითა დედის ძმის წოკლისა ჩემისა ამონა ვახთანგ მოძალოკლისა ძისათა“ (Март, Опис., გვ. 22—23). ზემოხსენებული წიგნის შექმნაში, როგორც ჩანს, მონაწილეობა მიუღიათ მაკარ ლეთეთელს, პიმენ კახს და ამონას. ამონას „ჰელთწერით“ შეუსრულებია თავისი სამუშაო. ამონა ამავე ხელნაწერის სხვა მინაწერში „მჩხრეკელად“ იხსენიება; მაკარ ლეთეთელი და პიმენ კახი კი ალბათ სხვა სამწიგნობრო სამუშაოს ასრულებდნენ. ამდენად წიგნების შექმნის საქმეში ერთიანდებოდნენ არა მარტო გადამწერები, არამედ მწიგნობრობის ხელობის სხვადასხვა დარგის წარმომადგენლებიც.

სამი მწერლის, ორი მწერლის და სხვადასხვა მონათესავე ხელობის მქონეთა გაერთიანება ამა თუ იმ სამუშაოს შესრულებისას შემთხვევითი არ იყო. სამეფო კარზე გადამწერთა მთელი დასი იყო. როგორც „გ. მთაწმინდელის ცხბიდან“ ჩანს, „კურაპალატს შეუქ-

მნია მთელი დასი წიგნების გადამწერთა“ (იხ. ნ. ბერძენიშვილი, მასალები სწავლა-აღზრდის შესახებ, „სწ.-აღზრდის ისტ. საქ-ში“, კრებ. I, 1937, გვ. 11). როგორც ივ. ჭავჭავაძის აღნიშნავს, ამ გადამწერთაგან ერთი რომელიმე გადამწერისა და წიგნის გამოწყობის უფროსი და ხელმძღვანელი უნდა ყოფილიყო. მართლაც, როგორც „გ. მთაწმინდელის ც'ხბიდან“ ჩანს, გადამწერთა გარდა კურაპალატის კარზე იყო „მწერალთა ზედა მთავარი“. კურაპალატის (ალბათ ბაგრატი III-ს) „მწერალთა ზედა მთავარი“ ყოფილა გიორგი ათონელის ბიძა, „გიორგი მწერალი“: „გიორგი მწერალი, მწერალთა ზედა მთავარ კურაპალატისათა“ („გ. მთაწმინდელის ც'ხბა“, გვ. 288; იხ. ნ. ბერძენიშვილი, იქვე, გვ. 11—12). „მწერალთა ზედა მთავარი“ ალბათ იყო „უპირატესი მწიგნობართა დასისა“ (ხრონოლოგია, 1432<sub>23</sub>-24). სამართლიანად შენიშნავდა ივ. ჭავჭავაძის, რომ „გადამწერთა ურთიერთშორის დამოკიდებულება გარკვეული წესებით იქნებოდა მოგვარებული“ და ყოველივე ეს „ისეთ შთაბეჭდილებას ახდენს, რომ გადამწერთა ერთნაირი ამხანაგობანი უნდა ყოფილიყო... XI—XII სს., როდესაც საქართველოს კულტურულმა განვითარებამ უაღრეს საფეხურს მიაღწია, გადამწერელთა ამხანაგობათა არსებობა და საზოგადოდ ამ ხელობის ფართოდ, სავაჭრო მიზნით ერთობლივი წარმოება ბუნებრივად უნდა ვიგულისხმობთ“.<sup>3</sup> გადამწერთა ამხანაგობას, როგორც XVIII ს. პირველი ნახევრის ერთ-ერთი მინაწერიდან ჩანს, „თაბუნი“ (იხ. Бакрадзе, Арх. путеш., გვ. 274) პრქმევია. „თაბუნი“ და „ასნაფი“ კი თანაბარი მნიშვნელობის სიტყვებია და XVII—XVIII სს. „ამქარის“ მნიშვნელობით იხმარებოდა.

გადამწერნი, როგორც ხელობის სხვა დარგის წარმომადგენლნი, უსასყიდლოდ არ მუშაობდნენ. გასამრჯელოს მიღება ხელნაწერის თუ წიგნის შექმნის სხვა სამუშაოს შესრულების გამო ხელს არ უშლიდა მათ ეთხოვნათ მკითხველისათვის, რომ ისინი ლოცვით მოეხსენიებიათ. ტბეთის სახარების ზემომოყვანილ მინაწერში გარკვევითაა ნათქვამი: „ღ'ნ გარწმუნოს, სულისა ჩემისათვის ლოცვა ყავთ. სასყიდლით წერაა დასტურა არა მიშლის ლოცვასა“ (Матер. по арх. XII, გვ. 160). გასამრჯელოს აღება ჩვეულებრივ ამბად ითვლებოდა. უსასყიდლოდ, როგორც ერთი მინაწერიდან ირკვევა, XI ს. თითქმის არავინ წერდა: „და მე შემინდევით პირველისათვის, უცბად და უმეტრად ჩხრეკისათვის. სხვაჲ ღონე არა მაქუნდა, საფასისაგან გლახაკად ვიყავი და უსასყიდლოდ არავინ დამიწერდა და ლოცვა ყავთ ჩემ უბადრუკისათვის“ (Джанашвили, Опис., III, გვ. 61).

<sup>3</sup> ივ. ჭავჭავაძის, პალეოგრაფია, გვ. 57.

გადამწერნი გადაწერას დაკვეთით ასრულებდნენ. წიგნის დაკვეთით შემქმენელს „მომგებელი“ (იხ. ივ. ჯავახიშვილი, პალეოგრაფია, გვ. 56) ეწოდებოდა. „მომგებელი“ გადამწერს ზოგჯერ თვით აძლევედა მასალას. მაგ., მიქელ დალალისონელს თავის ანდერძში ნათქვამი აქვს: ათონის (1074 წ.) კრებული დაეწერე „დეკანოზობა-სა იაკობ მღვდელისასა, განზრახვითა მისითა... ეტრატი იაკობ დეკანოზმან მოილო“ (იქვე, გვ. 56). ჩვენამდე მოაღწია ცნობილი გადამწერის იოანეს წერილმა, რომელსაც „მომგებელ“ მიქელისათვის 984 წ. სინას მთაში წიგნი გადაუწერია: „რომელი გებრძანა, დამიწერია, — წერს იგი „მომგებელს“, — მარიამ მეგვიპტელისაჲ არა ვპოვე ... სხუჲა ვერაჲ ვიცოდე, რაჲმცა დაეწერე რვეულნი, რომელ დარჩის, საკითხავებად დაეწერე... ესე მე აღრე დაეწერე, გარნა არავინ ვპოვე ვისამცა მივსცე: აწ კვრილესადა წარმომიცემიან. თუ რას მაწერიებდე, მიხარიათ ეტრატი გიზლო“ (ივ. ჯავახიშვილი, პალეოგრაფია, გვ. 56). როგორც აქედან ჩანს, გადამწერი შემკვეთის ბრძანებით წერდა შერჩეულ მასალას. გადამწერს შეკვეთილი ვერ შეუსრულებია, მარიამ ეგვიპტელის ცხოვრება ვერ უშოვნია და მის მაგიერ მიქელის მიერ გამოგზავნილი ეტრატის დარჩენილ ადგილებზე საკითხავები გადაუწერია. თუ შემკვეთი ამაზე არ დათანხმდებოდა, იოანე სიხარულით ჰპირდებოდა ეტრატის ანაზღაურებას. აღსანიშნავია, რომ მნიშვნელობა ჰქონდა შეკვეთილის დროზე შესრულებასაც. იოანე ბოდიშობს: „აღრე დაეწერე“, მაგრამ დროზე ვერ გამოგიგზავნეო.

ზოგი რამის თქმა გადამწერთა შრომის ფასის შესახებაც შეგვიძლია. შრომის ფასი გადამწერლის ღირსებასა გადასაწერის სიდიდეზე იყო დამოკიდებული. ხელფასზე ქვეყნის იმდროინდელი პირობებიც ახდენდა გავლენას. ამდენად, გადამწერთა შრომის ანაზღაურება ყოველთვის ერთნაირად როდი ხდებოდა. ზოგჯერ გადამწერი თავისი ხელობით მხოლოდ ჰამა-სმისათვის საჭირო თანხის აღებას ახერხებდა. 1066 წ. ერთ ხელნაწერში გადამწერს ნათქვამი აქვს: „სრულ იქმნა ერთ თუე... კელითა გლახაკისა გრიგოლ ხუცისათა ფასად პურისა ჩემისა“ (Царевич, Свед., II, 16, § 27). ზოგჯერ კი გადამწერის შრომა საკმაოდ ჯილდოვდებოდა. XVIII ს. ერთი გადამწერი ნიკოლოზ ოსეს ძე, ივ. ჯავახიშვილის გამოანგარიშებით (იხ. პალეოგრაფია, გვ. 98), ერთი გვერდის გადაწერაში ორ შაურს იღებდა, როცა ვახტანგ VI-ს „სამართლის წიგნის“ მიხედვით კოდი პური ნორმალურ ფასებში შაურნახევარი იყო, ხოლო ძვირობისას — არაუმეტეს ათი შაურისა და ზოგჯერ სამი აბაზისა.

ნიკორწმინდის XI ს. სიგელიდან ვგებულობთ, რომ ნახევრად-დაწერილი იადგარის დასრულებისათვის და მისი შეკაზმვისათვის 15

დრაჰკანი გადაუხდიათ: „მე დამხუდა იადგარი „ნახევარ წერილი :ა: და გავასრულე ყოვლითავე სისრულითა შევმოსე და მოვცუარე და შევებეჰდე და მისისა დაწერისა და შეკაზმისათჳს მივეც დრაჰკანი ღუკატი იე“ (ჟორდანი, ქრონიკები, II, გვ. 49). ივ. ჯავახიშვილის ვარაუდის მიხედვით<sup>4</sup>, ვთქვათ, შეკაზმეაში 3—5 დრაჰკანი ღუკატი მისცა, მაშინ ნახევარი წიგნის დაწერა 10—12, ხოლო მთელი წიგნისა 20 ან 24 დრაჰკანი ღუკატი ღირებულა. ასე რომ, წიგნის გადაწერა საკმაოდ ფასობდა. იმავე სიგელიდან ჩანს, რომ წიგნი კარგ ფასში იყიდებოდა და ამდენად მწერლებისთვისაც კარგ შემოსავალს იძლეოდა: „იციიდე წიგნი პარაკლიტონი :ა: და მივეც ფასად ცხენისა ნახევარი“ (იქვე). წიგნების გადამწერთა შემოსავალზე წარმოდგენას გვაძლევს „იოანე და ექვთ. ცხბის“ ავტორი, როცა იგი თეოფანე ხუცესზე ლაპარაკობს, რომ იგი იყო „სწავლული ფრიად და ხელოვნებით მწერალი წიგნთა საღმთოთაჲ, უფროჲს ათას ხუთასისა დრაჰკნისა უწერიან წიგნი მონასტერთა შინა და გარე“ (ათ. კრებ., გვ. 57; საბინინი, გვ. 427). დახელოვნებულ მწერალს მთელ თავის სიცოცხლეში შეეძლო ამ ხელობით მოეგო 1500 დრაჰკანი. ჩვეულებრივ მწერლებს ამაზე ნაკლები შემოსავალი ექნებოდათ<sup>5</sup>.

საკიროდ ვცნობთ გადამწერთა იარაღებზედაც შევიჩრდეთ. ტერმინით—„ალსაწერელნი წიგნისანი“ საერთოდ საწერი მასალა და იარაღი აღინიშნებოდა. „წმ. ნინოს ცხბის“ შატბერდისეულ ვარიანტში ნათქვამია: „მოიხუენით აღსაწერელნი წიგნისანი და დაწერეთ ცხორებაჲ ჩემი“ (E. Такайшвили, Опис., II, გვ. 735). თვით საწერ იარაღს კი „საწერელი“ ეწოდებოდა: „მოიხუენეს საწერელნი სალომე უქარმელმან და სივნიელმან პეროჟავერი და იწყო სიტყუად წმიდამან ნინო და ივინი წერდეს“—(იქვე, გვ. 435). „საწერელი“, წერდა ივ. ჯავახიშვილი, უმთავრესად ცვილოვან ტაბულეებზე საწერ იარაღს ჰნიშნავდა<sup>6</sup>. „საწერელი“ მელან-კალმის მნიშვნელობითაც იხმარებოდა. „იოანე და ექვთ. ცხბაში“ აღნიშნულია: „ყოველსავე იგი მისცემნ საწერლამდე და ნემსადმდე“ (საბინინი, გვ. 410). „საწერლის“ გვერდით სიტყვა „კალამიც“ გვხვდება, X ს. სხვა რამეთი წერა შეუძლებლადაც მიაჩნდათ. დაჩი თავის წერილში ამბობს: „დაწერნა კალამმან ღუთისამან“—ო (თ. ჟორდანი, ქრონიკები, I, გვ. 100). ხოლო „მაქსიმე აღმსარებელის ცხბის“ ქართულ თარგმანში იკითხება: „კალამი მიების ჴელსა მას დაკუეთილსა და

<sup>4</sup> შდრ. ივ. ჯავახიშვილი, საქ. ეკ. ისტორია, 1907, გვ. 45.

<sup>5</sup> შდრ. იქვე.

<sup>6</sup> ივ. ჯავახიშვილი, პალეოგრაფია, გვ. 43.



წერს“ (ციმენი, 1, 94). შ. რუსთაველსაც საწერ იარაღად კალამი უხმარია: „მელნად ვეხმარე გიშრის ტბა და კალმად მე ნა რხეული“ (გვ. 43). კალმად იყენებდნენ ფრთასაც და მას ლერწმის კალმისაგან განსხვავებით „ფრთის კალამს“ (Е. Такаишвили, Опис. I, გვ. 529) უწოდებდნენ. XVIII ს. ქართულ გუჯარში „კალამნი ფოლადისანი“-ც იხსენიება (ს. კაკაბაძე, ისტორიული საბუთები, I, გვ. 18). კალმის ხმარების შემოსვლასთან ერთად საღებავებიც შემოდის. ჩვეულებრივ საღებავი შავი იყო, ჭვარტლისა, წყლისა და წებოსაგან დამზადებული, რომელსაც „მელანი“ ეწოდებოდა. ერთ X—XI სს. მინაწერში, მაგალითად, ნათქვამია: „აწ რომელ წითლითა წერილ არს მარტოდ... უწყება რიცხუსა განწესებისა... ხოლო რომელ იგი მელნითა არს ქუმოწერილი, არს კათოლიკე რიცხვ (Жордания, Опис. I, გვ. 332). „რაკი, წერს ივ. ჯავახიშვილი, „წითელი“, ცხადია, წითელი საწერ-საღებავის აღმნიშვნელაა, ამიტომ „მელანი“ შავი საწერ-საღებავის აღსანიშნავი ტერმინი უნდა ყოფილიყო“.7 აღსანიშნავია, რომ V—VI სს. ქართველებს რკინისაგან შემზადებული მელანიც უხმარიათ.<sup>8</sup>

სათაურებისა და თავი ასოების საწერად ხშირად წითელი საღებავები იყო გამოყენებული. გვხვდება „სინგური“-ც (ქრონიკები, I, გვ. 208), რომელიც, ს. ორბელიანის განმარტებით, „წითელი სახატავია“. მაგრამ „სინგური“ ყოველ წითელ საწერ-საღებავს არ ეწოდებოდა. საბასვე თქმით, სინგურს „ვერცხლის წყალთა და გორგთა (sic) გამოადნობენ“ და ისე აკეთებენ. „სინგური“ ჩვეულებრივ წითელ საღებავთაგან თავისი ფერითა და ბრწყინვალეობითაც განირჩეოდა.

ნაწერის სისწორისათვის მწერალნი ეტრატსა და ქაღალდზე სწორ ხაზებს ავლებდნენ. იმ იარაღს, რომელსაც სწორი ხაზების გავლებისათვის ხმარობდნენ, „სახაზავი“ (Жордания, Опис., I, გვ. 294) ეწოდებოდა.

### § 3. წიგნის შემაკრავნი და მკაზმველნი

გადანაწერის დედანთან შეწამების შემდეგ ხდებოდა „შეკერვა წიგნისაჲ“ ანუ შემოსვა. „წიგნის შეკერვა“, „შემოსვა“ აკინძვას შეესატყვისება. „ეტრატის მოქმედთა“ და მწერალთა გვერდით გარ-

<sup>7</sup> ივ. ჯავახიშვილი, პალეოგრაფია, გვ. 46.

<sup>8</sup> იქვე.

კვეული ხელობის მქონედ იხსენიებიან „მმოსველნი“, ხოლო „შეკერვაჲ წიგნისაჲ“ ანუ „შემოსვა“ — გარკვეულ ხელობად.

„შეკერვაჲ“ ჩვენ მხოლოდ ერთჯერ გვხვდება აკინძვის, შემოსვის მნიშვნელობით: „ჯელი მეხუთე შეკერვაჲ წიგნისაჲ“ (Жордания, Опис., II, გვ. 94). უფრო გავრცელებული იყო „შემოსვა“: „კსნ. სახელითა ღმრთისაჲთა შეიმოსა მესამედ წლად ესე წიგნი მრავალთაჲ თყავითა ზროხისაჲთა“ (Март, Опис., გვ. 25). „წიგნებად აკინძვას“ „წიგნებად შემოსვა“ შეესატყვისებოდა: „სამ წიგნად ჳირითა შეევოსეთ“ (ქრონიკები, I, გვ. 164; შდრ. Цагарели, Свед., I, გვ. 92). „შემოსვა“ სხვაგანაც (ქრონიკები, I, გვ. 190, 191, 192, 193, 167, 106, 201; Цагарели, Свед., I, გვ. 78 და სხვ.) არაერთხელ გვხვდება ხსენებული მნიშვნელობით.

შემოსვის, აკინძვის მნიშვნელობით ზოგჯერ „კაზმვა“-ც იხმარებოდა: „და ამის წიგნის ესრე მცირედ შეკაზმი-სთვს შემინდევით... ერთობ დაშლილი იყო და ვერაჲ მოუგუარე მეტი“ (Март, Опис., გვ. 275; შდრ. იქვე, გვ. 274).

აკინძვის ხელობის მცოდნეს „მმოსელი“ ანუ „შემმოსელი“ ერქვა. ამგვარი ხელობის მქონენი ხშირად იხსენიებიან მინაწერებში: „ქე, აღიდე სულითა ეფთიმე ამისი თარ-გმნი. აწ იყავნ. შეიწყალე საბა ნწერალი და იოვანე მმოსელი. აწ“ (ქრონიკები, I, გვ. 122). ასევე იხსენიებიან „ზაქარია მმოსელი“ (იქვე, გვ. 165), „სერაპიონ მმოსელი“ (Цагарели, Свед., I, გვ. 86) და სხვ. „შემოსვა“ ზოგჯერ მწიგნობრობის სხვა ხელობასთან ერთად გადამწერის საქმეს შეადგენდა: „ესე ოთხთავი დაიწერა წყაროჲსთავს წე ხატისა ღმრთისისა კელითა საბ-მსითა კამარანი და თ-კნი და შეიმოსა. ჩთ-ავე ჳლ-ითა იქნა“ (Е. Такайшвили, Арх. экс., V, გვ. 34). ამრიგად, საბას არათუ გადაუწერია ოთხთავი, არამედ მისივე ხელით გაკეთებულა კამარანი, თავნი და მისივე ხელით აკინძულა. ამგვარად, მას მწიგნობრობასთან დაკავშირებული რამდენიმე ხელობა ჰქონია.

„მმოსელნი“ წიგნებს კინძავდნენ ფურცლების, ანუ „კეფის“ მიხედვით. რვა კეფი ერთ რვეულს ქმნიდა.<sup>9</sup> მმოსავიც ამ რიგით აკინძავდა ხოლო წიგნს: „გამიმარჯუა წმ-დნ ღმრთე მმობელმან, ესე იადგარი შევმოსე მეორედ რუჴლ-ბურსავე რიგსა ზედა“ (К. Кекелидзе, Литургические памятн., გვ. XXV). რამდენიმე რვეული ერთ

<sup>9</sup> შდრ. ივ. ჭ ა ვ ა ხ ი შ ვ ი ლ ი, პალეოგრაფია, გვ. 63. აღსანიშნავია, რომ „კეფის“ პარალელურად „ფურცელი“-ც იხმარებოდა. ივ. ჭავჭავიძის შენიშვნით კეფი შეიძლება გრაფილის შემადგენელი ფურცლების აღმნიშვნელად ვიგულისხმოთ, ხოლო „ფურცელი“ ხელნაწერის რვეულთა ნაწილის სახელი იყოს.

წიგნად იმოსებოდა, ხოლო ერთი ხელნაწერი—რამდენიმე წიგნად. „წმ. მამამან ევთიმე... ოცდა ათი წიგნი დათარგმნა ბერძნული-საგან ქართულად და მერმელა მათეს თავი სახარება დათარგმნა; სამად წიგნად ქირითა შევმოსეთ“ (ქრონიკები, 1, გვ. 164; შდრ. Цагарели, Свед., I, გვ. 92). წიგნი დროთა განმავლობაში ფუჭდებოდა და საჭირო ხდებოდა მეორედ, მესამედ შემოსვა. „შეიმოსა წა ესე სახარება საყოფელსა წინა ღის მშობელისასა მეორედ კელითა გლახაკისა იოვანესითა... ქრონიკონი იყო მეათცამეტელ ქცეული სუ“-1070 წ. (Жордания, Опис., I, გვ. 117; ქრონიკები, 1, გვ. 213). ან კიდევ: „კან სახელითა ღმრთისაჲთა შეიმოსა მესამედ წა ესე წიგნი მრავალთავი“... (Март, Опис., გვ. 25; შდრ. იქვე, გვ. 53).

შემოსვა ქალაღლის მაგარი ყდით, ან ძროხისა თუ ცხვრის ტყავით წარმოებდა. როგორც 864 წ. ხელნაწერის ერთ-ერთი მინაწერიდან ჩანს, ტყავი უხმარიათ მრავალთავის შესამოსად: „შეიმოსა... წა ესე წიგნი მრავალთავი ტყავითა ზროხისაჲთა სინა წა ს კელითა იოვანე ფა ცოდვილისა ზოსიმესითა“ (Март, Опис., გვ. 25). ქალაღლის ხმარებაში შემოსვლის შემდეგ იგი შესამოსადაც იყო გამოყენებული: „მესამედ შეიკაზმა წა ესე პარაკლიტონი კელითა ყა კაცთა უცოდვილესისა გრგლ ვარძელისაჲთა დია პიცად (sic) დაშლილი და დახეული. ლოცვა ყვთ და ქალაღლითა ელია იღუაჲ მისთეს და უცბად კაზმისათეს შემინდევით. მე რლ ვიცოდი, არაჲ დამიკლია“ (იქვე, გვ. 274, 275). ქალაღლი, რომელიც ამ შემთხვევაში ელიას მოუპოვებია, ცხაღა, გამოყენებული იყო საკაზმაღად, შესამოსად.

მმოსავის იარაღს, რომლითაც ის უსწორ-მასწორო ეტრატის თუ ქალაღლის ფურცლებს ასწორებდა, „საჭრელი მწიგვნელისა“ ერქვა: „აღმოიღაიკითხვის იუღი სამი კეფი ანუ ოთხი, მოჰკუჭთდის მათ საჭრელითა მწიგვნელისათა“ (იერემია, 36გვ). მწიგვნელის საჭრელი უბრალოდ „დანაღ-აც იწოდებოდა. უსათუოდ მმოსავის დანაზეა ლაპარაკი შემდეგ მინაწერში: „შეიმოსა კელითა კურთხეულისა ძმისა ნისტერონისა... პავლესათესცა ლოცვა ყავთ, დიღად ამაშენა დანისა ლესვითა“ (ქრონიკები, I, გვ. 201).

მმოსავნი, ისევე როგორც გაღამწერი, ერთიანდებოდნენ ამა თუ იმ სამუშაოს შესასრულებლად. გვაქვს ზოგჯერ ორი პირის ურთიერთთანამშრომლობის მაგალითები თხზულებათა შემოსვისას: „ესე წიგნი... შეიმოსა კელითა ძმათა სულიერთა მქლ და გრგსათა ქრკნი იყო სგ“ (1043 წ., Цагарели, Свед., I, გვ. 76). მაგარამ ვინაიდან შემოსვა შედარებით უფრო ნაკლებ დროსა და შრომას მოითხოვდა,

ვიდრე გადაწერა, ამიტომ მმოსავნი იშვიათად ერთიანდებოდნენ ამა თუ იმ სამუშაოს შესასრულებლად; სამაგიეროდ ისინი მუშაობდნენ მწიგნობრობის სხვა ხელობის მქონეებთან ერთად: გადამწერებთან, მკაზმავებთან და სხვ. მინაწერები ამ მხრივაც გვაძლევენ მასალებს. ვხვდებით ნწერლისა და მმოსავის ერთად მოხსენიების შემთხვევებსაც: „ქე... შეიწყალე საბა მწერალი და იოვანე მმოსელი ან“ (ქრონიკები, I, გვ. 122). ასევე „მმოსელი“, „უცბად მწერალი“ და „მკაზმავი“ ერთად იხსენიებიან 1008 წ. მინაწერში: „ლოცვა ჰყავთ წთა მმთა ჩთს: იოვანესა და ეფთკმისა თარგმანებისათჳს და ჩნ უცბად მწერალთა და სერაპიონ მმოსელისა თს... ქრონიკონი იყო სჳ... მე ცოდნ თე შეკვაზმე“ (Цагарели, Свед., I, გვ. 86; შდრ. იქვე, გვ. 92). ამრიგად, ამ მინაწერის მიხედვით, ერთიანდებიან „უცბად მწერალნი“, „მმოსელი“ და „მკაზმავი“—მწიგნობრობის „კელის“ სხვადასხვა დარგის წარმომადგენლები. ეს ერთხელ კიდევ ადასტურებს ზემოთ გამოთქმულ მოსაზრებას მონათესავე ხელობის წარმომადგენელთა ორგანიზაციულად გაერთიანების შესახებ „თაბუნის“ სახით.



როგორც აღვნიშნეთ, შემოსვა აკინძვას, ყდის გაკეთებას უღრიდა; ზოგ შემთხვევაში ამავე გაგებით „კაზმავც“ იხმარებოდა, მაგრამ მას უფრო სხვა მნიშვნელობა გააჩნდა—იგი მორთვას, მკობას შეესატყვისებოდა. ჩვენ ვერ გავიზიარებთ აკად. ივ. ჯავახიშვილის მოსაზრებას იმის შესახებ, რომ „შემოსვა“ რვეულებად აკინძვას უღრიდა, ხოლო „კაზმავ“ ყდის გაკეთებას. ეს რომ ასე ყოფილიყო, მაშინ გაუგებარი იქნებოდა ზემომოყვანილი ამონაწერის შინაარსი, სადაც წიგნის ძროხის ტყავით შემოსვაზეა ლაპარაკი. „კაზმავ“ რომ „მკობა“-ს უღრიდა, ამას XII ს. ერთ-ერთ ხელნაწერზე მოთავსებული მინაწერიც ადასტურებს: „შეისწავე, ვითარმედ კოზმა მკობასა ეწოდების“... (Xp. B., I, вып. III, გვ. 332).

„კაზმავ“ და „მკაზმავი“ ხშირად მოიხსენიება მმოსავისაგან განსხვავებით ლამის გვერდით. როგორც ზემოთ დავინახეთ, ის წიგნი, რომელიც სერაპიონს შეუმოსავს, თეოდორეს შეუკაზმავს. ზოგ შემთხვევაში, ისევე როგორც გადამწერი და მმოსავი, გადამწერიც და მკაზმავიც ერთი და იგივე პირია: „მიქელ მწერალსა პაიჭისძესა და მკაზმავსა შს ლნ (А. Хаханов, Грузинския рукописи в европейских книгохран., Древности Восточныя, 1913, IV, გვ. 15). მაგრამ უფრო ხშირად „მკაზმავი“ ცალკე იხსენიება. იგი ხელობის ისეთივე

წარმომადგენელი იყო, როგორც მწერალი, ეტრატის მოქმედი და სხვ. „კაზმვა“ კი, ჩემი აზრით, ნიშნავდა კამარითა და ხატებით, სურათებით შემკობას, ანუ იმას, რასაც ჩვენ დღეს დეკორს ვუწოდებთ. ქართული ხელოვნების ისტორიის სპეციალისტების მიხედვით ქართული ხელნაწერის დეკორი მხოლოდ IX ს. დასასრულიდან ყალიბდება, წინა საუკუნეებიდან მოღწეულ ხელნაწერებში კი მისწრაფება დეკორისადმი არ მკლავდება.<sup>10</sup>

დეკორის შემსრულებელთაგან „კამარათა“ შემსრულებელნი ცალკე იხსენიებიან ძველ ქართულ წერილობით ძეგლებში. ჭრუჭის ოთხთაიის (გაღწ. 936 წ.) ერთ-ერთ მინაწერში ვკითხულობთ: „ქ<sup>1</sup> კი იყო რაჲ, ქ<sup>2</sup> ე შ<sup>3</sup> ე ამათ კამარათა მწერალი თ<sup>4</sup> ე“ (Brosset, Voyage, 3, გვ. 83; შდრ. რ. შმერლინგი, ქართ. ხელნაწერების მორთულობა, გვ. 41). „კამარათა მწერალი“, ცხადია, უბრალო მწერალთაგან განირჩეოდა: ის მხატვარი იყო. წიგნი სურათებითაც იმკობოდა. სურათებით წიგნის შემკობას „მხატვარი“ აწარმოებდნენ. არაერთი მნიშვნელოვანი ძეგლია ამ მხრივ ჩვენში შემორჩენილი. მართალია, ქართული ხელნაწერების დეკორს ბიზანტიური გავლენა ეტყობა, მაგრამ, სპეციალისტების აზრით, ისეთი ხელნაწერები, როგორცაა A<sub>97</sub> (კლარჯეთისა, XI ს. დასასრ.) ან კიდევ H<sub>221</sub>, გადაწერილი XI ს. ორმოცდაათიან წლებში, უსათუოდ სცილდება „ბიზანტიის“ ცნების ფარგლებს.<sup>11</sup>

საქართველოს უშუალო სიახლოვემ ბიზანტიის საეკლესიო და საერო კულტურასთან, შეაძირობა ქართული ხელნაწერის დეკორების ბერძენ ოსტატთა მიერ შექმნა. მაგრამ, როგორც რ. შმერლინგი წერს, ბერძენი ოსტატები ქართველებთან ერთად ისე ხელიხელჩაკიდებულნი მუშაობდნენ, რომ ზოგჯერ შეუძლებელი ხდება ბერძნის ნაწარმოების გარჩევა ქართველის ნაწარმოებისაგან.

ვანის სახარება, რომელიც შესაძლებელია თამარის პირადი ეგზემპლარი ყოფილიყო, როგორც მისი მინაწერებიდან ჩანს (იხ. E. Такайшвили, Ванское четвероевангелие, Изв. КИАИ; 1927, II, გვ. 105, ტაბ. XXII), ბერძენი ოსტატის მიქაელ კორესის მიერ ყოფილა შემკული. ხოლო ტბეთის სახარების შესამკობად ხატი კამარანი, როგორც მინაწერიდანაც ჩანს, კონსტანტინოპოლიდან გამოუწერიათ: „მე გლახაკმან სამოელ (ვიხილე) წიგნი ესე ოთხი სახარება, და ეპოვე აღწერილი და შემკული ყოვლითა განგებულთა, ხოლო

<sup>10</sup> შდრ. რ. შმერლინგი, ქართ. ხელნაწ. მორთულობა, გვ. 17.

<sup>11</sup> შდრ. იქვე, გვ. 21.

ნაკლოვან იყო ხატთა და კამარათაგან და გამოვიხვენ ესე ხატნი და კამარანი საბერძნეთით, ქალაქით დიდით სამეუფოთ და ჩაურთენ ამას წმიდასა სახარებასა“ (Цагарели, Свед., I, с. 21).

ხელნაწერის მკობაში ოქრომჭედელიც იღებდა მონაწილეობას. შემკობა წიგნის მოცვარვას, მოჭედვასაც გულისხმობდა: „ქ. ოთხთავი ესე წადა... მე ბასილი ა მსმან (მმოსელმან, შ. მ.) შევმოსე და მოვჭედეო“ (თ. ქორდანი, ქრონიკები, II, გვ. 172) — ვკითხულობთ ყანჩაეთის ეტრატის სახარების მინაწერში. ბასილ მმოსავს შესაძლებელია თვით მოეჭედოს ზემოხსენებული ოთხთავი.

ერისთავთერისთავი ბეშქენი კორიდეთის ბერძნული სახარების მინაწერში ამბობს: „ესე ოთხთავი და ერთი სახარებაა განთესული კორიდული დაშლილი ვპოე ქამთა სიგრაძოთა. მე ერისთავთ ერისთავმან ბეშქენ შევკაზმე ესე ოთხთავი, მოვჭედე ჭუარითა და ცუარითა, სახარებაა მათი სადაგად შევმოსე“.

ერისთავთერისთავს კორიდული ოთხთავი შეუკაზმავს, მოუჭედავს და მოუცვარავს, ხოლო „ერთი სახარებაა“ უბრალოდ შეუმოსავს. ასე რომ, შემოსვა, შეკაზმვა და მოჭედვა-მოცვარვა ხელობის სხვადასხვა დარგის წარმომადგენლებს აერთიანებდა.

როგორც გადამწერნი, ასევე მმოსავნიც, მკაზმავნიც და მომჭედელნიც თავიანთ ხელობაში გასამრჩელოს იღებდნენ, როგორც ეს ნიკორწმინდის XI ს. სიგელის ზემომოყვანილი ადგილიდანაც ჩანს.

#### § 4. მხატვარი

ძველი ქართული ხელოვნებისა და ხელოსნობის ერთ მნიშვნელოვან დარგს მხატვრობაც წარმოადგენდა.

სახის გამოხატვას ანუ „ხატის გამოხატვას“ „ხატვა“ ეწოდებოდა. „ხატვის“ მნიშვნელობით ზოგჯერ „დაწერა“-ც გვხვდება. „ამირანდარეჯანიანში“ თითქმის ყველგან „დახატვის“ მაგივრად „დაწერა“ იხმარება: „მაშინ მოიყვანა მხატვარი და დაწერა თავი თვისი და ჩვენიცა“ (გვ.96); „ოღეს შევხედენით, ეწერა კედელსა ზედა კაცი შევნიერი ჭაბუკი ვინმე... ოღეს გარე მოვიხედენით, სხვა დაწერილი ვპოვეთ ბერი კაცი“ (გვ. 80; შდრ. აგრეთვე, გვ. 4, 5, 71, 78, 79). ამის შესაბამისად, „ხატის დახატვა“ ზოგჯერ „ხატის დაწერადა“-ც ითქმებოდა. მაგ., „გიორგი მთაწმინდელის ცხაში“ ვკითხულობთ: ბრძანეს „ხატიცა დაწერად სახეს ყოვლად წმიდისა ლუთის მშობლისა და ამიერ და იმიერ ორნივე მამანი... მამა ევთიმი

და მამა გიორგი“ (ათ. კრებ., გვ. 347, საბინინი, გვ. 485). „გამოწერა“ „გამოხატვას“ შეესატყვისებოდა: „გამოწერა ხატებისა ისწავესო“, ნათქვამია „ანდრია მოციქულის ცხ“ბაში“ (საბინინი, გვ. 41). ან კიდევ: „გამოწერეს იგი ფიცარსა და უჩუენეს ყოველსა კაცსა“ (თეკლას მარტილობა, 110<sub>22</sub>). „გამოწერისა“ და „დაწერის“ გარდა ამჟვე მნიშვნელობით „გამოხატვა“ (საბინინი, გვ. 27) და „ხატვა“-ც იხმარებოდა. „სერაპიონ ზარზმელის ცხ“ბაში“ ვკითხულობთ: „ვითარ განსრულდა სარკუმლამდე, გამოხატეს თვთ მიქელცა ორთა მათ თანა გალატოზთა ზედა სარკუმელსა აღმოსავლისასა“ (180<sub>18-17</sub>). „გამოწერის“ ანუ „გამოხატვის“ მოქმედი ხელოსანი „მხატვრ“-ად იწოდებოდა. წერილობით ძეგლებში „მხატვარნი“ ხშირად არიან მოხსენიებულნი. „ამირანდარეჯანიანში“, როგორც ვნახეთ, ნათქვამია: მ ხ ა ტ ვ ა რ მ ა „დაწერა თავი თვისი და ჩუენცა“-ო. „იოანე და ექვთ. ცხ“ბაში“ იხსენიება აგრეთვე „მხატვარი“: „ვითარცა აღდგა, მოეკსენა ხატი წმიდისა იოანე მახარობლისაჲ, რომელი მხატვრისადა მიეცა განსაგებლად, და უბრძანა მოწაფესა, რათა წარვიდეს და უთხრას, ვითარმედ „ჭერი არს შეკაზმუჲჲ“ (ათ. კრებ., გვ. 57; საბინინი, გვ. 427). იგი გვხვდება „ვეფხისტყაოსანში“ და „ვისრამიანშიც“. „ვეფხისტყაოსანში“ ნათქვამია: „აქა, მხატვარო, დახატე, ძმად უმტკიცესად ძმობილნი“ (1373<sub>1</sub>); „მას წინალამით ძალ-ედვის მხატვარსა ხატვა ხატისა“ (იქვე, 1465<sub>4</sub>). „ვისრამიანში“ კი იკითხება: „ერთი მისებრი არცა მხატვართაგან დაისახოდა“ (გვ. 9). „მხატვარნი“ ეპიგრაფიკულ ძეგლებშიც არიან მოხსენიებულნი. მთავარანგელოზ გაბრიელის ოქროს ხატზე (სვანეთი) მიწერილია: „აღუენა ხატი ესე კელითა მხატვრისა მიქელ“ (Матер. по арх., X, გვ. 35). ჭულის ეკლესია, როგორც მასზე მოთავსებული წარწერიდან ჩანს, „მხატვარ არსენ თბილელს“ მოუხატავს: „შეწვენითა ღვთისაჲთა და წმიდისა გიორგი ჭულისაჲთა სრულ იქმნა ეკლესიაჲ ესე ჭულისაჲ ხატებითა, კელითა მხატვრისა არსენ თ(ბილელისა)ჲთა... ქრონოკონსაჲთა“ (1381 წ., Е. Такайшвили, Арх. экск., I, გვ. 107). მარტილის სამხრის ზემო მინაწერში, ე. თაყაიშვილის ცნობით, იკითხება: „ყოვლად წმინდაო, შეიწყალე გიორგი მხატვარი, ამინ“ (ე. თაყაიშვილი, არხ. მოგზ. სამეგრელოში, გვ. 123). მხატვართა „მონაკვლოვს“ „ნახატი“ (ვისრამ., გვ. 265) ეწოდებოდა.

შენობათა მოხატვა მისი მორთვა-მოკაზმვის ერთი აუცილებელი მომენტთაგანი იყო. მოხატვა კი მხატვართა საქმეს შეადგენდა და ისინი ამ სამუშაოს სათანადო გასამრჯელოს მიღებით ასრულებდნენ კიდევ. დავით აღმაშენებელი, როგორც აღვნიშნეთ, თავის ანდერძში წერდა: ეკლესიას „კალაპოტი გამოუყარონ, მოლესონ, მო-

ხატონო“. ეკლესიის კედლებზე გამოხატავდნენ ზოგჯერ ეკლესიის მამულებელს, წმ. მოწამეებს და სხვადასხვა მომენტებს „ძული და ახალი სჯულიდან“. „ანდრია მოციქულის ცხბაში“ ნათქვამია: „ბრძანა მოციქულმან, რათა გამოხატონ კედელსა ზედა ეკლესიისა ყოველივე უწყება ძუჭლისა და ახალისა ჰსჯულისა“ (საბინინი, გვ. 41). ეკლესიის მომხატავები არაერთგან არიან მოხსენიებულნი ათონის ივერთა მონასტრის აღაპებში: აღაშენა „ეკლესიაჲ... გებით და მოხატვით“ (ათ. კრებ. 270, № 13; შდრ. იქვე 270—179, № 21, 27, 30). უბისის ტრიუმფალურ კამარაზე მოთავსებულ ფრესკულ წარწერაში იკითხება: „სახელითა ღთისითა მოხატა მონსტრი ესე ჯელითა ცოდვილისა დამიანეს გაზრდილისა გერასიმისითა“ (შ. ამირანაშვილი, უბისი, გვ. 65).

მხატვრობის დარგში მღვდელ-მონაზვნებიც იყვნენ გაწაფულნი. ისინი მონაწილეობდნენ მნიშვნელოვან ძეგლთა მოხატვაში. მაგ., „მღვდელ-მონაზონს მარკოზს, ტომით ქართველს, მოუხატავს ათონის ქართველთა მონასტერი უნგროვლახელის მიქელ II მთავრის სახსრით 1592—1600 წწ. ათონის კედლის მხატვრობაში დაცულია სურათი მხატვრისა და ზემოხსენებული მთავრისა წარწერით“<sup>12</sup>. საქართველოში უცხოელი მხატვრებიც მოჰყავდათ ხოლმე ამა თუ იმ სამუშაოს შესასრულებლად, მაგრამ უფრო საქართველოს დაკნინების ხანაში. წალენჯიხის ეკლესიის მოსახატავად ვამეყ დადიანმა XIV ს. მხატვარი კონსტანტინოპოლიდან მოაყვანიან: „პატრონისა ერისთავთ ერისთავისა და მანდატურთ უხუცესისა დადიანისა ვამეყის ბრძანებითა მოვიყვანე კოსტანტიპოვლით მხატვარი კირ მანოელი ევიენიკოს და დავახატვინე ესე ეკლესია...“ (ე. თაყაიშვილი, არხ. მოგზ. სამეგრელოში, გვ. 211). იმავე ეკლესიის მარცხენა სვეტზე იკითხება: „წარვეგზავნეთ... კოსტანტიპოვლეს და მოვიყვანეთ მხატვარი ესე კირ მანუელ ჩვენ... მახარობელი ქვაბალია და ანდრონიკე გაბისულავა და ვევედრებით მაცხოვარსა“ (ე. თაყაიშვილი, იქვე, გვ. 211—212). აღსანიშნავია, რომ ბროსეს ინტერპრეტაციით მახარობელი ქვაბალია და ანდრონიკე გაბისულავა არა მარტო წარგზავნილი კაცები იყვნენ, არამედ მხატვარ ივიენიკოსის თანაშემწეებიც.

მხატვარნი მოხატვისათვის სათანადო გასამრჯელოს იღებდნენ ალბათ, მაგრამ ჩვენ ამ საკითხზე მსჯელობისათვის არაერთი მასალა არ მოგვეპოვება, გარდა იმისა, რომ ერთ მხატვარს ქაშოეთის

<sup>12</sup> შ. ამირანაშვილი, ქართ. მხატვრობის ფრაგმენტები, „არილი“, გვ. 43, შენ. 1.



დახატვისათვის „სახალშენე მიწა“ მიუღია ერისთავისაგან: „ესე... გაზი და გრიგოლ შვილთა შენთა... თა ჩნ-თა მოგუქ შენისა სულისა საკსენებლად მეჯუდის კევეს (sic) ლომსაურს სახალშენე მიწა კოტ (აური) შენთეს ერისთავსა ქაშოეთის დახატვისათეს ებოძა“ და მისი შემოწირვისათვის ალაპი გაგიჩინეთო (Жордания, Опис., II, გვ. 94). როგორც აქედან ჩანს, მხატვარს „ქაშოეთის დახატვისათვის“ ერისთავისაგან „მეჯუდის კევეს სახალშენე მიწა“ მიუღია გასამრჩელოდ, მხატვარს კი გასამრჩელოდ მიღებული მიწა „სულის სახსენებლად“ შეუწირავს ეკლესიისათვის. მაგრამ ამ მნიშვნელოვანი მიწაწერიდან არ ჩანს, თუ რა ღირებულებისა იყო ეს მიწა, ე. ი. თუ როგორ იყო შეფასებული მხატვრის შრომა.

თუ ეკლესია (საერთოდ შენობა) დიდი იყო და მოხატვა სერიოზულ სამუშაოებს მოითხოვდა, მოხატვაში ალბათ რამდენიმე მხატვარი იღებდა მონაწილეობას და მათ თავიანთი უხუცესიც — „მხატვართუხუცესი“ გააჩნდათ. „მხატვართუხუცესი“ მხოლოდ ერთხელ გვხვდება ჩვენთვის ცნობილ წერილობით ძეგლებში. ე. თაყაიშვილმა თავისი «Археологические экскурсии»-ს პირველ ნაკვეთში მის მიერ ამოკითხულ სხვა წარწერებთან ერთად მოათავსა ზარზმის მონასტრის კედლის ერთი მეტად საინტერესო წარწერა: „სამცხის სპასალარი სარგის და მხატვართოკოკცესი“. ე. თაყაიშვილის სიტყვით, წარწერა გაკეთებულია სარგის სამცხის სპასალარის გამოსახულებათზე. როგორც ჩანს, თვით ე. თაყაიშვილსაც ეჭვი ეპარებოდა წარწერის ამგვარად ამოკითხვის სისწორეში და ამიტომ მას შემდეგ შენიშვნა დაუტოვა: „სიტყვა მსახურთუხუცესმა... ჩემში ეჭვი გამოიწვია, უწინ ხომ არ იყო სიტყვა მსახურთუხუცესი... ამიტომ გავასუფთავებინე წარწერა, იგი იყო მხოლოდ ნახშირით შემოვლებული და აღმოჩნდა, რომ მის განახლებას ადგილი არ ჰქონია, ასე რომ აქ შეცდომას აქვს ადგილი. ეს შეცდომა იმთავითვე უნდა ყოფილიყო დაშვებული.“ (Арх. экск., I, გვ. 47 და შენ. 1). მართლაც, ამოკითხვა თითქოს მცდარი უნდა ყოფილიყო, რადგან ა) ამგვარი შინაარსის სხვა წარწერა, ან მასალა უცნობია; ბ) მხატვართუხუცესის მაგივრად იქ შეიძლება თავდაპირველად მსახურთუხუცესი ყოფილიყო, და ლ) შესაძლებელი იყო იგი წარწერის გამკეთებელს ამგვარი შეცდომა დაეშვა და სამცხის სპასალარისათვის თითქოს შეუფერებელი თანამდებობა მიეკუთვნებინა. გარდა ამისა, რამდენადაც ოსტატთა უხუცესად შეიძლება თქვას ყოფილიყო კაცი, რომელიც თვით ოსტატი არ იყო, წარწერა მაინცდამაინც საეჭვო არ უნდა იყოს. აღსანიშნავია, რომ

შ. ამირანაშვილს, როგორც მისი მითითებიდან ჩანს, სამცხის სპასალარი აგრეთვე მხატვართუხუცესად წარმოუდგენია და ე. თაყაიშვილის ამოკითხვას უყოყმანოდ იმეორებს<sup>13</sup>.

როგორც წარწერიდან ირკვევა, სამცხის სპასალარს სარგის II-ს (1334 წ.), გარდა სპასალარობისა, მეორე თანამდებობა, მხატვართუხუცესობაც ჰქონია. აღსანიშნავია, რომ მხატვართუხუცესობა მაშინ სპასალარობის გვერდით მოხსენიების ღირსად მიუჩნევიან. ცხადია, სპასალარი სარგისი თვით მხატვარი კი არ იყო, არამედ მხატვართა უფროსი, „ზედამდგომელი“ და სამხატვროების „ადმინისტრაციული გამგე და მის მოწყობა-შემოსავლიანობაზე“ მზრუნველი. როგორც პროფ. ნ. ბერძენიშვილი აღნიშნავს, ოსტატთა უხუცესად შეიძლება მოწვეულ იქნეს არაოსტატი კაცი, რადგან თვით უხუცესობა „ხელოსნობა-ოსტატობის მომენტს არ შეიცავს“. ნ. ბერძენიშვილი, როცა „მღებართუხუცესის“ შესახებ „დასტურლამალას“ ცნობებს ეხება, შენიშნავს: „მღებართუხუცად“ და „მეზაჟედ“ სწორედ იმიტომაც შეიძლება მოწვეული იყოს კაცი, რომ ერთიც და მეორეც ხელოსნობა-ოსტატობის მომენტს არ შეიცავენ. მელაინე კირაკოზას მოწმობა სავსებით ნათელს ჰყენს „დასტურლამალას“ ცნობებს. აქ „ფუთუაშვილი ელიზბარა“, „მღებართ ხუცათ“ რომ იყო“, ტფილისის სამღებროს ადმინისტრაციული გამგეა, და მის მოწყობა-შემოსავლიანობაზე ზრუნავს. ის სრულიადაც მღებავი არ არის“<sup>14</sup>. როგორც თავის დროზე აღვნიშნეთ (თავი I), ოსტატთა უფროსად არაოსტატის მოწვევის მსგავს შემთხვევებზე ცნობები დაცული გვაქვს „სრპ. ზარზმელის ცხბაში“. როგორც იქიდან ჩანს, პირველი ეკლესიის აშენებისას ხუროთმოძღვრად მყოფი გარბანელი, „კაცი სახელოანი და კეთილი“, ხურო არ ყოფილა: ასევე მეორე დიდი ეკლესიის აშენებისას მიქელის მიერ „გალატოზთა გამგებლად“ დადგენილი პირი იყო „ყოვლად უცნაური“ და ერისკაცობაში გალატოზი კი არ ყოფილა, არამედ „საქმარ და მსრბოლ გზათა შორთა“. ამრიგად, როგორც მტკიცდება, ოსტატთა უხუცესობისათვის ხელოსნობის ამა თუ იმ დარგის ცოდნა არ იყო აუცილებელი და იქ ისეთიც შეიძლებოდა დაედგინათ, რომელიც მისთვის დაქვემდებარებულ ოსტატთა ხელობის მცოდნე არ იყო.

ზარზმის ეკლესიის წარწერის შინაარსის მსგავსი ცნობა ჩემთვის ჯერჯერობით უცნობია და ამიტომ არაფრის თქმა შეიძლება

<sup>13</sup> იხ. შ. ამირანაშვილი, ბეჟა ოპიზარი, გვ. 9.

<sup>14</sup> ნ. ბერძენიშვილი, სამღებროთა შესახებ, მასალები, 6, 1937, გვ. 437.

იმის შესახებ, იყო თუ არა სხვა შემთხვევები ამგვარ თანამდებობა-თა ერთი და იმავე პირის ხელში გაერთიანებისა. გარდა ამისა, წარწერიდან არ ჩანს, სპასალარი სარგისი სამცხის მხატვართა უხუცესი იყო თუ სხვა რომელიმე კუთხის, ან ქალაქისა. შესაძლებელია ისიც ვიფიქროთ, როგორც პროფ. ნ. ბერძენიშვილმა შენიშნა, რომ იგი მხატვართუხუცესად იყო მხოლოდ ამ (ზარზმის) ეკლესიის მონათესაის დროს და არა საერთოდ. ყოველ შემთხვევაში ამგვარი თანამდებობა რომ არსებობდა და ის ერთ დროს ისეთი დიდი მოხელის კუთვნილებას შეადგენდა, როგორც სამცხის სპასალარი იყო, ეს ჩვენი წარწერიდანაც ჩანს.

გარდა ამისა აღსანიშნავია, რომ მხატვართუხუცესობა და საერთოდ ოსტატთუხუცესობა სათაკილო თანამდებობა არ ყოფილა. ამას მოყვანილი წარწერა და ზოგი სხვა მასალაც ადასტურებს. უნებლიედ გვაგონდება ძველ არაბეთში დადასტურებული ერთგვარი წესი: ა. კრემერის მითითებით თვით წვრილი ხელოსნობა და ვაჭრობა არ ამცირებდა დიდი, თავიანთი მოღვაწეობით საკმაოდ ცნობილი ადამიანების ღირსებას<sup>15</sup>. მათ სათაკილოდ არ მიაჩნდათ თავიანთი ტიტულისათვის მიემატებინათ მეტსახელი მკერავისა, მღებრისა და სხვ. ა. კრემსკი წერდა: „სხვადასხვა მაღალი თანამდებობის პირი, მხედართმთავრები, სწავლულები და სხვა არ თაკილობდნენ თავიანთი ტიტულებისათვის მიემატებინათ ზედწოდება — ათთარი (მეწვრილმანე), ჰეითი (მკერავლი), ჯავრარი (იუველიერი) და სხვ.“<sup>16</sup>.

ამგვარ შემთხვევებს, ძველ არაბეთში ასე გავრცელებულს, ჩვენში, როგორც ჩანს, საკმაო საფუძველი არ ჰქონდათ და მათ ძალიან იშვიათად ვხვდებით.



ზოგი მხატვარი წიგნების მოხატვაში და შემკობაში იყო გაწაფული. წიგნების სხვადასხვა სურათებით შემამკობელი მხატვრები ალბათ ცალკე იყვნენ. ამგვარ მხატვრებზე და მათს დახელოვნებაზე ჩვენ უკვე გვქონდა საუბარი (იხ. თავი V, § 3).

მხატვართ ხატებიც უხატავთ. ამოჭრილი და ნაჭედი ხატების გარდა იყო გამოტვიფრული ხატებიც, რომელნიც „მელაზმაგის

<sup>15</sup> იხ. А. К р е м е р , Culturgeschichte des Orients, II, გვ. 184.

<sup>16</sup> А. К р ы м с к и й , История арабов и арабской литературы, Труды по востоковедению, в. XV, ч. II, გვ. 153.

ხატებად“ იწოდებოდნენ: „ოთხი თავი სტერიტა შემოსილი და ვერცხლისა დილ-კილოთა და ჭუარითა. ჭუარი სალიტანიე, ვეცხლისა ოქროცურვებული ველაჯზმაგისა ხატებითა“ (იოანე და ექვთ. ც<sup>3</sup>ხბა, ათ. კრებ., გვ. 17; საბინინი, გვ. 409). გამოტვიფრა „ტუფვის ბეჭდით“ (ათ. კრებ., გვ. 270, № 165) ხლებოდა. გარდა „მელაზმაგის ხატებისა“ იყო „ხატი ცვლოანი“: „ჯუარცმის ხატი ცვლოანი“ (იოანე და ექვთ. ც<sup>3</sup>ხბა, ათ. კრებ., გვ. 17; საბინინი, გვ. 409). „ხატი ცვლოანი“ ცვილოვანი წამლებით დახატული ხატი იყო. „ცვილოვანი წამლები“ სხვათა შორის მოხსენიებულია „ბაგრატ ტავრომინელის ც<sup>3</sup>ხბაში“: „მოილო მხატვარმან მან წამლები ცვილოანი და გამოხატა ხატი უფლისა ჩუენისა“ (გვ. 6). „ცვილოანი წამლებით“ იხატებოდა არა მარტო ხატი, არამედ ეკლესიებიც. ივ. ჯავახიშვილის სიტყვით, თბილისის სიონი „ცვილოვანი წამლებით“ ყოფილა მოხატული. აღსანიშნავია, რომ ცვილი იყიდებოდა „საწერლად“, ე. ი. სახატავად. მაგ., ნიკორწმინდის XI ს. სიგელში ნათქვამია: „და კელის საწერლად მივეც ცული ლიტრაჲ :თ:“ (თ. ჟორდანი, ქრონიკები, II, გვ. 48).

## თ ა ვ ი VII

### ხაბაზნი, მზარეულნი, ჭუჭანკნი და ხელობის სხვა დარბთი წარმომადგენელნი

#### § 1. ხაბაზნი და მზარეულნი

საჭიროდ ვცნობთ ხელობის იმ დარგებზედაც შეეჩერდეთ მოკლედ, რომელნიც შედარებით უფრო გვიან ჩნდებიან. რამდენადაც ყოველი ოჯახი საჭირო პურსა და სურსათ-სანოვავეს თვით ამზადებდა, თავდაპირველად მეპურენი და მზარეულნი საჭირონი არ იქნებოდნენ. სამართლიანად წერდა ა. კრემერი, რომ „ხაბაზებს თავდაპირველად ვერ შეხვდებოდით, ვინაიდან ყოველი ოჯახი თავის პურს თვითონ იცხობდა“<sup>1</sup>. ეს მით უმეტეს ითქმის მზარეულთა შესახებ.

ჩვენთვის საინტერესო ეპოქაში, X—XI სს. ხელობის ზემოხსენებული დარგების წარმომადგენლები მაინც ჩანან, განსაკუთრებით მონასტრებში და სამეფო კარზე, სადაც მათი მოქმედება სათანადო „გარიგებებით“ იყო განსაზღვრული.

<sup>1</sup> A. K r e m e r, Culturgeschichte des Orients, II, გვ. 186.

პურის მცხობელი ძველი ქართულით „მეპურე“-დ იწოდებოდა. „დაბადების“ თარგმანში ნათქვამია: „სხვანი იქმნეს მზარეულ და მეპურედ პურისა“ (მეფეთა, 1, 813). როგორც ჩანს, იმას, ვინც პურს აცხობდა, „მეპურე“ ეწოდებოდა. ამის შესაბამისად, „დაბადებაში“ არაერთხელ გვხვდება „მეპურეთ მოძღუარი“ (იხ. მოსე, 1, 40<sup>1</sup>, 2, 5, 16; 17, 20; 22; 41<sup>10</sup> და სხვ., ოშკის ხელნაწ.). მაგრამ „მეპურე“ მარტო პურის მცხობელს როდი ნიშნავდა. რადგან „პურობა“ ძველი ქართულით „ჭამის“ მნიშვნელობითაც იხმარებოდა, „მეპურე“ ზოგჯერ „პურის დამგებს“, ე. ი. სუფრის გამწყობსაც ეწოდებოდა: „მეპურე... წესიერად დაუგებს პურთა“ — ნათქვამია გ. მონაზონის „ხრონოლოგიაში“ (167<sup>27</sup>). ამდენად, ძველ ქართულში ადრევე მკვიდრდება „მეპურის“ შემცვლელი ტერმინი „ხაბაზი“. „კელმწიფის კარის გარბევაში“ ნათქვამია: „ერთ ხაბაზს მაშინაც გაპარსვად გამართავს და ზოგი გაპარსვადაც დაუწერია შეუცოდებელისაცა, მაგრამ, თუ არ შეუცოდებია, ცემა რად არ ეყოფის? თუარ, ნაპარევი გამოჩნდების, განალამც გაპარსავს“ (467—70). „ვაჰანის ქვაბთა განგებაში“ კი „სახაბაზო“ არის მოხსენიებული.

მეპურეთა სამუშაო ადგილს, სადაც ისინი პურს აცხობდნენ, „პურის საქმარი“ (Март, Опис., გვ. 34) ანუ „სახაბაზო“ ეწოდებოდა. „ვაჰანის ქვაბთა განგებაში“ ნათქვამია: „ხოლო მსახურნი:თ რომელნი ყოველსავე ტრაპეზისა და სამზარეულომასა და სახაბაზომასა სამსახურსა აღასრულებდნენ“ (ვაჰანის ქვაბთა განგება, 64<sup>9</sup>). სახაბაზოში პურის მოსაზღელ და გასამზადებელ ჭურჭელთა გარდა „საცხობელი პურისაჲ“ (რიცხეთა, 25<sup>9</sup>) ანუ „თორნე“ იყო მოთავსებული: „და უკუეთუ შესწირვიდეს ძღუენსა შესაწირავად გამოცხობილი თორნითა“ (ლევიტელთა, 2<sup>4</sup>, ოშკის ხელნაწ.). ან კიდევ: „საპურეთა შენთა და თორნეთა შენთა“ შევიდესო (მოსე, 11, 8<sup>4</sup>). „თორნე“ (ქადაგებანი, 22; მათე, 6<sup>21-23</sup>; ვისრამიანი, გვ. 69 და სხვ.), რაკი „კეციოსაგან“ ანუ გამომწვარი თინისაგან კეთდებოდა, ზოგჯერ „საცხობელი კეცისა“ ეწოდებოდა. ქართული „დაბადების“ ხელნაწერში იკითხება: „და შევიდა უკუნა კაცისა მის ისრაიტელისა საცხობელსა კეცისასა და დაგურიმნა ორნივე იგი“ (რიცხეთა, 25<sup>9</sup>; ილ. აბულაძე, ქართული ბიბლიის ძველი ხელნაწერი, უნივერსიტეტის შრომები, XVIII, გვ. 155). ამგვარადვე მეორდება „დაბადების“ მცხეთის ხელნაწერში. ხოლო ნაბეჭდში და ბაქარის „ბიბლიაში“ „საცხობელსა კეცისასა“-ს „საცხობელსა პურისასა“ შესატყვისება. „საცხობელი კეცისაჲ“ პურის გამოსაცხობს წარმოადგენდა. პურის გამოსაცხობად განკუთვნილ ნაგებობას „ლუმელი“-ც ეწოდებოდა. „ლუმელი არს

ფურნე“—ნათქვამია თ. ბატონიშვილის ბრძანებით 1800 წ. გადაწერილ „წმინდათა ცხოვრების“ ლექსიკონში (Джанашвили, Опис., III, გვ. 129). დავით აღმაშენებლის ანდერძში კი თვით ფურნეცაა მოხსენიებული: „საზრდელი ძმათა პური, ხილი ფურნისაჲ“ (შიომღვ. საბუთები, გვ. 16). ფურნე, როგორც აქედან ჩანს, არა მარტო პურის საცხობად იყო გამოყენებული, არამედ აგრეთვე ხილის გამოსახმობადაც.



ხაბაზობასთან დაახლოებულ ხელობას მზარეულთა საქმე წარმოადგენდა. სურსათ-სანოვაგის შემზადების ხელობის მქონე პირს „მზარეული“ ეწოდებოდა (იხ. იოანე და ექვთ. ცხბა, საბინინი, გვ. 419, 422, 424). „მზარეული“ მოხსენიებული აქვს ლ. მროველსაც. მროველის სიტყვით, ფარსმან ქველი, მის მიერ შეწყნარებული და სპარსთა მიერ მოსყიდული, მზარეულის ხელით იქნა მოკლული: „სპარსთა გება ჰყუეს სიმაჩუჲე ესე, რამეთუ მოიყუანეს მზარეული ერთი და აღუთქვეს მას კეთილი დიდი და ჰრქუეს: წარვედ და შეეწყნარე ფარსმან ქუელსა და წარიტანე შენთანა წამალი სასიკუდინე და შეუზავე საკმელსა თანა მისსა და შეაჭამე მას. ხოლო წარვიდა მზარეული იგი და ყო ეგრეთ“ (მ. დედ. ქ. ცხბა, 395-10). მზარეულნი სამეფო სასახლის გარდა იყვნენ აგრეთვე მოხელეების, ფეოდალების სასახლეებშიც, მონასტრებში და სხვაგან. ეპიგრაფიკულ წარწერებში მონასტრის მზარეულნი საყდრის მშენებელთა გვერდით იხსენიებიან. წალენჯიხის ეკლესიის XVI ს. წარწერაში ვკითხულობთ: „მაშენებელთა და ხელისუფალთა და მზარეულთა ყოველთა შეუწდვენს ღმერთმან“ (ე. თაყაიშვილი, არხ. მოგზ. სამეგრელოში, გვ. 211—212).

სამეფო და დიდ ფეოდალთა და მოხელეთა სასახლეებში მყოფი მზარეულები „მზარეულთა მთავარს“ (ხრონოლოგრაფი, 11921-22) ანუ „მზარეულთა უხუცესს“ ექვემდებარებოდნენ. „მზარეულთ უხუცესი“ მოხსენიებულია ეპიგრაფიკულ წარწერებშიც. ე. თაყაიშვილის მოწმობით მანუჩარ დადიანის ეკვდერში (წალენჯიხა) მარჯვნივ გამოხატულია მზარეული ხუცესი, რომელსაც ტაფა უჭირავს ხელში; ფრესკას ზემოთ აწერია: „მზარეულთ უხუცესი ქობალია ქველი“ (ე. თაყაიშვილი, არხ. მოგზ. სამეგრელოში, გვ. 220). ქობალია ქველი ალბათ დადიანთა სასახლის მზარეულთუხუცესი იყო.

როგორც „იოანე და ექვთ. ცხბიდან“ ჩანს, მზარეულნი მონას-

ტრის წინამძღვრის კონტროლის ქვეშ მუშაობდნენ. მონასტრის წინამძღვარი, ზედამხედველობდა რა მათ, უწესობის შემჩნევის შემთხვევაში სათანადოდ სჯიდა ან აფრთხილებდა მზარეულებს: „უკუეთუ უმგებარი იყვს ანუ უმარლო, ანუ მარილიანი, ოდეს ტრაპეზით აღდგის (ექვთიმე, შ. მ.), მზარეული დაიუბნის და ჰრქვს: „შიშითა ღვთისაჲთა იქმოდე, ძმაო, სამსახურებაჲსა შენსა (საბინინი, გვ. 419). მზარეულიც მონასტრის წინამძღვრის კონტროლის ქვეშ ასრულებდა თავის საქმეს. „იოანე და ექვთ. ცხ<sup>ბ</sup>აში“ ნათქვამია: „რამეთუ შევიდის მამა სამზარეულოსა, უკუეთუ კოჭობნი იხილნის ცეცხლისა კიდესა, იკითხის ზარეულისაგან, თუ ვისნი არნ, და, უკუეთუ უძღურნი არნ, მიუშვს და, უკეთუ კულა ნაყროვნებით ვინმე იქმნ, ზოგჯერ გარე განთხევა უბრძანის და ზოგჯერ საეროსა საკმელს თანა შთასხმა“ (საბინინი, გვ. 422). როგორც ამ ამონაწერიდანაც ჩანს, მზარეულთა სამუშაოდ განკუთვნილ ნაგებობას „სამზარეულო“ (იოანე და ექვთ. ცხ<sup>ბ</sup>ა, საბინინი, გვ. 422, 424; ვაჰანის ქვაბთა განგება, 64<sup>ა</sup>) ეწოდებოდა. ნიკორწმინდის XI ს. სიგელში „მუხისაჲ სამზარეულოჲ“ არის მოხსენიებული (თ. ჟორდანი, ქრონიკები, II, გვ. 46). სამზარეულოს მნიშვნელობით ქართულ წერილობით ძეგლებში „საგბოლისი“-ც იხმარებოდა. XI ს. ერთ კრებულში ჩაწერილ ლექსიკურ განმარტებებში „საგბოლისი სამზარეულო“-დ არის განმარტებული (Жордания, Опис., I, გვ. 215; შდრ. იქვე, გვ. 267).

## § 2. ქუქანანი და მძინკვილიანი

საქართველოს ბუნებრივი პირობები ხშირად მოითხოვდა საერო თუ სასულიერო ნაგებობისათვის (აბანოები, სასახლეები, მონასტრები და სხვ.) წყალსადენის სისტემით წყაროების გამოყვანას.

წყალსადენებით წყლის გამომყვან ხელოსანთ, როგორც თავადის 1202 წ. სიგელიდან ჩანს, „წყაროს მკაზმავნი“, ზოგჯერ კი „მეწყაროენი“ ეწოდებოდათ: „ჩუენ დავხედენით ამას, რომელ ესენი ოდენ არა ეყოფოდეს მკაზმავად წყაროსა, მათითავე კითხვითა და ბრძანებითა ერთი მეორეშაფათე გლეხი, სახელით პატარ, და მეორე გლეხი გარეთ მოსული ქაჩაბურჯის ძე, ესენიცა წყაროსავე მოუყენენით მკაზმავად... და ამათ მეწყაროეთა ს<sup>დ</sup>ლ ყ<sup>თ</sup>ა ერთი ევლოგიაჲ ჰქონდეს“ (შიომღვ. საბუთ., 27). „მეწყაროენი“ ანუ „მკაზმავნი“ წყაროსანი“ ქუქანკებადაც იწოდებოდნენ. როგორც სიგელის შინაარსიდან ჩანს, „ქუქანკი“ წყლის მკაზმავ ხელოსანს ეწოდებოდა: „თუთოჲ შვილი მათი (წყაროს მკაზმავთა, შ. მ.) ქუქანკად

გაისწავლებოდეს და ჰკაზმვიდენ მას წყაროსა. სხუად მსახური (sic) არცა რაჲ ეკლესიისა ედვას თუნიერ წყაროესა კაზმვისაგან კიდე“ (იქვე, გვ. 28). ამრიგად, იმას, ვინც „ქუქანკად გაისწავლებოდა“, წყაროს კაზმვა ჰქონდა საქმედ, ე. ი. წყაროს მკაზმავი იგივე „ქუქანკი“ იყო. „კაზმვა“ ამ შემთხვევაში მიღებით წყლის გამოყვანის ყველა სამუშაოს შესრულებას და, საჭირო შემთხვევაში, შეკეთებას გულისხმობს, ხოლო „ქუქანკი“ ყველა ამათი მცოდნე პირი იყო. ამგვარადვე განმარტავს ს. ორბელიანი „ქუქანკს“ თავის „ლექსიკონში“: „ქოქონაკი (ქოქონიკი, ქოქანიკი, B) ღრუდოს გამომთხრელი და ხელოვნებით წყლის გამომყუანებელი“. ამასვე იმეორებს დ. ჩუბინაშვილი (იხ. მისი „ქართულ-რუსული ლექსიკონი“). წყაროს მკაზმავ ხელოსნებად ჰყავდა წარმოდგენილი „ქუქანკები“ აკად. ივ. ჯავახიშვილსაც, როცა იგი წერდა: „ამრიგად... ერთხელ და სამუდამოდ გადაწყვეტილია, რომ ქოსოსძენი „წყლის მკაზმვ“-ებად ანუ „ქუქანკ“-ებად უნდა ყოფილიყვნენ“<sup>2</sup>.

როგორც შიომღვიმის მონასტრისადმი ბოძებული სიგელიდან ირკვევა და რასაც არქეოლოგიური გათხრებიც ადასტურებენ, ქუქანკობა საკმაოდ რთულ და დაწინაურებულ ხელობას წარმოადგენდა. მისი სპეციალურად შესწავლა საჭირო იყო, როგორც ხელობის სხვა რომელიმე დარგისა. „ქუქანკად გაისწავლებოდეს“-ო, ნათქვამია ანტონ ჰყონდიდელის სიგელში. შიომღვიმისადმი ბოძებული სიგელი და არქეოლოგიური გათხრების შედეგები (განსაკუთრებით სხალტბა-შიომღვიმის წყალსადენისა) შესაძლებლობას გვაძლევს ქუქანკთა სამუშაოს სირთულე და მუშაობის ზოგიერთი სახეც წარმოვიდგინოთ.

ანტონ ჰყონდიდელმა მღვიმელები „ურწყულობის ჭირისა და იწროთობისათვისაგან“ იხსნა და, ჰიდროლოგ ალ. ლოსაბერიძის მიერ შესრულებული ანგარიშით, მონასტერს წამში 2,82 ლიტრისა და დღელამეში 243000 ლიტრის გამტარიანობის წყალსადენი გამოუყვანა. სხალტბის ქუქანკებს რთული სამუშაოები შეუსრულებიათ; ისინი, როგორც ჩანს, საკმაოდ დახელოვნებულნი ყოფილან ამ საქმეში. ჰიდრ. ალ. ლოსაბერიძე წერს: „რაც შეეხება სხალტბა-შიომღვიმის მონასტრის წყალსადენს, ეს ნაგებობა ძველ მშენებლებს ისეთ რთულ გეოლოგიურ და ტოპოგრაფიულ პირობებში შეუსრულებიათ, რომ ამავე ამოცანის განხორციელება ჩვენს ხანაშიც დიდ საგონებელში ჩააგდებდა თანამედროვე გამოცდილ სპეციალისტებსაც. განსაკუთრებით სირთულეს წარმოადგენს წყლის მოწოდება წყალ-

<sup>2</sup> ივ. ჯავახიშვილი, ქართ. სამ. ისტ., II, გვ. 76.



სადენის ბოლო უბანში სხალტბის ქედიდან, რომელიც 170 მეტრიან ციციბო კლდით დაპყურებს შიომღვიმის მონასტერს... არანაკლებ რთულია წყალშესაკრებელი ნაწილი (კობაჯი), რომელიც შესრულებულია მიწის ქვეშ, გვირაბის რთული სისტემის სახით<sup>3</sup>. ასეთ რთულ გეოგრაფიულ და ტოპოგრაფიულ პირობებში გამოყვანილი წყალსადენით მონასტერში მყოფ თითოეულ მონაზონს (თუ ვახუშტს დაუჭერებთ, „ძველად იდგა ხუთი ათასი მონაზონი ამით ადგილთა შინა“) დღელამეში 50 ლიტრა მოუვიდოდა ნორმად, რაც ფრიად დიდია მაშინდელი დროისათვის, განსაკუთრებით სამონასტრო პირობებში. საფიქრებელია, რომ წყალი წისქვილისთვისაც იყო გამოყენებული. როგორც გათხრებმა დაადასტურეს, იგი წყალსადენით შეყვანილი იყო მონასტრის სატრაპეზოშიაც.

აღსანიშნავია, რომ ქუქანკებს მუშაობის გასაადვილებლად, როგორც ეს გათხრებმა დაადასტურეს, მილსადენის გასწვრივ თინის თანგირები (ქილის მაგვარი, ორმხრივ მკლავებიანი თინის ჭურჭლები), ანუ, სხვანაირად რომ ვთქვათ, „საკონტროლო ჭები“ მოუწყვიათ. გათხრამ რამდენიმე ასეთი თანგირი აღმოაჩინა, „რომლებიც ერთმანეთიდან 30-დან 80 მეტრამდე არიან დაშორებულნი“<sup>4</sup>. თანგირების დანიშნულება იყო წყალსადენის შეუფერხებელი მუშაობის შემოწმება და დაზიანების სათანადო უზნის ადვილად მოძებნა.

სხალტბა-შიომღვიმის წყალსადენის ნაშთების გარდა არქეოლოგიურმა გათხრებმა წყალსადენის ნაკვალევი გამოაგლინეს მცხეთის მიდამოებში (არმაზის ხევში), ნიჩბისში, ველისციხეში, დმანისისა და გეგუთის ციხე-დარბაზებთან და აბანოებთან და სხვ. არქეოლოგიურ მონაცემთა სიმრავლე და 1202 წ. სიგელის ცნობები საქართველოში ქუქანკობის, როგორც გარკვეული დარგის ხელობის, საკმაოდ დაწინაურებაზე მიგვითითებს.



აქვე მოკლედ შევნიშნავთ იმ ხელოსანთა შესახებაც, რომელნიც სამეურნეო დანიშნულების მეტად აუცილებელ და მნიშვნელოვან ნაგებობას — წისქვილს აკეთებდნენ. წისქვილის მკეთებელ ხელო-

<sup>3</sup> აღ. ლოსაბერიძე, ძველი წყალსადენებისა და არხების ნაშთები, შ. რუსთაველის ეპოქის მატ. კულტ. ძეგლები (კრებული), გვ. 194.

<sup>4</sup> აღ. ლოსაბერიძე, იქვე, გვ. 210.

სანს „წისქვილის მკაზმავ“-ს და ზოგჯერ კიდევ „მეწისქვილე“-ს უწოდებდნენ.

წისქვილი, როგორც აუცილებელი ნაგებობა, ყოველ საფეო-  
დალოსა და მონასტერს გააჩნდა. მონასტრის ალაპებში ხშირად არი-  
ან მოხსენიებულნი ის პირნი, რომლებმაც მონასტერს წისქვილი გა-  
ნუახლეს, ან აუგეს. ათონის ივერთა მონასტრის ალაპებში იხსენიება  
თამარ დედოფალი, რომელსაც „მოეცა ევლოგიად... :კ: პერპერაჲ  
რუჟასა წაქდომილისა შესაკაზმავად და წისქვილისა და ბოსტნისა  
შესაქმნელად“ (ათ. კრებ., გვ. 259, № 153). ჭვარის მონასტრის  
ალაპებში კი ვკითხულობთ: „ვიყიდე მალდრიცა (?) გასყიდული, და  
მეორედ კიდევ ექვსათუი (?) დაარღუევდეს და კიდევ მეორედ  
ვიყიდე და დავიხსენ და წისქვილი იყო ოჯერი და ახლად აღვაშენე  
ბორბლითა და ქვითა“ (ნ. მარი, აღაპნი, გვ. 55, № 213). წისქვილის  
კეთება „წისქვილის მკაზმავ“-თა საქმეს შეადგენდა. ერთი ასეთი  
მკაზმავთაგანი უყდიდა გრიგოლ სურამელს და შიომღვიმელთათვის  
შეუწირავს მეწისქვილედ: „იყიდეთ ჩუენგანვე ციხედიდს გლეხი  
ქავთარელი მეწისქვილედ“ (შიომღვიმ. საბუთ., გვ. 64). „გლეხი  
ქავთარელი“, როცა ის იყიდეს, მაშინაც „წისქვილის მკაზმავი“, ამ  
საქმეში დახელოვნებული იქნებოდა. მის მოვალეობას სწორედ ეს  
შეადგენდა: „წისქვილთა რაცა საკაზმავი უნდოდეს, ესევე ჰკაზმი-  
დეს“ (იქვე, გვ. 64).

მონასტრის წისქვილი, ალბათ, აგრეთვე მეწისქვილედ, როგორც  
„იოანე და ექვთ. ც<sup>ნ</sup>ზბიდან“ ჩანს, კელარს ექვემდებარებოდა:  
„ალოთიკი და ბოსტანი და წისქელნი კელარისა საურავნი იყუნეს  
და, რაჲცა ვინ ეხმარებინ, კელარი ეურვინ იკონომოსსა თანა და  
მამასახლისისა“ (საბინინი, გვ. 424).

### § 3. ნავის მკათებლენი და ხელოვნის სხვადასხვა დარბის წარმოებადგენალნი

წყაროებში ხელობის ისეთი დარგიცაა მოხსენიებული, რომელთა  
შესახებ ჩვენ მხოლოდ იმის თქმა შეგვიძლია, რომ ისინი არსებობდნენ.  
იყო მაგ., „სამოსლისა მრეცხელნი“ ანუ „მრეცხავნი“ (Стиральщик,  
იხ. Мapp, Опис., გვ. 6). „მრეცხავნი“ ანუ „მრეცხელნი“, როგორც  
ეს „კელმწიფის კარის გარიგებიდან“ ირკვევა, იყვნენ მეფის სა-  
სახლეში. აქ სხვათა შორის ნათქვამია, რომ გამტვერიანებულ ხელ  
მანდილს, „საფარეშოს მიიღებს მეღვინე“ და იქ „გარეცხენ“-ო  
(10<sub>220-221</sub>). ჩანს, რომ სამრეცხაო საფარეშოც ყოფილა; მაშასადამე,

„მრეცხავნი“-ც იყვნენ. „სამრეცხაო საფარეშო“ სხვა საფარეშოებთან ერთად ფარეშოთუხუცესის ხელთ იყო<sup>5</sup>.

გარდა ამისა, იყვნენ აგრეთვე „ნავის მოქმედნი“ (იოანე და ექვთ. ც<sup>1</sup>ხბა, საბინინი, 407). „ნავის მოქმედი“, ანუ „კალაფტანი“ (იქვე, 424) ნავის მკეთებელი იყო. „კალაფტანი ნავის მკეთებელი“ — განმარტავს ს. ორბელიანი. „კალაფტანთა“ გარდა იყვნენ „მენავენი“, რომელნიც ნავს მართავდნენ, ე. ი. მეზღვაურები. როგორც „ნავის მოქმედნი“, ასევე „მენავენი“ ათონის ივერთა მონასტერში ჰყოლიათ და ისინი სხვა ხელოსნებთან ერთად იკონომოსის უწყებაში შედიოდნენ: „საწანგრო და საჯორე, სამკედლო და ხურონი და კალაფტანი და... მენავენი და ვენახი იკონომოსისა განსაგებელი იყუნეს“ — ნათქვამია „იოანე და ექვთ. ც<sup>1</sup>ხბაში“ (საბინინი, 424). „ნავის მოქმედნი“ ხელობის ისეთ დარგთა წარმომადგენლების გვერდით იხსენიებიან, როგორც იყვნენ მკედელი, გალატოზი, ხურო და სხვ. „ნავის მოქმედნი“ მონასტრისათვის ისევე აუცილებელი ყოფილან, როგორც სხვა ზემოხსენებული დარგის ხელოსნები: „თვნიერ მკედელთა და ხუროთა და გალატოზთა და მევენახეთა და ნავის მოქმედთა და სხუათა ესევეითართა, ამის ესევეითარისა ვრცელისა ლავრისა დამჭირვა უღონო არს (იქვე, საბინინი, 407).

საომარი იარაღის მკეთებელი ხელოსნებიც იხსენიებიან წყაროებში. „თამარიანში“ „ისართა მთლეღზეა“ (VII, 21) ლაპარაკი. ნარინ დავითის დროინდელ სიგელში კი „მემშუილდე“-ზეა ლაპარაკი: „არგუეთს ზენსკანდეს ნასყიდსა მამულსა ზედა მემშუილდე დავასახლე კუამლად ა:“ (თ. ჟორდანი, ქრონიკები, II, გვ. 129). „ისართა მთლეღი“ ალბათ ისრების მკეთებელ ხელოსანს ერქვა, ხოლო „მემშუილდე“ კი — მშვილდისას. ან კიდევ შესაძლებელია როგორც ისარი, ასევე მშვილდიც „ისართა მთლეღს“ ეწარმოებინოს, ხოლო „მემშუილდეს“ კი როგორც მშვილდი, ასევე ისარიც ეკეთებინოს. ამრიგად, „ისართა მთლეღი“ და „მემშუილდე“ ერთი და იმავე ხელობის წარმომადგენლის სახელწოდებები იყო ალბათ.

იყვნენ აგრეთვე „შეშის მკოდელნი“ ანუ „მეშეშე“, მეწყელი ანუ „წყლის მკრებელი“, „მენაჯშირე“, „ქეს მკოდელი“ და სხვ., რომელთა შესახებ ჩვენ სხვადასხვა ადგილას უკვე გვქონდა საუბარი.

<sup>5</sup> შლრ. ივ. ჭ ა ვ ა ხ ი შ ვ ი ლ ი, ქართ. სამ. ისტ., II, გვ. 188.

მენელსაცხებლენი და „ღამყვენელნი ჳვირთანი“

§ 1. მენელსაცხებლენი

ერთ-ერთ ყველაზე გავრცელებულ და უძველეს ხელობას მუს-ლიმანებსა და ქრისტიანებს შორის წარმოადგენდა მენელსაცხებ-ლობა — ნელსურნელოვან ნივთიერებათა დამზადება. სამართლია-ნად წერდა ა. კრემერი: რომ „ერთ-ერთი ყველაზე გავრცელებული და უძველესი ხელობა იყო ვაჭრობა გუნდრუკით. ნელსურნელოვა-ნი საცხებლებითა და ზეთებით, რომელთაც ჳერ კიდევ ძველად უდიდესი ფასი ჰქონდა. ასევე მებაყლის თუ მეაფთიაქის პროფესია... მოიხსენიება 190 წლისათვის“<sup>1</sup>.

მენელსაცხებლობა საქართველოშიც ადრე უნდა იყოს შემო-სული. ყოველ შემთხვევაში ცნობები ამ ხელობის გავრცელების შე-სახებ ჩვენში საკმაოდ მოგვეპოვება.

ნელსურნელოვან ნივთიერებათა დამზადების ხელობას „ხე-ლოვნება ნელსაცხებლისა“ ეწოდებოდა: „მოვიდა იგი (იოვანე შ. მ.) დიდალ ქალაქად ანტიოქიად მშობელთა მისთა თანა პატიოსან-თა და აქუნდა მათ ველოვნებაჲ საქმედ ნელსაცხებლისაჲ და საკუ-მეველისა და მოიგებდეს საზრდელსა მათსა ხელოვნებითა მით“ (ცხ<sup>ბ</sup> ბაჲ სკმ. მესუეტისაჲ, 216, 710; შდრ. Март, Опис., გვ. 46); ხოლო ამ ხელობის მცოდნეს — „ველოვანი კეთილად-შემზავებელი სულ-ნელთა მათ საცხებელთა“ (აბოს წამება, 63<sub>28-27</sub>), ანუ მოკლედ „მე-ნელსაცხებლე“: „მაშინ სადმე ვიყავ თვთ მენელსაცხებლე, კეთილად შემამზადებელ სულნელთ ამათ საცხებელთა“ (იქვე, 72<sub>7-8</sub>). კეთილსურ-ნელოვან ნივთიერებათა შეზავებით მიღებულ საგანს „ნელსაცხებე-ლი“ (აბდულმესია, 35<sub>33-4</sub>; 12, 4<sub>4</sub>; ცხ<sup>ბ</sup> ბაჲ სკმ. მესუეტისაჲ, გვ. 224<sub>7</sub>; კიმენი, I, 11<sub>28</sub>, 160<sub>7</sub> და სხვ.), ან კიდევ „საცხებელი“ (ქებაჲ ქებათაჲ, თ<sub>8-10</sub>, 045—46) ეწოდებოდა. ამავე მნიშვნელობით იხმა-რებოდა „ზეთი“, მაგრამ საკვები ზეთისაგან განსხვავებით მას „ზეთი საცხებელი“ (მოსე, 11, 29<sub>7</sub>) ანუ „ზეთი მენელსაცხებელთაჲ“ (თარ-გმანება, 127 18-19), „სულნელთა მიერ შემზადებული ზეთი“ (იქვე, 139<sub>88</sub>) ეწოდებოდა. მენელსაცხებლენი საცხებელ ზეთთა გარდა „სა-კუმეველსაც“ ამზადებდნენ.

<sup>1</sup> A. K r e m e r, Culturgeschichte des Orients, II, გვ. 184.

ნელსაცხებელი ძველ ქრისტიანულ საქართველოში ფართო მოხმარების საგნად ითვლებოდა და სათანადოდ ფასდადებულიც იყო, ზოგჯერ ნელსაცხებელი სამეფო ძღვნადაც იყო. ჭუანშერის სიტყვით სპარსეთის მეფემ „მისცა გორგასალსა ნიქი ალვა ლიტრი სამი ათასი, მუშქო (ლიტრა) ხუთასი, ტაიქის ცხენი სამი ათასი, სამოსელი ხოსროვანი ათასი, ხაზდი სამი ათასი“ (მ. დედ. ქ. ცხბა, 163<sub>22</sub>-24 164<sub>1</sub>-2). სხვა ქართულ წერილობით ძეგლებში ხშირად იხსენიება ნელსურნელოვანი ნივთიერებები, რაც აგრეთვე მათს ფართოდ გავრცელებასა და გამოყენებაზე მიგვიჩივებს. ყოველივე ეს კი თავისთავად ადასტურებს მენელსაცხებლეთა, ნელსურნელოვან ნივთიერებათა შემამზადებელ ხელოსანთა დიდი რაოდენობით არსებობას. ამ მხრივ მნიშვნელოვან მასალას გვაწვდის „აბო თბილელის მარტვილობის“ ავტორი. აბო, წარმოშობით არაბი, იყო მენელსაცხებლე, რომელმაც, ავტორის სიტყვით, თავისი ხელობით მოპოვებული „მონაგებნი“ და მამულნი დატოვა და ნერსე ერისთავს შეეხიზნა: მან „დაუტევა... მონაგებნი და აგარაკები და წარმოვიდა“ (აბოს წამება, 64<sub>5</sub>-6). თავის ხელობას იგი საქართველოშიც მოსდევდა. ნერსე ერისთავმა სწორედ ნელსაცხებელთა დამზადების ცოდნის გამო წამოიყვანა იგი: „ამან (აბომ, შ. მ.) ინება წარმოსვლა თვისი აქა ერის-მთავრისა მის ნერსეჲს თანა და შეეყო იგი მსახურად მისა“ (იქვე, 63<sub>24</sub>-26). როგორც აქედან ჩანს, მენელსაცხებლენი ჰყოლიათ ერისთავთერისთავებს; ცხადია, ისინი მით უმეტეს ეყოლებოდათ მეფეებს და მონასტრებშიც იქნებოდნენ.

არაბ მენელსაცხებლეთა გარდა იყვნენ ქართველნიც. გვაქვს ორიოდ შემთხვევა ქართველ მენელსაცხებლეთა მოხსენიებისა. ისინი იხსენიებიან „ჭვარის მონასტრის აღაპებში“: „მენელსაცხებლეს კჳესა (კვირიაკესა, ან კვირიკესა, შ. მ.) წირვა აღაპი, იობ ბეთლემის ბიძას შნ“ (მარი, აღაპნი, XXVII, 35). მენელსაცხებლე კვირიაკეს, როგორც ჩანს, თავისი ხელობით მოგებულის შეწირვით მონასტერში აღაპი გაუჩენია; ან კიდევ შესაძლებელია ვიფიქროთ, რომ იგი თვით ამ მონასტერში იყო მენელსაცხებლედ. მონასტრებში ხომ დიდი რაოდენობით იყვნენ ამა თუ იმ დარგის ხელოსნები და მით უმეტეს მენელსაცხებლენიც იქნებოდნენ. ამ მოსაზრებას უფრო მეორე აღაპი ადასტურებს, სადაც საერთოდ „მენელსაცხებლენი“ არიან მოხსენებულნი: „სამშაბათსა მენელსაცხებელთა პანაშუდი. შალვა ლაშხაშვილისა შრნს ღრნ“ (ნ. მარი, იქვე XXVII, 37). რაკი რამდენიმე მენელსაცხებლესა ლაპარაკი, საფიქრებელია, რომ აქ იგულისხმებოდნენ მონასტრის მენელსაცხებლენი — სასულიერო პირები ან დაქირავებულნი ერისკაცნი.

ნელსაცხებელი მრავალგვარი იყო. ერთ მათგანს „ნელსაცხებელი ნარდისა“ (მარკოზი, 14, 3) ანუ „ნარდიონი“ („ქებაჲ ქებათაჲ, ლგ, 113-4) წარმოადგენდა. „ნარდი“, ს. ორბელიანის განმარტებით, არის „ყვავილთა სუნნელი და მრავალფერი, რომელსა სპარსნი სუმბულს უხმობენ“.

მენელსაცხებლენი სურნელოვან ნივთიერებებს „შტახს“-ისაგანაც აკეთებდნენ: „შტახსად, კასიად, თაფლად, მანანად, სძედ თქვეს სიპოხით“ (აბდულმესია, 8<sub>2</sub>; შდრ. მოსე, 37<sub>28</sub>; 43<sub>11</sub>). შტახსი ბერძნულ  $\epsilon\tau\alpha\alpha\tau\eta$ -ს შეესატყვისება; ნ. მარის განმარტებით იგი მცენარეა, საამო სურნელოვანი, რომელსაც საყნოსად სწვავდნენ (იხ. TP, III, X CI, TP, IV, словарь). შტახსისაგან მენელსაცხებლენი აკეთებდნენ „მურს“ და აგრეთვე „შტახსად“ წოდებულ ნივთიერებას. ამ მხრივ ს. ორბელიანი გვაწვდის საგულისხმო ცნობას: „შტახსი ესეცა ნივთთაგანი არს მურისა უწლოესი, სახე მტურისა ყუავილთაგან და მწუერვალთა მურისა. რა დასწურვენ მას, ავრეზთა განადენი არს შტახსი, ხოლო უზრქესი ავრეზთა შიგან დანარჩომი არის მური“ (იხ. ლექსიკონი). ამრიგად, შტახსისაგან ნაწური, უფრო თხელი, შტახსად იწოდებოდა, ხოლო „მური ესე შტახსისა ნაწურთა უზრქესი სუნნელია“ (საბა). „მური“ (ქებაჲ ქებათაჲ, 26<sub>80-82</sub>) „აბდულმესიაშიც“ იხსენიება: „საკმილი არმური სწვავს მათ, არ მური გუნდრუკად ერთმის ოქროსა რიგად“ (61, 4<sub>1-4</sub>). მენელსაცხებლეთა ნაწარმს წარმოადგენს აგრეთვე „მუშკი“ (ვისრამ., 7<sub>28</sub>, 143<sub>7</sub>, და<sub>8</sub>, 149<sub>24</sub>, 160<sub>21</sub>, 85, 38 და სხვ.), სასუნებელი, მოსაკმევი, შავი ფერის ნივთიერება. მუშკი, როგორც სურნელოვანი ნივთიერება, მოხსენიებული აქვს შავთელს: „ლომს ძლიერება, მზეს ბრწყინვალეობა, მუშკს სულნელება შენგან მიეცა“ (58, 1<sub>1-4</sub>). თეთრ მოსაკმევი ნივთიერებას წარმოადგენდა „გუნდრუკი“ (იერემია 17<sub>28</sub>; შდრ. მათე, 2, 11). შავთელი ამ კეთილსურნელოვან ნივთიერებასაც ასახელებას: „მრონ-გუნდრუკად, შტახსად, კასიად“... (8, 2<sub>1-2</sub>). გარდა მუშკისა და გუნდრუკისა, მოსაკმეველი ნივთიერებებია „ალვა“ და „ამბარი“ (ვისრამ., გვ. 6, შდრ. გვ. 12<sub>10</sub>, 102<sub>18</sub>, 142<sub>5</sub>, 149<sub>22-24</sub>, და სხვ.). „ალვა“ ალიოს ხისაგან მიღებული მოსაკმევია, ხოლო, „ამბარს“ რისგან აკეთებდნენ, უცნობია. ს. ორბელიანის სიტყვით, „ამბარი სუნნელია. ზღვისაგან გამოიღებენ, რომელნიმე ფუტკართა ფიტსა იტყუიან, სხუანი თევზთა შავსა (+ბალახთა რამესა, C), სხუანი სხუასა“ (იხ. ლექსიკონი). ალვა, ამბარი და მუშკი, როგორც დავინახეთ, მოხსენიებული აქვს

ჯუანერს იმ ძღვენთა შორის, რომელიც სპარსეთის მეფემ ვახტანგს მიართვა. „მუშქი“ და „ამბარი“ წასამელადაც უხმარიათ: „სცხო მუშქი-ამბარი და მრავალფერი სუნნელი“-ო, ნათქვამია „ვისრამიანში“ (12). მოსაკმეველთა შორის „აპრამი“ ანუ „აპრსამი“-ც (თეკლას მარტილ., 117 10-14; შდრ. ქებაჲ ქებათაჲ, ლდ 137-13) იხსენიება.

ჩვენ არავითარი მასალა არ მოგვეპოვება მენელსაცხებლე ოსტატთა იარაღებისა და მათი მუშაობის პროცესის შესასწავლად. იქ, სადაც ს. ორბელიანი შტახსს განმარტავს, შემთხვევით ნელსურნელოვან ნივთიერებათა საწურავ იარაღებზედაც ლაპარაკობს: „რა დასწურვენ სუნნელსა მას, ავრეზთა განადენი არს შტახსი, ხოლო უზრქესი ავრეზთა შიგან დანარჩომი არს მური“. ამრიგად, საბას ცნობით, ნელსურნელოვან სითხეთა საწურავს ავრეზი ეწოდებოდა. მაგრამ, როგორც ჩანს, ავრეზი საწურავთა ზოგადი სახელი ყოფილა: საბას თქმით „ავრეზი ღვინის საწურავი“-ა.

მენელსაცხებლეთათვის ცხადი იყო, რომ ნელსაცხებელთა შესანახად განსაკუთრებით დაცული, „დაბეჭდილი ჭურჭელი“ იყო საჭირო, რათა „არა გამოუტევის სულნელებაჲ“. ამიტომ მათ ნელსაცხებელთათვის სპეციალური ჭურჭელი გააჩნდათ, რომელსაც „სანელსაცხებლემ ჭურჭელი“ (ქებაჲ ქებათაჲ, ლგ 125-6; შდრ. იქვე, 1213-14) ეწოდებოდა. სანელსაცხებლე ჭურჭლად ზოგჯერ ალაბასტრი იყო გამოყენებული და მას „ალაბასტრი ნელსაცხებლისაჲ“ ერქვა (აბდულმესია, 12, 44). მენელსაცხებლენი, როგორც ფართო მოხმარების საგანთა მწარმოებელნი, მრავლად უნდა ყოფილიყვნენ საქართველოში და მათი შრომაც სათანადოდ უნდა ყოფილიყო დაფასებული. მათ შორის რაიმე ორგანიზაციის არსებობის შესახებ ჩვენ არავითარი მითითება არ მოგვეპოვება. ბიზანტიაში, უკვე X ს., ნიკიფორე ფოკას ელიქტით, მენელსაცხებლენი ერთ გარკვეულ ცეხში, ამქარში იყვნენ გაერთიანებულნი<sup>2</sup>. მუსლიმანურ აღმოსავლეთში კი ეს უფრო აღრეა შენიშნული. მიუხედავად მასალების უქონლობისა შესაძლებელია საკმაოდ დაწინაურებული დარგის ოსტატთა ორგანიზაციული კავშირების არსებობა ძველ საქართველოშიც ვივლოთ.

## § 2. „ღამუხვიენელი ვზირთანი“ ანუ „მკვიცარნი“

„მკვეცართა“ შესახებ ჩვენ ამჟამად მცირე მასალა მოგვეპოვება, მაგრამ ამ საკითხზე შეჩერება მაინც საჭიროდ ვცანით.

<sup>2</sup> Ф. Успенский, Мст. Виз. импер., I, 1912, გვ. 250.

პარიკმახერობა, როგორც გარკვეული ხელობა, უფრო გვიან ჩნდება, ვიდრე სხვა რომელიმე დარგი ხელობისა. იგი არ შეიძლება იყოს ყოფილიყო შემოსავლის ერთადერთი წყარო ხელოსნისათვის და ამდენად პროფესიონალი პარიკმახერებიც უფრო გვიან ჩნდებიან. სამართლიანად შენიშნავდა ა. კრემერი, რომ „ყველაზე გვიან ჩნდება დალაქის განსაკუთრებული პროფესია“<sup>3</sup>.

ქართული წყაროები პარიკმახერობის შესახებ უშუალოდ არაფერს გვეუბნება, მაგრამ შემონახული ტერმინების მიხედვით ზოგი რამის გათვალისწინება შესაძლებელი ხდება. როგორც წყაროებიდან ირკვევა, მოპარსვას „დაყვნაჲ“ ეწოდებოდა, ხოლო მოკრეჭას — „დაკუეცაჲ“. „დაბადების“ ქართულ თარგმანში ნათქვამია: „დაყვნა შვიდი იგი კონწილი თმაჲ თავისა მისისაჲ“ (მსაჯულთა, 16, 19); „ერისკაცთა ესე ჩვეულება აქუნდა, რათა წუერები დაეყვინოს ძირითურთ“ (A. Хаканов, Матер. по гуз. агниолог., გვ. 32). „მოყუნა“ ზოგჯერ მოჭრის მნიშვნელობითაც იხმარებოდა: „არცა ფრჩხილნი მოიყუნეს“ — ნათქვამია „განძთა ქუაბში“ (მ. დედ. ქ. ცხ<sup>ბ</sup>ა, 807<sup>28</sup>). „დაყვენა“ „ევესტათეს მარტვილობაში“ კი მოპარსვის მნიშვნელობით იხმარება: „და უბრძანა: „დაჰყუნეთ მაგათ თავი და წუერი და განუკვირტენით მაგათ ცხკრნი“ (ს. ყუბანეიშვილი, ნარკვევი, ხელნაწ., 71<sup>8-20</sup>). ან კიდევ: „ბრძანა თავისა და წუერისა დაყუნაჲ“ (იქვე, 9). „დაკუეცაჲ“ კი ძეგლებში უმთავრესად მოკრეჭის მნიშვნელობით იხმარებოდა: „გამოიყვნა იგი საპყრობილისა მისგან, დაუკუეცეს მას თმაჲ და შეუცვალეს სამოსელი“ (მოსე, 1, 41, 14). „ბალაჰვარის სიბრძნეში“ კი ვკითხულობთ: „აწ აღდეგ ხუალე და დაიკუეცე თმა თავისა შენისაჲ“ (7, 28—29).

ძველი ქართულით მპარსველსა და მკრეჭავს ე. ი. პარიკმახერს „მკუეცარი“ ეწოდებოდა: „მოიყვნა მკუეცარი და დაყვნა შვიდი იგი კონწოლი თმაჲ თავისა მისისაჲ“ (მსაჯულთა, 16<sup>19</sup>); „მახვლი ლესული უფროს საყუძნეკელისა მკუეცრისა“ (ეზეკიელი, 5<sub>1</sub>). „მკუეცართ“ „და მ ყ უ ე ნ ე ლ ნ ი წ უ ლ ტ რ თ ა ნ ი“-საც უწოდებდნენ: „მოვიდეს კაცი... და მ ყ უ ე ნ ე ლ ნ ი წ უ ლ ტ რ თ ა ნ ი“ (იერემია, 41<sub>1</sub>). შედარებით უფრო გვიან კი, საფიქრებელია, იხმარებოდა „მპარსველი“-ც, რამდენადაც „იოვანე ურჰაელის ცხ<sup>ბ</sup>აში“ არაერთგან გხვდებით „საპარსველს“ „საყუენელის“ მაგივრად (X B. B. II, B. III, 336<sub>4</sub>, 9—10; 337<sub>13</sub>), ხოლო „კელმწიფის კარის გარიგე-

<sup>3</sup> A. K r e m e r, Culturgeschichte des Orients, II, გვ. 186.



ბაში“ „დაყვანის“ მაგიერად „მოპარსვა“-ა ნახმარი: „ერთ ხაბაზს მაშინაც გაპარსვად გამართავს და ზოგი გაპარსვდაც დაუწერია შეუცოდებელისაცა, მაგრამ თუ არ შეუცოდებია, ცემა რად არ ეყოფის? თუ არ ნაპარევი გამოჩნდების, განალამც გაპარსავს“ (ჯ. კ. გარ., 487-70). „გაპარსვა“ და „მოპარსვა“ გვხვდება აგრეთვე „იოანე და ექვთ. ცხ“ბაში“ (საბინინი, გვ. 422) და „გ. მთაწმინდელის ცხ“ბაში“ (საბინინი, გვ. 287).

ძვ. ქართულ წერილობით ძეგლებში გვაქვს მითითება „მკვეცარის“ იარაღების შესახებაც. საპარსავ დანას, სამართებელს, როგორც ეს ზემომოყვანილი ამონაწერებიდან ჩანს, „საყუენელი“ ანუ „საყუენელი“ ეწოდებოდა: „დაყუენეს თმაჲ თავისი მისისაჲ საყუენელითა“ (კიმენი, 1, 122 16-17). „საყუენელის“ პარალელურად, იმავე მნიშვნელობით, გვხვდება „საპარსველი“-ც, რომელსაც აგრეთვე ირანული „დუქარდი“ ცვლიდა ზოგჯერ: „მაშინ ითხოვა ჰურიამან საპარსველი და მოართუეს იგი და აღდგა ჰურიამ და მიჰმართა და შეეხო წუერსა და უნდა, რმ“ცა მოჰკუეთა ზოგი წუერთა მისთაჲ, დამუნქუესვე შეკმა ჯელი მისი დუქარდთა ზედა და დამთა საპარსველი იგი ჯელსა შინა მისსა“ (Xp. B., II, BHP. III, 336<sub>3-10</sub>). აშკარაა, რომ „საპარსველი“ ამ შემთხვევაში „დუქარდს“ უდრის. ერთი საგნის ორ სხვადასხვა სახელწოდებად აქვს წარმოდგენილი „დუქარდი“ და „საპარსველი“ „იოანე ურჰაელის ცხ“ბის“ რუსულად მთარგმნელსაც (იხ. იქვე, კეკელიძის თარგმანი, გვ. 336). თავდაპირველად „დუქარდი“ საპარსველს ეწოდებოდა თურმე, მაგრამ როგორც შემდეგდროინდელი ძეგლებიდან ჩანს, „დუქარდი“ მაკრატლის აღმნიშვნელი გახდა. ასე ესმოდა იგი ს. ორბელიანს და მის შემავსებელსაც: „დუქარდი სარისველი (+ მაკრატელი, B)“. ასევე განმარტავს „დუქარდს“ დ. ჩუბინაშვილიც.

რა ეწოდებოდა თმის მოსაკრეჭად ხმარებულ იარაღს, არ ჩანს. როგორც ირკვევა, შედარებით გვიან მას „დუქარდი“ და აგრეთვე „სარისველი“ ერქვა. „მკვეცარის“ მიერ გამოყენებულ იარაღს წარმოადგენდა აგრეთვე „სავარცხელი“ (Xp. B., II, B., III, გვ. 335<sub>23-24</sub>).

„მკვეცარის“ მუშაობის პროცესის აღსაწერად ჩვენ არავითარი მასალა არ მოგვეპოვება, მაგრამ ეს პროცესი ისედაც ადვილი წარმოსადგენია, რამდენადაც იგი, თითქმის უცვლელი სახით, დღესაც მეორდება ყოველ საპარკიმახეროში.

ზოგადი შენიშვნები

§ 1. შენიშვნები ხელოსანთა სოციალური მდგომარეობის შესახებ

აკად. ივ. ჯავახიშვილი, როგორც აღვნიშნეთ, ხელოსანთა წოდებრივ მდგომარეობასაც შეეხო გაკვირებით. მაგრამ მას გარკვეული შეხედულებები არ მოუცია ამ საკითხზე. იგი ჯერ კიდევ 1907 წ. თავისი „საქ. ეკონომიური ისტორიის“ I წიგნში წერდა: „ამ ხანის (X—XII სს., შ. მ.) ვაჭრებისა და ხელოსნების წოდებრივი მდგომარეობის შესახებ ცნობები არ მოიპოვება... ვაჭრობის წოდებრივ უფლებათა გამორკვევა შეუძლებელია; ვიციტ მხოლოდ, რომ ზოგიერთი ვაჭრები ყმებადაც ითვლებოდნენ, მაგალითად სამონასტრო ყმებად“<sup>1</sup>. ამგვარივე შეხედულება გაიმეორა ივ. ჯავახიშვილმა „ქართული სამართლის ისტორიაშიც“ (1928 წ.): „ჯერჯერობით არავითარი ცნობები არ მოიპოვება იმის შესახებ, თუ რომელ წოდებას ეკუთვნოდნენ ხელოსნები; ცალკე წოდებას შეადგენდნენ, თუ რომელსაჲმე, მაგ., ან მსახურთა, ან გლეხთა წოდებაში შედიოდნენ“<sup>2</sup>. საქართველოს ისტორიის სხვა თანამედროვე მკვლევარები სპეციალურად ამ საკითხს არ შეხებიან და ამიტომ საკითხის შესწავლაც წინ არ წაწეულა. გ. გამყრელიძემ კი თავის საკანდიდატო ნაშრომში „ხელოსნური წარმოება და ამქრული წყობილება საქართველოში“ აკად. ივ. ჯავახიშვილის ზემომოყვანილი შეხედულება უცვლელად გაიმეორა: „ის საკითხი, თუ რომელ წოდებას მიეკუთვნებოდნენ ხელოსნები ძველ საქართველოში, ან შეადგენდნენ თუ არა ისინი ცალკე წოდებას, სათანადო ცნობების უქონლობის გამო, გაურკვეველია“<sup>3</sup>. ჩემი აზრით, ხელოსანთა სოციალური მდგომარეობის საკითხი სხვანაირად უნდა დაისვას და გაიკვევს. მასალები მიგვითითებენ, რომ შეუძლებელი ხდება ხელოსანთა ერთ გარკვეულ წოდებაში მოქცევა. ქართულ პატრონყმობაში ხელოსნები (ერთად აღებული) გარკვეულ წოდებას ვერ ქმნიდნენ. ზოგ მათგანს საპატრონყმო ურთიერთობაში დაქვემდებარებული საფეხური ეჭირა, ხოლო ნაწილი კი თავისუფალ ხელოსნებს წარმოადგენდა. სწორედ ამ თვალსაზრისით უნდა განვიხილოთ და გავსინჯოთ მასალები ხელოსანთა სოციალური მდგომარეობის შესახებ.

<sup>1</sup> ივ. ჯავახიშვილი, საქ. ეკ. ისტორია, 1907, I, გვ. 41.

<sup>2</sup> ივ. ჯავახიშვილი, ქართ. სამ. ისტ., 11, გვ. 37.

<sup>3</sup> გ. გამყრელიძე, ხელოსნობა (ხელნაწ.), გვ. 87.

## ა) არათავისუფალი ხელოსნები

ჩვენ მიერ აღებულ ეპოქაში ხელოსანთა უმრავლესობა საპატრონუმო უღელში იყო შებმული და ჩვენც თავდაპირველად არათავისუფალ ხელოსნებზე შევჩერდებით.

ხელოსნები, როგორც ზემოთ აღვნიშნეთ, აწარმოებდნენ არა მარტო ბაზრისათვის და სათანადო გასამრჩველოს მიღებით, არამედ ზოგჯერ ისინი „საფასის გარეშე“ მუშაობდნენ. ყმური ვალდებულებანი აიძულებდა მათ, რომ გარკვეულ დროში ემუშავათ უსასყიდლოდ თავისი პატრონისათვის. ხელოსნები, „საფასის გარეშე მოქმედნი“, ჰყავდათ მთავრებსა და აზნაურებს, მონასტრებს, როგორც გარკვეულ ფეოდალურ ერთეულებს; ისინი მრავლად იყვნენ აგრეთვე სამეფო კარზე.

ყმა ხელოსანთა მდგომარეობა ერთნაირი როდი იყო. ზოგი მათგანი „შეწირულს“ წარმოადგენდა, ზოგი კიდევ „მსახურს“ და სხვ. ასე რომ, მათ შორის განსხვავება არსებობდა პატრონისა და ხელოსნის დამოკიდებულების თვალსაზრისით. პატრონისა და ხელოსნის დამოკიდებულების განსაზღვრა ზოგჯერ შესაძლებელი ხდება, ზოგჯერ კი ყმა ხელოსნის ვალდებულებებზე არაფრის თქმა არ შეგვიძლია. მაგ., „გრ. ხანძთელის ც'ხბიდან“ ეგებულობთ, რომ ხელოსნები ჰყოლია გაბრიელ დაფანჩულს, რომელიც, ძეგლის ავტორის სიტყვით, „დიდებული აზნაური“ იყო: „გაბრიელ დიდებულმან აზნაურმან... მოსცნა კირით-ხურონი და ნივთი ყოველი ქვითკირისა ეკლესიისა საშენებლად“ — ნათქვამია „გრ. ხანძთელის ც'ხაში“ (იღ2-1). როგორც აქედან ჩანს, გაბრიელს შეეძლო ეკლესიის საშენებლად „კირითხურონი“ იმგვარადვე გაეცა, როგორც მაგ., „ნივთი ყოველი“ იმავე ეკლესიის ასაშენებლად. ამდენად, საფიქრებელია, რომ „კირითხურონი“ ამ „დიდებული აზნაურის“ ყმებს წარმოადგენდნენ და მას შეეძლო საჭიროების შემთხვევაში სხვებისათვისაც გადაეცა ისინი დროებით. თუ მუდმივად. გაბრიელ დაფანჩულს შესაძლებელია სხვა დარგის ხელოსნებიც ჰყავდა. თუ რა დამოკიდებულებაში იყვნენ ზემოხსენებული „კირითხურონი“ თავის პატრონთან, არ ჩანს.

ფოკათა ეკლესიის XI ს. წარწერაში, როგორც აღვნიშნეთ, ქართლის კათალიკოსის „ველოსანი“ თუ „ველოვანი“ არის მოხსენიებული: „სახელითა ღმრთისაჲთა მე ბავრელი ღირს ექმენ შენებისა წმიდაჲსა ამის ეკლესიისა, საფუძველი დაიდგა. მე თანა დავშუერ. ველოსანი ვიყავ ოქრობირისა ქართლისა კათალიკოზისა“ (ნ.

ბერძენიშვილი, მცხეთის საბუთი, გვ. 258). ბავრელი, როგორც აქედან ჩანს, ოქროპირ კათალიკოსის ხელოსანი ყოფილა და მას ფოკათა ეკლესიის შენებაში, სხვა ხელოსნებთან ერთად, მონაწილეობა მიუღია („მე თანა დავშუერ“). ამ წარწერაშიც, მსგავსად „გრ. ხანძელის ცხბის“ შემომოყვანილი აღვილისა, არ ჩანს, იღებდა ბავრელი ოსტატი თავისი შრომისათვის რაიმე გასამრჯელოს თუ, როგორც ყმა ხელოსანი, „საფასის გარეშე მოქმედი“ იყო.

ყმა ხელოსნად წარმოგვიდგენია ჩვენ აგრეთვე „ანანია მხატვარი“, რომელიც სახარების XV ს. ერთ მინაწერში შემდეგნაირად იხსენიებს თავის თავს: „პატრონისა ათაბაგ ამირ-სპასალარისა ყუარყუარეს ძეთა და პატრონსა ბაალურს ცოდვანი მისნი შეუნდენეს ღმერთმან და მათსა პატრონსა ქაიხოსროს შეუნდენეს ღმერთმან და მათსა მონასა და ამისსა მხატვარსა ანანიას შეუნდენეს ღმერთმან“ (Джа-нашвили, Опис., III, გვ. 62, იხ. აგრეთ. გვ. 63). „პატრონს“, როგორც ცნობილია, გარკვეული მნიშვნელობები ჰქონდა და იგი სხვათა შორის „მფარველს, მზრუნველს და მეურვესაც“ ნიშნავდა.<sup>4</sup> ათაბაგის ძეთა „პატრონად“ მოხსენიება და მხატვარ ანანიასი კი მათ „მონად“ შემთხვევითი არ უნდა იყოს და იმაზე უნდა მიგვიითებდეს, რომ ანანია მხატვარი ათაბაგთა ყმა ხელოსანი იყო.

ზოგი მემამულე ხელოსანს ასახლებდა ამა თუ იმ მიწის ნაკვეთზე და ალბათ ხელოსან-მოქმედს ყმურ ვალდებულებებს აკისრებდა კიდევ. დავით ნარინის დროინდელი ერთი სიგელი მოგვითხრობს: „არგუეთს ზენსკანდეს ნასყიდსა მამულსა ზედა მემშუილდე დავასახლე კუამლად :ა:“ (თ. ჟორდანიას, ქრონიკები, II, გვ. 129). „მემშუილდე“ ანუ „მშვილდის მოქმედი“ გარკვეული დარგის ხელოსანი იყო.

ართავისუფალ ხელოსანთაგან ყველაზე უკეთეს მდგომარეობაში იყვნენ მსახური ხელოსნები. „მსახური“, ივ. ჯავახიშვილის აზრით, „ისეთ პირს ეწოდებოდა, რომელიც სხვასთან იყო რომელიმე ჰაქმის ან მინდობილობის გასაკეთებლად და სასყიდლითა, ან სხვაგვარი გასამრჯელოთი მას ემსახურებოდა“<sup>5</sup>. ნერსე ერისთავის ამგვარ მსახურ ხელოსანს წარმოადგენდა აბო თბილელი, რომელმაც, საბანისძის სიტყვით, „ინება წარმოსვლაჲ თუსი აქა ერის-მთავრისა მის ნერსესთანა და შეეყო იგი მსახურად მისა“ (აბოს წამება, 6324-26). აბო თბილელი კი, როგორც აღვნიშნეთ, „იყო... კელოვან, კეთილად შემზავებელ სულენელთა მათ საცხებელთა“ (იქვე, 6326-27).

<sup>4</sup> ივ. ჯავახიშვილი, ქართ. სამ. ისტ., II, გვ. 64.

<sup>5</sup> ივ. ჯავახიშვილი, ქართ. სამ. ისტ., II, 35.

სამართლიანად ფიქრობდა ივ. ჯავახიშვილი, რომ აბო „ალბათ ნერსეას სახლობისათვის საპირფარეშო სურნელოვან საცხებლებს ამზადებდა“<sup>6</sup>. ზემომოყვანილი ამონაწერიდან ჩანს, რომ აბომ თვითონ „ინება წარმოსვლა“ და თავისი სურვილით „შეეყო მსახურად“ ნერსე ერისთავს; მაგრამ, როგორც ჩანს, მსახურს—მენელსაცხებლედ აბოს თავისი სურვილითვე არ შეეძლო თავი დაენებებინა პატრონისათვის და სხვაგან წასულიყო. როცა აბომ მოიწადინა ნერსე-საგან წასვლა, მან თხოვნით მიმართა პატრონს: „და აწ შენ ნუ დამყენებ მე, ღმრთის-მსახურო, რამეთუ რაა მადლ არს ყოფად ჩემი აქა, სადა არა არს შიში, არცა სიკუდილი ქრისტეს-თვის? აწ გვედრები, განმიტევე მე, რაათა ეუწყოს განცხადებულად ქრისტიანობაა ჩემი ქრისტეს-მოძულეთა მათ“ (აბოს წამება, 67<sub>15-18</sub>). მსგავსი მსახური ხელოსნები, როგორც ივ. ჯავახიშვილი შენიშნავდა, „მეფესაც ჰყავდა, მთავრებსაც და აზნაურებსაც“<sup>7</sup>.

იყვნენ „ნასყიდი“ ხელოსნებიც. „ზოგჯერ „პატრონი“-სათვის — წერს ივ. ჯავახიშვილი, — ხელოსანი იყო საპირო და ხელობის მცოდნე კაცი და ისიც საამისო კაცს ყიდულობდა ყმად“<sup>8</sup>. ამგვარ ნასყიდ ხელოსანს წარმოადგენდა მსახურთუხუცესის გრ. სურამელის მიერ „ნასყიდი“ მეწისქვილე (იხ. შიომღვ. საბუთ., გვ. 64). „ნასყიდი მეწისქვილე“, როგორც ქვემოთ დავინახავთ, მალე შეწირულად იქცა.

ხელოსნები მონასტრებშიც იყვნენ. „სრპ. ზარზმელის ც<sup>3</sup>ხბაში“ სხვათა შორის „ხურონი საეკლესიონი“ იხსენიებიან: სერაპიონი „იხილვებოდა მდგომარედ ხუროთა თანა საეკლესიოთა“ (170<sub>15-15</sub>). მონასტრის ხელოსნების სამსახური სათანადო სამონასტრო წესდებით („განგებით“) იყო განსაზღვრული. მსახური ხელოსნები ჰყოლიათ, როგორც ეს „იოანე და ექვთ. ც<sup>3</sup>ხბიდან“ ჩანს, ათონის ივერთა მონასტერშიც. იმ ხელოსანთა შორის „ცხოვრებაში“ მოხსენიებულნი არიან: „მკედელნი“ (საბინინი, გვ. 407), „ხურონი“ (იქვე), „გალატოზნი“ (იქვე), „მზარეულნი“ (იქვე, გვ. 419, 422, 424). რაკი „საწანგრო“, ე. ი. ფეხსაცმელთა სამკერვალო სახელოსნო, იხსენიება (იქვე, გვ. 424), ცხადია, იქ ფეხსაცმელთა მკერავნიც იქნებოდნენ. იყვნენ აგრეთვე „ნავის მოქმედნი“ და სხვ. (იქვე, გვ. 407, 424). ხელობის ამა თუ იმ დარგისათვის განკუთვნილი სახელოსნოები („სამკედლო“, „საწანგრო“ და სხვ.) და იქ მომუშავე ხელოსნებიც,

<sup>6</sup> ივ. ჯავახიშვილი, ქართ. სამ. ისტ., 11<sub>1</sub>, გვ. 35.

<sup>7</sup> იქვე.

<sup>8</sup> იქვე, გვ. 72.

აღბათ, როგორც „იოანე და ექვთ. ცხბდან“ ჩანს, იკონომოსს ექვემდებარებოდნენ: „ხოლო საპარიკონომოსო და საწარნგრო და საჯორე და სამჭედლო და ხურონი და კალაფტანი და... ვენაჯი და მენავენნი, ესე იკონომოსისა განსაგებელნი იყვნენ“ (საბინინი, გვ. 424). თუ რით განისაზღვრებოდა სამონასტრო ხელოსანთა მოვალეობა და უფლება, „ცხოვრებიდან“ არ ჩანს. საინტერესოა, რომ ხელოსნები მონასტრის კელარისაგან იღებდნენ მათთვის „გაკუეთილ“, ე. ი. დაწესებულ ნორმას საქმელ-სასმელისას: „მაშინ წესი ესე იყო, რომელ კელარისადა ემცრო წინამძღუარსა სახმარისა მიცემა ძმათა და კელოვანთა გინა თუ გაკუჭთილი მათი, გინა თუ მეტისა ვინ ითხოვიან და ამისათუს იკონომოსისა თანა არიან რაჟსა მივალნ“ („იოანე და ექვთ. ცხბა“, საბინინი, გვ. 424). როგორც აქედან ჩანს, „კელოვანთ“ სახმარს მონასტერი აძლევდა ისევე, როგორც „ძმათა“; სახმარის გაცემა წინამძღვარს კელარისათვის მიუხდვია; იკონომოსთან ამ საქმეზე ნუ მიხვალო, ნათქვამია მოყვანილ ამონაწერში. ამ მხრივ უფრო საინტერესო ცნობას „ვაჰანის ქვაბთა განგება“ გვაწვდის. მსახური ხელოსნები ვაჰანის ქვაბშიაც ჰყოლიათ. მსახური ხელოსნები იყვნენ ისინი, რომელნიც სახაბაზოსა და სამზარეულოში მუშაობდნენ: „ხოლო მსახურნი :: რომელნი ყოველსავე ტრაპეზისა და სამზარეულოჟსა და სახაბაზოჟსა სამსახურს აღასრულებდნენ“ (ვაჰანის ქვაბთა განგება, 64გ-ფ). ვაჰანის ქვაბში, როგორც ჩანს, სასადილოში, სამზარეულოჟსა და სახაბაზოში სამუშაოდ სულ ათი მსახური ჰყოლიათ. ეს მსახურნი მონაზონთა მოსამსახურებად დაქირავებულ არათავისუფალი წოდების საერო პირებს წარმოადგენდნენ. აღსანიშნავია, რომ გარდა იმ ქირისა, რომელსაც აღბათ სამსახურის შესრულებისათვის აძლევდნენ, მსახურები მონასტერში ტანისამოსის საყიდელ თანხასაც ღებულობდნენ ქვაბში მყოფ მწირთა თანაბრად: „ხოლო მსახურთა სატანისამოსლად მწირთავე სწორად ჰქონდეს ბოტინატი და დოკატი“ (იქვე: 71გ-7). შესაძლებელია ვაჰანის ქვაბის მსახურებს საქმელ-სასმელიც „მწირთავე სწორად“ ჰქონდათ.

მონასტერში მომუშავე მსახურ ხელოსანთა ქირის შესახებაც შეგვიძლია ვთქვათ ორიოდ სიტყვა. ხელნაწერში „უქმე დღეთათვის“, რომელიც თ. ჟორდანიას აზრით, გიორგი მთაწმინდელის კალამს უნდა ეკუთვნოდეს, 597-ე გვერდზე მიწერილია: „საყუარელნო! წელოწაღსა შრნა მთაწმინდას შვიდი დრაჰკანი უნდა მიცემად მუშაკი-

<sup>9</sup> შტრ. ლ. მუსხელიშვილის შენიშვნა, იხ., „ვაჰანის ქვაბთა განგება“, გვ. 112.

სა, და ესე რომელ მცირედ არიან საერონი უქმენი, ნუ გიკვირს, რამეთუ ოთხი მუშაკი შურების ყოვლადვე და ყოველთა წელთა ჩვენსა მონასტერსა“ (Жорданиа, Опис., I, გვ. 244). როგორც აქედან ჩანს, „საერონი უქმენი“ ე. ი. ის დღეები, როცა „მუშაკნი“ (უსათუოდ ერისკაცნი) ისვენებდნენ, შეუმცირებიათ, რადგან მხოლოდ ოთხი მუშაკი „შურებოდა ყოვლადვე“. გარდა ამის, აღსანიშნავია, რომ „მუშაკს“ წელიწადში „შვიდი დრაჰკანი“ ეძლეოდა; ეს, როგორც ჩანს, საკმაოდ დიდი ხელფასი ყოფილა მათთვის, რადგან საერო უქმეთა შემცირების ერთ მიზეზად ესეცაა დასახელებული. ამრიგად, გ. მთაწმინდელის დროს მთაწმინდის მონასტერი წელიწადში „საერო მუშაკთა“ გასამრჯელოდ მხოლოდ 28 დრაჰკანს ხარჯავდა. იე. ჯავახიშვილის გამოკვლევით, დრაჰკანი ოქროს ფული იყო და, როგორც ეს მხითარ გოშუს ცნობიდან ჩანს, X II ს. იგი 13 ვერცხლის დრამას ეთანაბრებოდა, ხოლო XIII ს. კი  $12\frac{2}{3}$  ვერცხლის დრამად ფასობდა.<sup>10</sup> ამრიგად, ათონის ივერთა მონასტერში მომუშავე მსახურთ წელიწადში სამუშაოდ 91 ვერცხლის დრამა ანუ თვეში 7,5 დრამა უნდა მიეღო.

მონასტრებს, მსახურ ხელოსანთა გარდა, ყმა ხელოსნებიც ჰყოლიათ. ერთ სიგელში მოწმეთა შორის „მემლუიმის ყმა მზარეული იაი“ არის მოხსენიებული: „ამის მოწმენი არიან ანგროვნელი ჯიბლომსძე მგელაჲ; თემის ჯელოსანი კობალაჲსძე შალვა... მემლუიმის ყმანი: მზარეული იაი გორისისძე, დიაკონი ბექენი, გოროვნელი აბაშაი, წეროვნელი ცეცხლაისძე იაი“ (შიომღვ. საბუთ., გვ. 72).

მონასტრებში „შეწირული“ ხელოსნებიც იყვნენ. „შეწირულ“ ყმებად, როგორც იე. ჯავახიშვილი განმარტავდა, ეკლესიებისა და მონასტრებისათვის „სააღაპოდ“ შეწირულნი იგულისხმებოდნენ<sup>11</sup>. „შეწირულნი“ სხვა ყმებთან შედარებით უკეთეს მდგომარეობაში იყვნენ. „შემწირველნი ცდილობდნენ თავიანთი „შეწირული“ ყმები რაც შეიძლება კარგსა და ხელსაყრელ პირობებში ჩაეყენებიათ, რომ მათ თავიანთი ყოფილი „პატრონის“ სახელი დაელოცნათ და ღმერთს მის ცხონებას შეჰვედრებოდნენ“<sup>12</sup>. ამის გამო „იმ შემთხვევაშიც კი, როდესაც ეკლესიისა და მონასტრისადმი შეწირული ყმა მიწისმოქმედი არ იყო, არამედ ხელოსანი, ან ვაჭარი, ან რაიმე სხვა თანამდებობის კაცი, მაშინაც შეწირვის დროს მისი მოვალეობაც გარკვევით იყო ხოლმე აღნიშნული“<sup>13</sup>. ხელოსნების შეწირვაზე, ან,

<sup>10</sup> იე. ჯავახიშვილი, ქართული ნუმისმატიკა, გვ. 50; შდრ. მისივე საქ. ეკ. ისტორია, გვ. 96, 97.

<sup>11</sup> იხ. იე. ჯავახიშვილი, ქართ. სამ. ისტ., II, გვ. 75.

<sup>12</sup> იქვე, გვ. 15.

<sup>13</sup> იქვე, გვ. 16.

უფრო სწორად, ყმა გლეხის ხელოსნად შეწირვაზე მოგვითხრობს თამარ მეფის მიერ შიომღვიმის მონასტრისადმი 1202 წ. ბოძებული ცნობილი სიგელი. ამ სიგელის მიხედვით შესაძლებელი ხდება შეწირულ ხელოსან-ქუქანკთა მდგომარეობის გათვალისწინებაც.

ჰყონდიდელის მიერ გაყვანილი სხალტბა-შიომღვიმის რთული ნაგებობის წყალსადენის მოვლა-შენახვის აუცილებლობა ამ საქმეში გაწაფულ პირთა გაპიროვნებას მოითხოვდა. ამიტომ ჰყონდიდელმა სთხოვა თამარს მღვიმელთა შესაწირავად „წყლის მკაზმავები“ ეწყალობებინა. თამარ მეფემაც მწიგნობართუხუცესის თხოვნა შეიწყნარა: „დაგუაჯერა ღწ და ვისმინეთ ჰაჯად და მოხსენებაჲ მისი ვაზირისა ჩუენისაჲ ანტონ ჰყონდიდელ მკსისა მწ უხუცესისა და პროტო-თპერატიმოსისა და, რომელ სხალტბას მის წყლისა მისგან მოღებულსა სათავესა ზედა გლეხი ზის, მიწად ერთი და კუამლად ორი, ქოსოს ძენი, საუკუნოდ მის წყლისა მკაზმავად მღვიმისა მონასტრისა შესაწირავად მისდა მიგუითავისუფლებია“ (შიომღვ. საბუთ., გვ. 26). ეს გლეხი, „მიწად ერთი და კუამლად ორი“, თამარის მიერ ბოძებული, ანტონ ჰყონდიდელმა მღვიმის მონასტრის შესწირა და გლეხებს თავიანთი მოვალეობა „შეწირულობის წიგნით“ მტკიცედ განუსაზღვრა: „მე გაუჩინე სამსახური მის წყაროსი... სხუაი სამსახური არცა რაჲ ეკლესიისა ეღვას თუნიერ წყაროსს კაზმვისაგან კიდე“ (შიომღვ. საბუთ., გვ. 28). რაკი ზემოხსენებული გლეხები „საუკუნოდ მის წყლისა მკაზმავად“ იყვნენ შეწირულნი, მათ თავიანთი ხელობა მომდევნო თაობისთვისაც უნდა გადაეცათ. მართლაც, სიგელში გარკვევით იყო ნათქვამი: „ორისავე სახლისაგან თუთოი შვილი მათი ქუქანკად გაისწავლებოდეს და ჰკაზმვიდნენ მას წყაროსა“ (იქვე, გვ. 28). ამრიგად, ქოსოსძეთ ყოველ თაობაში წყლის მკაზმავი ხელოსნები, ქუქანკები უნდა მიეცათ მონასტრისათვის და ყოველივე ამით ამოიწურებოდა ამ ორი კომლი ყმის „ყმური მოვალეობა და სამსახური“. აღსანიშნავია, რომ „ქუქანკობა ყველას კი არ უნდა შეესწავლა, წყლის „კაზმვა“ თვითეული სახლის წევრის მოვალეობა კი არ უნდა ყოფილიყო, არამედ თითო კომლთაგან მხოლოდ ერთი უნდა ყოფილიყო ამ ხელობაში განსწავლული“<sup>14</sup>.

ანტონ ჰყონდიდელის მიერ შეწირული ხელოსნები—ქუქანკები, როგორც მღვიმელთა სიგელიდან ჩანს, მონასტრის „წყაროს მკაზმავებად“ საკმარისი არ აღმოჩენილან და მათაც თავის მხრივ სხვა ქუქანკებიც დაუყენებიათ: „ჩუენ დაგხედნით ამას, რომელ

<sup>14</sup> ივ. ჯ ა ვ ა ხ ი შ ვ ი ლ ი, ქართ. სამ. ისტ., II, გვ. 76—77.



ესენი ოდენ არა ეყოფოდეს კაზმავად წყაროსა. მათივე კითხვითა და ბრძანებითა ერთი მეორეშაფათე გლეხი, სახელით პატარ, და მეორე გლეხი გარეთ მოსული ქაჩაბურაჲსძე, ესენიცა წყაროსავე მიუყენენით მკაზმავად“ (იქვე, გვ. 27). ასე რომ, შიომღვ. მონასტრის მარტო „წყაროს მკაზმავად“ ოთხი ქუქანკი ჰყოლია. ზემომოყვანილი სიგელები მტკიცედ განსაზღვრავდნენ ქუქანკთა მოვალეობასა და უფლებას: „ჰქონდეს იგი წყალი და გლეხნი ქოსოსძენი, მიწად ერთი და კუამლად ორი, სუმონ და გიორგი და იაკობ და შვილნი და შვილიშვილნი მათნი... წმიდასა მამასა შიოს... არას ეამსა შეეცვალოს და არცა რაჲ მას წყალსა და გლეხსა ზედა ჯელისუფალთა ჩუენთა ჯელი შეუვიდოდეს; ყოვლითურთ შეუვალი და თავისუფალი არს, რაიცა ანტონ ჰყონდიდელმან განუჩინოს სამსახური მის წყლისა, მას ჰმსახურებდეს და არავინ გუიბრძანებია მშლელი და მაქცეველი ბბულისა ამის ჩუენისა“ (იქვე, გვ. 26). ასეა ჩაწერილი თამარის სიგელში—„საუფლოჲთა ჯელითა მისითა“. ხოლო შემწირველმა ანტონ ჰყონდიდელმა შეწირულებს, როგორც აღვნიშნეთ, წყალსადენის მუშაობაზე ყურისგდება და, საჭირო შემთხვევაში, შეკეთებაც დაავალა. თუ შეკეთებისათვის საჭირო გახდებოდა „ნივთი რაიმე“, ამაზე თვით მღვიმელებს უნდა ეზრუნათ: „თუ დიდი და ნივთი რაიმე საქმე გამოჩნდეს, რ’ი მათგან არა იქნებოდეს, მონასტერი დაუდებდეს, ანუ თუით მემღვიმე და კრებული ჩამოვიდოდეს და ყოვლითურთ უნაკლოდ ჰკაზმვიდენ“ (იქვე, გვ. 28). ამგვარადვე განუსაზღვრეს მემღვიმეებმა ვალდებულებანი მათ მიერ დაყენებულ ქუქანკებსაც: „უკეთუ ნივთიერი რაიმე საკაზმავი იყოს, სხალტბურთა და სხუაგურთა ძალითა ზედა მოვიდოდეთ და მოკირკებით ჩუენ კრებულობით ვჰკაზმიდეთ“-ო, ნათქვამია მემღვიმეთა სიგელში (იქვე, გვ. 27).

ქუქანკთა მსგავს შეწირულ ხელოსანს წარმოადგენდა გრ. სურამელის მიერ შიომღვიმის მონასტრისთვის შეწირული მეწისქვილე. სახლთუხუცეს გრიგოლ სურამელს მღვიმელთათვის მის მიერ აშენებული წისქვილის მკაზმავად გლეხი უყიდია და შიომღვიმის მონასტრისათვის შეუწირავს. „შეწირულობის წიგნით“ მეწისქვილე ქავთარელის მოვალეობა შემდეგნაირად იყო განსაზღვრული: „წისქვილთა რაცა საკაზმავი უნდოდეს, ესევე ჰკაზმიდეს“ (შიომღვ. საბუთ., გვ. 64). ხოლო დანარჩენი ვალდებულებებისაგან, მსგავსად ქუქანკებისა, შემწირველმა „წისქვილისმკაზმავი“ „შეუვალი“ გახადა: „ესე ქავთარული თქუენგან ნაწყიდი გლეხი შეუვალი იყოს თქუენისა სახლისაგან... და ვინაითგან თქუენითა ოქროითა თქუე-

ნისა სულისათვის გიყილია, არა რა ამას წაღმა საქმე უც მცხეთის სახლისა შესავლობად არაის თანად არა და არცა რაი სათათროი გამოჰვიდოდეს: მალი: ყაფჩერი; სალაშქროი“ და სხვ. (იქვე, გვ. 64). გარდა „წისქვილის კაზმვისა“, ქავთარელის მოვალეობას წისქვილისათვის ყურისგდება, ე. ი. მეწისქვილედ ყოფნაც წარმოადგენდა. ამისათვის კი მას სათანადო გასამრჯელოც ჰქონია: „ხრილისა ნახევარი ჩუენი იყოს და ნახევარი ამა ჩუენის მეწისქვილისა“—ო, ნათქვამია მეღვიმეთა სიგელში (იქვე, გვ. 64). გარდა ხრილისა „მეწისქვილე... საპატიოსა აიღებდა“ (იქვე), ხოლო მინდის აღება, ივ. ჯავახიშვილის აზრით, წელიწადში სამი დღის გარდა აკრძალული ჰქონდა: „ვინ გინდა მოფქავი იყოს და ფქვიდეს, მინდი თუ ვისი ნუ აიღების“<sup>15</sup> (იქვე). მაგრამ „საპატიო“ იმდენი უნდა ყოფილიყო, რომ მეწისქვილეს ჰყოფნოდა და „წელიწადისთვის“ მონასტრის წინამძღვრისათვის ძღვენიც მიერთმია. სხვა მოვალეობა „წისქვილის მკაზმავს“ არ ჰქონია, იგი თავისუფალი იყო „სახრაუბის“, „გენდაგუბის“, „მოწგნორობის“, „საბანჯრის“, „საემარისა“ და სხვა მსგავსთაგან (იხ. შიომღვ. საბუთ., გვ. 64—65). „ამ შემთხვევაშიც, ცხადია, — ასკვნის ივ. ჯავახიშვილი, — რომ ამ მეწისქვილე ყმის ჩამომავლობითგან მეწისქვილედ ყველანი კი არ უნდა გამოსულიყვნენ, არამედ მხოლოდ თითო თაობაში ერთი“<sup>16</sup>.

წისქვილის კეთება, როგორც ჩანს, მეწისქვილეთათვის ერთადერთ სარჩენ წყაროს არ წარმოადგენდა. ქავთარელისთვის, სანამ იგი შეიწირებოდა, მთავარი ისევ მიწათმოქმედება იყო, ხოლო წისქვილის კეთება არაძირითადი ხელობა იქნებოდა მისთვის. ამით აინხნება, რომ იგი სიგელში გლეხად იწოდება და არა ხელოსნად:

<sup>15</sup> იხ. ივ. ჯავახიშვილი, ქართ. სამ. ისტორია, 11, გვ. 77. შეიძლება სიგელის ეს ადგილი უფრო სხვანაირად გაგვეგო. სიგელში ვკითხულობთ: „ვინ გინდა მოფქავი იყოს და ფქვიდეს, მინდი ნუ ვისი ნუ აიღების, თქუენისა სულისა სალოცავად ფქვიდეს და მეწისქვილე ვე ზომისა საპატიოსა აიღებდეს რუშე (sic) ერთსა ეყოფოდეს და ენკენის და წელიწადის თავს მემღვიმეს ძღვენსა მიართმოდეს სამსა სქელსა პურსა“ და სხვ. (შიომღვ. საბუთ., გვ. 64). ჩვენ აზრით, თუ თვითონ პატრონი იყო საფქვავისა („მოფქავი“) და თვით ფქვადა, მეწისქვილეს მინდი არ უნდა აეღო გარდა „საპატიოსი“, რომელიც მასაც უნდა ჰყოფნოდა და ძღვნადაც უნდა მიერთმია. ხოლო სხვა შემთხვევაში, როცა საფქვავის პატრონი ვთუ არ იყო და მის საფქვეს მეწისქვილე ფქვადა, მას მინდიც უნდა აეღო და „საპატიო“-ც, წინააღმდეგ შემთხვევაში გაუგებარი იქნებოდა, თუ რა შემოსავალი ჰქონდა მღვიმის მონასტერს წისქვილდან. ნუთუ „ხრილის“ („წისქვილის გარმოღებული ფქვილი“—საბა) ნახევარი და სამიოდე სქელი პური იყო მთელი შემოსავალი?

<sup>16</sup> ივ. ჯავახიშვილი, ქართ. სამ. ისტ., გვ. 77

ის თავის ფუძეს არ იყო მოშორებული. მაგრამ „შეწირულობის წიგნით“ ქვეთარელი უმთავრესად „წისქვილის მკაზმავად“ იქნა დაყენებული და ამით ის და მისი მომდევნო თაობაც თანდათან შორდებოდნენ მიწის მოქმედებას, საგლებო ფუძეს და გარკვეული დარგის ხელოსნებად, წისქვილის მკეთებლებად იქცეოდნენ. ამას დიდად უწყობდა ხელს ყოფილი თუ ახლანდელი პატრონის მიერ მათთვის მინიჭებული შეუვალლობის უფლებები.

მონასტრის ყმა ხელოსნის მდგომარეობის გასათვალისწინებლად საგულისხმო ცნობაა დაცული XIV ს. ერთ-ერთ სიგელში. როგორც სიგელიდან ირკვევა, „მკედელ ჯაუნარს“ მღვიმის ლავრისათვის მიწა უთხოვია. მემღვიმეთ მკედლის თხოვნა შეუწყყნარებიათ და მიწა სათანადო პირობებში გაუციათ: „ვისმინეთ ჰაჯაა შენი და მოგეცით სამი დღისა მიწა შოლადრიური უსარჩელი, მოუდევიარი და უპატრონო, ვარდანისძეთა სალალოდ რომე ჰქონდის; მათი ლაღა აღარ გუინდოდა და შენ მკედელსა ჯაუნარსა მოგეცით და ბეგარნი გაგიჩინეთ წელიწადსა შინა ოთხი ლიტრა ცვლი, რომე შიოობის; დღესა მღვიმეს მოიღებდე. ამისაგან მეტი არა ზე გაც ამა სამისა შოლედარაურისა ყანისათვის, გიბედნიეროს ღმერთმან“ (შიომღვ. საბუთ., გვ. 71—72). ყმა ხელოსანი მკედელი ჯაუნარი, როგორც ჩანს, საგლებო ფუძეს მოშორებული არ ყოფილა. იგი თავის ხელობასთან, მკედლობასთან ერთად მიწის დამუშავებასაც მისდევდა თურმე. მან ლავრისაგან სამი დღის მიწა მიიღო სათანადო ბეგარის გაცემით. საფიქრებელია, რომ მკედელ ჯაუნარს სხვა ვალდებულებებიც უნდა ჰქონოდა, როგორც ყმა ხელოსანს, მაგრამ ამ სიგელში ამაზე არაფერი არ არის ნათქვამი. აღსანიშნავია, რომ ჯაუნარი სიგელში მაინც მკედლად, ე. ი. გარკვეული დარგის ხელოსნად არის მოხსენიებული და არა გლეხად. ჩანს, მკედლობა მის ძირითად საქმეს წარმოადგენდა.

ყმა ხელოსნები, თუკი ისინი აზნაურებს, ერისთავებს, მონასტრებს და სხვ. გააჩნდათ, მით უმეტეს იქნებოდნენ სამეფო კარზედაც. ეს უდავოა, თუმცა ამის დამადასტურებლად მასალები არ მოგვეპოვება. სამეფო მამულზე და მეფის სასახლეში რომ ყმა ხელოსნები ბლომად იყვნენ, ამას ცხადყოფს უფრო მოგვიანო ხანის ძეგლი — „ქელმწიფის კარის გარიგება“, სადაც სხვა მოხელეთა გვერდით სხვადასხვა დარგის ხელოსანთა უხუცესები იხსენიებიან. როგორც უკვე აღვნიშნეთ, „ქ. კ. გარიგებაში“ „მკურნალთ-უხუცესი“ (1ა) არის მოხსენიებული. ამდენად, ცხადია, „მკერვალნიც“ იქნებოდნენ და „სამკერვალოც“ უნდა ყოფილიყო. „ქ. კ. გარიგების“

ძლიერ ნაკლული სახით მოღწევა ჩვენამდე ხელს გვიშლის ნათელი წარმოდგენა ვიქონიოთ იმაზე, თუ რა მოვალეობა ეკისრებოდა და რა უფლება გააჩნდა „მკერვალთუხუცესს“. ყოველ შემთხვევაში იგი მკერვალთა უფროსი, ზედამხედველი და სამკერვალს საქმეთა გამგებელი იქნებოდა. როგორც ივ. ჯავახიშვილი აღნიშნავდა, „სამკერვალთა საფარეშო“, ასევე მკერვალთუხუცესიც, ალბათ, სხვა საფარეშოებთან ერთად ფარეშთუხუცესს ექვემდებარებოდა<sup>17</sup>.

მკერვალთა მსგავს მსახურებს წარმოადგენდნენ აგრეთვე „კელმწიფის კარის გარიგებაში“ მოხსენიებული „ხაბაზნი“-ც (4). ხაბაზები, საფიქრებელია, „მეჯამეთუხუცესს“ ექვემდებარებოდნენ. „ქ. კ. გარიგებაში“ „მეჯამეთუხუცესის“ მოვალეობა შემდგენიარადაა განსაზღვრული: „მეჯამეთ უხუცესისა კელისა არის ნიგოზი, ზეთი, საწებელი, მუზაფარი, წველა, მეკირე, კმელი თევზი, ტყემალი, მუხუდო, ყოველი მეკამბეჩე დიასახლისი, კარავი სამზარეულოსა და უვერცხლო ჭურ-სპილენძისა და შეშისა“ (596-99). რამდენადაც მეჯამეთუხუცესს ჰბარებია ყოველგვარი სანოვავე და სამზარეულო მასალა, შესაძლებელია ხაბაზი და სახაბაზეც მას ექვემდებარებოდა, ან მათ ცალკე „მეპურეთმთავარი“ განაგებდა.

რაკი „ქ. კარის გარიგებაში“ „კარავი სამზარეულოსი“ არის მოხსენიებული, ცხადია, „მზარეულნიც“ იქნებოდნენ. რამდენადაც „კარავი სამზარეულო“ აგრეთვე მეჯამეთუხუცესს ექვემდებარებოდა, იქნებ მზარეულნიც მისი „ხელისა“ იყვნენ. აკად. ივ. ჯავახიშვილი შენიშნავდა: „არც ის ვიცით ყველა „მზარეული“... მას (მეჯამეთუხუცესს, შ. მ) ექვემდებარებოდა, თუ ისინი „კელოსანთა“ რამდენსა-მე ცალკე ჯგუფს შეადგენდნენ“<sup>18</sup>. შესაძლებელია, რომ სამეფო კარზე მკერვალთუხუცესის მსგავსად „მზარეულთუხუცესიც“ (მეფეთა, IV, 528, 9, 15) იყო. ეს მით უფრო საფიქრებელია, რომ, როგორც ზემოთ-დავინახეთ, „მზარეულთუხუცესი“ არათუ მეფეებს, არამედ მთავრებს, მოხელეებსაც ჰყავდათ. მზარეულთუხუცესის კელისა იყვნენ ალბათ მულმივი „სამზარეულო მეფისა“ (ქამთაღმწერელი, მ. დედ. ქ. ცხბა, გვ. 670) და ამ სამზარეულოში მომუშავე „მზარეულნი“. ხოლო საერთო „კარავი სამზარეულო“ და მისი მზარეულნი, როგორც ვიცით, მეჯამეთუხუცესს ექვემდებარებოდნენ. ვახუშტის ცნობით კი, „მზარეულთუხუცესნი“ და მზარეულნი და სხვ. ჩუნჩერახს ანუ.

<sup>17</sup> იხ. ივ. ჯავახიშვილი, ქართ. სამ. ისტ., 1, გვ. 189.

<sup>18</sup> იქვე, 11, გვ. 167.

ჩუხჩარხს ექვემდებარებოდნენ. მაგრამ, როგორც აკად. კ. კეკელიძემ შენიშნა, ჩუხჩარხს უფრო სხვა მოვალეობა ეკისრა<sup>19</sup>.

მეფის სასახლეში ამგვარ ხელოსანთა გარდა იყვნენ ალბათ მკვედელნი, ოქრომკვედელნი, ხურონი, მენელსაცხებლენი და სხვ., რომელნიც მშენებლის, მკვდლის და სხვა სამუშაოებს ასრულებდნენ და გარკვეულ უფროსს, უხუცეს მოხელეს ექვემდებარებოდნენ.

## ბ) თავისუფალი ხელოსნები

არათავისუფალ ხელოსანთა გვერდით, ცხადია, იყვნენ თავისუფალი ხელოსნებიც. სამართლიანად წერდა ივ. ჯავახიშვილი, რომ „საქართველოში XII ს. მაინცდამაინც, ხოლო საფიქრებელია, რომ კარგა ხნით უწინარესაც, ისეთი ხელოსნები იყვნენ, რომელნიც თავიანთი ხელობით და პირადის შრომით ირჩენდნენ თავს და ინახავდნენ ოჯახსაც“<sup>20</sup>. თავისი ხელობით, თავისუფალი შრომით ზოგ ხელოსანს იმდენი „მონაგების“ შეძენა შესძლებია, რომ არათუ სხვას ეყმობოდა, არამედ თვით გააჩნდა „მონა და მხვეალნი თვისნი“. „ევსტათი მცხეთელის მარტვილობიდან“ ჩანს, რომ ევსტათი თავისუფალ ხელოსანს წარმოადგენდა და იგი მონა-მხვეალთაც ჰვლობდა: „ჰრქუა ევსტათი სიდედრსა თუსსა და მხვეალსა თუსსა“ (საბინინი, გვ. 315). ს. კაკაბაძის გამოცემაში კი (რომელსაც გამომცემელი X ს. ხელნაწერიდან გადმოღებულად თვლის) ნათქვამია: „ჰრქუა ევსტათი სიდედრსა თუსსა და ცოლსა და შვილთა თუსთა, მონა მკვეალთა თუსთა“ (საისტორიო კრებული, III, გვ. 84). როგორც ცნობილია, ევსტათი ეროვნებით არაქართველი იყო, მაგრამ ამას გადამწყვეტი მნიშვნელობა არა აქვს ჩვენთვის.

თავისუფალი ქართველი ხელოსნებიც იყვნენ საქართველოში. თავისუფალ ხელოსნად წარმოგვიდგენია ჩვენ გალატოზი ბასილი, რომლის ერთადერთ საქმეს „ქვითხურობა“, ე. ი. გალატოზობა წარმოადგენდა. მას, როგორც თავისუფალ ხელოსანს, შესაძლებლობა აქვს სამუშაოს საშოვნელად უცხო ქვეყანაშიც კი იაროს. აბუხე-რისძის სიტყვით იგი „წარვიდა ქვეყანას სომხთისასა“. თვით ბასილი აცხადებს, რომ „უცხოებასა მუშაკობაჲ“ მისთვის ერთადერთი სახსარი იყო: „მე ესრეთ გლახაკსა ნუგეშინის საცემლად ჩემდა მაქუნდა უცხოებასა შაკობაჲ, რათა მოვირეწო დასარჩენელი სახლე-

<sup>19</sup> იხ. კ. კეკელიძე, ისტორიანი და აზმანი შარავანდელთანი, გვ. 11—17.

<sup>20</sup> ივ. ჯავახიშვილი, ქართ. სამ. ისტ., 11<sub>1</sub>, გვ. 37.

ულთა ჩემთა“ (აბუსერისძე ტბელი, გვ. 57, 34). ბასილი რომ თავისუფალი ხელოსანი არ ყოფილიყო, მას სარჩოს საშოვნელად უცხოეთში სიარული არ შეეძლებოდა. ამგვარი ხელოსნები, რომელნიც სამუშაოდ მიდიოდნენ უცხოეთში, წლობით რჩებოდნენ ხოლმე იქ. მოშორებულნი თავიანთ სამშობლოს. სუმონ მესუეტის ც<sup>3</sup>ხბაში“ ამ მხრივ მეტად საინტერესო ცნობაა დაცული: „რვანი ვინმე მუშაკნი მოვიდეს სომხითით ღღეთა მარხუსა დაწყებისათა წლისა მის... ჰრქუა ერთმან მათგანმან: ლოცვა ყავ ჩუენ-თუს, წ<sup>4</sup>დაო! ორი წელი მაქუს ჩ<sup>5</sup>ნ, ვინაათგან გამოსულ ვართ ქ<sup>6</sup>ყნით ჩ<sup>7</sup>ნით და ვიქმთ და შეგკრიბეთ ნამუშაკევი იგი ჩ<sup>8</sup>ნი და ვყავთ ალუთქმად, რა მოვიდეთ და თ<sup>9</sup>ყნი ვცეთ წ<sup>10</sup>დათა ფერხთა შენთა და ნამუშაკევი ჩ<sup>11</sup>ნი განუყოთ მყოფთა წ<sup>12</sup>დისა ამის მონასტრისათა“ (332<sup>1-6</sup>). როგორც ამონაწერიდან ჩანს, ორი წელი გასულა მას შემდეგ, რაც მუშაკნი წამოსულან თავიანთი ქვეყნიდან, და ამ ხნის განმავლობაში შეკრებილი „ნამუშაკევი“ მონასტრისათვის შეუწირავთ. ამრიგად, ისეთ ხელოსანთ, რომელნიც უცხოეთში მიდიოდნენ მოსარეწელად, შესაძლებლობა ჰქონდათ იქ რამდენიმე წელი დაეყოთ და თავიანთი ნამუშაკევიც სურვილისამებრ მოეხმარათ, ე.ი. ისინი არსებითად თავისუფალნი იყვნენ და მათი მოქმედებაც საკუთარ სურვილებზე იყო დამოკიდებული.

გალატოზი ბასილი რომ თავისუფალი იყო, ამის საბუთად, გარდა ზემოთქმულისა, შეიძლება ისიც მოვიყვანოთ, რომ მისი შვილიშვილი იოსებ იოვანეს ძე მღვდელი იყო, როგორც ეს თვით ძეგლიდან ჩანს: „და ესე წმიდათა მოციქულთაებრ, სისულელით გამოჩეულთა, ნეშთი ამის სასწაულისადა ნეტარისა იოვანეს შვილისა იოსებისათჳსაც დაუტევა, რამეთუ მღვდელობასა მისსა და მონაზნობასა უპატივა კელთა მისთა მიერ დასუენებაჲ“ (აბუსერისძე ტბელი, გვ. 65, 141). ამრიგად, ბასილის შვილიშვილი მღვდლად ჩანს; რადგან მას მღვდლად კურთხევა შეძლებია, ე. ი. თავისუფალი უნდა ყოფილიყო. გარდა ამისა, აბუსერისძე ტბელის მიერ ბასილისა და იოვანეს „ნეტარად“ (იხ. გვ. 65, 140, 141) მოხსენიებაც, წინააღმდეგ ლ. მუსხელიშვილის მოსაზრებისა<sup>21</sup>, იმას გვაფიქრებინებს, რომ ისინი (ბასილი და იოვანე) სწორედ აბუსერისძეთა ყმები არ ყოფილან.

<sup>21</sup> ლ. მუსხელიშვილი წერს: „ღარიბი აპარელი გლეხი ბოლოკ-ბასილი, მხოლოდ ერთი უღლეული ხარის პატრონი, რომელსაც ავტორი ახასიათებს როგორც ერისკაცსა და უსწავლელს და რომელიც, ალბათ აბუსერისძეთა ყმა იქნებოდა, ხედოსნობით ირჩენს თავს“ (აბუსერისძე ტბელი, გვ. 12).

ბასილის მსგავსი უცხოეთში მოსიარულე თავისუფალი ხელოსნები, აბუსერისძის სიტყვით, სხვებიც ყოფილან. მას აღნიშნული აქვს, რომ დაბა ცხმორისის მცხოვრებნი „წარვიდეს ნაპირსა წარმართთასა მოსარეწელად რაასამე, ღონედ სიგლახაკისა თვისისა“ (აბუსერისძე ტბელი, გვ. 64, 125).

თავისუფალი ხელოსნები საქართველოს ერთი კუთხიდან მეორეში გადადიოდნენ სამუშაოს საძებნელად. მაგ., მიქელ გალატოზი ოპიზიდან მარტვილში წასულა<sup>22</sup> და მარტვილის ეკლესიის ეკლდერი აუშენებია, რაც ამ ეკლდერზე მოთავსებული წარწერიდან ჩანს: „ქრისტე, შეიწყალე მიქელ გალატოზი ოპიზარი“ (ე. თაყაიშვილი, არხ. მოგზ. სამეგრელოში, გვ. 41). საფიქრებელია, რომ გალატოზი მიქელიც ბასილის მსგავსად ოპიზიდან მარტვილს წასულიყოს „მოსარეწელად რაასამე“.

ზოგ ხელოსანს თავისი ხელობით დიდი მოგებაც ჰქონია. ზოგჯერ ხელობით მოგებული საკმაოდ დიდი რაოდენობით ეკლესიამონასტრებისთვისაც შეუწირავთ. ზემოკრიხის ეკლესიის სამხრეთ კედელზე იკითხება: „სახელითა ღუთისაითა მე კვირიკე (თუ კირილე) ჩემითა კალატოზობითა შევესწირე ამას ეკლესიასა :კე:ღრამაი“ (რაჭის ისტ. ძეგლები, გვ. 236).

„ათონის აღაპიდან“ ჩანს, წერდა ივ. ჯავახიშვილი, რომ ზოგიერთ ხელოსანს, როგორც მაგალითად მკერვალ თეოფილაქტეს (აღაპები, 233<sup>გა</sup>), გიორგი მჭედელს (ibid; 247) და ოქროპირ ხარაზს (ibid; 256), რომელნიც ათონის ივერთა მონასტერში შესულან, იმდენი ქონების შეწირვა შეძლებიათ, რომ მათი ხსენება იმნაირადვე იყო განწესებული, როგორც ლავრის დამაარსებლისა (ibid; 256). ეს გვიჩვენებს, რომ მათ თავიანთი საქმე ფართოდ დაუყენებიათ და დიდი მოგებაც უნახავთ“<sup>22</sup>.

ზოგიერთი ხელოსანი „ღირსეულ“ პირად იყო მიჩნეული და შესაძლებელია მას საზოგადოებრივ ცხოვრებაში საპატიო ადგილიც ეჭირა. განთქმული ხელოვანი ბექა ოპიზარი მინაწერებში ზოგჯერ „ღირს ოქროსმქანდაკებლად“ არის მოხსენიებული. მაგ., წყაროსთავის სახარების მინაწერში იკითხება: „ვიკადრე სახარების ამის მოსყიდვა წმიდით უღაბნოთ წყაროსთავით და შემსგავსებულად ძალისა ჩემისა მოვაჰედინე ღვთისა მიერ კურთხეულს ღირსსა ოქროს მქანდაკებელსა ბექასა“. (თ. ჟორდანია, ქრონიკები, 1, გვ. 293; E. Такайшвили, Арх. эскс.; 111, გვ. 37). ჩვენი აზრით, შემთხვე-

<sup>22</sup> ივ. ჯავახიშვილი, საქ. ეკ. ისტორია, 1907, 1, გვ. 40.

ვითი არ უნდა იყოს ბექა ოპიზარის „ღირსად“ მოხსენიება. შეიძლება ეს იმაზე მიგვითითებდეს, რომ ბექა, როგორც განთქმული ხელოსანი, საპატიო და ღირსეულ პიროვნებად იყო ცნობილი. ამგვარი ხელოსნები ალბათ სხვებიც იყვნენ, მაგრამ წყაროები მათზე არაფერს გვუბნებიან.

ცნობილია, რომ „შემოწირულ ვაჭართა“ (შიომღვ. საბუთ., გვ. 22) და „ყმა ვაჭართა“ (იქვე, გვ. 16) გვერდით იყვნენ „საპატიო ვაჭარნი“ (სამართალი აღბუღასი პირველი, 226, მუხ. № 96) და „ღიდ ვაჭარნი“ (იქვე, 226, მუხ. № 100; ვეფხისტყაოსანი, 1122; 1069; ისტ. და აზმნი, 81<sup>20</sup>, 108<sup>13</sup>), რომელნიც სათანადო გავლენით სარგებლობდნენ სამეფო დარბაზებშიც კი (მაგ., ზანქან ზორაბაბელი). შესაძლებელია აგრეთვე, რომ ყმა ხელოსანთა და თავისუფალ ხელოსანთაგანაც განსხვავებით „ღირსი“ ანუ „ღირსეული“ „საპატიო ხელოსნები“ ან კიდევ „ღიდი ხელოსნებიც“ იყვნენ. ერთი ასეთი ხელოსანთაგანი იყო ალბათ ბექა ოპიზარი.

აღსანიშნავია, რომ ძველ სამართლის წიგნებში ხელოსანთა და მათი „სისხლის“ შესახებ არაფერია ნათქვამი. ეს კი შესაძლებელია იმაზე მიგვითითებდეს, რომ ხელოსანი, თავისუფალი პირი, ან კიდევ „საპატიო ხელოსანი“ საერთოდ „მოქალაქეთა“ (ვეფხისტყაოსანი, 1021<sup>2</sup>, 1460<sup>4</sup>; შდრ. ლ. მროველი — ერი ქალაქისა, მ. დედ. ქ. ც<sup>3</sup>ხ<sup>2</sup>ა, 96<sup>3</sup>-4) ცნებაში იგულისხმებოდნენ და ვაჭართა უფლებებით სარგებლობდნენ.

გორგაძეთა 1392 წ. ნატყუარ სასისხლო სიგელში<sup>23</sup>, ნათქვამია: „გორგაძეს და ვითს და მისასასა (sic) გუანი კაცი შეაკვდეს, ანუ ხუცესი იყოს და ანუ მჭედელი, ამდენი სისხლი გადაიხადოს“ (თ. ჟორდანი, ქრონიკები, 11, გვ. 194). როგორც აქედან ჩანს, მჭედლის სისხლი გათანაბრებულია გორგაძეთა გვარისა და ხუცესის სისხლთან. სიგელი რომ ნატყუარი არ იყოს, საგულისხმოა ცნობასთან გვექნებოდა საქმე. მიუხედავად სასისხლო სიგელის ნატყუარობისა ამ ცნობას იმ მხრივაც აქვს მნიშვნელობა, რომ იგი ერთგვარ საზოგადოებრივ აზრს გადმოგვცემს, რომლის მიხედვით დასაშვებად მიაჩნდათ მჭედლის სისხლი გვარის მქონეთა (ამ შემთხვევაში გორგაძეთა) და ხუცესის სისხლისათვის გაეთანაბრებინათ და ამ კანონის მსგავსად ჩაწერილი აზრით ვინმე მოეტყუებინათ (თუ სიგელში აშკარა შეუსაბამობა იქნებოდა, ცხადია, მისი ნატყუარობაც ადვილად მოიძებნებოდა). ამდენად, საფიქრებელია, რომ ძველ საქართველოში

<sup>23</sup> იხ. სიგელის ნატყუარობის შესახებ — ვ. ჯ ა ვ ა ხ ი შ ვ ი ლ ი, ქართული დიპლომატიკა, გვ. 160.



ხელოსნობის გარკვეული დარგი და ზოგი ხელოსანი სათანადო უფლებებით სარგებლობდა და ზოგჯერ ხელოსნები გლეხთა წოდებასთან შედარებით მაღლა იდგნენ.

## § 2. ამჟამული წყობის შესახებ ძველ საქართველოში

ქართული ხელოსნობის შეუსწავლელობა უფრო მეტად თავს იჩენს მაშინ, როცა საკითხი ძველ საქართველოში ხელოსანთა ორგანიზაციების არსებობას შეეხება. წყაროების სიმცირის (თითქმის არარსებობის) გამო მკვლევარს მხოლოდ საკითხის დასმა შეუძლია.

საქართველოს ხელოსნობას და მის ისტორიას არაერთი მკვლევარი შეხებია, მაგრამ მათი კვლევის საგანს უმთავრესად XVIII—XIX სს. შეადგენდა და ხელოსანთა ამქრული ორგანიზაციების ისტორიაც ამ საუკუნეებისაა შედარებით შესწავლილი. მაგრამ, რამდენადაც მკვლევარი ამქრულ ორგანიზაციებს იხილავდა, ასე თუ ისე ეხებოდა ამქრების უძველეს ისტორიასაც და ამიტომ ამ საგანზე სათანადო მოსაზრებებიცაა გამოთქმული.

აღრევე გამოითქვა საისტორიო ლიტერატურაში შეხედულება იმის შესახებ, რომ ხელოსნური ორგანიზაციები, ამქრები საერთოდ აღმრსავლეთში და კერძოდ საქართველოში არაბებისა და ირანელების გავლენით ყალიბდებოდა. ამგვარი აზრისა იყვნენ ა. ჰაქსტაუზენი, ე. ვაიდენბაუმი, ნ. დუნკელ-ველინგი და სხვ.

ა. ჰაქსტაუზენის აზრით, თბილისში ვხვდებით ხელოსანთა ამქრულ ორგანიზაციებს, საშუალო საუკუნეების გერმანიაში განვითარებული წყობის მსგავსს. მაგრამ, შენიშნავს იგი, ეს წყობა მომდინარეობს არა გერმანიიდან, არამედ სპარსეთიდან. მისი აზრით, სპარსეთის შაჰის ნაცვალმა საქართველოში, ირანელების ბატონობის დროს, შემოიტანა და მოაწყო ცეხები სპარსულ ყაიდაზე.<sup>24</sup> მსგავს შეხედულებას გამოთქვამდა ე. ვაიდენბაუმიც, რომლის მიხედვით ამქრული წყობა საქართველოში თვით ქართველების მიერ კი არაა შექმნილი, არამედ იგი ძველი დროიდან იყო გაბატონებული სპარსეთში და ოსმალეთში და გადმოტანილ იქნა თბილისში იმ სომხების მიერ, რომლებმაც დაუდგეს საწყისი თბილისის ვაჭრულ და ხელოსნურ მოსახლეობას.<sup>25</sup> აღსანიშნავია, რომ ე. ვაიდენბაუმი ხაზს უსვამდა ქართული „ამქრის“ სპეციფიკურობას, რომ „ამქარი“ უფრო

<sup>24</sup> А. Гакстгаузен, Закавказский край, гл. 104.

<sup>25</sup> Е. Вейденбаум, Путеводитель по Кавказу, гл. 113.

მეტს ნიშნავს, ვიდრე „ცეხი“. მისი აზრით, ყოველგვარმა ხელობამ შეიძლება გააერთიანოს ადამიანები ერთ ამქარში გარდა ხელოსანთა ამქრებისა; ვაიდენბაუმის აზრით, იყენენ ამქრები მეხორცეთა, მეღვინეთა, წყლის მზიდაგებისა და სხვ<sup>26</sup>. ნ. დუნკელ-ველინგიც იზიარებდა ქართული ამქრობის უცხოურ, კერძოდ ირანულ წარმოშობას. იგი წერდა: ეს უძველესი დაწესებულება აქ გადმოტანილ იქნა ირანიდან და თვით სახელწოდება ამქარი ანუ გამქარი სპარსული სიტყვაა. ნ. დუნკელ-ველინგი, მიუთითებდა რა ამქარსა და ცეხს შორის განსხვავებაზე, აღნიშნავდა: ამქრებს გააჩნიათ მსგავსება ცეხებთან, მაგრამ ამასთან ერთად აქვთ თავიანთი თავისებურებანი — ბევრი ამქარი შედგება არა ხელოსნებისაგან, არამედ ვაჭრებისა და მუშებისაგან, მაგალთად, მაუდის გამყიდველნი შეადგენენ ამქარს, წყლის დამტარებელნი ანუ მეთულ-უხჩეებიც შეადგენენ ამქარს.<sup>27</sup> ახვეროვოვიც იმეორებდა ამ შეხედულებებს და იმასაც აღნიშნავდა, რომ თბილისში არსებული მოქალაქეთა ეს განსაკუთრებული სახის ორგანიზაცია უმთავრესად სომხების მიერ არის გამომუშავებული.<sup>28</sup> ყველა ზემოხსენებული პირის შეხედულებანი დეტალურად აქვს განხილული ეგაზაროვს თავის შრომაში — «Городские цехи»<sup>29</sup> და ჩვენ აქ მათზე მსჯელობას არ გავაგრძელებთ.

ზემომოყვანილ და მსგავს მოსაზრებებს ტერმინი „ამქარის“ ირანულობა და მისი შემცველი „ასნაფის“ არაბულობა<sup>30</sup> ედვა საფუძვლად.

ქართული ამქარის ირანულობის თვალსაზრისზე იდგა ნ. ბერძენიშვილიც: და თვით ამქრობაც, როგორც ჩანს, ძველთაგანვე გადმოვიდა აქ სპარსეთიდან — წერდა იგი<sup>31</sup>.

აკად. მილერი, როგორც რუსეთის გეოგრაფიული საზოგადოების ეთნოგრაფიის განყოფილებაში 1912 წ. 27 იანვარს მის მიერ წარმოთქმული სიტყვიდან ჩანს, „ამქარს“ ქართულ ნიადაგზე აღმოცენებულად არ თვლიდა, რადგან, მისი აზრით, ქართულ ამქრებში „ბევრი მუსულმანური ჩვეულებაა დაცული, ბევრია ირანის ლეგენდა და სახელები, სომხური ტერმინოლოგია და სხვანი. მაგალი-

<sup>26</sup> შტრ. იქვე, 113.

<sup>27</sup> Н. Дункель-Веллинг, Статис. опись. г. Тифлиса, с. 57.

<sup>28</sup> М. Ахвердов, Тифлиские амкары, с. 4—10.

<sup>29</sup> ЗКОИРГО, кн. XIV, вып. 2, с. XXIII.

<sup>30</sup> П. Шаншиев, Два слова об Амкаре, 13-ე შენისე.

<sup>31</sup> Д. Бакрадзе и Н. Бердзенов, Тифлис..., с. 139.

თად ბერძნულიც ბევრია“<sup>32</sup> თანამედროვე ზოგიერთი ქართველი მკვლევარიც შესაძლებლად თვლის ტერმინთა ნასესხობის გამო დაუშვას თვით ორგანიზაციის უცხოეთის გავლენით დამკვიდრება: „ამქარი“ ან „ჰამქარი“ სპარსული სიტყვაა და ნიშნავს თანამოსაქმეს, ამხანაგს ხელობით, ეს გარემოება შეიძლება რამდენიმედ ადასტურებდეს ლიტერატურაში დიდი ხნის წინათ გამოთქმულ მოსაზრებას იმის შესახებ, რომ ამქარი შემოვიდა და გავრცელდა საქართველოში და საერთოდ ამიერკავკასიაში ირანიდან“<sup>33</sup>. ამ მოსაზრების ავტორის მიხედვით აგრეთვე შეიძლება „თანაბარი საფუძვლიანობით“ ვამტიციოთ, რომ „ასნაფი“ საქართველოში „შემოსულა არაბულიდან“<sup>34</sup>. ამრიგად, ზემოხსენებულ ავტორთა შეხედულებების მიხედვით „ამქარი“, როგორც ტერმინი, ისევე, როგორც ორგანიზაცია, საქართველოში უცხოეთის გზითაა შემოსული და დამკვიდრებული.

რუსი მკვლევარი ნ. ს. დერჟავინი თავის მოხსენებაში — „ძველი ქართული ამქრული ორგანიზაციების კვალი თანამედროვე ქართველ ხელოსანთა ცხოვრებაში“, შეეცადა საკითხი სრულიად ახლებურად დაესვა. ნ. დერჟავინის აზრით, „ქართული „ამქარი“ უფრო ძველია და უფრო გრძელი ისტორია აქვს, ვიდრე ევროპისას. ცეხები („ამქრები“), თავისთავად ცხადია, გავრცელებული იქნებოდა მთელ აღმოსავლეთში: ჩინეთში, სპარსეთში, სომხეთში და სხვ., მაგრამ იმის თქმა, რომ ქართული ცეხები სხვა ხალხის ზეგავლენით არის წარმოშობილი, არ შეიძლება“<sup>35</sup>. ნ. დერჟავინი უფრო შორს მიდის და ქართულ „ამქარ“-ს „კერპთაყვანისმცემლობისდროინდელად“ მიიჩნევს: „ქართული ამქარი კერპთაყვანისმცემლობის დროინდელია, ჯერ, პირველ ხანებში სუსტი იყო და საერთო ხასიათი არ ჰქონია. მხოლოდ მე-12 საუკუნიდან „ამქარი“ თანდათან ვრცელდებოდა მთელს საქართველოში და ბოლოს საერთო მოვლენად იქცევა“<sup>36</sup>. ნ. დერჟავინი შეიძლება მართალი იყო, როცა ის ქართული „ამქრის“ წარმოშობის მიზეზებს თვით საქართველოში ეძებდა და მას უფრო ძველად თვლიდა, ვიდრე ევროპის „ამქრებს“, მაგრამ მისი დებულებები დაუსაბუთებელი

<sup>32</sup> შ. დ. (ადი) ანი, წერილი პეტერბურგიდან, „სახალხო გაზეთი“, 1912 წ., № 519.

<sup>33</sup> შ. ჩ ხ ე ტ ი ა, ამქრების ისტორიიდან, გვ. 50.

<sup>34</sup> იხ. იქვე.

<sup>35</sup> შ. დ ა დ ი ა ნ ი, წერილი პეტერბურგიდან, იქვე.

<sup>36</sup> იქვე.

ჩანს. ეთნოგრაფიული სინამდვილე, რომელსაც ის ამ შემთხვევაში ეყრდნობოდა, დამადასტურებელი საბუთებით არაა წარმოდგენილი. ამდენად, მართალია, საკითხი ახლებურად დაისვა, მაგრამ მისი გადაწყვეტა მაინც ვერ იქნა მიღწეული<sup>37</sup>.

ამქრების წარმოშობის საკითხს გავკრით შეეხო აკად. ივ. ჯავახიშვილი, მის შეხედულებებზე დაწვრილებით ქვემოთ გვექნება საუბარი.



თუკი ამქრობის საქართველოში დამკვიდრების გზები სადავო ჩანს, მით უმეტეს ძნელია გადაწყვეტა საკითხისა, თუ როდის წარმოიშვა ამქრული ორგანიზაციები საქართველოში. ამ საკითხებზედაც მხოლოდ მოსაზრებებია წამოყენებული.

შ. ჩხეტია თავის წერილში „ამქრების ისტორიიდან“ წერს: „ტფილისში ხელოსნობისა და ხელოსანთა ორგანიზაციების ისტორია ჯერ შესწავლილი არ არის, მაგრამ ნათქვამის მიხედვით (? შ. მ.) მათი არსებობა ტფილისში ჯერ კიდევ V საუკუნეში, ე. ი. თვით ტფილისის წარმოშობის მომენტში, უდავო ფაქტად უნდა ჩაითვალოს“<sup>38</sup>. ჩვენთვის გაუგებარია, თუ რომელი „ნათქვამის მიხედვით“ შეიძლება „უდავო ფაქტად ჩაითვალოს“ ამქართა არსებობა ტფილისში V ს. მკვლევართა გამოსავალს, როცა ისინი ძველ საქართველოში ხელოსანთა ორგანიზაციების არსებობაზე მიუთითებენ, „ევსტათი მცხეთელის მარტვილობა“ წარმოადგენს. აკად. ს. ჯანაშიამ თავის დროზე აღნიშნა, რომ „ევსტათი მცხეთელის მარტვილობის“ ცნობების მიხედვით შეიძლება დაიბადოს საკითხი ხელოსანთა „რაიმე კორპორაციული კავშირის“ არსებობის შესახებ VI ს. საქართველოში. აკად. ს. ჯანაშია წერდა: „მცხეთაში, როგორც უკვე ვიცით, ბლომად ყოფილან, მაგ., მეხამლეები და მეჭადაგეები. ყურადღებას იქცევს ის გარემოება, რომ ბევრი მათგანი უცხოელი ყოფილა ტომით. ის გარემოება, რომ ამ ხელოსნებს ჩვეულება ჰქონიათ ერთად ედღესასწაულათ თავიანთი სარწმუნოებრივი უქმე ღლე (ევსტათის მარტვილობა), საკითხს ჰბადებს, ხომ

<sup>37</sup> ჩვენ, სამწუხაროდ, დერაქინის მოხსენების მხოლოდ მოკლე შინაარს ვიცნობთ. მოხსენება, როგორც ჩანს, არ დაბეჭდილა.

<sup>38</sup> შ. ჩ ხ ე ტ ი ა, ამქრობის ისტორიიდან, გვ. 49.

არ აქვთ ამ ხელოსნებს უკვე იმ დროს რაიმე კორპორაციული კავშირი (საერთო დღესასწაულები დამახასიათებელია ამქრული წყობილებისათვის). ასეთსავე ეჭვს აძლიერებს ამ ხელოსნების საერთო სოლიდარული მოქმედება გარკვეულ შემთხვევის გამო<sup>39</sup>. მართლაც, „ეესტათი მცხეთელის მარტილობის“ ცნობები მხოლოდ საკითხის დასმის შესაძლებლობას იძლევა.

გ. გამყრელიძე თავის სადისერტაციო ნაშრომში — „ხელოსნური მრეწველობა და ამქრული წყობილება საქართველოში“ ამტკიცებდა, რომ „ქ. მცხეთაში ამ დროს ხელოსნური მრეწველობა განვითარებული იმდენად, რომ განსაზღვრული დარგის ხელოსნებს კორპორაციაც კი აქვთ შექმნილი, რომელიც თავის გავლენას და კონტროლს ხელოსანთა რელიგიიზაციაზეც კი ავრცელებს“<sup>40</sup>. ამგვარი მტკიცების საფუძველს ავტორისათვის წარმოადგენს „ეესტათი მცხეთელის მარტილობაში“ დაცული ცნობა ხელოსანთა ორგანიზაციული გამოსვლის შესახებ გაქრისტიანებული ეესტათის წინააღმდეგ. გ. გამყრელიძე წერს: „მცხეთაში, როდესაც სპარსელი ხელოსანი — მეხამლე მაზდეიანურ სარწმუნოებას ღალატობს, — ნაციონალური რელიგიის დამცველად გამოდიან სპარსელი ხელოსნები — „მეჭადაგენი და მეხამლენი“. ეჭვს გარეშეა, რომ ამ დროს მცხეთაში სხვა სპარსელნიც — არახელოსნები ბლომად იქნებოდნენ... მაგრამ, მიუხედავად ამისა, მეხამლის მიერ ნაციონალური რელიგიის ღალატის გამო ხმა აღიმართეს და მისი დაბეზლება იწყეს მხოლოდ მეჭადაგეებმა და მეხამლეებმა, — იმ პირის თანამოსაქმეებმა, რომლის წინააღმდეგაც იყო მიმართული ეს პროტესტი. უნდა ვიფიქროთ, რომ ერთი დარგის ხელოსანთა ასეთი ორგანიზაციული გამოსვლა შემთხვევითი არ იყო, — მათ, უეჭველია, საერთოდაც ექნებოდათ ასეთი კავშირი“<sup>41</sup>. აი, არგუმენტები გ. გამყრელიძის მტკიცებისა. ერთი შეხედვით ზემოთყვანილი მტკიცება სწორი ჩანს, მაგრამ თვით წყარო, „ეესტათის მარტილობა“, ამგვარი დასკვნის გაკეთების შესაძლებლობას არ იძლევა. მაინცდამაინც არ მტკიცდება გ. გამყრელიძის ძირითადი არგუმენტი, რომლის მი-

<sup>39</sup> ს. ჯ ა ნ ა შ ი ა, ფეოდალური რევოლუცია საქართველოში, გვ. 89.

<sup>40</sup> გ. გამყრელიძე, ხელოსნობა (ხელნაწ.), გვ. 76; შდრ. აგრეთვე გვ. 124—125. ამ შეხედულებებს იმეორებს გ. გამყრელიძე წერილში „საქართველოში ამქართა წარმოშობის საკითხისათვის“ („საქ. მეცნ. აკადემიის მოამბე“, ტ. 11, № 6, 1941, გვ. 557).

<sup>41</sup> იქვე, გვ. 124—125; შდრ. გ. გამყრელიძე, ამქართა წარმოშობის საკითხისათვის, გვ. 557.

ხედვით „მეჯადაგენი და მეხამლენი“ ორგანიზაციულად გამოდიან მხოლოდ იმიტომ, რომ „მათმა თანამოსაქმემ“ უღალატა ნაციონალურ რელიგიას. ნამდვილად კი, როგორც „ევესტათის მარტვილობიდან“ ჩანს, „მეხამლენი და მეჯადაგენი“ გამოდიან საერთოდ „რჩულის“ დამცველებად და აბეზლებდნენ ყველას, ვინც მათს „რჩულს“ უღალატა, თუნდაც ისინი „მათი თანამოსაქმეები“ არ ყოფილიყვნენ: „შეკრბეს იგივე მეჯადაგენი და მეკამლენი და მოვიდეს უსტამისა და ჰრქუეს: „არიან აჟა სხუანიცა ჩუენისა რჩულისანი და იგინიცა ქრისტიანე არიან და მათიცა ბრძანე მოწოდება და ტფილისს მათიცა წარყვანებაჲ“ (ს. ყუბანეიშვილი, ნარკვევი, 64-გ; ს. კაკაბაძე, საისტ. კრებული, III, გვ. 81; საბინინი, გვ. 314). მართლაც, „მცხეთელმა ციხისთავმა“, ევესტათისთან ერთად, გაგზავნა თბილისს რვა კაცი, ირანული „რჩულის“ დამტოვებელნი და „მეჯამლეთა და მეჯადაგეთა“ მიერ დასმენილნი. ის გარემოება, რომ მათ შორის ყველაზე უწინ ევესტათი დააბეზლეს, არაფრის მთქმელია, რადგან მეხამლეებს ყველაზე ადრე შეეძლოთ გაეგოთ იმ პირის საქმიანობა, რომელიც თავისი ხელობით მათთან ახლო იყო. გარდა ამისა, აღსანიშნავია, რომ ევესტათის მეორედ დააბეზლებენ „სპარსნი... შემასმენელნი“ და არა იგივე „მეკამლენი და მეჯადაგენი“. ამრიგად, „ევესტათის მარტვილობიდან“ არ ჩანს, რომ ხელოსანთა კორპორაციები „თავის გავლენასა და კონტროლს ხელოსანთა რელიგიიზებად კი ავრცელებდნენ“. როგორც აღვნიშნეთ, აქ მხოლოდ ირანული „რჩულის“ დამტოვებელთა წინააღმდეგ ბრძოლაა მოცემული, ვინც უნდა ყოფილიყვნენ ისინი — „კელოსანი“ თუ „უქელო“, და, თუ ეს პირველად „მეკამლეებმა და მეჯადაგეებმა“ იწყეს, ეს მხოლოდ იმიტომ, რომ პირველად სწორედ „მათმა თანამოსაქმემ“ უღალატა ირანულ „რჩულს“. უფრო საუფუძვლიანი იქნებოდა გ. გამყრელიძეს „ევესტათის მარტვილობის“ სხვა ცნობისათვის მიექცია ყურადღება.

როგორც ს. ჯანაშია აღნიშნავდა, ერთი და იმავე დარგის, ან მონათესავე დარგის ხელოსანთა ჩვეულება „ერთად ედღესასწაულათ თავიანთი უქმე დღე“, სამართლიანად ბადებს საკითხს ხელოსანთა შორის რაიმე კორპორაციული კავშირის არსებობის შესახებ. „ევესტათის მარტვილობაში“ გარკვევით ჩანს, რომ მეხამლენი და მეჯადაგენი „ტოზიკს“, მათს რელიგიურ დღესასწაულს ერთად იხდიდნენ: „მას ჟამსა შეკრბეს სპარსნი, რომელნი მცხეთად იყვნეს, მეჯადაგენი და მეკამლენი, ტოზიკობდეს და მიავლინეს ნეტარისა ევესტათისა და ჰრქუეს: „მოვედ და გუერთე შეუებასა ამას

ჩუენსა“ (ს. ყუბანეიშვილი, ნარკვევი, 218-20-31; ს. კაკაბაძე, საისტ. კრებული, III, გვ. 80; საბინინი, გვ. 313). ხელოსნები, როგორც ჩანს, მხოლოდ იმათ მოუწოდებდნენ, რომელნიც მათი „ველობისა“ იყვნენ. მეზამლეებმა და მეჭადაგეებმა, როცა ევსტათი დაასმინეს, აღნიშნეს: „ჩუენთანა ტოზიკსა არა მოვიდის და ცეცხლი არა გამოსცის და ჩუენსა რჩულსა ჰგმობს“ (ს. ყუბანეიშვილი, ნარკვევი, გვ. 3). ხოლო როცა „მეკამლეებმა და მეჭადაგეებმა“ სხვებიც დაასმინეს, არაფერი უთქვამთ იმის შესახებ, მოვიდნენ თუ არა ისინი ტოზიკზე და „ცეცხლი გამოსცეს“ თუ არა (იხ. იქვე, 64-ა). ეს ცნობა ანგარიშგასაწევი და შეიძლება იმაზე მიგვითითებდეს, რომ ამ დროის ხელოსნებს მართლაც რაიმე კორპორაციული კავშირი გააჩნდათ. მაგრამ მტკიცება ზემომოყვანილი ცნობის მახეღვით „ამქრული ან ამქრულისდარი“ ორგანიზაციების არსებობის შესახებ შეუძლებლად მიგვაჩნია, რადგან კორპორაციების, კავშირების, ან კიდევ ძმობის არსებობა არ ნიშნავს ამქრობის არსებობას. კორპორაციები, ძმობები, გარდა ვაჭრებისა, ოქრომქედლებისა და სხვ., ჰქონდათ მათხოვრებსაც, მეძავე ქალებსაც, ქურდებსაც<sup>42</sup>, რომელნიც „ირჩევდნენ მამასახლის უხუცესებს, ადგენდნენ თავიანთ სასამართლოებს, აწყობდნენ რელიგიურ პროცესებს“ (ი. მ. კულიშერი). მაგ., გიორგი მონაზონის „ხრონოლოგიაში“ „უხუცესი მეძავეთა“ (250<sub>12-25</sub>) იხსენიება. ამგვარ ორგანიზაციებში რომ ამქრული წყობა დაგვეჩინა, მაშინ ამქრული ორგანიზაციები უნდა ვეძებოთ ფეოდალის ხელოსანთა კორპორაციებშიც, სადაც ისინი ერთი მოძღვრის, უხუცესის ხელქვეით ერთიანდებოდნენ. „ხუროთმოძღუართა“, „მხატვართუხუცესთა“, „გალატოთუხუცესთა“, „მკერვალთუხუცესთა“ და სხვათა არსებობა „ხელოსანთა ფეოდალური ორგანიზაციების“ არსებობაზე მიგვითითებს, მაგრამ ეს ჯერ კიდევ არ გვაძლევს უფლებას, რომ ამ ორგანიზაციებში ამქრული წყობა ვეძიოთ. ამქრობის თვით მემამულის საბატონო სახლ-კარის ხელოსნებს შორის წარმოშობის თეორიის თვალსაზრისზე მდგომი მეცნიერებიც კი (ნიჩში და გირკე) ამ შეხედულებას არ იზიარებდნენ. ფეოდალის ხელოსანთა კორპორაციების არსებობა, მათი აზრით, შეადგენდა ამოსავალს, საიდანაც ამქრული ორგანიზაციები წარმოიშვნენ. ყოველივე ამის გამო გადაჭარბებულად მიგვაჩნია აკად. კ. კეკელიძის აზრი იმის შესახებ, რომ „ევსტათი მცხეთელის მარტვილობაში“ „ყურადღებას იმსახურებს ცნობა ხელოსანთა ამქრების შესა-

<sup>42</sup> იხ. A. K r e m e r, Culturgeschichte des Orients, II, გვ. 187.

ნებ მცხეთაში<sup>43</sup>. ასევე, ცხადია, არასწორია გ. გამყრელიძის მოსაზრებაც, რომლის მიხედვით „ხელოსანთა ამქრული ან, ყოველ შემთხვევაში, ამქრულისდარი (— შ. მ.) ორგანიზაციის არსებობის ნაშნებს ვპოულობთ საქართველოში, — კერძოდ ქ. მცხეთაში, VI საუკუნეში (ჩვ. წ. აღ.)“<sup>44</sup>.



ზემოგანხილული თეორიები, რომლის მიხედვით საქართველოში ამქრული ორგანიზაცია უცხოეთიდან შემოსულად უნდა ჩაითვალოს, ჩვენ არასწორად მიგვაჩნია. ამქრობის წარმოშობის მიზეზები თვით საქართველოს შინაგან წყობაში უნდა ვეძიოთ.

ზოგადი თეორიების განხილვა ამქრობის წარმოშობის პირობების შესახებ ჩვენი თემის ფარგლებს სცილდება და ამ საკითხებზე აქ შეჩერება ზედმეტად მიგვაჩნია. მხოლოდ მოკლედ შევნიშნავთ იმ ზოგად მოვლენებზე, რომლებიც ხელს უწყობდნენ ამქრული წყობის წარმოშობას, და შევეცდებით ვუჩვენოთ ამ პირობების არსებობა საქართველოში.

კ. მარქსი და ფ. ენგელსი მოკლედ განსაზღვრავდნენ ამქრობის წარმოშობის მიზეზებს: «Необходимость объединиться против объединенного разбойничьего дворянства, потребность в общих рыночных помещениях в эпоху, когда промышленник был одновременно и купцом, рост конкуренции со стороны стекавшихся в расцветавшие города беглых крепостных, феодальный строй всей страны—все это породило цехи».<sup>45</sup> ხელოსანთა ამქრების წარმოშობის აუცილებელ პირობას წარმოადგენს საქალაქო ცხოვრების აყვავება და განვითარება. შეიძლება ვაჭარი და ხელოსანი ჯერ კიდევ ერთი და იგივე პირი იყოს, მაგრამ ამქრული წყობა მანაც არსებობდეს. ამდენად უმაღლეს საფეხურამდე განვითარებული საქალაქო ცხოვრება იმდენად აუცილებელი არაა მისი წარმოშობისათვის, რამდენადაც ქვეყნის ფეოდალური დანაწილება და გამოქცეულ ყმა გლეხთა და სოფლის თავისუფალ ხელოსანთა კონკურენცია ქალაქის ხელოსნების მიმართ. ამქრების წარმოშობას ხელს უწყობდა აგრეთ-

<sup>43</sup> К. К е к е л и д з е, Конспект, курс древне-груз. лит., გვ. 18.

<sup>44</sup> გ. გამყრელიძე, ხელოსანთა (ხელნაწ.), გვ. 124; შდრ. მისივე, საქართველოში ამქართა წარმოშობის საკითხისათვის, გვ. 557.

<sup>45</sup> Немецкая идеология, 1934, გვ. 14—15.



ვე ქალაქის სამხედრო ორგანიზაციების არსებობის აუცილებლობაც მის დასაცავად საშინაო და საგარეო მტრებისაგან.<sup>46</sup>

საქართველოში ჭერ კიდევ VI—VII სს., ვაჭრობა-აღებშიცემობა საკმაოდ იყო დაწინაურებული. დას. საქართველოში ვაჭრობა დიდი ხნიდან ითვლებოდა კეთილშობილურ საქმედ. ხოსროსთან წასული ლაზები, უკმაყოფილონი ბიზანტიის მიერ კოლხეთში განმტკიცებულ ი სავაჭრო მონოპოლიით, აცხადებდნენ, რომ ყველა ამას, — ვაჭრობის მონოპოლიას, ბიზანტიელები „უწოდებენ... ვაჭრობის კეთილშობილ სახელს“ (პროკ. კესარიელი, გეორგიკა, II, გვ. 51). დას. საქართველოში ამ დროს რამდენიმე დაწინაურებული და განთქმული სავაჭრო ქალაქი იყო. პეტრას გარდა აქ იყო „არქეოპოლისი... მთავარი და უდიდესი ქალაქი ლაზების ქვეყანაში“ (იქვე, გვ. 152). აგათია სქოლასტიკოსი ლაზების შესახებ წერდა: ლაზეთის „ეხლანდელი მცხოვრებლები დასცურავენ კიდევ, რამდენადაც შესაძლებელია, და ვაჭრობაშიაც ნახულობენ დიდ სარგებელს“-ო (გეორგიკა, III, გვ. 51).

იბერია ხომ აღრევე დაწინაურებული იყო აღებ-მიცემაში. იგი პეტრე იბერიელის დროს „განთქმულ იბერთა ქვეყანა“-დ იწოდებოდა. იბერია, პროკოფი კესარიელის სიტყვით, ვაჭრობდა დვინთან. დვინში, წერს ის, „მრავალი ვაჭარი ცხოვრობს... და ეწევა თავის საქმიანობას. იქ ხომ საქონელი შემოაქვთ ინდოეთიდან, მეზობელი იბერიიდან და თითქმის ყველა, სპარსეთში მოსახლე ტომთა და რომაელების ქვეშევრდომ ზოგიერთ ხალხთა ქვეყნებიდან და ერთმანეთში აღებ-მიცემობას აწარმოებენ“ (გეორგიკა, II, გვ. 61). აღსანიშნავია, რომ VII ს. დამდეგს ვაჭრობა იმდენად განვითარებულ და აუცილებელ საქმედ ყოფილა მიჩნეული, რომ სომეხ-ქართველთა განხეთქილების შემდეგაც კი, როცა მათ შორის საშინელი მძულვა-რება ჩამოვარდა, სომხეთის კათალიკოსმა თავის სამწყსოს უბრძანა: „მათთან (ქართველებთან, შ. მ.) სრულებით არავითარი დამოკიდებულება არ ჰქონდეთ... ნებადართულია მათგან მხოლოდ ყიდვა-გაყიდვა, ვითარცა ებრაელთაგან“<sup>47</sup>.

საკმაოდ ფართოა იმ დროის იმპორტი. როგორც უკვე აღვნიშნეთ, შუშანიკს ანტიოქიიდან შემოტანილი პალაკარტი ეცვა. ფართო ვაჭრობა წარმოებდა არაბეთსა, სპარსეთსა და ბიზანტიასთან. ბაღდადიდან და არაბთა სხვა ქალაქებიდან შემოჰქონდათ „აფი ბაღდა-

<sup>46</sup> შდრ. იქვე, გვ. 41.

<sup>47</sup> იბ. ს. ჭ ა ნ ა შ ი ა, ფეოდალური რევოლუცია საქართველოში, გვ. 87.

დური“ (ქრონიკები, II, გვ. 45), „ჯუბაჩა“, მატყლი, ქსოვილები — „ლარი“, ოქროქსოვილები, ე. წ. „ზარქაში“, ნელსაცხებლები, ძვირფასი ქვები და სხვ. ბიზანტიიდან კი — „კუბასტი ბერძული“ (იქვე, გვ. 45), „სტავრაჲ ბერძული“ (იქვე, გვ. 44) და მრავალი სხვა:

საისტორიო წყაროებში ამ დროის ქართლის შემდეგი ქალაქებია მოხსენიებული: მცხეთა, თბილისი, უჯარმა, რუსთავი, ბოლნისი, მანგლისი, ჭერამი, ხუნანი და სხვ. ხოლო VIII—XIII სს. საქართველოში ამათ გარდა იყო ოლთისი, არტანუჯი, ახალქალაქი, ოძრევე, ატენი, დმანისი, უინვანი და სხვ. ამათგან თბილისი ძალიან მდიდარი და ვრცელი ყოფილა, როგორც ეს მისი იმდროინდელი აღწერილობიდან ჩანს. მაგ., მოსე კალანკატუელის ცნობით, VI—VII სს. მიჯნაზე, როცა ჰერაკლე კეისარის მოკავშირემ ხაზართა ხაკანმა თბილისი აიღო, აქ მათ დიდი ნადავლი უშოვნიათ. ხაზარებმა, ამბობს იგი, „გარემოიცივეს ნებიერი, მოვაჭრე სახელოვანი დიდი ქალაქი თბილისიო“<sup>48</sup>. X ს. კი თბილისი ძლიერ გაზრდილა. იმდროინდელი ირანელი ისტორიკოსი ჰოდუდ ალ-ალემის ავტორი თბილისის შესახებ წერდა: „ტფილისი დიდი აყვავებული ქალაქია, მაგარი გაშენებული და მრავალი სიმდიდრის მქონე“ (გ. ფუთურიძე, ირანელი ავტორები, გვ. 15). აგრეთვე X ს. პირველი ნახ. ირანელი ისტორიკოსი ისთაჰრი აღნიშნავდა: „ტფილისი დარუბანდზე ნაკლებია და ორი კედელი აქვს თინისა. სიმდიდრით საესე ადგილია, მრავალი ხილიან-ნათესებიანი, მრავალგვარი საქონელი და თაფლი მტკვრით მიაქვთ იქიდან... მთელს არანში ბარდავზე, დარუბანდზე და ტფილისზე უფრო დიდი ქალაქი არ არსებობს“ (იქვე, გვ. 4). XIII ს. ზოგიერთი ქალაქი ისე გაიზარდა, რომ არათუ საკუთარი თვითმმართველობა ჰქონდა, არამედ საკუთარ ფულსაც კი ჰქრიდა. მაგ., დმანისში ნარინ დავითის დროს სპილენძის ფული მოუჭრიათ<sup>49</sup>.

X—XII სს. ვაჭრობა საქართველოს შინაური ცხოვრების მნიშვნელოვან მამოძრავებელ ძალას წარმოადგენდა. ამიტომ საქართველოს მეფეები ყოველნიარად ცდილობდნენ ვაჭრობა-წარმოებისათვის ხელი შეეწყოთ. დავით აღმაშენებელმა მგზავრ ვაჭართათვის, არაბი ისტორიკოსის ცნობით, ქარვასლები და სასტუმროები ააგო (იხ. ივ. ჯავახიშვილი, საქ. ეკონ. ისტორია, 1, 1907, გვ. 23). ხოლო დავითის ისტორიკოსის სიტყვით — დავითმა, სადაც საჭირო იყო,

<sup>48</sup> ს. ჯანაშია, ფეოდალური რევოლუცია საქართველოში, გვ. 95.

<sup>49</sup> იხ. თ. ლომოური, ფული შ. რუსთაველის ეპოქაში, შ. რუსთ. ეპოქის მატ. კულტ. ძეგლები (კრებული), გვ. 292.

„აღაშენა კიდენი მდინარეთა სასტიკთა ზედა და გზანი საწყინოდ სავალნი ქვა-ფენილ ყუნა“. ყველა ეს ღონისძიება ვაჭრობის შემადგენლებელ მიზეზთა მოსაპოვებლად იყო მიმართული. დავითის შთამომავალნიც ვაჭრებსა და მოგზაურებს თავის დახმარებას არ აკლებდნენ ვახუშტის სიტყვით, თამარ მეფემ „ფუნდუკები“ ანუ სასტუმროები ააშენა გზებზე.

დავითი სხვაგვარ ღონისძიებებსაც არ ერიდებოდა ვაჭრობის წარმატებისათვის. როცა მან თბილისი ხელთ იგდო, მუსლიმან ვაჭრებს, არაბი ისტორიკოსის ცნობით, „სხვადასხვა უპირატესობანი უბოძა“; დავითმა თავისი პოლიტიკით საქმე ისე წარმართა, რომ მაჰმადიანებმა სრული თავისუფლება იგრძნეს. ისტორიკოსი აღნიშნავს: „ერთი სიტყვით მაჰმადიანებს ის უფრო მეტს პატივს სცემდა, ვიდრე თვით მუსულმანთა მეფენიო“ (ივ. მაჭავარიანი, არაბ. და სპარსელ მწერალთა ცნობები, მოამბე, XII, 1897, გვ. 7; შდრ. ივ. ჯავახიშვილი, საქ. ეკ. ისტორია, გვ. 29). აღსანიშნავია, რომ არაბი ისტორიკოსის ფარიკის თბილისში ყოფნის დროსაც (1153-54 წ.), როგორც ეს მისივე მონათხრობიდან ჩანს; დავითის მიერ დადგენილი წესები მაჰმადიანთა შესახებ ძალაში ყოფილა<sup>50</sup>.

ანგარიშგასაწვევია შემდეგი გარემოებაც. ამ ხანისათვის მოქალაქენი უკვე იმდენად შეკავშირებულ ძალას წარმოადგენდნენ, რომ „ერთ საზოგადოებრივ წრეს შეადგენდნენ, კირში და ლხინში ერთად მოქმედებდნენ“<sup>51</sup>. მაგ., როცა ქართველთა ჯარმა რუჟენ-ადღინზე გაიმარჯვა, თანამედროვე ისტორიკოსის სიტყვით, გამარჯვებული ჯარის დასახვედრად და ამ გამარჯვების გამო თავიანთი სიხარულის გამოსახატავად „შეეკაზმა მოქალაქეთა თბილისი“. „აქ მოქალაქენი, აღნიშნავს ივ. ჯავახიშვილი, ტფილისის პატრონებად არიან გამოყვანილი და ერთობლივ რთავენ ქალაქს სადღესასწაულოდ, რომ გამარჯვებულ ლაშქართათვის თავიანთი სიხარული ეჩვენებინათ“<sup>52</sup>.

საქალაქო ცხოვრების დაწინაურებას ქალაქთა თვითმმართველობების არსებობაც გვიდასტურებს. როგორც ივ. ჯავახიშვილს აქვს გამოკვლეული, ქალაქის სათავეში „ამირა“ იღვა. „ქ. ტფილისის მთავარ გამგეს, წერს ივ. ჯავახიშვილი, ქართველ მეფეების დროსაც

<sup>50</sup> იხ. ე. ფუნდუკი, არაბი ისტორიკოსი XII ს. თბილისის შესახებ, ენციკლის მოამბე, თბ., 1943, ტ. XIII, გვ. 139—143.

<sup>51</sup> ივ. ჯავახიშვილი, საქ. ეკ. ისტორია, გვ. 25.

<sup>52</sup> იქვე.

წინანდებურად ამირას ეძახდნენ, მაგრამ ეხლა „ტფილისისა და ქართლის ამირას“ მეფე ნიშნავდა ქალაქის მცხოვრებთაგან<sup>88</sup>. ერთი ამგვარი ამირათაგანი, „მეფისგან... კელდასხმული“, ყოფილა აბულასანი. თამარის ისტორიკოსი წერს: „გამოვიწმინდა მეტყუელი მკვლართაგანი ტფილისისათა, თავადი, და მეფეთ-მეფეთაგან წყალობა-კელდასხმული, ამირაჲ ქართლისაჲ და ტფილისაჲ სახელით აბულასან“ (ისტ. და აზმ<sup>წი</sup>, 81<sub>10</sub>—<sub>13</sub>). თბილისთან შედარებით მცირე ქალაქებში კი, მაგ., მცხეთასა და ატენში, როგორც „ვესტათის მარტვილობიდან“ ჩანს და ატენის საყდრის წარწერიდან ირკვევა, ამირას მაგივრობას „ციხისთავი“ ასრულებდა. ატენის საყდრის ლაპიდარულ წარწერაში ნათქვამია: „მე გრგნ<sup>ლ</sup>მან... ატენის ციხისთავმან ავაგენ სახლნი და ქოლბაგი... ავაშენეთ დარბაზნი და ქალაქი“ (И. Джавахов, К вопросу о врем. постр. храма в Атене, X p. В. I, в. III, გვ. 289). ატენის ციხისთავს, როგორც ამ წარწერიდან ჩანს, ქულბაგნი ანუ დუქნები, დარბაზები და საერთოდ ქალაქი გაუშენებია.

ამირას ხელქვეით მოხელეს, რომელსაც „ქალაქის ბაზრისა და ბაჟის ზედამხედველობა უნდა ჰბარებოდა“, „შურტა“ (შოიმღვ. საბუთ., გვ. 11, 12) ეწოდებოდა. ქალაქში, კერძოდ თბილისში, როგორც ჩანს, „საბჭოს მაგვარი დაწესებულება“<sup>89</sup> ყოფილა, რომლის წევრებს მაშინ „ქალაქის ბერებს“ ეძახდნენ. „ქართლის მატიანეში“ ნათქვამია: „მოეგებნეს (ბაგრატს, შ. მ.) ქალაქის ბერნი და დარბაზის ყმანი“ (მ. დედ. ქ. ც<sup>ნ</sup>ბა, 2617). „ქალაქის ბერნი“ ალბათ იყვნენ „მოხუცებულნი ქალაქისანი“ (მეფეთა, 1, 16<sub>14</sub>), რომელთაც ქალაქის გამგებლობა ებარათ. „ქალაქის ბერებს“ იმდენი უფლება ჰქონდათ, რომ მათ მიერ არჩეულ პირს ქალაქის გადაცემას შეჰპირებოდნენ. მემატიანეს სიტყვით, ბაგრატ მეფეს ბერებმა „უქადეს ქალაქი და უხმეს“ (იქვე, გვ. 260).

აღსანიშნავია, რომ თბილისის XII ს. ისტორიაში ისეთი პერიოდებიც კი ყოფილა, როდესაც ქალაქის მმართველობა რამდენიმე წელი მოქალაქეთა ხელში ყოფილა. ამ საკითხზე მეტად მნიშვნელოვან ცნობას გვაწვდის არაბი ისტორიკოსი ფარიკი. იგი წერს: „თბილისის ხალხმა ნეჟმ ად-დინ ილ-ლაზისთან (კაცი) გაგზავნა და სთხოვა ჩაებარებინა თბილისი, რომელიც ორმოც წელს, დაახლოებით, თვით ხალხის ხელში იყო. მათი (თბილისელების) ხელმწიფეები იყო ჯგუფი ხალხისა, სახელად „ჯაფარის გვარი“ („ან ჯაფარის სახლი“), რომელსაც ორას წელს ეპყრო ბატონობა და

<sup>88</sup> იქვე, გვ. 23.

შემდეგ მოისპო და გამგებლობა თვით ხალხს ჩაუვარდა ხელში. ყოველ თვე თვითეული (ამ ხალხიდან) იღებდა ხელში (გამგებლობას) და ასე გაატარეს ორმოცი წელიწადი<sup>54</sup>. ამრიგად, XII ს. საქალაქო ცხოვრება იმდენად წინ წასულა, რომ ქალაქში „კომუნის-დაგვარი წყობილება“ არსებობდა ათეული წლების მანძილზე. ფარიკის ცნობით, თუ ხელისუფლება ხალხის ხელში იყო, „ქალაქის საბჭო“ იქნებოდა სრული ბატონ-პატრონი ქალაქისა. „საბჭოს“ სათავეში კი ალბათ ის ხალხი იდგა, რომლის შესახებ ფარიკი ამბობს, რომ „ყოველ თვე თვითეული ამ ხალხიდან იღებდა ხელში გამგებლობას“<sup>55</sup>. თუ ამირას ბატონობის დროს ქალაქის საბჭოს წევრებს შეეძლოთ შეჰპირებოდნენ ქალაქს სხვას (იმ შემთხვევაში ბაგრატ IV-ს), მით უმეტეს მათი უფლებები განუსაზღვრელი იქნებოდა მაშინ, როცა ამირა „ბატონი“ არ იყო და ქალაქს თვით განაგებდნენ<sup>56</sup>.

ქალაქში, როგორც ბაგრატ მეფის კანონებიდან ჩანს, მოსამართლეებიც იყვნენ. სამართლის წიგნში იკითხება: „ვინცა მოძღვარი იყოს, ანუ მეფეთა წინაშე ზრდილი და ნამყოფი კაცი იყოს, ან კარგი დიდ-ვაჭარი, ან კარგი სოფლისა მამასახლისი იყოს... დასვი ბჭედ“. „დიდ-ვაჭარი“ „ჰკვიანი იქნების და კარგად ეცოდინების ბჭობა და უსამართლოს არას იტყვის“ (სამართალი აღბუღასი პირველი, 226, მუხ. № 100). როგორც ივ. ჯავახიშვილი შენიშნავდა, „დიდ-ვაჭარი შეიძლება მხოლოდ ვაჭრებისა და საზოგადოდ მოქალაქეების მოსამართლედ, ანუ ბჭედ ყოფილიყო“<sup>57</sup>. ამრიგად, მოქალაქეებს თავიანთი უფლება და სამართალიც გააჩნდათ. „მოქალაქეთა“ ცნებაში კი, როგორც აღვნიშნეთ, გარდა მოხელეებისა, ვაჭრები და ხელოსნებიც იგულისხმებოდნენ. „მოქალაქენი ორი უმთავრესი ჯგუფისაგან შედგებოდნენ: ვაჭრებისა და ხელოსნებისაგან“ — წერს ივ. ჯავახიშვილი<sup>58</sup>. პროფ. ნ. ბერძენიშვილი, როცა XII ს. დასაწყისის საქართველოს სოციალურ წყობას ეხება, აღნიშნავს, „ქალაქთა მოსახლეობა უმთავრესად ვაჭართა, ხელოსანთა და გლახაკთაგან შედგება“<sup>59</sup>.

<sup>54</sup> ვ. ფ უ თ უ რ ი ძ ე, არაბი ისტორიკოსი XII ს. თბილისის შესახებ.

<sup>55</sup> შლრ. ვ. ფ უ თ უ რ ი ძ ე, იქვე, გვ. 143.

<sup>56</sup> ეს საკითხები შ. მესხიამ დაწვრილებით მიმოიხილა წიგნში — „საქალაქი კომუნა შუა საუკუნეების თბილისში“, თბ., 1962 (რედ.).

<sup>57</sup> ივ. ჯ ა ვ ა ხ ი შ ვ ი ლ ი, საქ. ეპ. ისტორია, გვ. 26.

<sup>58</sup> იქვე, გვ. 27.

<sup>59</sup> ნ. ბ ე რ ძ ე ნ ი შ ვ ი ლ ი, საქ. ისტ., მე-13-14 სს., გვ. 287.

ხელოსანთაგან ქალაქებში უმთავრესად თავისუფალი ხელოსნები იყვნენ. არათუ ქალაქებში, არამედ დაბებსა და სოფლებშიაც იყვნენ თავისუფალი ხელოსნები, რომელთა პროდუქტებს იძენდნენ ფართო მასები (გლეხობა), წვრილი ფეოდალები — აზნაურები, რომელთაც თავიანთ შედარებით მცირე მამულში ხელოსან-ოსტატები არ ჰყავდათ. მაგრამ თავისუფალი ხელოსნური შრომის გვერდით ქალაქებში და აგრეთვე სოფლაც იყო ყმა ხელოსანთა შრომაც. ცხადია, ისეთ ქალაქებში, რომელნიც ფეოდალებს, ან მეფეს ეკუთვნოდა (XIII ს. დასაწყისში, როგორც პროფ. ნ. ბერძენიშვილი აღნიშნავს, ერთ-ერთ დიდებულს „ხუთმეტი დიდი ქალაქი“ ჰქონია)<sup>80</sup>, მათი ყმა ხელოსნებიც მრავლად იქნებოდნენ. ხელოსანთა ამქრული ორგანიზაციების წარმოშობის ერთ-ერთ მიზეზად სწორედ ამ ყმური ხელოსნური შრომის კონკურენციაც უნდა ვიგულისხმოთ. ყმა ხელოსნების შრომა შედარებით ორგანიზებული იყო. მათ „ხელოსნობის ფეოდალური ორგანიზაციები“ გააჩნდათ. ხელოსნური შრომის „ფეოდალური ორგანიზაცია“ ხელოსანთა „უხუცესების“, „მოძღვრების“, ან კიდევ „მთავართა“ სახელოში გაერთიანებას გულისხმობდა. საქალაქო ცხოვრების ზრდა და ქალაქებში თავისუფალ ხელოსანთა თავმოყრა, ყმა ხელოსანთა ლტოლვა ქალაქისაკენ აუცილებელს ხდიდა ქალაქის თავისუფალ ხელოსანთა გარკვეულ ორგანიზაციებში გაერთიანებას, რათა ყმური შრომის ორგანიზაციისათვის თავიანთი ორგანიზაციები დაეპირისპირებინათ და ყმური ხელოსნური შრომა განედევნათ.

განსაკუთრებული ყურადღება უნდა მიექცეს ფეოდალურ საქართველოში განმტკიცებულ ერთგვარ წესს, რომლის მიხედვით „ქელი“, ხელობა გარკვეული „სახლის“ კუთვნილებად იყო მიჩნეული. ამდენად, ფეოდალური ხელოსნური შრომა გარკვეულ ორგანიზაციულ სახეს იღებდა. თუ გავითვალისწინებთ თამარის მიერ შიომღვიმისადმი ბოძებულ ცნობილ სიგელის მიხედვით ქუქანკთა მდგომარეობას, ნათელი გახდება, რომ ქუქანკობა სწორედ იმ „სახლში“ უნდა დამკვიდრებულიყო, რომელსაც ეს სიგელით დაავალეს — ქოსოსძეთა და სხვათა „სახლში“. მათი მოვალეობა სიგელში, როგორც აღვნიშნეთ, იმითაც განისაზღვრება, რომ ისინი ვალდებულნი იყვნენ თავიანთი კომლიდან ერთი კაცი ქუქანკად აღეზარდათ. ამრიგად, ქუქანკობა სწორედ ქოსოსძეთა საგვარეულოს საქმედ იქცეოდა. აღსანიშნავია, რომ ხელობის ამა

<sup>80</sup> იქვე.

თუ იმ „სახლში“ დამკვიდრება სიგელისა და ბრძანების გარეშეც  
 ხდებოდა და, როგორც ჩანს, ადრიდანვე მიღებულ წესს წარმოად-  
 გენდა. საინტერესოა, რომ ძველ საქართველოში ამა თუ იმ გვა-  
 რის წევრისათვის აუცილებელი იყო ჰქონოდა გარკვეული „კელი“,  
 შესაფერი „სახლის შვილობისა მისისაჲ“. და ეს აუცილებელი ყო-  
 ფილა როგორც მდაბითათვის, ასევე სამეფო საგვარეულო წევრ-  
 თათვისაც. „კელის“ ქონება მარტო ხელოსნობის ამა თუ იმ დარგის  
 ცოდნას არ გულისხმობდა. „კელში“ საერთოდ ხელობა და საქმეც  
 იგულისხმებოდა. თამარის ისტორიკოსს ამ მხრივ მეტად საინტე-  
 რესო ცნობა აქვს შემონახული. როცა იგი ცდილობს დაახასიათოს  
 დემეტრე (დემნა), წერს: „ამას ესე ვითარსა სრულყოფასა ყოვ-  
 ლისა სოფლისასა და საწუთროთა გემოთა საწადელთასა მიიწაფა  
 ძმისწული მისი, ძე დავითისაჲ, ძმისა მისისაჲ უხუცესისაჲ სახე-  
 ლით დემეტრე, სახე-კეთილი და ყოვლითა კელითა მარჯუ-ნასწავ-  
 ლი, მსგავსი სახლის შვილობისა მათისა“ (ისტ. და აზ-მნი, 675-9)<sup>81</sup>.  
 როგორც აქედან ჩანს, დემეტრე „ყოვლითა კელითა მარჯუ-ნას-  
 წავლი“ ყოფილა, მაგრამ მთავარი ჩვენთვის ისაა, რომ დემეტრეს  
 სწორედ ის „კელი“ ჰქონდა შესწავლილი, რომელიც იყო შესაფე-  
 რი მისი სახლის შვილობისა ანუ, ისტორიკოსის სიტყვით, „მსგავ-  
 სი სახლის შვილობისა მათისა“. ცხადია, სამეფო საგვარეულოს  
 წევრისათვის საჭირო იყო არა ისეთი „კელის“ შესწავლა, მაგ.,  
 როგორიც იყო მკვდლობა და სხვ., არამედ ისეთ „კელთა“,  
 რომელნიც სამეფო საგვარეულოს წევრს შეეფერებოდა,  
 მაგ., მწიგნობრობის, ჭაბუკობის და სხვ. აქედან ცხადი უნდა იყოს,  
 რომ იმ „გვარის (უკეთ:უგვაროთა) შვილისათვისაც, რომელიც  
 საზოგადოებრივ ცხოვრებაში დიდ როლს არ ასრულებდა, აუცი-  
 ლებელი იქნებოდა შესაფერისი „კელის“ ცოდნა. ამრიგად, გარ-  
 კვეული „კელი“ — ხელობა გარკვეული წრის კუთვნილებად იქცე-  
 ოდა. მსგავს მოვლენასთან გვაქვს საქმე ხელოსნობის ამა თუ იმ  
 დარგის შესწავლის დროსაც. ხელოსნის „სახლის“ წევრისათვის  
 იმ ხელობის ცოდნა იყო აუცილებელი, რომელიც „სახლის შვილო-  
 ბისა მათისა“ შესაფერი იყო. ამ მოსაზრების დადასტურებას ისტო-  
 რიულ წყაროებშიც ვპოულობთ. აბუსერიძე ტბელის სიტყვით,  
 ბასილი იყო „ქვეთხუროჲ“ (56, 25). ამდენად მისი შვილიც, ჩვენი  
 შეხედულებების თანახმად, გალატოზი უნდა ყოფილიყო. და, მარ-

<sup>81</sup> შემოთყვანილ ცნობაზე მიმითითა და განმარტებები მომცა პროფ. ნ. ბერძენი-  
 ნიშვილია, რისთვისაც დიდ მადლობას მოვახსენებ.

თლაც, იოვანე „იყო უსწავლელი და ერისკაცი, ვითარცა მამაჲ მისი ბოლოკ-ბასილი“ (იქვე, გვ. 60, 74). მამის მსგავსად აღზრდილ შვილს ალბათ მამის ხელობაც ჰქონდა. აღსანიშნავია, რომ, მიუხედავად წმ. გიორგის მიერ აკრძალვისა, მშენებლობაში ბასილს მისი შვილი დაეხმარა: „და ამის დასუმასა შინა შვილი მისი იოვანე შეიწია“ (იქვე). გარდა ამისა ძეგლში აღნიშნულია, რომ „ამან (იოვანემ, შ. მ.) სახლი ალაშენა საყოფელად სახლეულთა თვისთა, გამოცხადებითავე წმიდისაჲთა, დალაცათუ კაცთა შეწევნად შეუნდო წმიდამან“ (იქვე, გვ. 60, 75). აქედან კი გარკვევით ჩანს, რომ იოვანეც სწორედ გალატოზი ყოფილა და მას სახლი აუშენებია სახლეულთათვის. ავტორი ხაზს უსვამს იმასაც, რომ, თუ ბოლოკ-ბასილი ეკლესიას აშენებდა „თუნიერ კაცთა შეწევნისა“, წმ. გიორგის ბრძანებისამებრ, იოვანეს კი სახლის აშენებაში სხვებიც დაეხმარენ: „დალაცათუ კაცთა შეწევნად შეუნდო წმიდამან“ — ნათქვამია ძეგლში. მთავარი აღმაშენებელი კი, ჩანს, იოვანე ყოფილა. გადავიდა თუ არა ხელობა ბასილისა და იოვანესი იოსებზე, პირველის შვილიშვილზე და მეორეს შვილზე, აბუსერისძის თხზულებიდან არ ჩანს. იოსების მღვდლად კურთხევა სრულებით ხელს არ გვიშლის ვიგულისხმობთ, რომ იოსებსაც მამისა და პაპის ხელობა ჰქონდა. ამრიგად, გალატოზობა ამ „სახლში“ მტკიცედ დამკვიდრებულ კელს წარმოადგენდა.

აღსანიშნავია შემდეგი გარემოებაც. ხელობა არათუ სახლის, არამედ ზოგჯერ გარკვეული კუთხის პრივილეგიას წარმოადგენდა. X ს. დამდეგს, როგორც „სრა. ზარზმელის ცხბიდან“ ჩანს, გალატოზობა უმთავრესად შუარტყლელთა საქმეს წარმოადგენდა. XIII ს-შიაც შუარტყლელები გალატოზობით არიან განთქმულნი. ბასილიც ხომ შუარტყლელი იყო. „ცნობილია, რა მყარი იყო ხელოსნობის ცენტრები, წერს ლ. მუსხელიშვილი, შუა საუკუნეებში და ამიტომ არ უნდა გვიკვირდეს, რომ X საუკუნეში, ისევე როგორც XIII-ში, ქვითხურობა შუარტყლის პრივილეგიას შეადგენდა“<sup>82</sup>. ასევე XII ს. ოპიზარნი ოქრომჭედლების გარკვეულ ჯგუფს ჰქმნიდნენ.

ადრიდანვე განმტკიცებული თავისუფალი ხელოსნური შრომის ამგვარად ორგანიზება თავისთავად ხელს უწყობდა ხელოსანთა უფრო მტკიცე ორგანიზაციულ კავშირში — ამქრულ ორგანიზაციებში გაერთიანებას.

<sup>82</sup> ლ. მუსხელიშვილი, აბუსერისძე ტბელი, გვ. 13.



თვით ხელოსნური წარმოების განვითარებაც ბუნებრივად ბადებდა მისწრაფებას ხელოსნური ასოციაციებისაკენ, ხელოსანთა კავშირებისაკენ. ა. კრემერი თავის დროზე აღნიშნავდა: „რამდენადაც უფრო ვითარდებოდა ხელოსნობა დიდ ქალაქებში, იმდენად უფრო გარკვეულად იქმნებოდა ერთ დარგში მომუშავე ხელოსანთა ამხანაგობების შეუგნებელი მისწრაფება ასოციაციისაკენ“<sup>63</sup>. როგორც გამოვარკვეით, X—XII სს. სქართველოში ხელოსნური წარმოება საკმაოდ დაწინაურებული იყო; იგი ცალკეული დარგების მიხედვით სპეციალდებოდა. იმდროინდელ სქართველოში გვხვდება საშუალო საუკუნეებში ცნობილი თითქმის ყველა ხელობა. მუშაობის პროცესი ხშირად აერთიანებდა სხვადასხვა დარგის ხელოსნებს; მაგ., მშენებლობის პროცესი რამდენიმე გალატოზს, ქვით მთლელს, ხუროს, მქანდაკეებელს, მხატვარს, წამწერელს და სხვ. აერთიანებდა. როგორც აღვნიშნეთ (თავი I, § 5), მშენებლობა ჩვეულებრივ კოოპერაციის საშუალებით მიმდინარეობდა და, აბუსერისძე ტბელის სიტყვით, ამგვარი ურთიერთთანამშრომლობა XIII ს. დიდი ხნიდან განმტკიცებულ ჩვეულებად და წესად მიაჩნდათ. „ერთი ტაძარი სხუაჲ აღაშენა... შენდობითა კაცთა თანაშეწევისაჲთა, ვითარცა არს ჩვეულებაჲ და წესი სოფლის დასაბამითგანი“ (აბუსერისძე ტბელი, 60, 82). ყოველივე ეს კი ბადებდა შეუგნებელ მისწრაფებას ხელოსნური ორგანიზაციებისაკენ.

წიგნებისადმი გაზრდილი მოთხოვნილებები აერთიანებდა მწიგნობრობასთან დაკავშირებულ ხელობის მქონეთ ერთი უფროსის ხელქვეშ. გადამწერთა გარდა ამხანაგობებში მწიგნობრობის სხვა დარგის წარმომადგენლებიც შედიოდნენ (მაგ., გადამწერი, მმოსავი, მკაზმავი და სხვ.). როგორც აღვნიშნეთ, გადამწერთა ამხანაგობებს ზოგჯერ „მწერალთა ზედა მთავარიც“ ჰყოლიათ. ის ამხანაგობები, რომელნიც ამგვარი ხელობის მქონეთა ჯგუფებს ქმნიდნენ, XVIII ს. „თაბუნად“ იწოდებოდა, რაც „ასნაჟის“ თანაბარი მნიშვნელობის სიტყვაა. სამართლიანად შენიშნავდა აკად. ივ. ჯავახიშვილი, რომ „თუ ასეთი რამ („თაბუნი“, შ. მ.) სქართველოს ამ კულტურულ დაქვეითების ხანაში ყოფილა, მით უმეტეს ეს X—XII სს-ში, ჩვენი ქვეყნის კულტურული აყვავების ხანაშია საგულისხმებელი“<sup>64</sup>, მაგრამ ამგვარი ორგანიზაციები, როგორც პროფ. ნ. ბერძენიშვილი აღნიშნავს, შესაძლებელია აგრეთ-

<sup>63</sup> A. K r e m e r, Culturgeschichte des Orients, II, c. 186.

<sup>64</sup> ივ. ჯავახიშვილი, პალეოგრაფია, გვ. 57.

თვე „არსებულიყვენენ როგორც მონასტრებში, ისე საერო და სა-  
ეკლესიო ფეოდალთა კარზე“<sup>65</sup>.

ამრიგად, საქალაქო ცხოვრების წინსვლა, თავისუფალ ხელო-  
სანთა თავმოყრა ქალაქში და თავისუფალი ხელოსნური შრომის  
კონკურენცია, ხელოსნური წარმოების ზრდა და ამდენად მისწრა-  
ფება ასოციაციისაკენ ქმნიდნენ იმ პირობებს, რომელნიც ხელს  
უწყობდნენ ამქრული წყობის წარმოშობას საქართველოში. ამგვარ  
პირობათა არსებობა IX—X სს. საქართველოში ამქრული წყობის  
წარმოშობის შესაძლებლობაზე მიგვითითებს, ხოლო მოქალაქეთა  
ორგანიზებულობა საქალაქო ცხოვრების დაცვაში, ქალაქთა თვით-  
მმართველობებისა და მოქალაქეთა უფლების დამცველ ორგანოთა  
არსებობა X—XII სს. საქართველოში ამქრული წყობის დიდი ხნის  
წინათაც არსებობის დამამტკიცებელია.

ქვეყნის საშინაო პირობებზე საგარეო მოვლენების დართვა უზ-  
რუნველყოფდა და დააჩქარებდა ხელოსანთა ამქრული ორგანიზა-  
ციების წარმოშობის პროცესს. საგარეო პირობებს შორის მნიშვნე-  
ლოვან როლს ჩვენ ამ შემთხვევაში არაბთა გავლენას ვაკუთვნებთ,  
როგორც ვაჭრობა-ხელოსნობის, ასევე საქალაქო წყობილების სფეროში. არაბებს კი, როგორც ეს ა. კრემერმა გამოიკვლია, უკვე VIII  
ს. დასრულებული ხანის ამქრული წყობილება ჰქონიათ<sup>66</sup>. აღსანიშ-  
ნავია აგრეთვე საქართველოს სავაჭრო და კულტურული ურთიერ-  
თობა ბიზანტიასთან. ამ საგარეო ფაქტორისაც შეუძლებელია არ ჰქო-  
ნოდა მნიშვნელობა საქართველოს ეკონომიკური ცხოვრებისათვის.  
თ. უსპენსკის გამოკვლევით, ხელოსანთა ამქრულ ორგანიზაციებზე  
ბიზანტიაში გაცილებით ადრე შეიძლება ვილაპარაკოთ, ვიდრე ნი-  
კიფორე ფოკას ედიქტით (X ს.) იგი ორგანიზებულ სახეს მიიღებდა.  
ნიკიფორე ფოკას ედიქტი კი უკვე არსებული ხელოსნური ორგანი-  
ზაციების ვალდებულებებსა და უფლებებს განსაზღვრავს<sup>67</sup>. ხელოს-  
ნური წარმოების ყოველი დარგი განსაკუთრებული რეგლამენტაცი-  
ის ქვეშ ექცევა. ამ ედიქტში 22 ცეხია ჩამოთვლილი, რომელნიც  
უშუალოდ ქალაქის ეპარხის უწყებაში შედიოდნენ<sup>68</sup>. შ. დილი კი  
ხაზს უსვამდა საშუალო საუკუნეების კონსტანტინოპოლის ხელო-

<sup>65</sup> ნ. ბერძენიშვილი, მასალები XI ს-ის სწავლა-აღზრდის შესახებ, გვ. 11.

<sup>66</sup> A. K r e m e r, Culturgeschichte des Orients, II, გვ. 187.

<sup>67</sup> იბ. Ф. У с п е н с к и й, Ист. Визант. имп., I, გვ. 243.

<sup>68</sup> იქვე, გვ. 243—255.

სანთა ამქრულ ორგანიზაციებში განმტკიცებული რეგლამენტაციების სისასტიკეს<sup>69</sup>.

ამრიგად, ჩვენ სრულიად სამართლიანად მიგვაჩნია აკად. ივ. ჭავჭავაძის შემდეგი მოსაზრება: „იყო თუ არა ამ დროის საქართველოში (X—XII სს., შ. მ.) ამქრობის წესი და წყობილება, ამის შესახებ არავითარი ცნობები არ მოიპოვება, მაგრამ მაინც მკვლევარს შეუძლიან თქვას, რომ ამქრობა ამ დროს ეცოდინებოდათ, იმიტომ, რომ არაბეთის სახალიფოში ამქრები უკვე VIII საუკუნეში არსებობდნენ... ხოლო ჩვენ ვიცით, რომ საქართველოს საქალაქო წეს-წყობილებაზე არაბებს გავლენა ჰქონდათ. ამის გამო საფიქრებელია, რომ ამქრები ტფილისში მაინც უნდა ყოფილიყვნენ“<sup>70</sup>.

ნ. ბერძენიშვილის დაბეჭდვითი თქმა, რომ XIII ს. დასაწყისში „ხელოსნები ჰამქრებით ცხოვრობენ“<sup>71</sup>, სწორედ იმაზე მიგვიჩვენებს, რომ ამქრობა უფრო ძველადაც სცოდნიათ და XIII ს. დასაწყისში კი მას დასრულებული და გარკვეული სახე მიუღია. სამართლიანად წერდა აკად. ს. ჯანაშია, რომ X—XII სს. საქართველოში, მართალია, „პირდაპირი მითითება არ არსებობს, მაგრამ საფიქრებელია ამქართა არსებობაც“<sup>72</sup>.

ჩვენ გარკვევით არ ვიცით, თუ რა ეწოდებოდა ამქრულ ორგანიზაციებს ძველად. ტერმინი „ჰამქარი“ ან „ამქარი“ ძველი არ არის. ასევე ამავე შინაარსის მატარებელ და ქართულ წერილობით ძეგლებში XVII—XVIII სს. ხმარებულ „ასნაფსა“ და „თაბუნსაც“ ძველი ამქრული წყობის აღმნიშვნელად, თვით ამ ტერმინების სიახლის გამო, ვერ მივიჩნევთ. შესაძლებელია ვიფიქროთ, რომ ხელოსანთა ორგანიზაციის აღმნიშვნელ ტერმინს, როგორცაც დღეს ჩვენთვის „ამქარი“ წარმოადგენს, XIII ს-დან „ორტალი“ წარმოადგენდა. „ორტალი“ პირველად რკონის ცნობილ სიგელში იხსენიება. თვით „ორტალი თათრული სიტყვაა და ამხანაგს, სავაჭრო ამხანაგობას მონაწილეს... ნიშნავდა“ — განმარტავს აკად. ივ. ჭავჭავაძის შვილი. როგორც თვით რკონის სიგელიდან ჩანს, იგი მართლაც ამგვარი ამხანაგობების აღმნიშვნელი უნდა ყოფილიყო. „ორტალი“ ფართო სავაჭრო ოპერაციებს აწარმოებდა.

<sup>69</sup> III. Д и л ь, Очерк из культ. ист. Византии, გვ. 41.

<sup>70</sup> იბ. ივ. ჭავჭავაძის შვილი, საქ. ეკ. ისტორია, გვ. 41.

<sup>71</sup> იბ. ნ. ბერძენიშვილი, საქ. ისტ. მე-13—14 სს., გვ. 287, მისივე, Очерк, გვ. 4.

<sup>72</sup> ს. ჯანაშია, საქ. ისტ. (კონსპექტი), გვ. 75.

ჯერ ერთი, საფიქრებელია, რომ ორტალებში ვაჭრებთან ერთად ხელოსნებიც ერთიანდებოდნენ, რამდენადაც „საშუალო საუკუნეებში, კ. მარქსის თქმით, თვით მწარმოებელი არის ვაჭარი“<sup>78</sup>, მეორე, ქართული და საერთოდ აღმოსავლური ამქრობის მკვლევრები, როცა ამქარსა და ცეხს შორის მსგავსებასა და განსხვავებას არჩევდნენ (ე. ვაიდენბაუმი და ნ. ლუნკელ-ველინგი), ყოველთვის ხაზს უსვამდნენ, რომ ამქრობა აღმოსავლეთში უფრო მეტს ნიშნავდა, ვინემ ცეხი, რომ ამგვარ (ამქრის) სახელს ატარებს ისეთი ორგანიზაციები, სადაც ხელოსანთა მსგავსად მეზორცენი, მეღვინეები, წყლის მზიდაეები, ვაჭრები, მუშები და სხვ. ერთიანდებოდნენ. საფიქრებელია, ყოველივე ეს ძველიდან მომდინარეობდეს და ვაჭართა ორგანიზაციები, ხელოსანთა ორგანიზაციები და სხვ. ხელობის მქონეთა კავშირები ერთსა და იმავე სახელწოდებას, კერძოდ, „ორტალს“, ატარებდნენ.

ჩვენ არავითარი ცნობა არ მოგვეპოვება იმის შესასწავლად, თუ რა ორგანიზაციულ წესებზე იყო დამყარებული „ორტალებში“ გაერთიანებულ ხელოსანთა მოქმედება. არაფრის თქმა არ შეგვიძლია იმის შესახებაც, პოულობდა თუ არა თავის გამონატულებას ქართული სინამდვილე ძველ ამქრულ წყობაში, თუ აქაც არაბეთში და საშუალო საუკუნეების დასავლეთ ევროპაში დადასტურებული ამქრობის წესები მეორდებოდა. „დიდოქტატ კონსტანტინეს მარჯვენას“ ეპოპეა და გორისფერლ-შემოქმედის ეკლესიების მაშენებელთა ქიშობის შესახებ არსებული თქმულებები ძველი ქართული ამქრული წყობის შესასწავლად ვერ გამოგვადგება და იგი ისევე მომავალი კვლევის საგნად რჩება.

---

<sup>78</sup> კ. მარქსი, კაპიტალი, III, გვ. 293.

### წყაროები და ლიტერატურა

ფეოდალური საქართველოს ქალაქების ისტორიისათვის საერთოდ, კერძოდ კი შუა საუკუნეების ქალაქების სოციალური ურთიერთობის შესახებ ძველ ქართულ საისტორიო მწერლობაში თითქმის არავითარი უშუალო მასალა, პირდაპირი მითითება არ მოგვეპოვება. ქალაქის მოსახლეობის მიერ წარმოებული სოციალური ბრძოლის, საქალაქო წესწყობილებისა და მმართველობის შესასწავლად უმნიშვნელო ცნობებს გვაწვდის ქართული დოკუმენტური წყაროც.

ამ თვალსაზრისით მნიშვნელოვანი სიტყვა არ უთქვამს არც ამჟამად უკვე საკმაოდ დაწინაურებულ ფეოდალური ხანის ქართულ არქეოლოგიას. დმანისის, უჯარმის, რუსთავისა და თბილისის არქეოლოგიურმა გათხრებმა არაერთი მეტად საინტერესო მასალა შესძინა ქართულ საისტორიო მეცნიერებას ფეოდალური ხანის ქალაქების ეკონომიკური მდგომარეობის, მოსახლეობის სოციალური ცხოვრებისა და პოლიტიკური ისტორიის შესასწავლად, მაგრამ არაფერი მოგვცა საერთოდ საქალაქო მმართველობისა და კერძოდ კი ჩვენ მიერ საკვლევად აღებული საკითხის შესახებ.

ასეთ ვითარებაში შუა საუკუნეების თბილისის საქალაქო წყობილების შესასწავლ ძირითად წყაროდ ისევ ძველი ქართული საისტორიო მწერლობისა და დოკუმენტური მასალის არაპირდაპირი მითითებანი უნდა მივიჩნიოთ.

საქართველოს შუა საუკუნეების ქალაქთა შორის შედარებით მეტი მასალა, ცხადია, თბილისის შესახებ მოგვეპოვება. ძველი ქართული საისტორიო მწერლობა და დოკუმენტები ბუნებრივია თუკი საქართველოს უდიდეს ქალაქს, ქვეყნის ეკონომიკურსა და პოლიტიკურ ცენტრს შედარებით მეტ ყურადღებას უთმობდა და, თუ სა-

განგებოდ არა, გაკვირვებით, სხვადასხვა მნიშვნელოვან პოლიტიკურ მოვლენებთან დაკავშირებით მაინც ახსენებდა მას.

ნარატიულ წყაროებში თბილისის მმართველობის შესახებ დაცულ არაპირდაპირ ცნობათა შორის საგანგებო ყურადღებას იმსახურებს XI ს. უცნობი ქართველი ისტორიკოსის, „ქართლის მატიანეს“ ავტორის მონაცემები ბაგრატ IV-სა და თბილისის შესახებ. „ქართლის მატიანეს“ ავტორი დეტალურად აგვიწერს ბაგრატ IV-ს მიერ თბილისის შემოერთების მიზნით წარმოებულ არაერთ ცდას, და ამასთან დაკავშირებით იხსენიებს „ტფილელ ბერებს“, როგორც გარკვეული, მნიშვნელოვანი ხელისუფლების წარმომადგენლებს თბილისის საქალაქო ცხოვრებაში.

„ქართლის მატიანეს“ ავტორის ამ არაპირდაპირ მითითებას „ტფილელი ბერების“ ხელისუფლების არსებობის შესახებ გადამწყვეტი მნიშვნელობა ენიჭება XI—XII სს. თბილისის თვითმმართველობისა და საქალაქო კომუნის შესასწავლად. „ქართლის მატიანეს“ ამ და სხვა ცნობათა სისწორეში მკვლევარებს დღემდე ეჭვი არ შეპარვიათ. XI ს. ეს ანონიმი ქართველ მკვლევართა მიერ სანდო ავტორად არის მიჩნეული. აკად. ივ. ჯავახიშვილს „ქართლის მატიანეს“ ავტორის მიერ მოთხრობილი, განსაკუთრებით კი X ს. მიწურულის შემდგომი წლების, კერძოდ, ბაგრატ IV-ს დროის ამბების შესახებ უეჭველ წყაროდ მიაჩნდა<sup>1</sup>. თვით ამ ცნობის დეტალური ანალიზი და მიისი შედარება უცხო ავტორთა მიერ დაცულ სხვა პარალელურ ცნობებთან ჩვენ ქვემოთ ერთხელ კიდევ დაგვარწმუნებს მის განსაკუთრებულ მნიშვნელობასა და უეჭველობაში.

ამასთანავე, „ქართლის მატიანეს“ ავტორი ძველ ქართულ საისტორიო მწერლობაში ერთადერთი არ არის, რომელსაც დაუცავს საინტერესო ცნობები შუა საუკუნეების თბილისის საქალაქო წესწყობილების შესახებ. ჩვენი თემისათვის საპირო მასალის მიგნება შესაძლებელი ხდება აგრეთვე დავითის ისტორიკოსის თხზულებებშიც. თბილისის საქალაქო კომუნის უკანასკნელი დღეების გასათვალისწინებლად მნიშვნელობა ენიჭება ისტორიკოსის მითითებას დავით IV, აღმაშენებლის ღონისძიებებით შევიწროებულ თბილელთა და დმანელთა მიერ სათანადო დახმარებისა და მფარველობის ძებნის შესახებ საქართველოს ფარგლებს გარეთ. ასევე, განსაკუთრებულ ყურადღებას იქცევს დავითის ისტორიკოსის ცნობა საქარ-

<sup>1</sup> იხ. ივ. ჯავახიშვილი, ძველი ქართული საისტორიო მწერლობა, გვ. 205, 206.

თველოს მეფის თანმიმდევრულ ბრძოლაზე თბილისის „სრულიად შემოსაყენებლად“ „უღელსა ქუეშე მორჩილებისასა“. დღემდე მკვლევართა ყურადღების გარეშე დარჩენილ ამ ერთ ფრაზაში ჩვენ შეიძლება ნათლად დავინახოთ მითითება დავით IV-ს ხანგრძლივ ბრძოლაზე თბილისის თავისუფალი მოსახლეობის სრული დამორჩილებისათვის, რაც ამავე ისტორიკოსის, უკვე ოფიციალური ისტორიოგრაფიის წარმომადგენლის მიერ სხვა ადგილას თბილისის „განთავისუფლებისათვის ბრძოლად“ არის გამოცხადებული. დავითის ისტორიკოსის ეს არაპირდაპირი, მაგრამ მეტად საგულისხმო ცნობები, როგორც ქვემოთ დავინახავთ, არსებითად აგრძელებენ და ნათელს ხდიან „ქართლის მატიანეს“ მითითებებს. ამას გარდა, ეს ცნობები საეკლესიო ეთანხმებიან უცხო ავტორთა მონაცემებს XII ს. 20-იან წლებში თბილისისათვის წარმოებული ბრძოლების შესახებ.

თბილისის მოსახლეობის ზედა ფენის კლასობრივი ბრძოლის ისტორიისათვის საჭირო მასალას ჩვენ ვპოულობთ თამარის პირველი ისტორიკოსის თხზულებაში. თბილისში კომუნის გაუქმების შემდეგ წარმოებული სოციალური ბრძოლის მეტ-ნაკლებად სწორი სურათის აღსადგენად მნიშვნელობა აქვს თამარის პირველი ისტორიკოსის ცნობებს ყუთლუ-არსლანისა და მისი დასის გამოსვლის, აბულასანის პიროვნებისა და მოღვაწეობის, იური (გიორგი) ბოგოლუბსკის საქართველოში ჩამოყვანისა და სხვა მასთან დაკავშირებულ მოვლენათა შესახებ. მაგრამ ყოველივე ეს არაპირდაპირი მასალაა, რომელიც მხოლოდ სხვა, ქართულ თუ უცხოურ, პარალელურ მასალასთან ერთად იძლევა გარკვეულ სურათს.

ამა თუ იმ საკითხის გასარკვევად ჩვენ მიერ გამოყენებულია აგრეთვე ქართული დოკუმენტური, ეპიგრაფიკული, ნუმიზმატიკური და სხვა მასალაც. მაგრამ ქართული მასალა მარტო მაინც ვერ იქნებოდა საკმარისი შუა საუკუნეების თბილისის საქალაქო კომუნის შესასწავლად. მით უფრო, რომ ქართული წყაროების მონაცემები თბილისის, თუნდაც პოლიტიკური, ისტორიის შესახებ ნაკლებია. მაგ., ქართულ წყაროებში თბილისის პოლიტიკურ ბედზე მოთხრობა წყდება XI ს. 50-იანი წლებიდან; ამ დროიდან მოკიდებული თითქმის 20 წლის მანძილზე, ე. ი. XI ს. 70-იან წლებამდე თბილისის პოლიტიკური მდგომარეობის შესახებ ქართულ საისტორიო მწერლობაში არაფერია ნათქვამი. თბილისის ისტორიის ეს პერიოდი კი ჩვენთვის განსაკუთრებით საინტერესოა.

ამ დიდი ხარვეზის შევსება ნაწილობრივ მაინც ხერხდება თურ-

ქი ისტორიკოსის აჰმედ იბნ ლუთფულაჰის (მუნეჯიმ-ბაშის) ცნობებით, რომელიც ქართულ სამეცნიერო ლიტერატურაში მხოლოდ ამ ბოლო დროს იქნა შემოტანილი.

მუნეჯიმ-ბაში თუმცა XVII ს. ისტორიკოსია (გარდაიცვალა 1702 წ.), მის ცნობებს XI ს. ამიერკავკასიის მდგომარეობის შესახებ მკვლევართა მიერ სამართლიანად აქვს მინიჭებული პირველხარისხოვანი წყაროს მნიშვნელობა. ეს იმიტომ, რომ მუნეჯიმ-ბაშს თავისი თხზულების—„დინასტიათა კრებული“—მესამე ნაწილის, შედარბანთა დინასტიის (951—1075) არანის შტოსადმი მიძღვნილ თავში სათანადო მასალები აქვს მოტანილი XI ს. ისტორიკოსის ფაკიჰის თხზულებიდან— „დარუბანდისა და შირვანის ისტორია“ („თარის ალბაბ ვა შარვან“),—რომელიც 1075 წ. ყოფილა შედგენილი და რომელიც ამჟამად დაკარგულია და მხოლოდ მუნეჯიმ-ბაშის მონაცემების მიხედვით არის ცნობილი.

მუნეჯიმ-ბაშის თხზულების ეს, ჩვენთვის საინტერესო ნაწილი 1953 წ. თარგმანითა და კომენტარებით გამოსცა ვ. მინორსკიმ, ხოლო ა. მამედოვმა 1957 წ. გამოაქვეყნა ამ ნაწყვეტის რუსული თარგმანი, დამყარებული ვ. მინორსკის პუბლიკაციაზე<sup>2</sup>.

ფაკიჰის ცნობები მნიშვნელოვნად ავსებს ჩვენს წარმოდგენას თბილისის ისტორიის გარკვეულ პერიოდზე, კერძოდ ამირა ჯაფარის გარდაცვალების შემდეგ შექმნილ ვითარებაზე. როგორც ქვემოთ დავინახავთ, ფაკიჰის ცნობები ნათელს ჰფენს იმ ბრძოლებს, რომელიც თბილისის მოსახლეობას, უკეთ, მის მმართველ ზედა ფენას, დაუწყია ქალაქში ამირის ხელისუფლების მოსასპობად და ახალი მფარველის საძიებლად. აღსანიშნავია, რომ მათ ასეთ მფარველად მიუჩნევიათ არა მარტო საქართველოს იმდროინდელი მეფე ბაგრატ IV. ყოველივე ამით ფაკიჰი არსებითად ავსებს „ქართლის მატეანეს“ ცნობას ბაგრატ IV-სა და „ტფილელ ბერთა“ ურთიერთობის შესახებ და საგულისხმო მასალას გვაწვდის ქალაქის თვითმმართველობისა და საქალაქო კომუნის შექმნის პირობების მომზადების შესახებ.

<sup>2</sup> V. Minorsky, Studies in Caucasian History, the Oriental series of the University of Cambridge, vol. VI; А. Мамедов, Ахмед ибн Лютфуллах (Мунаджим-баша) «Джами'ад-дувал», Труды Института истории АН Аз. ССР, XII, 1957 г., к. 1, 103-104, არაბული და სპარსული ისტორიული წყაროები XI—XII სს. თბილისის შესახებ, „ცისკარი“, 1958, № 10; მ ი ს ი ე ვ ე, XI—XII სს. თბილისის ისტორიიდან (აღმოსავლური წყაროების მიხედვით), ისტორიის ინსტიტუტის შრომები, V, ნაკ. 1, 1960, გვ. 110—111.



„ქართლის მატიანეს“ ავტორისა და ფაკიძის ცნობები XI ს. 70-იან წლებს არ სცილდება. ასე რომ, თბილისის შემდგომი ისტორიის შესახებ ცნობები ამ წყაროებში არ მოიპოვება. X I ს. 80-იანი წლებისა და X II ს. 20-იანი წლების თბილისის შესახებ არაერთგვაროვანი საგულისხმო მასალა არ არის დაცული არც სხვა ქართულ ნარატიულ თუ დოკუმენტურ წყაროში. ეს წლები კი თბილისში საქალაქო კომუნის ბატონობის წლები იყო და ამდენად ჩვენთვის განსაკუთრებით საინტერესოა.

ქართული წყაროების ხარვეზებს ამ შემთხვევაშიც აღმოსავლელი ავტორის, კერძოდ მამაფარიკინელი არაბი ისტორიკოსის იბნ ალ-აზრაყ ალ-ფარიკის მეტად საინტერესო ცნობები ავსებს. ალ-ფარიკი XII ს. შუა წლებში, კერძოდ 1153 წ. საქართველოში, თბილისში ჩამოსულა და რამდენიმე წელი დაუყვია საქართველოს მეფის დემეტრე I-ის სამსახურში. მართალია, დავითის მეფობის წლებს იგი ვერ შესწრებია, მაგრამ, როგორც მისივე ცნობებიდან ირკვევა, მას ზუსტი ინფორმაცია ჰქონია დავითის დროინდელი თბილისის პოლიტიკური მდგომარეობის, დავით აღმაშენებლის მიერ თბილისის შემოსაერთებლად წარმოებული ღონისძიებების, დიდგორის ომისა და, შემდეგ, თბილისის შემოერთების შესახებ. აღსანიშნავია, რომ ალ-ფარიკმა თვით დაათვალიერა დიდგორის ველი, იმ ბრძოლის ადგილი, სადაც სასტიკად იქნა დამარცხებული მუსლიმანთა კოალიციური ლაშქარი, რამაც საბოლოოდ გადასწყვიტა თბილისის ბედიც.

ალ-ფარიკის ზოგი ცნობის შედარება დავით აღმაშენებლის ისტორიკოსის მონაცემებთან, სავსებით გვარწმუნებს მის უეჭველობაში. ამასთანავე, ალ-ფარიკის ცნობები მრავალმხრივია და ჩვენთვის საინტერესო საკითხზე ერთადერთი. ყოველივე ეს, ცხადია, მას იმდროინდელი თბილისის (და არა მარტო თბილისის) ისტორიისათვის განსაკუთრებულ მნიშვნელობას ანიჭებს.

ალ-ფარიკის საისტორიო თხზულების — „მამაფარიკინის ისტორიის“ ჩვენთვის საინტერესო ადგილი ჭერ კიდევ XX ს. დამდგვიდან ცნობილი გახდა ბრიტანელი ისტორიკოსის ჰ. ფ. ამედროზის აღწერილობათა წყალობით. ამედროზმა, ალ-ფარიკის თხზულების ბრიტანეთის მუზეუმში დაცული ხელნაწერების აღწერილობებთან ერთად, გამოაქვეყნა მისი ცალკეული ადგილების ინგლისური თარ-

\* Three Arabic Mss. on the History of the City of Mayy-afariqin, by H. F. Amedroz, JRAS, 1902, გვ. 783—812.

გმანი და ცნობებიც ავტორის ბიოგრაფიიდან. მიუხედავად ამისა, ალ-ფარიკის ცნობები ქართულ ისტორიოგრაფიაში უკანასკნელ ხანებამდე, კერძოდ 40-იან წლებამდე, არ ყოფილა გამოყენებული.

ვლ. ფუთურიძემ, ალ-ფარიკის თხზულების ნაწყვეტების ზემოხსენებული გამოცემისა და ირანელი ისტორიკოსის ქესრევი თავრიზელის ნაშრომის — „დავითწყებულნი ხელმწიფენის“ დამატებებში გამოქვეყნებული სპარსული თარგმანის მიხედვით, პირველად შემოიტანა ეს ცნობები ქართულ სამეცნიერო ლიტერატურაში<sup>4</sup>.

აღმოსავლური წყაროების საერთოდ და კერძოდ ალ-ფარიკის ჩვენ მიერ ზემოდასახელებული ცნობების მნიშვნელობას ქართული კულტურის ისტორიის შესწავლისათვის საგანგებო წერილი მიუძღვნა პროფ. გ. წერეთელმა<sup>5</sup>. ხოლო 1949 წ. მანვე „არაბულ ქრესტომათიაში“ პირველად გამოაქვეყნა ორიგინალის ენაზე ალ-ფარიკის თხზულების ის ადგილი, რომელიც საქართველოს (თბილისს) შეეხება. არაბული ტექსტი პროფ. გ. წერეთლის მიერ გამოქვეყნებულია ბრიტანეთის მუზეუმის ორი ხელნაწერიდან სსკ მეცნიერებათა აკადემიის მიერ გადაღებული ფოტოპირების მიხედვით<sup>6</sup>.

1949 წელსვე, მაშინ, როცა თბილისში ალ-ფარიკის ჩვენთვის საინტერესო ცნობების არაბული ტექსტი გამოქვეყნდა, ლონდონში ვ. მინორსკიმ დაბეჭდა მისი, ბრიტანეთის მუზეუმის იმავე ხელნაწერებზე დამყარებული, თარგმანი, შესავალი წერილითა და სათანადო კომენტარებით<sup>7</sup>.

1957 წელს კი ა. მამედოვმა ამ ტექსტის რუსული თარგმანიც გამოაქვეყნა<sup>8</sup>. მამედოვის შესრულებული თარგმანი და ამავე ტექსტის ფოტოპირები გაკეთებულია გ. წერეთლის მიერ გამოქვეყნებული არაბული ტექსტის მიხედვით.

ამრიგად, ჩვენ უკვე მოგვეპოვება ამ მეტად მნიშვნელოვანი ცნობის როგორც კრიტიკულ-მეცნიერული გამოცემა, ასევე სხვა-

<sup>4</sup> ვ. ფუთურიძე, არაბი ისტორიკოსი XII ს. თბილისის შესახებ, „ენიმ-ის“ მოამბე, ტ. XIII, 1943, გვ. 140—143.

<sup>5</sup> გ. წერეთელი, სემიტური ენები და მათი მნიშვნელობა ქართულ კულტურის ისტორიის შესწავლისათვის, თსუ სამეცნიერო მოხსენებათა კრებული, № 1, 1947, გვ. 39—41.

<sup>6</sup> გ. წერეთელი, არაბული ქრესტომათია, თბილისი, 1949, გვ. 68—75.

<sup>7</sup> *Caucasica in the History of Mayyāfariqin*, by V. Minor sky, Bulletin of the School of Oriental and African Studies, University of London, V, XIII, 1949, გვ. 27—35.

<sup>8</sup> Труды Института истории Аз. ССР, т. XII, 1957, гв. 222—225.

დასხვა ენაზე შესრულებული თარგმანიც. ალ-ფარიკის ცნობების სწორედ ასეთმა პუბლიკაციამ შექმნა შესაძლებლობა შეგვეცნო თბილისის ისტორიის ეს პერიოდი განსაკუთრებით საინტერესო ახალი მასალებითა და გამოთქმულიყო სარწმუნო მოსაზრებანი თბილისის საქალაქო კომუნის შესახებ.

ჩვენ მიერ აღებული საკითხის შესწავლაში დიდ დახმარებას გვიწევს აგრეთვე შუა საუკუნეების სომხური საისტორიო მწერლობა. სომხურ წყაროებს მნიშვნელობა ენიჭებათ არა მარტო ცალკეული ტერმინების, შინაარსის დადგენაში, არამედ საქართველოსა და სომხეთის იმდროინდელი ქალაქების მმართველობისა და თვითმმართველობის შესწავლის საქმეშიც. თუმცა აქვე უნდა აღინიშნოს, რომ როგორც ქართული წყაროები, ასევე სომხურიც, ამ თვალსაზრისით მხოლოდ არაპირდაპირ ცნობებს გვაწვდიან.

როგორც ვხედავთ, შუა საუკუნეების თბილისის საქალაქო წყობილების შესწავლისას იძულებულნი ვართ ორიგინალური თუ უცხოური ნარატიული წყაროების უმთავრესად არაპირდაპირი მონაცემებით დავკმაყოფილდეთ. დოკუმენტურმა მასალამ, საქალაქო არქივმა, რომლითაც შუა საუკუნეების ქართულ ქალაქთა შორის თბილისი მაინც უსათუოდ მდიდარი იქნებოდა, ჩვენამდე, როგორც ჩანს, ვერ მოაღწია. დღემდე არ არის მოპოვებული არც ერთი საქალაქო დოკუმენტი, არც ერთი საქალაქო დავთარი, რომელიც თბილისის იმდროინდელი მმართველობის, ან კიდევ, ქალაქის ვაჭრული და ხელოსნური მოსახლეობის ორგანიზაციებსა, სავაჭრო ამხანაგობებს თუ კავშირებს ეკუთვნოდეს. ასეთი უტყუარი დოკუმენტების გარეშე, ცხადია, წარმოუდგენელია საერთოდ რომელიმე ქალაქის ცხოვრების, საქალაქო წესწყობილების — მმართველობის უნაკლოდ შესწავლა.

წყაროების ასეთი მდგომარეობა იყო ერთ-ერთი მიზეზი იმისა, რომ შუა საუკუნეების საქართველოს ქალაქები, მათ შორის თბილისის საქალაქო ცხოვრებისა და მმართველობის ისტორია დღემდე სათანადო სისრულით შესწავლილი ვერ არის.

ფეოდალური ხანის ქართულ ისტორიოგრაფიას, როგორც ცნობილია, უმთავრესად ქვეყნის პოლიტიკური ისტორია, განსაკუთრებით კი ცალკეულ მეფეთა მოღვაწეობა აინტერესებდა და იგი ნაკლებ (უფრო ხშირად — არავითარ) ყურადღებას უთმობდა სოციალური და ეკონომიკური ისტორიის საკითხებს.

ფეოდალურ ისტორიოგრაფიას ნაკლებ აინტერესებდა ქალაქებიც და მით უფრო მისი მოსახლეობის, საზოგადოების მწარმოებე-

ლი ფენების ცხოვრება, მათი ბრძოლა დამოუკიდებელი მმართველობის მოპოვებისა და შენარჩუნებისათვის თუ სხვა მსგავსი საკითხები. ამიტომაც იყო, რომ ზოგი ის ცნობაც კი, რომელიც ქართულ საისტორიო მწერლობაში იყო დაცული, ყოველთვის არ იყო გამოყენებული და საჭირო სისრულით კომენტირებული. მაგალითად, „ქართლის მატიანეს“ ავტორის საინტერესო ცნობა „ტფილელ ბერთა“ შესახებ საეკლესიო უყურადღებოდ დატოვა ქართული ფეოდალური ისტორიოგრაფიის ისეთმა დიდმა წარმომადგენელმა, როგორც იყო ვახუშტი ბაგრატიონი.

ვახუშტიმ, როგორც ჩანს, კარგად ვერ გაიგო ამ ცნობის მნიშვნელობა და ამიტომაც „ქართლის მატიანეს“ „ტფილელ ბერებს“ თავის ნაშრომში იგი უბრალოდ „ტფილისელთ“ უწოდებდა<sup>9</sup>.

ფეოდალური საქართველოს ქალაქების მმართველობის შესწავლა არ უცდია არც XIX ს. ქართულ თავადაზნაურულ-ბურჟუაზიულ ისტორიოგრაფიას. ამით აიხსნება, რომ „ქართლის მატიანეს“ ზემოთხსენებულმა ცნობამ არ მიიქცია ისეთ ისტორიკოსთა ყურადღება, როგორც იყვნენ: მ. ბროსე, პ. იოსელიანი, ს. ბარათოვი, დ. ბაქრაძე, თ. ჟორდანიანი, მ. ჯანაშვილი და სხვები.

X—XII სს. თბილისის საქალაქო წესწყობილებას რევოლუციამდელ ქართულ ისტორიოგრაფიაში პირველად და საგანგებოდ ივ. ჯავახიშვილი შეეხო. მანვე პირველმა მოგვცა, ამასთან დაკავშირებით, „ქართლის მატიანეს“ „ტფილელ ბერთა“ ხელისუფლების შესწავლის ცდაც.

ივ. ჯავახიშვილის აზრით, XI ს. თბილისში „ქალაქის ამირას გარდა... საბჭოს მაგვარი დაწესებულება ყოფილა, რომლის წევრებს მაშინ ქალაქის ბერებს ეძახდნენ...“ „ისინი ქალაქის ბედ-იღბლის მეურვე მზრუნველნი და გადამწყვეტნი ყოფილან...“ „ქალაქის ნამდვილი პატრონები „ქალაქის ბერები“ ყოფილან, ამირა კილდე „ბატონი“ იყო. „ქალაქის ბერები“ საქალაქო თვითმმართველობის წევრები ყოფილან“<sup>10</sup>. როგორც ვხედავთ, ივ. ჯავახიშვილმა ჯერ კიდევ 1907 წ. პირველმა გამოთქვა მოსაზრება XI ს. თბილისში საქალაქო თვითმმართველობის არსებობის შესახებ.

„ტფილელ ბერებსა“ და მათ ხელისუფლებას ივ. ჯავახიშვილი შეეხო „ქართველი ერის ისტორიის“ მეორე წიგნსა და საქართვე-

<sup>9</sup> ვ ა ხ უ შ ტ ი, საქართველოს ისტორია, განმარტებული დ. ბაქრაძის მიერ, ტფ., 1885, გვ. 156.

<sup>10</sup> ივ. ჯ ა ვ ა ხ ი შ ვ ი ლ ი, საქართველოს ეკონომიური ისტორია, ტფ. 1907, გვ. 24—25.

ლოს ისტორიის სახელმძღვანელოსათვის დაწერილ XI—XV სს. „საქართველოს ისტორიაში“. ამ უკანასკნელ ნაშრომში ივ. ჯავახიშვილი „ტფილელ ბერებს“ რატომღაც უყვე ქალაქ თბილისის მხოლოდ „წარმომადგენლებს“ უწოდებდა<sup>11</sup>.

ივ. ჯავახიშვილის ზემოდასახელებულ ნაშრომთა წყალობით „ქართლის მატრიანეს“ ცნობა „ტფილელ ბერთა“ შესახებ ჩვენს სამეცნიერო ლიტერატურაში მკვიდრად შევიდა და ყველა ავტორი, ვინც კი XI ს. თბილისის პოლიტიკურ ისტორიას თუ საქალაქო წესწყობილებას შეხებია, მას ძირითადად ამგვარადვე იმეორებდა.

XII ს. საქართველოს სამეფოში შემავალი სომხური ქალაქების მმართველობისა და აგრეთვე „ტფილელ ბერთა“ ხელისუფლების საკითხს გაკვერით შეეხო აკად. ნ. მარი.

ქ. ანისისადმი მიძღვნილ ნაშრომში ნ. მარმა მეტად საინტერესო მოსაზრებები გამოთქვა საქართველოს სამეფოს კუთვნილ სომხურ ქალაქებში დამოუკიდებელი თვითმმართველობის არსებობის თაობაზე. იგი წერდა: „საქართველოს სამეფოს კუთვნილ ქალაქებში, რომლებიც სომეხი მთავრების მფლობელობაში იმყოფებოდა, სომეხი მოქალაქეები თვითონ ახორციელებდნენ მმართველობას ქალაქის ბერებზე—სომეხი არქიეპისკოპოსის, სომეხი ქალაქის თავის და სხვა სომეხ თანამდებობის პირთა მეშვეობით“<sup>12</sup>. ნ. მარმა საყურადღებო მოსაზრება გამოთქვა აგრეთვე საკუთრივ შუა საუკუნეების ანისის საქალაქო მმართველობის შესახებ. ანისში „შეიძლება ყალიბდებოდა ან ჩამოყალიბდა დამოუკიდებელი საქალაქო ცხოვრება, რომელსაც სათავეში ედგნენ ქალაქის ბერები და ჰქონდა ქალაქის ფარგლებში საკანონმდებლო ხელისუფლება“<sup>13</sup>. ქალაქის ფარგლებში ასეთი საკანონმდებლო უფლებებით აღჭურვილ ხელისუფლების წარმომადგენლებად ნ. მარს სომხურ ეპიგრაფიკულ მასალებში მოხსენიებული *ხრჩვანხი* („ერიცანი“) „ანისის უხუცესნი“ მიაჩნდა<sup>14</sup>. განსაკუთრებით აღსანიშნავია, რომ ნ. მარი საჭიროდ მიიჩნევდა *ხრჩვანხი* დაეპირისპირებიანთ, შეედარებიანთ სომხური წყაროებისავე „ქა-

<sup>11</sup> ივ. ჯავახიშვილი, ქართველი ერის ისტორია, II, 1948, გვ. 142. მისივე, საქართველოს ისტორია, XI—XV სს., 1949, გვ. 15.

<sup>12</sup> Н. Я. Марр, Ани, Ер, 1939, გვ. 76.

<sup>13</sup> იქვე, გვ. 65.

<sup>14</sup> „ერიცანი“ — ძღრონიდელი სომხური ქალაქების გამგებლად მიჩნეულა თანამედროვე სომეხ მკვლევართა მიერაც (იხ. История армянского народа, I, 1951, გვ. 142).

ლაქის უხუცესთათვის“ (*ბხრე ჟაიყაქი*) და „ქართლის მატიანეს“ ავტორის მიერ მოხსენიებულ „ტვილელ ბერთათვის“. <sup>15</sup> როგორც ჩანს, ნ. მარი ქართულ და სომხურ წყაროებში მოხსენიებულ საქალაქო ხელისუფლების ამ ორ წარმომადგენელთა შორის არსებითი, შინაარსობრივი მსგავსების დანახვას შესაძლებლად მიიჩნევდა. ნ. მარის ამგვარი ვარაუდი, როგორც ქვემოთ იქნება ნაჩვენები, საფუძველს არ იყო მოკლებული.

ნ. მარის ზემომოტანილ და ზოგ სხვა, შუბა საუკუნეების სომხური ქალაქების მმართველობის შესახებ გაკვირვებით გამოთქმულ მოსაზრებებს გარკვეული მნიშვნელობა ენიჭებათ საერთოდ საქართველოს ქალაქების, ჯერძოდ კი XI—XII სს. თბილისის თვითმმართველობის თუ კომუნის ისტორიისათვის.

უკანასკნელ წლებში თბილისის შესახებ ზემოდასახელებული აღმოსავლური წყაროების გამოქვეყნებასთან ერთად, ქართულ სამეცნიერო-ლიტერატურაში გამოითქვა სათანადო მოსაზრებები XI—XII სს. მიჯნის თბილისის საქალაქო წესწყობილებაზეც.

ვლ. ფუთურიძემ, რომელმაც ჭეროვანი ყურადღება დაუთმო ალ-ფარიკის ცნობებს, პირველმა მოგვცა ამ ცნობათა სათანადო შეფასებაც და გამოთქვა მოსაზრება იმდროინდელი თბილისის საქალაქო მმართველობის შესახებ; ვლ. ფუთურიძე წერდა: „თბილისში არსებობდა დასავლეთ ევროპის ქალაქების კომუნისდაგვარი წყობილება, როცა ქალაქს მართავდა „ქალაქის საბჭო“, ასეთი „საბჭოს“ წევრნი უნდა ყოფილიყვნენ ის ქალაქის ბერები, რომელთაც იხსენიებს ჩვენი მატიანე და, შესაძლებელია, „საბჭოს“ სათავეში მდგომი პირები იყოს ხალხი, რომელთა შესახებ ფარიკი ამბობს, რიგრიგობით ეჭირათ თითო თვე ხელში ქალაქ თბილისის გამგებლობა“ <sup>16</sup>. იმდროინდელ თბილისში არსებულ კომუნისდაგვარ საქალაქო წყობილებაზე მითითებას ხედავს ალ-ფარიკის ცნობებში პროფ. გ. წერეთელიც; იგი, ეხება რა საერთოდ ამ ცნობის მნიშვნელობას, აღნიშნავს: „განსაკუთრებით მნიშვნელოვანია ალ-ფარიკის ცნობა იმის შესახებ, რომ თბილისში ჭერ კიდევ XI საუკუნეში, ჯაფარაანთ გვარის მოსპობის შემდეგ, დიდგორის ბრძოლის წინ, ორმოცი წლის განმავლობაში ყოფილა საშუალო საუკუნეების ქალაქ-

<sup>15</sup> Н. Я. Марр, Аги, გვ. 235, შენიშ. 131.

<sup>16</sup> ვ. ფუთურიძე, არაბი ისტორიკოსი XII ს. თბილისის შესახებ, გვ. 143.

ბის კომუნისდაგვიარ წყობილება, როდესაც ქალაქს თვით მცხოვრებლები განაგებდნენ რიგრიგობით“<sup>17</sup>.

ასეა გაგებული ალ-ფარიკის ეს ცნობა აკად. ს. ჯანაშიას რედაქციით გამოსულ „საქართველოს ისტორიის“ სახელმძღვანელოშიც<sup>18</sup>.

მაგრამ ფარიკის შესახებ არსებულ სამეცნიერო ლიტერატურაში ყოველთვის ამგვარად როდია შეფასებული მისი ეს ჩვენთვის საინტერესო ცნობები. მიუხედავად იმისა, რომ პროფ. ვ. მინორსკი, ალ-ფარიკის ცნობების მიხედვით, საქმაოდ ვერცლად შეეხო თბილისისა თუ საერთოდ იმდროინდელი საქართველოს პოლიტიკური ისტორიის ცალკეულ მომენტებს, მან თითქმის უყურადღებოდ დატოვა ალ-ფარიკის ჩვენთვის საინტერესო მითითება თბილისში ორმოცი წლის მანძილზე „ხალხის“ მმართველობის ბატონობის შესახებ. კიდევ მეტი, თბილისის ისტორიის ამ მეტად მნიშვნელოვან პერიოდს მან რატომღაც „ანარქიის ხანა“ უწოდა. მისი აზრით, „ორმოცი წლის ანარქია თბილისში, რის შესახებაც ჩვენი ავტორი (ალ-ფარიკი, შ. მ.) ლაპარაკობს, ემთხვევა პერიოდს თბილისში ფადლონის ხანმოკლე, უბადრუკი ბატონობის დროიდან (1068 წლიდან) ვიდრე 1121 წლამდე“<sup>19</sup>. როგორც ჩანს, პროფ. ვ. მინორსკიმ ვერ გაითვალისწინა პარალელური ქართული თუ სხვა მასალა და ვერ დაინახა ის ბრძოლა, რომელსაც თბილისის მოსახლეობის მმართველი ზედა ფენა, განსაკუთრებით XI ს. 40-იანი წლებიდან, დიდი ხნის განმავლობაში აწარმოებდა და რომელიც მან გამარჯვებით, ან კიდევ, ალ-ფარიკის სიტყვით რომ ვთქვათ, „ხალხის“ მმართველობის გაბატონებით დააგვირგვინა. ზედმეტია აღნიშვნა იმისა, რომ თბილისში ქალაქის ბატონის, მფლობელის ხელისუფლების მაგიერ ხალხის მმართველობის დამყარებისა და არსებობის წლების „ანარქიის ხანად“ მიჩნევა შეცდომად უნდა ჩაითვალოს.

თბილისის შესახებ ალ-ფარიკის ცნობების ზემოხსენებული პუბლიკაციების შემდეგ იგი ქართველ მკვლევართა მიერ არაერთხელ ყოფილა გამოყენებული და სათანადოდ კომენტირებული. ქართულ ისტორიოგრაფიაში უკვე არაერთგანაა მითითებული ალ-ფარიკის ცნობაში მოხსენიებული თბილისის გამგებელი „ხალხის“ კავშირზე „ქართლის მართიანეს“ „ტფილელ ბერებთან“ და იმდროინდელ თბილისში დამოუკიდებელი თვითმმართველობის, ქალაქი-

<sup>17</sup> გ. წერეთელი, არაბული ქრესტომათია, გვ. 7.

<sup>18</sup> საქართველოს ისტორია, ს. ჯანაშიას რედაქციით, 1948, გვ. 193.

<sup>19</sup> V. Minor sky, „Caucasica in the History of Mayyāfīriqin, გვ. 29.

კომუნის არსებობის ნიშნების შესახებ<sup>20</sup>, ამჟამად სათანადოდ არის გაგებული და განმარტებული მუნიციპ-ბაშის თხზულებით დაცული ალ-ფარისის სხვა თვალსაზრისით საინტერესო ცნობებიც<sup>21</sup>; მაგრამ ყოველივე ეს იმას სრულებით არ ნიშნავს, რომ ამით დამთავრებულად მივიჩნით თვით ამ ცნობების გაგება და განმარტება და მით უფრო იმდროინდელი თბილისის საქალაქო წესწყობილების შესწავლა.

ჩვენ მიერ ზემოგანხილულ და დასახელებულ მოსაზრებათა და ლიტერატურის არსებობის მიუხედავად XI—XII სს. თბილისის თვითმმართველობისა და მით უფრო კომუნის არსებობის საკითხი, ისე როგორც მისი შემდგომი პერიოდი, ისევე საგანგებო შესწავლის საგნად რჩება. ასეთი სამუშაოს ჩატარების საჭიროებასა და მისი შესრულების განზრახვაზე ჩვენ ამ რამდენიმე წლის წინათ მივეუ-თითეთ კიდევ<sup>22</sup>. წინამდებარე ნაშრომიც ამ განზრახვის განხორციელების ერთ-ერთ ცდას წარმოადგენს\*.

<sup>20</sup> დ. გვრიტიშვილი, შ. მესხია, თბილისის ისტორია, თბ., 1952, გვ. 248—249; III. A. Месхиа, Из истории грузинского феодального города IX—XIII вв., ისტორიის ინსტიტუტის შრომები, II. 1956. გვ. 149—150; შ. მესხია, თბილისი 1500 წლისა, 1957, გვ. 28.—29, შ. მესხია, დ. გვრიტიშვილი, მ. დუმბაძე, ა. სურგულაძე, თბილისის ისტორია, 1958, გვ. 61—62; III. A. Месхиа, Города и городской строй феодальной Грузии, 1959, с. 84—85; ი. სურგულაძე, საქართველოს სახელმწიფოსა და სამართლის ისტორიისათვის, თბ., 1952, გვ. 60; П. В. Гугушвили, Развитие промышленности в Грузии и Закавказье XIX—XX вв., Тб., 1957, გვ. 29; რ. კიკნაძე, არაბული და სპარსული ისტორიული წყაროები XI—XII სს. თბილისის შესახებ, „ცისკარი“, 1958, № 10; რ. კიკნაძე, XI—XIII სს. თბილისის ისტორიიდან, ისტორიის ინსტიტუტის შრომები, V, 1960, გვ. 119—124.

<sup>21</sup> იხ. რ. კიკნაძის ზემოდასახელებული ნაშრომები.

<sup>22</sup> III. A. Месхиа, Из истории грузинского феодального города, გვ. 150, შენიშ. 2.

\* ეს ნაშრომი აწყობილი იყო, როცა გამოქვეყნდა პროფ. ბ. არაქელიანის წერილი—*წიგნისაჲს ქარაიქიონი* ხქ *ჩინსაქარაიონი* ქიქნაყარაიონ ლა-*კასიონი* (იხ. „*წათომ-ქანასიქისკონ ჩანიხა*“ 1961, № 3—4, გვ. 58—81). ვინაიდან ამჟამად არ გვაქვს მისი სრულად გამოყენების შესაძლებლობა, შევნიშნავთ, რომ ბ. არაქელიანის მტკიცებანი სომხური ქალაქების მმართველობაში X ს-დან მოქალაქეთა ზედაფენის მონაწილეობის, ხოლო XI ს-დან „უხუცესთა საბჭოს“ არსებობის შესახებ და სხვ., კიდევ უფრო ასაბუთებენ ჩვენს კვებით გამოთქმულ მსგავს მოსაზრებებს ქართული ქალაქების შესახებ. ასევე სწორი ჩანს ავტორი, როცა აბტკიცებს, რომ „ქალაქის უხუცესებს“ სომხეთში ეწოდებოდათ „*ყღასიონე უაყასქინ*“ და არა ხრქვასქ (იხ. გვ. 60—61.).



საქალაქო თვითმმართველობა თბილისში

შუა საუკუნეების თბილისის საქალაქო თვითმმართველობის წარმოშობის დროისა და პირობების შესწავლა შეუძლებელი იქნება თუ გავკრით მინც არ გავითვალისწინებთ ქალაქის იმდროინდელი პოლიტიკური თავგადასავლის უმთავრეს მომენტებს.

აღრინდელი ფეოდალური ხანის თბილისის პოლიტიკურ ცხოვრებაში დიდმნიშვნელოვანი მოვლენა იყო ჯერ არაბთა ლაშქრობები, ხოლო შემდეგ მათი დამკვიდრება-გაბატონება. საქართველოს ცალკეული კუთხეებისა თუ ქალაქებისათვის არაბთა ბატონობა დროის სხვადასხვა მონაკვეთში სხვადასხვაგვარი და სხვადასხვა შედეგებისა იყო. ურთიერთისაგან განსხვავდებოდა თავისი შედეგების მიხედვით არაბთა მფლობელობის ესა თუ ის ხანა საკუთრივ თბილისისთვისაც.

არაბთა მფლობელობის პირველ პერიოდში, მათი გამოჩენის დროიდან ვიდრე VIII ს. დამდეგამდე, მართალია, თბილისი საგანგებო ლაშქრობისა და აოხრების ობიექტი არ ყოფილა, მაგრამ არაბთა მფლობელობამ საერთოდ და მათ მიერ ჩატარებულმა სხვადასხვა ღონისძიებებმა, კერძოდ, თბილისის მოსახლეობისათვის მიცემულმა „დაცვის სიგელმა“<sup>1</sup>, ცხადია, საგრძნობლად შეაფერხა ადრეფეოდალური ქალაქის ნორმალური განვითარება. არაბებისაგან თბილისის მოსახლეობისათვის დაკისრებული გადასახდ-ვალდებულებანი თბილისის განვითარების უდავოდ შემაფერხებელ მოვლენას წარმოადგენდა, თუმცა, ამ და სხვა მსგავსმა, დროგამოშვებით გასაახლებელმა ვალდებულებებმა ვერ შესძლო ქალაქის პროგრესული, სასიცოცხლო ძალების განადგურება. კიდევ მეტი, არაბები თანდათან იძულებულნი ხდებოდნენ ანგარიში გაეწიათ ამიერკავკასიაში თბილისის მიერ უკვე მოპოვებული დიდი ეკონომიკური როლისა და ამასთანავე მისი სტრატეგიული მნიშვნელობისათვის. ამიტომ იყო, რომ არაბები თბილისს მათი მფლობელობის პირველ პერიოდშივე განსაკუთრებული ყურადღებით მოეკიდნენ და მის გაძლიერება-გამაგრებას მიჰყვეს ხელი.

<sup>1</sup> იხ. ე. სიხარულიძე, არაბთ-საქართველოს ურთიერთობის ისტორიიდან, თსუ შრომები, აღმოსავლეთმცოდნეობის სერია, № 73. 1959, გვ. 173 და სხვა.

როგორც ცნობილია, არაბები ცდილობდნენ თბილისი ექციათ ბიზანტიის წინააღმდეგ ბრძოლის მთავარ ფორპოსტად<sup>2</sup>. ყოველივე ეს კი ობიექტურად, დამპყრობლთა ნება-სურვილისაგან დამოუკიდებლად, ხელს უწყობდა თბილისის ეკონომიკური და პოლიტიკური მნიშვნელობის შემდგომ ზრდას. მაგრამ თბილისის განვითარების გადამწყვეტი ფაქტორი მაინც აღრეფეოდალური საქართველოს საერთო აღმავლობაში უნდა ვეძიოთ.

არაბთა ხანგრძლივ და მძიმე ბატონობას გადარჩენილი საქართველოს ცალკეული კუთხეების განსაკუთრებულმა დაწინაურებამ ხელი შეუწყო ქვეყნის ბუნებრივი ეკონომიკური ცენტრის — თბილისის შემდგომ გაძლიერება-დაწინაურებას. თბილისის ზრდაში მნიშვნელოვან ხელშემწყობ პირობას მისი საგარეო ურთიერთობაც წარმოადგენდა: იმ დროის კვალობაზე ფართოდ გაშლილ საერთაშორისო ვაჭრობაში აქტიურად იყო ჩაბმული თბილისიც. ამას მოწმობს თბილურ-არაბული დირაჰმების ფართოდ გავრცელება და აღმოჩენა შორეულ ჩრდილოეთსა და დასავლეთშიც<sup>3</sup>.

თბილისის აღმავლობა დიდად არ შეფერხებულა არაბთა ბატონობის მეორე, კიდევ უფრო მძიმე პერიოდშიც. VIII ს. დამდეგიდან არაბთა მფლობელობის საბოლოოდ დამკვიდრებამ, თბილისის საამიროს შექმნამ, საარაბო ხარკის ზრდამ და სხვა, მართალია, გაამწვავა ქვეყნის, უმთავრესად ქართლის, ეკონომიკური მდგომარეობა და შინაკლასობრივი ურთიერთობანი, მაგრამ ვერ შეაჩერა აღმავლობის გზაზე შემდგარი თბილისის შემდგომი ეკონომიკური და სოციალური განვითარება. საქალაქო წრეებისათვის, მათ შორის თბილისის მოსახლეობის ძირითადი ნაწილისათვის — ვაჭრებისა და ხელოსნებისათვის არაბთა მფლობელობა შედარებით მისაღები ჩანდა. ამის საფუძველი იყო თბილისისა და საქართველოს სხვა ქალაქების ჩაბმა ომაელების დროიდან გაშლილ მსოფლიო ვაჭრობაში.

IX ს. დამდეგიდან ქართლში დაიწყო არაბთა მფლობელობის მესამე პერიოდი. ამ დროისათვის დამახასიათებელი ძირითადი ნიშანი, სახალიფოს ფეოდალიზაციასთან დაკავშირებით, თბილისის არაბი ამირების განცალკევებისაკენ სწრაფვა და ამის შედეგად დამოუკიდებლობისათვის საუკუნოვანი ბრძოლის დაწყება იყო. ხა-

<sup>2</sup> Я. А. Манандян, О торговле и городах Армении, Ереван, 1954, с. 196.

<sup>3</sup> დ. კ ა ბ ა ძ ე , ქართული ნუმიზმატიკა, თბ., 1950, გვ. 40.

ლიფასა და ამირას შორის წარმოებული მძიმე ბრძოლები, ერთი მხრივ, ანადგურებდა თბილისს, დროებით ამცირებდა მის მოსახლეობას, მაგრამ, მეორე მხრივ, ხელს უწყობდა ქალაქის, როგორც ცალკე ფეოდალური ერთეულის, გამოყოფას სახალიფოსაგან და ამით მას დამოუკიდებელი, თავისუფალი განვითარების მეტი შესაძლებლობა ექმნებოდა.

IX ს. 80-იანი წლებიდან, თბილისში ჯაფარიდ ამირების გაბატონების დროიდან, ერთ დროს ხალიფას მიერ თბილისში გამოგზავნილი „მსაჯული ამირები“ თანდათან თბილისის და მისი მიდამოების ფეოდალ-მემატრონეებად იქცნენ. თბილისის საამირო არსებითად იმდროინდელ სხვა ქართულ ფეოდალურ ერთეულებს ემსგავსებოდა, ქალაქიც თავის ეროვნულ სახეს იბრუნებდა.

აკად. ს. ჯანაშიას სამართლიანი განცხადებით, „თბილისის ამირები მეცხრე საუკუნის დამლევნიდან უკვე ფაქტიურად აღარ ემორჩილებიან ხალიფას. მორჩილება გარეგნულად მხოლოდ იმაში გამოიხატება, რომ ერთი ხანობა კიდევ თბილისის ამირები ფულს ხალიფას სახელით სჭრიან“<sup>4</sup>. მალე ასეთი ფორმალური მორჩილებაც მოიშპო. თუკი ამირები ფულის მომპრეოდ ჯერ კიდევ ხალიფებს ასახელებდნენ, 946 წლიდან უკვე მათი ამგვარი ხსენებაც წყდება. ფულს ამიერიდან თვით დამოუკიდებელი ამირები სჭრიან და ხალიფებს მხოლოდ იმიტომ იხსენიებენ, რომ საკუთარი მართლმორწმუნეობა აღიარონ<sup>5</sup>.

მომპრელ ამირათა სახელებიანი მონეტები თბილისშიც X ს. მეორე ნახევრიდან ჩნდება<sup>6</sup>. ეს კი აბასიდთა სახალიფოს რღვევად ასუსტების ის შედეგი იყო, რომელიც თბილისის საამიროს ჯაფარიანთა საგვარეულოს მამულობით სამფლობელოდ გადაქცევას ნიშნავდა. მართალია, თბილისის ჯაფარიდი ამირებიც მათ მიერ მოჭრილ მონეტებზე ჯერ კიდევ იხსენიებდნენ ხალიფას, მაგრამ ეს მხოლოდ ფორმალურად იყო და სრულებით არ გამოხატავდა იმ ურთიერთობას, რომელიც ადრე ხალიფას და თბილისის ამირას შორის არსებობდა<sup>7</sup>.

ჯაფარიდ ამირების დამოუკიდებელი გამგებლობის, თბილისისა

<sup>4</sup> საქართველოს ისტორია, ს. ჯანაშიას რედაქციით, გვ. 148.

<sup>5</sup> დ. კ ა პ ა ნ ა ძ ე, X ს. თბილური დრამა ალი ბენ-ჯაფარისა, საქ. მუზეუმის მოამბე, XII B, 1944, გვ. 184.

<sup>6</sup> იქვე.

<sup>7</sup> მ. ლ ო რ თ ქ ი ფ ა ნ ი ძ ე, თბილისის საამიროს ისტორიიდან, „მომომხილველი“, ტ. II, 1951, გვ. 196—198.

და მის მიდამოებში მათი განუყოფელი ბატონობის შესახებ ჩვენ ზოგი ქართული დოკუმენტიც მიგვითითებს. ამ მხრივ განსაკუთრებულ ყურადღებას იქცევს მელქისედეკ კათალიკოსის 1020 წლის სიგელი, სადაც, სხვათა შორის, ნათქვამია: „რომელი ქალაქის გასავალი იყო ამის წმიდისა დედაქალაქისაგან: ცხუარი, ცხენი, ღუნოჲ, ზედანი და რაჲცა იყო ყოველი ალი ამირამან ამოგუგლო და ავჰადე ამას წმიდასა კათოლიკე ეკლესიასა“<sup>8</sup>. როგორც ჩანს, თბილისის იმდროინდელი ამირა იმდენად დამოუკიდებელი მფლობელი იყო, რომ მას შეეძლო თავისი სურვილის მიხედვით „ქალაქის გასავალი ამოგუგლო“, ე. ი. საქალაქო გამოსაღებებისაგან გაეთავისუფლებინა ან კიდევ დაებეგრა თბილისსა და მის საამიროსთან დაკავშირებული ფეოდალური ერთეულები, ამ შემთხვევაში სვეტიცხოვლის ეკლესიის ის ყმები თუ ქონება, რომლებიც მას თბილისში ჰყავდა ან ჰქონდა.

თბილისის იმდროინდელი ამირების ხელისუფლების სუვერენობაში გვარწმუნებს აგრეთვე მათი დამოუკიდებელი მოქმედებანი პოლიტიკურ ასპარეზზედაც.

ბაგრატ IV-ს (1027—1072) მეფობის პირველ წლებში თბილისის ამირა ჯაფარი, სხვა ქართული ფეოდალური ერთეულების მფლობელებთან ერთად, საქართველოს მეფის მოკავშირედ გამოდის განძის მფლობელის ფადლონის წინააღმდეგ. „ქართლის მატთანე“ მოგვითხრობს: „დიდი ფადლონ ავად იქცეოდა, და სწუნობდა ყოველთა მოთაულთა ამის სამეფოსათა. და ვიდრე ყრმაღა იყო ბაგრატ, შეკრბეს ლაშქარნი ამის სამეფოსანი, იპირნეს ლიპარიტ და ივანე აბაზას-ძე; მოვიდა დიდი კვრიკე, რანთა და კახთა მეფე, დავით სომეხთა მეფე, და ჯაფარ ამირა ტფილელი, რამეთუ ესე ყოველნი პირობათა კვრიკესითა. შეკრებულ იყვნეს ეკლესს ფადლონს ზედა“<sup>9</sup>.

ფულის საკუთარი სახელით მოჭრა, ქართველ საერო თუ სასულიერო ფეოდალთა ქალაქში მოსახლე ყმებისა თუ მათ მიერ შემოტანილი საქონლის განთავისუფლება საქალაქო ვადასახად-გამოსაღებებისაგან, ქვეყნის პოლიტიკურ ცხოვრებაში დამოუკიდებელი მოქმედება — აი, რა ახასიათებს X ს. მეორე ნახევრისა და XI ს. დამდეგის თბილისის ამირების ხელისუფლებას. ცხადია, ასეთი უფ-

<sup>8</sup> ნ. ბერძენიშვილი, მცხეთის საბუთი XI საუკუნისა, საქ. მუზეუმის მოამბე, ტ. VI, 1931, გვ. 291.

<sup>9</sup> ქართლის ცხოვრება, ტექსტი დადგენილი ს. ყაუხჩიშვილის მიერ, ტ. 1, თბ., 1955, გვ. 296 (ქვემოთ ყველგან, სადაც საგანგებოდ ამაზე არ არის მითითებული ვსარგებლობთ ამ გამოცემით).

ლებებით შეიძლება აღჭურვილი ყოფილიყვნენ ქალაქის მხოლოდ დამოუკიდებელი ხელისუფალნი, მისი სრული ბატონ-პატრონები და არა რომელიმე მოხელე, რომელიც ამგვარი საკითხების გადაწყვეტაში მხოლოდ თავისი პატრონის ნება-სურვილის შემსრულებელი იქნებოდა.

ამრიგად, X—XI საუკუნეთა თბილისის ამირები, ხალიფას აღრინდელი მოხელეები, იოანე საბანისძის დროინდელი „მსაჯული ამირები“ კი არ იყვნენ, არამედ თბილისისა და მისი მიდამოების, ე. წ. „თბილისის საამიროს“ ფეოდალი მფლობელები. ამირათა ოდინდელი მოხელეობა უკვე მფლობელობაში გადაიზარდა და თბილისის საამიროც, ხალიფას მიერ დანიშნული ამირას საგამგეო პროვინციიდან, ერთ-ერთ ფეოდალურ ერთეულად იქცა. „ამირაც“ ამიერიდან ქართლში არაბ მოხელეს კი არ ეწოდება, არამედ თბილისისა და მისი მიდამოების მამულობით მფლობელს.

თბილისის არაბი მოხელის ხელისუფლების ამგვარი ევოლუცია ბუნებრივად იწვევდა საკუთრივ ქალაქის სამოხელეო წყობილების ევოლუციასაც. თბილისის უზენაესი ხელისუფლების, მოხელის მის მფლობელად, ბატონად გადაქცევის შემდეგ საქალაქო საქმეებს, ცხადია, ახალი პატრონი უნდა გასჩენოდა.

თბილისის სამოხელეო წყობის განვითარებისათვის დიდი მნიშვნელობა ჰქონდა იმას, რომ ამირას ხელისუფლების ევოლუცია დაემთხვა საქართველოში ფეოდალიზმის შემდგომი განვითარების ხანას, განვითარებული ფეოდალიზმის პირველ ნაბიჯებს, ე. ი. ფეოდალური ქალაქების არა მარტო ჩამოყალიბების, არამედ მათი ეკონომიკური და სოციალური აყვავების ხანას.

X ს. დასასრული და XI ს. დამდეგი საქართველოს ისტორიაში ჩვეულებრივ აღინიშნება როგორც ქვეყნის ძირითადი პოლიტიკური ერთეულების გაერთიანების ხანა; მაგრამ საქართველოს გაერთიანება მხოლოდ შედეგი იყო ქვეყნის სოციალურ-ეკონომიკური განვითარებისა, ფეოდალური ურთიერთობის შემდგომი განმტკიცებისა, ანუ მის ახალ საფეხურზე, განვითარებული ფეოდალური ურთიერთობის საფეხურზე შედგომისა. ასე რომ, X—XI სს. მიჯნა საქართველოს ისტორიაში პირველ რიგში იყო განვითარებული ფეოდალიზმის დასაწყისი, ხოლო შემდეგ და ამასთან ერთად, პოლიტიკურად ერთიანი საქართველოს ისტორიის დასაწყისიც.

განვითარებულ ფეოდალური ურთიერთობისა და საქართველოს ერთიანი ფეოდალური მონარქიის შექმნა, ანუ ფეოდალური ქვეყნის ეკონომიკური და პოლიტიკური გაერთიანება ბუნებრივად

იწვევდა უკვე წარმოქმნილი ადრინდელი ფეოდალური ქალაქების განვითარებასა და ახლების წარმოშობას.

ფეოდალური ურთიერთობის განვითარება სოფლად, მდამიორ-მოლაშქრეთა დაყმევების პროცესის გაძლიერება, რაც ასე დამახასიათებელი იყო განვითარებული ფეოდალიზმის საწყისებისათვის, სოფლის თავისუფალი მოსახლეობის ერთ მნიშვნელოვან ნაწილს აიძულებდა ქალაქში ეპოვნა ადგილსამყოფელი; მაგრამ ქალაქს თავს აფარებდნენ არა მარტო დაყმევების აუცილებლობის წინაშე მდგარი სოფლის თავისუფალი მწარმოებლები, არამედ უკვე დაყმევებულიებიც, საერო თუ სასულიერო ფეოდალთა ყმები. განვითარებული ფეოდალიზმის დროინდელი ქალაქი—თავისი სოციალურ-ეკონომიკური ბუნებით თვით ფეოდალიზმს, ბატონყმური ურთიერთობის საწინააღმდეგო მოვლენა — ცხადია, ქალაქს თავშეფარებულ ყმა მოსახლეობას თავისუფლებას ანიჭებდა. ყოველივე ეს კი უფრო ზრდიდა და ამტკიცებდა ქალაქის მოსახლეობაში თავისუფალ მწარმოებელთა რიცხვსა და მნიშვნელობას.

ამასთანავე, ქვეყნის პოლიტიკურმა გაერთიანებამ და ძველი, კარჩაეკტილი სამეფო-სამთავროების ზღუდეების მოსპობამ მნიშვნელოვნად გააფართოვა საქართველოს ქალაქების როლი განსაკუთრებით საშინაო და, ასევე, საგარეო ვაჭრობაში. ეს კიდევ თავის მხრივ ამტკიცებდა არა მარტო თავისუფალ მწარმოებელთა, არამედ, ამასთანავე და კიდევ უფრო, ვაჭართა ფენას. ასეთი მნიშვნელოვანი სოციალურ-ეკონომიკური და პოლიტიკური ტენილები საბოლოო ანგარიშში მნიშვნელოვნად ზრდიდა ქალაქების, როგორც სოციალურ-ეკონომიკური მოვლენის, როლს ქვეყნის ცხოვრებაში საერთოდ და ქალაქების მოსახლეობისას საქალაქო ცხოვრებასა და მმართველობაში კერძოდ. სწორედ ამგვარ მნიშვნელოვან გარდატეხათა პერიოდში, როცა ქალაქების მოსახლეობის, მოქალაქეთა როლი თანდათან იზრდებოდა და მტკიცდებოდა, ხოლო ქალაქის გამგებელი ამირას ხელისუფლება ევოლუციას განიცდიდა, იგი მის ბატონად იქცეოდა, შესაძლებელი გახდა თბილისის უკვე „ბატონი ამირას“ მფლობელობის უფლების გვერდით ჩამოყალიბებულიყო საქალაქო საქმეების უშუალო გამგებელთა, სათანადო მოხელეთა („ამირა ბატონი“ ხომ ამიერიდან ასეთი მოხელე ვერ იქნებოდა), საქალაქო საქმეების „ნამდვილ პატრონთა“ ხელისუფლება.

„ამირა ბატონის“ მფლობელობის გვერდით თბილისის მოსახლეობის ზედა ფენის დამოუკიდებელი ხელისუფლების ჩამოყალიბე-

ბის ხანგრძლივი პროცესი დასრულებული უნდა იყოს XI ს. 40-იანი წლებისათვის. ამ დროიდან კი, ქართული წყაროების მიხედვით, „ამირა ბატონის“ შემდეგ, საქალაქო საქმეების გამგებლად მხოლოდ და მხოლოდ „ტფილელნი ბერნი“ ჩანან. „ქალაქის ბერთა“ გარდა, საქალაქო საქმეების სხვა პატრონები ან კიდევ ისეთი მოხელეები, რომელნიც ამირას დანიშნული იყვნენ და ქალაქის უზენაეს ხელისუფლად ითვლებოდნენ, XI ს. 40—50-იანი და შემდგომი წლების თბილისში არ ჩანან.

გარდა ამისა, „ტფილელ ბერთა“ ხელისუფლებას XI ს. 40-იანი წლებისათვის ასე გამოკვეთილი, ჩამოყალიბებული სახე რომ მიეღო, მას განვითარების საკმაოდ გრძელი გზა უნდა გაეწეო. ეს ხელისუფლება, ცხადია, იმავე საუკუნეში და იმავე წლებში წარმოშობილად და ჩამოყალიბებულად არ შეიძლება მიჩნეულ იქნეს, როდესაც ქართული წყარო მას ყოველგვარი განმარტების გარეშე მოიხსენიებს. საფიქრებელია, რომ „ქალაქის ბერთა“ ხელისუფლების წარმოქმნა თბილისში, X ს. შუა წლებიდან მაინც, ქალაქის ეკონომიკური და სოციალური განვითარებისა და ამირამოხელის ამირა-მფლობელად საბოლოო ჩამოყალიბების დროიდან უნდა დაწყებულიყო<sup>10</sup>.

იმ დროიდან მოკიდებული „ტფილელ ბერთა“ ხელისუფლება თანდათან იმგვარად განვითარდა, რომ იგი ქალაქის თვითმმართველად იქცა.

სანამ საგანგებოდ შეეჩერდებოდეთ საქალაქო თვითმმართველობის უფლება-მოვალეობაზე, საჭიროდ ვთვლით პირველ რიგში გაეარკვიოთ „ტფილელ ბერთა“ ვინაობა და მათი ხელისუფლების შინაარსი.

XI ს. შუა წლებში, თბილისის ამირა ჯაფარის გარდაცვალებისა და ქალაქში საქართველოს მეფის ბაგრატ IV-ს მოწვევის ამბებთან დაკავშირებით, „ქართლის მატიანეში“ სამჭერ არის მოხსენიებული „ტფილელნი ბერნი“, „ბერნი ტფილელნი“, „ქალაქის ბერნი“<sup>11</sup>. უდავოა, რომ ამ შემომოტანილი ცნებებით „ქართლის

<sup>10</sup> აღსანიშნავია, რომ არაბული წყაროების (ბალაძორი, იბნ-ჰუკალი) მიხედვით, უხუცესთა ხელისუფლება ამიერკავკასიის ქალაქებში, კერძოდ ქ. დვინში, ჯერ კიდევ IX ს. დასასრულს არსებულა, ამ დროისათვის ბალაძორი კიდევაც იხსენიებს დვინის ერთ-ერთ უხუცესს (იხ. Б а л а д з о р и, Книга завоевания стран, пер. Жузе, 1927, გვ. 11; შტრ. Я. А. М а н а н д я н, О торговле и городах Армении, გვ. 231).

<sup>11</sup> ქართლის ცხოვრება, ტ. I, გვ. 299.

მატიანეს“ ავტორს შეუძლებელია აღენიშნა ქალაქის, თბილისის მოსახლეობა საერთოდ — აქ ქალაქის მოსახლეობის მხოლოდ გარკვეულ, იმ მცირე ნაწილზე არის საუბარი, რომელიც მეფეს ეახლა და თბილისის აღება სთხოვა. ცხადია, წარმოუდგენელია, რომ თბილისის მოსახლეობა ამავე მიზნით ერთიანად ხლებოდა ანაკოფი-აში მყოფ ბაგრატ მეფეს.

ამასთანავე, ქალაქის მოსახლეობის წარმომადგენლებად საქართველოს მეფეს მხოლოდ მისი გავლენიანი ნაწილი შეიძლება და ხლებოდა. ამას ადასტურებს „ქართლის მატიანეს“ შემდეგი ცნობაც: მეფე „წარემართა ტფილისად და მოეგებნეს ქალაქის ბერნი, დარბაზის ყმანი, ცხენოსანნი დიღმისა ველსა და ყოველი ერი ქუეთი“<sup>12</sup>. როგორც ვხედავთ, „ქართლის მატიანეს“ ავტორი „ქალაქის ბერთ“ საგანგებოდ გამოყოფს ქალაქის „ყოველი ერისაგან“, ანუ თბილისის მოქალაქეთაგან, მოსახლეობისაგან. ამის გარდა, ამ ცნობაში „ქალაქის ბერნი“ ცალკე და პირველნი არიან დასახელებულნი მეფის შესახვედრად მოსულ სხვა საქალაქო ფენებს შორის — „დარბაზის ყმანი, ცხენოსანნი...“ ამ ცნობის მიხედვით. როგორც თავის დროზე ივ. ჭავჭავაძემ მიუთითა, „ქალაქის ბერები“, „ქალაქის წარმომადგენლები იყვნენ და ამირას დარბაზის მოხელეებზე, ანუ დარბაზის ყმებზე მალა იდგნენ“<sup>13</sup>. ამრიგად, „ტფილენი ბერნი“ ანუ „ქალაქის ბერნი“ ქალაქის „ყოველი ერი“ მხოლოდ პრივილეგირებული წარმომადგენელი შეიძლება ყოფილიყვნენ.

მაგრამ ყოველივე ეს მხოლოდ ნაწილობრივ არკვევს „ტფილელ ბერთა“ ვინაობის საკითხს.

„ქალაქის ბერთა“ ხელისუფლებისა და ვინაობის შესწავლაში დიდ დახმარებას გაგვიწევს თვით ტერმინ „ბერის“ მნიშვნელობის გარკვევა. „ბერი“ ძველ ქართულში ფართოდ ხმარებული სიტყვაა — იგი გვხვდება როგორც ორიგინალურ, ასევე ნათარგმნ ძეგლებში.

ქართული ოთხთავის ძველ რედაქციაში სხვათა შორის ნათქვამია: „ვითარ კელ-ეწიფების შობად კაცსა ბერსა“<sup>14</sup>. აქ მოხსენიებულ

<sup>12</sup> ქართლის ცხოვრება, ტ. I, გვ. 299.

<sup>13</sup> ივ. ჭავჭავაძის მიხედვით, საქართველოს ეკონომიური ისტორია, 1907, გვ. 24.

<sup>14</sup> იოვანე, 3, 4, იხ. ქართული ოთხთავის ორი ძველი რედაქცია, გამოსცა ა. შანიძემ, თბ., 1954.



ძველ ქართულ „ბერს“ ბერძნული ოთხთავის სათანადო ადგილას „ϣ̄ρ̄οϣ“, ხოლო სომხურში „ტჰრ“ შეესატყვისება, რაც მოხუცს, უხუცესს, უფროსს ნიშნავს.

„ბერი“ ასეთივე მნიშვნელობით იხმარება ჩვენთვის საინტერესო ხანის, X I—X II სს. ქართულ ორიგინალურ ძეგლებშიც. ამ მხრივ დამახასიათებელ მასალას ჩვენ მხოლოდ „გეგზისტყაოსნიდან“ მოვიტანთ, სადაც „ბერი“ ყველგან „ყმას“, ანუ „ყრმას“ — ჰასაკით ჰაბუქს, ყმაწვილს უპირისპირდება:

„ვერ ვნახე შენი მნახავი ვერცა ყმა, ვერცა ბერია“ (289<sub>3</sub>).

„იგი მარტო გაპარულა, ყმა არ ახლავს, არცა ბერია“ (828<sub>3</sub>).

„რაცა შითხრა, სიკვდილამდის არვის ვუთხრა სულიერსა.

არა ბერსა, არა ყმასა, მოყვარესა არცა მტერსა“ (1154<sub>1-2</sub>)

„აქა მოსლეთა გაყმდების კაციმცა იყო ბერები“

(1066)<sup>15</sup>.

მოტანილი ადგილების მიხედვით „ბერი“ ისევე უპირისპირდება ყმას, ყმაწვილს, როგორც მტერი მოყვარეს. „ბერი“ ასაკით უფროსის აღსანიშნავად ნახმარი აქვს XIV ს. ისტორიკოს ჟამთააღმწერელსაც; იგი ჭალალ-ედდინის მიერ თბილისში დატრიალებული უბედურების აღწერისას შენიშნავს: „დედანი მოიკლოდინან; ბერნი უწყალოდ ფოლოცთა შინა ცხენთა მიერ დაითრგუნვოდეს, ჰაბუქნი დაეუეთებოდეს, სისხლისა მდინარენი დიოდეს, ტუნი კაცთა, დედათა, ბერთა, ჩჩულთა თმა და სისხლი, თავი მჰართაგან განშორებული, ნაწლევი ცხენთა მიერ დათრგუნვილნი ურთიერთას აღრეულ იყო“<sup>16</sup>.

ძველი ქართული მწერლობის ამგვარი მონაცემებიდან გამოდიოდა ივ. ჯავახიშვილი, როცა წერდა: „ჰასაკი სამ უმთავრეს წლოვანებას შეიცავდა, რომელთაც ეძახდნენ ხოლმე „ჰაბუქი“, „შუა-კაცი“ და „ბერი“<sup>17</sup>. როგორც ვხედავთ, „ბერი“ ძველ ქართულში ივ. ჯავახიშვილს ჰასაკით ყველაზე უფროსის აღმნიშვნელ ტერმინად ჰქონდა მიჩნეული.

ასეთივე მნიშვნელობა შერჩა ამ ტერმინს გვიანი შუა საუკუნეების ქართულშიც. ამიტომაც ს.-ს. ორბელიანი „ბერს“ „ხანმრავალ კაცად“ განმარტავდა.

<sup>15</sup> იხ. აგრეთვე, სტროფები 57, 562 და სხვ.

<sup>16</sup> უამთააღმწერელი, ქართლის ცხოვრება, მარიამისეული ნუსხა, გვ. 576—577; ქართლის ცხოვრება, ტ. II, გ- 174—176.

<sup>17</sup> ივ. ჯავახიშვილი, ქართული სამართლის ისტორია, II, ნაქ. 2, გვ. 366.

ამრიგად, ძველქართული „ბერი“ უფროსს, ხანმრავალს, მოხუცს, ე. ი. პირველშობილ კაცს ეწოდებოდა. მაგრამ ძველ ქართულში ამავე ცნებების გადმოსაცემად, „ბერს“ გარდა, „უხუცესიც“ იხმარებოდა. „უხუცესიც“, ბერის მსგავსად, ასაკით უფროსს ეწოდებოდა: „იყო ძმ იგი მისი უხუცესი“ — ნათქვამია ოთხთავის ძველ რედაქციაში<sup>18</sup>. საინტერესოა „ვეფხისტყაოსნის“ მონაცემები ამ მხრივაც:

„სამსახურსა მიბრძანებდი უ ხ უ ც ე ს ი ვ ი თ ა მ რ წ ე მ ს ა“  
ან კიდეც, (1656<sub>ა</sub>)  
„მე უ ხ უ ც ე ს მ ა ნ უ მ ც რ ო ს თ ა კ ა ც ი დაუსთხოვე ჭენებით“  
(206.)

ისე, როგორც „ბერი“ უპირისპირდებოდა ყრმას თუ ყმას, ასევე, უხუცესი დაპირისპირებული იყო მრწემისა, უმცროსისადმი. ს.-ს. ორბელიანიც ამიტომ სიტყვა „უმცროსის“ განმარტებისას სხვათა შორის მიუთითებდა: „პირველ შობილსა უხუცეს უწოდენ და შემდგომად შობილსა მრწემი“, თუკი პირველშობილს, ე. ი. უფროსს „უხუცესი“ ეწოდებოდა, „ბერიც“, როგორც ასაკით ყველაზე უფროსის აღმნიშვნელი ტერმინი, შინაარსობრივად „უხუცესის“ სინონიმი უნდა ყოფილიყო. ამას ადასტურებს „დაბადების“ ქართული თარგმანის ერთი ადგილიც, სადაც „მოხუცებულნი ქალაქისანი“<sup>19</sup> არიან მოხსენიებულნი და რომელსაც სომხურ თარგმანში „*ժեղք քաղաքի*“ შეესატყვისება. სომხურ „*ժեղ*“, როგორც ზემოთ აღვნიშნეთ, ქართულ „ბერს“ ნიშნავდა. ამასთანავე, იგივე „*ժեղ*“, როგორც ვხედავთ, შეესატყვისებოდა აგრეთვე ქართულ „მოხუცებულთ“ ანუ „უხუცესთ“. ასე რომ; ძველი და ახალი აღთქმის თარგმანის ორი ქართული ტერმინი — „ბერი“ და „უხუცესი“ (ისე როგორც ბერძნული *ῥηγαι* და *πρεπιπρηποι*) ამ შემთხვევაში ერთი სომხური შესატყვისით — *ժեղ* — გამოიხატებოდა, რადგან ამ ორი ქართული ტერმინით არსებითად ერთი და იგივე ცნება აღინიშნებოდა.

ამრიგად, „ბერი“ ძველ ქართულში არსებითად იმასვე ნიშნავდა, რასაც „უხუცესი. და რაკი ეს ასე იყო, ცხადია, „ქართლის მართიანეს“ „ტფილელნი ბერნი“ და „ქალაქის ბერნი“ იმასვე აღნიშნავდა, რასაც „ტფილელნი უხუცესნი“ და „ქალაქის უხუცესნი“.

ტერმინი „ქალაქის უხუცესნი“, ან კიდეც „ტფილელნი უხუ-

<sup>18</sup> ლ უ კ ა, 15, 25.

<sup>19</sup> მეფეთა, 1. 16, 4.

ცესნი“ განვითარებული ფეოდალიზმის ხანაში, ალბათ, ისევე ხშირად ხმარებული ტერმინი იყო, როგორც „ქალაქის ბერნი“. მაგრამ ჩვენთვის ცნობილმა იმდროინდელმა ორიგინალურმა ნაჩრდიულმა თუ დოკუმენტურმა წყაროებმა იგი ვერ შემოგვინახა. ეს კი აიხსნება სათანადო წყაროების ჩვენამდე მოუღწევლობით, ნაკლებობითა თუ ჭკროვნად შეუსწავლელობით და არა თვით ამ ტერმინისა და სათანადო ინსტიტუტის არარსებობით.

ამ ვარაუდის სისწორეს სავსებით ადასტურებს ტერმინის — „ქალაქის უხუცესის“ „ქალაქთა უხუცესის“ ფორმით შემონახვა გვიანი შუა საუკუნეების დასავლურ დოკუმენტებში. როსტომ გურიელის XVI ს. ერთ სიგელში მოწმეთა შორის დასახელებულია „ქალაქთ უხუცესი გორჯასპი მახაძე“<sup>20</sup>. „ქალაქთ უხუცესის“ თანამდებობა არსებობდა აგრეთვე სამეგრელოს სამთავროშიც მის გაუქმებამდე, და იგი სამთავრო ქალაქებში სასამართლო ხელისუფლების წარმომადგენელი იყო<sup>21</sup>. ზედმეტია ლაპარაკი იმაზე, რომ გურიისა და სამეგრელოს მთავრების „ქალაქთ უხუცესები“ თავიანთი უფლება-მოვალეობითა და აგრეთვე იმით, რომ ისინი მთავრობის მიერ ინიშნებოდნენ, მნიშვნელოვნად განსხვავდებოდნენ XI ს. „ქალაქის უხუცესებისაგან“. მაგრამ ამჟამად ჩვენთვის საინტერესოა არა ეს, არამედ თვით ამ სამოხელეო ინსტიტუტისა და ტერმინის — „ქალაქთ უხუცესის“ — შემონახვა დასავლეთ საქართველში, სადაც, შეიძლება ითქვას, უცხოური გავლენა ამ მხრივ ნაკლები იყო<sup>22</sup>.

როგორც ვხედავთ, „ტფილენი ბერნი“ თუ ქალაქის ბერნი“ არა მარტო შეესატყვისებოდა „ტფილელ უხუცესთ“ თუ „ქალაქის უხუცესთ“, არამედ ამ ტერმინებით ამავე დროს განვითარებული ფეოდალიზმის ხანის საქართველოს ( ამ შემთხვევაში თბილისის) საქალაქო მმართველობისათვის დამახასიათებელი ინსტიტუტი აღინიშნებოდა.

ყოველივე ამის შემდეგ საჭიროა გავარკვიოთ თვით ამ ინსტი-

<sup>20</sup> Д. Бакрадзе, Археологическое путешествие по Гурии и Аджаре, გვ. 283.

<sup>21</sup> Акты, XII, გვ. 324; შტრ. III. А. М е с х и а, Города и городской строй феодальной Грузии, გვ. 304—305.

<sup>22</sup> „ქალაქის უხუცესის“ ინსტიტუტი, XI—XII სს. საქართველოს საქალაქო წყობილების გადმონაშთის სახით, შემოგვინახა გვიანი საუკუნეების თბილისმაც. მაგრამ XVI—XVII სს. ამ ინსტიტუტმა იმდენად საგრძნობი ცვლილება განიცადა, რომ იგი არც უფლებითა და არც სახელწოდებით არ ჰგავდა ძველ უხუცესთა ინსტიტუტს — მათ უკვე უცხოურად „ქ ე თ ხ უ ე ბ ს“ უწოდებდნენ.

ტუტის რაობა. ამაში დიდ დახმარებას გაგვიწევს პირველ რიგში ტერმინ „უხუცესის“ მნიშვნელობის გარკვევა საერთოდ და „ქალაქის უხუცესისა“ კერძოდ. „უხუცესი“ ძველ ქართულ წყაროებში ხშირად გვხვდება და არა მარტო ასაკით უფროსის აღსანიშნავად.

რაკი „უხუცესი“ თავდაპირველად ასაკით უფროსს ნიშნავდა, იგი თანდათან საერთოდ უფროსის აღმნიშვნელ ტერმინად იქცა. ამ გაგებით იხმარებოდა XI—XII სს. „უხუცესი“ როგორც საქალაქო ცხოვრებაში—ვაჭრობა-ხელოსნობაში, ასევე სახელმწიფოებრივ წყობაშიც.

ხელოსანთა შორის „უხუცესი“ ამა თუ იმ დარგის ხელოსანთა ჯგუფის, ორგანიზაციის გამგებელს, უფროსს ეწოდებოდა. ამ გაგებით არის ნახმარი ეს ტერმინი ბედიის საყდრის წარწერაში, სადაც „გალატოზთა უხუცესი სიმონი“ არის დასახელებული<sup>23</sup>. „ნიკოლოზ გალატოზთა უხუცესი“ მოხსენიებულია აგრეთვე შორეთის წარწერაში<sup>24</sup>. „ქელმწიფის კარის გარიგებაში“ მკერვალთ უხუცესი“ არის დასახელებული<sup>25</sup>, ხოლო ზარზმის მონასტრის ერთ-ერთ წარწერაში — „მხატვართ უხუცესი“<sup>26</sup>. გალატოზთა, მკერვალთა თუ მხატვარ-ხელოსანთა „უხუცესი“, ცხადია, მათზე ასაკით უფროსი კი არა, მათი გამგებელი, ზედამდგომელი, საქმით, თანამდებობით უფროსი იქნებოდა.

ამავე მნიშვნელობით იხმარება „უხუცესი“ ვაჭართა შორისაც. მაგ., „ვეფხისტყაოსანში“ არაერთხელ არის ნახსენები ვაჭართუხუცესი უსენი:

„მე ვარ მებაღე უსენის ვაჭართა უხუცესისა“ (1068);

ან კიდევ:

„შოასხნეს იგი ვაჭარნი და მათი უხუცესია“ (1580).

აქ, მოხსენიებული „ვაჭართა უხუცესები“, როგორც ეს თვით „ვეფხისტყაოსანში“ დაცული საინტერესო მასალებიდან ჩანს, ვაჭართა ორგანიზაციის უფროსები, მეთაურები იყვნენ.

სახელმწიფოებრივი საქმიანობის ცალკეულ დარგთა, უწყებათა გამგებლნი, ხელმძღვანელნი, უფროსნი იყვნენ ის „უხუცესებიც“.

<sup>23</sup> Brosset, Voyage, I, VIII, გვ. 91.

<sup>24</sup> Материалы по археологии Кавказа, XII, გვ. 12.

<sup>25</sup> ე. თაყაიშვილი, ქელმწიფის კარის გარიგება, 1920, გვ. 1.

<sup>26</sup> Е. Такайшвили, Археологич. эск., I, გვ. 47, შენიშ. 1.

რომელნიც XII—XIII სს. საქართველოს ცენტრალური სამოხელეო აპარატის წარმომადგენლებად მოიხსენიებიან. ასეთები იყვნენ: მწიგნობართუხუცესი, მეჭურჭლეთუხუცესი, მსახურთუხუცესი, მანდატურთუხუცესი, მესაწოლეთუხუცესი, მოლარეთუხუცესი, მეხილეთუხუცესი, მეჯამეთუხუცესი, მეღვინეთუხუცესი, მეაბჯრეთუხუცესი, საგანმგვოს უხუცესი და სხვ.

„ქალაქის უხუცესის“ რაობის გარკვევაში დახმარებას გაგვიწევს აგრეთვე ამ ქართული ტერმინის დაპირისპირება სხვა ენებში შესაბამის ტერმინებთან და ამით მათი საერთო შინაარსის დადგენა.

როგორც ზემოთ აღვნიშნეთ, „ბიბლიის“ ქართულ თარგმანში მოიხსენიებიან „მოხუცებულნი ქალაქისანი“ (მეფეთა, 1, 16, 4). მას სომხური „ბიბლიის“ სათანადო ადგილას „*ბხრე քաղաքին*“ შეესატყვისება; ძველ ბერძნულში— „*πρεσβυτεροι της πόλεως*“; სლავურში— «старейшины града», გერმანულში— «die Ältesten der Stadt», , ზოლო ინგლისურად— «elders of the town».

ნ. მარი, როგორც უკვე მივუთითეთ, შესაძლებლად თვლიდა მათე ედესელის მიერ მოხსენიებული „*ბხრე քաղաքին*“ შეედარებინა სომხური ეპიგრაფიკის „*სრիցანჩ*“-სა და ქართული წყაროს „ტფილელ ბერთათვის“ და ყველა ესენი რუსული «старейшины»-ს (უხუცესი, მამასახლისი) შესაბამის ტერმინად მიეჩნია<sup>27</sup>. ქალაქის ეს უხუცესები, მამასახლისები კი, ნ. მარისავე მტყიცებით, სომხეთში სათავეში ედგნენ დამოუკიდებელ საქალაქო ცხოვრებას და აღჭურვილნი იყვნენ საკანონმდებლო ხელისუფლებით ქალაქის ფარგლებში.<sup>28</sup>

მსგავსი შინაარსის მატარებელია ეს ტერმინი ძველ ბერძნულშიც. ქართული „ბერის“, „უხუცესისა“ და სომხური „*ბხრე*“-ის მსგავსად ძველბერძნული „*πρεσβυτερος*“ აღნიშნავდა არა მარტო „მოხუცს“, „წინაპარს“ და სხვა მსგავსს, არამედ „უხუცესსაც“—თანამდებობით, საქმით უფროსს. ამიტომაც ძველბერძნული „*πρεσβυτερος*“ „უხუცესთა საბჭოს“ აღმნიშვნელი ტერმინი იყო.

„ბიბლიის“ სლავურსა და რუსულ თარგმანებშიც ქართული „ქალაქის მოხუცებულნი“ ქალაქში თანამდებობის პირებად—უხუცესებად, მამასახლისებად არიან მიჩნეულნი—«Старейшины града (города)». ასეთსავე სამოხელეო შინაარს ატარებს ეს ტერმინი გერმანულში. გერმანულ ენაში ხანში შესულის, მოხუცის აღსანიშნავად

<sup>27</sup> Н. Я. Марр, Ани, გვ. 235, შენიშ. 131.

<sup>28</sup> იქვე, გვ. 65.

სხვა, საგანგებო ტერმინებია—Alte, ältlich—გამოყენებული; ამთ-  
გან ნაწარმოები სამოხელეო. ტერმინისათვის კი სხვა, კერძოდ—der  
Älteste, რაც აგრეთვე მამასახლისს, უხუცესს შეესატყვისება.

განსაკუთრებით საინტერესო ჩანს „ქალაქის მოხუცებულთა“,  
უხუცესთა ინგლისური შესატყვისი—elders of the town. როგორც  
ცნობილია, elder უხუცესს, მამასახლისს შეესატყვისება, და მაშასა-  
დამე, ამ შემთხვევაშიც „ქალაქის მოხუცებულნი“ იგებულა,  
როგორც ქალაქის მამასახლისები. მაგრამ მთავარი ისაა, რომ ამა-  
ვე სიტყვით, ან, უფრო ზუსტად, ამ სიტყვისაგან ნაწარმოები ტერმი-  
ნით—ოლდერმენი (alderman)—აღინიშნებოდა შუა საუკუნეების ინ-  
გლისის საქალაქო საბჭოს წევრთა სახელიც. როგორც ჩანს, „ქალაქის  
უხუცესობა“ შუა საუკუნეებში საქალაქო საბჭოს წევრობას გულის-  
ხმობდა.

ამრიგად, როგორც ზემოაღნიშნული მასალებიდან ჩანს,  
„ქალაქის მოხუცებულნი“ ანუ „ქალაქის ბერნი“ ქალაქის უხუცე-  
სებს, თავკაცებს, მამასახლისებს, საქალაქო საქმეთა გამგებელთ,  
„ქალაქის უფროსებს“, საქალაქო საბჭოს წევრებს ეწოდებოდათ.

„ქალაქის უხუცესი“ ან კიდევ „ქალაქის ბერი“ ძველ ქართულ-  
ში ერთადერთი ტერმინი არ ყოფილა, რომლითაც ქალაქის გამგებლე-  
ბი და უფროსები აღინიშნებოდნენ. ისეთ ტერმინად, რომელიც სა-  
ერთოდ თავკაცებს, უფროსებს აღნიშნავდა ძველ ქართულში, „თა-  
ვადიც“ უნდა ყოფილიყო. „თავადი“ XI—XII სს. ქართულში ისეთი-  
ვე ზოგადი ტერმინი იყო, როგორიც „უხუცესი“, „უფროსი“ და სხვა  
მსგავსი, ამიტომაც იგი ამა თუ იმ საქმის, უწყების, რაზმის თუ ჯგუ-  
ფის უფროსის, ხელმძღვანელის აღმნიშვნელი ტერმინიც იყო. ყო-  
ველივე ამის გამო, ბუნებრივია, ძველ ქართულში „ლაშქრის თავა-  
დის“, ან კიდევ, „ვაჭართა თავადის“<sup>29</sup> და სხვა მსგავს ტერმინთა გვერ-  
დით „ქალაქის თავადიც“ ყოფილიყო. მართლაც, „ქართლის მატია-  
ნეს“ ავტორს „განძელნი თავადნი“ ჰყავს დასახელებული<sup>30</sup>, დავი-  
თის ისტორიკოსს „ანელნი თავადნი“.: „მოვიდეს მწიგნობარნი  
ანელთა თავადთანი და მოაჯსენეს მოცემა ქალაქისა“ დავითს<sup>31</sup>.  
თამარის პირველ ისტორიკოსს კიდევ „თავადნი თავრეჟისანი“ ჰყავს  
მოხსენიებული.<sup>32</sup>

<sup>29</sup> იხ. „ვეფხისტყაოსანი“, სტროფ. 1058, 1062, 1222, 1273; ვ. ნოზაძე,  
„ვეფხისტყაოსნის“ საზოგადოებათმეტყველება, სანტ-იგო, 1958, გვ. 56, 57.

<sup>30</sup> ქართლის ცხოვრება, ტ. 1. გვ. 312.

<sup>31</sup> იქვე, გვ. 344.

<sup>32</sup> ისტორიანი და აზმანი შარავანდელთანი, გამოსცა კ. კეკელიძემ, 1941, გვ.

აღსანიშნავია, რომ ამ ქართულ ტერმინს („თავადი“) ძველ სომხურში *აღსად* — უფროსი, უხუცესი, დიდი, გამოჩენილი, პატივცემული — შეესატყვისება. მაგ., დავითის ისტორიკოსის მიერ მოხსენიებული „ანელნი თავადნი“ მისი თხზულების სომხურ თარგმანში *იქსადჟაყ ან[ღ]ი*“-დ იწოდებიან<sup>33</sup>.

„ანისის თავადები“ „ქალაქის თავადების“ (*იქსადჟაყ ჟაღაქან*) ფორმით მოხსენიებული ჰყავს ვარდან დიდსაც<sup>34</sup>. „ქალაქის თავადნი“ შინაარსობრივადაც საესებით ფარავდა „ქალაქის ბერებს“. როგორც ქვემოთ დავინახავთ, „ქალაქის თავადები“ ანისში ისეთივე უფლებით ყოფილან აღჭურვილნი, როგორითაც „ქალაქის ბერები“ XI ს. 40—60-იანი წლების თბილისში. საჭიროდ მიგვაჩნია აღვნიშნოთ აგრეთვე, რომ ქალაქის გამგებელთა, თავადთა, უფროსთა, „ქალაქის ბერთა“ აღსანიშნავად ძველ სომხურში *იქსადჟაყი* *იქსადორენ*“ — „ქალაქის მოთავეები“ — „თავაკები“ — იხმარებოდა. არისტაკ ლასტივერტელის სიტყვით, სწორედ ამათ, „ქალაქის თავაკებმა“ (*იქსადჟაყი* *იქსადორენ*), „რომელნიც იხსდნენ ანისში“, შესთავაზეს და გადასცეს კიდევ საქართველოს მეფეს ბაგრატ IV ქ. ანისი.<sup>35</sup> ანისის „ქალაქის თავაკები“ (*იქსადორენ*) მოხსენიებული ჰყავს აგრეთვე კირაკოზ განძაკელსაც<sup>36</sup>.

განსაკუთრებით აღსანიშნავია, რომ ივ. ჯავახიშვილი არისტაკ ლასტივერტელის მიერ მოხსენიებულ ანელ „ქალაქის თავაკებს“ „ანისის ბერებს“ უწოდებდა<sup>37</sup>.

„ქალაქის უხუცესები“, „თავადები“, „თავაკები“, ცხადია, ქალაქის მოსახლეობის ზედა ფენიდან, მათ შორის ყველაზე უფრო ნდობით აღჭურვილ, საპატრიო და პატივცემულ პირთაგან ირჩეოდნენ. ასეთებად კი პირველ რიგში მდიდარი და გავლენიანი მოქალაქეები, პრივილეგირებული დიდუპურები და ფინანსისტები იყვნენ. სწორედ ესენი გამოდიოდნენ თბილისის მოსახლეობის

<sup>33</sup> ქართლის ცხოვრების სომხური თარგმანი, გამოსცა ი. აბულაძემ, თბ., 1953, გვ. 251.

<sup>34</sup> *წმბტნი* *ქარიგანანი* *ჩარიძეხეიხეი* *ყათორქანი* *წიხეხეიხეი*, *წიხეხეიხეი*, 1861, გვ. 158.

<sup>35</sup> *ყათორქანი* *სქიხიოხეიხეი* *ქარიგაყხეი* *ლასთიქხეი*, *წმბტნი*, 1912, გვ. 61.

<sup>36</sup> *სქიხიოხეი* *ქარიგაყხეი* *წმბტნი* *ყათორქანი* *ლასთი*, *წმბტნი*, 1909, გვ. 244.

<sup>37</sup> ივ. ჯავახიშვილი, *ქართველ ერის ისტორია*, II, თბ., 1945, გვ. 142.

(„ხალხის“) სახელით, მათ წარმომადგენლებად. ამიტომაც ბუნებრივია, თუკი უცხოელ ავტორებს. მაგ., არაბ მოგზაურებსა თუ ისტორიკოსებს. თბილისის ეს პრივილეგირებული თავკაცები, „ქალაქის ბერები“ „ქალაქის კეთილშობილთა ჯგუფად“ (ალ-ფაკიბი), ან კიდევ, „თბილისის ხალხად“ (ალ-ფარიკი) ჰყავთ მოხსენიებული.

„ქალაქის უხუცესები“, „ქალაქის ბერები“, „თავადები“, საქალაქო საბჭოს წევრები ქალაქის საქმეთა უშუალო გამგებელნი იყვნენ. ქალაქის მოსახლეობის ასეთი ხელისუფლება თბილისში, როგორც ზემოთ აღვნიშნეთ, ქალაქის მფლობელის, ამირას ხელისუფლების გვერდით არსებობდა. ივ. ჯავახიშვილის სამართლიანი განცხადებით, ასეთ ვითარებაში „ქალაქის ნამდვილი პატრონები „ქალაქის ბერები“ ყოფილან, ამირა კიდევ „ბატონი“ იყო“<sup>38</sup> ზოგი საკითხის გადაწყვეტაში „ქალაქის ბერები“ ემორჩილებოდნენ ბატონს. მაგ., „ქალაქის ბერები“, „თავაკაცები“ ქალაქის მფლობელის, ბატონის გარეშე ვერ გადაწყვეტდნენ ისეთ საკითხებს, რომელიც ქალაქის კუთვნილებას, მის ბედ-იღბალს ეხებოდა. ამ მხრივ განსაკუთრებით საინტერესო ჩანს კირაკოზ განძაკელის ცნობა ანისის მფლობელისა და ქალაქის თავაკაცების ურთიერთობის შესახებ. იგი წერს: „ჩარმალანმა გაუგზავნა მათ დესპანები, რათა ისინი დამორჩილებოდნენ მას. ხოლო ქალაქში მყოფმა თავაკაცებმა (*ყქალაქიქან*) ვერ გაბედეს პასუხი გაეცათ შემოთვლილზე იშხან შაჰინშაჰისაგან დაუკითხავად, რადგანაც ქალაქი მის მფლობელობაში იყო“<sup>39</sup> როგორც ვხედავთ, ჩარმალანი დესპანებს „ქალაქის თავაკაცებთან გზავნის, მათთან, როგორც ქალაქის მნიშვნელოვან ხელისუფლებთან, მართავს მოლაპარაკებას ქალაქის დანებების შესახებ; მაგრამ, რაკი ქალაქს თავისი მფლობელი ჰყავდა, „თავაკაცები“, „თავადები“ მისგან დამოუკიდებლად მაინც ვერ გადაწყვეტდნენ ასეთ მნიშვნელოვან საკითხს—ქალაქის მონღოლებისადმი დანებების საკითხის გადაწყვეტაში ისინი, ცხადია, ქალაქის მფლობელის დაუკითხავად ვერ იმოქმედებდნენ. მაგრამ ეს იმას როდი ნიშნავს, რომ ამ მხრივ „ქალაქის თავადებს“ არაფერი ეკითხებოდათ და რომ ქალაქის მფლობელი ასეთი საკითხების გადასაწყვეტად არ მიმართავდა თვით „ქალაქის თავადებს“. „ქალაქის თავადთა“ ამგვარი უფლების გასათვალისწინებლად მნიშვნელოვან ცნობას ვარდან დიდი გვაწევ-

<sup>38</sup> ივ. ჯავახიშვილი, საქართველოს ეკონომიური ისტორია, 1907, გვ. 25.

<sup>39</sup> ყ ქ ი რ ა ს კ ი ს ი ზ ანძაკხეხი. გვ. 244—245.

<sup>40</sup> վարդան Քարմիրբերդեհի. გვ. 157—158.



დის. ვარდანის ცნობით, ანისის მფლობელის აბულსუარის ერთ-ერთ-მა შვილმა, ქალაქზე თავისი უფლე<sup>9</sup> ის აღსადგენად, თხოვნით მიმართა არა მარტო საქართველოს მეფის მიერ ანისის დროებით მფლობელად დატოვებულ ქართველ დიდებულს, არამედ აგრეთვე „ქალაქის თავადებსაც“. იგი წერს: „მაშინ აბულსუარის ერთი შვილი, რომელიც ხორასანში იყო, გაეგო თუ არა ის, რაც შეემთხვა თავის მამასა და ძმებს და აგრეთვე დავითის სიკვდილი, მოვიდა თავისი მამისეული ქალაქი ანისის საძიებლად და თხოვნით მიმართა აბულეთსა და ქალაქის თავადებს (جاساکھای خاقانکهن)“<sup>40</sup>. ამ მრავალმხრივ საინტერესო ამონაწერთან კარგად ჩანს, რომ ანისის ბედ-იღბალი არა მარტო მის ბატონს, დროებით მფლობელს, აბულეთს ეკითხებოდა, არამედ „ქალაქის თავადებსაც“. განსაკუთრებით საინტერესოა, რომ ქალაქის აღრინდელი მფლობელის მემკვიდრე ქალაქზე თავისი უფლების აღსადგენად თხოვნით მიმართავს თვით „ქალაქის თავადებსაც“. როგორც ჩანს, მათზე ამ მხრივ ბევრი იყო დამოკიდებული მაშინაც კი, როცა ქალაქს თავისი ბატონი, მფლობელი ჰყავდა.

„ქალაქის თავადები“, „ქალაქის ბერები“ ამგვარი საკითხების გადაწყვეტაშიც კი სავსებით დამოუკიდებელნი იყვნენ, როცა ქალაქს მფლობელი, ბატონი არ ჰყავდა. ასეთ ვითარებაში მათ თავიანთი სურვილის მიხედვით შეეძლოთ გადაწყვიტათ ქალაქის კუთვნილების საკითხი და მაშინ, როცა გართულებული საშინაო თუ საგარეო პირობების გამო თვით არ შეეძლოთ ქალაქის სრული დამოუკიდებლობა გამოეცხადებინათ, მათთვის სასურველ კანდიდატს იწვევდნენ „ქალაქის ბატონად“, სიუზერენად, მაგრამ საქალაქო მმართველობას თვით ინარჩუნებდნენ.

ასე მოიქცნენ „ქალაქის ბერნი“ XI ს. შუა წლების თბილისში „ქართლის მატიანესა“ და არაბული წყაროების მიხედვით. როგორც ცნობილია, თბილისის ამირა ჯაფარის გარდაცვალებისთანავე „ტფილისის ბერებმა“ „ქალაქის ბატონად“ პირველ რიგში საქართველოს მეფე მოიწვიეს, ასეთი მიწვევა მათ ორჯერ გააკეთეს. მაგრამ ბაგრატ IV ქალაქში, სხვადასხვა მიზეზების გამო, რომელსაც დეტალურად ჩვენ ქვემოთ განვიხილავთ, ვერ გამავრდა. ამის შემდეგ, მუნეჯიმ-ბაშის მიერ დაცული ცნობების მიხედვით, „თბილისის კეთილშობილთა ჯგუფმა“ (თბილელმა თავკაცებმა) განძის მფლობელს, შედადიანთა დინასტიის წარმომადგენელს აბულ-ასვარს მიმართა. მაგრამ, ბაგრატ IV-ს შიშით, ვერც აბულ-ასვარმა შეძლო თბილისის თავკაცების მოწვევის მიღება. „ქალაქის ბერები“ ანუ „ქალაქის კეთილშობილები“ იძულებულნი გახდნენ ახლა

კახეთის მეფის აღსართან გაგიკის ძისათვის მიემართათ და მისთვის გადაეცათ „ქალაქის კლიტენი“ და ციხე<sup>41</sup>. ჩვენთვის ამჟამად მნიშვნელობა არა აქვს იმას, რომ თბილისში ბაგრატის შიშით ვერც აღსართანი გაბატონდა და რომ იგი იძულებული გახდა ქალაქი საქართველოს მეფისათვის მიეყიდა. საინტერესოა მხოლოდ, თუ როგორ მიმართედნენ თბილისის ბერები ხან ერთ, ხან მეორე მფლობელს ქალაქის ჩაბარების მიზნით. იმ დროს ქალაქის თავკაცებს ასეთი გზით სურდათ თავიდან აეცილებინათ ჯაფარის შთამომავალთა გაბატონება ქალაქში; ისინი თბილისელთათვის, როგორც ჩანს, ქალაქის არცთუ სასურველი მფლობელნი იქნებოდნენ, ამასთანავე „ქალაქის ბატონის“ თავიანთი ნება-სურვილის მიხედვით შერჩევის შემთხვევაში „ტფილელ ბერებს“, ცხადია, მმართველობაში დამოუკიდებლობის შენარჩუნების მეტი შესაძლებლობაც ექნებოდათ.

განსაკუთრებით საინტერესოა, რომ სომხური წყაროების მიხედვით, ამგვარადვე მოიქცნენ XI ს. შუა წლებში ქ. ანისის თავკაცებიც. სწორედ იმ დროს, როცა თბილელი ბერები ბაგრატ I V-ს მიმართედნენ თხოვნით თბილისის ჩაბარების შესახებ, ასეთივე თხოვნით წარუდგნენ მას ანისის თავკაცებიც. არისტაკ ლასტივერტელის ცნობით, „ქალაქის თავკაცებმა (*քաղաքացի գլխավորքն*), რომელნიც იხზდნენ ანისში, როდესაც ნახეს, რომ გაგიკი დაკავებულ იქნა საბერძნეთში, დაიწყეს ფიქრი, რათა ქალაქი გადაეცათ ან დავით დვინელი-სათვის, რადგან დავითის და მისი (გაგიკის) ცოლი იყო, ან ბაგრატ აფხაზთა მეფისათვის“<sup>42</sup>. როგორც ცნობილია, ანისის თავკაცთა ეს მერყეობა ბაგრატის სასარგებლოდ გადაწყდა და „ქართლის მატიანეს“ სიტყვით, „მოსცეს ანელთა ანისი ბაგრატის დედასა, რამეთუ მამულად ეყვოდეს სომეხნი“<sup>43</sup>. „ანისის თავადები“ 80 წლის შემდეგაც თავიანთი ნება-სურვილის მიხედვით ირჩევენ ბატონს. დავითის ისტორიკოსის ცნობით, დავით აღმაშენებლის წინაშე „მოვიდეს მწვიგნობარნი ანელთა თავადთანი და მოახსენეს მოცემა ქალაქისა“<sup>44</sup>.

<sup>41</sup> V. Minorsky, *Studies in Caucasian History*, გვ. 19; Ахмед ибн Лихтенштейн, гв. 218; რ. კიკინაძე, არაბული და სპარსული ისტორიული წყაროები XI—XII სს. თბილისის შესახებ, „ცისკარი“, 1958, № 10, გვ. 164; რ. კიკინაძე, XI—XIII სს. თბილისის ისტორიიდან (აღმოსავლური წყაროების მიხედვით), ივ. ჯავახიშვილის სახ. ისტორიის ინსტიტუტის შრომები, V, 1960, გვ. 112.

<sup>42</sup> *Գատմուքիւն*, გვ. 61.

<sup>43</sup> ქართლის ცხოვრება, ტ. I, გვ. 299.

<sup>44</sup> იქვე, გვ. 344.

ამრიგად, როგორც ქართული, ასევე სომხური და არაბული წყაროებიდან ჩანს, „ქალაქის ბერები“, „თავკაცები“, „თავადები“ თუ უცხოური წყაროების „კეთილშობილთა ჯგუფი“ ქალაქის ერთადერთი ხელისუფალნი იყვნენ და თავიანთი ნება-სურვილის მიხედვით წყვეტდნენ ქალაქის ბედობას — ირჩევდნენ ქალაქის სასურველ „ბატონს“. ასეთი უფლებამოსილებით სარგებლობდნენ „ტფილისის ბერები“ XI ს. შუა წლების თბილისში და „ქალაქის თავადები“, „თავკაცები“ ანისში<sup>45</sup>.

წყაროების ძუნწი ცნობების მიხედვით შეიძლება გავითვალისწინოთ აგრეთვე „ქალაქის უხუცესთა“, „თავადთა“ სხვა რიგის უფლება-მოვალეობანიც. მაგ., „ქართლის მატთანესა“ და ალ-ფაკიპის ცნობების მიხედვით, როცა ქალაქში მისი მფლობელი ბატონი არ იყო, „ქალაქის კლიტენი“ და „ციხენი ქალაქისანი“ თბილისში „ქალაქის ბერებს“ ეპყრათ და ემორჩილებოდნენ. მაგრამ, როცა ქალაქს ბატონი მოუვიდოდა ან გაუჩნდებოდა, როგორც „კლიტენი ქალაქისანი“, ასევე ციხეც მას „ქალაქის ბერთაგან“ გადაეცემოდა. ერთიცა და მეორეც, როგორც ჩანს, ქალაქის მფლობელის ბატონობის ერთგვარი სიმბოლო იყო. ამიტომაც „ტფილელი ბერნი“ მათ მიერ მოწვეულ „ბატონს“ პირველ რიგში „ქალაქის კლიტეს“ მიაერთმევდნენ, ხოლო შემდეგ ციხეს გადასცემდნენ. „ქართლის მატთანეს“ ცნობით, ქალაქის ბერებმა „მთავართუნეს კლიტენი ქალაქისანი“ ბაგრატს. ამავე დროს, მეფემ „ალილო ციხე ქალაქისა დარიჯელი და ორნივე კოშკნი...და დაადგინა შიგან ლაშქარნი თუსნი და ერისთავნი“<sup>46</sup>.

როგორც ზემოთ აღვნიშნეთ, ბაგრატი ქალაქში ვერ გამაგრდა და „თბილისელ კეთილშობილთა ჯგუფმა“, ალ-ფაკიპის ცნობით, „კლიტენი ქალაქისანი“ აბულ-ასვარს მიაერთვა; მაგრამ ამ უკანასკნელმა, ვეზირის რჩევით, მალე შესცვალა თავისი გადაწყვეტილება და „მისცა უკან (თბილისელებს) ციხე-სიმაგრის კლიტენი“.

<sup>45</sup> უხუცესთა, თავკაცთა ხელისუფლება, როგორც ჩანს, დამახასიათებელი იყო აგრეთვე ამიერკავკასიის სხვა ქალაქებისათვის. მაგ., ქ. დვინის უხუცესთაგან ერთ-ერთი, კერძოდ, ბარმაქ იზნ-აბდალაჰი დასახელებული ჰყავს ბალასორს (იხ. Б а л д з о р и, Книга завоевания стран, пер. Жузе, Баку, 1927, გვ. 11). იზნ-ჰაუკალის ცნობითაც, „ქალაქი (დაბილი) იყო მისი მოსახლეობის კეთილშობილთა ნაწილის ხელისუფლების ქვეშ“ (იხ. Сборник материалов. вып. XXXVIII, 1908, გვ. 93—94); შდრ. აგრეთვე, Я. М а н а н д я н, О торговле и городах Армении, გვ. 231.

<sup>46</sup> ქართლის ცხოვრება, ტ. I, გვ. 299.

ამის შემდეგ თბილელმა თავკაცებმა აღსართან გაგიკის ძეს „მისცეს კლიტენი და ციხე-სიმაგრე“<sup>47</sup>.

აქვე უნდა შევნიშნოთ, რომ თბილელ უხუცესებს ემორჩილებოდა და ებარა საკუთრივ ქალაქის, მტკვრის მარჯვენა ნაპირის ციხე და კლიტენი. თბილისის სიმაგრეები ჰქონდა მტკვრის მარცხენა ნაპირზეც, მაგრამ ის, როგორც ჩანს, საკუთრივ ქალაქს არ ეკუთვნოდა და, ცხადია, არც „ქალაქის ბერებს“ ემორჩილებოდა. აქ, მტკვრის მარცხენა ნაწილის სიმაგრეებში, უმთავრესად, მაჰმადიანური სამხედრო ფეოდალური არისტოკრატია ბატონობდა. ამიტომ იყო, რომ ბაგრატ IV, რომელიც თვით „ქალაქის ბერების“ მიერ იყო მოწვეული თბილისში, იარაღით ფიქრობდა მტკვრის მარცხენა ნაპირის, ისნის დამორჩილებას<sup>48</sup>.

როგორც აღ-ფაქიძის ცნობებიდან ირკვევა, „ქალაქის ბერთა“ მოვალეობას შეადგენდა ზრუნვა ქალაქის დაცვისათვის, ქალაქის მოსახლეობის სურსათ-სანოვაგით უზრუნველყოფისათვის და სხვ. სწორედ ასეთი მოვალეობა აიძულებდა მათ თხოვნით მიემართათ ჯერ ბაგრატ IV-სათვის, ხოლო შემდეგ აბულ-ასვარისათვის, რათა გამოეგზავნათ „მათთვის (თბილისელთათვის) მცველთა რაზმი, იარაღი და სურსათ-სანოვაგე“.

ბაგრატ IV-მ, როცა თბილისი აღსართანისაგან შეისყიდა, ქალაქის „კეთილშობილთა ჯგუფის“ თხოვნის შესაბამისად, „სასწრაფოდ მისცა მათ (თბილისელებს) მცველნი და მოამარაგა ციხე ლაშქრით, იარაღითა და სურსათ-სანოვაგით“<sup>49</sup>.

„ქალაქის უხუცესთა“ ერთ უპირველეს მოვალეობას შეადგენდა ქალაქის პრივილეგიების შენარჩუნებისათვის ზრუნვა, ქალაქის მფლობელთან საჭირო ურთიერთობისა და საქალაქო განწყობათა დაცვა, მოქალაქეთა სამართლის წარმოება და სხვა. „ქალაქის უხუცესთა“ სამოსამართლო უფლებებზე ჩვენ XI—XII სს. თბილისის უხუცესთა მემკვიდრეების, გვიანი შუა საუკუნეების „ქალაქთა უხუცესების“ ასეთი ფუნქციებით აღჭურვა გვარწმუნებს. როგორც ქვემოთ საგანგებოდ იქნება ნაჩვენები, გვიანდელი „ქალაქთა უხუცესების“ ერთადერთ მოვალეობას სწორედ ქალაქებში სამართლის წარმოება შეადგენდა.

<sup>47</sup> V. Minorsky, Studies, გვ. 19; Л ю т ф у л л а х, გვ. 218; რ. კ ი ე ნ ა ძ ე, XI—XIII სს. თბილისის ისტორიიდან, გვ. 113.

<sup>48</sup> ქართლის ცხოვრება, ტ. 1., გვ. 299.

<sup>49</sup> V. Minorsky, Studies, იქვე; Л ю т ф у л л а х, იქვე; შდრ. რ. კ ი ე ნ ა ძ ე, XI—XIII სს. თბილისის ისტორიიდან, გვ. 113—114.

„ქალაქის ბერებს“ საქალაქო საქმეების განგებაში შეელოდნენ სხვა, მათდამი უშუალოდ დაქვემდებარებული პირები, მაგრამ ქალაქის ასეთ ხელისუფალთაგან წყაროებში მხოლოდ ზოგიერთია დასახელებული.

დავითის ისტორიკოსის ცნობიდან ირკვევა, რომ „ქალაქის თავადებს“ ანისში საკუთარი „მწიგნობარნი“ ჰყოლიათ. როგორც ზემოთ აღვნიშნეთ, სწორედ ეს „მწიგნობარნი ანელთა თავადთანი“ ეახლნენ დავითს და ქალაქის თავკაცთა მოწვევა გადასცეს<sup>50</sup>. ასეთი „მწიგნობრები“ უნდა ჰყოლოდათ აგრეთვე თბილელ ბერებსაც. „ქალაქის მწიგნობართ“, ალბათ, ქალაქის მოსახლეობის აღწერისა და შემოსავლის დავთრები თუ საერთოდ ქალაქის სამდივანმწიგნობრო საქმეები ებარათ<sup>51</sup>. „მწიგნობართ“, როგორც ჩანს, ზოგჯერ დიპლომატიური მისიის შესრულებაც შეიძლებოდა დაკისრებოდათ.

„ქალაქის ბერების“ ბრძანებათა შემსრულებელნი იყვნენ თბილისში (განსაკუთრებით მაშინ, როცა ქალაქში ამირა არ იყო) ქალაქის „დარბაზის ყმანი“<sup>52</sup>, ანუ, როგორც ივ. ჯავახიშვილი განმარტავდა, ქალაქის ამირას დარბაზის მოხელენი. იმ დროისათვის „ქალაქის ბერთა“ ხელქვეითნი ჩანან აგრეთვე „ქალაქის ცხენოსანნი“ ანუ ქალაქის მცველთა რაზმი. აღსანიშნავია, რომ თბილისის ჩასაბარებლად წამოსულ ბაგრატ IV-ს, „ტფილელ ბერთა“ მოწოდებითა და მათთან ერთად, დიღმის ველთან სწორედ „დარბაზის ყმანი და ცხენოსანნი“ შეეგებნენ<sup>53</sup>.

როგორც ვხედავთ, „ქალაქის ბერები“, „უხუცესები“, „თავადები“ ქალაქის, ამ შემთხვევაში თბილისის, სრულუფლებიან გამგებლებად ჩანან. ისინი განაგებდნენ ქალაქის ბედ-ილბალს არა მარტო მაშინ, როცა ქალაქს ბატონი არ ჰყავდა; მათ ხელთ იყო ქალაქის სამართალიც; მათვე ეკითხებოდათ ქალაქის დაცვისა და

<sup>50</sup> ქართლის ცხოვრება, ტ. I, გვ. 344.

<sup>51</sup> შტრ. ივ. ჯავახიშვილი, ქართული სამართლის ისტორია, II, ნაკ. I, გვ. 134—135.

<sup>52</sup> მატჩანე ქართლისა, ქართლის ცხოვრება, ტ. I, გვ. 299.

<sup>53</sup> პროფ. პ. გუგუშვილის ვარაუდით, „ქართლის შატაანეს“ „ყოველი ქვეითი დაკაზმული“ წერილ ვაჭრებს და ხელოსნებს უნდა გულისხმობდეს, ხოლო „დარბაზისა ყმანი“ ხელოსნთა და ვაჭართა კორპორაციების თავებს, რომელნიც ამავე დროს იქნებ მოლაშქრეთა რაზმის უფროსები და „უხუცესთა საბჭოს“ წევრებიც იყვნენ (იხ. П. В. Г у г у ш в и л и, Развитие промышленности в Грузии в XIX—XX вв., გვ. 28—29).

სურსათ-სანოვაგით მომარაგების ღონისძიებანი, ებარათ „კლიტენი ქალაქისანი“, ციხენი და მათ მკველთა რაზმი და სხვ.

ზედმეტია ლაპარაკი იმაზე, რომ „ტფილელნი ბერნი“, „ქალაქის უხუცესები“ არ შეიძლებოდა ქალაქის მფლობელის, ბატონის მიერ დანიშნული მოხელეები ყოფილიყვნენ. ამაზე მიუთითებს როგორც მათი უფლება-მოვალეობათა ზემომოცემული განხილვა, ასევე ისიც, რომ „ქალაქის უხუცესების“ ხელისუფლება დამოუკიდებლად განაგრძობდა არსებობას ქალაქის ამა თუ იმ ბატონის გადაშენებისა თუ ახლით შეცვლის შემთხვევაშიც. ამის გარდა, ასეთი ხელისუფალნი, რომელნიც „ქალაქის უხუცესებად“ იწოდებოდნენ და ქალაქის ბატონის მიერ იყვნენ დანიშნული, არ იცის არა მარტო ქართულმა, არამედ საერთოდ შუა საუკუნეების საქალაქო წესწყობილებამ.

ამრიგად, „ქალაქის ბერების“ უფლებამოსილება შეუძლებელია ქალაქის მფლობელისაგან ბოძებულად მივიჩნიოთ.

„ქალაქის უხუცესებს“; ქალაქის მოსახლეობის „კეთილშობილთა ჯგუფს“, ასეთი უფლებები მხოლოდ ქალაქის მოსახლეობისაგან, მოქალაქეებისაგან შეიძლებოდა ჰქონოდა მიღებული, ცხადია, თვით ამ წრიდან მათი არჩევის გზით. ამიტომაც, რომ ისინი უცხოურ წყაროებში ზოგჯერ ქალაქის მოსახლეობის „კეთილშობილთა“, „წარჩინებულთა ჯგუფად“, ან კიდევ, თვით „ქალაქის ხალხად“ არიან წოდებულნი. ასეთს, მოქალაქეთა წრიდან მათ მიერვე არჩეულ პირებს ჩვენ თამამად შეგვიძლია, გვიანდელი შუა საუკუნეების თბილური დოკუმენტების გამოთქმით, „აღმორჩეულნი მოქალაქენი“ ვუწოდოთ.

როგორც წყაროებიდან ჩანს, „ბერი“, „უხუცესი“ თბილისში არაერთი ყოფილა: მაშასადამე, ამ თანამდებობაზე რამდენიმეს ირჩევდნენ. რამდენიმე „აღმორჩეულს“ კი, რომ მათს მუშაობაში შეთანხმება ყოფილიყო, ერთგვარი შესაკრებელი ორგანო — საბჭო ანუ „ქალაქის კრებული“ უნდა შეექმნა. შემთხვევითი არ იყო, ცხადია, რომ „ქალაქის უხუცესობა“ შუა საუკუნეებში საქალაქო საბჭოს წევრობასაც გულისხმობდა.

ქართულმა თუ უცხოურმა წყაროებმა არ შემოგვინახეს პირდაპირი მითითებანი XI ს. თბილისში „ქალაქის ბერთა“ ანუ საქალაქო საბჭოს, კრებულის წევრთა რაოდენობის შესახებ. ივ. ჭავჭავიძემ „ქართლის მატთანეს“ ზემომოტანილ ცნობაზე დაყრდნობით შენიშნა, რომ თუ „ქართველ მეფისათვის დესპანებად „ბერები“ ორ სხვადასხვა ყრად შეეძლოთ გაეგზავნათ...

უეჭველია, ბლომად უნდა ყოფილიყვნენ: ათ კაცზე მეტი იქნებოდნენო<sup>54</sup>. ამჟამად „ქალაქის კრებულის“ რაოდენობის შესახებ უფრო უეჭველი ვარაუდის გამოთქმის შესაძლებლობა გვაქვს. ამ თვალსაზრისით განსაკუთრებულ ინტერესს იმსახურებს ალ-ფარიყის ცნობა იმის შესახებ, რომ თბილისს, ჯაფარიდთა ამოწყვეტის შემდეგ, მართავდა თვით „ხალხი“ და რომ ამ „ხალხთაგან“ „ყოველ თვეს ერთი მათგანი განაგებდა“ ქალაქს<sup>55</sup>.

როგორც ზემოთ არაერთგან მიუთითეთ, ალ-ფარიყის „ხალხი“ სხვას არაფერს აღნიშნავს თუ არა იმ ზედა ფენას, რომელიც ქალაქის ბედ-იღბალს განაგებდა და რომელსაც ქართულ-სომხური წყაროები „ქალაქის ბერებს“ ან კიდევ „თავადებს“, „თავაკებს“ უწოდებდნენ. თუკი ამ „ხალხიდან“ თითოეულს თითო თვით უნდა განეგო ქალაქი, ცხადია, მათი რაოდენობა 12-ზე მეტი მაინც არ უნდა ყოფილიყო. ამრიგად, საესებით შესაძლებელია, რომ „ქალაქის ბერთა“ ანუ „ქალაქის უხუცესთა კრებულის“ წევრთა რაოდენობა XI—XII საუკუნეთა მიჯნის თბილისში თორმეტი კაცით განისაზღვრებოდა<sup>56</sup>.

„ქალაქის კრებულის“ წევრთა რაოდენობა შეიძლებოდა შეცვლილიყო მოსახლეობის ცვლილებასთან დაკავშირებით, ისე, რომ თორმეტკაციანი საბჭო შეიძლებოდა ოცდართხკაციანი გამხდარიყო და პირიქით. ამიტომ, ცხადია, თბილისის „ქალაქის კრებულის“ ზემოდასახელებული რაოდენობა არ შეიძლება უცვლელ, ერთხელ და სამუდამოდ დადგენილ რაოდენობად ჩავთვალოთ. თუმცა ნიშანდობლივია, რომ XVIII ს. თბილისშიც „აღმორჩეულ მოქალაქეთა“, „ქეთხუდთა“ (X I—X II სს. „ქალაქის ბერთა“ ეპიგონების) რაოდენ-

<sup>54</sup> ივ. ჯ ა ვ ა ხ ი შ ვ ი ლ ი, საქართველოს ეკონომიური ისტორია, 1907, გვ. 25.

<sup>55</sup> ვ. ფ უ თ უ რ ი ძ ე, არაბი ისტორიკოსი XII ს. თბილისის შესახებ, გვ. 140; გ. წ ე რ ე თ ე ლ ი, არაბული ქრესტომათია, გვ. 68; V. Minorsky, *Caucasica in the History of Mauryāfirāqin*, გვ. 31; Из истории Майяфаринкина Ибн ал-Азрака ал-Фаринки, გვ. 222.

<sup>56</sup> აღსანიშნავია, რომ ევროპის ზოგ ქალაქშიც [სწორედ ამგვარად იყო განსაზღვრული ქალაქის საბჭოს წევრთა რაოდენობა. მაგ., XIII ს. ინგლისის ქალაქებიდან მხოლოდ ორ ქალაქში განისაზღვრებოდა წევრთა რაოდენობა 6—6 კაცით, ოთხ ქალაქში—12—12-ით, დანარჩენებში კი 24—24-ით (იხ. A. A. К и р и л о в а, Самоуправление английских городов, Труды МГПИ, т. CIV, Москва № 1957, გვ. 53).

<sup>57</sup> Ш. А. М е с х и а, Города и городской строй феодальной Грузии, გვ. 301.

ნობაც, ძირითადად, 12 კაცით განისაზღვრებოდა<sup>57</sup> ესეც იქნებ ძველიდანვე არსებული წესის შემონახვის მაოწყებელი იყოს...

XI ს. შუა წლების თბილისში „ქალაქის ბატონის“ მფლობელობის გვერდითა და მისგან დამოუკიდებლად ჩამოყალიბებული „ქალაქის ბერთა“ ხელისუფლება, „ქალაქის უხუცესთა კრებული“, რომელიც უმთავრესად საქალაქო საქმეების გადაწყვეტას დამოუკიდებლად აწარმოებდა, საქალაქო თვითმმართველობის ორგანო იყო.

ამრიგად, XI ს. 40-იანი წლებისათვის საქალაქო თვითმმართველობას თბილისში სავსებით ჩამოყალიბებული სახე ჰქონდა. ამ მხრივ თბილისმა, როგორც ჩანს, მნიშვნელოვნად გაუსწრო დასავლეთ ევროპის ბევრ ქალაქს<sup>58</sup>.

საქალაქო საბჭოს ანუ „ტფილელ ბერთა“ ხელისუფლების ჩამოყალიბება, ე. ი. თვითმმართველობის მოპოვება (თუნდაც ქალაქის გამგებლის არჩევის უფლებით), XI ს. შუა წლების თბილისისათვის, ისევე როგორც საერთოდ შუა საუკუნეების ქალაქებისათვის, ჯერ კიდევ არ ნიშნავდა თავისუფლების, დამოუკიდებლობის მოპოვებას. ქალაქის თვითმმართველობა XI ს. შუა წლების თბილისში, ისევე როგორც შუა საუკუნეების ინგლისის ყველა ქალაქში და გერმანია-საფრანგეთის ქალაქთა უმეტესობაში<sup>59</sup> არსებობდა მაშინ, როცა ქალაქი საბატონო იყო, ე. ი. როცა ის დამოკიდებულ, არათავისუფალ ქალაქს წარმოადგენდა<sup>60</sup>.

<sup>58</sup> მაგ., ინგლისის შუა საუკუნეების ქალაქებში საქალაქო საბჭო პირველად ლონდონში და ისიც 1193 წლიდან იწყებს ჩამოყალიბებას. საბოლოოდ კი ლონდონის საქალაქო საბჭო 1206 წლიდან გაფორმდა, როცა მეფე იოანემ ლონდონელებს ოფიციალურად უფლება მისცა აერჩიათ საქალაქო საბჭო. ინგლისის სხვა ქალაქებში კი საბჭოები ყალიბდებოდა XIII ს. 20-იანი წლებიდან ამავე საუკუნის დასასრულამდე. მსგავს სურათს ვხვდებით ევროპის სხვა ქვეყნების ქალაქთა უმეტესობაშიც (შხ. Round, *Commune of London*, 1899, გვ. 235—236; შდრ. A. A. Кириллова, *Самоуправление английских городов*, 53—54).

<sup>59</sup> Ф. Я. Полянский *Экономическая история зарубежных стран. Эпоха феодализма*, 1954, გვ. 285.

<sup>60</sup> პროფ. პ. გუგუშვილის შენიშვნით, მოსაზრება XI—XII სს. თბილისში თვითმმართველობის არსებობის თაობაზე ვერ უთავსდება იმდროინდელ საქართველოში თავისუფალი ქალაქების არსებობის შესახებ ჩვენ მიერ გამოთქმულ შეხედულებას და ამიტომ იგი მოითხოვს ამ უკანასკნელის გადასინჯვას (იხ. პ. გუგუშვილი, საქართველოსა და ამიერკავკასიის ეკონომიური განვითარება, II, 1956, გვ. 147. შენ. 2). მაგრამ ეს შენიშვნა არ შეიძლება გავიზიაროთ; როგორც ზემოთ იყო აღნიშნული, საქალაქო თვითმმართველობა თბილისში (და საერთოდ შუა საუკუნეების ქალაქებში) მაშინ ჩამოყალიბდა, როცა იგი თავისუფალი იყო; თბილი



ჩვენ ამჟამად გადაჭრით ვერაფერს ვიტყვით იმის შესახებ, თუ რაზე აღმოცენდა, კონკრეტულად რომელ საქალაქო ორგანოსაგან წარმოიქმნა თბილისის საქალაქო საბჭო, თბილელ ბერთა ხელისუფლება. დასავლეთ ევროპის შუა საუკუნეების ქალაქების ზოგი მკვლევარის აზრით, მუნიციპალიტეტის ჩანასახი ვაჭართა (სავაჭრო) ორგანიზაციებში უნდა ვეძებოთ (სტეფენსონი), ზოგის მიხედვით კი ქალაქის სასამართლოში (მეტლანდი). ძნელია იმის თქმა, თუ რომელმა ფაქტორმა შეასრულა გადაწყვეტი რილი თბილისის საქალაქო თვითმმართველობის წარმოშობაში. ჩვენი აზრით, ვაჭართა ორგანიზაციების სრულყოფილად განვითარება და, ამასთანავე, დიდვაჭართა განსაკუთრებული როლი შუა საუკუნეების საქართველოში<sup>61</sup> უდავოდ ხელშემწყობი პირობა იქნებოდა საქალაქო მუნიციპალიტეტის წარმოშობისათვის. აღსანიშნავია, რომ პროფ პ. გუგუშვილის მიხედვით, იმდროინდელ თბილისში „ვაჭართა გილდია“ (კავშირი) წარმოდგენილი უნდა ყოფილიყო სწორედ „ტფილელ ბერთა“ კორპორაციის სახით ანდა მათი მეთაურობით<sup>62</sup>. ასე რომ, პ. გუგუშვილსაც შესაძლებლად მიაჩნია საქალაქო თვითმმართველობის საწყისები თბილისში ვაჭართა ორგანიზაციებში დაინახოს, მაგრამ ამავე დროს „ქალაქის უხუცესთა“ სასამართლო ხელისუფლებით აღჭურვა იქნებ იმაზე მიგვიითთებდეს, რომ ამ ხელისუფლებამ — ქალაქის უხუცესობამ — თავისი დასაბამი სწორედ ქალაქის სასამართლოსაგან მიიღო. ცხადია, მხოლოდ შუა საუკუნის ქალაქის სოციალურ-ეკონომიკური განვითარების პირობებში შეიძლებოდა გამხდარიყო ორივე ეს ფაქტორი საქალაქო თვითმმართველობის წარმოქმნის მიზეზი.

როგორც ვხედავთ, თბილისის მოსახლეობის კლასობრივ ბრძოლას მნიშვნელოვანი შედეგისათვის — საქალაქო თვითმმართველობის ჩამოყალიბებისათვის მიუღწევია. მაგრამ ქალაქის ბრძოლა თავისუფლებისა და დამოუკიდებლობისათვის ამით არ დამთავრებულა. საქალაქო თვითმმართველობის — „ქალაქის უხუცესთა“; ანუ „ქალაქის კრებულის“ ხელისუფლების — ჩამოყალიბებით დამთავრდა ბრძოლის მხოლოდ პირველი ეტაპი.

სი იმ დროს „ამირა ბატონს ეკუთვნოდა. ასე რომ, ქალაქის თვითმმართველობის მოპოვება სრულებით არ გულისხმობს ქალაქის მფლობელისაგან დამოუკიდებლობის, თავისუფლების მოპოვებას და, მამასადამე, ჩვენ მიერ გამოთქმული მოსაზრება არათავისუფალ ქალაქებში თვითმმართველობის არსებობის შესახებ, როგორც ვხედავთ, გადასინჯვას არ საჭიროებს.

<sup>61</sup> შ. მ. ე. ს. ი. ა. და სხვ. თბილისის ისტორია, 1958, გვ. 50—51.

<sup>62</sup> П. В. Г у г у ш в и л и; Развитие промышленности в Грузии в XIX—XX вв., გვ. 28.

ბრძოლა თბილისის დამოუკიდებლობისათვის

XI ს. 50-იანი წლებიდან დაიწყო ბრძოლა თბილისის დამოუკიდებლობისათვის. ეს იყო ქალაქის მოსახლეობის კლასობრივი ბრძოლის მეორე, დიდმნიშვნელოვანი ეტაპი, როცა იგი არ კმაყოფილებოდა მიღწეულითა და უფლების შემდგომი გაფართოებისათვის ბრძოლა ახალ, უფრო მაღალ საფეხურზე — თავისუფლების, დამოუკიდებლობის მოპოვებისათვის ბრძოლის საფეხურზე აპყავდა.

კლასობრივი ბრძოლის ეს ახალი საფეხურიც, ბუნებრივია, მკიდროდ იყო დაკავშირებული ქალაქის პოლიტიკურ ისტორიასთან, მის ცალკეულ მომენტებთან, გადახლართული იყო მასთან და, ზოგჯერ კი, ეს უაღრესად დიდი სოციალური ბრძოლა საშინაო თუ საგარეო პოლიტიკური ურთიერთობის სამოსელში ეხვეოდა.

XI ს. დამდეგისათვის დაწინაურების გზაზე შემდგარი თბილისის არა მარტო გაერთიანებული საქართველოს მეფის ბაგრატ IV-ს, არამედ აგრეთვე დიდი ფეოდალის, კლდეკარის ძლიერი ერისთავის, ლიპარიტ ლიპარიტის ძის ყურადღებასაც იქცევდა.

თბილისისათვის ბრძოლა მეფემ და ერისთავმაც (რომელიც მეფის დახმარებით ფიქრობდა თბილისისა და მისი მიდამოების ხელში ჩაგდებას) ერთად დაიწყეს. თბილისის ხელში ჩაგდების მიზნით იყო, რომ კლდეკარის ერისთავმა ლიპარიტ ბაღვაშმა და ქართლის ერისთავმა ივანე აბაზას ძემ თბილისის ამირა მუხათვერდს გაიტყუეს, შეიპყრეს და „დიდი ხანი დაყვეს პატიმრობასა შინა“. საქართველოს ახალგაზრდა მეფემ იმჯერად თბილისის შემოერთებაში ძლიერი ერისთავის კიდევ უფრო გაძლიერების ერთი მნიშვნელოვანი პირობა დაინახა და ჯაფარი „შეიწყალა... და გაუტევა ტფილისს ზედა ამირად“<sup>1</sup>. მაგრამ ამის შემდეგ არც ბაგრატ IV-ს და არც ლიპარიტს თბილისისათვის ბრძოლაზე ხელი არ აუღიათ.

რამდენიმე წლის შემდეგ ისევ „აზრახა ლიპარიტ ბაგრატს წაღება ტფილისისა“ და 1037 წ. მეფემ და მისმა მოკავშირეებმა ქალაქს ალყა შემოარტყეს. ალყა ორ წელიწადს გაგრძელდა; ქალაქი მძიმე განსაცდელში აღმოჩნდა: „შეაჭირვეს ტფილელთა...ვერლარა

<sup>1</sup> ქართლის მატიანე, ქართლის ცხოვრება, ტ. I, გვ. 296—297.

დაუდგმიდეს შიმშილთა და ბრძოლათა ძლიერთა“ — წერს, „ქართლის მატიანე“. ამან კი ქალაქის მფლობელის, ამირას, და ქალაქის გამგებელთა, მემბტიანეს სიტყვით, „ტფილელთა“ ერთიანობა და-არღვია: მოქალაქეთა წარმომადგენლები მეფისაყენ გადაიხარნენ და „ტფილელთა განიზრახეს მოცემა ტფილისისა“. ქალაქის მფლობელმა ამირამ კი „შემზადა ტივეები და ნავეები ღამით წარსვლად განდას“<sup>2</sup>. უკვე ამ დროიდან აშკარად ჩანს „ტფილელთა“ ანუ „ტფილელ ბერთა“ დამოუკიდებელი გამოსვლა ქალაქის შემდგომი ბედ-იღბლის გადასაწყვეტად ქალაქის ბატონის სურვილის წინა-აღმდეგ. მაგრამ იმჟამად „ტფილელთა“ სურვილი — ქალაქი უფრო ძლიერი მფლობელისათვის გადაეცათ — განუხორციელებელი დარჩა: „რომელთამე დიდებულთა...გააზრახეს მეფესა არ განძება ამირასი, და...დაჰკიდეს ზავი ამირასა, გამოაცხადეს და დაამკურდეს ამირა ტფილისსავე ზედა“<sup>3</sup>.

ამრიგად, თბილისის ძველ მფლობელთან საქართველოს მეფემ ზავი ჩამოავდო და იგი ისევ დაამკვიდრა ქალაქში. ამის შემდეგ ამირა ჭაფარი ქალაქის მფლობელად დარჩა სიკვდილამდე, ე. ი. 1045 წ. მიწურულამდე თუ 1046 წ. დამდეგამდე.

ჭაფარის გარდაცვალების შემდეგ თბილისში შექმნილი ვითარების შესახებ ჩვენ ქართული წყაროები არაფერს გვეუბნება. მაგრამ ამ ნაკლს, როგორც ზემოთ აღვნიშნეთ, ერთგვარად ავსებს მუნიჩიმ-ბაშის თხზულებაში დაცული საინტერესო ცნობები, ამოღებული XI ს. არაბი ისტორიკოსის ალ-ფაიჰის თხზულებიდან. მუნიჩიმ-ბაშის მიერ მოტანილი ცნობებიდან ირკვევა, რომ ამირა ჭაფარს ორი მემკვიდრე — მანსური და აბულ-ჰეიჯა — დარჩენია, რომელთაც მამის გარდაცვალებისთანავე ურთიერთშორის დაუწყიათ ბრძოლა თბილისის დასაკუთრებისათვის<sup>4</sup>. მაგრამ ქალაქის

---

<sup>2</sup> ქართლის ცხოვრება, ტ. I, გვ. 297; ჩვენ აქ საჭიროდ არ ვთვლით ვრცელი მსჯელობა გავმართოთ ტერმინ „ტფილელთა“ შინაარსის შესახებ. შევნიშნავთ მხოლოდ, რომ ზემოთხსენებულ ამონაწერში „ტფილელთა“ ქვეშ ქალაქის მთელი მოსახლეობა კი არ იგულისხმება, არამედ მათი ისეთი უფლებამოსილი წარმომადგენლები, რომელთაც შეეძლოთ ამირასაგან დამოუკიდებლად განევით საქალაქო საქმეები და, ამ კონკრეტულ შემთხვევაში, გადაეწყვიტათ „მოცემა ტფილისისა“. ამას გარდა, ცხადია, შემთხვევითი არ არის, რომ იგივე მემბტიანე, ქვემოთ, „ტფილელს“ „ტფილელ ბერთა“, „ქალაქის ბერთა“ მნიშვნელობით ხმარობს (იხ. იქვე, გვ. 302)

<sup>3</sup> ქართლის ცხოვრება, ტ. 1., გვ. 297—298.

<sup>4</sup> V. Minor sky, Studies in Caucasian History, გვ. 19; Лютфуллах, გვ. 218; რ. კიკნაძე, XI—XIII სს. თბილისის ისტორიიდან, გვ. 112.

მოსახლეობას, კერძოდ, მის მმართველ ზედა ფენას, არც ერთის გაბატონება სურდა და არც მეორისა. იქმნებოდა ხელსაყრელი პირობა ქალაქის ბატონისაგან განთავისუფლებისათვის და მართლაც ურთიერთშორის მებრძოლი ძმები ქალაქის მმართველმა წრემ თბილისიდან გააძევა. ასეთ ვითარებაში ქალაქის ხელისუფლება მთლიანად და განუყოფლად „ტფილელ ბერთა“ ხელში გადავიდოდა. ქალაქმა თავისუფლება მოიპოვა, მაგრამ „ქალაქის უხუცესებს“, გართულებული საშინაო მდგომარეობისაგან, კერძოდ თბილისისათვის მებრძოლ კლდეკარის ერისთავისა და ქალაქის ბატონობის მაძიებელ ძველ მეპატრონეთა მემკვიდრეების შემოტევებისაგან საკუთარი ძალებით თავის დაღწევის შესაძლებლობა არ ჰქონდათ. ამიტომ თბილისის გამგებელნი იმჟამად იძულებულნი ხდებოდნენ ქალაქის ძველი მფლობელის თავიდან მოსაცილებლად. ახალი, ძლიერი და მათთვის უფრო მისაღები ბატონის მფარველობა ეძებნათ. ამით იხსნება, რომ „ტფილელმა ბერებმა“ ქალაქის საპატრონოდ მიღება, პირველ რიგში, გაძლიერების გზაზე განუხრელად შემდგარ საქართველოს მეფეს ბაგრატ IV-ს სთხოვეს. 1046 წ. გაზაფხულზე, როცა ბაგრატ IV ანაკოფიის ციხის ასაღებად იყო გამზადებული, „ქართლის მატინანს“ სიტყვით, „მოვიდეს ტფილელნი ბერნი, რამეთუ მის ჟამისა პირველ მომკუდარ იყო ტფილელი ამირა ჯაფარ. უქადეს ქალაქი და უქმეს სასწრაფოდ...“ თბილისის უხუცესთა ასეთი მიწვევა სავსებით ემთხვეოდა საქართველოს გაერთიანებისათვის მებრძოლი მეფის ინტერესებს და ამიტომაც ბაგრატმა სასწრაფოდ იბრუნა პირი თბილისისაკენ: „და ამოიარა მეფემან და მოვიდა ქართლს და მოვიდეს სსუანი მკომბელნი ბერნი ტფილელნი. წარემართა ტფილისად და მოეგებნეს ქალაქის ბერნი, დარბაზის ყმანი, ცხენოსანნი დიდმისა ველსა და ყოველი ერი ქუეითი... შეიყვანეს და მოავლეს ქალაქი... და მოართუნეს კლიტენი ქალაქისანი და შეიყვანეს საამიროსა დარბაზსა. დაჯდა მეფე ბაგრატ საურავად“.

ეს 1046 წ. მოხდა. მაგრამ ბაგრატი, კლდეკარის ერისთავის მტრობითა და შოშით, თბილისში დიდხანს ვერ გამაგრდა. იგი იმავე წლის დასასრულს თუ არა 1047 წ. დამდეგს მაინც იძულებული გახდა თბილისი დაეტოვებინა. პირველი მარცხის მიუხედავად „ტფილელნი ბერნი“ თავს არ ანებებენ ბაგრატს და განაგრძობენ ბრძოლას ადრე მიღებული გადაწყვეტილების სისრულეში მოსაყ-

<sup>5</sup> ქართლის ცხოვრება, ტ. 1, გვ. 299.

ენად. 1048 წ., თურქების მიერ ლიპარიტ კლდეკარის ერისთავის დატყვევების შემდგომ, „კულად უვმეს ტფილელთა და მოსცეს ტფილისი ბაგრატს, და შეიყვანეს შინა. და იყო სიხარული და მშუდობა დიდი“<sup>6</sup>. საქართველოს მეფე 1048 წლიდან მოკიდებული თბილისს სამი წლის განმავლობაში მაინც ფლობდა, მაგრამ მას იმ დროს არ მოუსპია „ტფილელ ბერთა“ ხელისუფლება. ბაგრატ IV-ს თბილისში მოწვევის ერთ-ერთი და მთავარი პირობა, ცხადია, მომწვევეთა ხელისუფლების შენარჩუნება იქნებოდა. მეფე ქალაქის მხოლოდ მფარველი, ბატონი იყო, საქალაქო საქმეების გამგებლად კი ისევ ძველი ხელისუფალნი რჩებოდნენ — მათი შემკვლე-ლნი, ბაგრატის თბილისში ყოფნის დროს, მეფის მიერ დანიშნული სხვა ვინმე მოხელე არაეინ ჩანს.

1051 წ. ლიპარიტ ბაღვაში ბიზანტიელებმა ტყვეობიდან გამოიხსნეს. გაიგო თუ არა ეს, „დააგდო ბაგრატ ტფილისი ლიპარიტის გზითა... (ლიპარიტ) მოირთო ბერძენთა მეფისაგან ძალო. და ვერლარა დაუდგა ბაგრატ“<sup>7</sup>. ასე რომ, ბაგრატმა ხელმეორედ დაჰკარგა ქალაქი.

„ქართლის მატთანე“ ამ ამბების მოთხრობის შემდეგ ვიდრე XI ს. 70-იან წლებამდე წყვეტს თბილისის შესახებ რაიმე ცნობების მოწოდებას. მაგრამ ამ შემთხვევაშიც მუნეჯიმ-ბაშის საინტერესო ცნობებით შესაძლებელი ხდება არსებული ხარვეზის ნაწილობრივ შევსება.

ბაგრატის თბილისიდან მეორედ გასვლის შემდეგ, როგორც ჩანს, თბილელ ბერებს, რაკი ქალაქს ერთგვარი მშვიდობა ჰქონდა, მთელი ათი-თერთმეტი წლის მანძილზე ახალი მფარველი არ უძებნიათ. ამ პერიოდში ისინი თვით განაგებდნენ ქალაქს. მაგრამ XI ს. სამოციანი წლებისათვის მდგომარეობა ისევ შეიცვალა. თბილისისათვის მებრძოლი ძმები — მანსურა და აბულ-ჰეიჯა, ისევ გააქტიურებულან: თბილისის დამოუკიდებლობას ახალი საფრთხე დამუქრებია. ამიტომაც თბილისის უზუცესები 60-იანი წლებიდან ისევ შედგომიან მათთვის სასურველი მფარველის ძიებას.

რაკი „ტფილელნი ბერნი“ დარწმუნებულნი იყვნენ, რომ საქართველოს მეფეს, დიდგვაროვანთა წინააღმდეგობის გამო, თბილისში გამაგრება არ შეეძლო, ამჟამად მათ სხვა მფარველის ძებ-

<sup>6</sup> ქართლის ცხოვრება, ტ. I, გვ. 302.

<sup>7</sup> ქართლის ცხოვრება, ტ. I, გვ. 303.

ნა დაუწყიათ, ასეთად კი XI ს. 60-იანი წლებისათვის შედარიანი აბულ-ასვარი მიუჩნევიათ. ფაკიპის ცნობით: „454 (1062) წელს მასთან (აბულ-ასვართან) მივიდა თბილისის კეთილშობილთა ჯგუფი და სთხოვა მას გამოეგზავნა ვინმე, რომელსაც ისინი ჩააბარებდნენ (თბილისის) ციხე-სიმაგრეს... გამოეგზავნა მათთან ლაშქარი, იარაღი და სურსათ-სანოვავე. აბულ-ასვარს სურდა ამ წინადადების მიღება, მაგრამ მისმა ვეზირმა ბახტიარ იბნ სალმანმა შეაჩერა იგი... მაშინ აბულ-ასვარმა თავი შეიკავა ამ წინადადებაზე პასუხის გაცემისაგან და დაუბრუნა მათ კლიტენი ციხისა. ისინი (თბილისელები) მობრუნდნენ და ეს კლიტე და ციხე გადასცეს აღსართან გაგიკის ძეს, შაქის მფლობელს, რომელმაც მიიღო იგი, მისცა მათ ძვირფასი საჩუქრები და გაუშვა ისინი. შემდეგ მან მიყიდა ის (თბილისი) დიდი თანხის ფასად რუმის მფლობელს და რუმის მეფემ დაუყოვნებლივ გააგზავნა იქ შიჰნა და მოამარაგა ის ლაშქრით, იარაღით და სურსათ-სანოვავით. მან გასცა ბრძანება გაეფართოებინათ გზები მთებში, რათა გაადვილებოდათ ურწმუნოებს იქიდან გადასვლა ისლამის ქვეყნებში“<sup>8</sup>.

ზემომოტანილი ცნობა მრავალმხრივ იქცევს არა მარტო თბილისის, არამედ საერთოდ საქართველოს ისტორიის მკვლევართა ყურადღებას. მაგრამ ამ ცნობის ყოველმხრივ განხილვას ჩვენ აქ არ შევუდგებით (ასეთი სამუშაო ამჟამად ჩატარებულია კიდეც).

ამ ცნობაში, ჩვენთვის საინტერესო საკითხის შესწავლის თვალსაზრისით, პირველ რიგში, ყურადღებას იქცევს ის, რომ 1062 წელსაც, ისე როგორც 1045—1047 წლებში, თბილისის ბედობლის გადამწყვეტად ისევ „თბილისის კეთილშობილთა ჯგუფი“ გამოდის. როგორც ჩანს, თბილელ ბერებს თავიანთი ხელსუფლება მომდევნო წლებშიც შეუნარჩუნებიათ და ერთგვარად განუმტკიცებიათ კიდეც. ამ თვალსაზრისით ფაკიპის ცნობა წარმოადგენს „ქართლის მატრიანეს“ ზემომოტანილი ცნობების გაგრძელებას.

---

<sup>8</sup> V. Minorsky, Studies, გვ. 19; Л ю т ф л а х, გვ. 218; რ. კიკნაძე, XI—XIII სს. თბილისის ისტორიიდან, გვ. 113—114; ვ. მინორსკიმ სავესებით სწორად მიუთითა, რომ ფაკიპის მიერ მოხსენიებული „შაქის მფლობელი“ აღსართან გაგიკის ძე კახეთის მეფეა, რომლის სამფლობელოს აღსანიშნავად ჩვენს წყარო „შაქსა“ და „ჯურხანს“ ხმარობს, ხოლო „რუმის მფლობელი“ კი საქართველოს მეფე ბაგრატ IV, რომლის სამფლობელოსაც იგივე წყარო „აფხაზსა“ და „რუმს“ უწოდებს (მხ. V. Minorsky, Studies, გვ. 65; შდრ. რ. კიკნაძე. დასახელებული წერილი, გვ. 114, შენ. 21).

ამავე ცნობიდან ვგებულობთ აგრეთვე, რომ ბრძოლა თბილისის ძველ მფლობელებსა — ჯაფარიდებსა და მის მოსახლეობას შორის გრძელდებოდა. სწორედ ეს აიძულებდა „თბილელ კეთილშობილთა ჯგუფს“ ისევ ისეთი დამხმარე ძალა ეძებნა, რომელიც მათ ახალი საფრთხისაგან დაიცავდა და ამავე დროს დამოუკიდებლობასაც შეუნარჩუნებდა. ამ მიზნით „თბილელ კეთილშობილებს“ ანუ „თბილელ ბერებს“, ფაიკის ცნობით, ჯერ აბულასეარისათვის მიუმართავთ, ხოლო შემდეგ აღსართანისათვის. მაგრამ ვერც ერთსა და ვერც მეორეს, ალბათ ბაგრატ IV-ს შიშით, ვერ მოუხერხებია თბილისში გაბატონება. აღსართან გაგიკის ძე, რომელმაც გადაწყვიტა მიეღო „თბილელ კეთილშობილთა“ წინადადება, იძულებული გამხდარა ქალაქი მალე, მართალა, დიდი თანხის საფასურად, დაეთმო საქართველოს მეფე ბაგრატ IV-სათვის. ბაგრატი, როგორც ჩანს. იმდენად დაინტერესებული ყოფილა თბილისში გაბატონებით, რომ იგი საამისოდ დიდი თანხის გაღებასაც არ დარიდებია. მეფე იმჟამად თბილისზე უარს იმიტომაც არ იტყოდა, რომ მისი ძლიერი მოწინააღმდეგე, თბილისისათვის მებრძოლი კლდეკარის ერისთავი უკვე დამარცხებული იყო.

ჩვენ არ ვიცით, თუ რამდენ ხანს გასტანა ბაგრატ IV-ს მფლობელობამ თბილისში, მაგრამ საფიქრებელია, რომ იგი ორ-სამ წელიწადზე მეტ ხანს არ უნდა გაგრძელებულიყო. ჩვენი აზრით, თურქ-სელჯუკთა საქართველოში პირველი ლაშქრობა (1065 წ.) უნდა ყოფილიყო მიზეზი ბაგრატის მიერ თბილისის დატოვებისა და იქ ისევ ქალაქის მფლობელ ჯაფარიდთა ხელისუფლების — უდავოდ, ალფ-არსლანის ხელშეწყობით — აღდგენისა. ცხადია, შემთხვევითი არ არის ქართული და აღმოსავლური წყაროების საერთო ჩვენებანი ალფ-არსლანის საქართველოში ლაშქრობის დროს თბილისის ამირას მოკავშირეობისა და მისი თან ხლების შესახებ.

ზემომოტანილი წყარო საინტერესო მასალას იძლევა ქალაქის მოსახლეობის სოციალური ბრძოლის ისტორიისათვისაც. ბრძოლა თბილისის მფლობელსა და ქალაქის მოსახლეობის ზედა ფენას შორის არსებითად იყო კლასობრივი, სოციალური ბრძოლა ქალაქის დამოუკიდებლობის მოსაპოვებლად, საპატრონო ურთიერთობისაგან გასათავისუფლებლად. მაგრამ ქალაქის მოსახლეობის კლასობრივი მისწრაფებანი, სხვადასხვა, საშინაო თუ საგარეო, მიზეზის წყალობით, ხშირად იზღუდებოდა; ამის გამო, ბრძოლის გარკვეულ ეტაპზე ქალაქი იძულებული ხდებოდა უკან დაეხია და უფრო მოსათმენი, სასურველი პატრონი ეძებნა.

ქალაქის „მამულობით მფლობელებისა“ და თბილისის მოსახლეობის ზედა ფენის ბრძოლა, რომელიც სავსებით აშკარა გახდა 1045 წლიდან (თუმცა „ტფილელებმა“ თავიანთი სურვილები უფრო ადრეც, 1039 წ. თბილისის ალყის დროსაც აშკარად გამოთქვეს), 1051 წლისათვის „ტფილელ ბერთა“ გამარჯვებით, ქალაქში მათი დამოუკიდებელი ხელისუფლების გაბატონებით დაგვირგვინდა, მაგრამ ის მხოლოდ 1062 წლამდე გაგრძელდა — ქალაქის უხუცესთა<sup>9</sup> ხელისუფლების განმტკიცება და საბოლოოდ დამკვიდრება შეუძლებელი გახდა. გართულებულმა საშინაო და საგარეო პირობებმა — ძველ მფლობელთა მიერ ბრძოლის განახლებამ, თურქ-სელჯუკთა გამოჩენამ — ახალი მფარველის ძიების აუცილებლობა დაბადა, ხოლო ბაგრატ IV-ს ხანმოკლე მფლობელობის შემდეგ თბილისის ძველ მფლობელთა ხელისუფლებაც კი აღდგა.

„ქართლის მატიანეს“ ცნობით, 1068 წ. საქართველოში მეორედ ლაშქრობის დროს, ალფ-არსლანს, სხვებთან ერთად, მოკავშირედ ჰყოლია „ტფილელი ამირა“<sup>9</sup>. ამასვე ადასტურებს აღმოსავლური წყაროც, კერძოდ, „ახბარ აღ-დავლათ ას-სელჯუკიას“ ცნობაც<sup>10</sup>. თბილისის ეს ამირა არ შეიძლება ბაგრატ მეფის მიერ თბილისში დანიშნული მოხელე ამირა იყოს, როგორც ამას ზოგი მკვლევარი ფიქრობს. იგი, უდავოდ, თბილისის ძველი მფლობელის ჯაფარის ერთ-ერთი მემკვიდრეა, რომელმაც თავისი მფლობელობა, ხანგრძლივი ურთიერთბრძოლის შემდეგ, ალფ-არსლანის შემწეობით (და არა ბაგრატ IV-სა) 1065 წლისათვის აღიდგინა. ბუნებრივია, ამიტომ ერთგულებდა იგი სულთანს და ამიტომაც გაუწია მას მოკავშირეობა თავისივე ძველი მტრის, საქართველოს მეფის ბაგრატ IV-ს წინააღმდეგ ბრძოლაში, რომელმაც „ტფილელ ბერთა“ ხელშეწყობით, ჯაფარის მემკვიდრეს არაერთხელ გაუცრუა თბილისში გაბატონების იმედები.

თბილისის ამირა, „ქართლის მატიანეს“ ცნობით, ალფ-არსლანის მარტო მოკავშირე კი არ იყო, არამედ აგრეთვე „ქარსა მისსა ზედა“<sup>9</sup> „ერთგულად დადგომილი“ და კეთილისმყოფელი მსახურიც. ცხადია, ალფ-არსლანთან ასეთი (ვასალური?) დამოკიდებულება არ შეიძლებოდა ჰქონოდა თბილისში საქართველოს მეფის მიერ დანიშნულ მოხელეს.

<sup>9</sup> ქართლის ცხოვრება, ტ. I, გვ. 309.

<sup>10</sup> V. Minorsky, Studies, გვ. 57—58; რ. კოკნაძე, XI—XIII სს. თბილისის ისტორიიდან, გვ. 117.



აღფ-არსლანმა მანც არ დაუფასა თბილისის ამირას არც მოკავშირეობა, არც „ერთგულად დგომა“ „კარსა მისსა ზედა“ და საქართველოდან უკან მიმავალმა სულტანმა „წარულო ტფილისი და რუსთავი, და მისცა ფადლონს, განძის პატრონსა. არა-თუ მეფეთა ჩუენთა მტერობისათუს ოდენ ამოსწყუდა ტფილისი და რუსთავი ამას სამეფოსა, არცა ამისათუს ქმნა, თუცა იგი ამირანი ორგულად დადგომილ იყვენეს კარსა მისსა ზედა, არამედ კეთილისა და მსახურებისა ნაცვლად ბოროტსა უყოფდიან ყოველსა კაცსა“<sup>11</sup>. ყოველივე ეს მოხდა ზამთარში, 1068 წ. მიწურულსა თუ 1069 წ. დამდეგს.

როგორც ვხედავთ, თბილისის ბრძოლამ დამოუკიდებლობისათვის იმჟამად მარცხი განიცადა. 1065—1068/9 წლებში იქ ისევ „თბილისის მემამულე“ ჯაფარიდების წარმომადგენელა ბატონობდა. მართალია, ჯაფარიდ ამირას ხელახალ მფლობელობას აღფ-არსლანმა ბოლო მოუღო, მაგრამ ქალაქს ამით, აოხრების გარდა, არაფერი მიუღია, პირიქით, თბილისს ახალი და უფრო ძლიერი მფლობელი — განძის პატრონი ფადლონი გაუჩნდა.

არც ფადლონის ბატონობა იყო ხანგრძლივი: 1069 წ. ზაფხულსა თუ შემოდგომის დამდეგს ბაგრატ IV-მ მოახერხა ფადლონის ხელში ჩაგდება. ქალაქის მფლობელი „გასუეს ძელსა და მიუპყრეს ტფილისსა; და აიღეს ჭირვეულად ტფილისი, რამეთუ მუნ შინა მდგომი კაცი თუთ გაამირებასა ლამობდა“<sup>12</sup>. საინტერესოა „ქართლის მატიანეს“ მიერ ხაზგასმული დეტალი — თუ არა ის თბილისელი კაცი, რომელიც თვით ფიქრობდა გაამირებას, ქალა-

<sup>11</sup> ქართლის ცხოვრება, ტ. I, გვ. 310. „ქართლის მატიანეს“ ამ ცნობაში „ამირათა“ შრავლობითი რიცხვით („იგი ამირანი“) მოხსენიება ზოგ მკვლევარს აფიქრებინებს, რომ თბილისში იმ დროს ორი ამირა იყო, ბაგრატ მეფის მიერ შემორიგებული და ხელდასხმული, ჯაფარის შვილები—მანსური და აბულ-ჰეიჯა (იხ. რ. კ. ი. ნ. ა. ძე, არაბული და სპარსული წყაროები თბილისის შესახებ, გვ. 164—165; მ. ი. ი. ვე, XI—XIII სს. თბილისის ისტორიიდან, გვ. 117; შტრ. გვ. 114). მაგრამ ასეთი დასკვნის გაკეთების შესაძლებლობას არ იძლევა „ქართლის მატიანეს“ ზემოთხილნი ცნობა, სადაც მარტო თბილისსა და მის ამირაზე კი არ არის ლაპარაკი, არამედ რუსთავსა და მის ამირაზედაც. ამიტომ, საყვებით ბუნებრივია იქ, ორ ქალაქთან ერთად, მათ ამირებზეც (ორ ამირაზე) იყოს ლაპარაკი. ამას გარდა, აღფ-არსლანის მეორე ლაშქრობის დროს (1068/9 წ.) თბილისში რომ ერთი ამირა იყო, ადასტურებს იმავე, მემატიანესა და ერთ-ერთი აღმოსავლური წყაროს ჩვენ მიერ ზემოთხილნი ცნობები აღფ-არსლანის მოკავშირეთა შესახებ, სადაც „ტფილელი ამირა“ დასახელებული და არა „ტფილელი ამირები“. ცხადია, თუ აღფ-არსლანის მეორე ლაშქრობის დასაწყისის თბილისში ერთი ამირა იყო, ასევე იქნებოდა ლაშქრობის დასასრულსაც.

<sup>12</sup> ქართლის მატიანე, ქართლის ცხოვრება, ტ. I, გვ 312.

ქის აღება მეფეს არ გაუჭირდებოდაო, როგორც ჩანს, შინაგანი ბრძოლა ქალაქში უფრო მწვავე ზასიათს იღებდა: ახლა, ჯაფარის ნაშეერთა თავიდან მოშორების შემდეგ, სხვა აღმოჩენილა ქალაქზე გაბატონების მსურველი. მეორე მხრივ კი, ქალაქის ასაღებად საქართველოს მეფე იბრძოდა; ამავე დროს ქალაქი ფადლონს ეკუთვნოდა და ამ უკანასკნელის მომხრეები მას ადვილად არ თმობდნენ. ასე რომ, თბილისის მოქალაქეებს სამი მხრივ უხდებოდათ ბრძოლა; ყოველივე ამან კი მათი ძალები დაქსაქსა, დაასუსტა და დამოუკიდებლობისათვის ბრძოლაც მარცხით დააგვირგვინა.

ბაგრატ IV-მ ქალაქი აიღო, მაგრამ, როგორც ჩანს, მეფეს იმჟამად თბილისის ფადლონისაგან დახსნა სურდა მხოლოდ. სამწუხაროდ, ჩვენ არ ვიცით, თუ რამ შეუშალა ხელი ბაგრატს მაშინ თბილისის შემოერთებაში; ფაქტი კია, რომ „არა დაიჭირა ბაგრატ თავისად ტფილისი, არამედ დმანისს დატევებული სითლარაბი ძებნა, შემოიყვანა ტფილისად (მემამულედ)<sup>13</sup> და მისცა მას ტფილისი. ხოლო თავისად აღიხუნა ციხენი რუსთავი, ფარცხისი, აგარანი, გრიგოლწმიდანი, ქავაზინი და ორმოცდაოთხი ათასი დრაპკანი, და მძევალნი ძმისწული მისი, ძე მანუჩასი, და სამთა თავადთა განძისათა<sup>14</sup>“.

სითლარაბი, რომელიც ბაგრატ IV-მ დმანისიდან საგანგებოდ „ტფილისად მემამულედ“ შემოიყვანა, ჯაფარიდების ერთ-ერთი, დმანისის შტოს შთამომავალი უნდა იყოს და ამიტომ ალბათ იგი „თბილისის მემამულედაც“ იყო მიჩნეული. თბილისის მფლობელობა მას ბაგრატ IV-მ მოუპოვა და ამის სანაცვლოდ მეფემ მისგან 44000 დრაპკანი მიიღო.

ცხადია, თბილისის „მამულობით“ მფლობელი არ შეიძლება მეფის მოხელე, ანუ თბილისში მეფის მიერ დანიშნული გამგებელი ყოფილიყო, როგორც ამას ივ. ჯავახიშვილი ვარაუდობდა<sup>15</sup>.

<sup>13</sup> ჩვენ მიერ ფრჩხილებში ჩასმული „მემამულედ“ იკითხება „ქართლის ცხოვრების“ როგორც ანასეულ (იხ. გვ. 195), ასევე მარიაშვილელ (გვ. 275) ნუსხებში, ამავე დროს ამ ტურმინს, ამ კონკრეტულ შემთხვევაშიც, მეტად საინტერესო შინაარსი გააჩნია (შეადარე თამარის ისტორიკოსის ცნობა: „უბოძა ანისი თესსავე მემამულესა და ითაყუნა თავისა თესის ყმად. „ისტორიანი და აზმანი“, კ. ეკელიძის გამოცემა, გვ. 64). მიუხედავად ამისა, პროფ. ს. ყაუხჩიშვილმა იგი „ქართლის ცხოვრების“ მის მიერ დადგენილ ტექსტში რატომღაც არ შეიტანა.

<sup>14</sup> შატბაგე ქართლისა, ქართლის ცხოვრება, ტ. I, გვ. 312.

<sup>15</sup> ივ. ჯავახიშვილი; ქართველი ერის ისტორია, II, გვ. 155.

მეფის მიერ ქალაქში დანიშნულ მოხელეს, ქალაქის გამგებელს, ცხადია, მეფის ერთდროული თუ ყოველწლიური ხარკი არ შეიძლებოდა მართებოდა. ასევე, ძნელი წარმოსადგენია, რომ მეფეს თავისი მოხელისათვის მძევალი ჩამოერთმია. ასე რომ, სითილარაზი ჭაფარიდების „მემამულეა“ და თბილისში ამგვარადვე, მის მფლობელად, „მემამულედ“ დამკვიდრებული. მაგრამ თბილისის ამ ახალ მფლობელს ხელს ადებდა მისი დამსმელი, საქართველოს მეფე და ამით იგი თბილისზე თავის გავლენასაც ახორციელებდა.

ამრიგად, 1069 წლიდან თბილისს, მის გამგებელ უხუცესებს არსებითად ორი ბატონი უჩნდებათ: ერთხელ კიდეც, ამჟერად საქართველოს. მეფის დახმარებით, აღსდგა თბილისში ჭაფარიდთა შთამომავლობის მფლობელობა და ამავე დროს თვით მეფის გავლენაც, მაგრამ არა დიდი ხნით — XI ს. 80-იანი წლებიდან ჭაფარიდების ეს უკანასკნელი „მემამულეც“ აღარ ჩანს. ჭაფარიდების მფლობელობის საბოლოოდ მოსპობა თბილისის მოსახლეობის ხანგრძლივი, მრავალწლოვანი ბრძოლის შედეგი იყო.

ჭაფარიდების საგვარეულოს ამოწყვეტის შესახებ საინტერესო ცნობა ისევ აღმოსავლურ წყაროს მოეპოვება.

იბნ-ალ-აზრაქ აღ-ფარიკის თხზულებაში ნათქვამია: „ბუთას თხუთმეტ (1121/22 წ.) წელს თბილისის ხალხმა ნეჯმ აღ-დინ ილ-ლაზის მოწვევა გაუგზავნა, რათა (მოსულმყო და) გადაეცათ მისთვის თბილისი. ამაზე წინ კი ორმოცი წლის განმავლობაში იგი (თბილისი) იყო მისი ხალხის ხელში. და მათ (თბილისელების) მფლობელად (მულლაქ) ორასი წლის მანძილზე იყო ჭგუფი ადგილობრივი ხალხისა ჭაფარიანიებად წოდებული, რომელიც ამოწყდა. შემდეგ გამგებლობა გადავიდა მისი (თბილისის) ხალხის ხელში და ყოველ თვეს განაგებდა (ქალაქს) ერთი მათგანი.

მეფე დაეითმა, ქართველთა და აფხაზთა მეფემ, ძლიერ შეავიწროვა (თბილისი). მაშინ მათ (თბილისელებმა) მიმართეს სულთან ტოდრულს, რომელიც იყო განჯასა და არანში. და მან მისცა მათ (თბილისელებს) ნაცვალი (შიპნა)<sup>16</sup>. მაგრამ არ წყდებოდა ქართველთ მეფის მხრით მათი შევიწროება. მაშინ ისინი (მეფე და თბილისელები) შეთანხმდნენ, რომ გაუგზავნონ მას (მეფეს) ათი ათასი დინარი ყოველწლიურად და რომ მათ (თბილისელებს) ეყოლებოდათ ნაცვალი (შიპნა) მხოლოდ ათი მხედრით. და დარჩნენ ამ პირობით კარგა ხანს. ამის შემდეგ გაუგზავნეს მათ (თბილისე-

<sup>16</sup> ამ ტერმინის შინაარსსა და მნიშვნელობაზე საგანგებოდ შეეჩერდებით ქვემოთ.

ლებმა) ნაჯიმ ად-დინს მოწვევა<sup>17</sup>. ამას შემდეგ მოსდევს მაჰმადიანთა კოალიციის შექმნისა და დიდგორის ომის ამბების აღწერა. ეს მეტად ძვირფასი და საინტერესო ცნობა, უკეთ, მისი ზოგი ადგილი, როგორც ზემოთ აღვნიშნეთ, არაერთხელ ყოფილა კომენტირებული ქართველ ისტორიკოსთა მიერ, მაგრამ იგი დღემდე ყოველმხრივი, სრულყოფილი განხილვის საგნად მაინც არ გამხდარა.

იმ მრავალ საკითხთა შორის, რომელსაც ეს ცნობა აღძრავს, ამჟამად ჩვენ ჯაფარიდების ამოწვევების დროის განსაზღვრა უნდა გამოვეყოთ.

ალ-ფარიკის ცნობიდან კარგად ჩანს, რომ ჯაფარიდები 200 წლის მანძილზე ბატონობდნენ და რომ მათი ბატონობა გაგრძელდა მანამ, სანამ ქალაქის გამგებლობა გადავიდოდა თვით „ხალხის“ ხელში; ეს კი, მისივე ცნობით, დავითის მიერ თბილისის შევიწროების დაწყებიდან და მისი ალებიდან (1121/22 წ.) 40 წლის უკან მოხდა. ამრიგად, ჯაფარიდები ამოწვევტილან XI ს. 80-იან (1121/22—40=1081/82) წლებში. ამგვარი ანგარიში კი სავსებით უდგება ქართული წყაროების ჩვენ მიერ ზემომოტანილ ცნობებს სითილარაბის, როგორც ჯაფარიდების უკანასკნელი „მემამულის“ შესახებ.

ამ ცნობებიდან ირკვევა ისიც, რომ სითილარაბის და საერთოდ ჯაფარიდების „მემამულეობა“ თბილისში 1069 წლიდან კიდევ 1081/82 წლამდე გაგრძელდებულა.

სარწმუნო ჩანს სგრეთვე ალ-ფარიკის ცნობა ჯაფარიდების 200 წლის განმავლობაში ბატონობის შესახებ თბილისში. მართლაც, ქართული და სხვა არაბული წყაროების ურთიერთშეჯერებიდან ირკვევა, რომ ჯაფარიდი ამირები თბილისში IX ს. 80—90-იანი წლებიდან ჩნდებიან<sup>18</sup>. ასევე გამოდის ალ-ფარიკის ცნობიდანაც (1081/82—200=881/82).

ალ-ფარიკის ცნობიდან სავსებით ნათლად ჩანს, რომ ჯაფარიდი ამირების შემდეგ თბილისის სხვა ამირა არ ჰყოლია, ქალაქი არ

<sup>17</sup> გ. წერეთელი, არაბული ქრესტომათია, გვ. 68 (თარგმანი ჩვენი თხზვნით შეასრულა დოც. ალ. ლეკიაშვილმა); V. Minorsky, *Caucasica in the History...*, გვ. 31; ვ. ფუთურიძე, არაბი ისტორიკოსი XII ს. თბილისის შესახებ, გვ. 139—140; Из «Истории Майяфарикина» Ибн ал-Азрака ал-Фарика, Труды института истории АН Аз. ССР, XII, 1957, Баку, გვ. 222.

<sup>18</sup> მ. ლორთქიფანიძე, თბილისის საამიროს ისტორიიდან, „მომოხილველი“, ტ. II, 1951, გვ. 196, 198, 200.

ყოფილა არც რომელიმე მეფის თუ მაჰმადიანი მმართველის ბატონობის ქვეშ. ამიტომ ამბობს ალ-ფარიკი, რომ ჭაფარიდების ამოწყვეტის „შემდეგ გამგებლობა გადავიდა მისი (თბილისის) ხალხის ხელში და ყოველ თვეს ერთი მათგანი განაგებდაო“ ქალაქს.

ჩვენ ამჟამად არ ვთვლით საჭიროდ ისევ განვმარტოთ, თუ ვინ უნდა იყოს ალ-ფარიკის მიერ მოხსენიებული „თბილისის ხალხი“. როგორც ზემოთაც შევნიშნეთ, აქ შეიძლება იგულისხმებოდეს მხოლოდ ქალაქის მმართველი ზედა ფენა, ანუ ქართული წყაროების „თბილელნი ბერნი“, ქალაქის უხუცესნი და არა ქალაქის მთელი მოსახლეობა.

ამრიგად, თბილისისა და მის ხელისუფალთა — „ტფილელ ბერთა“ მრავალწლოვანი ბრძოლა, რომელიც თავის დასაბამს XI ს. 40-იანი წლებიდან იღებს, ბოლოს და ბოლოს მათი გამარჯვებით, ქალაქის მთელი ხელისუფლების მათ ხელში გადასვლით დამთავრებულა. ეს კი იმას ნიშნავდა, რომ ქალაქის თვითმმართველობა ამიერიდან ქალაქის დამოუკიდებლობაში გადაიზარდა, თბილისი არსებითად „ქალაქ-კომუნად“ იქცა. ეს XI ს. 80-იან წლებში საქართველოში გიორგი II-ს მეფობის დროს მომხდარა, თვით გიორგი II-ს მეფობა (1072—1089), სამეფო ხელისუფლების დასუსტება მის დროს, გართულებული საშინაო და საგარეო ურთიერთობანი („დიდი თურქობა“) და სხვ. იყო ის ხელშემწყობი საგარეო პირობები, რომლებმაც უზრუნველყვეს „თბილელ ბერთა“ გამარჯვება. გიორგი II-ს თავისი მეფობის მანძილზე ყურადღება არ მიუქცევია თბილისისათვის, საამისოდ მას არც შესაძლებლობა ჰქონდა და არც სურვილი. მისი შემკვიდრე დავით IV აღმაშენებელი კი (1089—1125) თავის მეფობის პირველ ნახევარში არსებითად ნიადაგს ამზადებდა თბილისის შემოსაერთებლად და ამიტომაც იგი სათანადო პირობების მომწიფებამდე ქალაქისა და მის ხელისუფალთა შევიწროებას საჭიროდ არ მიიჩნევდა. პირიქით, დავითის, ერთ-ერთი უძლიერესი ხელისუფალის, მეფობა საქართველოში ობიექტურად ხელს უწყობდა თბილისის დამოუკიდებლობის, „ქალაქის უხუცესთა“ ხელისუფლების განმტკიცებას — საქართველოს ძლიერი მეფის შიშით მეზობელი მაჰმადიანი მფლობელები ვერ გაბედავდნენ ეცადათ თბილისის დაპყრობა, მით უფრო, რომ დავითი წარმატებით

ერეკებოდა მათ არა მარტო საქართველოდან, არამედ მისი მეზობელი ქვეყნებიდანაც<sup>19</sup>.

ამასთანავე, განსაკუთრებით აღსანიშნავია, რომ სამეფო ხელისუფლება, როგორც ეს კარგად ჩანს ევროპის ქალაქების ისტორიის მაგალითზე, ყოველთვის ერთნაირ და მტრულ დამოკიდებულებას კი არ იჩენდა ქალაქ-კომუნებისადმი. პირველ ხანებში, ე. ი. მანამ, სანამ სამეფო ხელისუფლება დაადგებოდა მტკიცე ცენტრალიზაციის გზას, იგი მხარს უჭერდა ქალაქ-კომუნებს, დამოუკიდებელ საქალაქო თვითმმართველობას და იყენებდა კიდევაც მათ მსხვილი ფეოდალების წინააღმდეგ ბრძოლაში. ქალაქი-კომუნებიც ამ პერიოდში სამეფო ხელისუფლების მოკავშირედ გამოდიოდნენ. სამეფო ხელისუფლებისა და თბილისის საქალაქო თვითმმართველობის ამგვარი დამოკიდებულება ჩვენ შეიძლება დავინახოთ ჯერ კიდევ ბაგრატ IV-სა და „ტფილელ ბერთა“ ურთიერთობის მაგალითზე; სამეფო ხელისუფლებისა და თბილისის, უკვე ქალაქი-კომუნის, ურთიერთობა კიდევ უფრო უნდა განმტკიცებულიყო დავით აღმაშენებლის მეფობის პირველ პერიოდში, როცა დავითი დაუნდობელ ბრძოლას აწარმოებდა სამეფო ხელისუფლების ცენტრალიზაციის წინააღმდეგ მებრძოლ მსხვილ საერო თუ სასულიერო ფეოდალებთან. ამ დროს თბილისი, საქართველოს ეს უძლიერესი ქალაქი, და სხვა ქალაქებიც, სამეფო ხელისუფლებას, ცხადია, განსაკუთრებით სჭირდებოდა. ამიტომ ბუნებრივია, თუკი მეფის ხელისუფლება ამ პერიოდში სრულებით არ ფიქრობდა ქალაქების შევიწროებას, ქალაქი-კომუნების გაუქმებასა და მათ შემოერთებას. დავით აღმაშენებლის ასეთი საშინაო პოლიტიკა, პირიქით, კიდევ უფრო ამტკიცებდა თბილისს, როგორც ქალაქ-კომუნას, და სხვა ქალაქებსა და მათს თვითმმართველობას. ასე რომ, თბილისის დამოუკიდებლობის მოპოვებისათვის, მისი ქალაქ-კომუნების

<sup>19</sup> დავითის ისტორიკოსის ცნობა ამის შესახებ, რომ სამშვილდის აღებამდე, ე. ი. 1110 წლამდე „ქალაქი ტფილისი, რუსთავი და სომხითი და ყოველი სამშვილდე და აგარანი თურქთა ჰქონდეს“ (ქართლის ცხოვრება, 1, გვ. 331), სრულებით არ ნიშნავს რომელიმე მაჰმადიანი მფლობელის ბატონობას თბილისზე. ისტორიკოსი ამ შემთხვევაში იმაზე მიუთითებს, რომ ქალაქი ჯერ კიდევ მეფის ხელისუფლების გარეშე იყო. რომ იგი საქართველოს მეფეს ჯერ კიდევ არ ეკუთვნოდა და რომ ამ ქალაქში იმდროინდელი მოსახლეობის (იქნებ მაჰმადიანური უმეტესობის) წარმომადგენელთა ხელისუფლება ბატონობდა. ეს რომ ასე არ ყოფილიყო, ცხადია, აღფაროკი ვერ ილაპარაკებდა XI ს. მიწურულისა და XII ს. დამდეგის თბილისში მისი მოსახლეობის, მისი „ხალხის“ ხელისუფლების არსებობის შესახებ და „თბილისის ღის“ თავიანთი ნება-სურვილით მოქმედების შესახებ.

მუნად გადაქცევისათვის XI ს. 80-იანი წლებიდან ერთგვარი ხელსაყრელი პირობები შეიქმნა. ხოლო დავით აღმაშენებლის მეფობის პირველ წლებში კი კიდევ უფრო განმტკიცდა თბილისის დამოუკიდებლობა და აქ წარმოშობილი საქალაქო კომუნა.

ამრიგად, XI—XII საუკუნეთა მიჯნის თბილისში საქალაქო კომუნის წარმოშობა შემთხვევითი კი არ იყო, არამედ სავსებით კანონზომიერი, იმდროინდელ საშინაო და საგარეო ისტორიულ პროცესთა მიერ გაპირობებული მოვლენა.

## თ ა ვ ი 1 V

### თბილისი — ქალაქი კომუნა

XI ს. 80-იანი წლებიდან, როგორც ზემოთ აღვნიშნეთ, თბილისმა დამოუკიდებლობა მოიპოვა, ქალაქში დამოუკიდებელი მმართველობა, კომუნა დამყარდა. ეს იმას ნიშნავდა, რომ ქალაქის გამგებლობა ამიერიდან მთლიანად „ქალაქის ბერების“, „უხუცესთა საქალაქო კრებულის“ ანუ უცხო წყაროების „თბილისის კეთილშობილთა ჯგუფის“, „თბილისის ხალხის“ ხელში გადავიდა.

იმდროინდელი თბილისის მმართველობის შესასწავლად არავითარი კონკრეტული მასალა არ დაუტოვებია არც ქართულსა და არც უცხოურ წყაროებს; ამიტომ სათანადო დასკვნების გაკეთება ამ შემთხვევაშიც უმთავრესად წყაროების არაპირდაპირ მითითებებზე დამყარებით გვიხდება. მაგ., აღ-ფარიკის ცნობიდან, თბილისის მფლობელების ამოწყვეტისა და ქალაქის გამგებლობის „თბილისის ხალხის“ ხელში გადასვლის შესახებ, შეიძლება დავასკვნათ, რომ ყველა ის უფლება-მოვალეობა, რომელიც მანამდე ქალაქის ბატონს, მფლობელსა და ქალაქის თვითმმართველობას შორის ნაწილდებოდა, ამიერიდან კონცენტრირებული იყო „თბილისის ხალხის“ ანუ თბილისის „უხუცესთა კრებულის“ (საბჭოს) ხელში, „ტფილელ ბერთა“ ხელში.

თუკი ქალაქის თვითმმართველობის არსებობის დროს „ტფილელ ბერთა“, „უხუცესთა“ ხელისუფლება ქალაქის ბატონის მფლობელობის გვერდით, ზოგჯერ მისი ნებართვითაც, არსებობდა და ზოგ საკითხს მის გარეშე ვერც გადაწყვეტდა, ბატონის ხელისუფლების გადაშენების შემდეგ ქალაქის საბჭო საქალაქო მმართველობის ერთადერთ ორგანოდ იქცეოდა.

ერთადერთიო ვამბობთ იმიტომ, რომ, როგორც ირკვევა, თბილისში კომუნის პერიოდში ქალაქის გამგებლის (მერის) ცალკე არჩევითი ხელისუფლება არ არსებობდა. თბილისში კომუნალური მმართველობა ამ მხრეს უფრო სხვაგვარად იყო მოწყობილი, ვიდრე შუა საუკუნეების ევროპის ქალაქებში, სადაც საქალაქო საბჭოსაგან დამოუკიდებლად ცალკე ირჩევდნენ აგრეთვე, ერთი წლის ვადით, ქალაქის მერსაც.

თბილისში, როგორც ალ-ფარაბის ცნობიდან ჩანს, ქალაქის გამგებელი (მერი) ცალკე კი არ აირჩეოდა, არამედ საბჭოს წევრთაგან გამოიყოფოდა ღროებით და მორიგეობით. ამიტომ ამბობდა ალ-ფარაბი, რომ ქალაქს „ყოველ თვეს ერთი მათგანი განაგებდაო“. ჩანს, საბჭოდან ქალაქის გამგებლად გამოყოფილი პირი ასეთ თანამდებობაზე მხოლოდ ერთი თვით იყო. მაშასადამე, ქალაქის გამგებლის (მერის) თანამდებობა თბილისში დამოუკიდებელი კი არ იყო, არამედ ქალაქის საბჭოს წევრებს თითო თვით ეძლეოდათ.

ჩვენ სამწუხაროდ, დანამდვილებით არ ვიცით, თუ რა ეწოდებოდა თბილისის იმდროინდელ გამგებელს; არც ის ვიცით, თუ რა უფლებით სარგებლობდა ის ამ ერთი თვის მანძილზე, როცა ქალაქის გამგებლობა ჰქონდა ჩაბარებული. მაგრამ, რაკი ქალაქის გამგებელი ძალიან მცირე ხნით და ისიც საბჭოს წევრთაგანი იყო, იგი მთლიანად იმ საბჭოსადმი უნდა ყოფილიყო დაქვემდებარებული, საიდანაც გამოიყოფოდა. ქალაქის გამგებელი მხოლოდ „პირველი იქნებოდა თანასწორთა შორის“ და ისიც ერთი თვით.

ისეთ პიროვნებას კი, რომელიც უპირველესი იყო ქალაქის გამგებელთა, „ქალაქის ბერთა“, „ქალაქის უხუცესთა“, ქალაქის თავადთა“ შორის, თვით შეიძლებოდა „ქალაქის უხუცესი“, ან კიდევ, „თავადი ქალაქისა“ რქმეოდა. როგორც ზემოთ იყო აღნიშნული, როგორც პირველი, ასევე მეორეც არაერთგან გვხვდება ქართულ ნარატიულ თუ დოკუმენტურ წყაროებში, მაგრამ ყოველთვის მრავლობითი რიცხვის ფორმაში — „თავადნი“, „ბერნი“, ალბათ იმის გამო, რომ ასეთ „თავადლ“, ან კიდევ „ბერად“ საბჭოს ყოველი წევრი იყო მიჩნეული. ქალაქის გამგებლის აღმნიშვნელ ტერმინად ძველ ქართულ წყაროებში გვხვდება აგრეთვე „მთავარიც“. „მთავარი ქალაქისა“ გვხვდება პეტრე იბერისა და ილარიონ ქართველის „ცხოვრებებში“, ე. ი. ისეთ ძეგლებში,

<sup>1</sup> იხ. ძველი ქართული ლიტერატურის ქრესტომათია, გამოსცა ს. ყუბანეი-შვილმა ტ. 1, 1946, გვ. გვ. 173, 260, 269.



რომელიც X საუკუნესა და მასზე ადრე არიან შედგენილი თუ თარგმნილი და ისიც საქართველოს საზღვრებს გარეთ. ეს კი იმის საბუთად შეიძლება გამოდგეს, რომ „მთავარი ქალაქისა“, „ქალაქის თავადთან“ ერთად, უძველესი ქართული ტერმინი იყო, რომელიც წინ უსწრებდა ამავე შინაარსის არაბულ „ამირას“, ქართულ „მოურავს“ თუ სომხურ „ქალაქპეტს“.

მართალია, უკვე XI საუკუნიდან მაინც შემოდის ტერმინი „მოურავიც“, რომელიც „მაურვებლისაგან“ უნდა იყოს ნაწარმოები (შდრ. თამარის ისტორიკოსის „მაურვებელი ქალაქისა“)<sup>2</sup>, მაგრამ „მოურავი“ ქართული წყაროებით ყოველთვის მეფის თუ ქალაქის სხვა მფლობელის მიერ დანიშნულ მოხელედ ჩანს და ამიტომ იგი ქალაქის არჩეული გამგებლის აღმნიშვნელად შეიძლება არც იყო გამოყენებული.

ასე რომ, ქალაქის, უხუცესთა საბჭოსაგან გამოყოფილ, გამგებელს XI—XII სს. მიჯნაზე „ქალაქის თავადი“ ან „ქალაქის უხუცესი“, ან კიდევ, „ქალაქის მთავარი“ უნდა რქმეოდა.

წყაროებს არ დაუცავთ პირდაპირი მითითება იმის შესახებ, თუ რამდენი ხნით იყო არჩეული თბილისის საქალაქო საბჭო, საიდანაც შემდეგ რიგრიგობით ირჩევდნენ „ქალაქის მთავარს“; მაგრამ ის, რომ ქალაქის საბჭო თორმეტი წევრისაგან უნდა ყოფილიყო შემდგარი და რომ თითოეული მათგანის გამგებლობა თითო თვე გრძელდებოდა, გვაფიქრებინებს, რომ თორმეტივე წევრის რიგრიგობით გამგებლობის შემდეგ თვით ამ საბჭოს უფლება-მოსილებაც უნდა დამთავრებულყო. ამრიგად, საფიქრებელია, რომ საქალაქო საბჭო თბილისში მხოლოდ ერთი წლის ვადით ირჩეოდა.

საბჭოს წევრთა ყოველწლიურად არჩევა, ცხადია, იმას არ ნიშნავდა, რომ ყოველ წელს საბჭოში ახალ-ახალი წევრები აერჩიათ. ისე; როგორც საერთოდ შუა საუკუნეების ევროპის ქალაქებში, ასევე თბილისშიც, საბჭოს წევრებად, არსებითად, ქალაქის მოსახლეობის ზედა ფენის ერთი გარკვეული წრის, დიდვაპართა გავლენიანი ოჯახების თავკაცებს ირჩევდნენ. ასე რომ, ეს არჩევითი ხელისუფლება ფაქტიურად. ერთი და იმავე პირთა ხელში იყო მოქცეული და ამით ჩვეულებრივ ირღვეოდა შუა საუკუნეების კომუნათა ე. წ. დემოკრატიზმი.

საქალაქო საბჭო და „ქალაქის მთავარი“, კომუნის ბატონო-

<sup>2</sup> ისტორიანი და აზმანი შარავანდელთანი, კ. კეკელიძის გამოცემა, გვ. 60.

ბის პერიოდში, ქალაქის სრული ბატონ-პატრონები იყვნენ, საქალაქო საქმეები მთლიანად და განუყოფლად მათ ეკუთვნოდათ. მათ ებარათ „კლიტენი ქალაქისანი“ და ემორჩილებოდნენ „ციხენი ქალაქისანი“ ქალაქის მცველთა რაზმითა და საქალაქო პოლიციით. ადრე ყველა ესენი ქალაქის მფლობელს ებარა თუ ემორჩილებოდა და ქალაქზე მისი ბატონობის ერთგვარ იარაღსა და სიმბოლოს წარმოადგენდა; ამჟამად კი საქალაქო საბჭოსა თუ მისი მთავრის ბრძანებით ხდებოდა „დაცვამ კართა ქალაქისათამ“ და სხვა საჭირო სამხედრო ღონისძიებანი; მათ ხელთ იყო ომის გამოცხადების თუ ზავის ჩამოგდების საქმე, სხვადასხვა მფლობელებთან და ქალაქებთან, მათ უხუცესებთან მოლაპარაკება-შეთანხმება და სხვა მსგავსი.

ქალაქის უხუცესების მოვალეობას ძველიდანვე (და იმჟამადაც) შეადგენდა ზრუნვა ქალაქის მოსახლეობის სურსათ-სანოვანო უზრუნველყოფისათვის; ქალაქის მონეტის მომჭრელებად ამიერიდან ქალაქის უხუცესები იყვნენ, მათვე ევალებოდათ საქალაქო გამოსაღებთა განაწილება თუ აკრება, საქალაქო კანონმდებლობის მოწესრიგება, მოქალაქეთა სამართლის წარმოება და სხვა.

ქალაქის უხუცესთა ამგვარ უფლება-მოვალეობაზე ჩვენ მათ მიერ ჩატარებული საქმიანობის შესახებ დაცული ცნობები და მასალები მიგვითითებენ. მაგ., ალ-ფარიკის ზემომოტანილი ცნობიდან კარგად ჩანდა, თუ როგორ გზავნიდა „თბილისის ხალხი“ თავის წარმომადგენლებს სხვადასხვა მფლობელებთან — ტორღულთან, ილ-ლაზისთან და სხვებთან. იმავე ცნობიდან ჩანს, რომ ქალაქის ამ ხელისუფალთ ქალაქის სახელით გაუმართავთ მოლაპარაკება საქართველოს მეფესთან და კიდევაც შეთანხმებულან მასთან გარკვეული პირობებით. მაგრამ როცა დავით IV-სათვის ეს პირობები დამაკმაყოფილებელი არ აღმოჩნდა და როცა მან აშკარად დაიწყო ქალაქის შევიწროება, კიდევ მეტი, ომიც კი გამოუცხადა მას, „თბილისის ხალხმაც“ მეფეს იარაღითვე უპასუხა და რამდენიმე დღის განმავლობაში იგი ალყაშემორტყმულ ქალაქს მდგრადად იცავდა. ცეცხლითა და მახვილით ქალაქის აღების შემდეგ დავით აღმაშენებელმა მშვიდობის ჩამოსაგდებად მოლაპარაკება ისევ „თბილისის ხალხთან“ გამართა და, როგორც ქვემოთ დავინახეთ, მათ გარკვეული პირობით, დროებით მაინც შეუნარჩუნა თვითმმართველობა.

ყოველ ზემოაღნიშნულ შემთხვევაში, როგორც ეს ალ-ფარიკის ცნობებიდან ჩანს, ქალაქის სახელით რომელიმე პირი — მისი

მფლობელი, ბატონი კი არ გამოდიოდა, არამედ თვით „თბილისის ხალხი“ ანუ „თბილელნი ბერნი“, „ქალაქის უხუცესნი“, რომელთა ხელშიც იმეამად თავმოყრილი იყო ყველა საქალაქო საქმე.

„ქალაქის უხუცესთა“ სამოსამართლო ფუნქციების შესახებ ძველ წყაროებში არავითარი მითითება არ მოგვეპოვება. მაგრამ ამ ნაკლს ნაწილობრივ ავსებს გვიანდელი მასალები, რომელიც ამ საკითხის შესასწავლად შეიძლება მოვიშველიოთ.

ზემოთ უკვე აღვნიშნეთ, რომ „ქალაქთუხუცესის“ თანამდებობა დასავლეთ საქართველოში მნიშვნელოვანი ცვლილებებით შემონახული იყო ქართული სახელმწიფოებრივი, სამოხელეო წყობილების არსებობის მთელ მანძილზე. ნიშანდობლივია, რომ „ქალაქთუხუცესები“ დასავლეთ საქართველოში მხოლოდ სამოსამართლო ხელისუფლების წარმომადგენლები იყვნენ და ისიც მხოლოდ ქალაქებში.

სამეგრელოს სამთავროს სასამართლო წყობილების შესახებ არსებულ გვიანდელ მასალებში ნათქვამია: «В сих учреждениях заключались две степени суда: низшая, которую составляли в округах Мингрелии местные окружные мдиван-беки, а в городах — калакт-ухуцесни или начальники городов... Окружные мдиван-беки входили в рассмотрение судебных дел на сумму до 150 р. с... Калактухуцесни, или начальники городов в правах своих по решению дел были равные окружным мдиван-бекам»<sup>3</sup>.

სამეგრელოს სამთავროს „ქალაქთა უხუცესებს“ („ქალაქის უფროსებს“) თავიანთ სახელწოდებებთან ერთად ასეთი ფუნქციებიც ნაანდერძევი პქონდათ ძველი საქართველოს „ქალაქის უხუცესებისაგან“. მაგრამ ძველსა და ახალს შორის განსხვავება მაინც მნიშვნელოვანი იყო: სამეგრელოს სამთავროს „ქალაქთუხუცესები“ სამთავრო ხელისუფლების წარმომადგენელი და მის მიერ დანიშნულნი იყვნენ ქალაქში; ამას გარდა ისინი ქალაქში ქვედა სასამართლო ინსტანციას წარმოადგენდნენ. მაშინ როცა XI—XII სს. ქალაქში, კერძოდ კომუნის დროინდელ თბილისში, „უხუცესნი ქალაქისანი“ თვით მოსახლეობის მიერ იყვნენ არჩეულნი და ისეთ ქალაქში, სადაც მთელი ხელისუფლება მათ ეკუთვნოდათ, უმაღლესი მოსამართლეებიც იქნებოდნენ.

„ქალაქის უხუცესები“, ძველი სამოსამართლო უფლებებით, გადმონაშთის, ტრადიციის სახით შემოინახა საკუთრივ გვიანი შუა საუკუნეების თბილისში, სადაც ქალაქის მფლობელის (მეფის) მიერ

<sup>3</sup> Акты, т. XII, гл. 324.

დანიშნულ მოხელეთა გვერდით მოქალაქეთა არჩევითი ხელისუფლებაც არსებობდა, მაგრამ რომელიც, როგორც აღვნიშნეთ, უკვე აღარ ატარებდა ძველ ქართულ სახელს და უცხოურად „ქეთხუდად“ ღიწოდებოდა. მართალია, გვიანი შუა საუკუნეების აღმოსავლეთ საქართველოს ქალაქების, მათ შორის თბილისის „ქეთხუდნი“ უკვე ისეთი სამოსამართლო უფლებებით არ იყვნენ აღჭურვილნი, რ.გორითაც ძველი „ქალაქის უხუცესები“ ან კიდევ დასავლეთ საქართველოს „ქალაქთხუცესნი“, მაგრამ „ქეთხუდებსაც“ უფლება ჰქონდათ მონაწილეობა მიეღოთ ქალაქის მოურავის თუ მელიქ-მამასახლისის სამართალში, ან კიდევ, ამ უკანასკნელთა ნებართვით, თავდაც გაერჩიათ ქალაქის მცხოვრებთა უმნიშვნელო საქმეები. „ქეთხუდა“ ასეთი ფუნქციების გამო X VIII ს. საბუთები მათ „აღმორჩეულ მოსამართლეებს“, ხოლო X IX ს. დამდეგისა „აღმორჩეულ სუდიებს“ უწოდებდა.<sup>4</sup>

როგორც ვხედავთ, „ქალაქის უხუცესებს“, მათი ხელისუფლების ხანგრძლივი ევოლუციის შემდეგაც, სამეფო ხელისუფლების მიერ ქალაქების დამორჩილების შემდეგაც, აღმოსავლეთსა თუ დასავლეთ საქართველოში სამოსამართლო უფლებები მეტ-ნაკლები მოცულობით შენარჩუნებული ჰქონდათ. ეს კი იმაზე მიგვითითებს, რომ თავის უფლებათა შეუზღუდველობის, აყვავების პერიოდში „ქალაქის უხუცესების“ ერთ-ერთი უპირველესი მოვალეობა ქალაქის მოსახლეობის სამართლის წარმოება უნდა ყოფილიყო.

საქალაქო კომუნა შუა საუკუნეებში საკუთარი მონეტის მოჭრასაც აწარმოებდა. მაგრამ თბილისის საქალაქო კომუნის საქმიანობა დღემდე საგანგებო კვლევის საგანი არ ყოფილა. ქართული ნუმიზმატიკური მასალა კი საინტერესო ცნობებს გვაწვდის და ზოგი სარწმუნო მოსაზრების გამოთქმის შესაძლებლობას გვაძლევს.

ქართული ნუმიზმატიკური მასალების მკვლევართ (ე. პახომოვს, დ. კაპანაძეს, დ. ლენგს) შესწავლილი და გამოქვეყნებული აქვთ თბილისის ჰმირების — ომაელების, აბასიდებისა და ჯაფარიდების — მიერ VIII ს. დამდეგიდან ვიდრე XI ს. 30-იან წლებამდე მოჭრილი მონეტები. დღემდე ცნობილი უკანასკნელი მონე-

<sup>4</sup> საქ. ცენტრალური საისტორიო არქივი, ფ. 229, დავთ. 37, საბ. 278; ფ. 16, საქმე № 497, ფურც. 29, 103, 107; „ქეთხუდა“ ასეთი ფუნქციების შესახებ იხ. — Ш. А. М е с х и а, Города и городской строй феодальной Грузии, გვ. 309—313; გვ. 304—306.

ტა, რომელიც ეკუთვნის ალი ბენ ჯათარს, დათარიღებულია 1027/28 წლებით. ამის შემდეგდროინდელი მონეტა, რომელიც თბილისის ჯათარიდ ამირას შეიძლება მოეპოვა ქალაქში, ჯერჯერობით არ ჩანს.

საქართველოს ფეოდალური მონარქიის წარმოქმნის შემდეგ თბილურ-არაბული მონეტების პარალელურად იჭრებოდა და ვრცელდებოდა საქართველოს მეფეთა (ბაგრატ III, ბაგრატ VI და სხვ.) მონეტები. მაგრამ ისინი, რაკი თბილისი ჯერ კიდევ არაბებს ეჭირათ და თბილისის საამიროც დამოუკიდებელ პოლიტიკურ ერთეულს წარმოადგენდა, თბილისში ვერ მოიჭრებოდა. ასე რომ, ეს მონეტები სხვაგან, პირველ რიგში, საფიქრებელია, ქუთაისში იჭრებოდა. საქართველოს მეფეებს თბილისში მონეტის მოჭრის შესაძლებლობა მხოლოდ 1122 წლიდან ე. ი. დავით აღმაშენებლის მიერ თბილისის საბოლოოდ შემოერთების დროიდან, ექნებოდათ. ამრიგად, დღემდე ცნობილი ქართული ნუმისმატიკური მასალისა და მის შესახებ გამოქვეყნებული ლიტერატურის მიხედვით, თბილისში ფული არც ამირებს, არც საქართველოს მეფეებს და არც სხვა ვინმეს არ მოუჭრია 1027/28 წლიდან ვიდრე 1122 წლამდე მაინც, ე. ი. თითქმის ერთი საუკუნის მანძილზე, რაც, რა თქმა უნდა, საგსებით წარმოუდგენელია; მით უფრო, რომ ეს ერთი საუკუნე თბილისის ეკონომიკური და სოციალური აღმავლობის საუკუნე იყო.

დაუჯერებელია, რომ თბილისში, სადაც მონეტის მოჭრის ტრადიცია და ზარაფხანაც საუკუნეთა მანძილზე მოუშლელად არსებობდა, ქალაქის დამოუკიდებლობის პერიოდში ფულის მოჭრა შეეწყვიტათ. უეჭველია, რომ თბილისის ზარაფხანა მუშაობას განაგრძობდა. ამ ვარაუდის განსამტკიცებლად ჩვენ ზოგადი, აპრიორული მტკიცების გარდა, სათანადო კონკრეტული მასალაც მოგვეპოვება.

ჩვენს ყურადღებას ამჟამად იქცევენ ჯერ კიდევ 1910 წ. ე. პახომოვის მიერ გამოქვეყნებული მონეტები, რომელნიც, მისი აზრით, წინ უსწრებენ ბაგრატ III-ს მონეტას, წარმოადგენენ მუსლიმანური დირჰემების ქართულ მიბადვას და ერთგვარ გარდაამავალ საფეხურს ქმნიან ჯათარიდებისა და ბაგრატ III-ს მონეტებს შორის<sup>5</sup>.

<sup>5</sup> იხ. Е. А. Пахомов, Монеты Грузии, Спб, 1910, გვ. 60, ტაბულა III, № 39—39; ჩვენ აქ არ შევეუდგებით ამ მონეტების აღწერას, რადგან ასეთი სამუშაო შესრულებული აქვთ ე. პახომოს, დ. კაპანაძესა და დ. ლენგს ქვემოთ დასახელებულ ნაშრომებში.

ამ მონეტებს გაკვრით შეეხო დ. კაპანაძეც, რომელმაც შენიშნა: „ცხრილში შეტანილი არ არის ცნობები ფრიად საინტერესო სამონეტო ტიპის შესახებ, რომელიც ერთი შეხედვით, საერთოდ ცნობილ არაბულ დირჰემებს მოგვაგონებს, მაგრამ სათანადო შემოწმების შემდეგ მის ნამდვილ წარმოშობას ამჟღავნებს, იგი უდავოდ ქართული ნუმიზმატიკური მემკვიდრეობის ნიმუშია. ასეთი მონეტა თავის ქართული წარმოშობას არაბული ზედწერილების დამახინჯებითა და ამ ზედწერილებში ზოგიერთი ქართული ასომთავრული ნიმუშების ჩართვით ავლენს...“<sup>6</sup>

ამ ტიპის მონეტებს შეეხო აგრეთვე ცნობილი ინგლისელი ქართველოლოგი დ. ლენგი, რომელმაც გამოაქვეყნა ამ მონეტების დღემდე უცნობი მეტად საინტერესო ორი ვარიანტი, დაცული ამერიკის ნუმიზმატიკური საზოგადოების კოლექციაში.

დ. ლენგი ორივე ამ მონეტას ათავსებს ბაგრატ III-ს მონეტასთან, და, როგორც ჩანს, მათ ბაგრატ III-ს დროს გავრცელებულ ვარიანტებად, ან როგორც ის თვით წერს, ისეთ პროტოტიპებად მიიჩნევს, რომლებიც უბრალო მონური ქართული მიბაძვა აბასიდების დირჰემებისა.<sup>7</sup>

ნუმიზმატთა ზემომოტანილი დასკვნები, შეიძლება ითქვას, არ არის დამყარებული ამ მონეტათა სრულყოფილ ანალიზზე. თვით მონეტის შესწავლა და ასევე თბილისის იმდროინდელი ისტორიის გათვალისწინება შესაძლებლობას გვაძლევს უფრო დამაჯერებლად განვსაზღვროთ მონეტის კუთვნილება და მისი მოჭრის დროც.

ყველა ზემოდასახელებულ მკვლევართათვის უდავოა, რომ დასახელებული მონეტები არ არიან არც აბასიდებისა და არც ჭაფარიდების მიერ მოჭრილნი, ისინი არიან მხოლოდ მიბაძვები საქართველოში მაშინ გავრცელებული მუსლიმანური მონეტებისა. ამავე დროს მკვლევართათვის უდავოა აგრეთვე ისიც, რომ ეს მონეტები ქართული წარმოშობისანი არიან. ე. პახომოვი ყოველივე ამის შესახებ წერდა: „მუსლიმანური დამწერლობის უცოდინარი ხელოსნების მიერ მიბაძვით მოჭრილი მონეტების წარწერებში უხვადაა ნიშნები, რომელთაც გრავიორები გადააკეთებდნენ ხოლმე ქართულ 740 და სხვა ასოებად, რაც მომჭრელი ხელოსნების ეროვნებაზე მიუთითებდა. ამ მონეტე-

<sup>6</sup> დ. კაპანაძე, ქართული ნუმიზმატიკა, თბ., 1955, გვ. 39, მისივე, Грузинская нумизматика, М., 1955, გვ. 51, ტაბულა III, № 42.

<sup>7</sup> D. M. Lang, Studies in the Numismatic History of Georgia in Transcaucasia, New York, 1955, გვ. 18, ტაბულა I, № 11, 12.

ბის ქართული წარმოშობის დამამტკიცებლად ისიც ითვლება, რომ მათი უმრავლესობა საქართველოშია ნაპოვნი<sup>8</sup>.

ამასვე შენიშნავს დ. კაპანაძეც: „საფიქრებელია, რომ ამ მონეტის მომჭრელი ხელოსანი არაბულ დამწერლობაში გამოუცდელი ყოფილა და ასეთი ზედწერილის ამოჭრის დროს მისთვის უცნობი არაბული ნიშნები მშობლიური ქართული ნიშნებით შეუცვლია“<sup>9</sup>.

ამ მონეტებზე უწიგნურად შედგენილი და ამოჭრილი არაბული ლეგენდების შესახებ წერს აგრეთვე დ. ლენგიც, რომელიც, როგორც ზემოთ აღვნიშნეთ, ამ მონეტებს აბასიდების დირჰემების ქართულ მონურ მინაბაძად მიიჩნევს<sup>10</sup>.

ამრიგად, მკვლევართათვის უდავოა, რომ ეს მონეტები საქართველოში, მის რომელიღაც ქალაქში, თბილურ-არაბული მონეტების მიბაძვით არის მოჭრილი. მაგრამ ვერც ერთი ზემოაღნიშნული მკვლევარი კონკრეტულად მაინც ვერ ამბობს, თუ რომელ ქართველ ხელისუფალს უნდა ეკუთვნოდეს იგი.

განსახილველია მონეტების ღღემდე ცნობილ ვარიანტთაგან არც ერთი, სამწუხაროდ, დათარიღებული არ არის; ამიტომ მათი მოჭრის დროის შესახებ გამოთქმული ვარაუდი, რომელიც თავისთავად დაგვეხმარებოდა მისი მომჭრელის ვინაობის გარკვევაშიც, მხოლოდ დაახლოებითი შეიძლება იყოს.

უდავოა, რომ ჩვენთვის საინტერესო მონეტა, როგორც მუსლიმანური დირჰემების მინაბაძი, მოჭრილი უნდა იყოს რომელიღაც სხვა ხელისუფლების მიერ თბილისის ამირების ხელისუფლების გადაშენების შემდეგ. წინააღმდეგ შემთხვევაში აუხსნელი იქნებოდა, თუ რატომ უნდა მოეჭრათ თვით თბილისის არაბ ამირებს თავიანთივე მონეტის მინაბაძები, როცა ისინი სრულიად დაუბრკოლებლად სჭრიდნენ საკუთარ ნამდვილ მონეტებს. ასევე, არაბული მონეტების მინაბაძის მოჭრა არ დასჭირდებოდათ არც 'გაერთიანებული საქართველოს მეფეებს, რაკი მათ საკუთარი ზარაფხანაც ჰქონდათ და საკუთარ მონეტებსაც დაუბრკოლებლად სჭრიდნენ კიდევ. მონეტათა არასაკმარისობის შემთხვევაში როგორც ერთს, ისე მეორე მფლობელსაც, მინაბაძთა მოუჭრელადაც, შეუზღუდველად შეეძლოთ ნამდვილ მონეტათა რაოდენობის გადიდება.

<sup>8</sup> Е. А. Пахомов, Монеты Грузии, გვ. 60—61.

<sup>9</sup> დ. კაპანაძე, ქართული ნუმისმატიკა, გვ. 39; მისივე Грузинская нумизматика, გვ. 51.

<sup>10</sup> D. L a n g, Studies in the Numismatic History, გვ. 18—19.

ზემოდასახელებული მინაბაძეები რომ მართლაც არ ეკუთვნით თბილისის ამირებს, ამას, მოტანილ მოსაზრებათა გარდა, განსაკუთრებით ადასტურებს ამ მონეტებზე ამოჭრილი ფრაზების თავისებურება: ჩვენთვის საინტერესო მონეტებზე, გარდა საერთოდ მიღებული არაბული რელიგიური მცენარებისა — „არ არის ღმერთი გარდა ალაჰისა...“, „მუჰამედი არის მოციქული ალაჰისა“ — არ არის ამოჭრილი არც ხალიფას (რაც ასე ჩვეულებრივი იყო მუსლიმანური მონეტებისათვის VIII ს. 80-იანი წლებიდან) და არც ამირას სახელები, რომლებიც თბილურ მონეტებზე ჩნდება X ს. მეორე ნახევრიდან<sup>11</sup>. ამავ დროს აღსანიშნავია ისიც, რომ ნამდვილი არაბული დრამისაგან ეს მონეტები შემცირებული წონითაც განსხვავდებიან<sup>12</sup>.

ყველაფერი ეს, ზემოთქმულთან ერთად, ერთხელ კიდევ უდავოს ხდის, რომ აღნიშნული მინაბაძეები არ შეიძლება თბილისის რომელიმე ჯაფარიდ ამირას მივაკუთვნოთ. ამაში ეჭვი არ ეპარება არც დ. ლენგს<sup>13</sup>.

შესასწავლი მონეტის მოჭრის დროისა და კუთვნილების განსაზღვრაში ჩვენ დიდ დახმარებას გაგვიწევს მისი მოჭრის ადგილის დადგენა. ე. პახომოვის მიერ გამოქვეყნებული მონეტის არც ერთ ცალზე აღნიშნული არ არის მისი მოჭრის ადგილი. მას არც გამოუთქვამს რაიმე საგანგებო ვარაუდი ამ მონეტათა მოჭრის ადგილის შესახებ, რადგან, როგორც ჩანს, ასეთად იგი ამ შემთხვევაში თბილისს გულისხმობდა. ასეთი ვარაუდი კი სავსებით სწორი უნდა იყოს, რადგანაც საქართველოს გაერთიანების შემდეგ ზარაფხანის არსებობა, გარდა თბილისისა (და აგრეთვე, უეჭველია, ქუთაისისა), სხვაგან დადასტურებული არ არის.

ამჟამად, დ. ლენგის ზემოდასახელებული ნაშრომის გამოქვეყნების შემდეგ მინაბაძე მონეტების მოჭრის ადგილის საკითხი სავსებით ნათელი ხდება: მის მიერ გამოქვეყნებული მონეტების ერთ-ერთი ცალის ზურგზე აღნიშნულია მომჭრელი ზარაფხანის დამახინჯებული სახელი, რომელსაც დ. ლენგი تيف(Tif)ისად კითხულობს<sup>14</sup>.

<sup>11</sup> დ. კ ა პ ა ნ ა ძ ე, X ს. თბილური დრამა ალი ბენ-ჯაფარისა, გვ. 184.

<sup>12</sup> დ. კ ა პ ა ნ ა ძ ე, ქართული ნუმიზმატიკა, გვ. 39.

<sup>13</sup> D. L a n g, Studies..., გვ. 19.

<sup>14</sup> იქვე: ზარაფხანის სახელწოდების გადმოცემაში შეცდომის დაშვება სავსებით მოსალოდნელი იყო ისეთი მომჭრელისაგან, რომელიც, ე. პახომოვისა და დ. ლენგის სიტყვით, საერთოდ უწიგნურობას იჩენდა არაბული წარწერების გაკეთებაში.



უდავოა, რომ თბილისში არას მოჭრილი არა მარტო ეს უნიკალური მონეტა, არამედ ყველა დანარჩენი, მინაბაძად მიჩნეული, რომლებიც კი ცნობილია და რომლებიც საესეებით იმეორებენ პირველს, ოღონდ ზარაფხანის აღმნიშვნელი წარწერის გარეშე. მონეტის მოჭრის ადგილის ამგვარი განსაზღვრა ნათელს ჰყენს აგრეთვე მისი კუთვნილების საკითხსაც. ამ ფაქტიდან უდავოდ ირკვევა, რომ ეს, თბილისში მოჭრილი მონეტა არ შეიძლება ეკუთვნოდეს XI ს. საქართველოს რომელიმე მეფეს, კერძოდ კი ბაგრატ III-ს. ჯერ ერთი, წარმოუდგენელია, რომ ქართველ მეფეთა მიერ მოჭრილ მონეტაზე არ ყოფილიყო მისი მომჭრელის ვინაობის აღმნიშვნელი ქართული წარწერა, როგორც ეს ახასიათებს იმ დროს თუ მასზე ადრე აღმოსავლეთ საქართველოში მოჭრილ ორიგინალურ მონეტებს. ამას გარდა, ეს მონეტა არ შეიძლება ეკუთვნოდეს ქართველ მეფეს სწორედ იმის გამო, რომ ის თბილისშია მოჭრილი.

თბილისი, როგორც ზემოთ არაერთხელ იყო მითითებული, 1122 წლამდე არ ეკუთვნოდა საქართველოს მეფეებს და, ცხადია, სხვა ხელისუფალთადმი დამორჩილებულ ქალაქში საკუთარ მონეტებს ვერ მოჭრიდნენ. ამ მონეტის თბილისში მოჭრის ფაქტმა დააეჭვა სწორედ დ. ლენგი, რომ იგი ბაგრატ III-სად მიეჩნია.

ამრიგად, სრული უეჭველობით შეიძლება ვამტკიცოთ, რომ ჩვენთვის საინტერესო მონეტები მოჭრილია თბილისში, მაგრამ არც თბილისის ამირებისა და არც საქართველოს მეფეების მიერ.

მაშ ვინ უნდა იყოს ამ მონეტების მომჭრელი და როდის უნდა იყვნენ ისინი გამოშვებულნი? ამ კითხვაზე პასუხის გაცემა ჯერჯერობით მხოლოდ თბილისის ზემოთ მოთხრობილ ისტორიას შეუძლია. უეჭველია, რომ მინაბაძად მიჩნეული მონეტები, ძველი ტრადიციების მიხედვით, თბილისში იჭრებოდა, მაშინ, როცა ქალაქში არ იყო არც ამირას ხელისუფლება და არც საქართველოს მეფისა, ე. ი. მაშინ, როდესაც ქალაქი არ აღიარებდა არც ერთი მათგანის ვასალობას. ასეთი პერიოდი კი თბილისს, როგორც აღვნიშნეთ, ჯაფარიდ ამირებისა და მათი მემკვიდრეების ხელისუფლების საბოლოოდ მოსპობისა და საქალაქო დამოუკიდებელი მმართველობის განუყოფლად გაბატონების ხანაში, ანუ XI ს. 80-იანი წლებიდან ვიდრე XII ს. 20-იან წლებამდე ჰქონდა. იმ დროს თბილისში მონეტის მომჭრელი შეიძლებოდა ყოფილიყო არა რომელიმე ამირა ან მეფე თუ ქალაქის სხვა მფლობელი, არამედ მხოლოდ საქალაქო საბჭო, ქალაქის კომუნალური მმართველობა.

ამით აიხსნება ერთი შეხედვით თითქოს უცნაური გარემოება

— მონეტაზე ხალიფას, ამირას, თუ რომელიმე სხვა მაჰმადიანი მფლობელის ან კიდევ საქართველოს მეფის მოუხსენიებლობა; საესებით ბუნებრივია, თუკი ქალაქი-კომუნა, რომელიც არც ერთი მფლობელის ვასალად არ თვლიდა თავს, მის მიერ მოჭრილ მონეტაზე არავის მოხსენიებას არ მიიჩნევდა საჭიროდ.

ბუნებრივად გვეჩვენება აგრეთვე იმ დროის თბილისში გამოშვებულ მონეტებზე მხოლოდ არაბული ფრაზების (ქართული ნიშნებით) ამოჭრა. ეს ნაკარნახევი იყო თბილისის იმდროინდელი ეკონომიკური მდგომარეობით, მისი მჭიდრო ურთიერთობით აღმოსავლურ ქალაქებთან და იმდროინდელი საერთაშორისო ვაჭრობის ობიექტში მოქცევით. ამავე გარემოებით იყო ნაკარნახევი არაბული წარწერების ამოჭრა თვით ერთიანი საქართველოს მეფეთა (ბაგრატ III, დავით აღმაშენებელი, დემეტრე I, გიორგი III და სხვ.) მიერ და ისიც არა მარტო თბილისში მოჭრილ ქართულ ზედწერილიან მონეტებზეც.

ადვილად ასახსნელია ისიც, რომ ზემოხსენებულ თბილურ მონეტები წარმოადგენენ არაბული ღირებულების ერთგვარ ქართულ მინაბაძს. საესებით კანონზომიერ მოვლენად უნდა მივიჩნიოთ, ცხადია, თბილისის ზარაფხანაში, ამირების ხელისუფლების გადაშენების შემდეგაც, სამონეტო საქმის გაგრძელება ძველი ტრადიციის მიხედვით, მონეტების მოჭრა მისი გარეგანი სახის შეუცვლელად, ისე, რომ აუცილებელი შესწორებანი მხოლოდ მის ზედწერილებს შეხებოდა. ხოლო შეცდომები. არაბულ ფრაზებში და ზოგი ქართული ნიშნის გაკეთება მონეტებზე, ყველაფერი ეს, როგორც მართებულად შენიშნა ჯერ კიდევ ე. პახომოვმა, ამ მონეტათა მომჭრელის ნაციონალურ კუთვნილებაზე, ქართველობაზე მიგვითითებს. ეს ამავე დროს მიუთითებს იმაზედაც, რომ სამონეტო საქმეს იმდროინდელ თბილისში მაჰმადიანი ხელისუფალი კი არ განაგებდა, არამედ საქალაქო თვითმმართველობაში მონაწილე ქართველობა.

ყურადღებას იქცევს აგრეთვე ის გარემოებაც, რომ ჩვენ მიერ განხილული თბილური მონეტების ზემოაღნიშნული ტიპი ორი ვარიანტის სახითაა ცნობილი — ერთი მომჭრელი ზარაფხანის აღმნიშვნელი ზედწერილით, მეორე კი ასეთის გარეშე. ეს კი იმაზე მიგვითითებს, რომ თბილისის იმდროინდელი ზარაფხანა ხანგრძლივად და სხვადასხვა სახით აწარმოებდა ფულის მოჭრას.

ამრიგად, მკვლევართა მიერ დღემდე თბილურ-არაბული ღირებულების მხოლოდ ქართულ მინაბაძად და XI ს. დამდეგს მოჭ-

რილად მიჩნეული მონეტები, როგორც ირკვევა, თბილისის საქალაქო კომუნის მიერ X I ს. 80-იან და X II ს. 20-იან წლებს შორის უნდა იყოს გამოშვებული<sup>15</sup>.

როგორც ვხედავთ, თბილისის კომუნის საქმიანობა მრავალმხრივი იყო. საქალაქო საბჭო ამგვარ მუშაობას პირველ რიგში თავისი წევრების მეშვეობით აწარმოებდა. მათ შორის იქნებოდა განაწილებული საქალაქო მეურნეობის ცალკეული დარგები — ზოგი სამართალს აწარმოებდა, ზოგი სამონეტო საქმეს განაგებდა, ზოგს მეზობელ ქალაქებთან თუ მფლობელებთან ურთიერთობის მოწესრიგება ევალებოდა, ზოგი საქალაქო გამოსაღებთა აკრებას ადევნებდა თვალყურს, ზოგიც ქალაქის დაცვას ხელმძღვანელობდა და ა. შ.

საქალაქო საბჭოსა და „ქალაქის მთავარს“, ე. ი. საქალაქო კომუნის ხელისუფალთ საგანგებო ნაგებობა, „დარბაზი“ ანუ „კარი“ ჰქონდათ. ის „საამირო დარბაზი“<sup>16</sup>, სადაც ადრე თბილისის ამირა ჯდებოდა ქალაქის საქმეთა საურავად და რომელშიც შემდგომ „ქალაქის ბერებმა“ მათ მიერვე მოწვეული ბაგრატი IV შეიყვანეს, ქალაქში კომუნის გაბატონების დროიდან საქალაქო მმართველობის ხელთ იქნებოდა. იქ საქმეთა საურავად უკვე ამირა კი არ ჯდებოდა ან კიდევ ქალაქის სხვა ბატრონი, არამედ თვით „მთავარი ქალაქისა“ ან მთლიანად საქალაქო საბჭო: ამ ნაგებობასაც ამიერიდან „საამირო დარბაზი“ კი არ ერქმეოდა, არამედ, ალბათ, ქალაქის უხუცესთა „კრებულის დარბაზი“ ან კიდევ „ქარი მთავრისა მის ქალაქისა“<sup>17</sup>.

თბილისის „საკრებულო დარბაზში“ წყდებოდა უმთავრესი

---

<sup>15</sup> ჩვენ ამჟამად შესაძლებლობა არ გვაქვს უფრო დეტალურად თარიღი. ამ მხრივ ვადამწყვეტი სიტყვა ამ ტიპის მონეტების შემდგომ გამოვლინებასა და შესწავლას ეკუთვნის, ამის გარდა, ამჟამად არაფერს ვამბობთ იმაზედაც, რომ ეს მონეტები შეიძლება მოეპოვებინათ „ტფილელ ბერებს“ ამირა ჯაფარიანის გარდაცვალების შემდეგ, მის ახლო დროს ან კიდევ 1051—1065 წლებს შორის, როცა ქალაქის გამგებლობა მათ ხელთ იყო. მაგრამ ასეთი ვარაუდი ნაკლებად სარწმუნო ჩანს იმის გამო, რომ „ტფილელ ბერებს“ მაშინ ჯერ კიდევ არ ჰქონდათ თავიანთი ხელისუფლება განმტკიცებული; მაშინ მათ უფრო ბრძოლა უხდებოდათ თვითმმართველობის შენარჩუნებისათვის, ვიდრე საშინაო საქმეების მოწესრიგებისათვის ზრუნვა. ასეთ ვართულუბულ ვითარებაში „ქალაქის ბერებს“ ნაკლები შესაძლებლობა ექნებოდათ საგანგებოდ მიეხედათ სამონეტო საქმისათვის.

<sup>16</sup> ქართლის მატიანე, ქართლის ცხოვრება, ტ. I, გვ. 299.

<sup>17</sup> ილიარიონ ქართველის ცხოვრება, ძველი ქართული ლიტერატურის ქრესტომათა, ტ. I, გვ. 173.

საქალაქო საქმეები, ქალაქის ბედ-იღბალი, აქ იყო კონცენტრირებული ქალაქის დამოუკიდებელი მმართველობა თავისი მრავალმხრივი სააღმასრულებლო თუ საკანონმდებლო ხელისუფლებით, საინტერესო ღონისძიებებით, რომელთა სისრულით შესასწავლად, სამწუხაროდ, წყაროები გვაკლია.

თ ა 3 0 V

## ბრძოლა კომუნის წინააღმდეგ და მისი დამარცხება

თბილისის გადაქცევა ქალაქ-კომუნად ნიშნავდა ფეოდალური ქვეყნის უმსხვილეს ეკონომიკურ ცენტრში ფეოდალიზმის საწინააღმდეგო ძალების გამარჯვებას. კომუნის დამყარება იმდროინდელ თბილისში, ამასთან ერთად, დაწინაურებული სოციალური ცხოვრების, თავისუფალ მწარმოებელთა ფენის გაძლიერების, განვითარებული, დამოუკიდებელი ვაჭრულ-ხელოსნური ორგანიზაციების არსებობის, ე. ი. არსებითად ანტიფეოდალური სოციალური ძალების განმტკიცების მაუწყებელი იყო.

კომუნის გამარჯვება პოლიტიკური თვალსაზრისით იყო აგრეთვე გაერთიანების გზაზე განუხრელად შემდგარი ფეოდალური მონარქიის შიგნით დამოუკიდებელი ერთეულის — „ქალაქი-რესპუბლიკის“ წარმოქმნა.

სამეფო ხელისუფლება გარკვეულ პერიოდში თავისი ინტერესებისათვის იყენებდა ქალაქებს (მათ შორის ქალაქ-კომუნასაც) — ამ ახალ სოციალურ ეკონომიკურ ძალას, ცენტრალური ხელისუფლებისადმი დაპირისპირებულ დიდგვარიან ფეოდალთა წინააღმდეგ ბრძოლის საქმეში. ქალაქებიც, თავის მხრივ, გარკვეულ პერიოდში, მხარს უჭერდნენ ერთიანი ხელისუფლების გაძლიერებას, ყოველთვის და ყოველნაირად ცდილობდნენ ფეოდალური დაქუცმაცებულობის მოსპობას და ქვეყნის გაერთიანებას. ყოველივე ეს ქმნიდა პირობებს სამეფო ხელისუფლებასა და ქალაქებს შორის კავშირის წარმოშობისათვის. ასეთი კავშირის საწყისებს ფ. ენგელსი დასავლეთ ევროპის ქვეყნების ისტორიის მაგალითზე, ჯერ კიდევ X საუკუნიდან ხედავდა<sup>1</sup>.

<sup>1</sup> Ф. Энгельс, О разложении феодализма и развитии буржуазии, К. Маркс и Ф. Энгельс, Соч., т. XVI, ч. I, М., 1951, гл. 445.

შუა საუკუნეების საქართველოში სამეფო ხელისუფლებისა და ქალაქების ამგვარ კავშირზე მიუთითებს ბაგრატ IV-სა და „ტფილისის ბერების“ ურთიერთობა, „ანისის თავადებისა“ და ბაგრატ IV-ს თუ დავით აღმაშენებლის ურთიერთობა, დავით IV-სა და საქართველოს ქალაქების, განსაკუთრებით კი თვით თბილისის ურთიერთობაც გარკვეულ პერიოდში, კერძოდ, XII ს. 20-იან წლებამდე და სხვ.<sup>2</sup>

განსაკუთრებით აღსანიშნავია, რომ დავით აღმაშენებელმა საქართველოს ქალაქების შემოერთებისათვის ბრძოლა მხოლოდ მას შემდეგ დაიწყო, როცა დაამარცხა ერთიანი ძლიერი სამეფო ხელისუფლების მოწინააღმდეგე როგორც საერო (კლდეკარის ერისთავი და მსგავსნი მისნი), ასევე საეკლესიო ფეოდალები (1103 წ. საეკლესიო კრების საშუალებით) და როცა ძირითადად დაასრულა ქვეყნის გაერთიანებაც (კახეთ-ჰერეთის შემოერთება 1104 წ., კლდეკარის საერისთავოს გაუქმება და სხვ.); ამასთანავე დავით IV-ს უკვე მნიშვნელოვანი ბრძოლები ჰქონდა ჩატარებული თურქ-სელჯუკთა წინააღმდეგ არა მარტო საქართველოს შიგნით, არამედ მის საზღვრებს იქითაც და ამ მხრივაც მან გარკვეული წარმატებები მოიპოვა (უარისთქმა სათურქო ხარკზე, თურქთა არაერთი მარცხი და სხვ.).

მართალია, ქართული თუ უცხოური წყაროების საამისო პირდაპირი მითითება ჩვენ არ მოგვეპოვება, მაგრამ ძნელი წარმოსადგენია, რომ ასეთი მძიმე საშინაო თუ საგარეო ბრძოლები დავით აღმაშენებელს საქართველოს ქალაქებთან კავშირის გარეშე ჩაეტარებინოს და გამარჯვებით დაეგვირგვინებინოს.

საქართველოს ქალაქების ეკონომიკური განვითარებისათვის ხელის შეწყობით (გზების გაყვანა-გაუმჯობესება და დაცვა, ახალი ქალაქების გაშენება და ძველის გაძლიერებისათვის ზრუნვა და სხვ.), მნიშვნელოვანი ქალაქების თვითმმართველობის ხელშეუხებლობით, ზოგი მათგანის დამოუკიდებლობის (მაგ., თბილისის) შენარჩუნებისათვის ზრუნვით გარკვეულ პერიოდში, საქართველოს მეფე უზრუნველყოფდა როგორც ქალაქებთან კავშირს, ასევე მათი მისწრაფებისა (ფეოდალური დაქუცმაცებულობის დაძლევა) და ძალების გამოყენებას თავისი კლასობრივი ინტერესებისათვის—ცენტრალისტური ხელისუფლების გაძლიერებისათვის. ასე რომ, ოპოზიციურ ფეოდალურ ძალებზე გამარჯვება

---

<sup>2</sup> იხ. III. А. М е с х и а, Города и городской строй феодальной Грузии, გვ. 39—41.

დავით IV-მ, ჩვენი აზრით, პირველ რიგში სწორედ ქალაქებთან კავშირის შემწეობით შესძლო. მაგრამ დავით აღმაშენებლის გამარჯვება ანტიცენტრალისტურ ფეოდალურ ძალებზე ამავე დროს ნიშნავდა ერთიანი ფეოდალური მონარქიის, ძლიერი ცენტრალისტური ხელისუფლების ჩამოყალიბებას და, მაშასადამე, ფეოდალური ქალაქების დამოუკიდებლობის ხელყოფას, ე. ი. სამეფო ხელისუფლებასა და ქალაქებს შორის მანამდე არსებული კავშირის დარღვევას.

ფ. ენგელსის მოსწრებული შენიშვნით, როგორც კი უზრუნველყო სამეფო ხელისუფლებამ თავისი გამარჯვება, მადლობის მაგიერ დაიწყო თავისი ძველი მოკავშირის—ქალაქის დამორჩილება და გაძარცვა.<sup>3</sup> მართლაც, დასავლეთ ევროპის ქვეყნებში XIII—XIV სს. მიმდინარე მძაფრი ომები სამეფო ხელისუფლებასა და ქალაქებს შორის, სწორედ ამით იყო ნაკარნახევი; ამიტომ იყო, რომ XIII საუკუნიდან დასავლეთ ევროპის ქალაქები დამოუკიდებლობას ზედიზედ კარგავდნენ და სამეფო ხელისუფლებასადმი მორჩილებას აღიარებდნენ.

სავსებით მსგავსი პროცესი მიმდინარეობდა შუა საუკუნეების საქართველოშიც, ოღონდ ქალაქების დამორჩილებასათვის ბრძოლა სამეფო ხელისუფლებამ აქ უფრო ადრე დაიწყო, ვიდრე ევროპაში.

თუკი ადრე, გარკვეულ პერიოდში, საქართველოს ქალაქების, განსაკუთრებით კი თბილისის დამოუკიდებლობა სამეფო ხელისუფლებისათვის მოსათმენი და სასურველიც იყო, ხელისუფლებას ცენტრალიზაციისა და ქვეყნის გაერთიანების საქმეში დავით აღმაშენებლის მიერ მოპოვებული დიდი გამარჯვებების შემდეგ ვითარება არსებითად შეიცვალა—ერთიანი ფეოდალური მონარქია ამიერიდან ველარ შეუჩივდებოდა თავის ტერიტორიაზე დამოუკიდებელ ერთეულებს—ქალაქ-კომუნებს.

ამიტომაც, როგორც კი გაიმარჯვა, განსაკუთრებით შინაგან მოწინააღმდეგე ძალებზე, დავით აღმაშენებელმა XII ს. მეორე ათეულიდან დაიწყო თანმიმდევრული ბრძოლა ქალაქების შემოსაერთებლად. ამ დროიდან დავით IV-მ ზედიზედ დაიმორჩილა ქ. სამშვილდე (1110 წ.), ქ. რუსთავი (1115 წ.), ქ. გიში (1117 წ.), ლორე (1118 წ.) და სხვ. ამასთანავე, შემოერთებულ ქალაქებს იგი „სამეფოდ“ იტოვებდა. ამრიგად, დავით აღმაშენებლის ის ლო-

<sup>3</sup> К. Маркс и Ф. Энгельс, Соч., т. XVI, ч. I, стр. 445.

ნისძიებები, რომელიც ქართული ფეოდალური ოფიციალური ისტორიოგრაფიის მიერ საქართველოს „ქალაქების გასანათვის-უფლებლად“ არის გამოცხადებული, არსებითად იყო ბრძოლა მათ დასამორჩილებლად, შემოსაერთებლად.

ზემოდასახელებული ქალაქების შემოერთებით დავით IV-მ მხოლოდ დაიწყო თავისი თანმიმდევრული ღონისძიებანი ამ მიმართულებით. ამას თან სდევდა სათანადო სამზადისი საქართველოს იმდროინდელი, განსაკუთრებით მნიშვნელოვანი ქალაქის თბილისის და ასევე დმანისის შემოსაერთებლადაც. მაგრამ ასეთი უკვე გადაწყვეტი ნაბიჯი მეფემ მხოლოდ მას შემდეგ გადადგა, რაც საშინაო ოპოზიციურ ძალებთან ერთად საბოლოოდ განადგურებულ იქნა საგარეო ძალაც (გამარჯვება დიდგორის ომში 1121 წ.).

ამრიგად, XII ს. მეორე ათეულიდან საქართველოში დაიწვა სამეფო ხელისუფლებასა და ქალაქებს შორის მანამდე არსებული კავშირი. კიდევ მეტი, ძველ მოკავშირეთა შორის დაიწყო დადი და საკმაოდ ხანგრძლივი ომი, რომელმაც თავისი მეტ-ნაკლებად სრული ასახვა ჰპოვა როგორც ქართულ, ასევე უცხოურ წყაროებში.

ამ თვალსაზრისით განსაკუთრებულ ყურადღებას იქცევს ალფარიკის ზემომოტანილი ცნობა, რომლის მიხედვითაც კარგად შეიძლება დადგინდეს იქნეს ყველა ის უმთავრესი ნაბიჯი, რომელიც კი საქართველოს მეფეს თბილისის თანდათან დამორჩილების მიზნით გადაუდგამს.

ალ. ფარიკის ცნობის მიხედვით, 515 წ. (1121/2 წწ.) „თბილისის ხალხმა“ მოიწვია ნეჯმ ედ-დინ ილაზი<sup>4</sup> და თხოვა მას ჩაებარებინა თბილისი. ეს მოწვევა, მისივე ცნობით, შედეგი იყო მანამდე, ე. ი. 515 წლამდე, დავით მეფის მიერ თბილისელთა არაერთხელ შევიწროებისა. ალ-ფარიკის ცნობიდან ისიც კარგად ჩანს, რომ სანამ თბილისელები ილაზს სთხოვდნენ დახმარებას, მანამდე მათ, დავით IV-ს შიშით, სულთან ტოღრულ მოჰამედის ძეს<sup>5</sup>, მისი არანაშენი ყოფნის დროს, მამართეს ამგვარივე თხოვნით. ტოღრულმა, როგორც ჩანს, მიიღო მათი წინადადება და თბილისზე ხელის დადების სიმბოლოდ, ქალაქს ნაცვალი (შიჰნა) გამოუგ-

<sup>4</sup> ნ ე ჯ მ ე დ დ ი ნ ი ლ ზ ი, ორთუკიდთა დინასტიის წარმომადგენელი სხვადასხვა დროს ბაღდადის, ალექსანდრიის და მათგან დასავლეთით მდებარე ქალაქების წინააღმდეგ ბრძოლების სახელგანთქმული სარდალი (იხ. Л е н - П у л ь, Мусульманския династии, გვ. 140—141).

<sup>5</sup> ტ ო ღ რ უ ლ ი ი ბ ნ მ ო ჰ ა მ ე დ ი, ერაყის სელჯუკიანთა დინასტიის წარმომადგენელი (1110—1134).

ზანა. მაგრამ ამის შემდეგაც არ შეწყვეტილა საქართველოს მეფის მხრივ თბილისის შევიწროება და ქალაქის მმართველი ზედა ფენა იძულებული გამხდარა გარკვეული პირობით თვით დავით IV-ს შეთანხმებოდა. შეთანხმების პირობებზე საგანგებოდ ჩვენ ქვემოთ ვილაპარაკებთ, აქ კი შევნიშნავთ, რომ იგი არც მეფეს აკმაყოფილებდა და არც თბილისელთათვის ჩანდა სასარგებლო. მეფე ისევ ძველებურად ავიწროებდა ქალაქს და ამიტომ გამხდარან თბილისელები იძულებულნი ახლა დახმარება ზემოხსენებულ ნეჯმ ედ-დინ ილაზისათვის ეთხოვათ. მან, ფარიკის სიტყვით, მართლაც მიიღო თბილისელთა მოწვევა და დიდი ლაშქრით საქართველოსაკენ დაიძრა. ყოველივე ამის შემდეგ ალ-ფარიკი მაჰმადიანური კოალიციური ლაშქრის შედგენისა და დიდგორის ომის შესახებ მოგვითხრობს.

მაგრამ, სანამ შემდგომი მოვლენების განხილვაზე გადავიდოდეთ, საჭიროა დაახლოებით მაინც დავათარილოთ უკვე მოთხრობილი. ალ-ფარიკის მონაცემების თანმიმდევრობიდან ადვილი გასარკვევია, რომ ყველაფერი ეს ოდნავ უსწრებდა დიდგორის ომს და, მაშასადამე, მის ახლო ხანებში ხდებოდა.

ვ. მინორსკიმ ამ ცნობის ანალიზის დროს ყურადღება მიაქცია ალ-ფარიკის მიერ ტოლრულის მოხსენიებას განჯისა და არანის მფლობელად, მის არანში ყოფნას თბილისელთა ელჩობის დროს. მაშასადამე, ვ. მინორსკის აზრით, თბილისელების მიერ ტოლრულის მოწვევა მაშინ უნდა მომხდარიყო, როცა იგი არანში იყო თავის ათაბაგთან და როცა ტოლრული მასთან ერთად დროებით ფლობდა განჯასა და არანს<sup>6</sup>. ეს კი 1120/21 წ. ადრე ვერ იქნებოდა. სწორედ ამ დროს 514 (1120/21 წ.). ტოლრული, უფრო სწორად, მისი ათაბაგი ქენ-თოლდი აუჯანყდა მაჰმედს, შევიდა აზერბაიჯანში და დაიპყრო განჯა. მაგრამ ათაბაგი ქენ-თოლდი 1121 წ. დეკემბერს გარდაიცვალა და აჯანყებაც მალე იქნა ჩაქრობილი. ასე რომ, ტოლრულის გამგებლობა არანში ამის შემდეგ ვერც გაგრძელდებოდა — 1122 წ. მარტში ის მაჰმედს დამორჩილდა<sup>7</sup>. ამრიგად, უდავოა, რომ ტოლრულის მოწვევა და მის მიერ თბილისის მფარველობის მიღება 1121 წ. ვერ გასცილდებოდა. ჩვენ არ ვიცით, თუ რომელ თვეს დაიწყო და დამთავრდა მისი მფარველობა თბილისზე, მაგრამ, ცხადია, ეს დიდხანს არ უნდა გაგრძელდებოდა.

<sup>6</sup> v. Minorsky, *Caucasia in the History...*, გვ. 29-30.

<sup>7</sup> იქვე, გვ. 30.



თუმცა, რა ხანმოკლეც არ უნდა ყოფილიყო იგი, თბილისელთა ელჩობას, ტოლრულის დათანხმებასა და მის მფარველობას, თუ მეტი არა, წლის ნახევარი მაინც მოუწოდებოდა. ამგვარადვე, ტოლრულის მარცხის შემდეგ დავით IV-სთან მოლაპარაკების გამართვას, პირობის დადებას და ამ პირობით „კარგა ხანს“ ყოფნას მართლაც კარგა ხანი დასჭირდებოდა. დიდგორის ომის წინ კიდევ ახალი მფარველის ძებნასა და მოწვევას, მის მიერ დიდი ლაშქრის შედგენასა და ომისათვის თადარიგის დაქვრას რამდენიმე თვე მაინც მოუწოდებოდა.

ამით ჩვენ იმის თქმა გვინდა, რომ ყველაფერი, რასაც დიდგორის ომის წინ ჰქონდა ადგილი, წარმოუდგენელია 1121 წ. დამდევრიდან მხოლოდ შეიღწახევიარი თვის განმავლობაში, ე. ი. 1121 წ. აგვისტოს შუა რიცხვებამდე, ანუ დიდგორის ომის თარიღად მიღებულ დრომდე, მომხდარიყო. ამრიგად, ალ-ფარიკის ზემომოტანილი. მონაცემები იძლევიან საკმაო საფუძველს ვივარაუდოთ, რომ დავით აღმაშენებელს თბილისის შევიწროება 1120 წ. მეორე ნახევრიდან მაინც უნდა დაეწყო.

ამ თარიღს არსებითად მხარს უჭერს ქართული წყაროს, დავითის ისტორიკოსის მონაცემებიც, რომლის მიხედვითაც საქართველოს მეფის მიერ 1120-სა და 1121 წ. დამდევს თურქების წინააღმდეგ წარმატებით წარმოებული ბრძოლების (ქ. კაბალას აღება, ლაშქრობა აშორნიაში, ხუნანს, ბარდავს და სხვ.)<sup>8</sup> შემდეგ „ამათ ესევეითართა ჰირთაგან შეიწრებულნი თურქმანნი და კუალად ვაჰარნი განძელ-ტფილეულ-დმანელნი წარვიდეს სულტანსა ჩინაშე, და ყოველსა სპარსეთსა, შეიღებნეს შავად, რომელთამე პირნი, და რომელთამე კელები და რომელნიმე სრულიად; და ესრეთ მოუთხრნეს ყოველნი ჰირნი, მოწვენიული მათ ზედა, რომლითა აღძრნეს წყალობად თუსა და იქმნა გლოვა ფრიალი შორის მათსა“<sup>9</sup>. ამის შემდეგ დავითის ისტორიკოსიც, ალ-ფარიკის მსგავსად, მოგვითხრობს მაჰმადიანთა კოალიციური ლაშქრის შედგენისა და დიდგორის ომის ამბებს.

<sup>8</sup> იხ. დავითის ისტორიკოსი ქართლის ცხოვრება, I, გვ. 338—340; ივ. ჯავახიშვილი, ქართველი ერის ისტორია, II, გვ. 201—202.

<sup>9</sup> დავითის, ისტორიკოსი ქართლის ცხოვრება, ტ. I, გვ. 340. დმანელთა, ე. ი. ქალაქ დმანისის წარმომადგენლების გაგზავნა სულტანთან, მათი მოხსენება „ტფილეულთა“ გვერდით და იმავე მნიშვნელობით, იქნებ იმაზე მივითვითებდეს, რომ ქალაქ დმანისშიც იმ დროს ისეთივე საქალაქო თვითმმართველობა არსებობდა, როგორც თბილისში. ჩვენი აზრით, „ვაჰარნი დმანელი“ ისევე აღნიშნავდა თვითმმართველობის ორგანოს წარმომადგენლებს, როგორც „თბილელნი ვაჰარნი“ „თბილისის ხალხს“, „თბილისის უხუცესებს“.

ამ მრავალმხრივ საინტერესო ცნობიდან კარგად ჩანს, რომ საქართველოს მეფის ღონისძიებებით „ესევეითართა ჭირთაგან შეიწრებულნი“ იყვნენ არა მარტო თურქ-სელჯუქები, არამედ აგრეთვე ქალაქებიც, როგორც საქართველოსი, ასევე მის მეზობელთა; და რომ დასახლებული ქალაქების ასეთი შევიწროება მეფემ დაიწყო მას შემდეგ, რაც მან უკვე შემოიერთა თბილისის ირგვლივ მდებარე ქალაქები და როცა წარმატებით იყო ჩატარებული ბრძოლები თურქ-სელჯუქთა წინააღმდეგ ქვეყნის შიგნით და გარეთ. ყველაფერი ეს კი სავსებით ეთანხმება ალ-ფარიკის ზემომოტანილ ცნობებს, ოღონდ ეს უკანასკნელი შედარებით უფრო დეტალურად აგვიწერს იმდროინდელი თბილისის შინაგან მდგომარეობას და „თბილისის ხალხის“ მიერ გაგზავნილ მოწვევას ჯერ სულთან ტოღლუღთან, ხოლო შემდეგ ილღაზთან.

ამასთანავე, როგორც ეს უკვე შენიშნულია ჩვენს სამეცნიერო ლიტერატურაში<sup>10</sup>, ამ ორ ცნობას შორის მცირეოდენი წინააღმდეგობაც არის. ალ-ფარიკის ცნობით, დიდგორას ომის წინ თბილისელებმა მოწვევა გაუგზავნეს ილღაზს, დავითის ისტორიკოსის მიხედვით კი, „ვაჰარნი განძელ-ტფილელ-დმანელი“ ეახლნენ სულთანს (იგულისხმება ერასყის სელჯუქიანთა გამგებელი მაჰმუდ მოჰამედის ძე). ეს მართლაც ასე უნდა ყოფილიყო. ცხადია, უფრო სარწმუნოა, რომ თბილისელებს, დმანელებს, განძელებს უშუალოდ სულთნისათვის მიემართათ, ვიდრე მარანდისა და მაიაფარიკინის პატრონისათვის<sup>11</sup>, რომელიც, მართალია, სახელგანთქმულ მეომრად იყო მიჩნეული, მაგრამ მაჰმადიან მფლობელებში ისეთი გავლენა ვერ ექნებოდა, როგორც თვით სულთანს.

ამას გარდა, სწორედ სულთანი შეიძლება ყოფილიყო შემდგენელი კოალიციური ლაშქრისა, საამისოდ მომწოდებელი „არაბეთისა მეფისა დჯარბუზ სადაყას ძისა“, „თურქმანობასა, სადაცა ვინ იყო, დამასკოთ და ჰალაბითგან ამოღმართ, ყოველსა მკედრობად შემძლებელსა“ განძის ათაბაგისა, „ყოვლთა სომხეთისა ამირათა“ და სხვათა, როგორც ამის შესახებ დავითის ისტორიკოსი წერს<sup>12</sup>. მასვე შეეძლო აგრეთვე ამ ლაშქრის სათავეში ჩაეყენებინა ილღაზი, რომელსაც თავისი საპატრონო ადგილები (მაიაფარიკინი) სწორედ სულთნისაგან ჰქონდა მიღებული. ასევე,

<sup>10</sup> რ. კოკნაძე, XI—XII სს. თბილისის ისტორიიდან, გვ. 121.

<sup>11</sup> იქვე.

<sup>12</sup> ქართლის ცხოვრება, ტ. I, გვ. 340.

ადვილი ასახსნელია აგრეთვე ალ-ფარიკის მცირე უზუსტობაც — როგორც ჩანს, ალ-ფარიკმა თბილისელთა ელჩობის შედეგად საქართველოსაკენ დაძრული კოალიციური ლაშქრის სათავეში მყოფი ილღაზი მიიხნია იმ პიროვნებად, რომელიც „თბილისის ხალხმა“ აქ დიდგორის ომის წინ თბილისის მფარველად მოიწვია.

როგორც ვხედავთ, დავითის ისტორიკოსს თბილისელთა (დმანელებთან და განძელებთან ერთად) მიერ მხოლოდ უკანასკნელად, დიდგორის ომის წინ გაგზავნილი მოწვევის შესახებ დაუტყვევებია ცნობა, რომელიც უფრო ზუსტია, ვიდრე ალ-ფარიკისა. ამასთანავე, ამ უკანასკნელი მოწვევის დრო (თარიღი) ორივე წყაროს ერთნაირად აქვს მოცემული (1121 წ.).

ამრიგად, ქართული და არაბული წყაროების ერთიანი მითითებით, დავით IV აღმაშენებელს თბილისის შემოერთება-სათვის, მის მორჩილებაში მოყვანისათვის სათანადო ზომების მიღება XII ს. 20-იანი, კერძოდ 1120/21 წლებიდან დაუწყია.

თბილისის თანდათანობითი შევიწროებით არსებითად იწყებოდა სოციალურა ბრძოლა სამეფო ხელისუფლებასა და ქალაქს შორის; ეს იყო დასაწყისი „ტფილელ ბერთა“ ხელისუფლებას დასასრულისა. მაგრამ თბილისელები და მათი მმართველი ზედა ფენა, რომელთა გამგებლობა უკვე ამ ორმოცი წლის მანძილზე საკმაოდ გაძლიერებული და განმტკიცებული იყო, არ ფიქრობდნენ ქალაქის დამოუკიდებლობის დათმობას და ყოველ ღონეს ხმარობდნენ მისი შენარჩუნებისათვის.

ამიტომაც „ტფილელნი ბერნი“, რაკი ხედავდნენ, რომ დავით IV მის მიერ ზედიზედ შემოერთებულ ქალაქებს ერთბაშად საკუთარ ქალაქებად აცხადებდა და უშუალოდ უმორჩილებდა თავის ხელისუფლებას, ე. ი. უსპობდა მათ თვითმმართველობას, იწყებენ ისეთი მფარველის ძიებას, რომელსაც შესაძლებლობა ექნებოდა შეეჩერებინა დავითის ღონისძიებანი ამ მხრივ და ამავე დროს ქალაქისათვის მფარველობა გაეწია, მისი დამოუკიდებელი მმართველობის შენარჩუნების პირობით. ასეთ ძლიერ ძალად, საქართველოს სამეფოს გარეთ, ცხადია, ისევ მაჰმადიანი მფლობელები ჩანდნენ. სწორედ ამან, ქალაქის ბრძოლამ თავისი დამოუკიდებლობის შენარჩუნებისათვის, ე. ი. მისი მოსახლეობის კლასობრივმა ინტერესებმა განსაზღვრეს ქალაქის ამგვარი ორიენტაცია და არა ნაციონალურმა მომენტმა — მაჰმადიანთა სიკარბემ ქალაქში, ან კიდევ, თურქ-სელჯუკთა შემოსევების შემდეგ ქართველებსა და მაჰმადიანებს შორის გამწვავებულმა ურთიერთობამ,

როგორც ამას ზოგი მკვლევარი ვარაუდობს<sup>13</sup>. ჭერ კიდევ ივ. ჯავახიშვილი მიუთითებდა იმდროინდელ თბილისში „მოქალაქეთა შორის მაჰმადიანთა“ სიჭარბეზე<sup>14</sup>. უდავოა, რომ ჭერ არაბთა მრავალსაუკუნოვანი ბატონობის, ხოლო შემდეგ თურქ-სელჯუკთა შემოსევების წყალობით, თბილისში მუსლიმანური მოსახლეობა მრავალრიცხოვანი უნდა ყოფილიყო საერთოდ, კერძოდ კი თბილისელ ვაჭართა შორის, მაგრამ ეს სრულებით არ ნიშნავდა თბილისის მოსახლეობის ამ ნაწილის გადამწყვეტ როლს საერთოდ საქალაქო ცხოვრებაში. ქართული დოკუმენტური, ნუმისმატიკური თუ სხვა არქეოლოგიური მასალა, ასევე უცხოურ წყაროთა მიუთითებაც, ჩვენ სავსებით გვარწმუნებს ქალაქის ქრისტიანული (ქართულ-სომხური, განსაკუთრებით კი ქართული) მოსახლეობის სიძლიერესა და როლში. ამას გარდა, თბილისში საკმაოდ დიდი რაოდენობით უნდა ყოფილიყო ებრაული მოსახლეობაც. ალბათ, სწორედ იმის გამო, რომ თბილისში მუსლიმანურ მოსახლეობას მნიშვნელოვნად ჰარბობდა ქრისტიანული, დავით აღმაშენებელმა, თბილისის შემოერთების პირველ დღეებშივე, საგანგებოდ გააფრთხილა მოსახლეობის ეს ნაწილი, რომ მათ არ შეევიწროებინათ თბილისელი მუსლიმანები. ამას გარდა, საუკუნეთა მანძილზე თბილისში მცხოვრები და მოღვაწე მუსლიმანები შეუძლებელია ჩვენ ყოველთვის ადგალობრივი ქართული ქრისტიანული მოსახლეობის საწინააღმდეგო, მისადმი დაპირისპირებულ ძალად მივიჩნიოთ. ივ. ჯავახიშვილის სავსებით მართებული განცხადებითა, მუსლიმან „მოქალაქეთა შვილები და შვილისშვილები“ გარკვეულ თაობათა შემდეგ „საქართველოს ძლიერებისა და ბედნიერებისათვის იმნაირადვე ზრუნავდნენ, როგორც ჩვენი ერის ღვიძლი შვილები“<sup>15</sup>.

XII ს. 20-იან წლებში დავით IV-ს მიერ შევიწროებული თბილისელების მიერ მაჰმადიან მფლობელთა შორის მფარველის ძებნის საკითხში გადამწყვეტი როლი რომ მუსლიმან-ქართველთა ურთიერთობის გამწვავებას არ შეიძლება მივაკუთვნოთ, ამაში ჩვენ, ზემოთქმულს გარდა, თბილისელთა მიერ არაერთგზის გადადგმული საწინააღმდეგო ნაბიჯებიც გვარწმუნებს. ჭერ კიდევ XI ს. შუა წლებში „ტფილელმა ბერებმა“, როგორც ზემოთ

<sup>13</sup> ე. კოპალიანი, თბილისელთა ორიენტაციის საკითხისათვის 1121—1122 წლებში, კრებ. „თბილისი—1500“, 1958, გვ. 57—63.

<sup>14</sup> ივ. ჯავახიშვილი, საქართველოს ეკონომიური ისტორია, 1907, გვ. 29.

<sup>15</sup> იქვე, გვ. 29—30.

არაერთხელ მივეუთითეთ, თვით მაჰმადიან მფლობელთა (ჯაფარ-ს მემკვიდრეთა) წინააღმდეგ პირველ რიგში საქართველოს მეფე მო-  
წვიეს<sup>16</sup>. ამგვარადვე, შექმნილი საშინაო და საგარეო ვითარების  
შესაბამისად მოქმედებდნენ თბილისელები შემდეგაც. ამიტომ იყო,  
რომ, რაკი მათ ტოლრულის მოწვევამ ვერ გაუმართლა იმედები  
და როგორც კი თბილისელები დარწმუნდნენ, რომ თვით განსაც-  
დელში ჩავარდნილი ტოლრული საჭირო მფარველობას ვერ გა-  
უწევდა, ისინი საქართველოს მეფეს შეუთანხმდნენ და მასთან და-  
დეს მფარველობითი ხელშეკრულება.

ამრიგად, ამ შემთხვევაში, როგორც ჩანს, გადამწყვეტი როლი  
ეკუთვნოდა დამოუკიდებელი თვითმმართველობის შენარჩუნების  
ინტერესებს და არა ქალაქის მუსლიმანური ან რომელიმე სხვა  
მოსახლეობის სურვილებს.

დავით IV-სა და თბილისელებს შორის იმ დროს მიღწეული  
შეთანხმება მრავალმხრივ საინტერესო ჩანს და ამიტომაც საჭიროდ  
მივიჩნევთ მასზე შედარებით ვრცლად შეჩერებას.

ალ-ფარიყის ცნობით, ტოლრულის მფარველობამ ვერ უშვე-  
ლა თბილისს, „მათი (თბილისელთა) შევიწროება ქართველთა მე-  
ფის მხრით არ წყდებოდა. მაშინ ისინი (მეფე და თბილისელები)  
შეთანხმდნენ იმაზე, რომ გადაუხადონ მას (მეფეს) ყოველწლი-  
ურად ათი ათასი დინარი და რომ მათთან (თბილისელებთან) იყოს  
შიპნა მხოლოდ ათი მხედრით. და დარჩნენ ამ პირობით კარგა  
ხანს“<sup>17</sup>.

ამ შეთანხმების მთავარი პირობა, ერთი მხრივ, როგორც ჩანს,  
თბილისის მიერ საქართველოს მეფის მფარველობის აღიარება იყო,  
ხოლო მეორე მხრივ, ამ მფარველობის ქვეშ „ტფილელ ბერთა“  
დამოუკიდებელი მმართველობის ხელშეუხებლობა უნდა ყოფილი-  
ყო. ყოველივე ამის სანაცვლოდ „თბილისის ხალხი“ მეფეს ყო-  
ველწლიურად ათი ათას დინარს გადაუხდიდა. ასე რომ, თბილი-  
სი ფაქტიურად ყიდულობდა თავის დამოუკიდებლობას საქალაქო  
საქმეების მართვაში; დამოუკიდებლობის შენარჩუნებას ჯერჯერო-  
ბით მფარველობის აღიარებითა და სათანადო თანხის გაღებით  
ახერხებდა. ასეთი მაგალითიც არაერთი იცის დასავლეთ ევროპის  
შუა საუკუნეების ქალაქების ისტორიამ...

<sup>16</sup> შდრ. რ. კიკნაძე, XI—XIII სს. თბილისის ისტორიიდან, გვ. 127-128.

<sup>17</sup> გ. წერეთელი, არაბული ქრესტომათია, გვ. 69; V. Minor sky, *Caucasica in the History..*, გვ. 32; А. Дж. Мамедов, *Из «истории Майяфарикина»*, გვ. 222.

საქართველოს მეფე, როგორც ჩანს, მარტოოდენ გარდაკვეთილი თანხის მიღებით არ კმაყოფილდებოდა და ქალაქის მიერ მფარველობის აღიარების ნიშნად მას „შიპნას“ უგზავნიდა. მაგრამ ამ „შიპნას“ უკვე, თვით თბილისელთა მოთხოვნით, ათ მხედარზე მეტი არ უნდა ზღუდებოდა.

რა არის ეს „შიპნა“, რომლის ქალაქში გაგზავნით ასე დანებდებოდა იყო მეფე და რომლის მხლებელთა რაოდენობის ასე მტკიცედ განსაზღვრას მოითხოვდა ქალაქის ხელისუფლება?

ჩვენ მიერ ზემომოტანილი აღმოსავლური მასალებიდან კარგად ჩანდა, რომ „შიპნა“ ამა თუ იმ ქალაქში რომელიმე მფლობელის (მეფე, სულთან) მფარველობის აღიარების შემთხვევაში იგზავნებოდა ამ უკანასკნელთა მიერ. მაგ., ალ.-ფაიკის ცნობით, ბაგრატ IV-მ, როგორც კი შეისყიდა თბილისი აღსართან გაგიკის ძისაგან, „სასწრაფოდ მისცა მას (ქალაქს) შიპნა და მოამარაგა ის ხალხით, იარაღითა და სურსათ-სანოვაგით“.<sup>18</sup> ასევე მოიქცა XII ს. 20-იან წლებში ტოლრულიცი; როცა მან მიიღო „თბილისის ხალხის“ მიწვევა და ქალაქს მფარველობის ხელი დაადო, მან გაუგზავნა (მისცა) მათ შიპნა, — წერს ალ.-ფაიკი.<sup>19</sup> მისივე ცნობით, ამგვარადვე მოიქცა დავით IV-ც, როგორც ეს ზემომოტანილი ამონაწერიდან ჩანდა. ამრიგად, უდავოა, რომ შიპნა ამა თუ იმ მფლობელის მიერ იგზავნება იმ შემთხვევაში, როცა ქალაქი მის მფარველობას აღიარებს; „შიპნას“ გაგზავნა არსებითად ქალაქის რომელიმე მფლობელისადმი დამოკიდებულების ერთგვარი სიმბოლოა.

„შიპნა“ პროფ. გ. წერეთლის მიერ განმარტებულია როგორც „მცველთა რაზმი, წესრიგის დამცველი რაზმი (ქალაქის პროვინციის), დანიშნული სულთნის მხრივ; პოლიცია, მცველი, დამცველი პოლიციის უფროსი“<sup>20</sup>. ასე რომ, იგი სხვადასხვა კონკრეტულ ვითარებაში შეიძლება ნიშნავდეს როგორც მცველთა რაზმს, ასევე ცალკეულ პიროვნებას, ამ რაზმის უფროსს. ამასთან იგი იყო რომელიმე მფლობელის მიერ გაგზავნილი როგორც მისდამი დაქვემდებარებულ ქალაქში, ასევე პროვინციაშიც.

როგორც ჩვენ მიერ ზემოდასახელებული კონკრეტული შემთხვე-

---

<sup>18</sup> V. Minorsky. Studies in Caucasian History, გვ. 19; Л. Дж. Мамедов, Люффуллах..., Труды, XII, გვ. 218.

<sup>19</sup> გ. წერეთელი, არაბული ქრესტომათია, გვ. 68; V. Minorsky, Caucasia in the History..., გვ. 32.

<sup>20</sup> გ. წერეთელი, არაბულ-ქართული ლექსიკონი, 1951, გვ. 106.

ვებიდან ჩანდა, „შიჰნა“ მცველთა რაზმის უფროსსა და მფლობელის (მეფის თუ სულთნის) მიერ თბილისში გაგზავნილ პირს (რომელსაც თან ახლავს რამდენიმე კაცისაგან შემდგარი რაზმი) ეწოდებოდა. მაგრამ რა უნდა იყოს ამ აღმოსავლური (სპარსულიდან მომდინარე?) ტერმინის ქართული შესატყვისი? ვ. შინორსკის მიერ შესრულებულ ინგლისურ თარგმანში ალ-ფარიკის ცნობების „შიჰნას“ „პროტექტორი“ (protector) შესატყვისება.<sup>21</sup> ა. მამედოვი ამ ტერმინს რუსულად ხან «охрана»-დ თარგმნის, ხან კიდევ, კერძოდ ალ-ფარიკის ცნობებში, «наместник»-ად. <sup>22</sup> რ. კიკნაძეს კი არაბული „შიჰნა“-ს შესატყვისი ქართულ ტერმინად „ციხისთავი“ მიაჩნია.<sup>23</sup>

როგორც ზემომოტანილი ცნობებიდან და განმარტებებიდან ვნახეთ, „შიჰნა“ პირველ რიგში მეფის, სულთნის, დიდებულის მიერ მისი ხელისუფლების წარმომადგენლად, მის მაგივრად ქალაქში გაგზავნილ პირს ეწოდებოდა. ამასთანავე ამ პირს თან ახლდა სათანადო რაზმი, რომელსაც უმთავრესად წესრიგის დაცვა, საპოლიციო სამსახურის შესრულება ევალებოდა. ისეთი თანამდებობის პირს, რომელიც ქალაქში მისი მფარველის მაგივრობას წევდა, ქალაქზე მის ხალისუფლებას ახორციელებდა და იქ საპოლიციო სამსახურს ასრულებდა, ძველქართულით „მეფის ნაცვალი“, „ბატონის ნაცვალი“, ან, უბრალოდ, „ნაცვალი“ ეწოდებოდა<sup>24</sup>. თვით ამ ქართული ტერმინის — „ბატონის ნაცვალის“ — შინაარსის შესწავლა გვარწმუნებს მის სიძველეს. ჩვენი აზრით, ეს ტერმინი სწორედ იმდროინდელი უნდა იყოს და ქალაქისა და მისი მფარველის იმდროინდელ ურთიერთობას უნდა გამოხატავდეს, როცა ქალაქი ჯერ კიდევ ინარჩუნებდა მმართველობის დამოუკიდებლობას და მფარველის ხელისუფლების წარმომადგენლად აქ მხოლოდ ერთი პირი — „მეფის (ბატონის) ნაცვალი“ იყო. ცხადია, მას შემდეგ, რაც სამეფო ხელისუფლებამ ქალაქი მთლიანად დაიმორჩილა და იგი მის მიერ დანიშნულ მოხელეებს (მოურავი და სხვ.) დაუქვემდებარა, „ნაცვალი“, მართალია, ძველებურად „ბატონის ნაცვლად“, ე. ი. „ქალაქის მფლობელის მაგივრად“ იწოდებოდა, მაგრამ არსებითად უკვე ასეთ ხელისუფალს აღარ წარმოდგენდა.

<sup>21</sup> V. Minorsky, *Caucasica in the History...*, გვ. 32.

<sup>22</sup> А. Дж. Мамедов, Лютфуллах, გვ. 218; Из Истории გვ. 22.

<sup>23</sup> რ. კიკნაძე, XII XIII სს. თბილისის ისტორიიდან, გვ. 120.

<sup>24</sup> საქართველოს ქალაქების „ნაცვლისა“ და მისი ხელისუფლების შესახებ, იხ. Ш. А. Месхиа, Города и городской строй, გვ. 276—284.

ბატონის უპირველესი წარმომადგენელი ქალაქში უკვე მოურავი იყო და „ბატონის ნაცვლად“ წოდებაც მას უფრო შეეფერებოდა. ასე რომ, ქალაქის დამორჩილების შემდეგ „ბატონის ნაცვალს“ ადრინდელი მდგომარეობიდან თავდაპირვანდელ შინაარსს მოკლებული წოდება-ლა შემორჩა, ადრე კი ეს ქართული ტერმინი იმავე შინაარსის მატარებელი უნდა ყოფილიყო, როგორც არაბული „შიპნა“, რომლითაც ისეთი ხელისუფალი იწოდებოდა, რომელიც მეფის სამფარველო, ვასალურ ქალაქში იგზავნებოდა.

ქალაქისათვის, როგორც ჩანს, მნიშვნელობა ჰქონდა „ბატონის ნაცვალთან“ ერთად გამოგზავნილ მცველთა რაოდენობის განსაზღვარასაც. თუ რაზმი მრავალრიცხოვანი იქნებოდა, მისი ფუნქციები შეიძლებოდა ქალაქზე მფარველობის ხელის დადების სიმბოლურ ნიშნებსა თუ წესრიგის დაცვის ფუნქციებს გასცილებოდა და იგი ქალაქზე მისი მფარველის გაბატონების იარაღად ქცეულიყო. ამიტომ იყო, რომ „თბილისის ხალხი“, ალ-ფარიკის ცნობით, საგანგებოდ მოითხოვდა დავით მეფის მიერ გამოგზავნილ „შიპნას“ მხოლოდ ათი მხედარი ხლებოდა.

ამრიგად, დავით IV-სა და თბილისის ურთიერთობა იმაქამდ ქალაქის მიერ მეფის მფარველობის აღიარებასა და ყოველწლიურად 10000 დინარის გადახდას არ სცილდებოდა. ქალაქი ამ პირობით დამოუკიდებელი მმართველობის შენარჩუნებას ჯერ კიდევ ახერხებდა. მაგრამ ეს იყო დავით აღმაშენებლის მხოლოდ პირველი ღონისძიებანი თბილისის დამოუკიდებლობის წინააღმდეგ. როგორც ჩანს, მეფე ჯერჯერობით ფრთხილად მოქმედებდა, მალე მას აღარ დააკმაყოფილებდა ქალაქისა და სამეფო ხელისუფლების ამგვარი ურთიერთობა და ამიტომ იყო, რომ მიუხედავად მიღწეული შეთანხმებისა, მეფე განაგრძობდა ქალაქის შევიწროებას. ცხადია, დავით IV ქალაქის სრული დამორჩილებისათვის ემზადებოდა. ქალაქის მმართველი ზედა ფენა კი, პირიქით, მეფის მფარველობისა და აქედან გამომდინარე დაკისრებული ვალდებულებებისაგან განთავისუფლებას ცდილობდა. ურთიერთობა ქალაქსა და მეფეს შორის სულ უფრო და უფრო მწვავედებოდა. ქალაქის სოციალური ბრძოლა მოპოვებული დამოუკიდებლობის შენარჩუნებისათვის ისევ გრძელდებოდა. ქალაქის ხელისუფალნი ძლიერი მეფის წინააღმდეგ დამხმარე ძალის ძიებას ქვეყნის გარეთ იწყებდნენ.

განსაკუთრებით საინტერესოა, რომ დავით IV-ს ამგვარი პოლიტიკის წინააღმდეგ გამთდიოდა არა მარტო თბილისი და სა-



ქართველოს სხვა ქალაქები (დმანისი), არამედ მისი მეზობელი ქალაქებიც (განძა). მიუხედავად იმისა, რომ დმანისისა და განძის დაპყრობის საშიშროება მაშინ ჯერ კიდევ რეალური არ იყო, ეს ქალაქებიც თბილისელთა ჭირ-ვარამის გამზიარებლებად გამოდიან და მათი წარმომადგენლები, თბილისელებთან ერთად, მიდიან საქართველოს მეფისადმი დასაპირისპირებელი ძალის თავმოსაყრელად. ამიტომ იყო, რომ ქართველი ისტორიკოსის სიტყვით, „ესე-ყითართა ჭირთაგან შეიწრებულნი თურქმანნი და კუალად ვაქარნი განძელ-ტფილელ-დმანელნი წარვიდეს სულტანსა წინაშე“. ამ ცნობიდან კარგად ჩანს, რომ დავითის პოლიტიკით შევიწროებულნი იყვნენ არა მარტო თურქმანნი (ე. ი. თურქ-სელჯუკები), არამედ აგრეთვე საქართველოსა და მის მეზობელ ქალაქთა ვაქარნი (როგორც ვხედავთ, ქართველი ისტორიკოსი საქართველოს ქალაქების მოსახლეობას, ვაჭრებს მარტოდენ თურქმანებად არ მიიჩნევდა), რომელნიც გაერთიანებული ძალით ცდილობდნენ მეფის წინააღმდეგ გალაშქრებას. ქართველი ისტორიკოსის ამ ცნობაში ჩვენ შეიძლება დავინახოთ მეტად საინტერესო მითითება შუა საუკუნეების საქართველოსა და მისი მეზობელი ქვეყნების ქალაქთა კავშირის შექმნის შესახებ. შემთხვევითი არ უნდა იყოს, რომ ისტორიკოსი დავითის წინააღმდეგ მებრძოლ ორ დიდ ქართულ ქალაქთან (თბილისი, დმანისი) ერთად განძასაც ასახელებს. ამიერკავკასიის ამ სამი დიდი ქალაქის მმართველი ზედა ფენის, მსხვილ ვაქართა გაერთიანება საქართველოს მეფის ხელისუფლების წინააღმდეგ, ცხადია, ამ ქალაქთა გაერთიანების, მათი კავშირის შექმნის შუაწყობელი უნდა იყოს. ასე რომ, XII ს. 20-იან წლებში დავით აღმაშენებელს, რაკი იგი ქალაქებს უშუალოდ უმორჩილებდა სამეფო ხელისუფლებას, დაუპირისპირდა არა მარტო თბილისი, არამედ „ქალაქთა კავშირი“... ქალაქთა მსგავსი კავშირების შექმნისა და ქალაქების დამოუკიდებლობისათვის მათი ერთიანი ბრძოლის არაერთი მაგალითი იცის აგრეთვე დასავლეთ ევროპის შუა საუკუნეების ქალაქების ისტორიამ...

როგორც ჩანს, ქალაქების გაერთიანებაც არ აღმოჩნდა საკმარისი ამ ძლიერი ძალის დასამარცხებლად და ამიტომაც ქალაქების მმართველი ზედა ფენა თხოვნით მიმართავდა სულთანს, რათა „აღძრნეს წყალობად“. მართლაც, როგორც აღ-ფარიკის, ასევე ქართველი ისტორიკოსის ცნობით; თბილისელთა და განძელ-დმანელ ვაქართა მოციქულობამ თავისი შედეგი გამოიღო — შედეგა მაჰმადიან მფლობელთა დიდი კოალიციური ლაშქარი, რო-

მელიც 1121 წ. აგვისტოს საქართველოს მეფის წინააღმდეგ დაიძრა. ასე რომ, დიდგორის ომი არსებითად იყო თბილისისა და სხვა ქალაქების წარმომადგენელთა ელჩობის შედეგი, ან უკეთ, „ქალაქთა კავშირისა“ და მის მიერ დამხმარედ მოწვეული ძალის უკანასკნელი ძლიერი ომი საქართველოს სამეფო ხელისუფლების წინააღმდეგ.

როგორც ცნობილია, დიდგორის ომი საქართველოს მეფის ბრწყინვალე გამარჯვებით დამთავრდა. დიდგორის ველზე კი მეფემ დაამარცხა არა მარტო მაჰმადიანთა კოალიციური ლაშქარი, არამედ „ქალაქთა კავშირიცა“ და თბილისის დამოუკიდებლობაც — საქალაქო კომუნაც. ყოველივე ეს კარგად ესმოდა საქართველოს მეფეს და ამიტომ იყო, რომ დიდგორის ველზე, გამარჯვებისთანავე დამარცხებული ლაშქრის დევნას თავი მიანება და პირდაპირ თბილისისაკენ გამოემართა, ქალაქს გარშემოერტყა და 1122 წ. დამდეგისათვის აიღო კიდეც; ალ-ფარიკი წერს: „მას შემდეგ, რაც დამარცხებულ იქნა ლაშქარი, დაბრუნდა აფხაზთა მეფეც და თბილისთან დაბანაკებულმა ალყა შემოარტყა მას. ხოლო შემდეგ დაეუფლა მას მახვილით და შევიდა მასში (ქალაქში) ხუთას თხუთმეტ წელს. მან გადარცვა იგი და ცეცხლს მისცა მისი დიდი ნაწილი. შემდეგ კი შეიწყალა მცხოვრებნი და კარგად ეპყრობოდა მათ. დაუდგინა მათ ის პირობები, რომელიც თვით ირჩიეს“<sup>25</sup>. ამის შემდეგ კი ალ-ფარიკი იმ საგადასახადო და სხვა პრივილეგიათა შესახებ მოგვითხრობს, რომელიც მეფემ თბილისის მუსლიმანებს მიანიჭა და რომელზედაც ჩვენს სამეცნიერო ლიტერატურაში არაერთხელ ყოფილა მითითებული სხვა მაჰმადიან ისტორიკოსთა (ალ-ჯაუზი, ალ-ყაანი) ცნობების მიხედვით<sup>26</sup>.

ამრიგად, 1122 წ. დამდეგი, თბილისის აღების წელი, ეს არსებითად არის „ტფილელ ბერთა“, ქალაქის უზუცესთა დამოუკიდებელი მმართველობის, თბილისის როგორც ქალაქი-კომუნის დაცემის წელი. აქამდე კი, ალ-ფარიკის სიტყვით, 40 წლის მანძილზე, ე. ი. XI ს. 80-იანი წლებიდან (1122 — 40 = 1082) ქალაქში „ტფილელ ბერთა“, „თბილისის ხალხის“ ხელისუფლება, ანუ ქალაქის

<sup>25</sup> გ. წერეთელი, არაბული ქრესტომათია, გვ. 71; V. Minorsky, *Saucasica in the History...*, გვ. 33; А. Дж. Мамедов, *Из истории Май-яфарикина*, გვ. 223.

<sup>26</sup> იხ. Brosset, *Histoire...*, *Additions et...*, გვ. 240, 242; ივ. ჯავახიშვილი, ქართველი ერის ისტორია, II, გვ. 204—205; ვლ. ფუთურძე, არაბი ისტორიკოსი XII ს. თბილისის შესახებ, გვ. 141.

კომუნალური მმართველობა განუყოფლად სუფევდა. მაგრამ თბილისის ალბა თუ მისი დამოუკიდებლობის დაცემის მომასწავებელი იყო, იგი ჯერ კიდევ არ ნიშნავდა საქალაქო თვითმმართველობის მოსპობას. როგორც ეს თავის დროზე სავსებით მართებულად მიუთითა ვლ. ფუთურიძემ, დავით IV ქალაქის შემოერთებისთანავე ვერ მოსპობდა იმ წესებსა და კანონებს, „რაც ქალაქის თავისუფლად ცხოვრების ხანაში იყო შემოღებული“<sup>27</sup>.

ალ-ფარიკის მითითებაც, რომ მეფემ პირველ დღეებშივე თბილისის მცხოვრებთ „დაუდგინა ის პირობები, რომელიც მათ თვით ირჩიეს“ — თბილისის თვითმმართველობის შენარჩუნებას უნდა გულისხმობდეს: თბილისის მმართველი ზედა ფენა, ცხადია, პირველ რიგში საქალაქო საქმეების განგებაში დამოუკიდებლობას შენარჩუნებას ირჩევდა (სხვაგვარ შელავათებზე კიდევ ალ-ფარიკი ხომ ქვემოთ საგანგებოდ ჩერდება).

თბილისის შემოერთების პირველ წლებში რომ მართლაც უნდა ჰქონოდა შენარჩუნებული თვითმმართველობა, ამაში ჩვენ დავითის ისტორიკოსის ერთი მეტად საინტერესო მითითებაც გვარწმუნებს. იგი წერს: „ქალაქი ტფილისი იყო, ოდეს ჯერეთ არა სრულიად შემოყენებულ იყო უღელსა ქუეშე მორჩილებისას, ვითარცა აწ“<sup>28</sup>. როგორც ვხედავთ, დავითის ისტორიკოსი თბილისის შემოერთებაში ორ პერიოდს არჩევდა — პირველს, როცა იგი ჯერ კიდევ „არა სრულიად შემოყენებულ იყო უღელსა ქუეშე მორჩილებისასა“ და მეორეს, როცა იგი „სრულიად შემოყენებულ იყო უღელსა ქუეშე მორჩილებისასა“. თბილისის შემოერთების პირველი პერიოდი — მისი არასრულად ყოფნა „უღელსა ქუეშე მორჩილებისასა“ პირველ რიგში ქალაქის თვითმმართველობის შენარჩუნებას უნდა გულისხმობდეს. მაგრამ ეს პერიოდი დიდხანს არ უნდა გაგრძელებულიყო. ჯერ ერთი, დავითის ისტორიკოსი ამას აწერს დიდგორის ომისა და თბილისის შემოერთებიდან არც ისე დიდი ხნის გასვლის შემდეგ. ამასთანავე, თუ გავითვალისწინებთ იმას, რომ თბილისის სრული დამორჩილება უდავოდ დავითის გარდაცვალებამდე (1125 წ. დამდეგი) უნდა მომხდარიყო, პირველი პერიოდი არ შეიძლება 2 წელიწადზე მეტ ხანს გაგრძელებულიყო.

ისტორიკოსის მონათხრობიდან ნათლად ჩანს. აგრეთვე, რომ

<sup>27</sup> ვლ. ფუთურიძე, არაბი ისტორიკოსი XII ს. თბილისის შესახებ, გვ. 143.

<sup>28</sup> ქართლის ცხოვრება, I, გვ. 349.

დავითმა თავისი მეფობის უკანასკნელ წელს თბილისი „სრულიად შემოაყენა“ „უღელსა ქუეშე მორჩილებისასა“, ე. ი. მთლიანად დაიმორჩილა.

ამრიგად, ბრძოლა სამეფო ხელისუფლებასა და ქალაქს შორის თბილისის იარაღით აღების შემდეგაც გრძელდებოდა. თბილისმა, მართალია, აღიარა მეფის მორჩილება, ე. ი. დაჰკარგა დამოუკიდებლობა, თავისუფლება, მაგრამ მისმა უზუცესებმა ჭერ კიდევ მოახერხეს თვითმმართველობის შენარჩუნება. საქართველოს მეფე იძულებული იყო ერთხანს შერიგებოდა ასეთ მდგომარეობას, მაგრამ არა დიდი ხნით. მალე მან ქალაქი მთლიანად დაიმორჩილა. რაც, ცხადია, უკვე თვითმმართველობის გაუქმებასა და ქალაქში მეფის მოხელეების დანიშვნას მოასწავებდა. ამ დროიდან კი უკვე საბოლოოდ დასრულდა თბილისის არა მარტო ქალაქი-კომუნის, არამედ მისი თვითმმართველობის ისტორიაც. ამიერიდან თბილისი იქცა არა მარტო სამეფო, არამედ მეფის მოხელეებისადმი დამორჩილებულ ქალაქად. ქალაქის გამგებლებად უკვე „მეფეთა მიერ წყალობა-ველდასხმული“ მოხელეები იყვნენ და არა „ტფილელნი ბერნი“ ანუ „თბილისის ხალხის“ მიერ არჩეული წარმომადგენლები. თბილისის მმართველობაში მომხდარი ასეთი რადიკალური ცვლილებების შედეგია უდავოდ ის, რომ ქართულ წყაროებში იმდროიდანვე წყდება „ტფილელ ბერთა“ ხსენება. მაგრამ ეს იმას კი არ ნიშნავს, რომ ასეთი ხელისუფლება იმდროინდელ თბილისში საერთოდ არ არსებობდა, რომ იგი სავსებით მოსპობილ იქნა, არამედ იმას, რომ ამიერიდან „ტფილელნი ბერნი“ ქალაქის მმართველობაში დამოუკიდებლობას ვერ ინარჩუნებდნენ და იმდენად უმნიშვნელო როლს ასრულებდნენ, რომ ისინი ქალაქში მეფის მიერ დანიშნულ ძლიერ მოხელეთა გვერდით მოხსენიების ღირსადაც კი არ მიაჩნდა ოფიციალურ ისტორიოგრაფიას.

„ქალაქის უზუცესთა“ ანუ „ქეთხუდთა“ ხელისუფლება, როგორც ეს ზემოთ მივუთითეთ, თბილისში გვიან შუა საუკუნეებშიც შემორჩა, მაგრამ იგი უკვე იმდენად დაკნინებული იყო, რომ მას ძალიან მცირე რამ ჰქონდა საერთო ამავე სახელწოდების მატარებელ ძველ ხელისუფლებასთან.

ამრიგად, დავით აღმაშენებელმა დაასრულა თბილისის, როგორც ქალაქი-კომუნის, ისტორია, რომელიც ნახევარი საუკუნის მანძილზე (კერძოდ, XI ს. 50-იანი წლებიდან 60-იან წლებამდე, ხოლო შემდეგ XI ს. 80-იანი წლებიდან 1122 წლამდე) გრძელდებოდა.

სოციალური ბრძოლა კომუნის დამარცხების შემდეგ

კომუნის არსებობის ნახევარი საუკუნის ისტორიას არ შეიძლება უშედევოდ ჩაველო თბილისისათვის, განსაკუთრებით კი მისი სოციალური ცხოვრებისათვის. თბილისის მიერ ჯერ თვითმმართველობის მოპოვებას, ხოლო შემდეგ მის გადაქცევას ქალაქ-კომუნად უდიდესი როლი უნდა შეესრულებინა მოქალაქეთა კლასობრივი ინტერესების გამოკვეთის, მისი ზედაფენის გამტკიცებისა და ერთ ძლიერ წოდებად, მოქალაქეთა, ბიურგერთა წოდებად ჩამოყალიბების საქმეში.

ამავე დროს, თბილისის გადაქცევა ქალაქ-კომუნად ნიშნავდა თბილისის არა მარტო სოციალური ცხოვრების დაწინაურებას, არამედ აგრეთვე მოქალაქეთა გამარჯვებას, მათი კლასობრივი მისწრაფებების განხორციელებას. ამიტომ, ბუნებრივია, მოქალაქენი მიღწეულ ამ მეტად მნიშვნელოვან გამარჯვებას არ თმობდნენ და იარაღით იბრძოდნენ მის შესანარჩუნებლად. ეს მწვავე კლასობრივი ბრძოლა ქალაქსა და ფეოდალურ არისტოკრატიას (სამეფო ხელისუფლებას) შორის თბილისის შემოერთების შემდეგაც არ შეწყვეტილა. იგი გრძელდებოდა მას შემდეგაც, რაც დავით აღმაშენებლის არაერთი ღონისძიების შედეგად თბილისი უკვე „სრულიად შემოყენებული იყო უღელსა ქუეშე მორჩილებისასა“.

მაგრამ კლასობრივი ბრძოლა ყოველთვის აშკარა ფორმითა და ერთნაირად არ მიმდინარეობდა. ზოგჯერ, როცა სამეფო ხელისუფლება განსაკუთრებულ სიძლიერეს აღწევდა. იგი თითქოს ნელდებოდა, ხოლო ზოგჯერ კი ისევ ჩნდებოდა და სამეფო ხელისუფლების წინააღმდეგ აშკარა გამოსვლის სახეს ატარებდა ან კიდევ მის წინააღმდეგ მოწყობილ სხვადასხვა მოძრაობას ამა თუ იმ ფორმით უერთდებოდა.

ქართულ როგორც ნარატიულ, ასევე დოკუმენტურ წყაროებს თითქმის არაფერი მნიშვნელოვანი არ შემოუნახავთ ამ მეტად საინტერესო ისტორიული მოვლენებისათვის თვალის გასადევნებლად. მაგ., ჩვენ თითქმის არაფერი ვიცით XII ს. მეორე და მესამე მეოთხედის თბილისში მიმდინარე სოციალური ბრძოლების შესახებ. ეს ნაწილობრივ ქართული ნარატიული წყაროების ნაკლებობით, კერძოდ იმითაც უნდა აიხსნას, რომ დავითის ისტორიკოსის შემდეგ, ვიდრე თამარის ისტორიკოსებამდე იმ ხანის საქართვე-

ლოს შესახებ ჩვენთვის დღემდე ცნობილ ქართველ ისტორიკოსთაგან არავის უწერია. ამიტომაც, რომ თბილისის მოქალაქეების კლასობრივი ბრძოლების, მათი გამოსვლების შესახებ, დავითის ისტორიკოსის შემდეგ მხოლოდ თამარის ისტორიკოსებს შემოუნახავთ ორიოდ და ისიც არაპირდაპირი ცნობა.

თამარის პირველი ისტორიკოსის ასეთ ცნობად პირველ რიგში მიგვაჩნია მონაცემები ყუთლუ-არსლანისა და მისი დასის გამოსვლის შესახებ. საქართველოს სამეფოს მეჭურჭლეთუხუცესისა და მის თანაშეფიცულთა დასის გამოსვლაში ჩვენ შეიძლება თბილისის მოსახლეობის ზედაფენის კლასობრივი ბრძოლის გამოვლენა დავინახოთ.

ამეამად არ ვფიქრობთ ყოველმხრივ განვიხილოთ ყუთლუ-არსლანისა და მისი დასის გამოსვლა და მასთან დაკავშირებული ყველა საკითხი. მის შესახებ სათანადო სამეცნიერო ლიტერატურა უკვე შექმნილია და ამ მოძრაობის ხასიათზე სათანადო მოსაზრებებიცაა გამოთქმული.

აკად. ივ. ჯავახიშვილმა, რომელმაც პირველად და სრულყოფილად განიხილა ეს მოძრაობა, იგი საქალაქო წრეების, მსხვილ ვაჭარ-ფინანსისტების, „სიმდიდრით აღზევებულთა“ მოძრაობად მიიჩნია: „ამგვარად, ყუთლუ-არსლანი და მის თანამოაზრეთა ჯგუფი „სიმდიდრით აღზევებულთა“ წრის წარმომადგენლად მოჩანან“ — ასკენიდა ივ. ჯავახიშვილი<sup>1</sup>. ამგვარადვე შეაფასეს ყუთლუ-არსლანის გამოსვლა სხვა მკვლევარებმაც. მაგ., პროფ. ა. კიკვიძე წერს: „ამრიგად, სიმდიდრით აღზევებულნი — უგვარო დაბალი სოციალური ფენებიდან წარმომდგარი მოხელეობა, დიდვაჭრები, ვაჭარ-ხელოსანთა წრეები — აი ის ძალები, რომელთაც ეყრდნობოდა ყუთლუ-არსლანის (იგივე სიმდიდრით აღზევებულის) მეთაურობით ფეოდალური მონარქიის წინააღმდეგ მიმართული პოლიტიკური მოძრაობა“<sup>2</sup>. პროფ. ი. პეტრუშევსკის აზრითაც, ყუთლუ-არსლანი ვაჭრებისა და ფინანსისტების ინტერესს იცავდა<sup>3</sup>. პროფ. ს. მაკალათიას ყუთლუ-არსლანის დასის გამოსვლა „მესამე წოდების“ ამბოხებად მიაჩნია<sup>4</sup>. დავით აღმაშენებლის მიერ საქალა-

<sup>1</sup> ივ. ჯავახიშვილი, ქართული სამართლის ისტორია, წ. II, ნაკ. 2. გვ. 161; იხ. გვ. 155—186.

<sup>2</sup> ა. კიკვიძე, საქართველო XII საუკუნეში, თსუ შრომები, IX, 1939, გვ. 167.

<sup>3</sup> И. П. Петрушевский, Городская знать в государстве хулагуидов, СВ, V, 1948, გვ. 97.

<sup>4</sup> ს. მაკალათია, თმარ მეფე, 1942, გვ. 15—17.

ქო თვითმმართველობის, „ტფილელ ბერთა“ ხელისუფლების შეზღუდვითა და გაუქმებით შევიწროებულ თბილისელ მოქალაქეთა და მათთან თავისი თანამდებობითა და მდგომარეობით ახლო მდგომი პირის გამოსვლად მივიჩნიეთ თავის დროზე ჩვენ ყუთლუ-არსლანისა და მისი დასის მოძრაობა<sup>5</sup>.

ქართულ სამეცნიერო ისტორიულ ლიტერატურაში გამოთქმულია საწინააღმდეგო მოსაზრებაც. აკად. ს. ჯანაშია ჯერ კიდევ 1936 წ. თავის „საქართველოს ისტორიის კონსპექტში“ აღნიშნავდა: „მოწინააღმდეგე საზოგადოებრივმა ძალებმა სცადეს (1185) დაეზრუნებინათ დაკარგული მდგომარეობა და დაეპყრათ ახალი პოზიციებიც, აშკარა აჯანყების გზით. მეამბოხეთა მეთაური და მოძრაობის ბელადი ყუთლუ-არსლანი, თავის დროს თამარის მამის მიერ ფინანსთა მინისტრად (მეჭურჭლეთ-უხუცესად) დანიშნული, დედოფლისაგან შოთხოვს უმადლესი ხელისუფლების ახალი ორგანოს, „კარავის“, დაწესებას რომელსაც უნდა მიესაკუთრებინა ძირითადი ფეოდალური უფლებანი<sup>6</sup>“. მართალია, ს. ჯანაშიას მიერ გარკვევით არ არის მითითებული თუ რომელმა „მოწინააღმდეგე საზოგადოებრივმა ძალებმა სცადეს“ დაკარგული მდგომარეობის დაბრუნება აჯანყების გზით, მაგრამ მისი თხრობის თანმიმდევრობიდან ჩანს, რომ განსვენებული მეცნიერი ამ შემთხვევაში სამეფო ხელისუფლების წინააღმდეგ მებრძოლ დიდგვარიანებს გულისხმობდა. ასე რომ, მას ყუთლუ-არსლანის გამოსვლა თამარის დროს არსებითად დიდგვარიანთა მეორე, უფრო ორგანიზებულ — „აშკარა აჯანყების გზით“ — გამოსვლად მიაჩნდა. აკად. ნ. ბერძენიშვილის აზრითაც, „ყუთლუ-არსლანის ეს პოლიტიკური პროგრამა იყო შემდგომი განვითარება, მაღალი საფეხური იმ საუკუნოვანი ბრძოლისა, რომელსაც ფეოდალური ოპოზიციის აწარმოებდა მეფის თვითმპყრობელური მიდრეკილების წინააღმდეგ<sup>7</sup>“.

პროფ. გ. სოსელიამ უკანასკნელ ხანებში საგანგებო წერილი მიუძღვნა ამ საკითხს<sup>8</sup> და ყუთლუ-არსლანის მოძრაობა, რომელიც

<sup>5</sup> Ш. А. Месхиа, Города и городской строй феодальной Грузии (Автореферат), М., 1954, გვ. 11—12; Ш. А. Месхиа, Из истории грузинского феодального города, გვ. 151.

<sup>6</sup> ს. ჯანაშია, შრომები, II, 1952, გვ. 428.

<sup>7</sup> ნ. ბერძენიშვილი, და სხვ., საქართველოს ისტორია, 1, 1958, გვ. 197.

<sup>8</sup> გ. სოსელია, ყუთლუ-არსლანის დასის პოლიტიკური პროგრამის შესახებ. მ. გორკის სახელობის სოხუმის სახელმწ. პედაგოგიური ინსტიტუტის შრომები, X—XI, 1958, გვ. 67—99.

მისი აზრით, მხოლოდ დიდგვარიანი ფეოდალების მიერ სამეფო ხელისუფლების წინააღმდეგ მოწყობილ გამოსვლას წარმოადგენდა, რეაქციულ მოვლენად გამოაცხადა. იგი წერს: „ყუთლუ-არსლანის დასის პოლიტიკური პროგრამა, რომელიც „კარავში დასხდომილთა“, მსხვილი ფეოდალების სასარგებლოდ მეფის ხელისუფლების შეზღუდვას მოითხოვდა, უთუოდ რეაქციული იყო. ყუთლუ-არსლანის დასის მიზანს სამეფო კარზე ფეოდალთა ბატონობის ძველი წესის შენარჩუნება წარმოადგენდა“<sup>9</sup>.

გ. სოსელიას ეს დასკვნა ლოგიკური ვაგარძელებაა მისი მოსაზრებებისა — თუ მართლაც ყუთლუ-არსლანი და მისი დასი მხოლოდ დიდგვარიანი ფეოდალების მისწრაფებებს გამოხატავდნენ და ამიტომ იბრძოდნენ სამეფო ხელისუფლების შესაზღუდავად, ცხადია, ასეთი მოძრაობა იმ დროისათვის მართლაც რეაქციული უნდა ყოფილიყო.

ჩვენი თემისა და ინტერესის ფარგლებს სცილდება ამქამად ამ და სხვა მსგავს მოსაზრებათა საგანგებო განხილვა, მათი სისწორე-უსწორობის შესახებ ვრცელი მსჯელობის გამართვა. შევნიშნავთ მხოლოდ, რომ ყველა ზემომოტანილი მოსაზრება, მათ შორის უქანასკნელ ხანებში გამოთქმულიც, დამყარებულა არა რაიმე მასალაზე, რომელიც ივ. ჭავჭავაძის შემდეგ შემოვიდა სამეცნიერო ხმარებაში, არამედ მხოლოდ და მხოლოდ თამარის ისტორიკოსის ერთადერთი ცნობის სხვადასხვაგვარ ინტერპრეტაციებზე.

ამას გარდა, აღსანიშნავია აგრეთვე ისიც, რომ იმ მოსაზრებათა ავტორები, რომელნიც ყუთლუ-არსლანის მოძრაობაში მხოლოდ დიდგვარიანთა გამოსვლას ხედავენ, მხედველობაში არ იღებენ იმდროინდელი საქართველოს ქალაქების სოციალურ-ეკონომიკურ განვითარებას და ამიტომ წინასწარ, აპრიორულად გამორიცხავენ საქალაქო ფენების მონაწილეობას ამ მოძრაობაში. მაგ., პროფ. გ. სოსელია ერთ-ერთ ძირითად საბუთად იმისა, რომ იმდროინდელი საქართველო მზად არ იყო ამგვარი სოციალური მოძრაობისათვის, სხვათა შორის, ასახელებს აქ დამოუკიდებელი ქალაქების არარსებობას და საქალაქო ცხოვრების განუვითარებლობას. იგი წერს: „ქალაქები დამოუკიდებლობით არ სარგებლობენ. თბილისის გამგედ მეფისაგან დანიშნული ამირა არის. დანარჩენ ქალაქებს ციხისთავები თუ სხვა, ფეოდალური წყობილებისათვის ჩვეულებრივი

---

• 83. 95



მოხელენი განაგებენ. მრწველობის შესახებ კი სრულებით არავითარი ცნობა არ არის. ასეთ პირობებში მესამე წოდების გაჩენა შეუძლებელი იქნებოდა. ასეა თუ ისე, ფაქტი ის არის, რომ XI—XII საუკუნეების საქართველოში მეფესა და ფეოდალებს შორის ან თვით ფეოდალებს შორის ბრძოლაში ვაჟარ-ხელოსანთა ფენას არ ვხვდებით, ე. წ. მესამე წოდება არ ჩანს<sup>10</sup>.

რომ არაფერი ვთქვათ ცალკეულ უზუსტობებზე, პროფ. გ. სოსელიას ეს შეხედულება, საერთოდ, მიუხედავად იმისა, რომ იგი 1958 წ. არის გამოთქმული, უკვე მოძველებულად უნდა მივიჩნიოთ.

ამჟამად შუა საუკუნეების საქართველოს ქალაქები, მათი სოციალურ-ეკონომიკური სახე თუ საქალაქო წესწყობილება შედარებით უკეთ არის შესწავლილი. ამას გარდა, ჩვენ მიერ უკვე ზემოთ განხილულმა მასალებმა ნათლად დაგვანახა ის საუკუნოვანი ბრძოლა, რომელსაც ქალაქი (ე. ი. სწორედ ვაჟრები და ხელოსნები) აწარმოებდა დამოუკიდებლობის მოსაპოვებლად და დამოუკიდებლობის მიღწევის შემდეგ მის შესანარჩუნებლად.

თბილისის თვითმმართველობის არსებობა X—XI სს., ხოლო შემდეგ მისი გადაქცევა ქალაქ-კომუნად და ყველაფერი ამის გაუქმება დავით აღმაშენებლის მიერ, უნდა გამხდარიყო მიზეზი იმ ფარული ბრძოლებისა, რომელსაც საქალაქო წრეები აწარმოებდნენ დავით აღმაშენებლის შემდეგ, მაგრამ რომელმაც თავისი ასახვა ვერ ჰპოვა ჩვენს საისტორიო მწერლობაში. ამ ფარულმა კლასობრივმა ბრძოლამ უკვე აშკარა სახე მიიღო იმ საერთო შინაური აშლილობისა და კრიზისის პერიოდში, რასაც ადგილი ჰქონდა ძლიერი თვითმპყრობელი მეფეების — დავითისა და გიორგი III-ს შემდეგ, თამარის გამეფების დროიდან. როგორც ჩანს, სწორედ ამ დროს დაინახა შესაძლებლად ქალაქის მოსახლეობის ზედაფენამ დაკარგული დამოუკიდებლობისა და მეტისმეტად შეზღუდული უფლებრივი მდგომარეობის აღდგენისთვის ბრძოლის დაწყება. თამარის მეფობის პირველ წლებში შექმნილი საშინაო მდგომარეობა საამისოდ ხელსაყრელ პირობებს ქმნიდა. საერო თუ საეკლესიო ფეოდალების მიერ მოპოვებულმა გამარჯვებებმა, მათ მიერ დაკარგული უფლებების აღდგენამ და სამეფო ხელისუფლების მარცხმა, ბუნებრივია, ბრძოლის განახლების სტიმული მისცა და გამარჯვების რწმენაც ჩაუნერგა მოქალაქეთა ზედა ფენასაც, რომელსაც

<sup>10</sup> გ. სოსელია, დასახელებული წერილი, გვ. 91.

ასევე, დავით აღმაშენებლის დროიდან, დაკარგული ჰქონდა დამოუკიდებლობა საქალაქო მმართველობაში.

ასე რომ, დიდგვარიანთა გამოსვლის შემდეგ, XII ს. 80—90-იანი წლების თბილისში დაიწყო მეორე, თავისი შინაარსითა და შემადგენლობით განსხვავებული სოციალური მოძრაობა, რომელსაც თამარის ისტორიკოსი, სწორედ ამის გამო, სავსებით ბუნებრივად გამოჰყოფს პირველისაგან და რომელსაც იგი, პირველისაგან განსხვავებულად, „უცხო მოსაგონებელს“ უწოდებს.

რა თქმა უნდა, არ შეიძლება შემთხვევითად მივიჩნიოთ აგრეთვე ისიც, რომ ამ მოძრაობას სათავეში უდგას მეჭურჭლეთუხუცესი ყუთლუ-არსლანი, რომელიც ქალაქებთან და საქალაქო წრეებთან დაკავშირებული იყო არა მარტო თავისი თანამდებობით<sup>11</sup>, არამედ აგრეთვე წარმოშობითაც. ცხადია, ანგარიშგასაწევია შევსებული „ქართლის ცხოვრების“ მკაფიო და ზოგადი ცნობა — „გვართა უაზნოთა აღამაღლებს სიმდიდრე“, — რომელიც, როგორც ჩანს, შეეხება ამ მოძრაობის ბელადსა და მისი დასის წევრებსაც. სწორედ ეს მოძრაობა და სწორედ ეს „სიმდიდრით ამაღლებულნი“ უნდა იგულისხმებოდნენ აგრეთვე, როგორც ეს თავის დროზე აღნიშნა აკად. ივ. ჯავახიშვილმა, თამარის მეორე ისტორიკოსის „სიმდიდრით ალაღებულთა“ ქვეშ, რომელნიც ბასილის სიტყვით, „სხუათა განსაზღვრათა დამოეკიდნენ“ სამეფო ხელისუფლებას და მის წინააღმდეგ „მტრობად და ბრძოლად მოიცაულეს“<sup>12</sup>.

„სიმდიდრით ალაღებულთა“ და „ამაღლებულთა“ შორის პირველ რიგში ქალაქის მოსახლეობის ზედა ფენა, მსხვილი ვაჭრები და ამ წრიდან გამოსულ-დაწინაურებული პირები იგულისხმებიან. ყუთლუ-არსლანიც ამ წრეს ეკუთვნოდა და თავისი საქმიანობით, თანამდებობით ამ წრეს ედგა სათავეში. ამ წრეს კი სამეფო ხელისუფლების წინააღმდეგ „მტრობად და ბრძოლად“ გამოსვლის საფუძველი გააჩნდა. ეს წრე, საკმაოდ გაძლიერებული და განმტკი-

<sup>11</sup> როგორც ცნობილია მეჭურჭლეთუხუცესის სახელო იყო: „მეფლნი ი ქალაქნი, ვაჭარნი, სავაჭრო რაც მეფისაა, საღაც წავიანო მოვა და სახლისა საქურჭლე..“ (ე. თაყაიშვილი, ქელმწიფის კარის გარიგება, გვ. 8—9; ივ. ჯავახიშვილი, ქართველი ერის ისტორია, V. გვ. 211).

<sup>12</sup> ბასილი ეზოსმოძვარი, ცხოვრება მეფეთ-მეფისა თამარისი, 1944, გვ. 24; შდრ. ივ. ჯავახიშვილი, თამარ მეფის მეორე ისტორიკოსი, იქვე, გვ. 8; მისივე, ქართული სამართლის ისტორია, II, ნაქ. 2, გვ. 160.

ცებული, რომელსაც ერთ დროს ხელთ ჰქონდა მთელი საქალაქო მმართველობა. ამჟამად საქალაქო და სახელმწიფო მართვა-გამგეობაში მონაწილეობის მიღების უფლების მოპოვებისათვის იბრძოდა.

მაგრამ ყუთლუ-არსლანისა და მისი დასის გამოსვლა თავისი ფართო გეგმით არ შეიძლება მივიჩნიოთ მხოლოდ მოქალაქეთა ზედა ფენის აჯანყებად, ისეთ გამოსვლად, რომელსაც არაერთი კავშირი არ ჰქონდა სხვა სოციალურ წრეებთან და მათ ინტერესებთან. თვით ყუთლუ-არსლანის პროგრამა სამეფო ხელისუფლების შეზღუდვისა და ახალი, საკანონმდებლო უფლებით აღჭურვილი დარბაზის (საბჭოს) დაარსების შესახებ არ შეიძლებოდა არ დამთხვეოდა აგრეთვე დიდგვარიანთა მისწრაფებებს, მათ ინტერესებს. ამიტომაც ბუნებრივია, თუკი ყუთლუ-არსლანის მოძრაობაში, მის დასში ერთიანდებოდნენ არა მარტო მოქალაქეთა წარმომადგენლები, არამედ ფეოდალური არისტოკრატიისაც, განსაკუთრებით კი დიდებულთა ის ნაწილი, რომელიც თავისი საქმიანობით ახლო იდგა საქალაქო წრეებთან და რომელთა ინტერესებიც, ზოგ შემთხვევაში, მანამდე ერთიანდებოდა მოქალაქეთა ზედა ფენის ინტერესებთან. ყუთლუ-არსლანის ფართო პოლიტიკურმა პროგრამამ განსაზღვრა აგრეთვე მისი დასის შედგენილობაც, ამიტომ იყო, რომ იგი აერთიანებდა „ლაშქართა“ და „დიდებულთა“, მაგრამ აქვე უნდა შევნიშნოთ, რომ „ლაშქართა“ და „დიდებულთა“ მონაწილეობა ამ მოძრაობაში არ შეიძლება მივიჩნიოთ მისი სოციალური შინაარსის განმსაზღვრელად. ჯერ ერთი, „დიდებულთა“ და „ლაშქართა“ წრე საერთოდ არ იყო ერთფეროვანი შედგენილობისა. აკად. ივ. ჯავახიშვილი წერდა: „დიდებულნი... ხელისუფალ აზნაურთა და დიდ მოხელეთა წრეს შეადგენდნენ. მასასადაჲმე, ამ წრის სადაურობა-წარმოშობილობა ერთნაირი არ ყოფილა: მათგანი ზოგი გვარიან აზნაურთა წოდების წევრი იყო, ზოგი უაზნოთა წრითგან აღზევებული იყო. ამაზე უფრო ძნელი გამოსარკვევია, რასაკვირველია, ტერმინი „ლაშქართა“ სოციალური შინაარსი. „ლაშქარი“ თუ ჯერ ჯარსა ნიშნავდა, „ლაშქარნი“ კიდევ რაინდობას... ხოლო ჯარშიაც და რაინდობაშიაც მაშინ მარტო ერთი სოციალური წრე არ შედიოდა“<sup>13</sup>.

ამასთანავე, ყველაფერს რომ თავი დაეანებოთ, „ლაშქართა“

---

<sup>13</sup> ივ. ჯავახიშვილი, ქართული საშარტლის ისტორია, II, ნაკ. 2, გვ. 164.

და „დიდებულთა“ მონაწილეობა ყუთლუ-არსლანის თანაშეფიცულთა შორის თავისთავად სრულებით არ გამოირიცხავდა იმავე დასში მოქალაქეთა, „სიმდიდრით ალაღებულთა“ მონაწილეობასაც. ამრიგად, ყუთლუ-არსლანის დასი არ შეიძლება მხოლოდ ერთი სოციალური წრის წარმომადგენელთაგან, მხოლოდ დიდგვაროვან ფეოდალთაგან შედგენილად მივიჩნიოთ, როგორც ეს პროფ. გ. სოსელიას ჰქონდა წარმოდგენილი.

ყუთლუ-არსლანის მომხრე უნდა ყოფილიყო იმდროინდელი საზოგადოების ყველა ის სოციალური ფენა, რომელიც კი მისი პროგრამის განხორციელებაში თავის უფლებათა შემდგომ გაფართოებას ხელავდა. ასეთად კი დიდგვარიანთა გამარჯვების შემდეგ, პირველ რიგში, მოქალაქეთა ზედაფენა წარმოგვიდგება. მაგრამ ამ ბრძოლაში ეს ფენა მარტო როდი იყო. ყუთლუ-არსლანისა და „სიმდიდრით ალაღებულთა“ მომხრეებად ფეოდალური არისტოკრატის წარმომადგენლებიც ჩანან, რომელნიც სამეფო ხელისუფლების მორიგ შეზღუდვაში თავიანთ შემდგომ წარმატებას ხელავენ.

ყუთლუ-არსლანის დროს გამოსვლა უკეთ იყო ორგანიზებული, ვიდრე მის წინ მომხდარი დიდგვარიანთა გამოსვლა. ყუთლუ-არსლანისა და მის თანაშეფიცულთა დასის მოთხოვნა კატეგორიული იყო და მისი შეუსრულებლობის შემთხვევაში აჯანყებულები სამეფო სახლს იარაღით ემუქრებოდნენ, „ისნისაცა შემობმად“ გამზადებულნი იყვნენ.

თამარმა, როგორც ცნობილია, ყუთლუ-არსლანი დაიჭირა, ხოლო მის დასთან, აჯანყებულებთან საგანგებო მოლაპარაკება გამართა. მხოლოდ გარკვეული შეთანხმების, ურთიერთდათმობის შემდეგ იქნებოდა შესაძლებელი აჯანყებულთა დაშოშმინება. ჩვენთვის არცთუ ნათელ პირობებზე შეთანხმების შემდეგ თანაშეფიცულნი „მოჰყუეს... ბრძანებასა პატრონისა“. ძნელია წარმოვიდგინოთ, რომ „ისნისაცა შემობმად“, ე. ი. სამეფო სასახლის ესაღებად გამზადებული აჯანყებულნი ასე უეცრად დაჰყოლოდნენ „ბრძანებასა პატრონისასა“ და ასე ერთბაშად დაეყარათ იარაღი, თუკი თამარიც თავის მხრივ გარკვეულ დათმობაზე არ წავიდოდა<sup>14</sup>. ამიტომ ჩვენ სწორად არ მიგვაჩნია ის მოსაზრებანი, რომელთა მიხედვითაც აჯანყების ამგვარ ფინალში მხოლოდ მის მარცხს გულისხმობენ.

<sup>14</sup> ივ. ჯავახიშვილი, ქართული სამართლის ისტორია, II, ნაკ. 2-გ. 175.

აჭანყებას არ შეეძლო უშედეგოდ ჩაეელო, არ შეიძლებოდა მას რაიმე გავლენა არ მოეხდინა იმ ორგანოებზე, კერძოდ სამეფო ხელისუფლებასა და დარბაზზე, რომელთაც სხვადასხვა მხრიდან უმიზნებდნენ აჭანყებულნი. მართალია, მათ ვერ შეძლეს სამეფო ხელისუფლების იქამდე შეზღუდვა, რომ მასში „დასასრული კელმ-წიფობისა“ დაენახათ, როგორც ამას ყუთლუ-არსლანის თავდაპირ-ვანდელი გეგმა ითვალისწინებდა. აჭანყების შემდეგ არ შექმნილა აგრეთვე ახალი დარბაზი, სამეფო საბჭო, მაგრამ ყველაფერი ეს იმას როდი ნიშნავს, რომ არაერთი ცვლილება არ მომხდარა საბ-ჭოს უფლებების გაზრდის თვალსაზრისით ან მის შემადგენლობაში, როგორც ამას პროფ. გ. სოსელია ფიქრობდა<sup>15</sup>.

ამჟამად არ ვთვლით საჭიროდ ხელახლა გავიმეოროთ ის არ-გუმენტები, რომელიც აკად. ივ. ჯავახიშვილს თავის დროზე და სავსებით მართებულად გამოყენებული ჰქონდა ყუთლუ-არსლანის გამოსვლის შემდეგ დარბაზის უფლების გაფართოების ნათელსაყო-ფად<sup>16</sup>. თვით ის ფაქტი, რომ ამ დროიდან დიდებულები ითვლე-ბოდნენ „თანაზიარ მეფობისა მათისა“, თავისთავად მეტყველებს იმ გამარჯვების შესახებ, რომელიც დიდებულებმა ყუთლუ-არსლა-ნის დასის გამოსვლის შემდეგ მოიპოვეს. მაგრამ ჩვენ ამჟამად უფ-რო დარბაზის შემადგენლობის საკითხი გვიინტერესებს და ამ სა-კითხზე ვფიქრობთ შედარებით ვრცლად შევჩერდეთ. რა თქმა უნდა, სათანადო წყაროები საშუალებას არ გვაძლევს კონკრეტუ-ლად განვსაზღვროთ დარბაზის სოციალური შემადგენლობა, მაგ-რამ ზოგი არაპირდაპირი ცნობა და იმდროინდელი საერთო ვითა-რების გათვალისწინება, ჩვენი აზრით, შესაძლებელს ხდის ამ მხრი-ვაც მეტ-ნაკლებად სწორი მოსაზრება წარმოვადგინოთ.

ამ თვალსაზრისით ჩვენს ყურადღებას პირველ რიგში იქცევს აბულასანის პიროვნება. ყუთლუ-არსლანის მოძრაობის დამთავრე-ბის შემდეგ, როცა „შეიყარნეს შემჭირნენი და ზრახვა ყვეს ძებნად წალმართისა და მოყვანად ქმრისა“ თამარისი<sup>17</sup>, ჩნდება აბულასანის მეტად საინტერესო პიროვნება.

ბასილი ეზოსმოდღრის ცნობით, თამარის საქმროს საკითხის განხილვას საქართველოს სამეფოს „სპასალარნი და ერისთავნი“ სა-

<sup>15</sup> გ. სოსელია, დასახელებული წერილი, გვ. 97.

<sup>16</sup> ივ. ჯავახიშვილი, ქართული სამართლის ისტორია, II, ნაკ. 2, გვ. 178—183.

<sup>17</sup> ისტორიანი და აზმანი, გვ. 80.

ეკლესიო კრების მონაწილე პირებთან ერთად აწყობენ: „ხოლო აღიკვეთა რა კრება, შემოვიდეს ყოველნი სპასალარნი და ერისთავნი სამეფოსანი და მოაქსენეს მამათა, რათა ზოგად ილუაწონ შემოყუანებად სიძისა თამარისათვის, რომელი ყვესცა“<sup>18</sup>. ამ კრებაზე, ანუ სამეფო დარბაზის სხდომაზე (რომელშიც მონაწილეობენ დიდი საეკლესიო მოღვაწენი და „ყოველნი სპასალარნი და ერისთავნი სამეფოსანი“), ზოგად „სალუაწ“, ე. ი. ერთად განსახილველ შეტად დიდ პოლიტიკურ საკითხებზე, თამარის საქმროს შერჩევის საკითხზე, პირველსა და გადამწყვეტ სიტყვას სწორედ აბულასანი ამბობს. ზედმეტა ლაპარაკი იმაზე, რომ ამგვარი წინადადებით გამოსვლა ამ სხდომის დარბაზის მხოლოდ სრულუფლებიან წევრს შეეძლო. დარბაზის ეს სხდომა, აკად. ივ. ჯავახიშვილის სიტყვით, თამარის „საქმროს ძებნა და პირველი ქმრის შერთვა, შეიძლება დაახლოებით 1185 წლის დამლევს მომხდარყო“<sup>19</sup>, ასე რომ, იგი უშუალოდ მოსდევდა ყუთლუ-არსლანის დასის გამოსვლის დამთავრებასა და შინაური მდგომარეობის ერთგვარ დაწყნარებას. ამრიგად, უდავოა, რომ 1185 წლისათვის თამარის საქმროს ჩამოყვანამდე, აბულასანი უკვე სამეფო დარბაზის წევრი იყო<sup>20</sup>.

მაგრამ ვინ არის ეს აბულასანი, რა თანამდებობას ფლობდა იგი იმ დროისათვის (1185 წლისათვის)? ცნობა აბულასანის შესახებ, სხვა წყაროებთან ერთად, ხშირად ყოფილა მკვლევართა განხილვის საგანი; აბულასანის პიროვნებას სხვადასხვა დროს საგანგებოდ შეეხნენ ა. ხახანაშვილი, პ. ინგოროყვა, ს. ერემიანი, ი. ცინცაძე და სხვ. მაგრამ მისი ვინაობა დღემდე მიინც სათანადოდ ვერ არის შესწავლილი. პროფ. ი. ცინცაძემ თავის ნაშრომში — „ძიებანი რუსეთ-საქართველოს ურთიერთობის ისტორიიდან“, სავსებით მართებულად გააკრიტიკა განსაკუთრებით პროფ. ს. ერემიანის მოსაზრებანი, რომლის მიხედვითაც, „ზოგიერთი მონაცემ-

<sup>18</sup> ბ ა ს ი ლ ი ე ზ ო ს მ ო ძ დ ვ ა რ ი, ცხოვრება მეფეთ-მეფისა თამარისი, გვ. 16.

<sup>19</sup> ივ. ჯ ა ვ ა ხ ი შ ვ ი ლ ი, ქართველი ერის ისტორია, II, 1948, გვ. 259.

<sup>20</sup> არ არის მართალი პროფ. ს. ერემიანი, როცა ფიქრობს, რომ თითქოს აბულასანი დარბაზის წევრად საქართველოში გიორგი რუსის ჩამოყვანის შემდეგ იქცა (იხ. მისი, Юрий Боголюбский по армянским и грузинским источникам, Научные труды АГУ, ХХIII, 1946, გვ. 403). აბულასანი, როგორც ზემოთაღვნიხეთ, ჯერ კიდევ თამარის საქმროს შერჩევის დროს აქტიურ მონაწილეობას იღებს დარბაზის სხდომაში.

ბის საფუძველზე დგინდება ამ აბულასანის იდენტურობა ცნობილ სომეხ ფეოდალთან — მახკანაბერდისა და ახპატის მფლობელ ამირქურდ არწრუნთან<sup>21</sup>. პროფ. ი. ცინცაძემ ნათელყო ამ მოსაზრების უსაფუძვლობა და ამოზე ამყამად ჩვენ სიტყვას არ გავაგრძელებთ<sup>22</sup>. ყველაფერს რომ თავი დავანებოთ, ძნელი წარმოსადგენი იქნებოდა „ახპატისა და მანკაბერდის მფლობელი სომეხი ფეოდალი ამირქურდი არწრუნი“ საქართველოს სამეფო ხელისუფლებას ექცია ქართლის ერისთავად და „რუსთავისა და შუღთა მთეულეთთა“ პატრონად.

ასევე სათანადო საბუთიანობას მოკლებულია პ. ინგოროყვას ვარაუდიც აბულასანის ვარდანისძეთა საგვარეულოსადმი მიკუთვნების შესახებ: „კარის ვაზირთა მემკვიდრეობის რიგი, წერს პ. ინგოროყვა, და სხვა ცნობები თამარის მეფობის პოლიტიკური ამბებს შესახებ ადასტურებენ, რომ აბულასანი ეკუთვნოდა ამ ებოქის უძლიერეს ფეოდალთა ვარდანის-ძეთა სახლს“<sup>23</sup>. იქვე მკვლევარი სათანადო საბუთად მიუთითებს „მე-19 სქოლიოს“, სადაც მოცემული იქნებოდა საამისო წყაროების განხილვა, მაგრამ რომელიც სამწუხაროდ, არ დაბეჭდილა. ამიტომაც ჩვენ ამყამად არ გვაქვს შესაძლებლობა გავითვალისწინოთ ყველა ის წყარო, რაზედაც დამყარებული იყო პ. ინგოროყვას მოსაზრება, მაგრამ სავარაუდებელია, რომ იგი გამოდიოდა თამარის ისტორიკოსის ცნობიდან მეჭურჭლეთუხუცესის თანამდებობის ერთხანს ვარდანისძეთა ხელში მოქცევის შესახებ. ალბათ ამ თანამდებობის დაკავებამ აბულასანის მიერ აფიქრებინა მკვლევარს თვით აბულასანის მიკუთვნება ვარდანისძეთა საგვარეულოსადმი. მაგრამ მართო ეს რომ საქმარისი საბუთი იყოს ასეთი საკითხის გადასაწყვეტად, მაშინ ყუთლუ-არსლანიც (ისიც ხომ ფლობდა ამ თანამდებობას) შეიძლებოდა ვარდანისძეთა საგვარეულოსათვის მიგვეკუთვნებინა და ამით ერთხელ და სამუდამოდ გადაგვეწყვიტა მისი ვინაობის მეტად საინტერესო და სადავო საკითხიც.

აბულასანის ვინაობის საკითხს ვრცლად შეეხო პროფ. ი. ცინცაძე. მისი აზრით, თამარის ისტორიკოსის ზოგი ცნობა აბულასანის, როგორც „თბილისის მკვიდრისა“ და „თავადის“, შესახებ არაფერს გვეუბნება, რადგან ასეთებად ყველა წოდების, ცხადია,

<sup>21</sup> С. П. Е р е м я н, Юрий Боголюбовский, გვ. 395, 399 და სხვ.

<sup>22</sup> ი. ცინცაძე, ძიებანი, გვ. 141—170.

<sup>23</sup> პ. ინგოროყვა, რუსთველიანი, თბ., 1926, გვ. 173.

დიდი აზნაურების წარმომადგენლებიც არიან მოხსენიებულნი<sup>24</sup>, პროფ. ი. ცინცაძის აზრით, აბულასანი არსად „ვაჭრად არ იხსენიება და არც შეიძლება, რომ ასეთი ყოფილიყო“<sup>25</sup>. იგი არ იზიარებს ალ. ხაზანაშვილის მოსაზრებას აბულასანის სოციალური შესახებ. ნუთუ შესაძლებელია, კითხვობს პროფ. ი. ცინცაძე, „რუსთავისა და შვიდი მთიულეთის პატრონი ვაჭარი ყოფილიყო“<sup>26</sup>, „აი, ვინ არის აბულასანი — ასკენის პროფ. ი. ცინცაძე — მკვიდრი თბილისისა, თავადი მთელი საგვარეულოსი, რუსთავისა და შვიდი მთიულეთის პატრონი, ერისთავთერისთავი და არა ვაჭარი“<sup>27</sup>. ამრიგად, პროფ. ი. ცინცაძის აზრით, აბულასანი დიდგვარიანი ფეოდალია, მაგრამ კონკრეტულად თუ რომელ საგვარეულოს ეკუთვნოდა იგი და რომელი საგვარეულოს თავადად შეიძლება წარმოგვედგინა, ამის შესახებ პროფ. ი. ცინცაძე არაფერს ამბობს.

მართალია, პროფ. ი. ცინცაძემ ყველაზე მეტი მასალა მოიშველია აბულასანის ვინაობის გასარკვევად, მაგრამ ეს საკითხი გადაწყვეტილად და აბულასანის დიდგვარიანად გამოცხადება სარწმუნოდ მაინც არ გამოიყურება.

აბულასანის ვინაობის გარკვევისათვის გასაღებს რძევეა თამარის პირველი ისტორიკოსის ცნობა და შემდეგ, იმდროინდელი საშინაო ვითარების გათვალისწინება.

თამარის ისტორიკოსი წერდა: „გამოვინემჩრდა მეტყუელი მკვდრთაგან ტფილისისათა, თავადი, და მეფეთ-მეფეთაგან წყალობა-კელდასხმული, ამირაჲ ქართლისაჲ და ტფილისისაჲ, სახელით აბულასან“<sup>28</sup>.

როგორც ვხედავთ, აბულასანი აქ მოხსენიებულია „მკვდრად ტფილისისა“, „თავადად“, „მეფეთ-მეფეთაგან წყალობა კელდასხმულად“, „ამირად ქართლისა და ტფილისისა“. ყველა აქ დასახელებული თანამდებობისა და წოდების აღმნიშვნელი ტერმინი თავისი გარკვეული შინაარსის შემცველია და ნათლად გვიხსნის აბულასანის ვინაობას. შევეხოთ მათ ცალკე-ცალკე.

ჩვენი აზრით, არ არის მართალი პროფ. ი. ცინცაძე, როცა

<sup>24</sup> ი. ცინცაძე, ძიებანი, გვ. 152..

<sup>25</sup> იქვე, გვ. 151.

<sup>26</sup> იქვე, გვ. 151—152.

<sup>27</sup> იქვე, გვ. 152.

<sup>28</sup> ისტორიანი და აზმანი, გვ. 81.



ფიქრობს, რომ „მკვიდრი ტფილისისა“ ამ შემთხვევაში ისეთივე შინაარსის გამოთქმა უნდა იყოს, როგორც „მკვიდრნი ქვეყნისანი“ ან „მკვიდრნი სამეფოსანი“, რომელთაც აკად. ივ. ჭავჭავაძე ილაშქროს განგებოდ განიხილავდა. მისი აზრით, „მკვიდრნი სამეფოსანი“ სახელმწიფოს დიდმნიშვნელოვანი საქმეების განგებაში მთავარი მონაწილეები იყვნენ<sup>29</sup>. თამარის ისტორიკოსის მიერ ხმარებული გამოთქმა — „მკვიდრნი ტფილისისა“, ჭერ ერთი, თავისი მნიშვნელობით არსებითად განსხვავდება გამოთქმისაგან — „მკვიდრნი ქვეყნისანი“ ან „მკვიდრნი სამეფოსანი“. ამიტომაც, „თბილისის მკვიდრთა“ ქვეშ ზოგადად სახელმწიფოში „მცხოვრებთა მოწინავე წრე“ კი არა, კერძოდ, თბილისში მცხოვრებთა მოწინავე წრე უნდა ვიგულისხმოთ.

ამას გარდა, თამარის ისტორიკოსის ცნობიდანვე კარგად ჩანს, რომ გამოთქმას „მკვიდრი თბილისისა“ განსაზღვრული მნიშვნელობა ჰქონდა და ის მართლაც ქალაქის „მოწინავეთა წრის“, ე. ი. ქალაქის მოსახლეობის ზედა ფენის წარმომადგენელთა აღსანიშნავად იხმარებოდა. თამარის ისტორიკოსს იქვე, რამდენიმე სტრიქონს ქვემოთ დასახელებული ჰყავს „ერთი მკვდრთაგანი დიდვაჟარი, სახელით ზანქან ზორაბაბელ“<sup>30</sup>. ცხადია, ეს შემთხვევითი არ არის. ზედმეტია ლაპარაკი იმაზე, რომ ეს დიდვაჟარი სწორედ რომ „თბილისის მკვდრთაგანი“ იყო და მართლაც თბილისის მოსახლეობის „მოწინავე წრის“, ზედაფენის წარმომადგენელი.

მარტო ამ ფაქტიდანაც კარგად ჩანს, რომ „მკვიდრობა“, განსაკუთრებით კი „თბილისის მკვიდრობა“, სრულებით არ მიუთითებს აბულასანის დიდგვარიანობაზე. ასეთ მკვიდრებად, როგორც დავინახეთ, დიდვაჟრებიც მოიხსენიებიან.

გამოთქმა „მკვიდრი თბილისისა“ უცვლელად შემონახულ იქნა გვიან შუა საუკუნეებშიც და იგი ყოველთვის თბილისის მოსახლეობის გარკვეული წრის, კერძოდ მოქალაქეთა ზედაფენის, აღსანიშნავად იხმარებოდა.

გვიან შუა საუკუნეების ქართლის მეფეები თუ მმართველი წრის სხვა წარმომადგენლები თბილისელებისადმი ბოძებულ სიგელებში ხშირად მიმართავდნენ „მკვიდრთა თბილისის“ მოქალაქეთა. მაგ., ვახტანგ VI-მ საგანგებო წყალობა უბოძა „მკვიდრთა

<sup>29</sup> ივ. ჭავჭავაძის შრომა, ქართული სამართლის ისტორია, II, ნაკ. 1. გვ. 50.

<sup>30</sup> ისტორიანი და აზმანი, გვ. 81.

ტფილისის მსახლობელთა მოქალაქეთა კელი ერთ-პირ დიდებულთა ვაჟართა, ქეთხუდთა, სომეხთა და ქართველთა, უფროსთა და მცირეთა<sup>31</sup>. თბილისის „მკვიდრთა და ერთგულთა მოსამსახურეთა მოქალაქეთა ყოველთავე“ — მიმართავდა 1752 წ. სიგელით ანტონ I კათალიკოსი.<sup>32</sup>

განსაკუთრებით აღსანიშნავია, რომ გვიან შუა საუკუნეებში თბილისის მოქალაქედ გახდომის ერთი აუცილებელი პირობა „თბილისის მკვიდრობა“ ანუ ქალაქში „ყოველყამიერ მყოფობა“ იყო<sup>33</sup>. ამიტომ თბილისის ვაჭრები თავიანთი „პირველხარისხოვანი მოქალაქეობის“ დასამტკიცებლად სათანადო კომისიაში წარდგენილ განცხადებებში ყოველთვის ხაზს უსვამდნენ „თბილისის მკვიდრობას“, ყოველყამიერ მყოფობას“. მაგ., „თბილისის მკვიდრებს“ და ამდენად პირველხარისხოვან მოქალაქეებს უწოდებდნენ თავიანთ თავს თბილისელი ვაჭრები მესანთლოვეები, ფრიდონოვეები, კანდურლოვეები, ჩხაროვეები, უსტაზოვეები, აბელ-აბესალომოვი, მირაგოზოვეები, გულაგოვეები, ლილიპაროვი და სხვები<sup>34</sup>.

როგორც ვხედავთ, „მკვიდრი თბილისისა“ საგანგებო შინაარსის ტერმინი იყო არა მარტო XI—XII სს. საქართველოში, არამედ გვიან შუა საუკუნეებშიაც და იგი როგორც ადრე, ასევე საქართველოს სამეფოს უკანასკნელ პერიოდშიც, თბილისის ძირითადი მოსახლეობის—მოქალაქეების პრივილეგიური ზედაფენის, მოქალაქეთა „მოწინავე წრის“ აღსანიშნავად იხმარებოდა. ამ წრეში კი პირველ რიგში თბილისის დიდვაჭრნი იგულისხმებოდნენ. ამრიგად, აბულასანის მოხსენიება „თბილისის მკვიდრად“ მის დიდგვარიანობაზე კი არ მიგვიითხებს, არამედ, პირიქით, იმაზე რომ იგი თბილისის მოქალაქეთა ზედაფენას, მის „მოწინავე წრეს“ ეკუთვნოდა.

აბულასანი მართლაც რომ მოქალაქეთა ზედაფენას, თბილისის თავკაცებს ეკუთვნოდა, ამას მისი „თავადად“ მოხსენიებაც ადასტურებს. არ უნდა იყოს მართალი პროფ. ი. ცინცაძე მაშინაც, როცა ფიქრობს, რომ „თავადი“ ყოველგან და ყოველთვის „დიდი გვარეულობის თავს და მეთაურს“ ნიშნავდა და ამიტომაც თითქოს აბულასანიც იყო „თავადი მთელი საგვარეულოსი“.

<sup>31</sup> ხელნაწერთა ინსტიტუტის ფონდი Sd: 2938.

<sup>32</sup> იქვე, Sd: 2964.

<sup>33</sup> საქ. ცენტრ. საისტორიო არქივი, ფ. 1, საქმე № 193, ფურც. 46.

<sup>34</sup> საქ. ცენტრ. საისტორიო არქივი, ფ. 1, საქმე № 193, ფურც. 73, 77—80,

ჩვენ ზემოთ უკვე ვუჩვენეთ, რომ ძველ ქართულ ნარატიულ წყაროებში არაერთგან არის მოხსენიებული „ქალაქის თავადნი“, მაგ., „ანელნი თავადნი“<sup>35</sup>, „განძელნი თავადნი“<sup>36</sup>, „თავადნი თავრეყისანი“<sup>37</sup> და სხვ. ცხადია, ამგვარ შემთხვევებში შეუძლებელია ქალაქის ეს თავკაცები „დიდი გვარეულობის თავებად“ წარმოვიდგინოთ. სწორედ ზემოდასახლებული მაგალითების გამო წერდა ივ. ჭავჭავიძე: „ეს გარემოება ამტკიცებს, რომ „თავადი“ ქალაქშიც ერთი კი არა, არამედ რამდენიმე ყოფილა...თავადნი სწორედ ის პირნი ყოფილან, რომელთაც ქალაქის ბედ-იღბლის გადაჭრის უფლება ჰქონდათ“<sup>38</sup>. ასეთი პირები კი, როგორც ზემოთ ვნახეთ, ქალაქის მოსახლეობის პრივილეგირებული და ქონებრივად ძლიერი ზედაფენის წარმომადგენლები იყვნენ.

ამას გარდა, უდავოა, რომ ქალაქის გამგებელი „ქალაქის თავადად“ იწოდებოდა. აბულასანიც ხომ თბილისის ამირა იყო და ბუნებრივია თუ იგი ქალაქის თავკაცად, „თავადად“ იყო წოდებული. ამრიგად, აბულასანის „თავადად“ მოხსენიებაც არ მიგვიითმებს მის დიდგვარიანობაზე. ის „დიდი გვარეულობის თავი და მეთაური“ კი არა, თბილისის თავკაცთა წრის წევრი; თბილისის გამგებელი, „ქალაქის თავადი“ იყო. ეს თავკაცობა კი მას თავისი წარმოშობით კი არა, ეკონომიკური მდგომარეობით, სიძლიერით ჰქონდა მოპოვებული. ამრიგად, ეპითეტები — „ტფილისის მკვიდრი“ და „თავადი“, რომლითაც აბულასანი ჰყავს მოხსენიებული თამარის ისტორიკოსს, სავსებით ნათლად განმარტავენ ერთიმეორეს და უდავოს ხდიან აბულასანის კუთვნილებას თბილისის საქალაქო ზედაფენისადმი.

აბულასანის ვინაობის გასარკვევად გარკვეული მნიშვნელობა უნდა მიენიჭოს ვახუშტის ცნობასაც. ვახუშტი ბაგრატიონის მიხედვით, იგი იყო „კაცი ვაჰარი ტფილისელი“.<sup>39</sup> როგორც ჩანს, ვახუშ-

<sup>35</sup> ლავითის ისტორიკოსი, ქართლის ცხოვრება, I, გვ. 344.

<sup>36</sup> მატიანე ქართლისა, იქვე, გვ. 312.

<sup>37</sup> ისტორიანი და აზმანი, გვ. 134.

<sup>38</sup> ივ. ჭავჭავიძე, ქართული სამართლის ისტორია, II, ნაკ. 1, გვ. 55.

<sup>39</sup> ვახუშტი, საქართველოს ისტორია, განმარტებული დ. ბაქრაძის მიერ, ნ. 1, 1885, გვ. 198; ვახუშტის ეს ცნობა, როგორც მართებულად აღნიშნა პროფ. ი. ცინცაძემ, საფუძვლად იქცა ალ. ხახანაშვილის შეცდომისა აბულასანის სომხად გამოცხადების შესახებ, რომელზეც შემდეგ დაეფუძნა პროფ. ს. ერემიანის ზემო-

ტის საცხებით სწორად ესმოდა თამარის ისტორიკოსის ზემომოტანილი ცნობა, სათანადო განმარტებებით და ეპითეტებით. ამგვარადვე გაიგო იგი დავით ბაგრატიონმაც და ამიტომაც, რომ მან, ვახუშტის მსგავსად, აბულასანი „თბილისელ ვაჭრად“ («Тифлисский купец») მოიხსენია.<sup>40</sup>

ამას გარდა, აბულასანის ახლო ნაცნობობა ყივჩაღეთში, ქ. სუნჯაში გადახვეწილ, სუზღალის რუსეთის მთავრის ანდრია ბოგოლუბსკის შვილთან, გიორგისთან (იურისთან) იქნებ იმაზე მიგვითითებს, რომ მას ზშირი (სავაქრო) მიმოსვლა ჰქონდა სამხრეთ რუსეთის ქალაქებში. ამ მოსაზრებას კიდევ უფრო აძლიერებს თამარის საქმროს ჩამოსაყვანად, თვით აბულასანის მიერვე, დიდვაჭარის ზანქან ზორაბაბელის მოხმობა-გაგზავნა და ასე დაახლოება ამ უკანასკნელთან.

აბულასანის დიდგვარიანობაზე არაფერს ამბობს აგრეთვე ისიც, რომ იგი იყო „მეფეთა-მეფეთაგან წყალობა-ველდასხმული“ ე. ი. შეწყალებული და დანიშნული „ამირად ქართლისა და ტფილისისა“. პირიქით, ქალაქის ზედაფენისადმი მისი კუთვნილება, ჩვენი აზრით, ერთი უმთავრესი პირობა იყო მისთვის ასეთი თანამდებობის ბოძებისა.

ჩვენ ამჟამად ზედმეტად მიგვაჩნია ვრცლად და საგანგებოდ შევჩერდეთ იმაზე, თუ რამდენად შესაძლებელი იყო დიდვაჭრისათვის, ამ შემთხვევაში აბულასანისათვის თბილისის ამირას თანამდებობა ებოძებინათ. XII—XIII სს. საქართველოში, როცა დიდვაჭარი, ვაჭართუხუცესი შეიძლებოდა „მეფის არიფად“, ე. ი. მის უახლოეს მეგობრად<sup>41</sup>, ან კიდევ, „საქართველოს მეფის მამად“ მიეჩნიათ<sup>42</sup>, გასაკვირი არაფერია თუკი ასეთ დიდვაჭარს სწორედ იმ ქალაქის გამგებლობა ებოძებოდა, რომლის „მკვიდრიც“ იგი იყო. როგორც სათანადო მასალებიდან ჩანს, XII—XIII სს., მას შემდეგ, რაც თბილისში საქალაქო კომუნა მოისპო, საქართველოს მეფეები ქალაქთა

---

მოტანილი, ასევე მცდარი შეხედულებანი (იხ. ი. ც ი ნ ც ა ძ ე, ძიებანი, გვ. 151 და შემდეგ).

<sup>40</sup> Ц а р е в и ч Д а в и д, Грузинская история, აღმოსავლეთმცოდნეობის ინსტიტუტის ხელნაწერთა განყოფილება (ლენინგრადი), М.: 14, ფურც. 171.

<sup>41</sup> შოთარუსთაველი, ვეფხისტყაოსანი, სტროფი 1165.

<sup>42</sup> Գաითიძის ჰაკიე არარსაჲ Կիրակოსի Գონძოტხნიონ, 1910. გვ. 349—350, История монголов по армянским источникам, вып. II, СПб, 1874, გვ. 79; შდრ. შ. მესხია, საქართველოს ქალაქების სოციალური ურთიერთობის ისტორიიდან, „მიმოხილველი“, II, გვ. 97 და სხვ.

გამგებლებს თვით ნიშნავდნენ, მაგრამ მოქალაქეთა პრივილეგი-  
რებული ზედაფენიდან, დიდგვარებისა და ფინანსისტების წრიდან  
(ე. ი. იმ ფენიდან, რომელსაც ერთ დროს განუყოფლად ეპყრა ხელთ  
ქალაქის მმართველობა) და არა დიდგვარიან ფეოდალთა რიდან,  
როგორც ეს გვიან შუასაუკუნეებში ხდებოდა. ეს იყო სამეფო ხელის-  
უფლების ერთაღერთი დათმობა ამ წრისადმი, საქალაქო კომუნის  
გაუქმების შემდეგ.

მოქალაქეთა ზედაფენიდან დანიშნული იყო აბულასანი, ამავე  
წრიდან იყო გამოსული, როგორც ჩანს, სომეხი შადინცი, რომელ-  
საც XIII ს. 60-იან წლებში მეფისაგან თბილისის გამგებლობა  
ჰქონდა მინდობილი. ჟამთააღმწერელი წერს: „შევიდეს ტფილისს,  
და მუნ მოეგებნეს ყოველნი მთავარნი და ერისთავნი საქართვე-  
ლოსანი, და შადინი ვინმე, ნათესავით სომეხი, რომელსა შევედრა  
ტფილისი და თუთ მეფობაჲა“<sup>43</sup>. ჩვენ სხვაგან უკვე გვქონდა შე-  
საძლებლობა აღგვენიშნა, რომ აქ მოხსენიებული შადინი, რომელ-  
საც ჟამთააღმწერელის გარდა არც ქართული და არც სხვა წყარო არ  
იხსობს, უნდა იყოს სომხური წყაროების (ვარდანის, კირაკოზ  
განძაველის, იოანე ერზინკელის) უმეკი, თბილისში სწორედ იმ  
დროისათვის გადმოსახლებული დიდგვარნი, რომელიც საქართვე-  
ლოს მეფის, ულუ დავითის „მამად“ იყო მიჩნეული. იგი ამავე  
დროს დიდი გავლენით სარგებლობდა მონღოლ ხელისუფალთა  
შორისაც<sup>44</sup>. სწორედ ასეთს, მონღოლთა მიერ შეწყალებულსა და  
საქართველოს მეფის მიერაც „მამად“ მიჩნეულ პირს იმ დროისათ-  
ვის ყველაზე უფრო შეშვენიოდა თბილისის გამგებლობა.

ჟამთააღმწერლის მიერ მოხსენიებული შადინი იქნებ არ იყოს  
სომხური წყაროების უმეკი, მაგრამ მაინც უდავოა, რომ შადინი არ  
შეიძლება მივაკუთვნოთ დიდგვარიან ფეოდალებს.

ქართველი ისტორიკოსის მიერ შადინის მოხსენიება „ვინმედ“,  
„ნათესავით სომხად“ — „შადინი ვინმე, ნათესავით სომეხი“ — და  
მისი გამოყოფა მეფის შესახებდრად გამოსულ საქართველოს „ყო-

---

<sup>43</sup> ქართლის ცხოვრება, ტ. II, გვ. 244; ჩვენ სწორად ვერ მივიჩნევთ მოსაზრე-  
ბას, რომლის მიხედვითაც შადინი თბილისში მონღოლთა (და არა მეფის) მიერ და-  
ნიშნულადაა მიჩნეული (იხ. ივ. ჯ ა ვ ა ხ ი შ ვ ი ლ ი, ქართველი ერის ისტორია,  
III, 1941, გვ. 72, 74). ეს არ ჩანს ზემომოტანილი ამონაწერიდან, სხვა ცნობა კი  
შადინის შესახებ ჩვენ არ მოგვეპოვება.

<sup>44</sup> შ. მ. ე. ს. ხ. ი. ა, საქართველოს ქალაქების სოციალური ურთიერთობის ის-  
ტორიიდან, გვ. 98.

ველთა მთავართა და ერისთავთაგან“ და ცალკე დასახელება, იმაზე მიგვითითებს, რომ შადინი მართლაც არ ეკუთვნოდა ამ მაღალ სოციალურ წრეს, ფეოდალურ არისტოკრატას. მაგრამ, მიუხედავად ამისა, იგი დიდი პატივით იყო შემოსილი — მას საქართველოს მეფისაგან ერთხანს თბილისი (და თვით სამეფოც) ჰქონდა შევედრებული, მინდობილი. ასეთი პატივი კი, დიდგვარიან ფეოდალთა შემდეგ, მოქალაქეთა მხოლოდ პრივილეგირებული ზედაფენის წარმომადგენელთა ხვედრი შეიძლებოდა ყოფილიყო.

ამრიგად, შადინის დაბალი სოციალური წრიდან წარმოშობა და მოქალაქეთა ზედაფენისადმი, მსხვილი ვაჭარ-ფინანსისტების წირსადმი კუთვნილება ეპეს არ უნდა იწვევდეს. უდავოა აგრეთვე, რომ ასეთ პირს, დაბალი სოციალური წრის წარმომადგენელს, დიდგვარს შეიძლებოდა მინდობოდა არა მარტო თბილისი, არამედ, გარკვეული დროით, თვით სამეფოც კი. ეს, ერთი შეხედვით თითქოს უცნაური გარემოება, რომელიც თავის პარალელებსა და ახსნას პოულობს, კარგად წარმოგვიდგენს დიდგვართა როლს XIII ს. საქართველოში.

როგორც მოტანილი მასალებიდან ჩანს, თბილისის გამგებლის, ამირას თანამდებობის მისაღებად იმ დროისათვის დიდგვარიანობა საჭირო არ ყოფილა, ან, რაც იგივეა, ამა თუ იმ პირისადმი თბილისის ამირას სახელს ბოძება სრულებით არ გულისხმობს შეწყობილების, ამ კერძო შემთხვევაში აბულასანის, დიდგვაროვნობას. აბულასანის დიდგვარიანობის შესახებ არაფერს ამბობს აგრეთვე მისი მოხსენიება „ამირად ქართლისა“. აღსანიშნავია, რომ მაშინ, როცა თამარის პირველი ისტორიკოსი აბულასანს ქართლის ამირად იხსენიებს, იქვე და იმავე დროს მას ქართლის ერისთავად დასახელებული ჰყავს რატი სურამელი<sup>45</sup>. ასე რომ, ქართლის ამირას თანამდებობა სრულებით არ გულისხმობდა და არ ფარავდა ქართლის ერისთავის თანამდებობას. ქართლის ამირას, როგორც მასალებიდან ჩანს, ძველიდანვე განმტკიცებული ტრადიციის მიხედვით, თბილისის მიდამოების (და არა მთელი ქართლის) გამგებელს უწოდებდნენ. ამასთან დაკავშირებით აკად. ივ. ჯავახიშვილი წერდა: „სწორედ საამიროს ყოფილ სამფლობელოს შემოერთების დროს შეიძლება გაჩენილიყო პირველად საქართველოშიც ქართლის ამირას თანამდებობა. ხოლო როდესაც ტფილისი დაპყრობილი იყო, მაშინ უკვე გაჩნდა „ამირთამირა ქართლისა და ტფილი-

<sup>45</sup> ისტორიანი და აზმანი, გვ. 79.

სისა<sup>46</sup>. ივ. ჯავახიშვილისავე შენიშვნით, ქართლის ამირასა და ქართლის ერისთავთერისთავს, როცა ეს თანამდებობანი სხვადასხვა პირთ ეპყრათ, თავიანთი საბრძანებელი განაწილებული უნდა ჰქონოდათ, მაგრამ თუ როგორ, ეს ჯერ კიდევ გარკვეული ვერ არის<sup>47</sup>.

როგორც ვხედავთ, მაშინ, როცა აბულასანი სამეფო დარბაზის სხდომებს ესწრებოდა და მასში აქტიურად მონაწილეობდა, მას ჯერ კიდევ არ ჰქონდა ქართლის ერისთავთერისთავის თანამდებობა, იგი ჯერ კიდევ არ იყო შესული ფეოდალური არისტოკრატიის რიგებში და ჯერ კიდევ არ იყო აღზევებული ასე მაღალ სოციალურ კიბემდე.

ამრიგად, აბულასანი სამეფო დარბაზში მონაწილეობდა არა როგორც ფეოდალური არისტოკრატიის, არამედ მოქალაქეთა პრივილეგირებული ზედაფენის წარმომადგენელი, „თბილისის მკვიდრი“ და როგორც თბილისის „თავადი“, ამირა, გამგებელი. ეს კი, უდავოდ, იმაზე მიგვითითებს, რომ სახელმწიფო დარბაზში, მისი „სოციალური შემადგენლობის“ თვალსაზრისით, მნიშვნელოვანი ცვლილებები მომხდარა — დარბაზის სხდომებში, ფეოდალთა გარდა, აქტიური მონაწილეობის მიღებას იწყებენ სხვა წოდების, კერძოდ, მოქალაქეთა ზედაფენის წარმომადგენლებიც. სახელმწიფო დარბაზის შემადგენლობაში ასეთი ცვლილებები და მოქალაქეთა პრივილეგირებული ზედაფენის ეს გამარჯვება შეიძლებოდა მხოლოდ ყუთლუ-არსლანისა და მისი დასის გამოსვლის ერთი შედეგი ყოფილიყო. აბულასანის ასეთი აქტიური საქმიანობა თამარის ისტორიკოსს ხომ ყუთლუ-არსლანის დასის გამოსვლის აღწერის შემდეგ აქვს მოთხრობილი. ყოველივე ამის შემდეგ არასწორად უნდა მივიჩნიოთ მოსაზრება, რომლის მიხედვითაც „ყუთლუ-არსლანის დასის გამოსვლის შემდეგაც სახელმწიფო დარბაზი თავისი სოციალური შემადგენლობის მხრივ უცვლელი რჩება. იგი ფეოდალთა ორგანოს წარმომადგენს სამეფო კარზე. სხვა წოდების წარმომადგენელს იქ ადგილი არა აქვს“<sup>48</sup>. როგორც ზემოთ მივუთითეთ, აბულასანის მონაწილეობა სახელმწიფო დარბაზის სხდომებში და არა მარტო მონაწილეობა, არამედ გადამწყვეტი სიტყვის უფლებით სარგებლობა ამ სხდომებზე, ასეთი მტკიცების წინააღმდეგ ლაპარაკობს.

<sup>46</sup> ივ. ჯავახიშვილი, ქართული სამართლის ისტორია, II, ნაკ. I, გვ. 215.

<sup>47</sup> იქვე.

<sup>48</sup> გ. სოსელია, ყუთლუ-არსლანის დასის პოლიტიკური პროგრამის შესახებ, გვ. 97.

თბილისის გამგებელს, ამირას, თვით მოქალაქეთა ზედაფენის წარმომადგენლის შეყვანა სახელმწიფო დარბაზში სამეფო ხელისუფლების კიდევ ერთი დათმობისა და სახელმწიფო მართვა-გამგეობაში მოქალაქეთა ფენის, მესამე წოდების მონაწილეობის აუცილებლობის აღიარების, მათი მნიშვნელობისა და ძალისადმი ანგარიშის გაწევის მაუწყებელი იყო.

თბილისის ამირა (მოურავი) დარბაზის შეუცვლელ წევრად ითვლებოდა იმ დროიდან მოკიდებული, ვიდრე საქართველოს სამეფოს არსებობის უკანასკნელ დღეებამდე. დავით ბაგრატიონი წერდა: „საბჭოში დაიშვებიან ტფილისის მდივანბეგი და მოურავი, როგორც ქალაქის უპირველესი მმართველები“<sup>49</sup>.

მაგრამ ამ ხნის მანძილზე თბილისის გამგებლის ხელისუფლებამ მნიშვნელოვანი ცვლილება განიცადა. გვიან შუა საუკუნეებში თბილისის მოურავად ინიშნებოდა არა მოქალაქეთა ზედაფენის წარმომადგენელი, არამედ დიდგვარიანი ფეოდალი<sup>50</sup>. ასე რომ, გვიან შუა საუკუნეებში თბილისის მოურავი — სახელმწიფო საბჭოს (დარბაზის) წევრი და მისი სხდომების მონაწილე — ძველებურად მოქალაქეთა წარმომადგენელი კი არ იყო, არამედ ფეოდალური არისტოკრატიისა. თბილისის გამგებლის ხელისუფლების ასეთი ევოლუცია გვიან შუა საუკუნეების საქართველოს ქალაქების სოციალურ-პოლიტიკური მდგომარეობის შედეგი იყო. გვიანი შუა საუკუნეების ქართული ქალაქები კი თავიანთი, განსაკუთრებით, სოციალური შინაარსით მნიშვნელოვნად განსხვავდებოდნენ შუა საუკუნეების საქართველოს ქალაქებისაგან.

დარბაზის შემადგენლობაში მესამე წოდების წარმომადგენელთა შეყვანასთან ერთად იზრდება თვით ამ წრის როლიც ქვეყნის პოლიტიკურ ცხოვრებაში, ფართოვდება მათი პოლიტიკური მოღვაწეობის ასპარეზი. ამ წრის, მოქალაქეთა ზედაფენის წარმომადგენლებს, დიდვაჭრებს ამიერიდან უფრო დიდ პოლიტიკურ მისიათა, დიდმნიშვნელოვან სახელმწიფო საქმეთა შესრულებაც კი ეკისრებათ.

ყუთლუ-არსლანის დასის გამოსვლის შემდეგ შექმნილი ვითარებისათვის სავსებით შესაბამისი ჩანს სახელმწიფო დარბაზის ერთ-ერთი წევრის, აბულასანის მიერ საქართველოს მეფის მეულ-

<sup>49</sup> Давид Багратиони, Обзорение Грузии по части прав и законо-  
новения, под ред. А. А. Рогова, 1959, гл. 237.

<sup>50</sup> იხ. Ш. А. Месхиа, Города и городской строй, гл. 248 და შემდეგ.



ლის მის მიერვე დასახლებული კანდიდატის ჩამოყვანის დავა-  
ლება თბილისელ დიდვაჭარ ზანქან ზორაბაბელისათვის: „მაშინ  
მომსმენართა მისთა უქმეს ერთი მკვდრთაგანი დიდ-ვაჭარი, სახე-  
ლით ზანქან ზორაბაბელი; მსწრაფლ მისრულმან ცვალებითა ჰენე-  
თაჲთა, წარმოიყვანა და მოიყვანა უწინარე პაემნისა მოყმე“ —  
წერს თამარის პირველი ისტორიკოსი<sup>51</sup>. ასეთი დიდი სახელმწიფო-  
ებრივი მნიშვნელობის საქმის დაკისრება დიდვაჭრისათვის მარტო  
იმით კი არ აიხსნება, რომ მან კარგად იცოდა რუსი უფლისწულის  
ადგილსამყოფელთან დამაკავშირებელი გზები. ამ შემთხვევაში  
ჩვენ მოქალაქეთა ზედაფენის წარმომადგენელთა, დიდვაჭრების  
სახელმწიფოებრივ ცხოვრებაში მონაწილეობის მეტად მნიშვნე-  
ლოვან ფაქტთან გვაქვს საქმე. აღსანიშნავია, რომ ასეთ დიდ სა-  
ხელმწიფოებრივ საქმეებში დიდვაჭართა მონაწილეობით უქმყო-  
ფილო იყო მისი მოწინააღმდეგე საზოგადოებრივი წრე — ფეოდა-  
ლური არისტოკრატის არაერთი წარმომადგენელი. უქმყოფილე-  
ბის ხმები აშკარად გაისმოდა მაშინაც და ეს კარგად აისახა თამა-  
რის მეორე ისტორიკოსის თხზულებაში.

ბასილი ეზოსმოდღვარი აღწვთებულთა არა მარტო რუსი  
უფლისწულის ჩამოყვანით, არამედ იმითაც, რომ მის ჩამოსაყვანად  
გაგზავნილი იყო არაღირსეული პიროვნება: „და შემოკრბეს წინა-  
შე რუსუდან დედოფლისა და განზრახვითა ყოველთათა წარაე-  
ლინეს კაცი ვინმე რუსთა სამეფოდ... და ესე ვერა კეთილად გა-  
ნაგეს, რამეთუ არცა კაცი იგი ღირსი საქმისა წარავლინეს და არცა  
მისსა მეცნიერი იყუნეს, რომელსა იგი მოიყუანებულეს“<sup>52</sup>. როგორც  
ვხედავთ, ბასილი ეზოსმოდღვრის აზრით, თამარის საქმროს ჩამოყ-  
ვანა ისეთ პიროვნებას დაეკისრა, რომელიც არ იყო ღირსი ასეთი  
დიდი საქმის მინდობისა. ეს პიროვნება კი, როგორც თამა-  
რის პირველი ისტორიკოსის თხზულებიდან ვიცით, თბილისელი  
დიდვაჭარი ზანქან ზორაბაბელი იყო. ამრიგად, „არაღირს“ პიროვ-  
ნებათა, ამ შემთხვევაში დიდვაჭართა აქტიური მონაწილეობა  
დიდმნიშვნელოვან სახელმწიფოებრივ საქმეებში ფაქტად იყო; ფე-  
ოდალური არისტოკრატია იძულებული ხდებოდა ანგარიში გაეწია  
ამ ფენისათვის და მის მიერ წარმოებული საქმიანობისთვისაც.  
მოქალაქეთა ზედაფენის, დიდვაჭართა როლის ასეთი ზრდა შე-

<sup>51</sup> ისტორიანი და აზმანი, გვ. 81.

<sup>52</sup> ბ ა ს ი ლ ი ე ზ ო ს მ ო დ ღ ვ ა რ ი, ცხორება მეფეთ-მეფისა თამარისი,  
გვ. 16.

სამჩინევი ხდება, როგორც ზემოთაც აღვნიშნეთ, თამარის გამეფების პირველი წლებიდანვე, კერძოდ კი ყუთლუ-არსლანის გამოსვლის შემდეგ, და ამიტომაც ყოველივე ეს ჩვენ თვით ამ მოძრაობის ერთ-ერთ მნიშვნელოვან შედეგად მიგვაჩნია.

მოქალაქეთა ზედაფენის წარმომადგენლის, თბილისის გამგებლის შეყვანა სახელმწიფო დარბაზში, დიდვაჭარ-მოქალაქეთა მონაწილეობა სახელმწიფოებრივ საქმეებში და მათი უფლებების გაფართოება საქალაქო წრეების მნიშვნელოვანი გამარჯვება იყო; მაგრამ ეს ჯერ კიდევ არ შეიძლებოდა აღვნიშნოთ, კომუნისდროინდელი მდგომარეობის აღდგენად მიჩნეულიყო და ამიტომაც საქალაქო წრეები დამთავრებულად არ თვლიდნენ ბრძოლას — იგი ისევ გრძელდებოდა და სხვადასხვა ფორმებში ვლინდებოდა. მოქალაქეთა ზედაფენა არა მარტო უფლებათა გაფართოებისათვის, არამედ საქალაქო მმართველობის დამოუკიდებლობისთვისაც იბრძოდა და ამისათვის იყენებდა ყველა საშუალებას, ყველა გამოსვლასა და პოლიტიკურ ბრძოლას.

პრივილეგირებულმა საქალაქო წრეებმა ამ მიზნისათვის გამოიყენეს აგრეთვე მეტად დიდი მნიშვნელობის პოლიტიკური ფაქტი, თამარის საქმროს შერჩევა. ჩვენ ზემოთ უკვე გაკვირით აღვნიშნულივ გვაქვს, რომ თამარის საქმროს შერჩევაში გადამწყვეტი როლი შეასრულა თბილისის გამგებელმა, თვით მოქალაქეთა ზედაფენის აღზევებულმა წარმომადგენელმა აბულასანმა. მან თქვა ამ მხრივ ერთადერთი და გადამწყვეტი სიტყვა. როგორც თამარის მეორე ისტორიკოსის ცნობიდან ჩანს, აბულასანის წინადადების მომხრე დიდგვარიანები არ იცნობდნენ მის მიერ წამოყენებულ კანდიდატს. ბასილი ეზოსმოდღარი სინანულით აღნიშნავს: „არცა მისსა მეცნიერ იყუნეს, რომელსა იგი მოიყუანებდესო“<sup>53</sup>. მაგრამ იმდენად დიდი იყო აბულასანის გავლენა სახელმწიფო დარბაზში, რომ დიდგვაროვანთა უმეტესობა მიჰყვა მის წინადადებას.

რა თქმა უნდა, აბულასანისა და მის მომხრეთა ასეთი თავგამოდება რუსი უფლისწულისათვის არ იყო შემთხვევითი და ყოველივე ამას ღრმა პოლიტიკური საფუძველი ჰქონდა.

ჩვენს სამეცნიერო ლიტერატურაში არაერთხელ ყოფილა მითითებული რუსი უფლისწულის საქართველოს მეფის მეუღლედ მოწვევის მიზეზების შესახებ; ასევე, აკად. ნ. ბერძენიშვილის მიერ ხაზგასმული იყო ისიც, რომ გიორგი რუსის ჩამოყვანის გეგმა

<sup>53</sup> ბ ა ს ი ლ ი ე ზ ო ს მ ო დ ღ ა რ ი, იქვე, გვ. 16.

უთანხმებოდა გარკვეული დასის ინტერესებს და რომ „გიორგი რუსი თავიდანვე საქართველოს სამეფო კარზე გაჩაღებული ბრძოლის არეში მოჰყვა“<sup>54</sup>.

პროფ. ი. ცინცაძე კი საგანგებოდ შეჩერდა ამ საკითხზე და სავსებით სწორად მიუთითა, რომ გიორგი რუსის „საქართველოს სამეფო სასახლეში შეყვანის გეგმა გარკვეულ წრეში ადრე მოფიქრებული და დამუშავებული ჩანს“<sup>55</sup>. ი. ცინცაძეს ყურადღების გარეშე არ დარჩენია აგრეთვე ისიც, რომ გიორგი რუსის კანდიდატურას აყენებენ საქალაქო წრეები და ამას მან სათანადოდ, თავისებური ახსნაც მისცა: „ის ფაქტი, რომ რუსი უფლისწულის კანდიდატურას ქართლისა და თბილისის ამირა აყენებს და ყოფიანად თიდან მისი მოყვანაც ვაჭარს — „დიდვაჭარს“ მიენდო, იმის მაჩვენებელია, რომ ჩრდილოეთის ამბები, ჩვეულებრივ, აღებმიცემობაში ჩაბმულ საქართველოს მოქალაქეებს უნდა მოჰქონდეთ“<sup>56</sup>. გიორგი რუსის კანდიდატურაზე შეჩერების მიზეზების ახსნისათვის ი. ცინცაძე იშველიებს ფაქტებს იური (გიორგი) ბოგოლიუბსკის, როგორც ნოვგოროდის მთავრის მოღვაწეობიდანაც,<sup>57</sup> მაგრამ ყოველივე ეს მან ერთ მთლიან ურთიერთდაკავშირებულ მოვლენად არ განიხილა და ამიტომაც, ჩვენი აზრით, არცთუ სავსებით სწორი დასკვნა გამოიტანა; მაგ., არ უნდა იყოს მართებული ი. ცინცაძე, როცა რუს უფლისწულთან „მკვიდრო ურთიერთობაში“ მყოფნი, ე. ი. მისი მომხრეების დასი მთლიანად „რეაქციულ დასად“ გამოაცხადა<sup>58</sup>. ამგვარი დასკვნის წინააღმდეგ ლაპარაკობს სწორედ ის ფაქტი, რომ რუსი უფლისწულის მომხრეებად პირველ რიგში საქალაქო წრეების, „მესამე წოდების“ წარმომადგენლები — აბულასანი, ზანქან ზორაბაბელი, მეჭურჭლეთუხუცესის ნაცვალი — გამოდიან.

ამასთანავე, აქვე გარკვევით უნდა აღინიშნოს აგრეთვე ისიც, რომ აბულასანის მიერ რუსი უფლისწულის კანდიდატურის წამოყენება და მის ჩამოსაყვანად ზანქან ზორაბაბელის გაგზავნა მარტო იმის მაჩვენებელი კი არ არის, რომ „ჩრდილოეთის ამბები... აღებმიცემობაში ჩაბმულმა საქართველოს მოქალაქეებმა“ იცოდ-

<sup>54</sup> ნ. ბერძენიშვილი, დასხვ., საქართველოს ისტორია, I, 1958, გვ. 199.

<sup>55</sup> ი. ცინცაძე, ძიებანი, გვ. 101.

<sup>56</sup> იქვე, გვ. 102.

<sup>57</sup> ი. ცინცაძე, ძიებანი გვ. 92, 95, 96 და დასხვ.

<sup>58</sup> იქვე, გვ. 128, 130.

ნენ. აბულასანის ასეთი კატეგორიული გამოსვლა გარკვეული მიზნებით იყო ნაკარნახევი და არა მარტო მისი და სხვა დიდვაჭართა პირადი ნაცნობობით გიორგი რუსთან.

გიორგი რუსის წარმოშობა, მისი იმდროინდელი მდგომარეობა და განსაკუთრებით მისი მოღვაწეობა, როგორც ნოვგოროდის მთავრისა, სხვადასხვა თვალსაზრისით, მისაღებ კანდიდატად ზდიდა მას იმდროინდელი საქართველოს ფეოდალური საზოგადოების სხვადასხვა ფენებში. გიორგი რუსის ვინაობისა და მდგომარეობის შესახებ დაწერილებითი ცნობები, როგორც ჩანს, მხოლოდ აბულასანს მოეპოვებოდა, ის იყო, ასე ვთქვათ, „მეცნიერი მისი“. იგი აცხადებდა: „მე ვიცი შვილი ჯელმწიფისაჲ, ანდრია დიდისა რუსთ მთავრისაჲ, რომელსა ჰმონებენ სამასნი მთავარნი რუსთანი, და იგი მცირე დარჩომილი მამისაგან, ექსორია-ქმნით ღვეწული, გარდამოახუეწა ზიძისა, სავალათად ჰახელ-წოდებულისაგან, და არს იგი ყივჩაყთა მეფისა სუნჯისა ქალაქსა“<sup>59</sup>. როგორც ვხედავთ, თბილისის ამირამ მართლაც კარგად იცოდა, რომ ანდრია, „დიდი რუსთ მთავარი“ რუსულ სამთავროთა მსხვილ გაერთიანებას ედგა სათავეში, რომ მისი დაღუპვის შემდეგ მისი მცირეწლოვანი შვილი ბიძამ გსველოდმა თავის სამფლობელოდან გამოდევნა და რომ იმეამად იგი, ღვეწილი ყივჩაღთა მთავრის კარს, ქ. სვინჯში აფარებდა თავს. სახელმწიფო დარბაზის წევრთა დიდი უმეტესობა, ბასილი ეზოსმოძღვრის სიტყვით, თუმცა „არცა მისსა მეცნიერ იყუნეს, რომელსა იგი მოიყუანებდეს“, მაინც აბულასანის წინადადებას მიემხრო, მაგრამ ყველა კი არ იყო ასეთი გადაწყვეტილების მომხრე — დიდებულთაგან „ვეითნიმე დაღონებულნიც“ იყვნენ ამის გამო. რა უნდა ყოფილიყო ასეთი დიდმნიშვნელოვანი გადაწყვეტილების საფუძველი? ასეთი დიდმნიშვნელოვანი საკითხი, ანუ, ბასილის სიტყვით, „ესოდენ მძიმე საქმე“, ი. ცინცაძის მართებულნი განცხადებისა არ იყოს, არ შეიძლებოდა ყურმოკრული ამბებით გადაეწყვიტათ. თამარის საქმროდ გიორგი რუსის ჩამოყვანა იმდროინდელი საზოგადოების მმართველ ზედაფენას, მის ცალკეულ დასს თავისი ინტერესების მიხედვით ჰქონდა განსჯილი, აწონ-დაწონილი.

დიდებულთა ერთი ნაწილის თვალში „ესოდენ მძიმე საქმე“ გიორგი რუსის სასარგებლოდ გადაწყვიტა მისმა ჩამომავლობამ, დიდმა გვარიშვილობამ, მართლმადიდებლობამ. მეორე ნაწილისათ-

<sup>59</sup> ისტორიანი და აზმანი, გვ. 81.

ვის, კერძოდ, ძლიერი სამეფო ხელისუფლების მოწინააღმდეგე დიდებულებისათვის კი მნიშვნელობა ჰქონდა რუსი უფლისწულის როგორც მფლობელის, ფეოდალის განსაკუთრებულ მდგომარეობას, კერძოდ იმას, რომ იგი დევნილი და გამოგდებული იყო თავისი მამის ძლიერი სამფლობელოდან<sup>60</sup>, რომ მას არ გააჩნდა არათუ მტკიცე, ძლიერი ზურგი, არამედ საერთოდ არავითარი დამხმარე, გარეშე ძალა. ასეთი პიროვნება კი ყოველთვის ადგილობრივ მომხრეთა ძალის ხელისშემყურე იქნებოდა. შემთხვევითი არ იყო, რომ აბულასანი გიორგი რუსის დახასიათებისას სწორედ მის ასეთ მდგომარეობას, „ექსორია-ქმნით დევნილობას“ განსაკუთრებით უსვამდა ხაზს. ეს მას დიდგვარიან ფეოდალთა მისამხრობად სჭირდებოდა; თვით აბულასანისა და მის მომხრეთა დასისათვის კი — საქალაქო წრეთა ზედაფენის წარმომადგენელთათვის — გადამწყვეტი იყო არა ეს, არამედ გიორგი რუსის, როგორც ნოვგოროდის ყოფილი მთავრის მოღვაწეობა. თბილისის საქალაქო ცხოვრების მმართველი ზედაფენისათვის უდავოდ დიდი მნიშვნელობა ჰქონდა საქართველოს მეფის მეუღლედ სახელგანთქმული ქალაქის — ნოვგოროდის ყოფილი მთავრის, ერთ დროს თვით მოქალაქეთა მიერ შეზღუდული ხელისუფალის, ჩამოყვანას.

რუსი უფლისწულის ნოვგოროდში მოღვაწეობის შესახებ ჩვენ ძალიან მცირე ცნობები მოგვეპოვება. ნოვგოროდელ მემკვიდრეს შენიშნული აქვს: «В лето 6680 (-1172 წ.) Приде Новгороду князь Гюрги Андреевич»<sup>61</sup>. ამავე მემკვიდრეს ცნობიდან ირკვევა, რომ ნოვგოროდელებს 1171 წ. თვით უთხოვიათ ანდრია ბოგოლუმბსკისათვის თავისი შვილის ნოვგოროდის მთავრად გამოგზავნა, მაგრამ 1171 წ. ეს ვერ მოხერხებულა: ამგვარსავე ცნობას იძლევა გიორგი უფლისწულის ნოვგოროდში მისვლის შესახებ მკვიდრის იპატის მონასტრის ნუსხაც: «В ту же зиму выйде Рюрик из Новгорода: потомъ же Новгородци послашася ко Андрею князю в Суждаль, и вда им дѣтя свое Юрья и прияша и с чѣстью».<sup>62</sup> როგორც მასალებიდან ირკვევა, გიორგი (იური) ნოვგოროდში მამის, ანდრეას მოკვლის შემდეგაც ერთხანს, 1175 წლამდე, დარჩენილა. ამ წელს

<sup>60</sup> ი. ციხტაძე, ძიებანი, გვ. 106; Ш. А. Месхиа, Я. З. Цицихадзе, Из истории русско-грузинских взаимоотношений, გვ. 19.

<sup>61</sup> Новгородская летопись, 1888, გვ. 151; შტრ. ი. ციხტაძე, ძიებანი, გვ. 90; Ш. А. Месхиа, Я. З. Цицихадзе, Из истории..., გვ. 20.

<sup>62</sup> Летопись по Ипатскому списку, 1871, გვ. 386; ი. ციხტაძე, ძიებანი, გვ. 90.

კი «Выведаша из Новгорода князя Гюргия».»<sup>63</sup> რუსულ მატრიანე-  
ებს სხვა რაიმე მნიშვნელოვანი ცნობა არ დაუტყავთ ნოვგოროდში  
გიორგის მოღვაწეობის შესახებ, თუ არ მივიღებთ მხედველობაში  
ორიოდე მითითებას ნოვგოროდში მისი სააღმშენებლო საქმიანო-  
ბისა და ერთ-ერთი ომის დროს ლაშქრის მეთაურობის  
შესახებ. ეს ცნობები დეტალურად განხილული აქვს ი. ცინცაძეს<sup>64</sup>,  
და მათზე ამჟამად ჩვენ შეჩერებას საჭიროდ არ მივიჩნევთ. მით  
უფრო, რომ ის ჩვენთვის საგულისხმოს არაფერს შეიცავს; აღსა-  
ნიშნავია მხოლოდ, რომ ი. ცინცაძის დაკვირვებით, ნოვგოროდში  
„გიორგის მოღვაწეობა საერთოდ... შეზღუდული უნდა ყოფილი-  
ყო“.

გიორგის ნოვგოროდში მოღვაწეობის შესახებ თავის დროზე  
გაცილებით მეტი იცოდა, ალბათ, აბულასანმა და სწორედ ეს უნ-  
და ყოფილიყო უმთავრესი მიზეზი მისი ასე დაინტერესებისა ამ  
პიროვნების საქართველოში ჩამოყვანით.

პირველ რიგში ყურადღებას იქცევს მემატრიანეთა მითითება  
გიორგის (იურის) მოწვევის შესახებ თვით ნოვგოროდელთა მიერ.  
როგორც მასალებიდან ირკვევა, ნოვგოროდელები მთავრებს თვით  
იწვევდნენ არა მარტო XII ს. 70-იან წლებში, არამედ უფრო ადრეც,  
XII სს. დამდეგს, მის 20-იან წლებშიც. ეს კი, როგორც სავსებით  
შართებულად აღნიშნავს აკად. მ. ტიხომიროვი, მიუთითებს „თვით  
მოქალაქეთა მიერ მთავართა თავისუფალი არჩევის შესახებ“.<sup>65</sup>

მოქალაქეთა უფლება კიდევ უფრო გაიზარდა ნოვგოროდში  
1136 წ. შემდეგ, როცა იქ საბოლოოდ გაიმარჯვა „ვეჩემ“, რომელიც  
თანდათან ვითარდებოდა და ბოლოს „ნოვგოროდის ფეოდალური  
რესპუბლიკის“ ჩამოყალიბებით დაგვირგვინდა.<sup>66</sup> ნოვგოროდის „ვე-  
ჩეში“, მის „ფეოდალურ რესპუბლიკაში“, როგორც ეს არაერთხელ  
აღუნიშნავთ რუს მკვლევარებს, გადამწყვეტ ძალას წარმოადგენდა  
«Людие»,<sup>67</sup> მოქალაქენი, მისი ზედაფენა, მსხვილი ვაჭრები. თვით  
ნოვგოროდელ მოქალაქეთა მიერ შერჩეული მთავარი, რომლის ხე-  
ლისუფლებაც დაქვემდებარებული იყო „ვეჩესადმი“, სადაც მსხვი-  
ლი ვაჭრები და ბოიარები ბატონობდნენ, სავსებით მისაღები კანდი-  
დატი ჩანდა, პირველ რიგში, საქალაქო წრეებისათვის და ამავე დროს

<sup>63</sup> -Новгородская летопись, 1888, 152; ი. ცინცაძე, ძეგლები, გვ. 95.

<sup>64</sup> ი. ცინცაძე, ძეგლები, გვ. 90—96.

<sup>65</sup> -М. Н. Тихомиров, Древнерусские города, М., 1956, გვ. 205.

<sup>66</sup> იქვე, გვ. 206—207.

<sup>67</sup> იქვე, გვ. 219 და სხვ.

ძლიერი ცენტრალური ხელისუფლების მოწინააღმდეგე დიდგვაროვანთათვისაც.

თბილისის მოქალაქეთა ზედაფენის წარმომადგენლები გიორგი უფლისწულში ხედავდნენ იარაღს, რომლის შემწეობითაც ისინი შეძლებდნენ დაკარგული დამოუკიდებლობის ნაწილობრივ მაინც აღდგენას. როგორც ჩანს, საქალაქო კომუნის გაუქმების შემდეგ, XII ს. მიწურულის თბილისის მოსახლეობის ზედაფენისათვის ნოვგოროდის საქალაქო წყობის, მისი „ფეოდალური რესპუბლიკის“ შესავსი საქალაქო მმართველობის შემოღება უფრო მისაღები ჩანდა, ვიდრე მეფის მოხელეთა ბატონობა თბილისის მართვამგებობაში.

ყოველივე ამით აიხსნება თბილისის მოქალაქეთა ზედაფენის წარმომადგენლის, ქალაქის ამირას აბულასანის მიერ გიორგი რუსის კანდიდატურის არა მარტო დასახელება, არამედ თავგამოდებული ზრუნვა მისი ჩამოყვანისათვის. ამიტომ ჩქარობდა თბილისელი დიდვაჭარი ზანქან ზორაბაბელიც, რომელმაც, თამარის პირველი ისტორიკოსის სიტყვით, „ცვალებითა ჰუნეთათა“ დანიშნულ ვადაზე ადრე ჩამოიყვანა გიორგი რუსი<sup>67</sup>.

ამრიგად, გიორგი რუსის საქართველოში ჩამოყვანა ქვეყნის მმართველი სოციალური წრეების გარკვეული ჯგუფის გეგმებს შეესაბამებოდა და გაპირობებული იყო მათი კლასობრივი ინტერესებით. სხვადასხვა სოციალური წრე სხვადასხვაგვარად ფიქრობდა ამ ახალი იარაღის თავისი კლასობრივი ინტერესებისათვის გამოყენებას: ზოგს კიდევ მისი ჩამოყვანა მხოლოდ საზიანოდ მიაჩნდა.

გიორგი რუსის საქართველოში ჩამოყვანა მის მომხრეთა დასის დიდი გამარჯვება იყო. გიორგის მომხრეთა დასი ჩქარობდა და ამიტომაც იყო, რომ გამარჯვებულებმა თამარისაგან „ნება-დაურთავი განამზადეს ქორწილი“<sup>68</sup>.

ყველაფერი ამის სულისჩამდგმელი და მომწყობი იყვნენ, როგორც ეს არაერთხელ შევნიშნეთ, აბულასანი და ზანქან ზორაბაბელი, ფეოდალური არისტოკრატის ზოგი წარმომადგენლის აზრით, პიროვნებანი „არა ღირსი საქმისა“. ბუნებრივია, თუ გიორგი რუსიც თავის ხანმოკლე მოღვაწეობის პერიოდში პირველ რიგში ყურადღებას სწორედ მათ, განსაკუთრებით კი აბულასანს მიაქცევდა და შეეცდებოდა თავის ამ თავდადებული მომხრის შემდგომ დაწინაურებასა და გაძლიერებას. ეს მართლაც ასე მოხდა, მაგრამ სანამ ამ საკითხის შესწავლას შევუძლებოდეთ, საჭიროა

<sup>68</sup> ისტორიანი და აზმანი, გვ. 81.

ვიცოდეთ, რომ გიორგი რუსის ჩამოყვანა და დაქორწინება, ივ. ჯავახიშვილის ანგარიშით, 1185 წ. დამლევს უნდა მომხდარიყო. ხოლო თამარის ამ პირველი ქმრის საქართველოდან განდევნა კიდევ 1187—1188 წლებში<sup>69</sup>.

აბულასანის დაწინაურებაც სწორედ ამ დროს, უკეთ, გიორგის საქართველოში ჩამოყვანის პირველი წლიდანვე, ე. ი. 1185—86 წლებშივე უნდა დაწყებულიყო. მკვლევართა ერთი ნაწილი — ს. ერემიანი, ი. ცინცაძე, ვ. ბერიძე და სხვები — აბულასანის თანდათან დაწინაურებას საეკლესიო მართებულად უკავშირებენ გიორგი რუსის საქართველოში ჩამოყვანას, მაგრამ თვით დაწინაურების პროცესი და დრო მათ სხვადასხვაგვარად აქვთ წარმოდგენილი.

მაგ., პროფ. ს. ერემიანის აზრით, თამარმა გიორგის რჩევით კიდევ უფრო დააწინაურა აბულასანი, ის გახდა სახელმწიფო დარბაზის წევრი, მეჭურჭლეთუხუცესი და ამ თანამდებობას ასრულებდა 1186—1191 წლებში, მის სამფლობელოს მიემატა ახალი ტერიტორიები და სხვ<sup>70</sup>. ს. ერემიანი საეკლესიო მართალია, როცა აბულასანის დაწინაურებას გიორგის ჩამოყვანას უკავშირებს, მაგრამ არ არის სწორი, როცა ფიქრობს, რომ აბულასანი სახელმწიფო საბჭოს წევრად თითქოს გიორგის ჩამოყვანის შემდეგ იქცა. როგორც ზემოთ აღვნიშნეთ და დავინახეთ, აბულასანი სახელმწიფო დარბაზში აქტიურად მონაწილეობდა ჯერ კიდევ გიორგის ჩამოყვანამდე. სწორედ მან მიიღებინა დარბაზს გადაწყვეტილება გიორგის თამარის საქმროდ ჩამოყვანის შესახებ. ასევე დაზუსტებას მოითხოვს მეჭურჭლეთუხუცესის თანამდებობაზე აბულასანის ყოფნის წლების მის მიერ მოცემული განსაზღვრაც.

პროფ. ი. ცინცაძესაც საეჭვოდ არ მიაჩნია, რომ აბულასანი რუსი უფლისწულის საქართველოში ყოფნის დროს დაწინაურდა, რომ ამ დროს, კახაბერ ვარდანის ძის შემდეგ მეჭურჭლეთუხუცესობა აბულასანს მიეცა, რომ მან „ერისთავთ-ერისთავობაც რუსი უფლისწულის დროს მიიღო“<sup>72</sup>. აღსანიშნავია ოლონდ, რომ პროფ. ი. ცინცაძეს „ლურჯი მონასტრის“ ცნობილი წარწერა მას შემდეგ გაკეთებულად მიაჩნია, რაც აბულასანმა მეჭურჭლეთუხუცესის თანამდებობა დაჰკარგა; ეს კი, მისი აზრით, ანტონ გლონისთავის

<sup>69</sup> იქვე, გვ. 81; შტრ. ბ ა ს ი ლ ი ე ზ ო ს მ ო ძ ღ ვ ა რ ი, ცხორება მეფეთმეფესა თამარისი, გვ. 16.

<sup>70</sup> ივ. ჯ ა ვ ა ხ ი შ ვ ი ლ ი, ქართველი ერის ისტორია, II, 1948, გვ. 259.

<sup>71</sup> С. Т. Е р е м я н, Юрий Боголюбский, გვ. 404.

<sup>72</sup> ი. ც ი ნ ც ა ძ ე, ძიებანი, გვ. 126, 147.



ძის გავაზირების შემდეგ. ანუ 1190 წ. უნდა მომხდარიყო<sup>73</sup>, ასე რომ, პროფ. ი. ცინცაძის აზრით, მეჭურჭლეთუხუცესობაცა და სხვა თანამდებობანიც — ერისთავთერისთავობა და სხვ., აბულასანს ერთდროულად ჰქონია მიღებული.

აბულასანის განსაკუთრებით ამაღლების დროდ 1189—1190 წწ. მიაჩნია პ. ინგოროყვასაც<sup>74</sup>.

ზემოგანხილული მოსაზრებანი უმთავრესად „ლურჯი მონასტრისა“ და ანდრია მოციქულის ხატის წარწერაზეა დამყარებული. მიუხედავად იმისა, რომ არც ერთი ეს წარწერა დათარიღებული არ არის, მათი სხვა მასალებთან ერთად განხილვა შესაძლებლობას მოგვცემს დაახლოებით სწორად წარმოვიდგინოთ აბულასანის კარიერის თანდათანობითი განვითარება.

როგორც „ისტორიანი და აზმანის“ ავტორის მოთხრობიდან ჩანს, ყუთლუ-არსლანის დამარცხების შემდეგ მეჭურჭლეთუხუცესობა ებოძა კახაბერ ვარდანის ძეს<sup>75</sup>. ყველაფერი ეს, „ისტორიანი და აზმანის“ ავტორის ცნობით, თამარის გამეფების პირველსავე წელს, ე. ი. 1184 წ. მიწურულსა თუ 1185 წ. დამდეგს, გიორგი რუსის ჩამოყვანამდე მომხდარა. ასე რომ, რუსი უფლისწულის საქართველოში ჩამოყვანის დროისათვის მეჭურჭლეთუხუცესის თანამდებობა დაკავებული იყო და, ბუნებრივია, გიორგის არ შეეძლო ეს თანამდებობა გადაეცა თავისი თავდადებული მომხრისათვის. მაგრამ გიორგი უფლისწულს აბულასანი არც უყურადღებოდ დაუტოვებია და „ამირა ქართლისა და ტფილისისა“ თანდათან ქართლის ერისთავთერისთავად და რუსთავისა და „შვილთა მთეულეთთა“ პატრონად უქცევია. აბულასანის მიერ ამ თანამდებობათა მიღების შემდეგ არის გაკეთებული „ლურჯი მონასტრის“ ცნობილი წარწერაც, რაც, ჩვენი აზრით, გიორგის ჩამოყვანის შემდეგ აბულასანის მიერ დაკავებული კარიერის პირველ საფეხურებზე უნდა მოგვითხრობდეს და, ამდენად, უფრო ადრე უნდა იყოს გაკეთებული, ვიდრე ანდრია მოციქულის ხატის წარწერა.

„ლურჯი მონასტრის“ წარწერაში ნათქვამია: „ღმრთისა ბრძანებითაჲ, უღირსი ბასილი ქართლისა მთავარებისკოპოს ყოფილი ძე კეთილნი [ ]სა იობისი უნდოთა ამათ მცირეთა ნიეთთა მიერ გულისმოდგინებით მსასობელი შენი ცეებრსა ამას გიმკობ საყდარ

<sup>73</sup> იქვე, გვ. 148; შდრ. იქვე, გვ. 137.

<sup>74</sup> პ. ინგოროყვა, რუსთველიანი, თბ., 1926, გვ. 169—170.

<sup>75</sup> ისტორიანი და აზმანი, გვ. 79.

სართულს...ნაცვალსაგებლად ჩემთვის და საყუარელისა ძმისა ჩემისა ერისთავთ ერისთავისა ქართლისა ამირათ ამირისა რუმსთავისა და შუღთა მთეულეთთა პატრონისა აბულასანისათვის და უპირმშოვისისა ძმისა; ჩემისა შვილისა დავითისათვის ვიდრემდის დაუდგრომელსა ამას და წარმდინარესა სოფელსა შინა“...<sup>76</sup>. ეს წარწერა არაერთხელ ყოფილა განხილვის საგანი და არც ერთ მკვლევარს ეპვი არ შეპარვია, რომ აქ მოხსენიებული აბულასანი და თამარის ისტორიკოსის მიერ დასახელებული ქართლისა და თბილისის ამირა აბულასანი ერთი და იგივე პირია. ჩვენ არ ვაპირებთ ამ წარწერის ყოველმხრივ განხილვას. მასზე, როგორც შევნიშნეთ, საკმაოდ ვრცელი ლიტერატურა არსებობს<sup>77</sup>. ამეამად ჩვენ ამ წარწერის მხოლოდ ზაზგასმული ადგილი და მისი სწორად წაკითხვა გვანტერესებს.

ივ. ჯავახიშვილი, XI—XII სს. ქართულის სინტაქსის მიხედვით, როცა, მისი აზრით, განმარტება წინ უძღოდა გასამარტავ სიტყვას (მაგ. „ქართლის ერისთავი“) და არა პირიქით, როგორც ეს ადრე, XI ს-მდე იყო („ერისთავი ქართლისა“), ზაზგასმულ ტექსტში მძიმეებს ერისთავთერისთავისა და ამირთამირის შემდეგ სვამდა. ასე რომ, ივ. ჯავახიშვილის მიხედვით, წარწერაში მოხსენიებული აბულასანი იყო ერისთავთერისთავი, ქართლის ამირთამირა, რუსთავისა და შვილთა მთეულეთთა პატრონი.<sup>78</sup> მაგრამ ასეთ წაკითხვას გარკვეული დაბრკოლებანიც ახლავს. ჯერ ერთი, ტექსტის ასეთი წაკითხვიდან არ ჩანს, თუ რომელი კუთხის ერისთავთერისთავი იყო აბულასანი. წარმოუდგენელია, რომ მას მხოლოდ ასეთი წოდება ჰქონოდა და ფაქტიურად არც ერთი კუთხის ერისთავად არ ყოფილიყო. ამას გარდა, წყაროებში მართალია გვხვდება ტერმინი „ქართლის ამირა“, მაგრამ არსად

<sup>76</sup> ვ. ბ ე რ ი ძ ე, თბილისის „ლურჯი მონასტერი“, Ars Georgica, II, 1948, გვ. 96—97.

<sup>77</sup> Grosset, Voyage, Rapp. V, გვ. 4—6; П. Иоселиани, Описание древностей гор. Тифлиса, გვ. 35; Д. Баградзе, Кавказ в древн. памятниках христианства, გვ. 91—92; Е. Такайшвили, Археологич. эск., IV, გვ. 149—150; ი. ვ. ჯ ა ვ ა ხ ი შ ვ ი ლ ი, ქართული სამართლის ისტორია, II, ნაკ. I, გვ. 179, 231; პ. ი ნ გ ო რ ო ყ ვ ა, რუსთველიანი, გვ. 168—169; ი. ც ი ნ ც ა ძ ე, ძიებანი, გვ. 137 და შემდეგ.

<sup>78</sup> ამგვარად კითხულობდა ამ წარწერას აგრეთვე პ. ი. ი. ს. ე. ლ. ი. ა. ნ. ი. (იხ. Описание древностей, გვ. 34), პ. ი. ნ. გ. ო. რ. ო. ყ. ვ. ა. (იხ. რუსთველიანი, გვ. 169), ი. ც. ი. ნ. ც. ა. ძ. ე. (იხ. ძიებანი, გვ. 137), ვ. ბ. ე. რ. ი. ძ. ე. (იხ. „ლურჯი მონასტერი“, გვ. 96—97), ე. თ. ა. ყ. ა. ი. შ. ვ. ი. ლ. ი. (იხ. Арх. эск., IV, გვ. 149).

გვხვდება „ქართლის ამირათამირა“. „ამირათამირა“ ძირითადად თბილისისა და აგრეთვე ზოგიერთი სხვა დიდი ქალაქის გამგებულთ ეწოდებოდათ და თვით ეს ტერმინიც ამ დროისათვის მხოლოდ ქალაქის გამგებლობას გულისხმობდა და არა ქვეყნისა თუ მისი კუთხისა.

რაც მთავარია, XI—XII სს. ქართულის სინტაქსი არც ისე ემიჯნებოდა მისი წინაღობინდელი ქართულის სინტაქსს, რომ ამის მიხედვით რაიმე კატეგორიული დასკვნა გაგვეკეთებინა. ამიტომაც ბუნებრივია, თუკი XII ს. ქართულში ხშირად შეგვხვდება ძველი ქართულისათვის დამახასიათებელი სინტაქსური მოვლენები—კერძოდ წინადადებები, სადაც „განმარტება გასანმარტებად სიტყვას“ მოსდევს. სხვაგან რომ ბევრი არ ვეძებოთ, თვით თამარის პირველი ისტორიკოსის თხზულებაში არაერთგან გვხვდება ასეთი ადგილები: „ამირა ქართლისა და ტფილისისა“<sup>79</sup>, „სათავადო და სამთავრო სომხითსა შინა“<sup>80</sup>, „პატრონი კლარჯეთის და შავშეთისა“<sup>81</sup>, „პატრონი ორბეთის და კაენისა“<sup>82</sup> და სხვა მსგავსი.

ამრიგად, XIII ს. ქართულის სინტაქსი სრულებით არ გვიძლის ზელს „ლურჯი მონასტრის“ წარწერის ხაზგასმულ ტექსტში მძიმეები დაესვათ „ქართლისა“ და „ამირთ ამირას“ შემდეგ, ამით ჩვენ ამ ტექსტის მართებულსა და სავსებით გასაგებ წაკითხვასაც წარმოვადგენდით; მძიმეების ამგვარი დასმის შემდეგ ტექსტის ჩვენთვის საინტერესო ადგილი შემდეგნაირად წარმოგვიდგება: „ძმისა ჩემისა ერისთავთ ერისთავისა ქართლისა, ამირთ ამირისა, რუმსთავისა და შუდთა მთეულეთთა პატრონისა აბულასანისათუს“...

როგორც ვხედავთ, ქართლისა და თბილისის ამირა აბულასანი გიორგი რუსის საქართველოში ჩამოყვანის შემდეგ ქართლის ერისთავთერისთავად დაწინაურებულა. მისთვის უბოძებიათ აგრეთვე რუსთავისა და „შვიდთა მთეულეთთა“ პატრონობაც. ამასთანავე აბულასანი ისევ რჩებოდა ამირათამირად, ე. ი. თბილისის გამგებლად. ეს იყო მისი კარიერის თანდათანობითი განვითარების პირველი, მაგრამ მეტად მნიშვნელოვანი შედეგები.

როგორც ვხედავთ, აბულასანი ამ წარწერაში არ იხსენიება როგორც მეჭურჭლეთუხუცესი. ეს შემთხვევითი არ არის და იმით კი არ აიხსნება, რომ ასეთი თანამდებობა მას წარწერის გაკეთების

<sup>79</sup> ისტორიანი და აზნანი, გვ. 81.

<sup>80</sup> იქვე, გვ. 79.

<sup>81</sup> იქვე, გვ. 90.

<sup>82</sup> იქვე, გვ. 91.

დროს დაკარგული ჰქონდა, არამედ იმით, რომ აბულასანი მაშინ მექურჭლეთუხუცესის თანამდებობაზე ჯერ კიდევ არ იყო დანიშნული. თუკი აბულასანი იმგვარად დაემცრობოდა, რომ შესაძლებელი გახდებოდა მისთვის მექურჭლეთუხუცესის თანამდებობა წაერთმიათ, ცხადია, მას არ შეუწარჩუნებდნენ არც ქართლის ერისთავთ-ერისთავობასა და არც რუსთავისა და „შვიდთა მთეულეთთა“ პატრონობას.

ამრიგად, „ლურჯი მონასტრის“ წარწერა მანამდე უნდა იყოს გაკეთებული, სანამ აბულასანი მექურჭლეთუხუცესის თანამდებობას მიიღებდა, გიორგი უფლისწულის ჩამოყვანის პირველ წლებში, კერძოდ, 1186/87 წწ.

აბულასანის დაწინაურება ერისთავთერისთავის თანამდებობის ბოძებით არ დამთავრებულა. მის კიდევ უფრო ამაღლებას ყოველნაირად ხელს შეუწყობდა რუსი უფლისწული და როგორც კი შესაძლებლობა შეიქმნა (ასეთი შესაძლებლობა, ალბათ, კახაბერ ვარდანის ძის გარდაცვალება იყო) აბულასანი მექურჭლეთუხუცესად იქნა აღზევებული. ამ თანამდებობით მოიხსენიება იგი, როგორც ცნობილია, ანდრია მოციქულის ხატის წარწერაზე: „ყოვლად წმიდაო მოციქულო ქრისტეს ღვთისაო ანდრია, შეიწირე მცირედი ესე მსახურებაი ჩემგან ერისთავთ ერისთავისა და მექურჭლეთუხუცესისა აბულასანისაგან, იობის ძისა“<sup>83</sup>. ზედმეტია ლაპარაკი იმაზე, რომ ეს აბულასანი არის თამარის ისტორიკოსისა და „ლურჯი მონასტრის“ წარწერის მიერ მოხსენიებული აბულასანი იობის ძე, რომელსაც, ე. თაყაიშვილის სამართლიანი განცხადებით, მექურჭლეთუხუცესობა შეეძლო მიეღო უფრო გვიან<sup>84</sup>. მაგრამ მაინც როდის უნდა მომხდარიყო ეს? პ. ინგოროყვას აზრით, აბულასანს „ვაზირის თანამდებობა, მექურჭლეთუხუცესობა“ 1189—1190 წწ.<sup>85</sup> მიუღია. მაგრამ ეს თარიღი არ შეიძლება სარწმუნოდ მივიჩნიოთ იმის გამო, რომ ამ დროს რუსი უფლისწული საქართველოდან უკვე გაძევებული იყო და წარმოუდგენელია, რომ მისი ყველაზე უპირველესი და თავდადებული მომხრისათვის მფარველი უფლისწულის განდევნის შემდეგ ასეთი უმაღლესი თანამდებობა ებოძებინათ.

როგორც თავის დროზე ლ. მუსხელიშვილმა შენიშნა, აბულ-

<sup>83</sup> Е. Т а к а й ш в и л и, Археологич. экск., II, 1905, გვ. 70.

<sup>84</sup> იქვე, გვ. 71.

<sup>85</sup> პ. ინგოროყვა, რუსთველიანა, გვ. 169—170.

ასანი მეჭურჭლეთუხუცესად კახაბერ ვარდანის ძის შემდეგ დაუღ-  
გენიათ<sup>86</sup>. მაგრამ დაზუსტებას მოითხოვს ლ. მუსხელიშვილის მი-  
ერ მოცემული თარიღი — 1187 წ., — კახაბერ ვარდანისძის მე-  
ჭურჭლეთუხუცესად მოხსენიებისა; როგორც ზემოთ შევნიშნეთ,  
მეჭურჭლეთუხუცესად კახაბერ ვარდანის ძის დანიშვნა, „ისტო-  
რიანი და აზმანის“ ავტორის მიხედვით, თამარის საქმროს ძიება-  
ჩამოყვანამდე, ე. ი. 1185 წ. დამლევამდე უნდა მომხდარიყო და  
არა 1187 წ. თამარის ისტორიკოსი მას ამ თანამდებობაზე 1187  
წელზე აღრიხდელ, კერძოდ 1184-85 წწ. ამბებთან დაკავშირებოთ  
იხსენიებს. კახაბერ ვარდანისძე ამ თანამდებობაზე, როგორც ჩანს,  
დიდხანს არ ყოფილა. ეს ადგილი გიორგის საქართველოში ყოფნის  
დროს უნდა განთავისუფლებულიყო და აბულასანსაც იგი რუსი  
უფლასწულის საქართველოდან განდევნამდე, ე. ი. 1187-88 წწ.  
უნდა დაეკავებინა<sup>87</sup>.

ასე იქცა ერთ დროს მეჭურჭლეთუხუცესისადმი დაქვემდებარ-  
ებული სახელის მატარებელი აბულასანი, მის მიერვე ჩამოყვან-  
ილი გიორგი რუსის ზელშეწყობით, თვით მეჭურჭლეთუხუცესად.  
ეს უკვე მისი კარიერის განვითარების უმაღლესი საფეხური იყო.

ამრიგად, თბილისის ამირა იმდენად დაწინაურდა, რომ იკო  
არა მარტო სახელმწიფო დარბაზის, არამედ სავაზროს ერთ-ერთ  
წამყვან წევრდაც კი იქცა.

წარმოშობით თბილისის მოქალაქეთა ზედაფენის წარმომად-  
გენელი, თვით „თბილისის მკვიდრი“, თავაკი („თავადი“) და ქა-  
ლაქის გამგებელი როგორც სახელმწიფო დარბაზში, ასევე სავა-  
ზიროშიც თავისი წარმომშობი ფენის წარმომადგენელი და მისი ინ-  
ტერესების დამცველი იქნებოდა. ყველაფერი ეს კი აბულასანისა  
და მისი მომხრეების დასის — დიდვაქარ-ფინანსისტების მიერ წარ-  
მოებული ბრძოლისა და ამ ბრძოლაში ახალი იარაღის, ნოველორო-  
დის ყოფილი მთავრის, რუსი უფლისწულის გამოყენების შედე-  
გი იყო.

<sup>86</sup> ლ. მუსხელიშვილი, არქეოლოგიური ექსკურსიები, 1941, გვ. 66, შენ. 3. სამეცნიერო ლიტერატურაში გამოთქმულია საწინააღმდეგო მოსაზრებაც — მეჭურჭლეთუხუცესად ყუთლუ-არსლანის შემდეგ, კახაბერ ვარდანისძემდე აღრე, აბულასანის დანიშვნის შესახებ (იხ. თ. კობლაძე, XII—XIII სს. ვა-  
ზირების ქრონოლოგიისათვის საქართველოში, ასპირანტთა სამეცნ. შრომების კრე-  
ბული, 1950, გვ. 74). მაგრამ ასეთი მტკიცება ეწინააღმდეგება თამარის პირველი ის-  
ტორიკოსის მონაცემებსა და თხორობის ქრონოლოგიურ თანმიმდევრობას.

<sup>87</sup> ამ თარიღს ასახელებს, სხვა მოსაზრებებიდან გამომდინარე, პროფ. ი. ცინ-  
ცაძე (იხ. ძიებანი, გვ. 147—148).

მეჭურჭლეთუხუცესის თანამდებობის მიღების შემდეგ აბულასანი, როგორც დიდი ხელისუფალი და ვაზირი, ბუნებრივია, განთავისუფლდებოდა თბილისის ამირათამირას თანამდებობისაგან. ასევე, რაკი მეჭურჭლეთუხუცესის სახელო არ ყოფილა „რუსთავისა და შუდთა მთელეთთა“ პატრონობა, მისი ეს მიწებიც, როგორც ჩანს, სხვებს გადაეცათ<sup>88</sup>. სწორედ ყოველივე ამის გამო არ იხსენიება აბულასანი ანდრიას ხატის წარწერაში თბილისის ამირად და რუსთავისა და „შუდთა მთელეთთა პატრონად“. იგი უკვე ორ დიდ თანამდებობას აერთებდა — აბულასანი, როგორც მეჭურჭლეთუხუცესი, დარბაზის რიგის მოხელე იყო, ხოლო როგორც ქართლის ერისთავთერისთავი, საქვეყნოდ გამრიგე.

მაგრამ საკითხავია, შეეძლო თუ არა მოქალაქეთა ზედაფენიდან გამოსულს, თბილისის მკვიდრს ასეთი თანამდებობისათვის მიღწეა? ამ კითხვაზე პასუხს აძლევს თვით აბულასანის შემომოთხრობილი ისტორია, მისი თანდათან დაწინაურება, სიახლოვე რუს უფლისწულთან და ძირითადად კი იმდროინდელ საქართველოში შექმნილი საშინაო ვითარება. XII—XIII სს. საშინაო ვითარება ფართო გასაქანს აძლევდა აბულასანის მსგავს პიროვნებებს; ხელსაყრელ პირობებს ქმნიდა მათ დასაწინაურებლად. აბულასანის მსგავსად დაწინაურებულნი ჩანან XII—XIII სს. საქართველოში ტიგრან ჰონენცი, ყუთლუ-არსლანი, უმეკი და მისი შთამომავალნი, შადინი, ხოჯა აზიზი, სადუნ მანკაბერდელი და სხვა მსგავსნი. მათ შესახებ ჩვენ სხვა დროს შესაძლებლობა გვქონდა უფრო ფართოდ გველაპარაკა და ამჟამად სიტყვის გაგრძელებას საქაროდ არ მივიჩნევთ.<sup>49</sup> ამრიგად, აბულასანი შემთხვევითი მოვლენა კი არა, ეპოქის ნამდვილი შვილი იყო, რომელიც მარჯვედ იყენებდა პირადი და თავისი დასის ინტერესებისათვის ყუჩღუთოდან თამარის საქმროდ ჩამოყვანილ რუს უფლისწულთან დაახლოებასა და ამ უკანასკნელის გავლენას.

<sup>88</sup> თამარის ისტორიკოსის სიტყვით. ზაქარია მხარგრძელს უბოძეს ამირსპასალა რომა და „მოუმატეს ქალაქია რუსთავი“; ხოლო „ქიბარსა მანდატურთუხუცესისა მოუმატეს და უბოძეს ჟინვანი ქალაქი და ციხე მრავლითა მთიულეთითა“ (ისტორიანი და აზმანი, კ. კეკელიძის გამოც., გვ. 951). ამ ამონაწერიდან კარგად ჩანს, რომ რუსთავი არ იყო მეჭურჭლეთუხუცესის ისეთივე საპატრონო, როგორც ლორე იყო ამირსპასალარისათვის. რუსთავი შეიძლებოდა გადასცემოდა ამირსპასალარსაც; ამასთანავე, მოტანილი ამონაწერი იმასაც გვიჩვენებს, რომ რუსთავის მფლობელობა არ გულისხმობდა „მთელეთთა“ პატრონობასაც, ასეთად, როგორც ჩანს, შეიძლებოდა ჟინვანის მფლობელიც ყოფილიყო.

<sup>89</sup> იხ. შ. მ. ე. ს. ი. ა., საქართველოს ქალაქების სოციალური ურთიერთობის ისტორიიდან, გვ. 91—101.

ამრიგად, აბულასანის ასეთი დაწინაურება რუსი უფლისწულის საქართველოში ხანმოკლე მოღვაწეობის ერთი შედეგი იყო. ამ მხრივ მან უდავოდ გაამართლა თავისი თავდადებული მომხრისა და ჩამომყვანის, თბილისის ამირას იმედები. მაგრამ, თუ როგორი იყო სხვა სფეროში მისი მოღვაწეობა, მოუტანა თუ არა მისმა საქართველოში ყოფნამ რაიმე ცვლილება საქალაქო მმართველობას, ჩვენს ხელთ არსებული მასალებიდან არ ჩანს. ძნელი წარმოსადგენია, რომ უმეტესად სხვა, არასახელმწიფოებრივი საქმეებით გართულ უფლისწულს ამ მხრივ რაიმე საგულისხმო გაეკეთებინოს, მით უფრო, რომ ძლიერ ხანმოკლე იყო მისი ყოფნაც საქართველოს მეფის მეუღლედ.

რუსი უფლისწულის ასეთი დიდება, როგორც ცნობილია, სულ ორნახევარი წელიწადი გაგრძელდა, უკეთურ პიროვნულ თვისებებთან ერთად რუს უფლისწულს თამარის საწინააღმდეგო განზრახვებიც აღმოაჩნდა. ამიტომ ამბობს ისტორიკოსიც, რომ იგი „სიტყვით აღძრა წყენად თამარისაო“<sup>80</sup>. ყოველივე ამის გამო, გიორგის მოწინააღმდეგე და თამარის მომხრეთა დასმა, რუსუდან დედოფლის მეთაურობით, „საწყალობლად განაძეს იგი“ და „მეფობისაგან დაამკეს“<sup>81</sup>. ეს კი, როგორც ზემოთ აღვნიშნეთ, 1188 წ. უნდა მომხდარიყო.

რუსი უფლისწულის საქართველოდან გაძევება მისი მომხრეებისა და პირველ რიგში მისი ჩამომყვანის ენიციატორის უდიდესი მარცხი იყო. წარმოუდგენელია, რომ გიორგის „მეფობისაგან დამკობის“ შემდეგ აბულასანი თავის მალალ თანამდებობაზე დაეტოვებინათ — გიორგის დამხობას, ცხადია, პირველ რიგში აბულასანის დამხობა უნდა მოჰყოლოდა. ამიტომაც არ გამოიყურება სარწმუნოდ ქართულ სამეცნიერო ლიტერატურაში გამოთქმული მოსაზრებები აბულასანის მხოლოდ 1191 წლიდან, ე. ი. გიორგი რუსის აჯანყების დროიდან დაცემის შესახებ.

პ. ინგოროყვას აზრით, „აბულასანის დაცემა დაკავშირებული იყო გიორგი რუსის აჯანყებასთან“. მაშასადამე, ამ აჯანყების შემდეგ, ე. ი. 1190-91 წწ. შემდეგ, უნდა დაეკარგა მას ყველა ზემოხსენებული თანამდებობაცა და ადგილიც; ამ დრომდე კი, როგორც ეს ბუნებრივად გამომდინარეობს პ. ინგოროყვას ზემომოტანილი განცხადებიდან და მისი ნაშრომის სხვა ადგილებიდანაც, აბულასანს ჰქონდა როგორც მეკუთრულეთუხუცესობა, ასევე ერის-

<sup>80</sup> ისტორიანი და აზნანი, გვ. 84.

<sup>81</sup> ბ ა ს ი ლ ი ე ზ ო ს მ ო ძ ღ ვ ა ზ ი, ცხობება თამარისი, გვ. 17.

თავთერისთავობაც და საპატრონო მიწა-წყალიც. მაგრამ პ. ინგოროყვასე განცხადებით, „ამ აჯანყების მეთაურიც იგივე აბულასანი ყოფილა. თამარის პირველი ისტორიკოსი მოგვითხრობს, რომ „მეჭურჭლეთა უხუცესისა ნაცვალი“, ე. ი. აბულასანი წარგზავნილიყო ელჩად კარნუ-ქალაქის და ეზინკის სამფლობელოში“, სადაც იგი შეხვედრია გიორგის და „ამ შეხვედრის დროს გადაუწყვეტიათ აჯანყების მოწყობა“<sup>92</sup>. ამრიგად, პ. ინგოროყვას მიხედვით, აჯანყების წინ აბულასანს მეჭურჭლეთუხუცესის ნაცვლის (მოადგილის) თანამდებობა ჰქონია და არა თვით მეჭურჭლეთუხუცესისა. მის მოსაზრებათა შორის ამგვარი წინააღმდეგობანი უმთავრესად იმით აიხსნება, რომ თამარის ისტორიკოსის მიერ მოხსენიებულ „მეჭურჭლეთა უხუცესისა ნაცვალს“ არავითარი საერთო არა აქვს აბულასანთან. არსაიდან არ ჩანს, რომ აბულასანი მეჭურჭლეთუხუცესის ნაცვალი ყოფილიყოს, ან კიდევ, ამირთამირობა მეჭურჭლეთუხუცესის ნაცვლობას უდრიდეს, როგორც ამას პ. ინგოროყვა ფიქრობს<sup>93</sup>. პ. ინგოროყვას მიერ საამისოდ მოშველიებული ვარაუდი დამაჯერებლად არ გამოიყურება<sup>94</sup>. ასევე საფუძველს მოკლებულია პროფ. ს. ერემიანის ამგვარი პტკიცებაც<sup>95</sup>, რომელიც, როგორც ჩანს, სავსებით დამყარებულია პ. ინგოროყვას ზემომოტანილ მოსაზრებებზე. დაუჯერებელია აგრეთვე, რომ აბულასანს გიორგი რუსის საქართველოდან გაძევების შემდეგაც 2—3 წლის მანძილზე შეენარჩუნებინა რუსი უფლისწულის ხელშეწყობით მოპოვებული თანამდებობანი. ჩვენი აზრით, ყველა ეს თანამდებობა აბულასანს გიორგის განდევნისთანავე, აჯანყებამდე 2—3 წლით ადრე უნდა დაეკარგა. ამიტომ, ცხადია, თამარის ისტორიკოსის მიერ მოხსენიებული და კარნუ-ქალაქს მისული „მეჭურჭლეთუხუცესის ნაცვალი“ არათუ აბულასანი, არამედ იმ დროს ვერც მისი მოადგილე იქნებოდა, როგორც ამას გ. ბერიძე ვარაუდობს<sup>96</sup>. მაგრამ უდავოა, რომ ეს ნაცვალი აბულასანთან დაახლოებული პირი და მისი დასის ერთ-ერთი აქტიური წევრი უნდა ყოფილიყო.

განსაკუთრებით საინტერესოა, რომ გიორგი რუსის საქართველოდან განდევნისა და აბულასანის ასეთი მარცხის შემდეგაც, სა-

<sup>92</sup> პ. ინგოროყვა, რუსთველიანი, გვ. 170; შდრ. 169.

<sup>93</sup> იქვე, გვ. 169.

<sup>94</sup> იხ. ი. ციციქიძე, ძიებანი, გვ. 155—156.

<sup>95</sup> С. Т. Еремьян, Юрий Боголюбский, гв. 413.

<sup>96</sup> ვ. ბერიძე, თბილისის „ლურჯი მონასტერი“, გვ. 100.



ქალაქო ზედაფენის წარმომადგენლები — სავაჭრო-საფინანსო წრეები, საქმეს წაგებულად არ მიიჩნევენ და ისევ იწყებენ ბრძოლას დაკარგული მდგომარეობის აღდგენისათვის.

სავსებით სწორია პროფ. ი. ცინცაძე, როცა ყუთლუ-არსლანს განდგომასა და მეჭურჭლეთუხუცესის ნაცვლის საქმიანობას შორის ერთგვარ კავშირს ზედავს და მას „მხედველობაში მანაც მისაღებ გარემოებად“ მიიჩნევს. პროფ. ი. ცინცაძეს არც ის გამოორჩენია მხედველობიდან, რომ განდგომილი ვაზირისა და აჯანყებული ნაცვლის ზურგს უკან მსხვილი ვაჭარ-ფინანსისტები იდგნენ, რომელნიც მათ „სავაზირო უწყებაში“ შედიოდნენ<sup>97</sup>. მაგრამ საზოგადოებრივი მოძრაობის ამ საერთო ურთიერთდაკავშირებული მოვლენებიდან არ უნდა გამოირიცხოს აბულასანის ჩვენ მიერ ზემოდასახელებული მოღვაწეობაც, მისი ბრძოლა გიორგი რუსის ჩამოსაყვანად და მაღალ სახელმწიფოებრივ თანამდებობათა მოსაპოვებლად. ასე რომ, გიორგი რუსის აჯანყების მოწყობის ორგანიზატორის, მეჭურჭლეთუხუცესის ნაცვლის საქმიანობა არა მარტო ყუთლუ-არსლანის, არამედ, პირველ რიგში, აბულასანის მიერ დაწყებული, მაგრამ გიორგი რუსისა და თვით აბულასანის მარცხით შეფერხებული, ბრძოლის გაგრძელებად უნდა მივიჩნიოთ.

საფიქრებელია, რომ მეჭურჭლეთუხუცესის ნაცვლი თუ თვით, უკვე თანამდებობიდან გადაყენებული, აბულასანის უშუალო დავალებით არა, ალბათ მისი პირდაპირი უფროსის, იმდროინდელი, ჩვენთვის უცნობი მეჭურჭლეთუხუცესის დავალებით მიღეს კარნუ-ქალაქს „მოციქულად საქმისა რაჰსათუსმე“. განსაკუთრებით საინტერესოა, რომ ნაცვლის მოციქულობა კარნუ-ქალაქს, თამარის ისტორიკოსის სიტყვით, სწორედ მაშინ მოეწყო, „ოღესმე მოესმა, ვითარმედ რუსი იგი ძნელ-ბედი და სუე-უსუეო, წამოსრულა კონსტანტინოპოლით და მოსრულა ქუეყანად ეზინკისად, კარნუ-ქალაქისად“<sup>98</sup>. როგორც ჩანს, ნაცვლის შეხვედრა რუს უფლისწულთან სათანადო წრეებში, ცხადია, აბულასანის დასში, წინასწარ შოფიქრებული და დაგეგმილი იყო. ნაცვლის მოციქულობის ძირითადი დანიშნულებაც გიორგი რუსთან შეხვედრა იყო და არა სხვა რაიმე დავალების შესრულება. ამიტომაც „შეიყარნეს რუსი და იგი ერთად“ და ამ დროს გადაწყდა აჯანყების მოწყობაც, „რათა რუსი სასახლესა შინა შეყვანილ ყონ“<sup>99</sup>. როგორც

<sup>97</sup> ი. ცინცაძე, ძიებანი, გვ. 78—79.

<sup>98</sup> ისტორიანი და აზმანი, გვ. 90.

<sup>99</sup> იქვე.

ვხედავთ, აჯანყების ორგანიზატორებად და „რუსის სასახლეში შეყვანის“ ინიციატორებად ისევ იმ წრეთა წარმომადგენლები გამოდიან, რომლებმაც გიორგი რუსი ჩამოიყვანეს თამარის საქმროდ. მაგრამ ეს დასი, გიორგის განდევნითა და აბულასანის გადაყენებით წელში გატეხალი, ასეთი დიდი აჯანყების მოწყობისათვის საჭირო ძალას ვერ შექმნიდა. ეს მოძრაობა, ამ შემთხვევაშიც, ისე როგორც ყუთლუ-არსლანის გამოსვლისა თუ გიორგი რუსის ჩამოყვანის დროს, ძლიერი ცენტრალისტური ხელისუფლების მოწინააღმდეგე დიდგვარიანთა ინტერესებს დაემთხვა, მათ შეუერთდა და სამეფო სახლის წინააღმდეგ მოწყობილ ერთიან მრისხანე აჯანყებად იქცა. ამიტომ იყო, რომ ამ აჯანყების ძირითად ძალად უფრო დიდგვარიანი ფეოდალები — გუზანი, ბოცო, სხვა მესხი დიდებულები, ვარდან დადიანი და სხვები ჩანან, ვიდრე მოქალაქეთა წარმომადგენლები. როგორც პირველი, ასევე მეორე სოციალური წრისათვის რუსი უფლისწული არც ისე ადვილად დასათმობი იყო. ამ მოძრაობის ფართო მასშტაბისა და შედეგებით ორგანიზებული მისი მიუხედავად, იგი დამარცხდა და ამის ერთი ძირითადი მიზეზი, ჩვენი აზრით, ამ აჯანყებაში მონაწილე სხვადასხვა სოციალურ ფენათა კლასობრივი ინტერესებისა და მისწრაფებების ურთიერთ შეუთავსებლობა-შეუთანხმებლობა იყო.

ამ აჯანყების დამარცხებით, შეიძლება ითქვას, დამთავრდა თბილისის მოქალაქეთა, მათი ზედაფენის წარმომადგენელთა კლასობრივი ბრძოლის კიდევ ერთი დიდი ეტაპი.

ქართულ საისტორიო წყაროებს საგულისხმო არაფერი დაუცავთ თბილისში XII ს. 80-იანი წლების შემდეგ შექმნილი ვითარების შესახებ, მაგრამ, ცხადია, რომ მოქალაქეთა კლასობრივი ბრძოლა, სხვადასხვა ფორმით, ამის შემდეგაც გრძელდებოდა. ქალაქების მდგომარეობა კიდევ უფრო რთულდებოდა — ამიერიდან ბრძოლა უნდა წარმართულიყო არა მარტო სამეფო ხელისუფლების წინააღმდეგ, რომელიც უკვე დიდი ხანია ქალაქებს იმორჩილებდა, არამედ აგრეთვე იმ დიდებულთა წინააღმდეგაც, რომელთაც, განსაკუთრებით თამარ მეფის დროიდან, ხელთ უვარდებოდათ საქართველოს მნიშვნელოვანი ქალაქები.

როგორც არაერთგან აღნიშნული გვაქვს<sup>100</sup>, თამარ მეფის დროიდან, კერძოდ მას შემდეგ, რაც დიდგვარიანებმა არაერთ პო-

<sup>100</sup> იხ. შ. მე ს ხ ი ა, საქართველოს ქალაქების სოციალური ურთიერთობის ისტორიიდან, გვ. 88—90; Ш. А. М е с х и а, Города и городской строй феодальной Грузии, გვ. 72—74.

ლიტიკურ გამარჯვებას მიიღწიეს, სამეფო ხელისუფლება იძულებული გახდა ანგარიში გაეწია გამარჯვებულ ფეოდალთა ინტერესებისათვის და მათთვის დაეთმო საქართველოს მნიშვნელოვანი ქალაქები, საკუთრებისა თუ მფლობელობის სხვადასხვა პირობით. დიდგვარიანები მათზე გადაცემულ ქალაქებში არა მარტო პოლიტიკურად, არამედ ზოგჯერ ეკონომიკურადაც აღწევდნენ გაბატონებას. ასე რომ, ქალაქების საუკუნოვანი სოციალური ბრძოლა არსებითად მარცხით დამთავრდა. საქართველოშიც „ფეოდალიზმი ვერ იქნა გატეხილი ქალაქების განსაკუთრებული განვითარებით“. ამის გამო ქალაქები აღმოჩნდა განაწილებული სამეფო ხელისუფლებასა და მსხვილ ფეოდალებს შორის. XII ს. მეორე მეოთხედიდან საქართველოში უკვე არ არსებობდა ე. წ. „თავისუფალი ქალაქი“.

მეფესა და დიდებულებს შორის ქალაქების განაწილებით დაირღვა არა მარტო სამეფო ხელისუფლებისა და ქალაქების კავშირი, არამედ თვით ქალაქთა კავშირებიც, კიდევ უფრო გაითიშა მათი ძალები, რომელიც ერთ დროს, როგორც ვნახეთ, ხშირად ერთიანდებოდა ქალაქთა დამოუკიდებლობის დასაცავად.

ამრიგად, ქალაქების დამოუკიდებლობის დაკარგვამ და დამორჩილებამ დავით აღმაშენებლის დროიდან, ხოლო შემდეგ ქალაქების განაწილებამ მეფესა და დიდებულებს შორის თამარის მეფობის დროს, დაარღვია ქალაქთა ერთიანი, ზოგჯერ თბილისის მეთაურობით შეკრული ფრონტი და შეასუსტა უფლებათა შემდგომი გაფართოებისა თუ დამოუკიდებლობისათვის მებრძოლი საქალაქო ძალები.

მაგრამ ყოველივე ეს XIII ს. საქართველოს ქალაქების სოციალურ და ეკონომიკურ ცხოვრებაში მომხდარ დიდ გარდატეხათა მხოლოდ დასაწყისი იყო. ასეთ გარდატეხას დასაბამი საქართველოში მონღოლთა გაბატონებამ მისცა. მონღოლების ბატონობის პერიოდში საქართველოს ზოგმა ქალაქმა სავსებით დაკარგა თავისი მნიშვნელობა და დაეცა; ზოგი მათგანი კიდევ ხელოსნებისა და ვაჭრებისაგან დაცარიელდა და უმნიშვნელო დასახლებულ პუნქტად იქცა. ქალაქების მხოლოდ ერთმა ნაწილმა, მათ შორის თბილისმა, მოახერხა თავისი მდგომარეობისა და მნიშვნელობის ძირითადად შენარჩუნება; მაგრამ მონღოლთა ლაშქრობებმა და შემდეგ გაბატონებამ ასეთი ქალაქებიც მნიშვნელოვნად დააზიანა. მაგ., თბილისის ზოგი უბანი განადგურდა და სავსებით დაცარიელდა:

საგრძობლად დაზიანდა მისი არა მარტო ეკონომიკური, არამედ სოციალური ცხოვრებაც.

იმდროინდელი საქართველოს ქალაქების, კერძოდ კი თბილისის, სოციალურ ცხოვრებაზე მომავდინებელ გავლენას ახდენდა ქალაქის არა მარტო თავისუფალი მწარმოებელი ფენის განადგურება, არამედ აგრეთვე ის გარემოებაც, რომ მონღოლთა გაბატონების დროიდან ქალაქის მოსახლეობის გავლენიანი ზედაფენა, მსხვილი ვაჭრები და ფინანსისტები, დამპყრობთა მიერ მხარდაჭერილნი და ათასგვარი შეღავათ-პრივილეგიებით უხვად შემკობილნი, მონღოლთა მხარეზე აღმოჩნდნენ. ამასთანავე, ეს ზედაფენა, ამჟამად მონღოლთა ხელშეწყობით, კიდევ უფრო ამჟღავნებდა ტენდენციას ფეოდალური არისტოკრატის რიგებში გადასვლისა და მასთან გაერთიანებისა. ყოველივე ამის შედეგად კი ძველი მოკავშირე საბოლოოდ დაკარგა არა მარტო სამეფო ხელისუფლებამ, არამედ საქალაქო ფენამაც — „მესამე წოდებას“ თანდათან ხელიდან ეცლებოდა ფეოდალური აზნაურობის წინააღმდეგ ქალაქის მოსახლეობის ბრძოლის ორგანიზატორი.

თავისუფალ მწარმოებელთა თანდათან შემცირება, მოქალაქეთა გავლენიანი ზედაფენის ევოლუცია — მისი გადახრა ფეოდალური აზნაურობისაკენ და მოქალაქეთა ზოგი გავლენიანი წარმომადგენლის კიდევაც გადასვლა დიდებულთა რიგებში, თბილისის აღრიდანვე აღებული გეზით განვითარების შესაძლებლობას უსპობდა, მის სოციალურ ცხოვრებასა და საქალაქო წესწყობილებას სხვა შინაარსსა და მიმდინარეობას აძლევდა.

ამრიგად, მონღოლთა გაბატონების დროიდან არსებითად დასრულდა თბილისის, როგორც სოციალურად ზრდადასრულებული, განვითარების მაღალ საფეხურზე ასული ქალაქის ისტორია და დასაბამი მიეცა სოციალურ ცხოვრებასა თუ საქალაქო წესწყობილებაში ფეოდალური ურთიერთობის განმტკიცებასა და ფეოდალური აზნაურობის გაბატონებას.

## დასკვნები

1. შუა საუკუნეების თბილისის სოციალური ცხოვრებისა და საერთოდ მისი ისტორიის ზემომოტანილი მიმოხილვა გვარწმუნებს, რომ საქართველოს ამ უდიდესი ქალაქის საქალაქო წესწყობილების, მმართველობისა და თვითმმართველობის განვითარება ძირითადად იმავე გზით წარიმართა, როგორითაც შუა საუკუნეე-

ბის ევროპის ქალაქთა უმეტესობისა. მაგრამ ამასთანავე თბილისის განვითარებას თან დაჰყვა თავისებურებანიც, რომლებიც ქართული ფეოდალიზმის საერთო თავისებურებებით იყო გაპირობებული — საქართველოში ფეოდალური ურთიერთობის წარმოშობისა და განვითარების განსხვავებულმა პირობებმა და დრომ, ცხადია, ფეოდალური ქალაქების წარმოშობასა და განვითარებას თავისებურ სახე მიაცა.

თბილისის სოციალური განვითარების თავისებურება პირველ რიგში განაპირობა ქალაქის წარმოშობამ ადრეფეოდალური ხანის პირველ პერიოდში. V—VI სს. წარმოქმნილმა ქალაქმა, არაერთი ხელშემშლელი გარემოების მიუხედავად, უკვე განვითარებული ფეოდალიზმის პირველი ნაბიჯების ხანაში, X საუკუნეში, მაღალ სოციალურ და ეკონომიკურ განვითარებას მიაღწია. ამიტომ იყო, რომ სწორედ მაშინ, როცა ევროპაში ფეოდალური ქალაქები ყალიბდებოდა, თბილისში უკვე საქალაქო თვითმმართველობა ისახებოდა.

2. საქალაქო თვითმმართველობის ჩასახვა და ჩამოყალიბებაც თბილისში გარკვეულ თავისებურ პირობებში მიმდინარეობდა. იგი, ერთი მხრივ, ფეოდალიზმის განვითარებისა და ამის შედეგად ერთიანი ფეოდალური სახელმწიფოს ჩამოყალიბების, ხოლო მეორე მხრივ, ე. წ. „თბილისის საამიროს“ ერთგვარი ევოლუციის პერიოდს დაემთხვა. ფეოდალურ ურთიერთობათა განვითარებამ განაპირობა თბილისის მოსახლეობის სოციალური ზრდა, თბილისის საამიროს „მსაჯული ამირას“ გადაქცევა ქალაქისა და მისი მიდამოების ფეოდალურ „მფლობელ ამირად“ და მისი სამფლობელო ხელისუფლების გვერდით საქალაქო თვითმმართველობის ჩამოყალიბება.

საქალაქო თვითმმართველობის წარმომადგენლებად მოქალაქეთა ზედაფენიდან გამოყოფილი „ტვრელენი ბერნი“ ანუ „ქალაქის ბერნი“ იყვნენ, რომელთა ხელისუფლება XI ს. 40-იანი წლები-სათვის უკვე სავსებით გამოკვეთილი ჩანს.

ძველქართული ტერმინის — „ბერის“ — შესწავლით ცხადი ხდება, რომ იგი მოხუცს, უხუცესს, უფროსს შეესატყვისებოდა, ხოლო „ქალაქის ბერი“ „ქალაქის უხუცესს“. ამ ტერმინით კი განვითარებული ფეოდალიზმის ხანის თბილისის საქალაქო თვითმმართველობისათვის დამახასიათებელი ინსტიტუტი, საქალაქო საქმეების გამგებელთა „კრებული“ აღინიშნებოდა.

„ქალაქის უხუცესნი“ განაგებდნენ საქალაქო საქმეებს ქალაქის მფლობელ ამირასთან ერთად, მაგრამ ამ უკანასკნელის ქალაქში არყოფნის შემთხვევაში ქალაქის ერთადერთი გამგებელნი სწო-

რედ „ქალაქის უხუცესნი“ იყვნენ. ასეთი უფლება მათ ქალაქის მოსახლეობისაგან, „ქალაქის კრებულის“ (საბჭოს) წევრებად არჩევის გზით, ჰქონდათ მიღებული. „ქალაქის უხუცესთა“ ე. ი. „ქალაქის კრებულის“ წევრთა რიცხვი მაშინდელ თბილისში ძირითადად თორმეტით უნდა ყოფილიყო განსაზღვრული.

3. საქალაქო თვითმმართველობის ჩამოყალიბება და საქმიანობა თბილისში მწვეავე კლასობრივი ბრძოლის ვითარებაში, ქალაქში ფეოდალური მფლობელის (ამირას) ბატონობის პირობებში შემდინარეობდა. ამიტომ ქალაქის ისტორიის ეს პერიოდი არსებითად იყო თბილისის მოქალაქეთა დამოუკიდებლობისათვის ბრძოლის დასაწყისი, მისი პირველი ეტაპი.

XI ს. 50-იანი წლებიდან კი ქალაქის სოციალური ბრძოლა ახალ საფეხურზე ავიდა. ამ დროიდან „ტფილელნი“ შეეცადნენ თავიდან მოეშორებინათ ამირას მფლობელობა და პირველ ხანებში უფრო სასურველი მფარველი ეძებნათ, ხოლო შემდეგ სრული დამოუკიდებლობისათვის მიეღწიათ: ამ მხრივ პირველი გამარჯვება ქალაქმა 1051 წლიდან მოიპოვა, მაგრამ არა დიდი ხნით. XI ს. 80-იანი წლებიდან კი ქალაქის მართვა-გამგებლობა განუყოფლად „თბილისის ხალხის“ ანუ „ქალაქის უხუცესთა“ ხელში გადავიდა. ეს კი იმას ნიშნავდა, რომ ქალაქის თვითმმართველობა ამიერ-დან ქალაქის დამოუკიდებლობაში გადაიზარდა, თბილისი ქალაქ-კომუნად იქცა. იმდროინდელი მსოფლიოს ქალაქთა შორის თბილისი ამ მხრივაც ერთი პირველთაგანი იყო.

საქართველოში გიორგი II-ს მეფობა (1072—1089) და მისი მემკვიდრის დავით აღმაშენებლის მეფობის ერთი პერიოდი (XII ს. მეორე ათეულამდე) ერთგვარ ხელსაყრელ პირობებს ქმნიდა თბილისში კომუნის მმართველობის განმტკიცებისათვის — ცენტრალიზაციის გზაზე შემდგარ სამეფო ხელისუფლებას ძლიერი ქალაქის მოკავშირეობა ერთხანს სჭირდებოდა.

4. კომუნის დროს ქალაქის გამგებლობა თბილისში „ქალაქის უხუცესთა კრებულის“ (საბჭოს) ხელთ იყო. საბჭოს წევრთაგან კი, რომელნიც, როგორც ჩანს, ერთი წლის ვადით ირჩეოდნენ, თითო თვით, რიგრიგობით აირჩეოდა „ქალაქის თავადი“ ან „ქალაქის მთავარი“. ამ უკანასკნელის ხელისუფლება მთლიანად „უხუცესთა საბჭოს“ ექვემდებარებოდა.

„ქალაქის უხუცესებს“ და „თავადს“ უკითხებოდათ ყოველი საქალაქო საქმე. ისინი განაგებდნენ ომისა თუ ზავის ჩამოგდებას, „ქალაქის სამართალს“, საქალაქო გამოსაღებთა აკრებას; მათვე

ემორჩილებოდათ „ქალაქის ციხენი“ და „მეციხოვნენი“, ეპყრათ „კლიტენი ქალაქისანი“ და სხვ. თბილისის კომუნა, როგორც ირკვევა, საკუთარი მონეტის მოჭრასაც აწარმოებდა. მის მიერ უნდა იყოს მოჭრილი ის მონეტები, რომლებზედაც არც თბილელი ამირა, არც საქართველოს მეფე და არც ხალიფა არ არიან მოხსენიებულნი და რომელნიც მკვლევართა (ე. პახომოვი, დ. კაპანაძე, დ. ლუნგი) მიერ აქამდე თბილისურ-არაბული ღირებულების მხოლოდ ქართულ, XI ს. დამდეგს გამოშვებულ მინაბაძებად იყო მიჩნეული.

5. თბილისის გადაქცევა ქალაქ-კომუნად სოციალურ-ეკონომიკური თვალსაზრისით ნიშნავდა ფეოდალური ქვეყნის უმსხვილეს ცენტრში ფეოდალიზმის საწინააღმდეგო ძალების გამარჯვებას. პოლიტიკური თვალსაზრისით კი იგი იყო გაერთიანების გზაზე განუხრელად შემდგარი ფეოდალური მონარქიის შიგნით დამოუკიდებელი ერთეულის — „ქალაქი-რესპუბლიკის“ წარმოქმნა, რაც მონარქიისათვის თანდათან მიუღებელი ხდებოდა. ამიტომაც დაიწყო დავით IV აღმაშენებელმა თანმიმდევრული ბრძოლა საქართველოს ქალაქების შემოსაერთებლად, რაც არსებითად ნიშნავდა სამეფო ხელისუფლების ბატონობისაგან თავისუფალი ქალაქების დამორჩილებისათვის ბრძოლის წამოწყებას.

საკუთრივ თბილისის დამორჩილებისათვის ბრძოლა მეფემ XII ს. მხოლოდ 20-იან წლებიდან და ისიც მოქალაქეთა თანდათან შევიწროებით დაიწყო. პირველ ხანებში ქალაქი საფასის გაღებით და მეფის ვასალობის აღიარებით („მეფის ნაცვლის“ — შიპნას — მიღება ქალაქში) ახერხებს მმართველობაში დამოუკიდებლობის შენარჩუნებას. ამასთანავე, თბილისი სხვა ქალაქებთან (დმანისი, განდა) კავშირით („ქალაქთა კავშირის“ შექმნით) ცდილობს მეფის ვასალობას დააღწიოს თავი. მაგრამ ყველაფერი ეს მხოლოდ დროებითი ღონისძიება იყო — „ქალაქთა კავშირის“ მიერ დამხმარედ მოწვეული ძალების დამარცხებით დიდგორის ველზე 1121 წ., დავით IV-მ საბოლოოდ დაამარცხა არა მარტო მაჰმადიანთა კოალიცია და „ქალაქთა კავშირი“, არამედ თბილისის დამოუკიდებლობაც, საქალაქო კომუნაც.

1122 წ., თბილისის იარაღით აღების შემდეგ თუმცა ერთხანს იგი „არასრულად შემოყენებულ იყო უღელსა ქუეშე მორჩილები-სასა“, არსებითად დასრულდა თბილისის კომუნისა და თვითმმართველობის ისტორიაც. ამიერიდან იგი იქცა არა მარტო სამეფო, არამედ მეფის მოხელეებისადმი დაქვემდებარებულ ქალაქადაც.

6. ნახევარი საუკუნის მანძილზე კომუნის არსებობამ თბილისში მნიშვნელოვანი როლი შეასრულა მოქალაქეთა კლასობრივი ინტერესების გამოკვეთის, მისი ზედაფენის განმტკიცებისა და მოქალაქეთა ერთი, ძლიერი წოდების ჩამოყალიბების საქმეში. კომუნის გამარჯვება არსებითად იყო აგრეთვე მოქალაქეთა გამარჯვება, მათი კლასობრივი მისწრაფებების განხორციელება. ამიტომაც ადრე მიღწეული გამარჯვებების დათმობა თბილისის შემოერთებისა და დამორჩილების შემდეგაც ერთბაშად არ მომხდარა, მწვავე კლასობრივი ბრძოლა ამის შემდეგაც მიმდინარეობდა. მოქალაქეთა კლასობრივი გამოსვლები სამეფო ხელისუფლების წინააღმდეგ მოწყობილ სხვადასხვა მოძრაობას ზოგჯერ ამა თუ იმ ფორმით უერთდებოდა და აშკარა სახეს იღებდა, ზოგჯერ კიდევ სხვა სამოსში ეხვეოდა და „უჩინარდებოდა“.

თბილისის მსხვილ ვაჭართა და ფინანსისტთა, „სიმდიდრით ალაღებულთა“ კლასობრივმა ბრძოლამ შედარებით აშკარა სახე თამარის გამეფების დროიდან მიიღო. მოქალაქეთა სოციალურმა მოძრაობამ თავისი ასახვა პპოვა სამეფოს მეჭურჭლეთუხუცესის ყუთლუ-არსლანის გამოსვლაში. მის „თანაშეფიცულთა დასში“ ერთ-ერთ უმთავრეს წამყვან ძალას საქალაქო წრეები, „სიმდიდრით აღზევებულნი“ შეადგენდნენ და სწორედ ესენი აძლევდნენ პროგრესულ ხასიათს ამ მოძრაობას.

„სიმდიდრით აღზევებულთა“ გამოსვლის ერთი მნიშვნელოვანი შედეგი იყო სახელმწიფო დარბაზის სოციალურ შემადგენლობაში მომხდარი ცვლილებები — დიდგვარიანთა გვერდით დარბაზში ადგილის დაკავება „თბილისის მკვიდრისა“ და ქალაქის გამგებელი დიდვაჭრის (აბულასანის) მიერ; ამ მოძრაობის შედეგი იყო აგრეთვე სახელმწიფოებრივ ცხოვრებაში დიდვაჭართა როლის საგრძნობი ზრდა.

მაგრამ არც ეს ჩანდა საკმარისი: დიდვაჭრები ცდილობდნენ თავიანთი კლასობრივი ინტერესების შესაბამისად ემოქმედათ ისეთი დიდმნიშვნელოვანი სახელმწიფოებრივი საკითხის გადაწყვეტის დროსაც კი, როგორც იყო საქართველოს მეფის, თამარის მეუღლეობის კანდიდატის შერჩევა. ამ შემთხვევაშიც, გიორგი ბოგოლუბსკის საქართველოში ჩამოყვანით, მათ, მართალია, მოკლე ჩნით, მაგრამ მიინც მნიშვნელოვანი წარმატება ხვდათ წილად — თბილისელი ყოფილი დიდვაჭარი არა მარტო დარბაზის, არამედ სავაზიროს წევრადაც კი იქცა.

7. ამრიგად, XI—XII საუკუნეების თბილისის ისტორია არის



ფეოდალების, საერთოდ ფეოდალური ურთიერთობის განმტკიცებისა და გაბატონების წინააღმდეგ მებრძოლი, ეკონომიკურად ძლიერი, სოციალურად მოწიფული ქალაქის ისტორია.

XII ს. თბილისში შექმნილი და ჩვენ მიერ ზემოგანხილული ვითარება ერთხელ კიდევ ცხადყოფს ამ საუკუნის განსაკუთრებულ მნიშვნელობას ფეოდალური ხანის საქართველოს ისტორიაში, ამჟღავნებს ფეოდალური ურთიერთობის ახალი ხარისხის ნიშნებს, ანტიფეოდალური ძალების განმტკიცებისა და გამარჯვების შესაძლებლობის ნიშნებს.

ფეოდალური საქართველოს ცხოვრებაში კიდევ უფრო ახალსა და მნიშვნელოვან სიტყვას იტყვოდა მომდევნო ხანის თბილისი, რომ XIII ს. 30-იან — 40-იანი წლებიდან მისი ნორმალური, იმთავითვე აღებული გეზით განვითარება არ შეფერხებულიყო და ქალაქის სოციალურ ცხოვრებაში მომხდარ არსებით ცვლილებებს ახალი მოვლენების წარმოქმნის პროცესისათვის დიდი ხნით არ გადაეღობა გზა.

XI—XIII სს. საქართველოს სახელმწიფოებრივი წყობის ისტორიიდან

(„საქარგავის“ მნიშვნელობისათვის)\*

„ს ა კ ა რ გ ა ვ ი“, როგორც XI—XIII სს. ქართული სახელმწიფოებრივი წყობისათვის დამახასიათებელი ინსტიტუტი, დღემდე სავსებით შეუსწავლელია, მაგრამ ამ ტერმინმა აღრევე მიიქცია ქართველ მკვლევართა ყურადღება და ეს იმიტომ, რომ „საქარგავი“ როგორც გარკვეული მნიშვნელობის ცნება, ნახმარია ქართული მწერლობის ისეთ ძეგლში, როგორცაა შოთა რუსთველის „ვეფხისტყაოსანი“.

ბუნებრივია, რომ „საქარგავის“ პირველი განმმარტებლები იყვნენ „ვეფხისტყაოსნის“ პირველი გამომცემლები და პირველი ლექსიკოგრაფები — კერძოდ ვახტანგ VI, ს.-ს. ორბელიანი და სხვები.

ჩვენთვის ამჟამად გადამწყვეტი მნიშვნელობა არა აქვს, თუ რამდენად დამოკიდებულია ვახტანგ VI-ს „თარგმანი“ (განმარტებანი) „ვეფხისტყაოსნისა“ ს.-ს. ორბელიანის „ლექსიკონზე“, მაგრამ ფაქტია, რომ „თარგმანშიც“ და „ლექსიკონშიც“ „საქარგავი“ ერთნაირად არის გაგებული: „ქარგი რიგსა ჰქვიან და საქარგავი—ყოველს გასარიგებელს“ — ნათქვამია ვახტანგ VI-ს „თარგმანში“<sup>1</sup>. „საქარგავი“ — „გასარიგებელი“ — განმარტავდა ს.-ს. ორბელიანიც<sup>2</sup>.

„ვეფხისტყაოსანში“ ხმარებული ტერმინ „საქარგავის“ ამგვარი მნიშვნელობა სადავო არ ყოფილა „ვეფხისტყაოსნის“ შემდეგდროინდელ გამომცემელთათვისაც და იმიტომ XIX—XX სს. თითქმის ყველა გამომცემაში „საქარგავი“ ამგვარადვე იყო განმარტებული. დაეასახელებთ მხოლოდ უმთავრესს: „საქარგავი — გასარიგები“ — განმარტებულია „ვეფხისტყაოსნის“ 1841 წ. გამომცემაში<sup>3</sup>. „ს ა კ ა რ -

\* წაკითხულია მოხსენებად საქართველოს ისტორიის კათედრის სამეცნიერო სესიაზე 1966 წ. ოქტომბერს.

<sup>1</sup> ვახტანგისეული „ვეფხისტყაოსანი“, აღდგენილია შანიძის მიერ, 1937, გვ. 381; შლრ. ა. შ ა ნ ი ძ ე, ვეფხისტყაოსნის საკითხები, თბ., II, გვ. 33.

<sup>2</sup> ს.-ს. ო რ ბ ე ლ ი ა ნ ი, სიტყვის კონა, 1949, გვ. 292.

<sup>3</sup> ვეფხისტყაოსანი, ახლად დაბეჭდილი შეერთებული ღვაწლითა უფალთა ბროსეტ, ზ. ფალავანდისეილისა და დავ. ჩუბინოვისათა, სპბ, 1841, გვ. 234.

გ ა ვ ი — სამართავი, გასამგებლო“ — განმარტავდა დ. კ ა რ ი ჯ ა შ - ვ ი ლ ი<sup>4</sup>. ასევე ესმოდა ეს ტერმინი თავის დროზე ს. კ ა კ ა ბ ა ძ ე - ს ა ც — „საკარგავი — საგამგებლო“ — ნათქვამია მისი რედაქტორობით გამოსულ „ვეფხისტყაოსნის“ მეორე გამოცემაში<sup>5</sup>. „საკარგავი — სამართავად და საუფროსოდ“ ესმოდა აგრეთვე იუსტ. აბულაძე-საც<sup>6</sup>. კ. ჭიჭინაძემ კიდევ სავსებით გაიმეორა დ. კარიჭაშვილის მიერ მოცემული განმარტება — „საკარგავი — სამართავი, გასამგებლო“<sup>7</sup>.

ამრიგად, „ვეფხისტყაოსნის“ ზემოხსენებულ გამომცემელთათვის საკარგავი გასარიგებელს, სამართავს, გასამგებლოს (საგამგებლოს), საუფროსოს ნიშნავს.

მაგრამ ყველაფერი ზემოთქმული მხოლოდ „ვეფხისტყაოსანში“ ხმარებული, ჩვენთვის საინტერესო ტერმინის განმარტების, ან უკეთ, განმარტების ისტორიას წარმოგვიდგენს და არა თვით ამ ტერმინის შესწავლის ისტორიას.

ტერმინ „საკარგავის“ შინაარსის გახსნასა და შესწავლას თავისი ისტორია აქვს და ამასაც ორიოდ სიტყვით უნდა შევეხოთ.

მეცნიერული თვალსაზრისით „საკარგავს“ და მისგან ნაწარმოებ „მოსაკარგავს“ პირველად ივ. ჭავჭავიძე შეეხო ჭერ კიდევ 1907 წ. ამ შემთხვევაში მკვლევარს გიორგი II-ს სიგელში მოხსენიებული „აზნაურნი მოსაკარგავენი“ და დავითის ისტორიკოსის მიერ ნახსენები „მოსაკარგავე მაჭირვებელნი“ აინტერესებდა. ამ ორი ცნების ანალიზის მიხედვით, ივ. ჭავჭავიძე ასკენიდა: „აზნაურა მოსაკარგავე“ მოხელე აზნაურს, ანუ მეფის მსახურაზნაურსა ნიშნავს“<sup>8</sup>. საკუთრივ „საკარგავის“ შესახებ კი ივ. ჭავჭავიძე მანინ წერდა: „ამ სიტყვის ახსნა ძალიან ძნელია და ჭერჭერობით მხოლოდ

<sup>4</sup> ვეფხისტყაოსანი, დ. კარიჭაშვილის გამოც., 1903, გვ. 338, შდრ. მისივე, 1920 წ. გამოც., გვ. 462.

<sup>5</sup> ვეფხისტყაოსანი, ს. კაკაბაძის რედაქტორობით, გამოცემა მეორე, 1926, გვ. 203; შდრ. აგრეთვე 1927 წ. გამოც., გვ. 462.

<sup>6</sup> ვეფხისტყაოსანი, 26-ე გამოცემა იუსტ. აბულაძის რედაქტორობით, 1926 წ., გვ. 276; იუსტ. აბულაძის მიერ შედგენილ ლექსიკონი დაერთო „ვეფხისტყაოსნის“ 1937 წ. საიუბილეო და შემდგომ გამოცემებს და „საკარგავი“ ყველგან, უკანასკნელ წლების გამოცემამდე, განმარტებულია როგორც „სამართავი, საუფროსო“ (იხ. „ვეფხისტყაოსნის“ 1973 წ. გამოც., გვ. 381; 1941 წ. გამოცემა, გვ. 385; 1951 წ. გამოც., გვ. 378 და სხვ.).

<sup>7</sup> შოთა რუსთაველი, ვეფხისტყაოსანი, კ. ჭიჭინაძის რედაქციით, გამოკვლევითა და შენიშვნებით, 1934, გვ. 326.

<sup>8</sup> ივ. ჭავჭავიძე ილი, საქართველოს ეკონომიური ისტორია, 1907, გვ. 7.

დაახლოებით შეიძლება მისი მნიშვნელობის გამორკვევა. საბა ორბელიანი საკარგავს განსაგებლად ხსნის, ალბათ „განკარგვისაგან“ აწარმოებსო<sup>9</sup>.

არსებითად იგივე გაიმეორა ივ. ჯავახიშვილმა „საკარგავისა“ და „მოსაკარგავე აზნაურის“ შესახებ 1919 წ. გამოქვეყნებულ „ქართულ სამართლის ისტორიაშიც“, ოღონდ აქ უფრო გამოკვეთით გამოთქვა თავისი აზრი მოსაკარგავეობის, როგორც მსახურეულობის ინსტიტუტის და თვით „საკარგავის“ შესახებ. „აზნაურნი მოსაკარგავენ“ მაინცდამაინც „მემამულეთა“ ანუ ჩამომავლობით აზნაურთა ჯგუფს არ ეკუთვნოდნენ... ცხადია „აზნაურთა მოსაკარგავეთა“ რალაც საქმე უნდა ჰქონოდათ „საკარგავ“-თან, მაგრამ მხოლოდ ამის ამკრები მოხელეები იყვნენ, თუ მათაც ეძლეოდათ „საკარგავი“, ვითარც სამოკვლეო სარგო, ამის თქმა შეუძლებელია<sup>10</sup>.

ამრიგად, ივ. ჯავახიშვილის მიხედვით, უდავო იყო, რომ „მოსაკარგავე აზნაური მსახურეული აზნაურია, რომ მას რალაც საქმე აქვს „საკარგავთან“; „საკარგავი“ კიდევ, მისივე აზრით, „თითქოს მოკვლეთა სარგოს უნდა უდრიდეს“<sup>11</sup>. საამისოდ ივ. ჯავახიშვილმა „ქართული სამართლის ისტორიაში“ პირველად მოიშველია „ვის-რამიანის“ სათანადო აღგილი, რომელიც მისთვის თავის დროზე ი. ყიფშიძეს მოუწოდებია. ასე რომ, ივ. ჯავახიშვილისათვის ყოველივე ამის შემდეგ გასარკვევი რჩებოდა მხოლოდ ერთი საკითხი — „მოსაკარგავე აზნაურები“ „საკარგავის“ ამკრები მოხელეები იყვნენ თუ მათაც ეძლეოდათ „საკარგავი“, ვითარცა სამოხელეო სარგო“?

ეს უკანასკნელი საკითხი ივ. ჯავახიშვილმა ასევე გაუხსნელად დატოვა თავის შემდგომ ნაშრომებშიც; როგორც ჩანს, სახელოვან მეცნიერს ამ მიმართულებით საგანგებო კვლევა-ძიება შემდეგ წლებში არ უწარმოებია<sup>12</sup>. მაგრამ ის, რაც ამ მხრივ მიღწეული იყო, ისე უეჭველად მიაჩნდა, რომ საქართველოს ისტორიის სასკოლო სახელმძღვანელოშიც კი შექონდა<sup>13</sup>.

აღსანიშნავია, რომ „მოსაკარგავეს“ და „საკარგავს“ საგანგე-

<sup>9</sup> ივ. ჯავახიშვილი, საქართველოს ეყონომიური ისტორია, 1907, გვ. 6.

<sup>10</sup> ივ. ჯავახიშვილი, ქართული სამართლის ისტორია, ქუთაისი, 1919, გვ. 32.

<sup>11</sup> იქვე.

<sup>12</sup> ივ. ჯავახიშვილი, ქართული სამართლის ისტორია, წ. II, ნაკ. I, 1928, გვ. 33, 32—33.

<sup>13</sup> ნ. ბერძენიშვილი, ივ. ჯავახიშვილი, ს. ჯანაშია, საქართველოს ისტორია, I. 1948, გვ. 178.

ბო წერილი უძღვნა მ. ჯანაშვილმა. ამ საკითხის შესასწავლად მან მოიშველია გიორგი II-ს სიგელი, „ვეფხისტყაოსნის“ სათანადო ადგილი და ასევე დავითის ისტორიკოსის ცნობაც. თუ არ მივიღებთ მხედველობაში ზოგ არასწორ დასკვნასა და ვარაუდს, მ. ჯანაშვილმა ძირითადად სწორად გახსნა ჩვენთვის საინტერესო ტერმინის მნიშვნელობა. იგი წერდა: „მოსაქარგავე ანუ მოსაქარგავი წარმომდგარა საქარგავიდან, ხოლო საბას განმარტებით „საქარგავი“ არის „გასარიგებელი“. და მართლაც კარგი-რიგი (გამოსვლ. 39, 10). კარგ-კარგად — რიგ-რიგად, მაშასადამე, საქარგი — საქარგავი — მოსაქარგავი — არის იგივე სარიგი, სარგო, სარიგებელი, მოსარიგებელი, მოსაწესრიგებელი, გასარიგებელი. . . როგორც ჩანს, ჩვენ მიერ შემოკრებილი მასალიდან, საქარგავი ნიშნავდა საზოგადოდ თანამდებობასა და საურავს და საქარგავის მქონეელი რომ აღესრულებოდა, მისეული „სრული საქარგავი“ მის შვილს ეძლეოდა“<sup>14</sup>. მ. ჯანაშვილი უფრო შორსაც მიდიოდა და არცთუ სწორ ანალოგიებსაც მიმართავდა; მაგ., საერო მოსაქარგავე, მისი აზრით, იმავე ფუნქციებს ფლობდა, „რაც აბაჩია დღევანდელს მემამულე შუამავალ მომრიგებელს“, ასევე, მ. ჯანაშვილის აზრით, ცალკე იყო სასულიერო წოდების მოხელე მოსაქარგავე, რომელიც უნდა უდრიდეს რუსულ „ბლალოჩინს“ და სხვ. მსგავსი უსწორობა სხვაც არის ამ არცთუ ისე ვრცელ წერილში, მაგრამ მთავარია არა ეს, არამედ ის, რომ მ. ჯანაშვილსაც „მოსაქარგავეობა“ მოხელეობად, თანამდებობად, ხოლო „საქარგავი“ სარგოდ და გასარიგებლად მიაჩნდა.

მართალია, შემდეგი დროის ქართველ ისტორიკოსებს ტერმინები — „საქარგავი“ და „მოსაქარგავე“ — საგანგებოდ არ განუხილავთ, მაგრამ ქართულ ისტორიოგრაფიაში სათანადო მოსაზრებები მაინც გამოითქვა ამ ტერმინების შინაარსისა და მნიშვნელობის შესახებ.

ს. კაკაბაძე „საქარგავსა“ და „მოსაქარგავეს“, როგორც ისტორიკოსი (და არა როგორც „ვეფხისტყაოსნის“ გამომცემელი), საგანგებოდ შეეხო თავის ნაშრომში — „Краткий обзор истории Грузии“, სადაც „საქარგავი“ ბენეფიციუმად არის მიჩნეული, ხოლო „მოსაქარგავენი“ — „ფეოდალური სამართლის საფუძველზე მფლობელებად“ და სამხედრო მსახურებად. ს. კაკაბაძის სიტყვით, საქარგავეების სისტემა ფართოდ დანერგა დავით აღმაშენებელმა სამხედრო საქმეში და ამით ხელი შეუწყო სოფლის მეურნეობის რეორგანიზაციას და კვა-

<sup>14</sup> მ. ჯანაშვილი, მოსაქარგავე, „საქართველო“, 1918, 22/ X, გვ. 4.

ლიფიციური ფეოდალური ლაშქრის შექმნას<sup>15</sup>. ყველაფერი ეს კიდევ, ავტორის აზრით, დავით აღმაშენებელმა გააკეთა „по образцу тюрко-сельджукского государства“.

ს. კაკაბაძის თავის ამ უკანასკნელი მოსაზრების დასამტკიცებელი რაიმე საბუთი არა აქვს მოტანილი. ასევე, არსაიდან ჩანს, თუ რატომ მიიჩნია ს. კაკაბაძემ აღრე მის მიერვე „საგამგებლოდ“ მიჩნეული საკარგავი ბენეფიციუმად, ხოლო „მოსაკარგავე“ — სამხედრო მსახურად.

აღსანიშნავია, რომ ს. კაკაბაძე „საკარგავის სისტემის“ შემოღების საკითხს ერთხელ კიდევ დაუბრუნდა თავის ერთ-ერთ უკანასკნელ ნაშრომში — „ვახტანგ გორგასალი“, რომელიც 1959 წ. გამოქვეყნდა. ამ შემთხვევაში „საკარგავის შემოღება“ და ამასთან ერთად სამხედრო რეფორმაც ავტორმა ვახტანგ გორგასლის სახელს დაუკავშირა. მან წლებიც კი განსაზღვრა ამ სისტემის შემოღებისა ვახტანგის მიერ (460—480 წწ.). ს. კაკაბაძე წერს: „სიტყვა „კარგ“ არის სომხურში, ნიშნავს რიგს. ქართულშიც დაბადების თარგმანის დროს ეს სიტყვა ამავე მნიშვნელობით იხმარებოდა. აქედან კარგვა სამხედრო თვალსაზრისითაც უნდა ყოფილიყო რიგში ან მწყობრში გასვლა და მყოფობა. ირანში კი, არაბი მწერლების და ებრაული თალმუდის დამოწმებით, კარავა იყო მამაკაცებზე დაწესებული სათავო სახელმწიფო გადასახადი. ამიტომ ქართული კარგვა ნიშნავდა იმავე, დროს მეომრის უფლებას აეღო თავისი სარგოდ რამდენიმე კარავი ან სათავო, გადასახადი. აქედან მწყობრში სამსახურისათვის დაწესებულ სარგოს ეწოდებოდა საკარგავი“<sup>16</sup>. ამრიგად, თუ ავტორის მსჯელობა სწორად გვესმის, რაკი მწყობრში გასვლა, სამხედრო სამსახურში ყოფნა კარგ-ვას, განწესებას, განკარგვას ნიშნავდა, საამისო საზღაური, სარგო „საკარგავად“ აღინიშნებოდა. ასე რომ, ს. კაკაბაძის ამ უკანასკნელი მოსაზრების მიხედვითაც, „საკარგავი“ სამხედრო სამსახურთან დაკავშირებული სარგოა, ჯამაგირია. „საკარგავიც, წერს ავტორი, ასევე სარგოს ან

<sup>15</sup> «Широкое внедрение в первые же годы правления Давида военной системы в виде бенефициев (по грузински «сакаргави»), по образцу тюрко-сельджукского государства, содействовало реорганизации пошатнувшегося сельского хозяйства на базе феодального права владетелей и военных пленников («мосакаргаве») и вместе с тем содействовало созданию квалифицированного феодального войска» (С. К а к а б а д з е, Кр. обзор истории Грузии, Сух., 1941, გვ. 23).

<sup>16</sup> ს. კაკაბაძე, ვახტანგ გორგასალი, თბ., 1959, გვ. 44.

ჯამაგირს ნიშნავს<sup>17</sup>. ამ მხრივ ს. კაკაბაძის მოსაზრება ნათელია, ოღონდ ჩვენთვის გაუგებარია, რა ურთიერთობაშია ყველაფერ ამასთან ირანული „კარაგა“ — „მამაკაცებზე დაწესებული სათავო სახელმწიფო გადასახადი“. აქი თვით ს. კაკაბაძემ ქართული „კარ-გი“ (რიგი, წესი), ისე როგორც თავის დროზე ს.-ს. ორბელიანმა, თ. ბატონიშვილმა და სხვებმა, სომხურ „კარგს“ დაუკავშირა, ხოლო „საკარგავი“ „კარგისაგან“ ნაწარმოებად მიიჩნია. ასე რომ, ირანული „კარაგა“ - სათვის ამ შემთხვევაში ადგილი აღარ რჩება.

აქვე უნდა შევნიშნოთ, რომ ს. კაკაბაძე, ისე როგორც ზოგი სხვა მკვლევარი, არავითარ ანგარიშს არ უწევს იმ უაღრესად მნიშვნელოვან ფაქტს, რომ „საკარგავი“, როგორც ტერმინი, გაცილებით უფრო გვიანდელი ხანისაა, ვიდრე ვახტანგ გორგასალის დროა, რომ აღრეფეოდალური თუ მისი ახლო დროის არც ერთ ორიგინალურ თუ ნათარგმნ ძეგლში ეს ტერმინი დადასტურებული არ არის და რომ ეს შემთხვევითი არ შეიძლება იყოს.

ს. კაკაბაძის ზემომოტანილ, სხვადასხვა დროს გამოთქმულ მოსაზრებათა მიხედვით „საკარგავი“ არის განსაგებელი, ბენეფიციუმი და სარგო, ჯამაგირი; მოსაკარგავე კი, განმგებელი, ბენეფიციუმის მფლობელი და სარგოზე დამოკიდებული სამხედრო მსახური, ჯარისკაცი. ალბათ საკარგავის სწორედ ამ სხვადასხვა ფორმებს გულისხმობდა ს. კაკაბაძე, როცა წერდა: „საკამარისია ითქვას, რომ საკარგავის სისტემამ ამა თუ იმ სახით ჩვენში გაძლო თითქმის 9 საუკუნე, ვიდრე XIX ს-ის პირველ ნახევრამდის“<sup>18</sup>. ს. კაკაბაძის ამ და ზოგ სხვა მოსაზრებათა შესახებ ჩვენ ქვემოთაც ვილაპარაკებთ.

„საკარგავისა“ და „მოსაკარგავეობის“ ინსტიტუტის შესახებ თავისი მოსაზრებები გაკვრით გამოთქმული აქვს ნ. ბერძენიშვილს საქართველოს ისტორიის დამხმარე სახელმძღვანელოს იმ თავებში, რომლებიც მის მიერ არის შედგენილი.

<sup>17</sup> ს. კაკაბაძე. ვახტანგ გორგასალი, თბ., 1959, გვ. 45.

<sup>18</sup> იქვე, გვ. 46. ეს წერილი უკვე მოხსენებლად წაიკითხული და გადაცემულიც იყო დასაბუქდალ, როცა გამოქვეყნდა ს. კაკაბაძის ნაშრომი — „რუსთაველი და მისი ვეფხისტყაოსანი“, სადაც ერთ-ერთი პარაგრაფი საგანგებოდ მიძღვნილია საკარგავოსადმი. ჩვენ ამჟამად შესაძლებლობას მოკლებული ვართ ვერცლად შევეხოთ ს. კაკაბაძის მიერ ამ შემთხვევაში გამოთქმულ მოსაზრებებს. აღვნიშნავთ მხოლოდ, რომ ამ უკანასკნელ ნაშრომში ავტორმა „საკარგავი“ ფეოდალურ რენტად მიიჩნია: „ექვს ვარეშეა, რომ საკარგავი XI ს.-შიც წარმოადგენდა ფეოდალურ რენტის, გაცემულს გარკვეულ პირებზე სათანადო სახელმწიფო ვალდებულებათა და ხშირად

ნ. ბერძენიშვილის მოსაზრებით, „საკარგავეები“ სამხედრო სამსახურის პირობით მფლობელობაში გაცემული მიწა-აღგილი, დაბა-სოფლებია და ასეთი მფლობელობის გაჩენა დაკავშირებულია არჩილის ღონისძიებებთან<sup>19</sup>. ამგვარი ფორმით „საკარგავეების“ სისტემა განაგრძობდა არსებობას დავით აღმაშენებლის დროსაც: „სამხედრო სამსახურის სანაცვლოდ მეფე (დავითი, შ. მ.) ამ თავის „ტაძრეულებს“ უწყალობებდა მიწა-აღგილს, „საკარგავს“, რომლითაც ეს „მოსაკარგავენი“ მანამდე სარგებლობდნენ, ვიდრე მეფის ამ განსაკუთრებულ ლაშქარში რჩებოდნენ“, — წერდა ნ. ბერძენიშვილი<sup>20</sup>. მაგრამ, ნ. ბერძენიშვილის მიხედვით, „საკარგავი“ მარტოოდენ სამხედრო სამსახურისათვის, მეფის ლაშქარში ყოფნისათვის გაცემული მიწა-აღგილი კი არ იყო, არამედ სამოხელეოდ, ე. ი. საკარგავად, განსაგებლად გაცემულიც: „საქართველოს მეფის განკარგულებაში აღმოჩნდა უზარმაზარი ფონდი, რომელსაც დავით მეფე სამემკვიდროდ კი არა, არამედ — საკარგავად (ე. ი. სამოხელეოდ, დროებით) უწყალობებდა ხოლმე თავის ერთგულსა და შორილ მოხელე-მოლაშქრეებს“<sup>21</sup>. მოსაკარგავე, მოლაშქრე-მოსაკარგავე წვრილ აზნაურ-მოსაკარგავენი არაერთხელ არიან მოხსენიებული ნ. ბერძენიშვილის მიერ ამაზე აღრეც, 1949 წ. გამოქვეყნებულ წერილში<sup>22</sup>. განსაკუთრებით აღსანიშნავია, რომ ნ. ბერძენიშვილი ამავე წერილში დავით აღმაშენებლის დროინდელ ერისთავებს „მოხელე-მოსაკარგავეებად“ მიიჩნევს და არსებითად განასხვავებს მის წინა თუ შემდეგდროინდელი ერისთავებისაგან<sup>23</sup>. ეს ნიშანდობლივია და იმაზე მიგვითითებს, რომ ნ. ბერძენიშვილის

კიდევ სამხედრო სამსახურის შესრულების პირობით“ (გვ. 199). ამ შნიშვნელობითაა ნახშირი „საკარგავი“, მისი აზრით, „ქართლის მატთანესა“ და დავითის ისტორიკოსის მიერ (იხ. გვ. 198). ამასთანავე ს. კაკაბაძე ფიქრობს, რომ ზოგ შემთხვევაში მოსაკარგავენი ვადალიოდნენ „რენტის მაგიერად მამულის მიღებაზე“. მაგრამ „მოსაკარგავეთ მამულები და გლეხები ეძლეოდათ მხოლოდ სიცოცხლის სიგრძეზე ანდა სანამდე მათ საკარგავით განსაზღვრულ ვალდებულებათა შესრულება შეეძლოთ“ (გვ 199). ასე რომ, ს. კაკაბაძეს ამ უკანასკნელ ნაშრომში შესაძლებლად მიაჩნია საკარგავი გაგებულ იქნეს როგორც აგრეთვე პირობით მფლობელობაში გაცემული მამული.

<sup>19</sup> საქართველოს ისტორია I, ხელნაწერის უფლებით, თბ., 1956, გვ. 114.

<sup>20</sup> იქვე, გვ. 147.

<sup>21</sup> იქვე, გვ. 156.

<sup>22</sup> ნ. ბერძენიშვილი, კლასობრივი და შინაკლასობრივი ბრძოლის გამოვლინება საქართველოს საგარეო-პოლიტიკურ ურთიერთობაში, საქართველოს ისტორიის საკითხები, II, 1965, გვ. 30.

<sup>23</sup> იქვე, გვ. 42.



მიხედვით, „საკარგავი“ და „მოსაკარგავეობა“ მარტოდენ სამხედრო სამსახურისათვის გაცემული მიწა-ადგილი და მისი მფლობელობა კი არ იყო, არამედ სამოხელეოდ გაცემული ქვეყანა და მოხელეობაც. სამწუხაროდ, ჩვენს სამეცნიერო ლიტერატურაში ნ. ბერძენიშვილის მოსაზრების სწორედ ეს, განსაკუთრებით მნიშვნელოვანი ნაწილი, სათანადოდ არ იყო ყურადღებაშიქცეული და ალბათ ამიტომ „საკარგავის“ მხოლოდ ერთმა გაგებამ დაიმკვიდრა ქართულ ისტორიოგრაფიაში ადგილი — მომდევნო თაობის ქართველი ისტორიკოსების მიერ „საკარგავი“ კატეგორიულად მიჩნეულ იქნა სამხედრო სამსახურის სანაცვლოდ დროებით მფლობელობაში გაცემული მიწის, ხოლო „მოსაკარგავე“ — ასეთი მიწის მფლობელის აღმნიშვნელ ტერმინად. შევეხთ ამ მკვლევართა მიერ გამოთქმულ მოსაზრებებსაც.

„საკარგავის“ ასეთი გაგების გაბატონებასა და განმტკიცებას თავის მხრივ ხელი შეუწყო ქართველი იურისტების, კერძოდ, ი. დოლიძის მიერ ამ მიმართულებით წარმოებულმა კვლევა-ძიებამ და ამავე დროს ბექა-აღბუღას სამართლის წიგნის ორი ძირითადი ვარიანტის გამოქვეყნებამ.

„საკარგავი“, „მოსაკარგავი“ და „სასაკარგავი“, როგორც ცნობილია, მოხსენიებულია ბექას სამართლის ვახტანგისეული ნუსხის 45-ე და 55-ე მუხლებში. ამ მუხლების შედარებამ ბექას სამართლის 1672 წ. ნუსხის სათანადო ადგილთან გააკვია, რომ „საკარგავს“ 1672 წ. ნუსხაში „მამული“ შეესატყვისება. ყოველივე ამან შესაძლებლობა მისცა ი. დოლიძეს სავესებით მართებულად გაეკრიტიკებინა დ. ბაქრაძე, რომელიც „საკარგავს“ „დაკარგულ“ ან „ნაქურდალ“ ნივთად მიიჩნევდა და ასევე თარგმნიდა ბექას კანონის სხე-ნებული მუხლის ამ ადგილს<sup>24</sup>; ცხადია, როგორც ი. დოლიძემ უჩვენა, ყველაფერ ამას არაფერი ჰქონდა საერთო ტექსტის მართებულ გაგებასთან და გაუგებრობაზე იყო აღმოცენებული<sup>25</sup>. ასევე, ი. დოლიძის მართებული შენიშვნით, არასწორი იყო ნ. ურბნელიც, რომელსაც „საკარგავი“, დ. ბაქრაძის მსგავსად, „დაკარგულად“ ჰქონდა გაგებული — „მოსაკარგავი სხვისი დაკარგული საქონელიაო“ — წერდა იგი<sup>26</sup>. გაუგებრობაზე იყო აღმოცენებული აგ-

<sup>24</sup> Сборник законов грузинского царя Вахтанга VI, Тбилиси, 1887, გვ. 105, 107.

<sup>25</sup> ი. დოლიძე, ძველი ქართული სამართალი, თბ., 1953, გვ. 153.

<sup>26</sup> ნ. ურბნელი, ათაბაგნი ბექა და აღბუღა და მათი სამართალი, თბ., 1890, გვ. 214.

რეთვე ი. კარსტის შენიშვნაც, რომლის მიხედვითაც „მოსაკარგავი“ არის ბნელი, მიგდებული, უუფლებო და გაძევებული პიროვნება, რომელიც ცხოვრობს ხან მონობასა და ხან ტყვეობაში“<sup>27</sup>.

ი. დოლიძის სავესტით თანმიმდევრული დასკვნით, რაკი „აღნიშნულ ნუსხაში „საკარგავის გასყიდვის“ ნაცვლად წერია „მამულისა გასყიდვა“, „საკარგავი“ ნიშნავს „მამულს“ და არა დაკარგულ ნივთს ან გაძევებულ მოხეტიაელ პირს“<sup>28</sup>.

„საკარგავისა“ და „მოსაკარგავის“ გასაგებად ი. დოლიძე იშველიებს აგრეთვე სხვა ავტორთა (ივ. ჭავჭავაძის, ნ. ბერძენიშვილი) მოსაზრებებს და დასკვნის: „საკარგავი“ საადგილმამულო მფლობელობის ისეთი სახეა, რომელიც დასავლეთ ევროპის «beneficium»-სა და რუსეთის «поместье»-ს შეესაბამება. იგი მეფის ან პატრონისაგან ნაწყალობევი მამულია, რომლის მფლობელობა დაკავშირებულია ყოველგვარი ხასიათის სამსახურთან (სალაშქროს, კარის, პირადის და სხვ.). „აზნაურნი მოსაკარგავენი“ ის აზნაურები იყვნენ, რომლებსაც მეფის მიერ ბოძებული ჰქონდათ „საკარგავი“ სამსახურის პირადად შესრულების პირობით. „საკარგავი“ პირობითი და ჯაღიანი ან მთელ სიცოცხლივი მფლობელობა იყო, ხოლო „მამული“—მემკვიდრეობითი მფლობელობა. „საკარგავის“ ფლობის უფლება... უმთავრესად აზნაურის ქვედაფენას—შსახურ-აზნაურებს აქვთ. „საკარგავი“ პირადი და პირობითი მფლობელობაა, ამიტომ მისი გასხვისება არ შეიძლება“<sup>29</sup>. ასეთია ი. დოლიძის მოსაზრებანი „საკარგავისა“ და „მოსაკარგავის“ შესახებ, დამყარებული უმთავრესად ბექას სამართლის ერთადერთ მუხლზე. დასკვნა სავესტით ლოკიკურია, მაგრამ არცთუ ყოველმხრივ დასაბუთებული. ჩვენი აზრით, ასეთი კატეგორიული დასკვნის გაკეთებისას გათვალისწინებული და საფუძვლიანად გარკვეული უნდა ყოფილიყო ზოგი ამასთან დაკავშირებული საკითხი. ჯერ ერთი, რა მიმართებაშია ურთიერთშორის ვახტანგისეული და 1672 წ. ხელნაწერის ჩვენთვის საინტერესო ადგილები? რომელია უფრო ძველი ნუსხიდან მომდინარე, 1672 წ. ნუსხაში რატომ არ არის მოხსენიებული „მოსაკარგავე“ და „საკარგავო“, რამდენად სწორად განმარტა 1672 წ. ნუსხამ „საკარგავი“, როცა მას „მამული“ უწოდა? მამულის უნებართვოდ გასყიდვის შესახებ შექმნილი სხვა მუხლები რატომ არ ითვალისწინებს

<sup>27</sup> ი. დოლიძე, ძველი ქართული სამართალი, გვ. 154.

<sup>28</sup> იქვე, გვ. 155.

<sup>29</sup> იქვე, გვ. 155—156.

„სარეგენოს“? რას ნიშნავს მიწის „სასყიდლად“ და „სასაკარგავოდ“<sup>30</sup> გამოთხოვა და სხვ. აი, ეს კითხვები, რომელთა საფუძვლიანი გარკვევის გარეშე, ჩვენი აზრით, ბექას სამართლის „საკარგავის“ ასეთი გაგება უყოყმანოდ არ შეიძლება გავიზიაროთ. ჩვენ შევეცდებით შეძლებისდაგვარად გავცეთ პასუხი ზოგ ზემოთ დასმულ კითხვაზე, როცა შევეხებით თვით ამ წყაროს, ბექას სამართალს და იქ ხმარებულ ჩვენთვის საინტერესო ტერმინებს.

ტერმინ „საკარგავის“ მნიშვნელობის გარკვევაში თავიანთი წვლილი შეიტანეს ქართული ლიტერატურის ისტორიის მკვლევარებმაც. ალ. ბარამიძე, შეიძლება ითქვას, ივ. ჯავახიშვილის შემდეგ ერთადერთი მკვლევარია, რომელიც საგანგებოდ შეეხო „საკარგავს“, როგორც „ვეფხისტყაოსანში“ ხმარებულ ტერმინს. ალ. ბარამიძემ მისი მნიშვნელობის გასარკვევად მოიშველია ყველა ძირითადი წყარო, რაც კი მაშინ ჩვენ მოგვეპოვებოდა „საკარგავისა“ და „მოსაკარგავის“ შესახებ, კერძოდ, „ვისრამინის“ სათანადო ადგილი, გიორგი II-ს ცნობილი სიგელი, დავითის ისტორიკოსის ცნობა და სხვ. ასევე, ალ. ბარამიძეს ვრცლად აქვს განხილული ივ. ჯავახიშვილის მოსაზრებებიც ამ საკითხთან დაკავშირებით. მის მიერ გათვალისწინებულია აგრეთვე მ. ჯანაშვილის ჩვენ მიერ ზემოდასახელებული წერილიც.

ძირითად წყაროს მკვლევრისათვის მაინც „ვეფხისტყაოსნის“ 336-ე სტროფი შეადგენს, რომელიც, მისი სიტყვით, „გასაგებს ხდის 316-ე სტროფის შინაარსს. ნაწყალობევე მამულს აქ საკარგავი ჰქვია, ამიტომაც 316-ე სტროფშიც თავდაპირველად, ალბათ, „საკარგავად“ („საკარგავმოს“ მაგიერ, შ. მ.) იკითხებოდა“<sup>30</sup>.

ჩვენ ქვემოთ საგანგებოდ შევეხებით „საკარგავისა“ და „საკარგავის“ ურთიერთდამოკიდებულების საკითხსა და ალ. ბარამიძის ზოგ სხვა მოსაზრებას, ამჟამად კი შევჩერდებით მხოლოდ იმ დასკვნებზე, რომლებიც ალ. ბარამიძემ გააკეთა ზემომოტანილ მასალათა ანალიზის საფუძველზე: „საკარგავი ეწოდებოდა ისეთ სამფლობელო მიწა-წყალს, რომელსაც მეფე უბოძებდა ხოლმე მის სამსახურში (უპირატესად სამხედრო სამსახურში) მყოფ ერთგულსა და მისანდო პირს“<sup>31</sup>. „საკარგავი „საკარგავმო“ სამფლო-

<sup>30</sup> ალ. ბარამიძე, შოთა რუსთაველი, თბ., 1958, გვ. 119; შდრ. მისივე, შოთა რუსთაველი და მისი პოემა, თბ., 1966, გვ. 166—167.

<sup>31</sup> ალ. ბარამიძე, შოთა რუსთაველი, გვ. 122.

<sup>32</sup> იქვე.

ბელოს წარმოადგენდა<sup>32</sup>. ამრიგად, ალ. ბარამიძის მიხედვითაც, „საკარგავი“ პირობით, დროებით მფლობელობაში გაცემული მიწა-წყლის, ფეოდალური მიწის მფლობელობის ერთ-ერთი აღმნიშვნელი ტერმინია.

აღსანიშნავია, რომ „საკარგავის“ ეს განმარტება, რომელიც ალ. ბარამიძეს ეკუთვნის, არსებითად გაზიარებული იქნა არა მარტო „ამირანდარეჯანიანის“ და „ვისრამიანის“ შემდეგდროინდელი გამოცემლების<sup>33</sup>, არამედ ქართველ ისტორიკოსთა მიერაც.

მ. ლორთქიფანიძე არსებითად ალ. ბარამიძის ზემომოტანილ განმარტებებსა და მასალებს დაემყარა, როცა იგი საგანგებოდ შეეხო „საკარგავს“, როგორც პირობითი მიწისმფლობელობის აღმნიშვნელ ტერმინს.

მ. ლორთქიფანიძის აზრით, „IX—X სს. საქართველოში დადასტურებულია ფეოდალური მიწისმფლობელობის ორი ძირითადი ფორმა, პირობითი მიწისმფლობელობა... ე. წ. საკარგავი და მამული“<sup>34</sup>. ჩანს, ავტორს უეჭველად მიაჩნია, რომ IX—X სს. საქართველოში დადასტურებულ პირობით მიწისმფლობელობას „საკარგავი“ ეწოდებოდა; მაგრამ იქვე ქვემოთ მ. ლორთქიფანიძე წერს: „მიწის ფეოდალური მფლობელობის აღმნიშვნელი ტერმინი IX—X სს. ქართულ წყაროებში სამწუხაროდ დადასტურებული არ არის“<sup>35</sup>. საკითხავია — თუ ეს ასეა, მაშინ საიდან უნდა გვცოდნოდა, რომ პირობით მიწისმფლობელობას „საკარგავი“ ეწოდებოდა?

---

<sup>32</sup> „ვისრამიანის“ და „ამირანდარეჯანიანის“ 1960 წ. გამოცემის (იხ. ჩენი საუნჯე, ტ. 2) ლექსიკონში (შედგ. ი. ლოლაშვილის მიერ) ვკითხულობთ: „საკარგავი სამფლობელო მამული, ბოძებული მეფისაგან სახელმწიფო (უმთავრესად სამხედრო) სამსახურში მყოფი ერთგული პირისადმი (ალ. ბარამიძე)“. „ვისრამიანის“ 1962 და 1964 წწ. გამოცემების (ეკუთვნის ალ. გვახარაის და მ. თოდუას) ლექსიკონებში კი „საკარგავის“ ვასამარტავად მოშველიებულია როგორც ს.-ს. ორბელიანი, ასევე ალ. ბარამიძეც: „საკარგავი—გისარიგებელი (საბა), მეფის მიერ ბოძებულ სამფლობელო მამული (ალ. ბარამიძე)“. „ვისრამიანის“ 1949 წ. რუსულ გამოცემაში (ს. თორდანიშვილი) „საკარგავი“ თარგმნილია როგორც «поместье» (იხ. Вясырми-ани, перевод с древнегрузинского, предисловие и комментарии С. И о р д а-н и ш в и л и, Тбилиси, 1949, გვ. 361.).

<sup>34</sup> მ. ლორთქიფანიძე, ფეოდალური საქართველოს პოლიტიკური გაერთიანება, 1963, გვ. 48.

<sup>35</sup> იქვე, გვ. 50.

ასეთი კატეგორიული მტკიცების საფუძველი ავტორისათვის თურმე ის ყოფილა, რომ ეს ტერმინი „ქართულ ისტორიოგრაფიაში (და არა წყაროებში, შ. მ.) იხმარება სამსახურისათვის გაცემული მიწის აღსანიშნავად“<sup>36</sup>. „ქართულ ისტორიოგრაფიაში „საკარგავი“ სამსახურის სანაცვლოდ მიღებული სამფლობელოს, ხოლო „მოსაკარგავი“ მსახურეული აზნაურის მნიშვნელობით იხმარება. „აზნაურნი იყვნენ ან მემამულენი, ე. ი. მემკვიდრეობით მქონებელნი ანდა მოსაკარგავენი, რომელთაც ეს წოდება სამსახურით ჰქონდათ მოპოვებული, ვკითხულობთ საქართველოს ისტორიის ს. ჭანაშიას რედაქტორობით შედგენილ „სახელმძღვანელოში“, — წერს შ. ლორთქიფანიძე<sup>37</sup>. მართლაც, საქართველოს ისტორიის ხსენებულ სახელმძღვანელოში ეს ასე წერია, მაგრამ განა იქვე სადმე ნათქვამია, რომ „საკარგავი“ სამსახურის სანაცვლოდ მიღებულ სამფლობელოს ეწოდებაო?

მ. ლორთქიფანიძის მიერ სახელმძღვანელოდან მოტანილი ადგილი ეკუთვნის აკად. ივ. ჭავჭავიძის და მას, როგორც ზემოთ ვნახეთ, არც ადრე სხვა ნაშრომებში და არც დასახელებულ სახელმძღვანელოში „საკარგავი“ არ მიუჩნევია „სამსახურის სანაცვლოდ მიღებული სამფლობელოს“ აღსანიშნავ ტერმინად; მართალია, ივ. ჭავჭავიძის „მოსაკარგავი აზნაურები“ მსახურეულ აზნაურებად მიაჩნდა, მაგრამ ეს იმიტომ, რომ ივ. ჭავჭავიძის აზრით მოსაკარგავეობა თვით ნიშნავდა სამსახურს და არა სამსახურის სანაცვლოდ მიღებულ მიწა-ადგილის მფლობელობას.

ასე რომ, საქართველოს ისტორიის სახელმძღვანელოდან ზემომოტანილი ამონაწერი თვით ტერმინ „საკარგავის“ შინაარსის შესახებ არაფერს გვეუბნება და იმიტომ ის საგანგებო შესწავლის საგანი უნდა ყოფილიყო წორედ იმ მკვლევართათვის, რომელნიც ამ ტერმინის მიხედვით ასე შორს მიმდინარე დასკვნებს აკეთებდნენ.

მ. ლორთქიფანიძე შეეხზო თვით ტერმინ „საკარგავსაც“. იგი წერს: „ასეთი სამსახურისათვის გაცემული მიწის აღსანიშნავად ქართულ ისტორიოგრაფიაში იხმარება ტერმინი „საკარგავი“. ამ ტერმინის უადრესი ხმარება XI ს. მეფე გიორგი II-ს სიგელშია დადასტურებული“<sup>38</sup>. უდავოდ მართალია მ. ლორთქიფანიძე, როცა „საკარგავს“ XI ს-დან შემოსულ ტერმინად მიიჩნევს (ამაზე ქვემოთ

<sup>36</sup> მ. ლორთქიფანიძე, გვ. 51.

<sup>37</sup> იქვე, გვ. 52—53.

<sup>38</sup> იქვე, გვ. 51.

ჩვენ საგანგებოდ შეეჩერდებით კიდევც), მაგრამ მოტანილ ამონაწერს მაინც სიზუსტე აკლია: ჯერ ერთი, სავსებით ნათელი არ არის, ვანა გიორგი II-ს სიგელი ამ ტერმინის ქართულ ისტორიოგრაფიაში ძველიდანვე (XI ს-დან) ხმარების დადასტურების მოწმობაა? ამას გარდა, არც ისაა ნათელი — ქართულ ისტორიოგრაფიაში იხმარება ეს ტერმინი „სამსახურისათვის გაცემული მიწის აღსანიშნავად“, თუ იმ ქართულ წყაროში, სადაც თურმე იგი ყველაზე ადრეა მოხსენიებული. ამასთანავე ისიც უნდა შევნიშნოთ, რომ გიორგი II-ს აქ დასახელებულ სიგელში დადასტურებულია არა ტერმინი „საკარგავი“, არამედ მისგან ნაწარმოები „მოსაკარგავი“.

თვით ამ ტერმინის (საკარგავი) შინაარსის გასახსნელად მ. ლორთქიფანიძე იშველიებს მხოლოდ ერთადერთ საბუთს — „ქართლის მატიანეს“ ცნობას, მაინცდამაინც სწორედ ისეთს, რომელიც თვით მის მოსაზრებათა წინააღმდეგ უფრო გამოდგება, ვიდრე სასარგებლოდ<sup>39</sup>. ამ ცნობის შესახებ ჩვენ ქვემოთ ვილაპარაკებთ, აქ კი შევნიშნავთ: მიუხედავად იმისა, რომ მ. ლორთქიფანიძემ ვერ დაიმოწმა ვერც ერთი ძველი ქართული წყარო, სადაც „საკარგავი“ დროებით მფლობელობაში გაცემული მიწა-ადგილის აღმნიშვნელ ტერმინად ჩნდება, იგი მაინც ფიქრობს ამგვარად, სწორად იმის გამო, რომ ამ აზრისა არიან სხვა მკვლევრები, რომელთა მოსაზრებების შესახებ ჩვენ ნაწილობრივ უკვე ვილაპარაკეთ.

იმ ავტორთა შორის, რომელთა გამონათქვამებზე დამყარებულია მ. ლორთქიფანიძის ზემომოტანილი მოსაზრება, მას დასახელებული ჰყავს ვ. გაბაშვილიც. მართლაც, ვ. გაბაშვილსაც ეჭვი არ ეპარება, რომ „XI—XII სს. სამსახურის (უპირატესად სამხედრო) პირობით მოცემულ ქვეყანას (მოსახლეობითურთ) „საკარგავი“ ეწოდებოდა“<sup>40</sup>. საამისო საბუთად მასაც ისევ გიორგი II-ს სიგელი აქვს მითითებული, სადაც, როგორც აღვნიშნეთ, „საკარგავი“ საერთოდ არ არის მოხსენიებული და არც „მოსაკარგავის“ შინაარსია ისევ ნათლად გახსნილი, რომ ეს დოკუმენტი ასეთი პრინციპული მნიშვნელობის საკითხის გადასაწყვეტად უყოყმანოდ მოვიშველიოთ. სხვა მასალა კი „საკარგავის“ შინაარსის გასახსნელად ვ. გაბა-

<sup>39</sup> იქვე, გვ. 53.

<sup>40</sup> ვ. გაბაშვილი, ქართული ფეოდალური წყობილება XVI—XVII სს-ში, თბ., 1958. გვ. 138; შდრ.. მ. ლორთქიფანიძე, დასახ. ნაშრომი, გვ. 53—56.

შვილს თავის ნაშრომში, სამწუხაროდ, მოტანილი არა აქვს, რომ მისი დასკვნები საკარგავის შესახებ ასე უეჭველი წყაროებიდან მომდინარე მოსაზრებად მიგვეჩნია.

„საკარგავს“ და მასთან დაკავშირებულ ჩვენთვის საინტერესო საკითხებს საფუძვლიანად შეეხო ა. ბოგვერაძე თავის საკვლევო-კაციო ნაშრომში. მისი აზრით, მ-წ-ს საკუთრების იმ ფორმებთან — „მამული“, „შეწირული“, „ნაწყალობევი“<sup>41</sup>, რომლებიც ნ. ბერძენიშვილს შენიშნული აქვს როგორც VI—VII სს. ქართული საზოგადოებისათვის დამახასიათებელი, უნდა არსებულებოდა აგრეთვე „საკარგავიც“. იგი წერს: „ვეფქრობთ, რომ მამულის გვერდით ამ დროს „საკარგავიც“ არსებობდა... ვახტანგ გორგასალის მიერ მხედრობის „წარჩინებულ ქმნა“ თუ უფრო გვიან, არჩილის მიერ ტაძრეულობის „აზნაურ ყოფა“, ვეფქრობთ, სამიწო საკუთრების ამ ფორმას (ე. ი. საკარგავებს, შ. მ.) ემყარებოდა“<sup>42</sup>. ან კიდევ, „პატრონყმური ურთიერთობის ხანაში მიწისმფლობელობის მთავარ ფორმას მაინც პირობითი მიწის მფლობელობა წარმოადგენს, რომელსაც საკარგავი ერქვა“<sup>43</sup>.

ამ საინტერესო მოსაზრებებს, ამ შემთხვევაშიც, საბუთიანობა აკლია. ამას გარდა, ჩვენთვის გაუგებარია, თუ რატომ მიაჩნია ავტორს „საკარგავი“ პირობითი მიწისმფლობელობის უფრო უკეთ გამომხატველ ტერმინად, ვიდრე „ნაწყალობევი“, რომელიც ამ, ადრეფეოდალურ ხანაში არსებობდა როგორც მიწისმფლობელობის გარკვეული (პირობითი) ფორმის აღმნიშვნელი. მით უფრო, რომ „საკარგავი“, როგორც ტერმინი, ზემოდასახელებული საუკუნეების თუ შემდეგდროინდელ ძეგლებში ვიდრე XI ს-მდე საერთოდ დადასტურებული არ არის. განა დამაფიქრებელი არ უნდა იყოს მკვლევართათვის, რომ მიწისმფლობელობის „მთავარი ფორმის“ აღმნიშვნელი ტერმინი, სწორედ იმ დროს, როცა ის „მთავარი ფორმა“ (VI—VII—IX—X სს.), ამ სახით („საკარგავი“) წყაროებში საერთოდ არაა მოხსენიებული. ამას გარდა, ასევე გაუგებარია, თუ რატომ არ შეიძლებოდა ვახტანგ გორგასალის მიერ მხედრობის „წარჩინებულ ქმნა“ ან არჩილის მიერ ტაძრეულების „აზნაურყოფა“ შეწყალებისა და სამიწო მფლობელობის ამ („ნაწყალობევი“) ფორმაზე დამყარებით? გაუგებარია, რატომ არის ამ

<sup>41</sup> იხ. ნ. ბერძენიშვილი, ს. ჭანაშია, საქართველო აღრინდელი ფეოდალიზაციის გზაზე, „მიომხილველი“, III, 1953, გვ. 303.

<sup>42</sup> ა. ბოგვერაძე, ქართლის ადრეფეოდალური საზოგადოებრივი ურთიერთობის ისტორიიდან, 1961, გვ. 65.

<sup>43</sup> იქვე, გვ. 68.

შემთხვევაში აუცილებელი ყველაფერ ამის აღსანიშნავად მაინც-  
დამაინც სწორედ იმ ტერმინის (საკარგავი) მოშველიება, რომელიც  
იმდროინდელ ქართულ წყაროებში საერთოდ არც კი იხსენიება.

მაგრამ ამ ტერმინის მოუხსენებლობა, როგორც ვხედავთ, არც  
ა. ბოგვერაძეს არ უშლის ხელს „საკარგავი“ ადრეფეოდალური  
ხანის მიწისმფლობელობის „მთავარი ფორმის“ აღმნიშვნელად  
მიიჩინოს და ამტყიცოს: „საკარგავები სამხედრო სამსახურის პი-  
რობით ან სამოხელეოდ გაიციმოდნენ: ორივე შემთხვევაში ეს  
მიწათმფლობელობა პირობითი და დროებითი ხასიათისა იყო...  
საკარგავებს უმთავრესად წვრილი აზნაურები და თავისუფალი მო-  
ლაშქრეები ლეზულობდნენ. ასეთი მსახურეული აზნაურები „მოსა-  
კარგავე აზნაურებად“ იწოდებოდნენ, განსხვავებით მემკვიდრე აზ-  
ნაურებისაგან („აზნაურნი მემამულენი“)<sup>44</sup>. და ეს ყველაფერი,  
ა. ბოგვერაძის აზრით, — „მოსაკარგავე აზნაურების“ ჩამოყალიბე-  
ბა, „საკარგავების სისტემა“ — ადრეფეოდალური ქართლისათვის  
იყო დამახასიათებელი.

აღსანიშნავია, რომ ა. ბოგვერაძე ცდილობს უჩვენოს „საკარ-  
გავის“ ერთგვარი ევოლუცია განვითარებული ფეოდალიზმის ხა-  
ნაში. ამ შემთხვევაში იგი იძულებულია ანგარიში გაუწიოს წყა-  
როების ჩვენებას და აღნიშნოს, მართალია, „საკარგავი ფეოდალურ  
საქართველოში უმთავრესად მიწის სახით გაიციმოდა“ (იგუ-  
ლისხმება, ალბათ, ძირითადად ადრეფეოდალური ხანა, შ. მ.), მაგ-  
რამ არ შეიძლება უარყოფა იმისა, რომ „განვითარებული ფეოდა-  
ლიზმის ხანაში, სასაქონლო და ფულადი ურთიერთობის განვითა-  
რების შედეგად, საკარგავი ზოგჯერ ფულად სარგო-გასამრჩელოს  
წარმოადგენს“<sup>45</sup>.

ამ მნიშვნელობით ნახმარად მიაჩნია „საკარგავი“ ა. ბოგვერა-  
ძეს ნიკორწმინდის „დაწერილში“, „ამირანდარეჯანიანში“ (ზოგ-  
ჯერ), „ქართლის მატჩიანეში“<sup>46</sup> და სხვ. ა. ბოგვერაძემ უდავოდ  
სწორად შენიშნა „საკარგავის“ ამგვარი მნიშვნელობა, ასევე სწორია  
იგი მაშინაც, როცა წერს: „საკარგავების სისტემა ცენტრალური ხე-  
ლისუფლების განმტკიცების საქმეს ემსახურებოდა“, რომ „საკარ-  
გავების“ სისტემამ „განსაკუთრებული მნიშვნელობა და გავრცე-  
ლება განვითარებული ფეოდალური ურთიერთობის ხანაში, მო-  
ნარჩენის ძლიერების პირობებში მიიღო“<sup>47</sup>.

<sup>44</sup> ა. ბოგვერაძე, დასახ. ნაშრომი, გვ. 68.

<sup>45</sup> იქვე, გვ. 69.

<sup>46</sup> იქვე, გვ. 69, შენ. 76.

<sup>47</sup> იქვე, გვ. 69—70.



საკარგავების ინსტიტუტმა განსაკუთრებული მნიშვნელობა და გავრცელება მართლაც განვითარებულ ფეოდალურ ხანაში მიიღო და ამ დროს ემსახურებოდა იგი მონარქიის გაძლიერების საქმეს, მაგრამ არა როგორც მიწისმფლობელობის ფორმა, არამედ როგორც სამეფო ხელისუფლების სიძლიერეზე სავსებით დამოკიდებული სამოხელეო ინსტიტუტი.

„საკარგავს“, როგორც მიწისმფლობელობის ფორმას, განიხილავს აგრეთვე ა. ვაჩიშვილიც, მისი აზრით, განსაკუთრებით ი. დოლიძის მიერ ბექა-ალბულას სამართლის ზემოდასახელებულ ნუსხათა გამოქვეყნების შემდეგ, „დამტკიცებულად უნდა ჩაითვალოს, რომ საკარგავი ნიშნავს მამულს. მაგრამ ეს... არ კმარა. საჭიროა კიდევ ამ ცნების შინაარსის გარკვევა“<sup>47</sup>. და სწორედ ამ საკითხებს მიეძღვნა მისი „ნარკვევების“ მესამე წიგნის არაერთი გვერდი. ალ. ვაჩიშვილის მტკიცებით, „ბექა-ალბულას სამართლის წიგნში... შეიძლება დავინახოთ... იმდროინდელი მიწათმფლობელობის შემდეგი ფორმები: 1. სამკვიდრო მამული (მემკვიდრეობით) 2. შექმნილი მამული (ნამდვილი კერძოსაკუთრება), 3. ნაწყალობევი მამული—ერთგულებისა და სამსახურის პირობით გაცემული. „ნაწყალობევი მამული“ მემკვიდრეობითი მფლობელობაა, მაგრამ ამ მფლობელობას აქვს პირობითი, დამოკიდებული ხასიათი, და 4. „საკარგავი“—უძრავი ქონება, რომელსაც შესაკუთრე ვასცემდა მეორე პირს დროებით სარგებლობისათვის (დასავლეთ ევროპის «beneficium» და ფეოდალური რუსეთის «поместье»)»<sup>48</sup>.

როგორც ვხედავთ, ა. ვაჩიშვილის აზრით, ფეოდალურ საქართველოში პირობით მიწისმფლობელობის აღსანიშნავად ორი ტერმინი — „ნაწყალობევი“ და „საკარგავი“ იხმარებოდა. მაგრამ მის მიერ არ არის მითითებული, თუ რამ გამოიწვია ორი ასეთი ერთმანეთისაგან განსხვავებული ტერმინის შემოტანა ერთი და იგივე ცნების გამოსახატავად. ამას გარდა, ალ. ვაჩიშვილი არ იძლევა პასუხს იმაზედაც, თუ რატომ მაინცდამაინც „საკარგავი“ შეესატყვისება „ბენეფიციუმსა“ და „პომესტიეს“ და არა ნაწყალობევი, მაშინ, როცა ივ. ჭავჭავაძის აზრით (თვით ალ. ვაჩიშვილი იმოწმებს), „ბენეფიციუმი“ მნიშვნელობითაცა და არსებითადაც

<sup>47</sup> ალ. ვაჩიშვილი, ნარკვევები ქართული სამართლის ისტორიიდან, III, 1963, გვ. 83.

<sup>48</sup> ალ. ვაჩიშვილი, ნარკვევები ქართული სამართლის ისტორიიდან, III, 1963, გვ. 92—93.

ქართულ „მეწყალობას“ უდრის<sup>50</sup>. ერთადერთი ვარაუდი, რომლითაც ალ. ვაჩიშვილს სურს ერთმანეთისაგან განასხვავოს „ნაწყალობევი“ და „საკარგავი“, მისი აზრით, ის არის, რომ ნაწყალობევი, მართალია, სამსახურის პირობითაა გაეცემული, მაგრამ მაინც „მემკვიდრეობითი მფლობელობაა“, ხოლო „საკარგავი“ მამულის დროებით მფლობელობას გულისხმობს<sup>51</sup>. მაგრამ ეს ვარაუდი, რაც თავისთავად საეჭვოა და ამას გარდა, ვერ არის შემაგრებული სათანადო დოკუმენტებით, არ შეიძლება საბუთად გამოგვადგეს, მით უფრო, რომ, როგორც ქვემოთ დავინახავთ, ასეთი, მემკვიდრეობითად გადაქცევის (ისე როგორც ყველა მფლობელობისა და სახელოს ფეოდალური ქვეყანაში) ტენდენცია „საკარგავსაც“ გააჩნდა.

ამას გარდა, განსაკუთრებით ყურადღებამისაქცევია შემდეგი გარემოებაც. ალ. ვაჩიშვილი შეეხო მიწისმფლობელობის ფორმებს გვიან შუა საუკუნეების საქართველოშიც და სავესებით ნათლად უჩვენდა, რომ მიწის პირობითი მფლობელობა, თუმცა შეზღუდული სახით, მაგრამ მაინც იმ დროისათვის არსებობდა. მისი აზრით, ვახტანგის „სამართლის წიგნი ლაპარაკობს „ნაბოძებ“ და „ნასყიდ“ მამულზე, ზოგჯერ ითვალისწინებს „სამკვდრო“ მამულს და, საფიქრებელია, რომ ამ უკანასკნელი ტერმინით იგი გულისხმობს მიწისმფლობელობის იმ ფორმას, რომელიც მემკვიდრეობით მიღებულია მამისაგან“<sup>52</sup>. ამრიგად, ალ. ვაჩიშვილის ვარაუდით, XI—XII სს. „ნაწყალობევი მამულს“ XVII—XVIII სს. „ნაბოძები მამულა“ შეესატყვისება, „შეძენილ მამულს“ — „ნასყიდი“, ხოლო „სამკვდრო მამულს“ — „სამკვდრო“.

ასე რომ, გვიან შუა საუკუნეებში შენარჩუნებული იქნა განვითარებული ფეოდალური ხანის მიწისმფლობელობის ყველა ძირითადი ფორმა და მათი აღმნიშვნელი ტერმინებიც, გარდა ერთისა — „საკარგავისა“. რით უნდა აიხსნას ყოველივე ეს? რამ გამოიწვია „საკარგავის“ გაქრობა გვიან შუა საუკუნეებში? ეს კითხვა არ არის დამსული ალ. ვაჩიშვილის ნაშრომში და ცხადია, არც მისი პასუხი შეიძლება იყოს. როგორც ვხედავთ, XVII — XVIII სს. ტერმინ „საკარგავის“ გაქრობა არ შეიძლება აიხსნას იმ დროისათვის მიწის პირობითი მფლობელო-

<sup>50</sup> ივ. ჯავახიშვილი, ქართული სამართლის ისტორია, II, ნაკ. I, გვ. 96; ალ. ვაჩიშვილი, იქვე, გვ. 136.

<sup>51</sup> ალ. ვაჩიშვილი, დასახ. ნაშრომი, გვ. 136.

<sup>52</sup> იქვე, გვ. 114.

ბის არარსებობით. საქმე ისაა, რომ „საკარგავი“, როგორც ტერმინი თავიდანვე არ აღნიშნავდა მიწის ფეოდალური მფლობელობის რაიმე ფორმას და, ცხადია, ის არც გვიან შუა საუკუნეებში იქნებოდა შენარჩუნებული, როგორც მიწის პირობითი მფლობელობის აღმნიშვნელი ტერმინი.

სწორედ ეს გარემოებანი — პირობით გაცემული მიწის აღსანიშნავად „ნაწყალობევიან“ ერთად „საკარგავის“ ხმარება, გვიან შუა საუკუნეებში კი ამავე კატეგორიის მფლობელობის აღსანიშნავად „ნაწყალობევ“-„ნაბოძების“ შენარჩუნება, ხოლო „საკარგავის“ გაქრობა — გვაძლევს საექვოდ მივიჩნიოთ ის, რაც ალ. ვაჩიშვილის აზრით, „დამტკიცებულად უნდა ჩაითვალოს“ — კერძოდ, „საკარგავისა“ და „მამულის“ იგივეობა.

ცხადია, მით უფრო არ იყო მართალი ალ. ვაჩიშვილი. როცა წერდა: „მოსაკარგავი“ ნიშნავს მამულს და თავისი შინაარსით უდრის... ბენეფიციუმს<sup>53</sup>. ზედმეტია ლაპარაკი იმაზე, რომ მოსაკარგავი ანუ მოსაკარგავე შეიძლება იყოს მხოლოდ ამ საკარგავის მფლობელ-მქონებელი და არა თვით საკარგავი.

„საკარგავის“ შესახებ ჯერ კიდევ 1959 წ. თავისი მოსაზრება გამოთქვა ნ. ასათიანაც. მისი აზრითაც, განვითარებული ფეოდალიზმის ხანაში, „დოკუმენტალურად დამოწმებული გვაქვს... ფეოდალური მიწათმფლობელობის ორი ძირითადი სახე: „მამული“ და „საკარგავი“<sup>54</sup>. მკვლევარი, სამწუხაროდ, არ იშველიებს არც ერთ იმ დოკუმენტს, სადაც ასე კატეგორიულად გვეონდეს დამოწმებული განსაკუთრებით ეს მეორე სახე — „საკარგავი“ — ფეოდალური მიწათმფლობელობისა. მაგრამ, მიუხედავად ამისა, ნ. ასათიანისთვისაც უდავოა, რომ „საკარგავი“ — ეს მეფის ან პატრონისაგან თავის ყმა-ვასალისადმი პირობითა და გარკვეული ვადით ან მთელს სიცოცხლეში სამფლობელოდ მიცემული მიწა-ადგილია... „საკარგავის“... ფლობის უფლება... უმთავრესად აზნაურთა ქვედაფენას — მსახურ-აზნაურებს აქვთ. „საკარგავი“ მეფის ან პატრონის საკუთარი ქონებიდან გამოყოფილ მამულს შეადგენს.“<sup>55</sup> აღსანიშნავია, რომ ნ. ასათიანს, უკვე სამეცნიერო ლიტერატურაში მანამდე გამოთქმული მოსაზრებების გვერდით აქვს

<sup>53</sup> ალ. ვაჩიშვილი, დასახ. ნაშრომი, გვ. 133.

<sup>54</sup> ნ. ასათიანი, საადგილმამულო ურთიერთობისა და სათავადოების არსებობის საკითხისათვის XVI—XVII სს. კახეთის სამეფოში, თსუ „შრომები“, ტ. 77, 1959, გვ. 30.

<sup>55</sup> იქვე, გვ. 30—31.

თავისი საკუთარიც, რომელიც ამჟამად ჩვენს გარკვეულ ინტერესს იწვევს, კერძოდ, მისი აზრით, მართალია, „საკარგავი“ მსგავსა დასავლეთ ევროპის «beneficium»-ისა, თუმცა სრული ანალოგია აქ არ შეიძლება იქნეს გატარებული“. ეს იმიტომ, რომ ბენეფიციუმში ევროპაში წინ უსწრებდა ფეოდალური დაქუცმაცებულობის ხანას, იგი „არსებობდა აგრეთვე მაშინ, როდესაც ჯერ კიდევ არ იყო დამთავრებული მიწათმოქმედ-მწარმოებელთა დაყმევება, „საკარგავი“ კი საქართველოში განსაკუთრებით გავრცელებულია განვითარებული ფეოდალიზმის ხანის პირველ ეტაპზე, როდესაც ფეოდალურმა დაქუცმაცებულობამ ადგილი დაუთმო ერთიან ცენტრალიზებულ სახელმწიფოს“<sup>56</sup>. ასე რომ, ნ. ასათიანისათვის „საკარგავი“ განვითარებული ხანისათვის დამახასიათებელი ინსტიტუტია და არა აღრეფეოდალურისათვის. და ეს არის ერთ-ერთი მისი განმასხვავებელი ნიშანი ევროპული ბენეფიციუმისაგან. მაგრამ „საკარგავები“, ნ. ასათიანის აზრით, მალე ადგილს უთმობენ მამულს, გადაიზრდებიან „მამულში“ და ამიტომაც, რომ ბექა-აღბუღას სამართლის წიგნში, „X IV საუკუნის საკანონმდებლო ძეგლში „საკარგავი“ და „მამული“ ერთნაირი მნიშვნელობითაა ნახმარი“<sup>57</sup>.

ამრიგად, ნ. ასათიანის აზრით, ქართული „საკარგავი“ არ შეიძლება სრულად ფარავდეს ევროპის „ბენეფიციუმს“, ხოლო ბექას სამართლის „საკარგავი“ სამემკვიდრეოდ გადაცემული მიწა-ადგილის, მამულის აღმნიშვნელი ტერმინია და არა პირობითი მფლობელობისა.

დასასრულ, არ შეიძლება არ მოვიხსენიოთ აგრეთვე ამ ბოლო დროს მ. დუმბაძის მიერ გამოთქმული მოსაზრებაც „საკარგავის“ შესახებ. მ. დუმბაძის აზრითაც, უდავოა, რომ „საკარგავის სისტემა“ მიწის პირობითი მფლობელობაა, და, მაშასადამე, გავრცელებული იყო აღრეფეოდალურ ხანაში. ასე, რომ XII ს., მ. დუმბაძის სიტყვით, „უკვე საკმაო ხანი გასულიყო, რაც სამამულო სისტემამ ე. წ. საკარგავების სისტემა... ძირითადად გამოდევნა. XII საუკუნეში საკარგავი, რომელიც რუსთაველთან იხსენიება („სრული საკარგავი“, სტროფი 336), გადმონაშთის სახით არსებობს“<sup>58</sup>. ჩვენ მიერ ზემოაღნიშნულის

<sup>56</sup> ნ. ასათიანი, დასახ. წერილი, გვ. 31.

<sup>57</sup> იქვე, გვ. 32.

<sup>58</sup> მ. დუმბაძე, საქართველოს ისტორიული სინამდვილე და შოთა რუსთაველი, კრ. „საქართველო რუსთაველის ხანაში“, 1966, გვ. 20.

შემდეგაც, ცხადია, შეუძლებელია გავიზიაროთ მოსაზრება, რომლის მიხედვითაც საკარგავეების სისტემა განვითარებული ფეოდალიზმის ხანაში მხოლოდ გადმონაშთის სახით არსებობდა. როგორც ქვემოთაც დავინახავთ, „საკარგავი“ და „მოსაკარგავეობა“ ყველაზე უფრო სწორედ XI—XIII სს. იყო გავრცელებული. ამას ცხადყოფენ როგორც დოკუმენტური, ასევე ნარატიული წყაროები. ამას გარდა, ჩვენთვის გაუგებარია, რას ემყარება მ. დუმბაძე (იხე როგორც ზოგი სხვა ზემოდასახელებული მკვლევარი), როცა „საკარგავეების სისტემას“ ადრეფეოდალურ ხანაში გაბატონებულად, ხოლო განვითარებული ფეოდალიზმის დროისათვის სამამულო სისტემის მიერ გამოდევნილად მიიჩნევს. ავტორს, სამწუხაროდ, საამისო რაიმე მასალა დამოწმებული არა აქვს და ამიტომ მისი მოსაზრებაც, ცხადია, დამაჯერებლად არ შეიძლება მივიჩნიოთ.

ჩვენ მიერ უკვე აღნიშნული იყო, რომ ის მკვლევრებიც კი, რომელნიც „საკარგავებს“ ადრეფეოდალურ ხანაში წარმოქმნილ ინსტიტუტად მიიჩნევენ, იძულებულნი არიან აღნიშნონ, რომ ყველაზე ფართო გავრცელება ამ სისტემამ სწორედ განვითარებულ ფეოდალიზმის ხანაში პოვა (ა. ბოგვერაძე). ასეთი დასკვნა მათ ჩვენს განკარგულებაში მყოფი მასალებიდან გამოპყავთ. ზედმეტია ლაპარაკი იმაზე, რომ ის, რაც ამა თუ იმ ეპოქაში ყველაზე უფრო გავრცელებული იყო, არ შეიძლება იმ ეპოქისათვის გადმონაშთად მივიჩნიოთ.

ასეთია ის ძირითადი შეხედულებანი, რაც „საკარგავის“ შესახებ გამოთქმულა ქართულ ისტორიოგრაფიაში. როგორც ვხედავთ, ზემოდასახელებულ მკვლევართა უმეტესობის მიერ „საკარგავი“ მიჩნეულია ფეოდალური მიწისმფლობელობის გარკვეული (პირობითი) ფორმის აღმნიშვნელ ტერმინად, ხოლო „მოსაკარგავე“ — ასეთ მიწის მფლობელისად. ამ ტერმინების ასეთი გაგება იმდენად განმტკიცებულია, რომ „საკარგავი“ და „მოსაკარგავე“ ამავე მნიშვნელობით იხმარება საქართველოს ისტორიის სასკოლო სახელმძღვანელოებშიცა და ბევრ სამეცნიერო-პოპულარულ ნარკვევშიც.

როგორც მკითხველი შენიშნავდა, „საკარგავისა“ და „მოსაკარგავის“ ასეთი გაგება უმეტეს შემთხვევაში არ არის დამყარებული თვით ამ ტერმინების შინაარსის საგანგებო შესწავლაზე; ან კიდევ, მკვლევართა მიერ ყოველთვის არ არის მოტანილი ყველა მასალა, რომელიც კი ხელს შეუწყობდა მათი შინაარსის გახსნას.

„კ ა რ გ ი“ ძველ ქართულში აღრიდანვე ხმარებული ტერმინია. ის გვხვდება „ბიბლიის“ თარგმანში „რიგის“ მნიშვნელობით. ისრაელთა მღვდელმთავრის სამკერდის პატროსანი თვლებით შემკობასთან დაკავშირებით „ბიბლიაში“ ნათქვამია: „ჰქმენ იგი და ოთხ-კუთხედ იყოს იგი, ორკეც მტკაველი სიგრძე და სიგრეცე და აქუსო მას ქსოვით ანთრაკად ოთხ კარგად: კარგი ერთი იყოს ანთრაკეთა სარდიონი, პაზიონი და სამარგლონი; და კარგი მეორე ანთრაკი და საფირონი და იასპი; და კარგი მესამე ლიგვირონი და აქატე და ამეთუსტონი; და კარგი იგი მეოთხე, ოქრო ანთრაკი და ბირკლიონი და ანუქიონი, გარე მოთხზული ოქროთა, შეტყეცილ ოქროთა იყუნედ კარგად კარგადი იგი მათი“ (დამოსვლათა, მ. სე, ბ. 28<sub>18-21</sub>). როგორც ვხედავთ, „კარგი“ რიგის, მწყობრის მნიშვნელობითაა ნახმარი და ამ შემთხვევაში მას ამავე შინაარსის ბერძნ. ἡ ἑξῆς და სომხური կարգ-ի შეესატყვისება.

„კარგი“ რიგის, წესის მნიშვნელობით გვხვდება შემდეგდროინდელ ქართულ, ორიგინალურ თუ ნათარგმნ ძეგლებშიც. მაგ., ეფრემ ასურის თხზულებათა IX—X სს. ერთ-ერთ თარგმანში ვკითხულობთ: „ნუ წარგუავლინებ ჩუენ, წინასწარმეტყველო, გვტყვეენ ჩუენცა მისღვად ქუეყანად ისრაელისა, რათა ვისწაოთ მისგან სათნობა და წესი, საქმე კეთილი და სამართალი, სახმ, სიტყუად და კარგი, შევადეთ და ვიხილოთ ქალაქი“<sup>59</sup>. ტექსტის გამომცემელსა და ლექსიკონის შემდგენელს ივ. იმნაიშვილს ამ შემთხვევაში ხმარებული კ ა რ გ ი განმარტებული აქვს, როგორც „წესი, რივი, წესრიგი, წესიერება“<sup>60</sup>.

როგორც ირკვევა, „კარგი“ ზემომოტანილი მნიშვნელობით დიდხანს იხმარებოდა ქართულ ძეგლებში. ამის დადასტურებად შეიძლება მივიჩნიოთ მისი შემონახვა „ვეფხისტყაოსანში“.

ამგვარად ესმოდათ „კარგი“ ვახტანგ VI-ს, ს. ს. ორბელიანს, თეიმურაზ ბატონიშვილსა და სხვ. მკვლევარებს. „კარგი რიგსა ჰქვიან“, — განმარტავდა ვახტანგ VI; „კარგი — რიგი“ — წერდა საბა: საამისოდ იმოწმებდა ბიბლიის სათანადო, ჩვენ მიერ უკვე ზემომო-

<sup>59</sup> ქართული ენის ისტორიული ქრესტომათია, II, გამოსაცემად მოამზადა ივ. იმნაიშვილმა, 1963, გვ. 4.

<sup>60</sup> იქვე, გვ. 137.

ტანილ ადგილს (გამოსვლათა, 28, 17)<sup>61</sup>. „კარგი“ საგანგებოდ განმარტებული აქვს თეიმურაზ ბატონიშვილსაც: „კარგი ქართულში ორ სახედ განიმარტება. კარგი კეთილს რასმე ნიშნავს. კარგად, წესიერად...კარგი ანუ კარქი რიგსა ნიშნავს და რაც რომ ეშმაკისგან გარიგებული ანუ განწესებული საქმე არის... კარგი საეშმაკო — ეშმაკის მიერ გარიგებული, ანუ რიგ მიცემული“<sup>62</sup>.

„ვეფხისტყაოსნის“ ზემომოტანილი ტაების განმმარტებლებმა, როგორც ვნახეთ, უკვე იცოდნენ, რომ „კარგი“ ქართულში რიგის, წესის აღმნიშვნელად ხმარებული, სომხურიდან მომდინარეობდა, სადაც „კარგი“, (ან კარქი) ამავე მნიშვნელობით იხმარებოდა. მართლაც, ქართული „კარგი“-ს სომხურიდან მომდინარეობა ამჟამად ეჭვს არ იწვევს... „*խარგ*“ — რიგის, წესის, კანონის მნიშვნელობით გვხვდება მთელს ძველ სომხურ მწერლობაში. პროფ. აჰარიანის აზრით, ქართულში „კარგი“ სომხურიდან უნდა იყოს შემოსული: მისი ნასესხობის ფორმებია ქართული კარვი, მკარგავი, საკარგავი, განკარგულება, განკარგვა<sup>63</sup>.

ქართულ წერილობით წყაროებში გვხვდება „კარგთან“ ერთად მისგან ნაწარმოები და აქედან მომდინარე ტერმინებიც — „კარგვა“, „განკარგვა“ „დაკარგვა“, „საკარგავი“ და სხვ. და ყველა ესენი, როგორც ქვემოთ დავინახავთ, განწესება, გარიგება, გასარიგებელთან, ე. ი. წესთან და რიგთან არიან დაკავშირებულნი. „კარგვა“ თავის ლექსიკონში შეუტანია საბას და მის ერთ-ერთ მნიშვნელობად მოცემული აქვს „გარიგებაც“. „კარგვა — გარგება, რიგას მიცემა“ — განმარტებულია ნ. ჩუბინაშვილის მიერაც.

ამავე მნიშვნელობით იხმარებოდა ძველ (X—XI სს.) ქართულში, როგორც ჩანს, „დაკარგვა“ და „განკარგვა“. როგორც ერთი, ისე მეორე ტერმინის შესახებ ჩვენ საინტერესო მასალები მოგვეპოვება და საჭიროდ ვთვლით მათ აქ მოტანას.

„განკარგვა“ „განწესების“ მნიშვნელობით ნახმარია, როგორც ეს თავის დროზე ს. კაკაბაძემ შენიშნა, „წმიდა ნინოს ცხოვ-

<sup>61</sup> საბას ლექსიკონის ზოგ ნუსხაში (კერძოდ, L ნუსხაში) ვკითხულობთ: „კარგი რიგია სომხურად და ჩვენს მწერლებს ზოგან გაუსინჯაობით კარქის ნაცვლად კარგი დაუწერია. კარგი კეთილს ჰქვიათ, ხოლო კარქი რიგსა“ (იხ. ლექსიკონი ქართული, I, 1966, გვ. 353). ეს განმარტება, ჩვენი აზრით, საბას არ უნდა ეკუთვნოდეს. საბა თვით იქვე განმარტავს კარგს როგორც რიგს, სხვაგან კილევ ანგელოზთა ჩამოთვლის დროს თვით ხმარობს კარგს (და არა კარქს) რიგის მნიშვნელობით: „ხოლო ზეცისა ძალთა ცხრა დასობითა კარგნი ესრეთ განიყოფებიან...“ და სხვ.

<sup>62</sup> თეიმურაზ ბატონიშვილი, განმარტება პოემა ვეფხისტყაოსნისა, 1960, გვ. 144;

რების“ შატბერდულ ვარიანტში: „და განუტევა მღვდელნი და განჰკარგა ყოველი წესი ქრისტიანობისა“. ამ ადგილს კელიშურ ტექსტში შეესატყვისება: „და დაუტევნა მღვდელნი და განუწესა ყოველივე წესი საეკლესიოა“<sup>64</sup>.

განწესება-დადგენის მნიშვნელობით იხმარება აგრეთვე „და-კარგავა“. ნიკორწმინდის „დაწერილი“ ნათქვამია: „ქართველნი ზუცესნი მოვიყვანენით და დავკარგენით. მათ ზედა გაგვიცემია ღრაჰკანი კონსტანტინატი: ნბ: (52) საალესებოდ“<sup>65</sup>. „დაკარგვის“ მნიშვნელობის ნათელსაყოფად არაერთი მასალაა პეტრიწონის მონასტრის ტიპიკონში, აქ სამჯერ არის ნახმარი „დაკარგვა“ და სამჯერვე განწესების, დანიშვნის მნიშვნელობით: „რადთა არა ოდეს დაიკარგოს მონასტერსა შიგნით ბერძენი ზუცესი ანუ მონაზონი“<sup>65</sup>. ან კიდევ: „ეგრეთვე ეგუტერსა შინა წმიდისა იოვანე ნათლისმცემლისასა მღვდელი ერთი დაიკარგოს, რადთა მარადის დაუცხრომლად ქსენებასა ჰყოფდეს შესვენებულთა“<sup>67</sup>, „დაიკარგოს მას შინა (სოხას-

<sup>63</sup> ლ. მ ნ ა ე ა ნ, ლახიხინ Արժառայական Բառարան, III, Խր., 1926.

<sup>64</sup> Е. Т а к а и ш в и л и, Описание рукописей «Общества распространения грамотности.», т. II, 1906, гл. 739; შდრ. ს. კ ა კ ა ბ ა ძ ე, ვახტანგ გორგასალი, გვ. 44.

<sup>65</sup> თ. ე ო რ დ ა ნ ი ა, ქრონიკები, II, 49; მ. ბ ე რ ძ ე ნ ი შ ვ ი ლ ი, ნიკორწმინდის „დაწერილი“, „მასალები“, ნაკ. 34, გვ. 37.

აღსანიშნავია, რომ ა. ბოგვერაძეს „საკარგავის“ „ზოგჯერ ფულად სარგო-ვასამრჯელოს“ მნიშვნელობის საჩვენებლად ნიკორწმინდის სიგელის სწორედ ეს ადგილი აქვს დამოწმებული (იხ. მისი, ქართლის აღრთფეოდალური საზოგადოებრივი ურთიერთობის ისტორიიდან, გვ. 69), როგორც ჩანს, „დაკარგვა“ ა. ბოგვერაძეს ამ შემთხვევაში „ფულადი სარგო-ვასამრჯელოს“ აღმნიშვნელად მიუჩნევია. ნამდვილად კი სიგელის ამ ადგილში ნათქვამია: „ქართველი ზუცესები მოვიყვანეთ და განვაწესეთ“, მათ მივეციით ამდენი და ამდენო. „დაკარგვას“ ამ შემთხვევაში ვასამრჯელოსთან არაფერი საერთო არა აქვს.

აღსანიშნავია, რომ ნიკორწმინდის სიგელის ხელახლა გამომცემელს, ს. ბერძენიშვილს ლექსიკონში „და ვ ა კ ა რ გ ე ნ ი თ“ განმარტებული აქვს როგორც „ს ა კ ა რ გ ა ვ ი ე“ გ ა უ ჩ ი ნ ე თ“.

<sup>66</sup> Typicon Gregorii Pacuriani, edidit M. Tarchnisvili, Corpus Scriptorum Christianorum Orientalium, vol. 143. Scriptaores Iberici, t. 3, 1954, გვ. 61. აღსანიშნავია, რომ ტიპიკონის ბერძნულ ტექსტში ქართულ „დაიკარგოს“ შეესატყვისება „*αεδαμωσθη*“, რასაც ს. ყაუხჩიშვილი ასე თარგმნის — „იქნეს თანამდებობაზე დაყენებული“. საერთოდ ამ თავის სათაური ს. ყაუხჩიშვილის მიერ ასეა თარგმნილი: „შესახებ იმისა, რომ არ იქნეს თანამდებობაზე დაყენებული ბერძენი ზუცესი ან მონაზონი ამ ჩვენს მონასტერში“ (იხ. გეორგიკა, 5, 1963, გვ. 219).

<sup>67</sup> Mich. Tarchnisvili, op. cit., გვ. 65; შდრ. ტიპიკონის ქიოსის (ქვემოთ—Ch) ნუსხის გვ. 117.



ტერში, შ. მ.) მღვდელი ერთი წმინდად და მოღუაწე მოხუცებულ-თაგანი<sup>68</sup>. ზედმეტია ლაპარაკი, რომ ყველა ზემომოტანილ შემთხვევაში „დაკარგვა“ დანიშნას, განწესებას, თანამდებობაზე დაყენებას ნიშნავს.

სიტყვა „კარგისაგან“, დანიშნულების პრეფიქსი „სა“-ს საშუალებით, ნაწარმოებია აგრეთვე „სა-კარგ-ავი“. თვით ამ სიტყვის ეტიმოლოგია, მისი დაკავშირება კარგ-თან, რიგთან, წესთან, დაკარგ-ვასთან და გან-კარგ-ვასთან თავისთავად მიუთითებს მის ძირითად შინაარსზე — განსაგებელზე, გასარიგებელზე. მაგრამ ყველგფერი ეს ჩვენ შეიძლება გავსინჯოთ და შევამოწმოთ თვით ქართული წერილობითი წყაროების მიხედვით. ცალკ-ცალკე შევეჩოთ ყველა იმ წყაროს, სადაც კი ეს ტერმინი — „საკარგავი“, არის მოხსენიებული.

პირველ რიგში თვით ამ ტერმინის გაგრცელების დროის შესახებ. „საკარგავი“, როგორც ტერმინი, მოხსენიებულია „ქართლის მატინაში“, პეტრიწონის ტიპიკონის ქართულ ვარიანტში. (XI ს.), „ამირანდარეჯანიანში“, ქართულ „ვისრამიანში“, „ვეფხისტყაოსანში“ (XII სს.) და ბექას სამართალში (XIII ს. მიწურული).

სწორედ ამავე საუკუნეების წყაროებში გვხვდება აგრეთვე „საკარგავისაგან“ ნაწარმოები ტერმინებიც — „მოსაკარგავე“ (გიორგი II-ს სიგელი, დავითის ისტორიკოსი, თამარის სიგელი, რკონის სიგელი, ბექას სამართალი), „საკარგავი“ (ბექას სამართალი). ამრიგად, დაბეჯითებით შეიძლება ითქვას, რომ „საკარგავი“, როგორც ტერმინი, მხოლოდ XI—XIII სს. წყაროებში ჩანს. მართალია, XI ს. ადრე გვხვდება „კარგისაგან“ ნაწარმოები სხვა ტერმინები — „განკარგვა“, „დაკარგვა“, მაგრამ არა „საკარგავი“. ეს უკანასკნელი XI ს.-დან გაგრცელებულ ტერმინად უნდა მივიჩნიოთ. ამ დროიდანვე ჩნდება აგრეთვე მისგან ნაწარმოები „მოსაკარგავე“ და „სასაკარგაოც“. ასე რომ, „საკარგავი“ ადრეფეოდალურ ხანაში შემოტანილ ტერმინად არ შეიძლება ჩაითვალოს. ყველაფერს რომ თავი დავანებოთ, თუნდაც მარტო ამ გარემოების გამო „საკარგავის“ ხმარება უფრო ადრინდელი პერიოდისათვის დამახასიათებელი მიწისმფლობელობის ფორმების გადმოსაცემად გამოირიცხულად უნდა მიგვეჩინა. ასევე, შეუძლებელია XI ს. შემოსულ ტერმინს — „საკარგავს“ დაკისრებოდა ფეოდალურ წყობილებაში ძველიდანვე, მთელი ხუთი-ექვსი სა-

<sup>68</sup> იქვე, გვ. 70; ლექსიკონში შ. თარხნიშვილს განმარტებული აქვს: „დაკარგვა (cx-კარგი—ordo), collocore, institueres“.

უკუნის წინ. განმტკიცებული მიწისმფლობელობის ფორმებს აღნიშვნა.

ყველაფერ ამასთან ერთად, არც ერთი ზემოხსენებული წყაროს მიხედვით „საკარგავი“ არც შინაარსობრივად არ უკავშირდება მიწა-აღვლის, თუნდაც პირობით მფლობელობაში, სამსახური-სათვის გაცემულს.

აქვე წინასწარ უნდა შევნიშნოთ, რომ „საკარგავი“ დასახელებულ ქართულ წყაროებში არსებითად ორგვარი მნიშვნელობით იხმარება — განსაგებლისა და გასამრგელოსი. პირველ რიგში განვიხილოთ ის მასალები, რომელნიც „საკარგავის“ როგორც განსაგებლის შესახებ მიგვითითებენ.

გადმოქართულებულ „ვისრამიანში“ „საკარგავი“ მხოლოდ ერთხელ იხსენიება და აი, ასეთ კონტექსტში: „ნება აღსრულებული რამინი“ მივიდა „მოაბადის ლაშქართა შიგან“, „შაინშობასა ზედა დალოცეს“... „კურა ერთი ამულს დაჰყო ლაშქართა გუერდით. ყოველთა დღეთა დიდებასა ემატებოდა, იხარებდა, გასცემდა, სუმიდა, კელმწიფეთა და დიდებულთა საკარგავი მოუმატა და მათგან სათავისო ერთგულეობა და სამსახური მოიმატა. რომელი დიდი და გუარიანი კაცი იყო, როსტომის ტომი, ტაბარისტანი მას უბოძა, ბასთნელსა როჰამს; და რე ქალაქი ბეჰროზს უბოძა... გურგანი აღინას უბოძა და გააღიდა... ამირსპასალარობა ვიროს უბოძა და მსახურთუხუცესობა — შეროს... თუითო ქუეყანა თუითოს აზნაურსა მისცა და თუითო ქალაქი — თუითოსა ყმასა“<sup>89</sup>. როგორც ვხედავთ, ხელმწიფეთა და დიდებულთათვის „საკარგავის“ მომატება მოტანილი ტექსტის მიხედვით ნიშნავდა: როჰამისათვის ტაბარისტანის მიცემას, ბეჰროზისათვის — რე ქალაქისა, აღინასთვის გურგანისა, ვიროსათვის — ამირსპასალარობისა, შეროსათვის მსახურთუხუცესობისა, ყველა აზნაურისათვის თითო ქვეყნისა, სხვა ყმათათვის (ეასალათათვის) თითო ქალაქისა.

<sup>89</sup> „ვისრამიანი“, ტექსტი გამოსაცემად მოამზადეს, გამოკვლევა და ლექსიკონი დაურთეს ალ. გვახარიამ და მ. თოდუამ, თბ., 1962, გვ. 294; შდრ. ვისრამიანი“, 1938 წ. გამოც., გვ. 320; 1960 წ. გამოცემა, გვ. 276; 1964 წ. გამოც., გვ. 366; „ვისრამიანის“ ვარიანტთაგან „საკარგავის“ წაკითხვაში განსხვავებებს იძლევა L ხელნაწერი — „საბოძარი“ და C ხელნაწერი — საერამანგი — მაგრამ ამათ არ შეიძლება ჩვენთვის გადამწვევტი მნიშვნელობა ჰქონდეთ. ორივე ხელნაწერი გვიანდელია — C 1729 წ. ეკუთვნის, ხოლო L — XIX ს-ს და თანაც ფრიად „შერყენილი და შეცვლილი“, მაგრამ მაინც ჩვენთვის საინტერესოა; როგორც ჩანს, XVIII და XIX სს. ვადამწერებრისათვის სავსებით ნათელი არ ყოფილა „საკარგავის“ მნიშვნელობა და ერთ შემთხვევაში ის „საბოძარი“ შეუცვლიათ, ხოლო მეორე შემთხვევაში — „საერამანგი“.

ამრიგად, „ვისრამიანის“ ქართული ვარიანტის მიხედვით „საკარგავად“ გაიციმოდა ქვეყნები (ტაბარისტანი, გურგანი და „თითო ქვეყანა“), ქალაქები (რე ქალაქი, „თითო ქალაქი“) და სახელოები (მსახურთუხუცესობა, ამირსპასალარობა); სავესებით ნათელია, რომ ამ შემთხვევაში საკარგავი დროებით (სამსახურის პირობით) მფლობელობაში გაცემულ მიწა-ადგილს, „ბენეფიციუმსა“ და „პომესტიეს“<sup>70</sup> კი არ აღნიშნავს, არამედ განსაგებლად, სამართავად მიცემულ ქვეყანას, ქალაქსა თუ სახელოს. ჩვენთვის მნიშვნელოვანია აგრეთვე ისიც, რომ „საკარგავი“ „ვისრამიანში“, მის ქართულ ვარიანტში, რომელიმე აღმოსავლური სამოხელეო თუ სხვა სახის ტერმინის თარგმანს არ წარმოადგენს. ეს ტერმინი თვით ქართველი ავტორის მიერ არის შემოტანილი, როგორც ჩანს, ქართული სინამდვილიდან და ამიტომაც მას „ვისრამიანის“ დღემდე ცნობილ სპარსულ ორიგინალებში, როგორც ეს თავის დროზე ალ. ბარამიძემაც შენიშნა, შესატყვისი არ მოეპოვება<sup>71</sup>.

<sup>70</sup> „ვისრამიანის“ რუსულ თარგმანში ჩვენთვის საინტერესო ადგილი შემდეგნაირად არის გადმოცემული: „Каждый день он увеличивая свою славу, веселился. раздавал подарки, устраивал пиры и дарил поместья царям и вельможам“ («Висрамиани», перевод с древнегрузинского, предисловие и комментарии С. Иорданишвили, 1949, გვ. 361).

<sup>71</sup> ახ. ალ. ბა რ ა მ ი ძ ე. შოთა რუსთაველი, გვ. 120; ზემოთხსენებული ამონაწერი ქართული „ვისრამიანიდან“ მის სპარსულ შესატყვისში ასე იკითხება: რამინი „ერთ კვირას აშუღში იყო მხიარული, განუწყვეტლივ ცლიდა და ცლიდა სასმისს. ამის შემდეგ ტაბარისტანი როჰამს მისცა... ასევე ქალაქი რეი მისცა ბუქარუზს... ამის შემდეგ გორგანი აღინს მისცა... მის სასახლეში სეფაჰბადი (-სპასპეტ, ამირსპასალარი) ვირო იყო, მისი სამეფო კარის სარანგი (-უფროსი, მსახურთუხუცესი) შირო იყო... როცა ყოველი ქალაქი მართლმსაჯულ მეფეებს ჩააბარა, (და) ყოველ მხარეს დამცველი მიუჩინა, (თავად) მერვის გზას დაადგა... (ვის-ო რამინ, შ. მაჭუტრის გამოცემა, გვ. 375; ეს ადგილი ჩვენი თხოვნით თარგმნა შ. თოდუამ, რისთვისაც მას მადლობას მოვახსენებთ).

ყოველივე ამის შემდეგ, სარწმუნოდ ვერ მივიჩნევთ ს. კაკაბაძის კატეგორიულ განცხადებას: „საკარგავი ვისრამიანის ქართულ-სპარსული ტექსტების შედარებით უდავოდ არის სპარსული, რომელიც იხმარებოდა ბიზანტიაშიც (ტიმარ)“ (იხ. მისი, ვახტანგ გორგასალი, გვ. 44). ს. კაკაბაძემ ახლახან გამოქვეყნებულ ნაშრომში თავისი ეს აღრიწმული მოსაზრება ერთგვარად შეცვალა და ქართული ვისრამიანის „საკარგავი“ „სპარსულ ტექსტთან შეუფერებლად“ ნახმარ ტერმინად მიიჩნია, „მაგრამ სპარსული თიმარის შესატყვისად. თიმარი კი (სიტყვა ბერძნული წარმოშობისაა) უფრო გვიან ოსმალეთში დადასტურებულია, როგორც სამხედრო ლენის აღმნიშვნელი“ (ს. კაკაბაძე, რუსთაველი და მისი ვეფხისტყაოსანი, გვ. 200). ასე რომ, ს. კაკაბაძის აზრით, „საკარგავი“ „ვისრამიანში“ ნახმარია როგორც სამხედრო. სამსახურისათვის გაცემული მამული, სამფლობელო, რაც, როგორც ვნახეთ, სრულებით არ გამოიმდინარეობს „ვისრამიანის“ ზემოთხსენებული ტექსტიდან.

ამრიგად, „საკარგავი“ XI—XIII სს. ქართული სახელმწიფოებრივი წყობილებისათვის დამახასიათებელი მოხელეობის გარკვეული ფორმის აღმნიშვნელ ქართულ ტერმინად უნდა იქნეს მიჩნეული.

„ვისრამიანის“ ზემომოტანილი ადგილის მონაცემები — კერძოდ, რამინის მიერ ხელმწიფეთა და დიდებულთადმი „საკარგავის“ ბოძება ერთგვარად ესიტყვება (ეხმაურება) შოთა რუსთველის „ვეფხისტყაოსნის“ შესაბამის ადგილს, ფარსადანის მოქმედებას, როცა ამ უკანასკნელმა ჯერ სარიდანს, ხოლო შემდეგ ტარიელს „საკარგავი“ უბოძა.

ინდოეთის ექვსი სამეფოს მფლობელს ფარსადანს შეეწყნარა (ეყმო) მეშვიდე სამეფოს მეფე სარიდანი (გავძსენოთ რამინის შაჰინშაჰობა): ვასალი აწ ვეღარ იქნებოდა კეისარი. თვითხელმწიფე — „სხვად პატრონია, მართ ოდენ არა აქვს კეისარობა“ (311)<sup>72</sup>. მაგრამ ის მიანიც ფრიად შეწყყნარებული და განდიდებული იყო ფარსადანის მიერ; „ვეფხისტყაოსნის“ ზოგიერთი ხელნაწერის მიხედვით, ფარსადანმა სარიდანს:

„ერთი სამეფო საკარგავოდ, უბოძა ამირბარობა,  
თვით ამირბარსა ინდოეთს აქვს ამირსპასალარობა“ (311)

აღ. ბარამიძის აზრით, „საკარგავო“ სავსებით შეესატყვისება „საკარგავს“. და როგორც ერთი, ისე მეორეც „კარგი, ერთგული ყმისათვის ნაწყალობევი სამფლობელოს“ ეწოდებოდა. ასე რომ, საკარგავიცა და საკარგავოც ერთი ძირისაგან (კარგი, ერთგული, კეთილი) არის ნაწარმოები. ჩვენ ზემოთ უკვე ვნახეთ, რომ „საკარგავი“ მართლაც „კარგი“-საგან წარმოდგება, მაგრამ მას „კარგის“ დღევანდელ, ჩვეულებრივ გაგებასთან ბევრი არა აქვს საერთო<sup>73</sup>; მით უფრო კარგ, ერთგულ ყმასთან და, მაშასადამე, „საკარგავოსთან“. „საკარგავო“, როგორც თავის დროზე ნ. მარმა გარკვევით მიუთითა, თითქოს უნდა იყოს „ღირსეული საჩუქარი შესანიშნავი რაინდისა“ და არა „შესანიშნავი ვასალური ნაღელი“<sup>74</sup>. ცხადია,

<sup>72</sup> „ვეფხისტყაოსნის“ სათანადო ტაბეები ყველგან მითითებულია შოთა რუსთველის დაბადების 800 წლისთავთან დაკავშირებით საიუბილეო კომიტეტის დადგენილებით 1966 წ. დაბეჭდილი ტექსტის მიხედვით.

<sup>73</sup> ჩვენ საექვოდ არ მიგვაჩნია, რომ ქართულში ჩვეულებრივი მნიშვნელობით ნახმარი კარგი—წესიერი, რიგიანი—მომდინარეობს „კარგის“ ძველებური გაგებობა—წესი, რიგი.

<sup>74</sup> საკარგავო Sa—karg—kto следует понять не как «прекрасный васальный надел», а как «(дар) достойный прекрасного витязя...» (Н. Я. М а р р)

ყოველივე ზემოთქმულის გამო, „საკარგემოსა“, და „საკარგავის“ ამგვარი დაკავშირება და მით უფრო „საკარგემოს“ გამოყენება „საკარგავის“ გასამართლავად და პირიქით, როგორც ალ. ბარამიძე ფიქრობს, ჩვენ შეუძლებლად მიგვაჩნია.

კიდევ მეტი, „ვეფხისტყაოსნის“ ზემომოტანილ ტაეპში ერთგვარად უადგილოდ გამოიყურება „საკარგემო“. ყველაფერი ის, რაც სარიდანს მიეცა, შოთა რუსთველის სიტყვით, უნაკლოდ ებოძა მამის შემდეგ მის მემკვიდრეს ტარიელს, და ყველაფერ ამას, როგორც ცნობილია, ავტორი „საკარგავს“ უწოდებს:

„ასი ებოძა საჭურჭლე, ებრძანა ახდა შავისა,  
ბოძება მისეულისა, ს რ უ ლ ის ა ს ა კ ა რ გ ა ვ ის ა :  
„შენ გქონდეს ამირბარობა, ქ მ ნ ა მ ის ე ვ სა უ რ ა ვ ის ა“  
(329).

ცხადია, „მისეულის“ ქვეშ „მამისეული“, სარიდანისეული იგულისხმება და, მაშასადამე, აქ მამისეული „საკარგავის“ ტარიელზე სრულად გადაცემის შესახებ არის საუბარი. თუ ეს ასეა, და ამაში ექვის შეტანა შეუძლებელია, „ვეფხისტყაოსნის“ ზემომოტანილ 311-ე სტროფშიც სარიდანის „საკარგავის“, ე. ი. სწორედ იმის შესახებ უნდა ყოფილიყო საუბარი, რომელიც ასე სრულად გადაეცა მისი სიკვდილის შემდეგ თავისივე მემკვიდრე ტარიელს. ასე რომ, 311-ე სტროფშიც თავდაპირველად საკარგავის გადაცემის შესახებ უნდა ყოფილიყო საუბარი და იქ, თავის დროზე „საკარგემოდ“-ის მაგიერ „საკარგავად“ უნდა წერებულყო.

ეს ადრევე (1958 წ.) სავსებით სწორად შენიშნა ალ. ბარამიძემ — „316-ე სტროფშიც (იგულისხმება ახლანდელი 311-ე, შ. მ.) თავდაპირველად ალბათ „საკარგავად“ იკითხებოდა“, — შენიშნავდა იგი და, სრულიად სამართლიანად, აღდგენილ ტექსტში მის შეტანას მოითხოვდა. ალ ბარამიძემ ისიც მიუთითა, რომ „ვეფხისტყაოსნის“ ზოგ ხელნაწერში „საკარგემოს“ ნაცვლად იკითხება „საკარგავად“<sup>75</sup>. ალ. ბარამიძის სისწორეში ექვის შეტანა შეუძლებელი იყო და ალბათ ამით აიხსნება, რომ შოთა რუსთველის დაბადების 800 წლისთავის საიუბილეო კომიტეტის დადგენილებით დაბეჭდილ „ვეფხისტყაოსნის“ ტექსტში ჩვენთვის ასე საინტერესო 311-ე სტროფი ამჟამად ამგვარად იკითხება:

Вступительные заключительные строфы Витязя в барсовой коже Шоты из Рустава, Тр. кн. XII, Спб, 1910, гв. XI, შენ. 4).

<sup>75</sup> ალ. ბარამიძე, შოთა რუსთაველი, გვ. 119; შდრ., „ვეფხისტყაოსანი“, ჩანართი და დანართი ტექსტებით, თბილისი, 1956, სტრ. 420.

„ერთი სამეფო საქარგვად, უბოძა ამირბარობა.  
თვით ამირბარსა ინდოეთს აქვს ამირ-სპასალარობა.  
მეფედ რა დაჯდა, არა სკირს ხელისა მიუმწვდარობა;  
სხვად პატრონია, მართ ოდენ არა აქვს კეისარობა“.

ამრიგად, „ვეფხისტყაოსნის“ მოტანილი ადგილების მიხედვით, ფარსადანთან შეწყნარებულ სარიდანს, ყოფილ მეფეს, თავრსი ახალი სუზერენისაგან ინდოეთის 7 სამეფოდან ერთ-ერთი (არა მინცდამინც თავისი) მიეცა „საკარგვად“ (საკარგავად). მარტო ამ ადგილიდანაც სავსებით ნათელია, რომ „საკარგავი“ არ არის არც სამეფო და არც დროებით მფლობელობაში გაცემული ქვეყანა თუ მიწა-ადგილი, იგი არც საერისთავოა, — „საკარგავი“ ამ შემთხვევაში სამოხელეოდ (მაგრამ არა საერისთავოდ) გაცემული ქვეყანაა. სამეფოს საკარგავად გაცემას, შოთა რუსთაველის სიტყვით, თან სდევდა სხვა სამოხელეო თანამდებობათა ბოძებაც — ამირბარობისა<sup>76</sup>; რომელსაც ინდოეთში ამირსპასალარობაც ჰქონდა. ასე რომ, შეწყალებული სარიდანი ყოველმხრივ (სხვა მხრივ) დიდი პატრონი იყო („სხვად. პატრონია“), მას არაფერი აკლდა, ოღონდ არ ჰქონდა მეფობა („მართოდენ არა აქვს კეისარობა“). როგორც ჩანს, „საკარგავი“ შეიძლებოდა მიეცათ (და, მაშასადამე, „მოსაკარგავადაც“ ყოფილიყო) არა მარტო შედარებით წვრილი (მცირე) შსახურეული აზნაურისათვის, არამედ, აგრეთვე დიდი პატრონისათვის, ყოფილი მეფისათვისაც კი<sup>77</sup>. ასევე, „სხვად პატრონი“ იყო, რუსთაველის მიხედვით, სარიდანის შემკვიდრე ტარიელიც, რომელსაც როგორც ზემოთ აღვნიშნეთ, „სრულად ებოძა“<sup>78</sup> მამი-

<sup>76</sup> „ამირბარი“ ნ. მარის მიერ განმარტებული იყო როგორც «Миръ двора, «дверъ гофмейстеръ» (იხ. Н. Я. М а р р, დასახელებული გამოკვლევა, გვ. XI, შენ, 4.). ე. ი. როგორც მსახურთუხუცესი (სახლთუხუცესი), აკ. შანიძის მიხედვით კიდევ „ამირბარი“ წარმოდგარი უნდა იყოს ამირ-ულბაპრისაგან, რაც „ზღვათა ვაზის“, ანუ საზღვაო ძალთა უფროსს ნიშნავს (იხ. ა. შ ა ნ ი ძ ე, ვეფხისტყაოსნის საკითხები, გვ. 179).

<sup>77</sup> მსგავსი მოსაზრება გამოთქმული აქვს ალ. ბარამიძეს: „საკარგავი (და შესაფერისად მოსაკარგავე) პატარაღ შეიძლებოდა ყოფილიყო და დიდიც“ (იხ. მისი შოთა რუსთაველი, გვ. 122. შდრ. აგრეთვე მ. ლ ო რ თ ქ ი ფ ა ნ ი ძ ე, დასახ. ნაშრომი, გვ. 55).

<sup>78</sup> ბოძება „სრულისა საკარგავისა“ სრულებით არ გულისხმობს „სრული და არასრული საკარგავის არსებობას, როგორც ზოგს ჰგონია. „ბოძება მისეულისა სრულისა საკარგავისა“, ცხადია, მამის საკარგავის სრულად ბოძებას გულისხმობს მხოლოდ.

სეული „საკარგავი“, ე. ი. ერთი სამეფო „საკარგავად“ და ამირბარობა; ცხადია, მას ეხანდერძა აგრეთვე „ქმნა მისივე საურავისა“, ამ სახელოთა განგება, საკარგავის და ამირბარობის „ხელის საურავის“ ქმნა. ტარიელიც, მამამისის მსგავსად, ფარსადანის სამეფო კარის დიდმოხელე-მოსაკარგავია.

„ვისრამინასა“ და „ვეფხისტყაოსანში“ „საკარგავის“ ხმარების შემომოტანილი მაგალითებიდან სრულებით არ ჩანს, რომ „საკარგავი“ იყოს „ისეთი სამფლობელო მიწა-წყალი, რომელსაც მეფე უბოძებდა ხოლმე მის სამსახურში (უპირატესად სამხედრო სამსახურში) მყოფ ერთგულსა და მისანდო პირს“<sup>79</sup>. როგორც ზემოთ აღვნიშნეთ, „საკარგავი“, მართალია, ნაბოძები, გაცემული ქვეყანაა, მაგრამ არა „სამფლობელო სამსახურის სანაცვლოდ მიღებული“, არამედ მხოლოდ სამოხელეოდ, განსაგებლად, საგამგეოდ და სამართავად გაცემული.

შემთხვევითი არ არის, რომ „ვეფხისტყაოსნის“ ერთ-ერთი უქანასკნელი გამოცემის (1960 წ.) ლექსიკონში, რომელიც ა. შანიძის მიერ არის შედგენილი, „საკარგავი“ განმარტებულია როგორც „საგამგეო“ და არა როგორც პირობითი სამფლობელო<sup>80</sup>.

ამავე მნიშვნელობით უნდა იხმარებოდეს, ჩვენი აზრით, „საკარგავი“ ბექას სამართლის პირვანდელ ნუსხებშიც.

ბექა-აღბუღას სამართალი ერთადერთი, შედარებით გვიანდელი ძეგლია, სადაც მოხსენიებულია ჩვენთვის საინტერესო სამივე ტერმინი—„საკარგავი“, „მოსაკარგავე“ და „სასაკარგაო“. ყველა ეს ტერმინი გვხვდება ბექას სამართლის წიგნში, ე. ი. XIII ს. მიწურულის ქართულ ძეგლში. და სწორედ ეს XIV ს. მიწურული მიჩნეული უნდა

<sup>79</sup> იხ. ალ. ბარამიძე, შოთა რუსთაველი, გვ. 122; შდრ. მ. ლორთქიფანიძე, საქართველოს გაერთიანება, გვ. 51, 52, 53.

<sup>80</sup> იხ. ჩვენი საუნჯე“, ტ. 3, 1960, გვ. 319.

„საკარგავის“, როგორც ტერმინის, შემონახვა ბექას სამართალში და ამ უქანასკნელის შეტანა „ბექა-აღბუღას სამართლის“ სახელით ცნობილ XIV ს. კრებულში თითქოს შესაძლებლობას უნდა იძლეოდეს იმის სამტკიცებლად, რომ „საკარგავი“ XIV საუკუნეში იც გავრცელებული ტერმინი იყო. მაგრამ ამას მხარს არ უჭერს სხვა მასალა. ჩვენ არ მოგვეპოვება XIV ს. და შემდეგდროინდელი რაიმე სახის წყარო, სადაც „საკარგავი“ იყოს დადასტურებული. ამას გრდა, XIII ს. სამართლის წიგნის შეტანა XIV ს. კრებულში „საკარგავის“, როგორც ტერმინის, გავრცელების დროს გასასაზღვრავად ვერ გამოგვადგებოდა, როგორც ცნობილია, ბექას სამართალი მისთვის დამახასიათებელი ტერმინით—„საკარგავით“ უფრო გვიანდელ (XVIII ს. დამდეგის) კრებულებშიც იყო შეტანილი, მაგრამ ფაქტია, რომ ამ დროს ეს ტერმინი უკვე აღარ იხმარებოდა.

იქნეს ქართულ წყაროებში „საკარგავის“ ხმარების ზედა თარიღად. ამის შემდეგ, დაბეჭდვით შეიძლება ითქვას, „საკარგავი“ და მისგან ნაწარმოები ზემომოტანილი ტერმინები გამქრალია იმგვარად, რომ XVII—XVIII სს. იგი არცთუ სასებით სწორად და ზუსტად ესმოდათ. აღსანიშნავია, რომ საკუთრივ ვახტანგის კანონებში მიწის მფლობელობისა თუ მოხელეობის რაიმე სახის აღსანიშნავად ეს ტერმინი არ იხმარება და ის მხოლოდ ლექსიკონებსა და განმარტებებში შეაქვთ თვით ვახტანგ VI, საბასა და სხვ.

ამასვე ადასტურებს ისიც, რომ ბექას სამართლის დღემდე უძველესად მიჩნეულ 1672 წ. ხელნაწერში ეს ტერმინი („საკარგავი“) არსად არ არის ნახმარი და რომ არ გვექნოდა ბექას სამართლის ვახტანგისეული ნუსხა, არც ის გვეცოდინებოდა, რომ „საკარგავი“ ბექას სამართლის ძეგლში იხსენიებოდა. აღსანიშნავია აგრეთვე ისიც, რომ ბექას სამართლის 1672 წ. ნუსხაში მხოლოდ ერთგან (მუხ. 45), ერთ შემთხვევაში ცვლის „საკარგავს“ „მამული“, ხოლო სხვა შემთხვევაში (ამავე 45-ე მუხლის დასასრული და 55-ე მუხლი) მოხსენიებული „მოსაკარგავე“ და „სასაკარგაო“ კი 1672 წ. ნუსხაში საერთოდ არ არის. როგორც ჩანს, XVII ს. გადაწერის უკვე კარგად აღარ ესმოდა არც „საკარგავი“ (მაგრამ მას მაინც მოუძებნია თითქოს მისი შესატყვისი — „მამული“) და მით უფრო „მოსაკარგავე“ და „სასაკარგაო“. ეტყობა, XVII ს. გადაწერ-რედაქტორს ვერ მოუხერხებია „მოსაკარგავე“ და „სასაკარგაოს“ განმარტება. თუ „საკარგავის“ შესატყვისი „მამული“ იქნებოდა, ამის შესაბამისად „მოსაკარგავის“ შესატყვისი — „მამული“, ხოლო „სასაკარგაოსი“ კი „სამამული“ უნდა ყოფილიყო და ბექას სამართლის ჩვენთვის საინტერესო მუხლები 1672 წ. ხელნაწერში ამგვარ სახეს მიიღებდა: „მამულისა გასყიდვა ცუდია ბატონისა დაუმოწმებლად და ნახევარი ფასი მსყიდველსა სარეგულენოდ დაუშავდეს... მაგრამ ნუ ვინ დაეზმის მემამულისაგან სყიდვასა“... „და თუ ადგილი მემამულისა გამოითხოოს, არა ემართლების არც სასყიდლად, არცა სამამულიად პატრონისაგან“. ეს კი უაზრობა იქნებოდა და ამიტომაც 1672 წ. გადაწერის საქმე უფრო მართივად გადაუწყვეტია — ასეთი უხერხულობის გამომწვევი და მისთვის არცთუ ნათელი ტერმინები — „მოსაკარგავე“ და „სასაკარგაო“ ყოველგვარი შესატყვისების მოძებნის ცდის გარეშე, სამართლის მუხლების სათანადო ადგილების შეკვეცივით, საერთოდ ამოუღდია. როგორც ზემოთქმულიდან ჩანს, „საკარგავი“, „მოსაკარგავე“ და „სასაკარგაო“ გვხვდება ბექას სამართლის მხოლოდ ვახტანგი-



სეულ რედაქციაში. ჩვენ აქ ზედმეტად მიგვაჩნია მტკიცება იმისა, რომ ეს ტერმინები არ შეიძლება ბექას სამართლის ამ ნუსხაში სწავლული მეფე-რედაქტორის მიერ თვითნებურად შემოტანილად მივიჩნიოთ; ამ ტერმინების შემონახვა ბექას სამართლის ვახტანგისეულ რედაქციაში შემდეგზე უნდა მიგვითითებდეს: ა) ბექას სამართლის თავდაპირველ ნუსხებში (XIII ს. მიწურულსა და მის ახლო დროს) ეს ტერმინები უდავოდ იყო. ბ) მაგრამ გვიანდელ გადამწერებს, მათ შორის 1672 წ. ხელნაწერის გადამწერსაც, ამ ტერმინების შენარჩუნება შეუცვლელად, ან კიდევ, საერთოდაც საკიროდ არ მიუჩნევიათ, და გ) რაც მთავარია ბექას სამართლის ვახტანგისეული რედაქცია, უკეთ, კრებული-ხელნაწერი S—3683 უფრო ძველი ნუსხიდან მომდინარეობს, ვიდრე 1672 წლისა. ამას გვიდასტურებს ბექას სამართლის ვახტანგისეულ ნუსხაში ისეთი ძველი ტერმინების შემონახვა, როგორცაა „საკარგავი“, „მოსაკარგავი“, „სასაკარგაო“, „პატრონი“<sup>81</sup> და სხვ. ვახტანგის ნუსხაში რომ ძველის თავდაპირველი ტექსტი უკეთაა შემონახული, ეს შენიშნული აქვს ბექა-აღბულას სამართლის გამომცემელს ი. დოლიძესაც. იგი წერს: „1672 წ. ხელნაწერის გაცნობამ და ვახტანგის კრებულის S 3683 ხელნაწერთან შედარებამ ცხადყო, რომ 1672 წ. ხელნაწერშიც ძველის თავდაპირველი ტექსტი ყველგან დაცული არ არის და საკმაოდ დაზიანებულია. აღმოჩნდა, რომ მუხლების ზოგი ნაწილი უკეთესად იკითხება ვახტანგის კრებულის ხელნაწერებში“<sup>82</sup>. ამის საუცხოო მაგალითია თვით 45-ე და 55-ე მუხლები, სადაც ჩვენთვის საინტერესო ტერმინებია შემონახული. ამჟამად არაფერს ვამბობთ იმაზე, რომ ვახტანგისეულ რედაქციას, ცხადია, კომენტარის სახით ბევრი, ალბათ, ახალი (რედაქტორისეული) განმარტებები ახლავს და წინადადებები აქვს დართული. მაგრამ ეს ამ კონკრეტულ შემთხვევაში საქმის ვითარებას არ ცვლის. ფაქტია, რომ ამ შემთხვევაში და საერთოდაც, ჩვენი აზრით, ბექას სამართლის ვახტანგისეულმა რედაქციამ უკეთ შემოგინახა პირვანდელი ტექსტი, ვიდრე 1672 წ. ხელნაწერმა<sup>83</sup>.

<sup>81</sup> იხ. ი. დოლიძე, ძველი ქართული სამართალი, ბექას სამართალი, მუხ. 42, 44, 45. და სხვ.

<sup>82</sup> ი. დოლიძე, ძველი ქართული სამართალი, გვ. 72.

<sup>83</sup> მკვლევრების მიერ კი სწორედ ეს (1672 წ.) ხელნაწერი არის მიჩნეული ძირითადად და ალბათ ამით აიხსნება, რომ ი. დოლიძემ ბექას სამართლის რუსული თარგმანის გამოცემისას XVIII ს. ხელნაწერის ეს ჩვენთვის საინტერესო ადგილი და ტერმინი საერთოდ არც მოიხსენია და თარგმანიც მთლიანად 1672 წ. ხელნაწერის მიხედვით შეასრულა (იხ. მისი, Судебник Бека и Агбуга, 1960).

ამაში ჩვენ ბექას სამართლის ამ ორი რედაქციის სათანადო აღგილების ურთიერთშედარებაც დაგვარწმუნებს:

ვახტანგისეული რედაქციით

„საკარგავისა გასყიდვა ცუდი იქნება პატრონისა უმოწმებლად და ვისაცა ეყილოს, ნახევარი ფასი სარეგენოდ მას დაუშავდეს და ნახევარი გამსყიდველისა, ამას შიგაერთობ რამე აქლოს, მაგრამ ნუ ვინ დაებმის მოსაკარგავისაგან სყიდვასა“ (მუხ. 45).

„არცა უმტერო კაცისა მამულისა გამოთხოვნას ემართლების, არცა სასყიდლად, არცა სასაკარგოდ პატრონისაგან“ (მუხ. 55).

1672 წ. ხელნაწერის მიხედვით

„მამულისა გასყიდვა ცუდია პატრონისა დაუმოწმებლად და ნახევარი ფასი მსყიდველსა სარეგენოდ დაუშავდეს. ამაშიგან მართლობა რამე აქლოს, მაგრამ ნუ ვინ დაებმის სყიდვასა“.

„და(თუ) აღვილო მემამულისა გამოთხოვოს, არა ემართლების არცა სასყიდლად ბატონისაგან“.

როგორც ვხედავთ, ვახტანგისეული რედაქციის „საკარგავი“ 1672 წ. ხელნაწერის მიერ შეცვლილია, მამულად, ხოლო „მოსაკარგავე“ და „სასაკარგაო“ კი საერთოდ ამოგდებულია.

სწორედ ამ გარემოებამ — „საკარგავის“ განმარტებამ „მამულით“ — მისცა საფუძველი, როგორც ზემოთ აღვნიშნეთ, ი. დოლიძეს, რომ „საკარგავი“ პირობით მფლობელობაში გაცემული მიწა-ადგილის (მამულის) აღმნიშვნელად მიეჩნია. მაგრამ შეიძლება „საკარგავის“ შესატყვისად „მამული“ გვეხმარა? „მამული“ თვით ბექას სამართლის მიხედვით, როგორც ი. დოლიძე სავესებით მართებულად მიუთითებს, „მემკვიდრეობითი მფლობელობა“<sup>85</sup> და არა პირობითი. სავესებით ნათელია, მემკვიდრეობით მფლობელობის აღმნიშვნელი „მამული“ „საკარგავის“ გასამარტავად 1672 წ. გადამწერის მიერ არასწორად იყო გამოყენებული; მაგრამ იქნებ უკვე ბექა-ალბულას დროს „საკარგავი“ „მამულად“, ე. ი. მემკვიდრეობით მფლობელობადაა ქცეული, როგორც ამას ნ. ასათიანი ვარაუდობს<sup>86</sup>. თუ ეს ასეა, რაც ჩვენ სარწმუნოდ არ მიგვაჩნია<sup>87</sup>, მაშინაც, ცხადია, ბექას სამართალში ნახსენები „საკარგავი“

<sup>84</sup> ი. დოლიძე, ძველი ქართული სამართალი, გვ. 305—306, 311.

<sup>85</sup> იქვე, გვ. 155.

<sup>86</sup> იხ. ნ. ასათიანი, სათავადოების არსებობის საკითხისათვის, გვ. 31—32.

<sup>87</sup> ასეთი მოსაზრების წინააღმდეგ ლაპარაკობს თუნდაც ის ფაქტი, რომ ბექას სამართალში „საკარგავთან“ ერთად ჯერ კიდევ გვხვდება „მოსაკარგავე“, რომელიც

ჩვენ არც ამ შემთხვევაში გამოგვადგებოდა XI—XII სს. საქართველოში არსებული საკარგავეების სისტემის შესასწავლად. ამრიგად, 1672 წ. ხელნაწერის „მამული“ არ შეიძლება XVIII ს. დამდგის ნუსხის „საკარგავის“ შესატყვისად, მის სრულფასოვან განმარტებად მივიჩნით.

როგორც ჩანს, ბექას სამართლის 1672 წ. გადაწერისა თუ რედაქტორისათვის უკვე გაუგებარმა ტერმინმა „საკარგავმა“ მის ხელში „მამულის“ სახე მიიღო და ბექას სამართლის ეს ადგილიც თანამედროვეთათვის უფრო გასაგები გახადა.

მაგრამ ბექას სამართლის „საკარგავში“ „მამული“ რომ არ შეიძლება იგულისხმებოდეს, რომ „მამული“ და „საკარგავი“ ამ შემთხვევაში სხვადასხვა მნიშვნელობით იხმარებოდა, ამას ზემოთქმულს გარდა შემდეგი გარემოებაც ადასტურებს.

მართალია, ნ. ურბნელმა არცთუ სწორად განმარტა „საკარგავის“ მნიშვნელობა, მაგრამ ყურადღება მიაქცია ამასთან დაკავშირებით ერთ მნიშვნელოვან გარემოებას, კერძოდ იმას, რომ ბექას კანონი საკარგავის გასყიდვისათვის აკანონებდა ე. წ. სარეგვენოს, რაც, ნ. ურბნელის საკვებით სწორი შენიშვნით, სხვა შემთხვევაში დადასტურებული არ არის: „სამამულო (ე. ი. მიწის გაყიდვასთან დაკავშირებული) სარეგვენო მოხსენებული არაა“ ბექა-აღბუღას სამართალში<sup>88</sup>, — წერდა ნ. ურბნელი. ეს იმიტომ, რომ „მამულის პარკა არ შეიძლებოდა“ და, ცხადია, „არც სამამულო სარეგვენო იყო საჭირო“<sup>89</sup>. სარეგვენო მხოლოდ „საკარგავზე“, ე. ი. ნ. ურბნელის აზრით, ნაპარავი, დაკარგული საქონლის გაყიდვაზე იყო დაკანონებული. ზემოთ უკვე აღინიშნა, რომ ნ. ურბნელი ცდებოდა, როცა საკარგავს ნაპარავ ან კიდევ დაკარგულ საქონლად მიიჩნევდა, მაგრამ ფაქტია, რომ მამულის (მიწის) უნებართვო თუ სხვა სახის გაყიდვაზე კანონი არავითარ სარეგვენოს საერთოდ არ აწესებდა. მაგ., ბექას სამართლის 55-ე მუხლის მეორე ნაწილში ნათქვამია: „თუ იყიდოს, ოდესცაღა მემამულემან მოიკითხოს, მიწა, დაუდვას უმიზნოდ და ფასი ამღებელს სთხოოს“<sup>90</sup>, ან კიდევ: „თუ გლუნმან მისისა პატრონისა კელჩაურთავად გაყიდოს რამე, ანუ დაწინდოს

---

შეუძლებელია მემამულის შესატყვისად მივიჩნოთ. ამას გარდა, XI ს. ძეგლში კი არ ცვლიან ერთმანეთს „საკარგავი“ და „მამული“, როგორც ნ. ასათიანი წერს, არამედ ამ ძეგლის გვიანდელ გადანაწერებში.

<sup>88</sup> ნ. უ რ ბ ნ ე ლ ი, ათაბაგნი ბექა და აღბუღა და მათი სამართალი, გვ. 215.

<sup>89</sup> იქვე.

<sup>90</sup> ი. დ ო ლ ი ძ ე, ძველი ქართული სამართალი, გვ. 311.

სამამულო, მართალი არ არის; ადგილი პატრონისა არის მან კაც-მან ფასი ამღებსა თხოოს“<sup>81</sup>. როგორც ვხედავთ, ორივე შემთხვევაში მიწის, პატრონის ნებართვის გარეშე გაყიდვის შესახებაა საუბარი და ორივე შემთხვევაში პატრონისა და მიწის მყიდველის წინაშე პასუხისმგებელია მხოლოდ გამყიდველი; მან უნდა „დაუდკას უმიზეზოდ მიწა“, „ადგილი პატრონისა არის“; მყიდველმაც მასვე უნდა მოსთხოვოს ფასი გაღებული და, რაც მთავარია, ნ. ურბნელის არ იყოს, ასეთი გაყიდვისათვის არავითარი სარეგვენო არ იყო დაწესებული არც გამყიდველისა და არც მყიდველისათვის. ასე რომ, „სარეგვენო“ მხოლოდ „საკარგავის“ უნებართვო გაყიდვის გამო წესდებოდა. ყველაფერს რომ თავი დავანებოთ, მართო ეს გარემოებაც საკმარისი იქნებოდა იმის სამტკიცებლად, რომ ბექას სამართლის „საკარგავი“ არ შეიძლება ნიშნავდეს „მამულს“, თუნდაც პირობით მფლობელობაში გაცემულ მიწა-ადგილს, კერძოდ კი, 1572 წ. ზელნაწერის მიერ მოცემულ განმარტებას. ამრიგად, მოტანილი მასალები ნათელყოფენ, რომ 1672 წ. ზელნაწერის მონაცემი „საკარგავის“ გასამარტავად ვერ გამოდგება და, მაშასადამე, ამ ზელნაწერის მიერ მოცემულ შესატყვისზე („მამული“) დამყარება იმის სამტკიცებლად, რომ საკარგავი იგივეა, რაც „ბენეფიციუმი“ და „პომესტიე“, მაინცდამაინც მართებული ვერ იქნებოდა.

აქვე უნდა შევნიშნოთ, რომ „საკარგავისადმი“ მიძღვნილი მუხლი (45) არც ვახტანგისა და მისი კრებულის შემდგენელთათვის ყოფილა მთლად ნათელი. ალბათ ამიტომ, რომ აქ სხვათა შორის ნათქვამია, „ამას შიგან ერთობ ჩამე აკლია“, ყველაფერი ნათელი ვერ არისო, მაგრამ ის კი საჭიროა ვიცოდეთ, რომ „მოსაკარგავისაგან სყიდვას“ „ნუ ვინ დაებმისო“.

ის გარემოება, რომ 1672 წ. გადამწერმა თავი აარიდა „მოსაკარგავისა“ და „სასაკარგავოს“ განმარტებას, ისიც, რომ ამ (45) მუხლს რაღაც აკლია და, რომ აქ ყველაფერი ნათელი არც XVIII ს. ყოფილა, ჩვენ არ გვაძლევს უფლებას ბექა-ალბუღას სამართლის ზემომოტანილი მუხლებიდან კატეგორიული, უეჭველი დასკვნები გავაკეთოთ და აქ მოხსენიებული „საკარგავი“ მაინცდამაინც „პირობით მფლობე-

<sup>81</sup> ი. დოლიძე, ძველი ქართული სამართალი, გვ. 322, მუხ. 76.

ლობაში“ მყოფ „მამულის“ აღსანიშნავად მივიჩნით; მით უფრო, რომ, როგორც ვნახეთ, 45-ე მუხლი, სადაც „საკარგავის“ გასყიდვაზეა საუბარი, არც ერთი ფორმით გაცემული მამულის გასყიდვას არ უნდა გულისხმობდეს.

მაინც რა შეიძლება იგულისხმებოდეს ბექას სამართლის „საკარგავის“ ქვეშ? ცხადია, ის, რაც ამ ტერმინით აღინიშნებოდა XII—XIII სს. საქართველოში—სამოხელეოდ გაცემული ქვეყანა, ის, რასაც გულისხმობდა ბექა-აღბუღას სამართლის პირველი „გამომკვეთი“ —ვახტანგ VI — „გასარიგებელი“ და არა პირობით მფლობელობაში გაცემული მამული.

სამოხელეოდ, გასარიგებლად გაცემული ქვეყნის გაყიდვა კი, როგორც ჩანს, კანონის მიერ „სირეგვენედ“ იყო მიჩნეული. მაგრამ ფაქტია, რომ ასეთ „სირეგვენეს“ მაინც ჰქონდა ადგილი. ყველაფერი ეს კი გვიანი ხანისათვის დამახასიათებელი და ამავე დროს საკარგავის, როგორც სამოხელეო სისტემის, თანდათანობით გადაგვარების მაუწყებელი უნდა იყოს.

„საკარგავის“, როგორც სამოხელეო ტერმინის, შინაარსის გახსნაში ჩვენ დაგვეხმარება თვით ამ ტერმინის მეორეგვარი მნიშვნელობაც, კერძოდ, საკარგავის ხმარება ფულადი სარგოს, გასამრჯელოს და სხვ. მსგავსთა აღსანიშნავად. ამ მხრივ ჩვენთვის საინტერესო მასალას ისევ XI—XII სს. ქართული ძეგლები იძლევა.

როგორც ა. ბოგვერამძემ მიუთითა, „საკარგავი“ ფულადი გასამრჯელოს მნიშვნელობით უნდა იყოს ნახმარი „ქართლის მატთანეში“. როგორც ცნობილია, გაქცეული ფადლონი მის „მეცნიერ კაცს“ ემუდარებოდა: „მიიღე ჩემგან ოქრო და ვერცხლი დიდძალი და საკარგავნი მრავალნი, და ნუ შემიწამებ; გარდამიყვანე მინდორად და წამომყევ თანაო“<sup>82</sup>. ძნელი წარმოსადგენია, რომ განსაცდელში მყოფი ფადლონი ასეთ მომენტში მის დასატყვევებლად გამზადებულ ქართველ კაცს, თავდახსნის მიზნით, თავის ქვეყანაში პირობით სამფლობელო ადგილ-მამულებს შეჰპირდებოდა. ცხადია, ამ შემთხვევაში საუბარი უნდა ყოფილიყო სახელდახელო გასამრჯელოზე — ოქრო-ვერცხლსა და ფულზე; როგორც მ. ლორთქიფანიძეც წერდა, XI ს. ავტორისათვის ამ შემთხვევაში

<sup>82</sup> მატთანე ქართლისა, ქართლის ცხოვრება, I, გვ. 311, შტრ., ო. ზოგვენ-რა ძე. დასახ. ნაშრომი, გვ. 69, შტნ. 76.

„საკარგავი“ გარკვეული სამსახურის სანუქტოდ გაცემული სამაგვირო<sup>93</sup>, უფრო სწორად, გასამრჯელოა.

ამავე მნიშვნელობით იხმარება, ჩვენი აზრით, „საკარგავი“ „ამირანდარეჯანიანშიც“. ერთ-ერთი ჭაბუკი, „არაბთა მეფის“ გოლიათის შესაბამელად გამზადებული, ბასრელ ამირას ეუბნება: „მე თქვენი საკარგავი და ოქრო მიჭამია, ჩემი ჯელი ომი არის. აწ ვაგალომად მისად“<sup>94</sup>. ეს ჭაბუკი ბასრელი ამირას სამსახურშია და ამიტომ უჭამია მას მისი საკარგავი და ოქროც. სხვა ბასრელ ამირას არც შეუძლია გასცეს თავის რაინდ ჭაბუკებზე. არაბთა მეფის გოლიათზე გამარჯვებულს ომად მადის ძეს, მობაღდადე ჭაბუკს, ბასრელმა ამირამ კაცი მიუგზავნა და სთხოვა: „დადეგ ჩემთანა და საჭურჭლეთა სამად გაეყოფ და მესამედსა შენ მოგცემო“<sup>95</sup>. როგორც ჩანს, ბასრელი ამირა საჭურჭლეთა გაყოფით, ე. ი. საჭურჭლიდან სარგოსა და გასამრჯელოს გაცემით აკმაყოფილებდა თავის რაინდებს. ან რა წარმოსადგენია „ჭაბუკობისა ძალისა ცნობად“ მოხეტიალე რაინდებისათვის ბასრელ ამირას პირობით მფლობელობაში მიწები დაერიგებინა.

„საკარგავი“ „ამირანდარეჯანიანში“ მეორეჯერაც გვხვდება: მზეჭაბუკსა და მის მხლებლებს ექვსმა ჭაბუკმა მოციქული გაუგზავნა: „ჩვენ ლარიბნი ვინმე კაცი ვართ, ამხანაგნი ერთმანეთისანი და ცოტანი ერთგან დაზრდილნი ვართ და ვისაცა შეეწყნარებინ ვართ, პატრონი ვერგინ მოგვწონებია. აწ გვასმია ჭაბუკობა და სიკეთე შენი. მოვსულვართ წინაშე შენსა... ან დაგვიჭირენ ყმად და როცა ჩვენს გვარსა კაცსა სხვისათვის არა ემსახუროს, ისე თქვენ გვიმსახურეთ და თუ საჭაბუკო საქმე დაგივარდეს, ესე ბრძანოთ. თუ: ისი კაცი ჭაბუკად კმა არიანო“. მზეჭაბუკი დათანხმდა, მოსაწონი ჭაბუკები ხართ და „აწ ვითარცა ძმანი ხართ ჩემნი და არა ყმანი, ეგრე დაგიჭირნო. მოვიდეს და თაყვანისცეს ყმად. საბოძვარი და საკარგავი უბოძა კიდის-კიდე ყოველთა. იყვენს და მსახურებდეს ერთგულად“<sup>96</sup>. როგორც ჩანს, ზემოხსენებული ჭაბუკებიც მსახურეული რაინდები არიან, სარგო-საბოძვარსა და გასამრჯელოზე მინდობილნი და არა მემამულე-მეპატრონენი. ყოველ შემთხვევაში ასეთი სამსახურის პირობით იყვენნ შეკრულნი მზეჭაბუკთან.

<sup>93</sup> შდრ. მ. ლორთქიფანიძე, საქართველოს გაერთიანება, გვ. 53-

<sup>94</sup> მოსე ხონელი, ამირანდარეჯანიანი, ჩვენი საუნჯე, 2. 1960, გვ. 376-95. იქვე, გვ. 378.

<sup>96</sup> იქვე, გვ. 432. 433.

აღსანიშნავია, რომ „ამირანდარეჯანიანის“ დამატებებში, როგორც ამაზე ა. ბოგვერადემ მიუთითა, „საკარგავი“ პირდაპირ სარგოს, გასამრჯელოს მნიშვნელობით არის ნახმარი: „ხელმწიფის ასულს“ მეციხოვნენი ეუბნებიან „ჩვენ შენი საკარგავი ოქრო მისთვის გვიჰამიაო“<sup>97</sup>: ცხადია, „საკარგავი ოქრო“ იგივეა, რაც „სარგო ოქრო“, „გასამრჯელო ოქრო“, ე. ი. ფულადი გასამრჯელო.

აქვე გვინდა შევნიშნოთ, რომ ს. კაკაბაძეს „ამირანდარეჯანიანის“ 1939 წ. გამოცემისადმი დართულ მისსავე ლექსიკონში „საკარგავი“ განმარტებული აქვს როგორც სარგო<sup>98</sup>. მართლაც, „ამირანდარეჯანიანის“ ტექსტიდან მოტანილი მასალები „საკარგავის“ სხვაგვარად განმარტების შესაძლებლობას არ იძლევა<sup>99</sup>.

„საკარგავის“ შესახებ ფრიად საინტერესო მასალებია პეტრიწონის მონასტრის ტიპიკონის ძველ ქართულ ნუსხაში. აღსანიშნავია, რომ პეტრიწონის ტიპიკონში საგანგებო თავია (32-ე) საკარგავისადმი მიძღვნილი. ამ თავის დასათაურება წესდების ზანდუქას მიხედვით ასეთია: „საკარგავისა არა მიცემისათვის წინამძღვრისაგან ძმთაგანსა ანუ თუ სხუასა ვისმე რაჟთა არა აქუნდეს კელმწიფებაჲ არცა განყილად მონაგებთაგანი რაჲ ეკლესიისათა“<sup>100</sup>. მართალია, ბერძნულ შესაბამის ტექსტში ქართული „საკარგავი“ ზუსტად არ არის გადმოცემული, მაგრამ მის შესატყვისად ამ შემთხვევაში ნახმარი უნდა იყოს ბერძნული *δὲ ἀγαθῆ* (ἡ), რაც მონაგებს, ვაჭრობიდან მიღებულ შემოსავალს, მოძრავ ქონებას ნიშნავს. ასე რომ, აქ საუბარია იმ აკრძალვის შესახებ, რაც ჩვეულებრივი იყო მონასტრებში — არ მისცემოდა ძმობის წევრთაგან ღინმეს რაიმე საზღაური მონასტრის მონაგებიდან, შემოსავლიდან. ამრიგად, „საკარგავი“ ამ შემთხვევაშიც მონასტრის მოძრავი ქონებიდან, შემოსავლიდან გაკეპული საზღაურის აღსანიშნავად არის ნახმარი.

<sup>97</sup> ს. ყ უ შ ა ნ ე ი შ ვ ი ლ ი, ძველი ქართული ლიტერატურის ქრესტომათია II, გვ. 130. შდრ. ა. ბოგვერადე, დასახ. ნაშრომი, გვ. 69, შენ. 76.

<sup>98</sup> ამირანდარეჯანიანი, ს. კაკაბაძის რედაქციით, 1939, გვ. 132.

<sup>99</sup> მიუხედავად ამისა „ამირანდარეჯანიანის“ რუსულ თარგმანში „საკარგავი поместье-დ არის გადმოცემული. ალბათ, ალ. ბარამიძის ზემომოტანილი განმარტების გავლენით (იხ. Мосѣ Хонели, Амиран-Дареджаниани, пер. с грузинского Б. Абуладзе, Тб., 1965, გვ. 126, შდრ. იქვე, გვ. 185).

<sup>100</sup> M. Tarchnisi, op. cit., გვ. 7; შდრ. Сн. გვ. 12; შესატყვის

ბერძნული ტექსტი შემდეგნაირად იკითხება: „Περὶ τῶν ἀγαθῶν καὶ ἀτάστατον τὸν ἀγαθῶν μὴ παρασχῆναι τὸν ἀμειψῶν τινὶ ἢ ἐτήριον ἢ ἐκτὸς τούτων ἢ ἐκποιήσασθαι τινὰ τῶν τῆς μοῆς παραμύτων“ (გეორგიკა, 5, გამოსცა ს. ყაუხჩიშვილი; 1963, გვ. 112).

ტიპიკონის სარჩევის 32-ე თავის ზემომოტანილ დასათაურებას საკუთრივ ტექსტში შეესაბამება „საკარგავის არავისდა მიცემისათჳს, არცა განსყიდვისა“, <sup>101</sup> როგორც ჩანს, თვით ტექსტში სათაური უფრო მოკლეა, მაგრამ ამ შემთხვევაშიც საკარგავის არგაცემისა და ასევე მონასტრის ქონების გაუსყიდველობის შესახებ არის საუბარი. ეს უფრო ნათლად ჩანს ამ თავის დასათაურების ბერძნული შესატყვისიდან: „Περὶ ἐξδότησεως ἧ ὑποπαρθεῖσε ἀγροῦν ἀρχιεπίσκοπου ἐκ τέρψαντος ἀπὸ τῆς μισθῆς“ <sup>102</sup>, რაც ჩვენი აზრით, შემდეგნაირად უნდა ითარგმნოს: „შესახებ გაცემისა ან გაყიდვისა მიწებისა და ქონებისა მონასტრიდან ცალკე პირებზე“. ამ შემთხვევაშიც მონასტრის წესდება შეეხება, ერთი მხრივ, მონასტრის მიწების გასყიდვას, ხოლო, მეორე მხრივ, მონასტრის ქონების გაცემას, უკეთ იმას, თუ ვის შეიძლება მიეყიდოს ან ვისზე გიცეს მიწები და მონასტრის მონაგები ქონება. „საკარგავის“ (stipendium-ის, ჯამაგირის, სარგოს) შესატყვისად ბერძნულ ტექსტში ამჟღად ნახმარია *ἀρχιεπίσκοπος*, რაც ასევე შეძენილს, მოხვეჭალს, სიმდიდრეს, ქონებას, საფასურს ნიშნავს.

მაგრამ ყველაფერი ეს კიდევ უფრო ნათლად ჩანს თვით ამ თავის შინაარსიდან. გრიგოლ ბაკურიანის ბრძანებით შედგენილი ტიპიკონის 32-ე თავში ნათქვამია: „განვაყენებ ამისგანაცა და რაითურთით არ მივცეთ მიწუშობასა ვითარმცა აღმოსავლეთისა გინა დასავლეთისა მონასტერთა წესისაებრ წინამძღუარმან საკარგავი მისცა ვის ძმათაგანსა მონაგებთაგან მონასტრისათა ანუ გლეხი ანუ მიწა ანუ ვენაჯი ანუ ბოსტანი გინა თუ სხუად რაადცა რაად ესე ვითარი რაათა არა დაიქსნას ერთობად ძმათად“. სავსებით

<sup>101</sup> მიხ. თ ა რ ხ ნ ი შ ვ ი ლ ი, დასახ. ნაშრომი, გვ. 71; გვ. 123; ეს დასათაურება ლათინურ ტექსტში ასე იკითხება: «De stipendio nulla dando neque ex venumdatis» (იქვე, გვ. 43).

<sup>102</sup> ს ყ ა უ ხ ჩ ი შ ვ ი ლ ს ეს სათაური შემდეგნაირად აქვს თარგმნილი: „შესახებ ყანების ან მამულების გაცემისა ან გაყიდვისა მონასტრიდან ცალკე პირებზე“ (გეორგიკა, 5, გვ. 237; ბერძნული ტექსტი, იქვე, გვ. 236).

მიხ. თ ა რ ხ ნ ი შ ვ ი ლ ი, იქვე, გვ. 71; Ch., 123; ქართულ „საკარგავს“ ბერძნულ ტექსტში ამ შემთხვევაშიც *ἀρχιεπίσκοπος* შესატყვისება და იგი ასევე გამოყოფილია საგლეხო ადგილისაგან, „სხვა მიწისაგან“, ბაღისაგან და ვენახისაგან. ს. ყაუხჩიშვილი ბერძნულ ტექსტს ასე თარგმნის: „ამასაც ვერძალათ და ვაწესებთ, რომ სრულად არავითარ შემთხვევაში უფლება არ ჰქონდეს ჩვენი მონასტრის წინამძღუარს... მისცეს რომელიმე ძმას ჩვენი მონასტრის ქონებიდან, არც საგლეხო ადგილთაგან, არც სხვა მიწა, არც ბაღი ან ვენახი, არც სხვა ამგვარი რამ ხსენებული მონასტრის კუთვნილთაგან, რათა არ დაირღვეს საუკეთესო ერთობა და თანხობა ძმებისა“ (გეორგიკა, 5, გვ. 237; ბერძნ. ტექსტი, იქვე, გვ. 236).



ნათელია, მონასტრის წესდება კრძალავს, ერთი მხრივ, მონასტრის ძმებზე გაიცეს გასამრჯელო, საკარგავი „მონაგებთაგან მონასტრისათა“ და, მეორე მხრივ, გლეხი ან მიწა, ან ვენახი, ან ბოსტანი და ან კიდევ სხვა რაიმე, რათა არ დაირღვეს ძმობის შიგნით არსებული თანასწორობა. საესებით აშკარაა, რომ ტრაპიკონის ქართული ტექსტის შემდგენლისათვის „საკარგავი“ სულ სხვა შინაარსის ცნებაა, ვიდრე მიწა, ვენახი, ბოსტანი და სხვა; ცხადია, რომ საკარგავი ამ შემთხვევაში დროებით სარგებლობაში გადაცემულ მიწას, ვენახს, ბოსტანს თუ სხვა მსგავსს კი არ ნიშნავს, არამედ გარკვეული სამსახურისათვის მონასტრის მოძრავი ქონებიდან გაცემულ გასამრჯელოს, სარგოს.

ბეტრიწონის მონასტერი, ისე როგორც სხვა მონასტრები, მართალია, მონასტრის ძმობის წევრებზე საკარგავის გაცემას კრძალავდა, მაგრამ სათანადო გასამრჯელოს გაცემას საესებით დასაშვებად მიიჩნევდა არა ძმობის წევრებზე, გლეხებზე, მონასტრის მსახურებზე, რომელნიც „თანა ნადებსა თვსსა“, მათზე დაკისრებულ მოვალეობას, სამსახურს შეასრულებდნენ, „გარდაიხდიდნენ“. წესდებაში საამისო მუხლიც იყო შეტანილი, რომელიც კიდევ უფრო ნათელს ხდის „საკარგავის“ მნიშვნელობას: „გარნა გლეხთა ხოლო მიეცემოდეს საკარგავი, რომელნი ეკლესიასა კმსახურებდენ და თანა ნადებსა თვსსა გარდაიხდიდნენ“<sup>103</sup>. როგორც ჩანს, საკარგავი ამ

---

<sup>103</sup> მის. თ ა რ ხ ნ ი შ ვ ი ლ ი; იქვე, გვ. 71—72; აღსანიშნავია, რომ ტრაპიკონის თარხნიშვილისეულ ლათინურ ტექსტში ეს ადგილი შემდეგნაირად არის გადმოცემული: *Agricolis tantum qui ecclisue servint ac debita sua perolvunt, stipendium detur* (იქვე, გვ. 44). ამ და სხვა შემთხვევაშიც ყველგან მ. თარხნიშვილთან „საკარგავს“ *stipendium* შეესატყვისება.

32-ე თავის მეორე მუხლის ჩვენთვის საინტერესო ნაწილი ბერძნული ტექსტიდან შემდეგნაირად აქვს თარგმნილი ს. ყაუხჩიშვილს: „ფიქრშიც არ იქნეს გატარებული, რომ რამენაირად გაიყიდოს (გაიცეს?) რაიმე წმინდა მონასტრის კუთვნილებიდან (ქონებიდან?) რომელსამე პირზე, გარდა გლეხებისა, რომელნიც ჩვეულებისამებრ, მას (ე. ი. მონასტრის) ემსახურებიან“ (გეორგიკა, 5, გვ. 237).

ამან და ამავე თავის პირველმა მუხლმა, რომელიც ზემოთ იყო მოტანილი, შესაძლებლობა მისცა გ. ლიტაგინის ვმტკიცებინა: „Бакуриани запрещает монахам отчуждать как земли, занятые париками (*παροικισματα*), так и «другие земли», которые разрешается отдавать в держание лишь парикам, обычно работающим для монастыря... следовательно, среди земель, на которых работали парики, были и не розданные им в держания» (Г. Г. Л и т а в р и н, Болгария и Византия в XI—XII вв., М., 1960, გვ. 160).

მართალია, მონასტრის (უკეთ მონასტრებს) ქვონდათ როგორც „საგლეხო ადგილი“ (ე. ი. გლეხებზე განაწილებული მიწები), ასევე „სხვა მიწაც“, მაგრამ

შემთხვევაში გლეხის მიერ მონასტრისათვის გაწეული სამსახურის ასანაზღაურებლად გაცემული გასამრჯელოა და არა პირობით (უმთავრესად სამხედრო მსახურის) მფლობელობაში გაცემული მამულ-ლი.

პეტრიწონის მონასტერი გამონაკლისი არ ყოფილა. ასევე იყო აკრძალული მონასტრის ძმებზე მიწების (აგარაკების), ვენახების და მსგავსთა გაცემა სხვა ქართულ მონასტრებშიც. „ვაჰანის ქვაბთა განგებაში“ ნათქვამია: „ვინამთავან იპოვნეს მას შინა ვიეთნიმე მონაზონთაგანნი, რომელთა მიეცა მონასტრისაგან ორნატნი, აგარაკნი და ვენახნი, რაითა აქუნდეს... ამათ საფასითაგან ჩემთა მოვეც სრულიადი თითოეულსა რაოდენიცა ენება და ითხოვა და ყოველი იგი ტრაპეზსა მიუდგინე“... „მოვსპე... ქონება აგარაკთა, ვენახთა და თუნდა ორნატთაო“, — მოგვითხრობს ძეგლის დამღებ-ბი<sup>104</sup>.

სხვა მონასტრის წესდება კრძალავდა აგრეთვე ძმების მუშაობას მოგების (შემოსავლის დაგროვების) მიზნით: „ყოველისავე ხორციელსა საკმრისაგან უზრუნველ ეყვენეს ძმანი და ყოველსავე იგი (ექვთიმე, შ. მ.) მისცემნ ვიდრე საცვლადმდღჳ და ნემსადმდე და მიზეზი გარდაკვეთა, რამთა არას ვინ ზრუნვიდეს და არცა გაპყიდდეს და არცა იყიდდეს და არცა რას მოირეწოდეს და არცა რას მოიგებდეს თუნიერ მისისა ბრძანებისა“<sup>105</sup>. ასე რომ, მონასტერთა წესდებები, ისე როგორც პეტრიწონის ტიპიკონი, კრძალავდა, ერთი მხრივ, მიწის, ვენახის, ბოსტნისა და სხვათა გაცემას მონასტრის

---

არსიდან ჩანს, რომ ეს „სხვა მიწები“ გადაცემულიყოს ასევე გლეხებზე, ამის შესახებ არაფერია ნათქვამი ამავე თავის მეორე მუხლში, სადაც მხოლოდ ზოგადადა საუბარი მონასტრის ქონების გაცემის (გაყიდვის) შესახებ და არა მინცლამაინც „სხვა მიწებისა“. ამას გარდა, ეს „სხვა მიწები“, რომელიც მართლაც არ იყო განაწილებული გლეხებზე სამფლობელოდ (В державный), როგორც პეტრიწონის ტიპიკონის ქართული ტექსტიდან და ასევე სხვა მონასტრების მავალითებიდან ჩანს, თვით მონასტრის მიერ მუშავდებოდა უმთავრესად დაქირავებული შრომით, „საკარგავის“ გაღებით, სამეურნეო სამუშაოთა შემსრულებლების „გაროქვით“ და არა ის ვსაგლეხოდ გადაწაწილებით. აი, ამის შესახებ არის საუბარი ტიპიკონის 32-ე მუხლის მეორე ნაწილში და არა მონასტრის „სხვა მიწების“ გლეხებზე გადაწაწილების (გაცემის) შესახებ.

<sup>104</sup> ვაჰანის განგება, გამოსცა ლ. მუსხელიშვილმა, გვ. 61—62; გვ. 81; შდრ. შ. მესხია, ხელოსნური წარმოებისა და შრომის ორგანიზაციის საკითხისათვის X—XII სს. ქართულ მონასტრებში, „მიმოხილველი“, I, 1949, გვ. 67.

<sup>105</sup> გოგრატი მთაწმინდელი, ცხორებად იოვანესი და ევთემესი, გამო-საცემად მოამზადა ივ. ჯავახიშვილმა, 1946, გვ. 38—39.

ძმებზე, ხოლო მეორე მხრივ, სარგოს, გასამრჯელოს, მონაგების, ანუ როგორც პეტრიწონის წესდებაშია ნათქვამი, „საკარგავის“ მიღებას არა მარტო მონასტრის ქონებიდან, არამედ საერთოდაც, მათი დაგროვების მიზნით.

მაგრამ ისე როგორც პეტრიწონში, ასევე სხვა მონასტრებშიც სავსებით დაშვებული იყო მონასტრისათვის საჭირო ერისკაც-მსახურისათვის, გლეხისათვის ამა თუ იმ სამსახურის, სამუშაოს შესრულებისათვის, ანუ „თანამდებობისა თვისა გარდახდისათვის“ გასამრჯელოს, საკარგავის გაცემა. ათონის ივერთა მონასტრის აღაპებში ნათქვამია: „შემოწირული ოქროდ ესრე წარგეგო: პირველად მიეცა ძმათ მისგან ევლოგიაჲ და გაიროქნეს მუშანი მონასტრისანი სამსა ჯერსა, რომელთა დაეასხმევინეთ ვენახი კე, (25) მოღისაჲ“<sup>106</sup>. ცნობილია, რომ ათონის ივერთა მონასტერს, ყმა გლეხებს გარდა, ყოველწლიურად ასეთი, დაქირავებული 30—40 „მუშა“ (გლეხი), მსახური ჰყავდა<sup>107</sup>, ვაჰანის ქებას კი — 10 მსახური<sup>108</sup>. აღსანიშნავია, რომ საერო მუშაკთა გასამრჯელოდ, გასაროქავად, „საკარგავად“ ათონის ივერთა მონასტერი, გიორგი მთაწმინდელის წინამძღვრობის დროს, ყოველწლიურად 140 დრაჰკანს ხარჯავდა<sup>109</sup>.

ამრიგად, მონასტერთა წესდებები, ერთი მხრივ, კრძალავდა მონასტრის ძმობის წევრებზე გაეცათ მიწა, ვენახი, ბოსტანი და ასევე გასამრჯელო, სარგო, საკარგავი მონასტრის ქონებიდან; ხოლო მეორე მხრივ, საკარგავებისა და მიწის გაცემას დასამუშავებლად, სათანადო სარგოს გაღებით, დასაშვებად მიიჩნევდა გლეხებზე, მსახურებზე. ასე რომ, პეტრიწონის ტიპიკონის 32-ე თავის ზემოგანმარტებულ მუხლებში საუბარია როგორც მიწის, ვენახის, ბოსტნის, ასევე საკარგავის გაცემაზე, რაც ერთხელ კიდევ იმაზე მიუთითებს, რომ „საკარგავი“ სულ სხვაა, და რომ მისი გაცემა მიწის, ვენახის, ბოსტნისა და სხვა მსგავსის გაცემას არ გულისხმობდა.

„საკარგავის“ შესახებ ზემომოტანილი მასალების მიხედვით შეიძლება შემდეგი დასკვნა გავაკეთოთ: „საკარგავი“ XI—XIII სს. ქართულში ორგვარი მნიშვნელობით იხმარებოდა — „საკარგავი“ ნიშნავდა როგორც სამოხელეოდ, საგამგეოდ, სამართავად გაცე-

<sup>106</sup> ათონის კრებული აღაპებით, გვ. 255; შდრ. შ. მ ე ს ხ ი ა, დასახ. წერილი, გვ. 63.

<sup>107</sup> შ. მ ე ს ხ ი ა, დასახ. წერილი, გვ. 63.

<sup>108</sup> იქვე, გვ. 64.

<sup>109</sup> იქვე, გვ. 74 და შემდეგ.

მულ გარკვეულ ტერიტორიას, ქალაქს, ასევე სარგოს, ფულად გასამრჯელოს; „საკარგავის“ ასეთი ორგვარი მნიშვნელობა შემთხვევით არ შეიძლება წარმოშობილიყო და იმაზე უნდა მიგვითითებდეს, რომ საკარგავად მიღებული ტერიტორიის, ქალაქის თუ სახელოს გამგებლობა, ე. ი. მოხელეობის ეს სახე, სარგოთი, რენტით, ძირითადად ფულადი სარგოთი ნაზღაურდებოდა.

„საკარგავი“ XI ს-დან დამოწმებული ტერმინია, ამ დროიდანვე ჩნდება აგრეთვე მისგანვე ნაწარმოები მო-სა-კარგ-ავე. „მოსაკარგავე“, ცხადია, იმას ეწოდებოდა, ვისაც მიენდო „საკარგავის“ გამგებლობა, ან კიდევ, მიეცა „საკარგავი“, გასამრჯელო რაიმე სამსახურის შესრულების გამო. თვით „საკარგავის“ ორგვარი ზემოაღნიშნული მნიშვნელობა ასევე ორგვარ შინაარსს აძლევდა მოსაკარგავესაც. ეს იმიტომ, რომ მოსაკარგავეობაც თავისთავად ორბუნება იყო — იგი, ერთი მხრივ, მოხელეობას ნიშნავდა, ხოლო მეორე მხრივ, ისეთ მოხელეობას, რომელიც უმთავრესად სარგოთი ნაზღაურდებოდა.

„მოსაკარგავე“ პირველად დამოწმებულია გიორგი II-ს მიერ 1072 წ. შიომღვიმის მონასტრისადმი ბოძებულ სიგელში: „აწ ვინცა პნახთ ბრძანებაი და სიგელი ესე ჩუენი: შემდგომად ჩუენსა მომავალთა შეფეთა, ერისთავთ-ერისთავთა, ერისთავთა, აზნაურთა მემამულეთა და მოსაკარგავეთა, ციხისთავთა, კევისუფალთა, მანდატურთა, შურტათა, ჩინებულთა და ყოველთა საქმის მოქმედთა დაუმტყიცეთ“<sup>110</sup>.

ამ სიგელიდან კარგად ჩანს: ა) მოსაკარგავე უკვე იმ დროისათვის ისევე ცნობილი და გავრცელებული ტერმინია, როგორც ერისთავთერისთავი, ციხისთავი, ხევისუფალი, მანდატური და სხვა; ბ) მოსაკარგავე; თავისი სოციალური კუთვნილებით, აზნაურია, მაგრამ იგი განსხვავდება „მემამულე აზნაურებისაგან“, ე. ი. ამ წოდების მამულობით (მემკვიდრეობით) მფლობელებისაგან<sup>111</sup>. გ) მოსაკარგავე“ ისეთივე სამეფო მოხელეა, როგორც აქვე მოხსენიებული ერისთავთერისთავი, ერისთავი, ციხისთავი, ხევისუფალი, მანდატური, შურტა და სხვ.; დ) იერარქიულად მოსაკარგავენი დაბლა დგანან ერისთავებსა, ერისთავთერისთავებსა და მემამულე აზნაურებზე; მაგრამ უფრო მაღლა არიან, ვიდრე ციხისთავები, ხე-

<sup>110</sup> თ. უ ო რ დ ა ნ ი ა, შიომღვიმის მონასტრის ისტორიული საბუთები, გვ. 12; ი. დ ო ლ ი ძ ე, ქართული სამართლის ძეგლები, II, 1966, გვ. 11.

<sup>111</sup> ზედმეტია ლაპარაკი იმაზე, რომ „აზნაურთა“ განმარტებაა „და“ კავშირით შეერთებულ როგორც „მემამულეთა“, ასევე „მოსაკარგავეთა“.

ვისუფალნი, მანდატურნი, შურტანი, სხვა „ჩინებულნი და საქმის მოქმედნი“ (მოხელენი).

„მოსაქარგავენი“, როგორც მეფის მოხელენი, მოხსენიებულნი არიან XII ს. პირველი ნახევრის ძეგლში, დავითის ისტორიკოსის თხზულებაში: მეფემ, წერს ისტორიკოსი, „განათავისუფლნა არ მონასტერნი ოდენ დ ლავრანი მოსაქარგავეთა მაჰირეებელთაგან, არამედ ხუცესნიცა სამეფოსა შინა მისსა ყოველსა ჭირისა და ბეგარისაგან“<sup>112</sup>. როგორც ჩანს, ამ კონკრეტულ შემთხვევაში დასახელებულ მოსაქარგავეთ ეკლესია-მონასტრებისაგან სახელმწიფო გამოსაღებთა აკრება ჰქონიათ მინდობილი. მაგრამ ეს იმას როდინიშნავს, რომ „მოსაქარგავენი“ საერთოდ გადასახადების ამკრები მოხელენი ყოფილიყვნენ მხოლოდ, როგორც ეს ნათქვამია „ქართლის ცხოვრების“ I წიგნის ლექსიკონში<sup>113</sup>. დავითის ისტორიკოსის ეს ცნობა ერთხელ კიდევ ცხადყოფს მოსაქარგავეობის, როგორც სამოხელეო ინსტიტუტის, შინაარსს.

„მოსაქარგავე“ მოხსენიებულია აგრეთვე 1201 წ. თამარ მეფის მიერ შიომღვიმისადმი ბოძებულ შეწირულების წიგნში. ამ ფრაზად საინტერესო სიგელის მხოლოდ პირია (და ისიც XIX ს-ისა) შემონახული და ამით აიხსნება, ალბათ, ის შეუსაბამობა ამ სიგელის ჩვენთვის საინტერესო ადგილს რომ ახასიათებს: „ვინცა და რამანცა გუარმან კაცმან, დიდმან ანუ მცირემან, აზნაურმან გინა ერისაგან მან(!), კელისუფალმან ანუ უკელისუფლომან, მონაზონმან ანუ მოსაქარგავემან(!) გარეთამან და თუნდა შინამყოფმან, წინამძღვარმან, მოძღვარმან და ანუ კრებულმან დააკლოს“... ღმერთმა დასწყევლოსო<sup>114</sup>. აშკარაა, რომ სიგელის გადამწერებს ზოგი გამოტოვებულიცა აქვთ და ზოგი სავსებით უაზრო დაპირისპირებებიც, ალბათ, ცალკეული ტერმინების არამართებული გადასმა-გადმოსმის შედეგად. აბა, რით აიხსნება ასეთი შეუსაბამო დაპირისპირება — „აზნაურმან გინა ერისგანმან“, ან კიდევ, „მონაზონმან ანუ მოსაქარგავემან“, მაშინ როცა იქვე საბუთში სხვა სავსებით შეუსაბამისი დაპირისპირებებია მოცემული: „კელისუფალმან ანუ უკელისუფლომან“, „დიდმან ანუ მცირემან“, „გარეთამან და თუნდა შინამყოფმან“, და სხვა. ცხადია, ზემოდასახელებულ ორ შემ-

<sup>112</sup> ქართლის ცხოვრება, I, გვ. 353.

<sup>113</sup> იხ. ქართლის ცხოვრება, I, ლექსიკონი.

<sup>114</sup> თ. ყო რ დ ა ნ ი ა, ქრონიკები, II, გვ. 82; ი. დოლიძე, ქართული სამართლის ძეგლები, II, გვ. 34.

თხვევაში („აზნაურმან გინა ერისაგან მან“; „მონაზონმან ანუ მოსაკარგავემან“) დასაპირისპირებელ ცნებებს დროთა ვითარებაში გადამწერთაგან ადგილები აქვთ შენაცვლებული. თავდაპირველად კი სიგელში იწერებოდა: „აზნაურმან ანუ მოსაკარგავემან“, „მონაზონმან გინა ერისაგანმან“. ამას გარდა, თუ გავითვალისწინებთ იმასაც, რომ „მოსაკარგავენი“ საბუთებში ყოველთვის უპირისპირდებიან „მემამულეებს“ (იხ. გიორგი II-სა და რკონის სიგელი) და ამ წესს ამ შემთხვევაშიც გამოვიყენებდით, თამარის სიგელის ჩვენთვის საინტერესო ადგილი ამგვარ სახეს მიიღებდა: „და ვინცა და რამანცა გუარმან კაცმან დიდმან ანუ მცირემან, აზნაურმან (მემამულემან) ანუ მოსაკარგავემან, კელისუფალმან ანუ უკელისუფლომან, მონაზონმან გინა ერისაგანმან, გარეთამან და თუნდა შინამყოფმან...“ და ა. შ.

თუ ეს ასეა (და ამაში ეჭვის შეტანა შეუძლებელია), ამ შემთხვევაშიც „აზნაურნი მოსაკარგავენი“ „მემამულე აზნაურებთან“ არიან დაპირისპირებულნი და მათგან განსხვავებულნი. ასევე ასხვავებდა „მემამულეებისაგან“ (აზნაურებისაგან) „მოსაკარგავეებს“ (აზნაურებს) რკონის 1259 წ. ჰიგელიც, სადაც ნათქვამია: „და უკეთუ ვინმე ესე ჩემგან გაგებული და შესს სამკუდრებელსა შემოწირული შეცვლოს და შლად კელყოს და შესსა სამკუდრებელსა გამოაჯუას ანუ მემამულემან ვინ, ანუ მოსაკარგავემან, რამან გინდა გუარმან კაცმან — შეს... ღმრთისმშობელო რკონისაო, რისხვით აღიძარ მასზედაო<sup>115</sup>. „აზნაურთა მემამულეთა“ და „აზნაურთა მოსაკარგავეთა“ საბუთებში ასე ერთად და ამავე დროს განსხვავებული შინაარსის მატარებელ ცნებად მოხსენიება შეუძლებელია შემთხვევითი იყოს. როგორც ჩანს, „მოსაკარგავე აზნაურები“, XI ს. მეორე ნახევრიდან მაინც, ქართულ სამონღოლო წყობილებებში მნიშვნელოვან როლს ასრულებდნენ.

დასასრულ, „მოსაკარგავე“ მოხსენიებულია, როგორც ზემოთ აღინიშნა, ბექას სამართალში, ე. ი. დაახლოებით XIII ს. მიწურული-სათვის— „ნუ ვინ დაებმის მოსაკარგავისაგან სყიდვასაო“, —ნათქვამია ბექას სამართლის ვახტანგისეულ ნუსხაში.<sup>116</sup> ჩვენ არ მოგვეპოვე-

<sup>115</sup> თ. ქორდანია, ქრონიკები, II, გვ. 140; შდრ. ი. დოლიძე, ქართული სამართლის ძეგლები, II, გვ. 64; აღსანიშნავია, რომ თ. ქორდანია აზრითაც, „მოსაკარგავე უნდა იყოს მეფის მოხელე“ (იხ. ქრონიკები, II, გვ. 141).

<sup>116</sup> ი. დოლიძე, ძველი ქართული სამართალი, გვ. 306.

პოვება შემდეგდროინდელი დოკუმენტური თუ სხვა სახის წყარო, სადაც „საკარგავი“ და „მოსაკარგავე“ იყოს დადასტურებული. ამრიგად, ისე როგორც „საკარგავი“, ასევე „მოსაკარგავეც“ XI—XIII საუკუნეებში ხმარებული ტერმინია, რაც იმაზე უნდა მიგვითითებდეს, რომ „საკარგავი“ და „მოსაკარგავეობა“, როგორც სამოხელეო ინსტიტუტი, სწორედ მხოლოდ იმ პერიოდში არსებობდა და იმ დროისათვის არის დამახასიათებელი. შეიძლება დაბეჯითებით ითქვას, რომ „მოსაკარგავე“, არა როგორც მიწის მფლობელი, არამედ როგორც ხელისუფლების მფლობელი (მქონებელი), X ს. დასასრულისა და XI ს. დამდეგისათვის წარმოქმნილი ერთიანი ქართული ფეოდალური მონარქიის პირმშოა.

„საკარგავების“ — მცირე და დიდ განსაგებლის, გაჩენა ერთიანი სამეფო ხელისუფლების ცენტრალური და ადგილობრივი მმართველობის აპარატის თანდათან ჩამოყალიბებასთან იყო დაკავშირებული. ახლად წარმოშობილი ფეოდალური მონარქია ხელისუფლების ახალი ორგანოების დანერგვას ფიქრობდა უკვე მოძველებულისა და გადაგვარებულის მაგიერ. ასეთი კი ამ დროისათვის არაერთი ჩანდა. განსაკუთრებით იგრძნობოდა ერისთავობის ინსტიტუტის კრიზისი, კიდევ მეტი, ამ ხელისუფლების გადაგვარება.

ჩვენს სამეცნიერო ლიტერატურაში დიდი ხანია შენიშნულია, რომ ფეოდალური ურთიერთობის წარმოქმნის დროიდანვე მეფის მოხელე ერისთავი საერისთავო ქვეყნის საშვილიშვილოდ დაძველებებისა და საერისთავოს საქმეებში მეფის ცენტრალური აპარატის ჩაურევლობისათვის იბრძოდა. მეფის ხელისუფლების დაუძღურება თუ გაუქმება კიდევ უფრო ზრდიდა ერისთავთა და საერისთავო ქვეყნის განცალკევების ტენდენციასა და ერისთავთა თანდათან გახელმწიფების შესაძლებლობას.

ასეთ წარმატებებს ერისთავებმა, როგორც ცნობილია, ჯერ კიდევ ადრე, VI საუკუნისათვის, ქართლში მეფობის გაუქმების დროიდან მიიღწიეს; ჯერ სპარსელთა, ხოლო შემდეგ ბიზანტიელთაგან მათ უკვე „შქონდეს სიგელნი მკვიდრობისანი საერისთავოთა მათთა“<sup>117</sup>... ასე რომ „იყუნენ ერისთავნი იგი თვისთვისა საერისთავოთა შეუცვალებლად“<sup>118</sup>. რა თქმა უნდა, ქართლის ერისმთავარმა, რომელიც მხოლოდ პირველი იყო თანასწორთა შორის, ვერ

<sup>117</sup> ქ უ ა ნ შ ე რ ი, ქართლის ცხოვრება, I, გვ. 221.

<sup>118</sup> იქვე, გვ. 217.

შეძლო ერისთავთა ისევ მოხელეებად გადაქცევა. ქართლის ერისთავებს კიდევ უფრო მეტი შესაძლებლობა შეეძენათ IX ს. დამდეგიდან, ქართლის ერისთავის ხელისუფლების გაუქმების შემდეგ. აზროიდან ქართლის ერისთავები თავიანთი საერისთავოების ფაქტიურ ხელმწიფებად იქცნენ. ცხადია, ყოველივე ამის შემდეგ გასაგები უნდა იყოს, თუ რამდენად მიუღებელი იქნებოდა საქართველოს ერთიანი სამეფო ხელისუფლების წარმოქმნა განსაკუთრებით ქართლის ერისთავებისათვის და ასევე თუ რამდენად მოუთმენელი იქნებოდა ერისთავთა ხელმწიფობა თვით საქართველოს პირველი მონარქისათვის. მსგავს (ოლონდ სხვაგვარი ფორმით) მოვლენებს ადგილი ჰქონდა ტაო-კლარჯეთშიც. საქართველოს პირველ მეფეს ბრძოლა უხდებოდა არა მარტო ქართლის ერისთავებთან, არამედ აგრეთვე „კლარჯ ხელმწიფეებთან“. ბაგრატ III-ს, ამ ძლიერი ხელისუფლის, ღონისძიებანი ამ მხრივ სავსებით რადიკალური იყო — მისი ბრძოლა, ერთი მხრივ, კლდეკარის ერისთავის რაჭის წინააღმდეგ, ხოლო, მეორე მხრივ „კლარჯ ხელმწიფეთა“ დაუნდობელი ამოხოცვა ამ ღონისძიებების მხოლოდ ერთი მხარეა. ამასთანავე, ბაგრატ III ხელმწიფებად ქცეულ ერისთავების ისევ მოხელეებად გადაქცევისათვის და ახლად შემოერთებულ ადგილებზე (მაგ., კახეთში) ახალ ხელისუფალთა დანიშვნისათვის იბრძოდა.

„ქართლის მათიანეს“ ავტორის სიტყვით, ბაგრატ III-მ არაერთხელ და ორჯერ „ურჩნი თუსნი შეცვალნა დიდებისაგან და ადგილთა მათთა დაადგინნა ერთგულნი და მოსწრაფედ მორჩილნი ბრძანებათა მისთა“<sup>119</sup>.

აი, სწორედ ამ პერიოდში, ახლად წარმოქმნილ ერთიან სამეფო ხელისუფლებასა და დრომოკმულ, გადაგვარებულ სამოხელეო ინსტიტუტებს შორის ბრძოლის პერიოდში უნდა იყოს წარმოქმნილი ახალი სამოხელეო ინსტიტუტი — საკარგავი, სამართავი, განსაგებელი და მოსაკარგავე — ამ საკარგავის, ქვეყნის გარკვეული ტერიტორიის თუ სხვ. მართვის, განგების ხელისუფლებით აღჭურვილი მოხელე. პირველი მოსაკარგავენი, ცხადია, ახლად აღზევებულნი წერილი, მსახურეული აზნაურები უნდა ყოფილიყვნენ<sup>120</sup>. სწორედ ესენი უპირისპირდებოდნენ ერისთავებსა და „მემამულე აზნაურებს“. შემთხვევითად არ შეძილება მივიჩნიოთ,

<sup>119</sup> ქართლის ცხოვრება, I, გვ. 278.

<sup>120</sup> შდრ. მ. ლორთქიფანიძე, საქართველოს პოლიტიკური გავითიანება, გვ. 55.



რომ ჩვენ მიერ ზემომოტანილ დოკუმენტებში „აზნაურთა მემამულეთა“ ან კიდევ „მემამულეთა“ საპირისპიროდ „აზნაურნი მოსაკარგავენი“ თუ „მოსაკარგავენი“ მოცხსენებიან.

დავით აღმაშენებლის დროიდან, ჩვენი აზრით, აზნაურ-მოსაკარგავეთა გვერდით უნდა გაჩენილიყვნენ აგრეთვე დიდმოხელე-მოსაკარგავენი. ეს დავით IV-ს მრავალმხრივი რეფორმების ერთ-ერთი შედეგი უნდა ყოფილიყო.

როგორც ცნობილია, ბაგრატ III-ს ლონისძიებებმა — მოხელეებად ექცია გახელმწიფებული ერისთავები, დიდი შედეგი ვერ გამოიღო. ბაგრატ III-ს მიერ დამორჩილებულმა რატის მემკვიდრეებმა დიდი ბრძოლა გაუმართეს მეფის ხელისუფლებას ბაგრატ IV, გიორგი II-სა და თვით დავით აღმაშენებლის მეფობის წლებში. აშკარად ჩანდა, რომ ერისთავთა მარტოოდენ წრთვნა სასურველ შედეგს ვერ გამოიღებდა. საჭირო იყო კიდევ უფრო რადიკალური ზომების მიღება.

როგორც ირკვევა, დავით აღმაშენებელი ერისთავობის ინსტიტუტს საერთოდ, ერთიანი ფეოდალური მონარქიისათვის შეუფერებლად მიიჩნევდა, მას ახალ სამოხელეო ინსტიტუტებს უპირისპირებდა, ძველს კი ავიწროებდა და აუქმებდა კიდევ.

კლდეკარის საერისთავოსა და სამეფო ხელისუფლების ბრძოლა დავით აღმაშენებელმა, როგორც ცნობილია, კლდეკარის საერისთავოს გაუქმებით დაამთავრა. მაგრამ ერისთავთა ინსტიტუტის წინააღმდეგ ბრძოლა, ცხადია, ამით არ დამთავრებულა. საქვეყნოდ გამრიგე ხელისუფალთ-ერისთავებს მეფე ერთიანი ფეოდალური მონარქიის მიერ შექმნილ სამეფო კარის ცენტრალურ სამოხელეო აპარატს უქვემდებარებდა. ამას დავით აღმაშენებელი, ნ. ბერძენიშვილის სიტყვით, იმით ახერხებდა, რომ „საქვეყნოდ გამრიგე მოხელეებს“ თანდათან „დარბაზით გამოსულ“ მოხელეებად აქცევდა და უპირატესობასაც ამ უკანასკნელთ ანიჭებდა: „ფეოდალური საქართველოს ერთ მონარქიად ქცევის დღიდან, შენიშნავდა ნ. ბერძენიშვილი, ერისთავობას კრიზისი დაუდგა. დავით აღმაშენებლის სახელმწიფო პოლიტიკა ამ მხრივ ყოვლად ნიშანდობლივია. გაძლიერებულმა სამეფისკარო სამოხელეო ინსტიტუტმა ვაზირისამ გასაქრობად შეუტია ძველს (პატრონყმობის ხანის) ინსტიტუტს ერისთავობისას. მეფის კარის მანდატურთუხუცესი, ამირსპასალარი, მეჭურჭლეთუხუცესი, მსახურთუხუცესი და ათაბაგ ამავდ დროს ყველა ერისთავთ-ერისთავია, მაგრამ საკარის-მოხელეო პატივით და არა ერისთავთ-ერისთავობით მათი მოხსენიება

ნიშანდობლივი დამოწმებაა იმ უპირატესობისა, რომელიც ენიჭებოდა ამ დროს სამეფო დარბაზით გამოსულ მოხელეს საქვეყნოდ გამრიგე მოხელესთან შედარებით<sup>121</sup>.

ზემოაღნიშნულ ღონისძიებებს გარდა, ერისთავობის ინსტიტუტის წინააღმდეგ ბრძოლაში მნიშვნელოვანი როლი სწორედ მოსაკარგავეთა ინსტიტუტის შემდგომ გაძლიერებას უნდა შეესრულებინა. ჩვენ, სამწუხაროდ, არა გვაქვს სათანადო მასალა ამ ფრიად საინტერესო მოვლენისათვის თვალყურის მისადევნებლად. განსაკუთრებით დავით აღმაშენებლის დროს და მის მიერ გატარებული ღონისძიებები გვაფიქრებინებს, რომ თვითმპყრობელური სამეფო ხელისუფლება ერისთავთა გადაგვარებული სამოხელეო ინსტიტუტის გაქრობას, ერთი მხრივ, ერისთავთა მოხელე-მოსაკარგავედ გადაქცევითა, ხოლო მეორე მხრივ, ქვეყნების საკარგავებად, განსაგებელ (და არა პირობით სამფლობელო) ერთეულებად გაცემის გზით, ახალ, სამეფო ხელისუფლებაზე მთლიანად დამოკიდებულ, სარგოზე მინდობილ მოხელეთა — მოსაკარგავეთა — ჩამოყალიბებით ფიქრობდა. სამეფო ხელისუფლებას დავით აღმაშენებლის დროს ამ მხრივ გარკვეული წარმატებებისთვისაც უნდა მიეღწია — გაძლიერდნენ „აზნაურნი მოსაკარგავენი“, რომელნიც დაუპირისპირდნენ „მემამულე აზნაურებს“ და ამას გარდა, საერისთავოთა მნიშვნელოვანი ნაწილიც საკარგავებად, სამოხელეო განსაგებლებად, ხოლო თვით ერისთავები „მოხელე-მოსაკარგავებად“ იქცნენ. ჩვენი აზრით, შემთხვევით არ უწოდებდა დავითის დროინდელ ერისთავს ნ. ბერძენიშვილი „მოხელე-მოსაკარგავეს“<sup>122</sup>.

ამას გარდა, საკარგავის ინსტიტუტს, როგორც უმთავრესად ფულად სარგოზე დამოკიდებულ მოხელეობას, მნიშვნელოვანი როლი უნდა შეესრულებინა დავით აღმაშენებლის მიერ გატარებულ სამხედრო რეფორმებშიც. სავარაუდებელია, რომ იმ დროისათვის ჯამაგირსა და სარგოზე უნდა გადაეყვანათ არა მარტო საქვეყნოდ გამრიგე მოხელეების ერთი ნაწილი, არამედ აგრეთვე სამხედრო ხელისუფალნიც. ჩვენი აზრით, სწორედ ამას უნდა გულისხმობდეს დავითის ის ღონისძიება, რომელსაც ასე საგანგებოდ ხაზს უსვამს ვახუშტი ბატონიშვილი. მისი სიტყვით, გამუდმებული ბრძოლა — ლაშქრობებით მოპოვებული დიდძალი „საჭურჭლე“ (ალაფი, ნადავლი), ფეოდალურ ქვეყანაში ლაშქრის გასტუმრების

<sup>121</sup> ნ. ბერძენიშვილი, საქართველოს ისტორიის საკითხები, I, 1964, გვ. 233—234.

<sup>122</sup> იქვე, გვ. 42.

ერთ-ერთი წყარო, რომელიც ძირითადად მოლაშქრეთა შორის ნაწილდებოდა, ვახუშტის სიტყვით, დავით აღმაშენებლის დროს, „არღარა განიყოფოდა...სპათა ზედა“; ის, როგორც ჩანს, მთლიანად სამეფო ხაზინაში მიდიოდა. სამაგიეროდ, ვახუშტისავე სიტყვით, მოლაშქრეთა „პატივი სხვა იყო“<sup>123</sup>. რა უნდა ყოფილიყო, ალათიდან აღებული ნაწილის სამაგიეროდ გაცემული გასამრჩელო, თუ არა ფულადი სარგო, რომელსაც ამიერიდან მოლაშქრენი უშუალოდ სამეფო ხაზინიდან მიიღებდნენ.

აქვე უნდა შევნიშნოთ, რომ XI—XIII სს. სამეფო მოხელეთა ერთი ნაწილის (საქვეყნოდ გამრიგენი, სამხედრო ხელისუფალნი) ფულად გასამრჩელოზე (სარგო, ჯამაგირი) გადაყვანის ეს მნიშვნელოვანი ცდები კიდევ ერთი იმ სიახლის მაუწყებელია, რითაც საერთოდ აღინიშნება ეს საუკუნეები ფეოდალური საქართველოს ისტორიაში.

„საკარგავი“, როგორც სამოხელეო განსაგებელი, არსებითად განსხვავდებოდა მოხელეობისა და მფლობელობის ისეთი ფორმებისაგან, როგორიც იყო „სამთავრო-საერისთავო“, „საპატიო სამფლობელო“, „სახარაჯო“ და სხვ. მოსაკარგავეობის გაძლიერება-გაფართოება, ცხადია, სამეფო ზღვისუფლების ეკონომიკური, პოლიტიკური ძლიერების ერთ-ერთი მნიშვნელოვანი წყარო იყო. ამიტომაც სამეფო ხელისუფლება ცდილობდა საკარგავები მიეცა არა მარტო წვრილ აზნაურ-მსახურთათვის, არამედ მოსაკარგავეებად ექცია ერისთავებიც, „მემამულე აზნაურებიც“. შეიძლება ამის ანარქული იყოს, როგორც ეს სამეცნიერო ლიტერატურაშიც შენიშნულია, ჯერ სარიდანის, ხოლო შემდეგ ტარიელის მოსაკარგავეობა ფარსადან მეფის წინაშე.

მაგრამ „მემამულე აზნაურთა“ მოსაკარგავეობა, ფეოდალური მონარქიის ძლიერების ხანაში საკარგავების სისტემის გადაგვარების მათუწყებელი კი არ არის, პირიქით, მეტად მნიშვნელოვანი ღონისძიებაა „მემამულე აზნაურთა“, ერისთავთა მოსაკარგავეებად — სამეფო ხელისუფლების მიერ განწესებულ სარგოზე დამოკიდებულ მოხელეებად გადაქცევის თვალსაზრისით. მაგრამ, ცხადია, სამეფო ხელისუფლებამ, თვით დავით IV-სა და გიორგი III-ს დროსაც, როცა ყველაზე უფრო იგრძნობა თვითმპყრობელური სამეფო

---

<sup>123</sup> ვ ა ხ უ შ ტ ი, აღწერა სამეფოსა საქართველოსა, 1941, გვ. 14; შდრ. შ. მ ე ს ხ ი ა, საქართველო რუსთაველის ეპოქაში, თსუ საიუბილეო კრებული, გვ. 16.

ხელისუფლების საშინაო შემტევი გეზი, ვერ შესძლო ერისთავობის უძველეს ინსტიტუტზე გამარჯვება. მართალია, სამეფო ხელისუფლებამ საკარგავებისა და მოსაკარგავეობის ინსტიტუტის გავრცელებით მოამრავლა არა მიწისმფლობელთა, არამედ ჯამაგირსა და სარგოზე გადაყვანილ, ე. ი. სამეფო ხელისუფლებაზე უშუალოდ დამოკიდებულ მოხელეთა რიცხვი, მაგრამ ერისთავთა ინსტიტუტი მიანც ძირითადად ხელუხლებელი დარჩა.

ეს ახალი სამოხელეო ინსტიტუტი, ცხადია, მნიშვნელოვნად უწყობდა ხელს ფეოდალური მონარქიის გაძლიერებას, ემსახურებოდა მისი განმტკიცების საქმეს, მაგრამ არა როგორც ფეოდალური, პირობითი მიწისფლობელობის ფორმა, არამედ როგორც პიროვნული მოხელობა, რომელიც მთლიანად იყო დამოკიდებული სამეფო ხელისუფლების სიძლიერეზე. სწორედ ამიტომ სამეფო ხელისუფლების დასუსტებასთან ერთად თავის მნიშვნელობას კარგავდა ეს სამოხელეო ინსტიტუტიც.

შეიძლება დაბეჯითებით ითქვას, რომ დიდაზნაურთა, „მემამულე აზნაურთა“ გამარჯვებამ, განსაკუთრებით თამარის დროიდან, მოსაკარგავეობის ინსტიტუტს შემდგომი გაძლიერების შესაძლებლობა მოუსპო; კიდევ მეტი, იგი თანდათან დაქვეითების, დაცემის გზაზე დააყენა. ამას თან დაერთო მოსაკარგავეობის როგორც პიროვნული მოხელობის, გადაგვარების ნიშნებიც (საკარგავებისა და მოსაკარგავეობის მამიდან შვილზე მემკვიდრეობით გადაცემა საკარგავების გაყიდვის შესაძლებლობანი და სხვ.); XIII ს. მეორე ნახევრიდან კი, როცა თანდათან ეცემა მეფის თვითმპყრობელური ხელისუფლება, ერისთავობა-მოსაკარგავეობას შორის გამართულ ბრძოლაში გამარჯვების სასწორიც საბოლოოდ ისევ ერისთავობისაკენ გადაიხარა. სულ მალე (XVI ს. დამდეგიდან) კიდევ საერთოდ გაქრა საკარგავი და მოსაკარგავეობა და ისედაც დაუძლურებულ სამეფო ხელისუფლებას ერთ-ერთი მნიშვნელოვანი დასაყრდენიც გამოეცალა.

კლასობრივი ბრძოლა ფეოდალურ ქალაქებში, ისე როგორც საერთოდ ფეოდალურ საქართველოში; დღემდე სრულად შესწავლილი არ არის. ფეოდალური ხანის ქართული ისტორიოგრაფია კლასთა ბრძოლის საკითხებს დუმლით უვლიდა გვერდს. XIX ს. თავადაზნაურულ-ბურჟუაზიული ქართული ისტორიოგრაფია კლასთა ბრძოლის ისტორიის საკითხებს არც კი შეხებია; პირიქით, იმდროინდელი ქართული ისტორიოგრაფიის ზოგიერთი წარმომადგენელი (აღ. ზახანაშვილი, თ. ქორდანი და სხვ.) ცდილობდა დაემტკიცებინა, რომ საქართველოში ბატონყმობა არასოდეს არ განვითარებულა ისეთ საფეხურამდე, როგორც ეს სხვა ფეოდალურ ქვეყნებში მოხდა, რომ ბატონისა და ყმის ურთიერთობა საქართველოში დაჩაგრულისა და გაბატონებულის, ექსპლოატირებულისა და ექსპლოატატორის ურთიერთობა კი არ იყო, არამედ „მამისა და შვილის“, პატრონის, მფარველის, მზრუნველისა და მისდამი მინდობილი პირის აუცილებელი, ურთიერთპატივისცემაზე დამყარებული დამოკიდებულება. ცხადია, ასეთ საზოგადოებაში, სადაც დაპირისპირებული კლასები არ არსებობენ, თავადაზნაურული ისტორიოგრაფიის წარმომადგენლების მიხედვით, კლასობრივი ბრძოლის არსებობაც გამორიცხული იყო.

კლასთა ბრძოლის ისტორია ფეოდალურ საქართველოში არც ბურჟუაზიული ისტორიოგრაფიის წარმომადგენლებს უკვლევიათ. მათი ყურადღება ამ თვალსაზრისით მხოლოდ XIX ს. გლეხთა აჯანყებაზე იყო მიქცეული.

ფეოდალური საქართველოს ისტორიის ასეთ ყალბ გაგებას ბოლო მოუღეს ქართული მარქსისტული ისტორიოგრაფიის. ფუძემდებლების — ი. სტალინის, ა. წულუკიძისა და სხვების შრომებმა. ქართველმა მარქსისტებმა ნათლად უჩვენეს, რომ ისე როგორც ყოველი კლასობრივი საზოგადოების, ასევე ფეოდალური და ბურჟუაზიული საქართველოს ისტორია არის „კლასთა ბრძოლის

ისტორია“. ალ. წულუკიძე, 1899 წ. წერდა: „ჩვენ თვითონ გვწამს და გვჯერა ის შეურყეველი ქეშმარიტება, რომ ყველა ერთა და საზოგადოებათა ისტორია (რასაკვირველია, არა პირვანდელი ხანის) სხვადასხვა ფორმის კლასთა ბრძოლის ისტორიას წარმოადგენს და ამ საზოგადო კანონისათვის ვერც ჩვენ დაგვიღწევია თავი“<sup>1</sup>.

მნიშვნელოვანი გარდატეხა ამ მხრივ მხოლოდ ქართულ საბჭოთა ისტორიოგრაფიაში ხდება. ივ. ჯავახიშვილმა, ს. ჯანაშიამ, ნ. ბერძენიშვილმა და სხვებმა, თავიანთ შრომებში სათანადო მასალების ანალიზის საფუძველზე, ფეოდალურ საქართველოში კლასობრივი ბრძოლის ცალკეული მომენტები აკვისახეს. მაგრამ მონოგრაფიულად ეს საკითხი ქართულ ისტორიულ მეცნიერებაში დღემდე შეუსწავლელი რჩება. მონოგრაფია, რომელიც საგანგებოდ სოციალური მოძრაობის ისტორიას შეეხება, ივ. ჯავახიშვილს ეკუთვნის. მის ნაშრომში — „სოციალური ბრძოლის ისტორია საქართველოში IX—XIII საუკუნეებში“ (თბ., 1934 წ.), ერთ-ერთი თავი სპეციალურად მიეძღვნა სოციალურ ბრძოლას XIII ს. ფეოდალურ ქალაქში ეპიფანე კათალიკოსის 1218 წ. წარწერის მიხედვით<sup>2</sup>.

საკითხი კლასობრივი ბრძოლის შესახებ XVII—XVIII სს. საქართველოს ქალაქებში ქართულ ისტორიოგრაფიაში დღემდე საუბრებით შეუსწავლელია<sup>3</sup>. კლასთა ბრძოლა კი ფეოდალური წყობილებისათვის ძირითადი დამახასიათებელი ნიშანია.



ბატონყმური ურთიერთობის გამწვავება და სასაქონლო წარმოების განვითარება XVII—XVIII სს. საქართველოს ქალაქებში იწვევდა ქალაქების მოსახლეობის დაბალი ფენების ექსპლოატაციის ზრდას. ეს კი თავის მხრივ აღრმავებდა იმ წინააღმდეგობას, რომელიც არსებობდა მწარმოებელსა და გაბატონებულ ფენებს შორის. კლასობრივი ბრძოლა ფეოდალურ საქართველოს ქალაქებში უმთავრესად ორი ძირითადი მიმართულებით წარმოებდა: ა) ფეოდალ-ექსპლოატატორ-

<sup>1</sup> ალ. წულუკიძე, თხზულებათა კრებული, თბ., 1927, გვ. 73.

<sup>2</sup> ივ. ჯავახიშვილი, დასახ. ნაშრომი, გვ. 9—21.

<sup>3</sup> სოციალურ ბრძოლას XVII—XVIII სს. ქალაქებში გაკვირვებით შეეხო ს. კაკაბაძე თავის წერილში «Крестьянский вопрос и крестьянские движения в восточной Грузии в XVIII в.» (см. сб.: «История классовой борьбы в Закавказье», Тиф., 1930).

რების წინააღმდეგ, ანტიფეოდალური ბრძოლა და ბ) ბრძოლა თვით ქალაქის მოსახლეობას შორის—ერთი მხრივ ქალაქის ყმა ხელოსანთა და ვაჭართა და მეორე მხრივ მოსახლეობის პრივილეგიურ, მსხვილ ვაჭართა და მევახშეთა, ფენებს შორის.

ანტიფეოდალური ბრძოლა XVII—XVIII სს. ქალაქებში უმთავრესად ცალკეულ მებატონეთა თუ ფეოდალური ხელისუფლების ცალკეულ წარმომადგენელთა ძალმომრეობის წინააღმდეგ ბრძოლის სახეს ატარებდა. ამ ბრძოლის ინიციატორები უმთავრესად ქალაქების ყმა ვაჭრები და ხელოსნები იყვნენ. ამათ გარდა, ფეოდალური არისტოკრატის წინააღმდეგ, უფლებათა გაფართოებისათვის, ბრძოლას აწარმოებდნენ ქალაქის მოსახლეობის ზედა, პრივილეგიური ფენის წარმომადგენლებიც.

პირველ რიგში ჩვენ ანტიფეოდალური ბრძოლის ფორმებს შევეხებით. XVII—XVIII სს. ქალაქებში მწარმოებელი ფენის ექსპლოატაცია მებატონეთა მიერ, „ყრმობის პირობის წიგნებით“ თუ სხვა ფეოდალური დებულებებით, განსაზღვრულ ნორმებს ჩვეულებრივ სცილდებოდა და ყმა ხელოსნის თუ ვაჭრის მფლობელი მებატონე მისგან ხშირად ახალ სხვადასხვა სამსახურს, ან კიდევ უფასო შრომას ითვისებდა.

როგორც თვით ქ. გორის ვაჭრებისა და ხელოსნების მიერ ერეკლე II-სადმი მირთმეული არზიდან ჩანს, გორის მოურავი იასე ამილახვარი გორელი ხელოსნებისაგან ხშირად მოითხოვდა მუქთად (უხელფასოდ) „ბამბის დაროვას“, მოქსოვას („უღიქრების ნართის შეყრა და მუქთათ მოქსოვა“) და ქსოვილების „მუქთათ შეღებვას“<sup>4</sup>. მებატონეთათვის უკანონოდ, „მუქთად სამსახური“ უარყოფითად მოქმედებდა სასაქონლო წარმოების განვითარებაზე და ამას გარდა, წვრილ მწარმოებელ ხელოსანს გაღატაკებას უქადდა. ამ თვალსაზრისით განსაკუთრებულ ინტერესს იწვევს თიხის ჭურჭლის მკეთებელი თბილისელი ხელოსნის 1789 წ. არზა თავისი ბატონისადმი. ხელოსანი გოგია დედოფალ დარეჯანს მოახსენებდა: „ათის წლისა ჩინური მოგრთმევიათ ოცდათორმეტი თუმნისა და ერთი ფული არ მომცემია; ვაკეთებ და თქვენსა და თქვენი შვილების ქარხანაში მოტანას ანგარიში არა აქვს. ვალს

<sup>4</sup> ს. ჯანაშიას სახელობის საქართველოს სახელმწიფო მუზეუმი (ქვემოთ სსმ); შდრ. შ. მ. ე. ს. ხ. ი. ა., მასალები კლასობრივი ბრძოლის ისტორიისათვის მე-18 საუკუნე. ქალაქებში — მასალები საქ. ლ. ა. კავ. ისტორიისათვის, ნაკვ. 32, 1955, გვ. 219.

ვიღებ, წამალს ვყიდულობ და წამლის ფასიც არ მეძლევა. სამოცო თუმანი ვალი დამედო, მე ერთი ფული არ მომცემია. ეხლაც თქვენმა შვილმა სამის თუმნისა წაიღო (ჭურჭელი), თქვენი შვილები ცალ-ცალკე მართმევენ...ნუ დამკარგავ, შემადლებინე, თქვენი სამ-სახურიცა და ვალის პასუხის მიცემაცა და თუ თქვენგან შებრალება არ მეღირსა, დაკარგვის მეტი ილაჯი არა მაქვსო<sup>5</sup>.

როგორც ვხედავთ, მებატონეთა მიერ უკანონო, უხელფასო სამსახურით უკიდურეს მდგომარეობამდე მძევანილი ხელოსანი იძულებულია თავისი შრომის ანაზღაურება ითხოვოს, თუ არა და „დაკარგვის მეტი“ სხვა გზა აღარ დარჩენია.

მებატონე არა მარტო თავისი ყმის უფასო შრომას ითვისებდა, არამედ ზოგჯერ მას მის მიერ გამართულ სარეწავებსაც, სხვადასხვაგვარ სამაგიერო წყალობათა დაპირებით, ზოგჯერ საეხებით უფასოდ, ზოგჯერ კიდევ „ცოტას ფასით“ ართმევდა და თავისთვის იჭერდა. საინტერესოა, რომ მოქალაქე ვაჭრის ისარა თაყუაშვილის მიერ მეფის ბრძანებითა და თანხმობით თბილისში გამართული „გვარჯილისა და თოფის წამლის ქარხანა“ მეფემ, მამულის ბოძების შეპირებით, „თხოვებით ჩამოართვა“ და „სამეფო თოფხანისა და ციხეებისათვის“ თავისთვის დაიჭირა<sup>6</sup>. ამგვარადვე, სხვადასხვა საჭიროებისათვის, „ურუმობის (ოსმალთა ბატონობის) დროს“ თბილისში „ცოტას ფასით და უსამართლოთ“ გამოურთმევიათ სახლკარი და ადგილები „ნამსახურ მოქალაქე“ ბაღდასარაშვილ შაქრუასათვის<sup>7</sup>.

სასაქონლო მეურნეობის განვითარება თანდათან ზრდიდა მებატონეთა მოთხოვნილებებს განსაკუთრებით ფულისადმი და როცა ვაჭართა თუ ხელოსანთა მიერ გაღებული ფულადი გადასახადები საკმარისი არ ჩანდა, გაზრდილ მოთხოვნილებათა დასაკმაყოფილებლად მებატონე თავის ყმა ხელოსანთაგან თუ ვაჭართაგან სხვადასხვა გზით გამოძალვას მიმართავდა. ამ მხრივ ჩვენს ყურადღებას იქცევს ფეოდალურ საქართველოში გავრცელებული ე. წ. სესხი, რომელიც ზოგ შემთხვევაში „ძალით სესხების“ სახეს ატარებდა. მებატონეები ზოგჯერ მუქარით აიძულებდნენ თავიანთ ყმებს, ვაჭრებს, რომ მათთვის სესხად ფული მიეცათ. მაგ., გიორ-

<sup>5</sup> ნ. ბერძენიშვილი, მასალები საქ. ეკონომიური ისტორიისათვის; III, 1955, გვ. 83.

<sup>6</sup> საქართველოს ცენტრალური საისტორიო არქივი (ქვემოთ — სცსა), ფ. 229, დავთ. 18, საბ. 15.

<sup>7</sup> იქვე, დავთ. II, საბ. 157.



გი. XII, ჯერ კიდევ უფლისწულობის დროს, 1790 წ. ქალაქში მოსახლე თავის ყმას წერდა: 20 თუმანი „რომ არ გვასესხო არას გზით არ იქნება, ვერც უარს გვეტყვი, სესხად გთხოვთო“. ამას გარდა, უფლისწული სხვათა შორის ხაზს უსვამდა, „ასე არ გეგონოს, რომ ისე გვინდოდეს, სესხად აგვილია შენგან ეს 20 თუმანი თეთრი... თუ ეს შეიტყო ვინმე, ჩვენს მეტმა, შენს მეტმა და ფეტვისშვილის მეტმა, ასე უნდა იცოდე, რომ ჩვენი მოსისხლე იქნებო... ნუ შეწუხდები, რომ ესლა ფული გამოგართვი, ის ჩემი ვალი არის ასე იქნება, ხომ იცი რომ ბატონს დასჭირდება ყმამ უნდა მისცეს, ყმას დასჭირდება — ბატონმა უნდა უბოძოს... სხვისიც მართებს ქალაქში, ასე ვთქოთ შენიც გვემართოს, მაგაზე წყრომა იქნებაო“?<sup>8</sup> როგორც მოტანილი საბუთიდან ჩანს, გამსესხებელი 20 თუმნის ასეთ ძალად გასესხებისა გამო „წერდა, წყრებოდა“, მას ამ წუხილის საღმე გაცხადების უფლებაც არ ჰქონდა. ამგვარ შემთხვევაში ის მომავალ მეფეს მტრად გაიხდიდა. მოძალე მსესხებლის, უფლისწულის სიტყვიერ დაპირებაში გამსესხებელს სამართლიანად ეჭვი ეპარებოდა. მან კარგად იცოდა, რომ, „როცა ბატონს დასჭირდება, ყმამ უნდა მისცეს“, მაგრამ პირიქით, — „ყმას დასჭირდება ბატონმა უნდა უბოძოსო“ — არასოდეს მოხდებოდა. ამავ დოკუმენტიდან ჩანს, რომ გიორგი ბატონიშვილს მსგავსი მოვალეები ქალაქში სხვაც ჰყოლია. მოძალე მეზატონე ვაჭრისაგან ფულის გარდა, ზოგჯერ სესხად, სათანადო ხელწერილით საქონელსაც იღებდა. 1795 წ., გიორგი ბატონიშვილს თბილისელი ვაჭრისაგან 1097 მან. და 50 კაპ. სხვადასხვა სახის აბრეშუმის საქონელი წაუღია და სათანადო ხელწერილიც მიუცია. მაგრამ აღებულ ვალი გიორგის გამეფების შემდეგაც არ გადაუხდია და დაზარალებული ვაჭარი 1802 წ. რუსეთის ხელისუფლების წარმომადგენელთაგან მოითხოვდა უკვე გარდაცვლილი მეფის ვალის დაფარვას<sup>9</sup>. მსგავსი მავალითების მოტანა კიდევ შეიძლებოდა, მაგრამ ესეც საკმარისია იმის საჩვენებლად, თუ როგორ იყო გამოყენებული „ძალით სესხება“ ძლიერი მეზატონეების მიერ ქალაქის მოსახლეობის გასაძარცვავად.

ქალაქის მოსახლეობას, მის მწარმოებელ ფენას, მძიმე ტვირთად აწვა აგრეთვე ქალაქის ფეოდალური აპარატი. ქალაქის მმართველობა მეფეთა მიერ დანიშნულ პირებს ეპყრათ, რომელთა გა-

<sup>8</sup> იქვე, ფ. 229, დავთ. 11, საბ. 49—50.

<sup>9</sup> იქვე, ფ. 2, მ. 19, ფ. 10.

სამრჯელო თვით ქალაქს უნდა გაედო. ქალაქის მოურავებს, მელიქ-მამასახლისებს, ნაცვლებს და სხვა, როგორც ეს ჩვენ მიერ აღრე საგანგებოდ იქნა შესწავლილი<sup>10</sup>, სამეფო ხელისუფლებისაგან ჯამაგირი კი არ ეძლეოდათ, არამედ ქალაქების სხვადასხვა სახის შემოსავლიდან განსაზღვრული ნაწილი, ასე რომ, ქალაქი ფაქტიურად თვით კვებავდა ფეოდალურ აპარატს. ქალაქის მოხელეთა ვასტუმრების ამგვარი სისტემა ფართო ასპარეზს აძლევდა მეფის მოხელეებს თვითნებობისა და მოსახლეობის განუკითხავი ექსპლოატაციისათვის. რაც უფრო მეტი იყო ქალაქიდან ესა თუ ის შემოსავალი (გამოსაღებები, ჯარიმა, ბაჟები), მით უფრო მეტი იყო ქალაქის ამა თუ იმ მოხელის სარგოც, გასამრჯელოც.<sup>11</sup> ამიტომაც, ბუნებრივია, თუკი ქალაქის შემოსავალზე მინდობილი მოხელეები ყოველნაირად ცდილობდნენ უნაკლოდ და დაუნდობლად აეკრიბათ ქალაქის მოსახლეობისაგან მათზე გაწერილი სხვადასხვა სახის გამოსაღებები; მაგრამ ისინი ამითაც არ კმაყოფილდებოდნენ და, თავიანთი შემოსავლის გაზრდის მიზნით, ხელოვნურად უქმნიდნენ ქალაქის მოსახლეობას ისეთ პირობებს, რომ მათ მეტი ჯარიმა, მეტი ბაჟი და სხვა გადაეხადათ. ზოგჯერ კიდევ ქალაქის მოხელეები საკუთარ გასამრჯელოდ ამკარად მოითხოვდნენ მოსახლეობისაგან გაცილებით მეტს, ვიდრე ეს ამა თუ იმ ღებულებით იყო დაწესებულნი. ასე რომ, მეფეთა მიერ ქალაქებზე გამოსაკვებად მიჩენილი პირები, ქალაქის მოურავით სათავეში, ფეოდალურ ქალაქებს უყურებდნენ, როგორც საკუთარი გამდიდრების წყაროს, ქალაქის მოსახლეობას კი, როგორც ძარცვის ობიექტს.

ჩვენ არაერთი საბუთი მოგვეპოვება, რომელიც ქალაქის მოხელეთა ძალმომრეობაზე, მათ მიერ უკანონოდ წართმეულ ჯარიმებზე თუ გამოსაღებებზე მოგვითხრობს. მაგ., 1784 წ. ცხინვალელები ერეკლე II-ს მოახსენებდნენ: ჩვენ ჩვენი შეძლებით თქვენ პირნათლად გემსახურებით, მაგრამ მოხელეები „უმეტესად უსამართლობას გვიშვრებიან“ და ზედმეტსაც გვახდევინებენ<sup>11</sup>. ცხინვალის მოხელეების, კერძოდ, ცხინვალის მამასახლისის არაკანონიერ მოქმედებაზე ჩიოდა აგრეთვე ცხინვალელი ვაჭარი გიორგი ბა-

<sup>10</sup> იხ. შ. მ. მ. ს. ხ. ი. ა., მასალები ქართლ-კახეთის სამოხელეო წყობის ისტორიისათვის, „მასალები საქართველოსა და კავკასიის ისტორიისათვის“, ნაკვ. 26, გვ. 019—024.

<sup>11</sup> სცა, ფ. 229, დავთ. 14, ს. ბ. 110.

ტონიშვილის წინაშე 1778 წ.: „მამასახლისისაგან ილაჯი აღარა მაქვს... ოქმი მიწყალობეთ, რომ მამასახლისი დამეხსნასო“<sup>12</sup>. ასევე, თბილისის მოხელეებს შეუფიქრობიათ, როგორც 1794 წ. ბრძანებიდან ჩანს, გიორგი ბატონიშვილის ყმა ხელოსანი, მესანთლე ზაზა; ბატონიშვილი იძულებული გამხდარა ქალაქის მოხელეებისათვის ებრძანებინა: „რა დაგემართათ, მაგ მამაძაღლებსა (ქალაქის გამოსაღებთა მკრებლებს, შ. მ.) უთხარი, რომ ხელი აიღონ და დაეხსნან“ ამ ჩემ ყმასაო<sup>13</sup>.

ქალაქის მოხელეების თვითნებური მოქმედება, როგორც ჩანს, იქამდე მიდიოდა, რომ მეფე ხშირად იძულებული ხდებოდა გაეფრთხილებინა ისინი, ქალაქის მოსახლეობას „ძალას ნუ დამართებთ“, ძლივს მოგვიგროვებია და ისევ არ გააქციოთო. ერეკლე II-მ 1768 წ. სიგელით თელავის მოურავს უფლება, მოვალეობა და სარგო განუსაზღვრა, მაგრამ რაკი მეფეთა მიერ დაწესებულ ამგვარ დებულებებს მოხელეები ადგილებზე ჩვეულებრივ არღვევდნენ, მეფემ საჭიროდ დაინახა იქვე, ბოლოს მიეწერა: „ასე გაგვირიგებია და გარდაგვიწყვეტია, მაგრამ თელავში ესენი ახალნი მოყვანილნი არიან და აქეთ-იქიდან მოგროვებულნი, ამათ ძალა არ დაუმართოსთ რა, შელავათით მოექცნენ...თვარემ ჩვენი საწყენი იქნებაო“<sup>14</sup>.

XVII—XVIII სს. ქალაქის მოსახლეობის დაუნდობელი ძარცვით განსაკუთრებით თავი გამოუჩენიათ გორის მოურავებს, ქართლის ერთ-ერთ უძლიერეს თავადებს, ამილახვარებს. ჭერ კიდევ ერეკლე I-ის ქართლში მეფობის დროს (1688—1703), რაკი გორის მოურავი ქალაქს ისე ექცეოდა როგორც პირად საკუთრებას და მოსახლეობას უკანონო გამოსაღებებით აწუხებდა, სამეფო ხელისუფლებას ხელახლა განუსაზღვრავს გორის მოურავის უფლება-მოვალეობა და სარგო<sup>15</sup>. მაგრამ ქალაქის ძარცვას შეჩვეულ მოურავებს მეფის მიერ განწესებული ისევ დაურღვევიათ და XVIII ს. 90-იან წლებში ქალაქის მოსახლეობის ძარცვისათვის ძველებურად ხელი მიუყვიათ. გორის მოურავის იასე ამილახვარის ძალმომრეობის შესახებ შესანიშნავ მასალას გვაძლევს XVIII ს. 90-იანი წლების ერთი დაუთარილებელი დოკუმენტი. დოკუმენტის

<sup>12</sup> სტა, ფ. 229. დავთ. 13, საბ. 143.

<sup>13</sup> იქვე, დავთ. 32, საბ. 4.

<sup>14</sup> იქვე, დავთ. 34, საბ. 14.

<sup>15</sup> იქვე, ფ. 227, № 758.

მიხედვით, გორის მოუტრავს იასეს ქალაქში მანამდე არარსებულ გამოსაღებები დაუწესებია, ზოგი ხელოვნურად გაუზრდია. მაგ., თუკი გასამყრელი გორის მოსახლეობაზე ხუთი მინალთუნი იყო, დოკუმენტის მიხედვით: „მან ჯერ 12 მინალთუნი გახადა, ახლა თორმეტ თუმნათა გახადა“; ამას გარდა, ყოველ კომლს თითო ურემი შეემა ბეგარად დაადვა, რომელსაც მოუტრავი გორელებს თურმე იასაულის შემწეობით ძალით აზიდვინებდა. გორის მოუტრავს, თავისი შემოსავალი რომ გაეზარდა, სხვადასხვაგვარი შარის მოღებით, მოქალაქეებს უსამართლოდ აჯარიმებდა, სამ, ზოგჯერ ხუთ თუმანს ართმევდა. ამითაც არ დაკმაყოფილებულა და ქალაქის საგადასახადო დავთარი, რომელიც ქალაქის მიერ სახელმწიფო გადასახადების გამწერად ამორჩეულ პირებს უნდა ჰქონოდათ, გორის მოუტრავს მათთვის წაურთმევიანა, რომ ქრთამის მომტანისათვის გადასახადი შეემციკრებინა, ხოლო მტრებისათვის მოემატებინა. მოუტრავი ითვისებდა ქალაქის მოსახლეობის უფასო შრომასაც: ქალაქის ხელოსნებს უფასოდ „ართვინებდა“ ბამბას, ფეიქრებს უფასოდ აქსოვინებდა და მღებრებს კიდევ შეაღებინებდა. ქალაქის მოსახლეობას მისთვის აგრეთვე უფასოდ უნდა ეთიბა თივა და მოთიბული თავიანთი ურემებით მიეტანა; ქალაქის მოსახლეობას კალოებზე უკანონოდ ბზეს ართმევდა, მათ ცხენებს სტაცებდა და იმდენ ხანს ჰყავდა (ხედნიდა), რომ ზოგჯერ მოუტრავისა და მისი დამქაშების ხელში გორელების ცხენები „კვიცებს იგებდნენ“. ასევე, მოუტრავისაგან მოსვენება არ ჰქონდა ქალაქის მეურმეებს. თავისი სასარგებლო გამოსაღები დაუწესებია მოუტრავს აგრეთვე ქალაქის მოსახლეობის ვენახზე, ბაღებზე; ბოსტანზე, ისე რომ, არც ვენახი, არც ბაღი და არც ჭირნახული, საბუთის მიხედვით, გორელებისა აღარ იყო და ფაქტიურად მოუტრავს ეკუთვნოდა. მოუტრავის თვითნებობა იქამდე მისულა, რომ მას ქალაქის მოედანიც კი, სადაც ვაჭრებსა და ხელოსნებს თავიანთი საქონელი გაჰქონდათ, მოუხნავს და თავისთვის ბოსტანად დაუჭერია. ამიტომაც აცხადებენ გორელები: „ჩვენი საქონელი მეიდანზე ვეღარ გადისო“. ასეთი მრავალგვარი უსამართლო გამოსაღებებიც აღარ აკმაყოფილებდა მდადახსნილ მოუტრავს და, გორელების განცხადებით, მათ „ყოველ ჭირსა და ლხინზე ძღვენის“ მირთმევეც დააკისრა. გორელებს აწუხებდათ განსაკუთრებით ის, რომ მოძალადე მოუტრავი თვით გორში იჯდა. მათი სიტყვით, არც ერთი „მოუტრავი აქამდე გორში არ მჯდარა“, ეს კი „თავს დაგვჯდომია“, მთელი ეს უბედურება, ანუ, როგორც საბუთშია ნათქვამი, „ჭირი“ მოუტრავის

„აქ (გორში — შ. მ.) დგომით დაგვემართაო“, ხოლო „როდესაც ჭალას მდგარა ამილახვარი, ამდენს მოსახსენებელში არც ერთი არ გვეკირვებიაო“. როგორც ჩანს, მეფის მიერ ქალაქის დამცველად დანიშნული მოხელის მუდმივად ქალაქში დგომა, მოსახლეობისათვის უბედურების, ახალ-ახალი უკანონო სათხოვრების და ბეგარის მომტანი იყო. გორის მოსახლეობის ძარცვაში, როგორც იმავე საბუთიდან ჩანს, მოურავს თანამზრახველებიც ჰყავდა, კერძოდ, გორის მამასახლისი და მოურავის „ბიჭები“; საბუთის მიხედვით ქალაქის ასე უკანონო ძარცვაში „მამასახლისი შეჰყურია მოურავს ამხანაქათ“, „მოურავი თავს დაგვეჯდომია, მამასახლისი კი ბოლოსო“, ხოლო მოურავის სხვა ხელქვეითი — „ბიჭები“ კიდევ „ღუქნებს ამტკრევენ“, იქ მოსაქმე კაცს „ჩაცეებენ ტყუილად და ჯარიმისთვინ თავს ასყიდვიანებენო“. ერთი სიტყვით, მოურავმა, მამასახლისმა და მათმა თანამშემწეებმა გორში ხალხი ისე ააწიოკეს, რომ „მაგათი შიშით მაზრაში ასნაფებიც (ხელოსანთა და ვაჭართა ამქრები, შ. მ.) ველარ დამდგარან“<sup>18</sup>. მსგავსი მაგალითები ქალაქის მოხელეების თვითნებობისა, მათდამი დაქვემდებარებული მოსახლეობის მიმართ, არაერთი იყო გვიანფეოდალური საქართველოს სხვა ქალაქებში. კლასობრივ ბრძოლას ქალაქის ძირითად მოსახლეობასა და ფეოდალური არისტოკრატის წარმომადგენლებს შორის ამწვაებდა აგრეთვე ქალაქის გავლენიანი მოხელეებას ჩარევა საქალაქო ვაჭრობაში; ისინი რაეიანთ სასარგებლოდ იყენებდნენ ყველა იმ უფლებას და გავლენას, რაც მათ სამეფო ხელისუფლებისაგან ჰქონდათ მინიჭებული. ქალაქის ფეოდალური არისტოკრატია კი, ფეოდალური ქალაქის ეკონომიკურ ცხოვრებაში, სხვადასხვა გზითა და ხერხებით, აქტიურად მონაწილეობდა.

ყველაფერი ეს, — ქალაქის მოსახლეობის მძიმე სახელმწიფო და კერძო საბატონო ვალდებულებანი, ცალკეულ მებატონეთა მიერ ისედაც მძიმე საბატონყმო ნორმების დარღვევა და ყმა ხელოსანთა და ვაჭართა ორმაგი ექსპლოატაცია, სამეფო მოხელეთა მიერ ქალაქის მოსახლეობის დაუნდობელი ძარცვა, ფეოდალური არისტოკრატის წარმომადგენელთა პრივილეგიური მდგომარეობა ქალაქის ვაჭრობაში და საერთოდ საქალაქო ცხოვრებაში — იწვევდა ქალაქის ძირითადი მოსახლეობის ყველა ფენის ანტი-ფეოდალურ გამოსვლებს.

ქალაქის მოსახლეობის ექსპლოატირებული ფენების გამო-

<sup>18</sup> საქართველოს სახელმწიფო მუზეუმი (ქვემოთ სსმ), ფ. 7120.

სვლები, პროტესტები ცალკეულ მებატონეთა, მეფის მოხელეთა, თუ თვით მეფის წინააღმდეგ სხვადასხვაგვარი იყო.

პროტესტების ერთ-ერთ, შედარებით „მორიდებულ“ ფორმას საჩივრები წარმოადგენდა, რომლითაც ფეოდალური არისტოკრატის წარმომადგენელთა თუ საქალაქო მოხელეების მოქმედების შესახებ ყმა თავის ძლიერ ბატონს (უფლისწული, დედოფალი) ან კიდევ თვით მეფეს აცნობებდა. ანტიფეოდალური პროტესტების ასეთი ფორმა შედარებით გავრცელებული იყო XVII—XVIII სს. საქართველოს ქალაქებში. ზემოთ მოტანილი საბუთებიდან ჩანს, რომ თბილისელი თუ ცხინვალელი ხელოსანი და ვაჭარი თხოვნით მიმართავენ თავიანთ ბატონს გიორგი ბატონიშვილს, რათა ისინი დაიხსნას ქალაქის მოხელეების მძლავრობისაგან. ასევე ქალაქის ხელისუფალთა უსამართლობის შესახებ ჩიოდნენ ცხინვალელები თვით მეფის წინაშე და სხვ.

დამახასიათებელია, რომ XVIII ს. მეორე ნახევარი, ერთი ფეოდალის განცხადებით, „ასეთი დრო იყო, ერთი აბაზის საჩივარზედ ქართველ ბატონს (მეფეს, შ. მ.) სამს არზას მიმართმევენ ხოლმე<sup>17</sup>“. მაგრამ იყო შემთხვევები, როცა მებატონეთა წინააღმდეგ ბრძოლის ეს შედარებით „მორიდებული ფორმა“ უფრო მრისხანე ხასიათს ღებულობდა და იგი ქალაქის მოსახლეობის ერთგვარ ანტიფეოდალურ დემონსტრაციად იქცეოდა. მაგ., როგორც 1795 წ. საბუთიდან ჩანს, XVII ს. მიწურულს, ქალაქში ერეკლე I-ის მეფობის დროს, გორის მოსახლეობის დიდი ნაწილი, გორის მოურავის თვითნებობით შევიწროებული, თბილისში „მეფე ერეკლესთან ჩასულან (და) უჩივლიათ“. თბილისში ჩასულ გორელთა მოთხოვნა იმდენად კატეგორიული ყოფილა, რომ მეფე იძულებული გამხდარა, ყველა ძველი დებულება, რომლის ძალითაც გორის მოურავი მოქმედებდა, „დაეყენებინა“ (გაეუქმებინა)“ და სხვა ახალი განჩინება მიეცა. ერეკლე I-ის მიერ გორის მოურავისადმი მიცემული ახალი განჩინება შედარებით ხელსაყრელი ყოფილა ქალაქის მოსახლეობისათვის, და ამიტომაც გორელები XVII ს. 90-იანი წლებშიც მის ისევ განახლებას მოითხოვდნენ. მაგრამ ერეკლე I-ის მიერ დადგენილი ახალი დებულება გორის შემდეგდროინდელ მოურავებს, რაკი მათ უფლებებსა და გაზრდილ მადას შესამჩნევად ზღუდავდა, გადაუმალავთ და ერეკლე II-ს მეფობის დროს, მეფის მოთხოვნის წინააღმდეგ, არ გამოუჩინიათ<sup>18</sup>.

<sup>17</sup> იესე ბარათაშვილის ცხოვრება-ანდერძი, გამოსცა ა. იოსელიანმა, 1950, გვ. 13.

<sup>18</sup> სცს, ფ. 227, № 758.

ბრძოლა გორის მოსახლეობასა და მის მოურავებს შორის ამით არ დამთავრებულა. როგორც მასალებიდან ირკვევა, გორის მოურავებმა ერეკლე I-ის მიერ მიცემული განწყობა მალე დაივიწყეს და ქალაქის მოსახლეობის ძარცვა კიდევ უფრო გააძლიერეს. ამ მხრივ განსაკუთრებით მადაგახსნილი, როგორც ზემოთ აღვნიშნეთ, იასე ამილახვარი აღმოჩნდა. გორის მოსახლეობა იძულებული გახდა მოურავის წინააღმდეგ ერთიანი ძალით გამოსულიყო და ვრცელი საჩივარი, გორის მოურავის მიმართ სათანადო ბრალდებების წაყენებით, XVIII ს. 90-იანი წლებში ერეკლე II-სათვის მიერთმია. აღსანიშნავია, რომ აქამდეც, როგორც იმავე საჩივრიდან ჩანს, გორელებს არაერთხელ მიუმართავთ ერეკლე II-სათვის, მაგრამ მეფეს, თითქოს მოუცვლელით, პასუხი არ მიუცია და სათანადო ღონისძიებები არ მიუღია. ალბათ, ამან გამოიწვია გორელების ხელახალი ერთიანი პროტესტი. ისინი ამ შემთხვევაშიც მეფეს თბილისში ხლებიან, როგორც საბუთშია ნათქვამი, ისინი თბილისში „ქვეყნის გაფუჭების მოსახსენებლად ჩასულან და სამართლისათვის ჩივიან“. გორელები თავიანთ საჩივარში მეფეს სხვათა შორის მოახსენებდნენ: ნუ გაგვიკვირდებათ და ჩვენი საჩივრისათვის ნუ გავიწყობით, ჩვენ მოურავისაგან ისეთი დიდი უსამართლობა გვჭირს, იძულებული ვართ მოგმართოთ. სხვა ქვეყნებში არათუ ასეთ დიდ, არამედ უბრალო საქმეებზედაც ჩივიანო. „პეტრე ხელმწიფის (პეტრე I, შ. მ.) ერთმა ბაყალმა სამს ჭერამზედა უჩივლაო“<sup>19</sup>. იმდენად დასაბუთებული და კატეგორიული იყო გორის მოსახლეობის საჩივარი, რომ მეფე იძულებული გახდა მისთვის ყურადღება მიექცია და 1795 წ. უკვე ახალი მოურავისათვის, ოთარ ამილახვარისათვის მტკიცედ განესაზღვრა უფლება, შოვალეობა და სარგო. განსაკუთრებით საინტერესოა, რომ 1795 წ. გორის მოურავის დებულება, თვით გორელების მითითებით, მათი საჩივრის საფუძველზე, მათ მიერვე იყო შედგენილი. გორის მოსახლეობის მიერ წარდგენილ დებულებაზე, ოთარ ამილახვარის განცხადებით, ერეკლე II-ს შემდეგი მინაწერი გაუკეთებია: „ბატონო ამილახვარო, რაც გორელებს ამ არხით ამილახვარის სარგო განწყობება თითოეულათ მოუხსენებიათ ამას უნდა დასჯერდეო“. ამილახვარიც თავის მხრივ უმატებდა: „ჩვენ მის უმალესობის ოქმი რომ

<sup>19</sup> სსმ, ფ. 7120; შდრ. შ. მ. ე. ს. ი. ა. მასალები კლასობრივი ბრძოლის ისტორიისათვის, გვ. 220.

ვნახეთ მის (ბრძა)ნებას დავმორჩილდით და რაც იმაში განწყება სწერია, იმას დავჯერდით“. ამ მინაწერს მოსდევს გორელების მიერ შედგენილი ახალი დებულება, რომელიც სამწუხაროდ ისეა დაზიანებული (ტექსტის ერთი ნახევარი მოხეულია), რომ მისი სისრულით აღდგენა შეუძლებელი ხდება. ამას გარდა მოხელებმა ახალ მოურავს პირობა დაადებინეს, სადაც სხვათა შორის ნათქვამი იყო: „იმის გარდა, რაც ეს წერილი დაგვიდვია, ამის მეტი ჩემი სამოურავო გორში არა მოვი/მო/ქმედო რა, ჩვენი ოჯახისა და თქვენი ოჯახების მშვიდობისათვის მოგვეცით ეს წერილი; დღეს და დღეის იქით არა ჩვენ და არა თქვენ ამაზედ მეტნაკლებობა არა მოვიწოდომთ რა. თუ რომელმაც ამაზე ნაკლები მოვიწოდომთ, ღვთისაჲ და ხელმწიფისაჲცა წინააღმდეგი იქნება“<sup>20</sup>.

აქვე უნდა შევნიშნოთ, რომ გორის მოსახლეობის ეს მოძრაობა ქალაქის მოსახლეობის გავლენიანი ზედაფენის, ე. წ. ქეთხუდების მეთაურობით ხდებოდა. თვით ვრცელი საჩივრის ტექსტი, როგორც მისი ერთი ადგილიდან ჩანს, ქეთხუდების მიერ იყო შედგენილი. ტექსტში სხვათა შორის ნათქვამია: „ამილახორს (გორის) ნიხრთან საქმე არა აქვს, ქეთხუდებისა არის“, მაგრამ მოურავი „ჩვენს (ე. ი. ქეთხუდების, შ. მ.) ნიხრმოცემულს ჯარიმას“ ართმევს<sup>21</sup>. როგორც ჩანს, ამ შემთხვევაში ქალაქის მსხვილ ეპატორთა წარმომადგენლები მოსახლეობის ყველა ფენის სახელით და მასთან ერთად გამოდიოდნენ საერთო ექსპლოატატორის წინააღმდეგ. როგორც მოტანილი მასალებიდან ჩანს, ქალაქის მოსახლეობის ანტიფეოდალური, თითქოსდა „მორიდებული“, გამოსვლა საჩივრებითა და პროტესტით ზოგჯერ ისეთ მწვავე ხასიათს იღებდა, რომ სამეფო ხელისუფლება იძულებული ხდებოდა მისთვის განსაკუთრებული ყურადღება მიექცია; გორელების ერთიანი გამოსვლა, როგორც ჩანს, გამარჯვებით დამთავრდა. მეფემ თავისი თავგასული მოხელე, ძლიერი ფეოდალი თვით მოქალაქეთა მიერ შედგენილი გარიგების წიგნს დაუმორჩილა. მოურავიც იძულებული გახდა მის წინააღმდეგ მებრძოლ ქალაქის მოსახლეობის ნება-სურვილს მიჰყოლოდა.

ქალაქის მოსახლეობის ერთიანი ანტიფეოდალური გამოსვლა ფეოდალურ საქართველოს ქალაქებში, როგორც ჩანს, ისე ხშირ დასაშიშ სახეს იღებდა, რომ თვით მეფეც ზოგ შემთხვევაში ვერ ბე-

<sup>20</sup> სესა, ფ. 227, № 758.

<sup>21</sup> სსმ, ფ. Qd: № 7120.



დავდა „ქვეყნის დაუკითხავად“ ქალაქზე ახალი გადასახადები გაეწერა. გორელები ერეკლე II-ს სხვათა შორის წერდნენ: თქვენ როცა გადასწყვიტეთ ქვეყნის შესამატი და მტრის დასაწყყნარებლად სალეკო გამოსალები გაგეწერათ, „რამდენი ხანი ამისი მასლათი ქართლისა და კახეთის ბერთან და დარბაისელთან გქონდათ... რომ თითქმის ვერც კი ბედავდით, რომ ერთი რამ არაფერი შესაწყუნახი ჩვენ არ შეგვემთხვეოდა და ეს ამილახვარი ვინღა არის ამდენი უღები რომ დაგვღვაო“<sup>22</sup>.

XVII—XVIII სს. საქართველოს ქალაქებში საჩივრები არ ყოფილა ანტიფეოდალური გამოსვლების ერთადერთი ფორმა. ცალკეულ ყმა ვაჭართა და ხელოსანთა საჩივარი ყოველთვის მათთვის სსურველ შედეგს როდი აღწევდა. პირიქით, უმრავლეს შემთხვევაში საჩივარი უპასუხოდ რჩებოდა და ქალაქის მოსახლეობის განუკითხავი ექსპლოატაცია ჩვეულებრივ გრძელდებოდა. ამას გარდა, ქალაქის მოსახლეობას ვისთვის მიემართა საჩივრით, თუკი თვით მეფე ან დედოფალი, ფეოდალური ქვეყნის უმაღლესი ხელისუფალნი, ეწეოდნენ მსგავს ძალმომრეობას. რადგანაც ქალაქის მოსახლეთა საჩივრები ხშირად განუკითხავი რჩებოდა, მის ცალკეულ წარმომადგენლებს, როგორც აცხადებდნენ, სხვა გზა აღარ რჩებოდათ, გარდა „დაკარგვისა“, ე. ი. იძულებული ხდებოდნენ პროტესტის კიდევ ერთი ფორმისათვის, ბრძოლის შედარებით მაღალი სახისათვის—ბატონყმობაზე უარის თქმისა და გაქცევისათვის მიემართათ.

აღსანიშნავია, რომ ყმობისაგან განთავისუფლების მიზნით ხელოსნები და ვაჭრები ზოგჯერ ფეოდალურ სასამართლოს მიმართავდნენ და საამისოდ სხვადასხვა საბუთებსა და საჩივრებს აღგენდნენ. მაგ., სტეფანა კალატოზმა ერასტის ყმობაზე უარი განაცხადა და ამის დასასაბუთებლად „ისეთი რამ მოიგონა, რომ ღვთისაცა საწყენი იყო და კაცისაცა“. მართლაც, ყმა კალატოზი იმდენად ყოფილა გატაცებული ყმობისაგან თავის დახსნის სურვილით, რომ საკუთარი დედისთვისაც კი შეურაცხყოფა მიუყენებია. კალატოზმა სასამართლოზე თურმე განაცხადა: მართალია, ერასტი გოსტაშაბაშვილის ყმა მარტირუზა შიხუაშვილი დედაჩემის კანონიერი მეუღლე იყო, „მარა იმ დედაჩემს განდუაშვილი დასწოლოდა და (მე) იმ განდუაშვილის შევიქენიო“<sup>23</sup>, ე. ი. მე ერასტის ყმის, დედაჩემის მეუღლის შვილი კი არა ვარ, არამედ განდუაშვილისა

<sup>22</sup> სსმ, ფ. Qd; № 7120.

<sup>23</sup> საქ. სიძველენი, I, გვ. 151—152.

და მასასადამე ერასტი ჩემზე უფლებას ვერ განახორციელებსო. ამ საბუთით ყმა კალატონმა ერასტი გოსტაშაბიშვილს სასამართლოში უჩივლა; მათი საქმე ერთხელ ვახტანგ ბატონიშვილმა თვით გაარჩია, ორჯერ კიდევ მდივანბეგმა და ყმობის მგმობელმა კალატონმა იმდენი მოახერხა, რომ ვახტანგ ბატონიშვილისაგან განთავისუფლების ბრძანება აიღო. მაგრამ ერასტიმ თავისი ყმა ასე ადვილად როდი დათმო, იგი „დაიჭირა და ავათ მოეპყრო“...ბოლოს მაინც ფეოდალურმა სამართალმა „დედისა და ყმობის მგმობელი“ კალატონი გაამტყუნა და 1790 წ. განაჩენით იგი ისევ ერასტის „ყმად მიანება“<sup>24</sup>.

მარცხით დამთავრდა აგრეთვე თბილისელი ყმა ვაჭრების — გოდერძა და კიკოლა მოსესაშვილების ცდა თავი გაეთავისუფლებინათ სოლომონ ბეგთაბეგიშვილის ყმობისაგან. მოსესაშვილებმა სასამართლოში სხვაგვარი მტკიცება წარმოადგინეს: ჩვენ ვახუშტი ბატონიშვილის ყმები ვართ და ბეგთაბეგიშვილებს ჩვენთან ხელი არა აქვთო. ამას მოსესაშვილები 1779 წ. აცხადებენ, როცა ვახუშტი ბატონიშვილი უკვე გარდაცვლილია. ყმა ვაჭრებმაც, ცხადია, ვახუშტი ბატონიშვილის ყმობა საერთოდ ყმობისაგან თავის დახსნის მიზნით მოიგონეს. ნამდვილად კი, როგორც „ქალაქის ძველის დავთრებითაც და ახალის დავთრებითაც“ ჩანდა, მოსესაშვილები ბეგთაბეგიშვილების ყმები იყვნენ. ფეოდალურმა სამართალმა ამჟამადაც მოსესაშვილებს ისევ ბეგთაბეგიშვილების საუკუნო ყმობა გადაუწყვიტა<sup>25</sup>.

ასე რომ, ბატონყმობისაგან თავდახსნის ასეთი გზა, სასამართლოში დავა, თავისი ბატონის წინააღმდეგ მეზრძოლი ყმისათვის სასურველი შედეგით არ შეიძლებოდა დამთავრებულიყო. ფეოდალური სამართალი ამის შესაძლებლობას სპობდა. მაგრამ ამჟამად ჩვენთვის საინტერესოა არა ეს, არამედ ყმა ხელოსანთა და ვაჭართა ცდები უარი ეთქვათ ყმობაზე.

რაკი უმაღლეს ხელისუფალთა წინაშე თუ სასამართლოში ხელოსნებისა და ვაჭრების საჩივარი და დავა ფეოდალური სახელმწიფოს მიერ მხარდაჭერილ მეზრძონეთა სასარგებლოდ მთავრდებოდა, ყმას ბატონის ძალმომრეობისაგან თავის დახსნის ერთ-ერთ შედეგიან გზად გაქცევა მიაჩნდა. ყმობისაგან გაქცევით მეფის თუ კერძო მეზრძონის „ყმობის გმობა“ XVII—XVIII სს. საქართველოს ქალაქებში კლასობრივი ბრძოლის ერთი, შედარებით აქტიური ფორმა იყო.

<sup>24</sup> საქ. სიძველენი, I. გვ. 159—160.

<sup>25</sup> სცსა, ფ. 229, დავთ. 1, საბ. 129.

ჩვენ ისეთი დოკუმენტები მოგვეპოვება, რომლებიც ყმა ვაჭართა და ხელოსანთა ყმობისაგან თავის დახსნის მიზნით ქალაქიდან გაქცევის შესახებ მოგვითხრობენ. აქ მხოლოდ რამდენიმეს მოვიტანთ. როგორც გორის მოსამართლეთა 1697 წ. განაჩენიდან ჩანს, გივი თუმანიშვილს თავისი ყმა, გორელი ვაჭარი „ნატურაშვილი გაპაროდა და ინდოეთს მიმალებულიყო“. მაგრამ თუმანიშვილმა მოახერხა გაქცეული ყმა ვაჭრის ხელში ჩაგდება, იგი დაიჭირა, ერთხანს, როგორც ჩანს, პატიმრობაშიც ამყოფა, მერე კი, ალბათ გარკვეული შეთანხმებით, გაანთავისუფლა; ყმა ვაჭარი „აშეების უკან კიდევ გაპაროდა და ინდოეთს წასულიყო“. ამიერიდან ის თავის ბატონს თვალთ აღარ უნახავს. გაქცეულმა ყმა ვაჭარმა ისიც მოახერხა, რომ გორში დარჩენილი უძრავი ქონებაც გზაზე, ქ. განჯაში გორელ კაქკაპიშვილისათვის მიეყიდა. საინტერესოა, რომ საბუთის მიხედვით ნატურაშვილი ერთადერთი არ იყო, მას გარდა „მრავალი... მოქალაქე და გორელი კაცი“<sup>26</sup> გაქცეულა ქალაქიდან. ასე რომ, გაქცევით ბატონყმობაზე უარის თქმა XVII ს. ქალაქებში არც ისე გასაკვირი და იშვიათი მოვლენა ყოფილა. ქალაქიდან გარბოდნენ და ყმობაზე უარს ამბობდნენ არა მარტო კერძო მებატონეთა ყმა ვაჭარები და ხელოსნები, არამედ სამეფო ყმებიც. როგორც 1784 წ. საბუთშია ნათქვამი: „მეფის ყმა დადაშვანთ გასპარა... ქალაქიდან გაქცეულა“ და უცხო ქვეყანაში გახიზნულა.<sup>27</sup> სამეფო კაცის გაქცევა „მეფის ყმობის გმობად“ იყო მიჩნეული. 1789 წ. საბუთის მიხედვით, 1764 წ. ვაჭრები „სტეფანე და იმის ძმა ნასყიდშვილი გასპარა... ქალაქიდან გაქცეულიყო... სტეფანა მომკვდარიყო და გასპარაც ამჟამად რუსის ქვეყანაში დასახლებულიყო“. და რაკი თბილისელმა მოქალაქეებმა „ბედნიერის ქ ე ლ მ წ ი ფ ი ს ყ მ ო ბ ა გ მ ე ს ა და ჩვენი (ქალაქის მოხელეთა, შ. მ.) „ძმობა“, იმათი „მამული და ან ქონება, დარჩეს კელმწიფისათვისო“.<sup>28</sup>

იყო შემთხვევები, როცა სამეფო მოქალაქეებიც კი, ქალაქის მოსახლეობის შედარებით პრივილეგირებული წრის წარმომადგენლები მეფის წინაშე ურჩობდნენ, დანაშაულს ჩაიდენდნენ, მეფე ასეთ ურჩ მოქალაქეებს ქალაქიდან გაგდებით სჯიდა. 1767 წ. საბუთის მიხედვით მოქალაქე ბაღდასარაშვილ ფარსადანს „ღმერთი გასწყყრომოდა ხელმწიფეც (ერეკლე II, შ. მ.) გაუწყრა (და) ქალაქიდან გაგდებული იყო.“<sup>29</sup> საბუთი, სამწუხაროდ, არაფერს

<sup>26</sup> იქვე, დავთ. 3, საბ. 59.

<sup>27</sup> სცსა, ფ. 229, დავთ, 5, საბ. 180.

<sup>28</sup> იქვე, დავთ. 6, საბ. 114.

<sup>29</sup> იქვე.

ამბობს, თუ რაში გამოიხატებოდა მოქალაქე ბაღდასარაშვილის ასე დიდი დანაშაული.

კლასობრივი ბრძოლის ერთ-ერთ ფორმას XVII—XVIII სს. საქართველოს ქალაქებში სამეფო, საეკლესიო თუ კერძო საბატონო გამოსაღებებზე უარის თქმა, მისი გადაუხდელობაც წარმოადგენდა. 1753 წ. საბუთით, თბილისის ყმა ხელოსნები, ყანდუანთ ზალინას შვილები—არუთინა და ისაია თავის ბატონს ნაცვლიშვილს იოსებს არაუწიერად ემსახურებოდნენ, „დანაშაულიც ზევრი ჰქონიათ“, ოთხი წლის სახელმწიფო გამოსაღები მალი და სამოურავოც არ გადაუხდიათ. ბატონიც გაუწყრა; ყმებს ურჩობა ვერ გაუვიდათ: ნაცვლიშვილის ყმები იძულებულნი გახდნენ, ახალი „პირობის წიგნის“ საფუძველზე „გასულის ოთხის წლის მალი“ 12—12 აბაზი და სამოურავო 4 წლისა, წელიწადში 5—5 შაური მიეცათ<sup>30</sup>. მსგავსი მაგალითი ყმათა ურჩობისა და სახელმწიფო გამოსაღებთა გადაუხდელობისა საქართველოს ფეოდალურ ქალაქებში არაერთი იყო.

განსაკუთრებით საინტერესოა, რომ საეკლესიო ყმები, რომელნიც თითქოს შედარებით უკეთეს მდგომარეობაში იყვნენ (ისინი მარტო ეკლესიას ემსახურებოდნენ), თავიანთი ბატონის წინაშე, თვით კათალიკოსის წინაშე ურჩობდნენ და მათზე დაკისრებულ სამსახურს არ ასრულებდნენ. „ქალაქის დებულების“ მიხედვით, დღესასწაულის დღეს ყმები ვალდებული იყვნენ თავიანთი ბატონი „ენახათ და ძღვენი მიერთმიათ“. ამგვარი „ძღვენი“, როგორც ზევით აღვნიშნეთ, ყოველწლიურ ფულად გამოსაღებს წარმოადგენდა, ბუნებრივია, რომ ქალაქის ყმა ხელოსნებსა და ვაჭრებს „ბედნიერ (სადღესასწაულო) დღეებში“ ბატონის ნახვა, რაც ძღვენის მირთმევას გულისხმობდა, დიდად არ სიამოვნებდათ, პირიქით, ამგვარ ვალდებულებას ქალაქის მოსახლეობა ხშირად თავს არიდებდა.

როგორც ანტონ I კათალიკოსის 1777 წ. ბრძანებიდან ჩანს, მის მოქალაქეებსა და „ისე მსახლობელ“, ე. ი. არამოქალაქე ყმებს, ხელოსნებსა და ვაჭრებს თბილისში, „ბედნიერ დღეს“, თავისი ბატონი (კათალიკოსი) „არ უნახიათ“, ე. ი. ძღვენი არ მიუერთმევიათ, ეს კი, კათალიკოსის სიტყვით, „უმართებულო მოქცევა“ იყო, ამიტომაც თავის ბოქაულთუხუცესს უბრძანა: „ვინცა ვის ჩვენი ყმები იყვნენ ქალაქში მსახლობელნი კომლზე ხუთი აბაზი ახლავ დაადე და გამოართვიოთ. ...რადგან უმართლებლოდ მოიქცნენ, იმას

<sup>30</sup> სცსა, ფ. 229, დავთ. 5, საბ. 116.

ჭარიმად მოქალაქესაც გამოართვი და ისე მსახლობელსაც, ეს ეხ-  
ლავ გაარიგე თორემ შენ მოგიკითხავთ და შენ გადაგახდევინებ-  
თო“<sup>31</sup>. როგორც ჩანს, „ბედნიერ დღეს“ „ძღვენით“ კათალიკოსს  
არც ერთი თბილისელი ყმა არ მისვლია, არც მოქალაქე და არც  
„ისე მსახლობელი“, კათალიკოსს კი ყმები თბილისში საკმაო რა-  
ოდენობით ჰყავდა. ასე რომ, „საბატონო ძღვენის“ გალაუზდელო-  
ბას მის ყმებში 1777 წ. თბილისში მასიური ხასიათი მიუღია. ეს კი  
საკათალიკოსოს ყმათა ამბოხების მაუწყებელი იყო, ალბათ ამიტო-  
მაც ჩარია მან ამ საქმეში სათანადო რაზმები ბოქაულთუხუცესის  
ხელმძღვანელობით. აღსანიშნავია, რომ დავით ბატონიშვილის სა-  
მართლის პროექტის მიხედვით, „დაკლება როკიკთა (სამეფო თუ  
საბატონო გამოსაღებია, შ. მ.) და ულუფათა (სარგო ნატურით, შ. მ.)  
ნამდვილი სახე არს ამბოხისა, რომლისა მიერცა წარმოიშვების  
შფოთი, მაგრამ არა შეურჩინის უმცროსთა (ყმათა, შ. მ.) ესევითა-  
რისა საქმისათვის ამბოხებად, არამედ შესაბამისა ადგილსა გამო-  
ცხადებად, რათა არა დასჯილ იქმნას წკებლითა“<sup>32</sup>. როგორც ვხე-  
დავთ, ფეოდალური სამართალი გადასახადთა გადაუხდელობას ამ-  
ბოხებად, აჯანყებად მიიჩნევდა, ხოლო გადასახადზე უარის  
მთქმელს კი შეამბოხებდ, რომელიც წკებლით უნდა დასჯილიყო. ქა-  
ლაქში მოსახლენი ზოგჯერ არათუ ცალკე გამოსაღებებზე აცხე-  
ლებდნენ უარს, არამედ საერთოდ ბატონყმურ სამსახურზედაც, რაც  
უკვე ნამდვილი აჯანყება იყო. მაგალითად, XIX ს. დამდგეს დავით  
ორბელიანის ყმობაზე უარი განუცხადებიათ ქ. დუშეთის მოსახლე-  
ებს: „დუშეთს ჩემი კაცები (ყმები) მჩაგრავენ, არას მემსახურებიან  
რაც მამაჩემი მოკვდაო“, — წერდა დავით ორბელიანი ციცი-  
ანოვს<sup>33</sup>. მსგავსი მოვლენა სხვაც ალბათ არაერთი იყო XVIII ს.  
მიწურულის საქართველოს ქალაქებში.

XVII—XVIII სს. წყაროებს არავითარი ცნობა არ დაუცავთ  
ბატონყმური დამოკიდებულებიდან განთავისუფლებისა და თვით-  
მმართველობის მიზნით ქალაქების მასიური აჯანყების შესახებ ქალა-  
ქის მფლობელთა წინააღმდეგ. ეს შემთხვევითი არ უნდა იყოს და იმ-  
დროინდელი საქართველოს ქალაქების სოციალურ-ეკონომიკური  
თვალსაზრისით განუვითარებლობაზე, მათ სისუსტეზე უნდა მიგვითი-  
თებდეს. XVII—XVIII სს. ქალაქებში საშინაო და ასევე საგარეო პი-

<sup>31</sup> სსმ, ფ. Ad: 1941.

<sup>32</sup> სამართალი ბატონიშვილისა დავითისა, სსმფ. H: 980, მუხ. 244.

<sup>33</sup> სცსა, ფ. 226, სბ. 9110.

რობათა უქონლობის გამო საქალაქო ცხოვრება წარმატებით ვერ ვითარდებოდა. სამეფო ხელისუფლების ღონისძიებანი საქალაქო ცხოვრების განვითარების თვალსაზრისით საქმარისი არ აღმოჩნდა. ამას გარდა, ქალაქის ძირითად მოსახლეობას სხვადასხვა კატეგორიისა და სხვადასხვა მფლობელთა ყმები შეედგენდნენ, რომელთა გაერთიანება და დარაზმვა შეუძლებელი ხდებოდა, მათ იშვიათად ჰქონდათ საერთო ინტერესები. ამრიგად, ქართული ქალაქების ეკონომიკური, სოციალური სისუსტიტა და თავისებურებებით უნდა აიხსნას, რომ მათ იმ დროისათვის ერთიანი ფრონტით არ უწარმოებიათ ბრძოლა ბატონყმობის წინააღმდეგ. მაგრამ ეს იმას როდი ნიშნავს, რომ ქალაქების მოსახლეობა საერთოდ არ აწარმოებდა ბრძოლას ქალაქის მფლობელთა, მოხელეთა თუ ცალკეულ მებატონეთა წინააღმდეგ. ჩვენ მიერ ზემომოტანილი მასალები — ქალაქის მოსახლეობის გაძლიერებული ექსპლოატაციის, მოხელეთა თვითნებობის, მოსახლეობის ძირითადი მასის უუფლებობის და სხვ. შესახებ, თავისთავად ქმნიდნენ პირობებს ქალაქის მოსახლეობის ანტიფეოდალური გამოსვლებისათვის. XVII—XVIII სს. საქართველოს ქალაქებში ცალკეული ანტიფეოდალური გამოსვლები ნაციონალური ან კიდევ რელიგიური კონფლიქტებისა და ურთიერთბრძოლის სამოსელში ეხვეოდა. მაგრამ რელიგიურ თუ ნაციონალურ შუღლში კლასობრივ ინტერესთა დაპირისპირების დანახვა შესაძლებელი ხდება. ამ თვალსაზრისით პირველ რიგში ჩვენს ყურადღებას იპყრობს ქ. თბილისის ხელოსნებისა და ვაჭრების აჯანყება 1698 წ. რომის კათოლიკური ეკლესიის პოლიტიკური და ეკონომიკური აგენტების, კათოლიკე მისიონერების წინააღმდეგ. ეს აჯანყება, რომელიც პატრ ამადიო ბრემელს აქვს აღწერილი, აღმწერის მიხედვით, თითქოს წმინდა რელიგიურ ხასიათს ატარებდა და იმით იყო გამოწვეული, რომ თბილისში კათოლიკები თანდათან მრავლდებოდნენ, რაც „კათოლიკური სარწმუნოების მტერმა სომხებმა ვეღარ მოითმინესო“. ნამდვილად კი აჯანყებას კლასობრივი საფუძვლები ჰქონდა.

XVII ს. მეორე ნახევრიდან სავაჭრო ურთიერთობა საქართველოსა და დასავლეთ ევროპის ქვეყნებს შორის თანდათან გაცხოველდა. ერევნელ ვაჭრებთან ერთად საქართველოში გამოჩნდნენ ევროპის სავაჭრო კაპიტალის აგენტებიც — კათოლიკე მისიონერებიც, რომელნიც საქართველოს იმდროინდელ მეფეთა ხელშეწყობით აქტიურად ჩაებნენ ქვეყნის პოლიტიკურ, ეკონომიკურსა და კულტურულ ცხოვრებაში. რომის პაპის აგენტების მრავალმხრი-

უი საქმიანობით ევროპის კაპიტალი ცდილობდა საქართველოში მოემზადებინა ნიადაგი კათოლიკური ევროპის ეკონომიკური და პოლიტიკური გაბატონებისათვის. აღსანიშნავია, რომ ქართველი მეფეები და მისი მომხრე დიდებულები, რაკი რომის პაპის აგენტთა მოღვაწეობა ქვეყნისათვის თითქოს სასარგებლო ჩანდა, ხოლო რომთან პოლიტიკური კავშირი თავიანთი ინტერესებისათვის — მაჰმადიანური ქვეყნების აგრესიის წინააღმდეგ — შეეძლოთ გამოეყენებიათ, ფართო გასაქანს აძლევენ კათოლიკე მისიონერების საქმიანობას და ევროპის კაპიტალს საქართველოში. მაგრამ ევროპის სავაჭრო კაპიტალის გაბატონება გაღატაკებას უქადდა გვიანფეოდალური საქართველოს ქალაქების ფართო, ვაჭრულ-ხელოსნურ მოსახლეობას. ამიტომაც რომის პაპის აგენტების საქმიანობა, რომელიც ყოველნაირად ხელს უწყობდა ევროპის ეკონომიკურ და, შესაძლებელ შემთხვევაში, პოლიტიკურ ბატონობასაც, მათთვის სავსებით მიუღებელი ჩანდა. ამით აიხსნება, რომ რომის პაპის პოლიტიკურ აგენტებს საქართველოში გაცილებით მეტი და ძლიერი მოწინააღმდეგეები აღმოაჩნდა, ვიდრე მომხრეები. ამით აიხსნება აგრეთვე ისიც, რომ ფეოდალური საქართველოს ქალაქების მოსახლეობა არაერთხელ აჯანყებულა მათ წინააღმდეგ და არაერთხელ უცდიათ მათი განდევნა ქალაქებიდან. ერთ-ერთი ასეთი აჯანყება კათოლიკე-მისიონერთა წინააღმდეგ, როგორც ზემოთ აღვნიშნეთ, თბილისში XVII ს. მიწურულს მომხდარა.

პატრი ამადიო ბრემელი 1698 წ. რომში იწერებოდა: „ვინაიდან (თბილისში) კათოლიკები შესამჩნევად გამრავლდნენ და დაიწყეს ხშირად მოსვლა ჩვენს ეკლესიაში, კათოლიკე სარწმუნოების მტერმა სომხებმა ველარ მოითმინეს... ფულის (გამოსაღების) მოსაკრებად პატრიარქისაგან გამოგზავნილმა ვართაპეტმა, ყველა მღვდლებთან და ქალაქის ხუთ-ექვს მოწინავე (წარჩინებულ მოქალაქეებთან, შ. მ.) ერთად გადასწყვიტეს ჩვენი ეკლესიის დანგრევა და ჩვენი ამ ქალაქიდან განდევნა... მატყუარა ყულარალასი (სამეფო სასახლის გვარდიის მეთაური, შ. მ.) ლაპარაკში განგებ მუდამ ჩვენ (მისიონერებს, შ. მ.) გვესარჩლებოდა და მათ (მოწინააღმდეგეებს, შ. მ.) აყვედრიდა; ვართაპეტმა რა ნახა ეს, თუმცა მოჩვენებით იყო, მაგრამ მანც კი პატრების წინაშე ეს ყვედრება ველარ აიტანა, გაბრაზებული გავიდა... და დაიწყო შეჩვენება და წყევლა ყველა იმბათი, ვინც არ დაკეტავდა ღუქნებს და ჩვენს ეკლესიის და სახლის დასაქცევად არ მოვიდოდა... ვაჭრებმა და მღვდლებმა ყველამ დაკეტეს ღუქნები საშინელი ყვირილით, შეიარაღებულნი

კეტებით და ცულებით, შემოვიდნენ ჩვენი სახლისაკენ. ამ გაბრაზებული ეშმაკის მონების ყვირილი ისეთი იყო, რომ ქუჩებში ყველა დედაკაცი სახლებიდან გარეთ გამოცვივდა და ზოგიც თავიანთი სახლების ბანზე ავიდა, რათა იქიდან ეტკირათ ამ წარმოდგენისათვის, რომელიც მართლა მეორეთ მოსელის დღეს ჰგავდა. რა მოვიდნენ დიდრონის ქვებით, კეტებით და ცულებით კარის შემტვრევა სცადეს. . . . უმეტესობა ავიდა ბანზე. და იქიდან დაუწყეს სეტყვა-სავით ქვების სროლა ეკლესიასა და ყორეს (გალავანს, შ. მ.). . . . ამ დროს, როცა ეს გაცოფებული ხალხი თავის ჯავრს ქვების სროლით იყრიდა, ჩვენი ბალის ქვეითა გზით გაიარა ცხენით მდივანბეგმა (სამეფოს უმაღლესი მსაჯული, შ. მ.), რომელსაც თან ახლდა მრავალი თავისი კაცი: ამ ბატონმა რა დანახა (ეს). . . სასწრაფოდ გამოგზავნა შეიარაღებული კაცები, რომ დაეცვათ ჩვენი ეკლესია, სახლი და ჩვენი ყველანი. . . მდივანბეგის კაცები ხალხს მისცვივდნენ ჯონებით და შეაჩერეს. . . ეს ამბავი რა გაიგონა. . . ყულარაღასმა გაბრაზებული წამოდგა ფეხზე და უთხრა (ქალაქის) მამასახლისს: „დიდი ცეცხლი მოეკიდა შენს სახლს წადი ჩქარა შე ძაღლო და მოაშორე იქიდან ხალხი“. ესეც საჩქაროდ წამოვიდა ჩვენი სახლისაკენ, ჯონით გაფანტა მომეტებული ხალხი, რომელიც უკვე დამცხრალიყო მდივანბეგის კაცების შიშით. ყულარაღასმა შემდგომ პატრებს ჩვენს სახლამდე თავისი მეკარე გამოაყოლა. . . ეს ხალხი ორ საათამდე დარჩა ჩვენი სახლის წინ. . .“, ხოლო შემდეგ მეფის ბრძანება გამოიცა და ხალხი დაშოშმინდაო<sup>34</sup>.

როგორც მოტანილი ტექსტით ირკვევა, ქალაქის მოსახლეობის აჯანყება წინასწარ მოფიქრებული და მომზადებული ყოფილა: აჯანყების ინიციატორებად სომხურ-ქართული ეკლესიის წარმომადგენლებს გარდა (ვართაპეტი, მღვდლები) „ქალაქის 5—6 მოწინავე პირიც“, ე. ი. მოქალაქეებიც ყოფილან. მთავარ ძალას კი თბილისის „ვაჭრები და მღვდლები“ შეადგენდნენ, რომლებმაც ვართაპეტის მოწოდებისთანავე დაკეტეს ღუშენები და ერთბაშად პატრების სახლებსა და ეკლესიებს შეუტიეს. ქალაქის ვაჭრულ-ხელოსნური მოსახლეობა კეტებით, ქვებითა და ცულებით ყოფილა შეიარაღებული. რომის პაპის აგენტების წინააღმდეგ ამხედრებული მოსახლეობის დაშოშმინება სამეფო ხელისუფლების წარმომადგენლების (მდივანბეგი, მამასახლისი) და მათ მიერ გამოგზავნი-

<sup>34</sup> შ. თამარაშვილი, ისტორია კათოლიკობისა ქართველთა შორის, გვ. 291—293, იტალიური ტექსტი, სხ. იქვე, გვ. 708—719.



ლი რაზმის საშუალებით მოხერხდა. მაგრამ ამის შედეგადაც აჯანყებულებს დიდხანს არ დაუტოვებიათ პატრების ეკლესია, სანამ მეფის საგანგებო ბრძანება არ გამოიცა. კერძოდ, ამ ბრძანებამ, როგორც თვით პატრი ამადიოს მითითებიდან ჩანს, საგრძნობლად შეზღუდა კათოლიკე მისიონერების მოქმედების ასპარეზი<sup>35</sup>. ამგვარი ბრძანება იმიტომ გამოიცაო, წერს ამადიო ბრეშელო, რომ ამბოხების მეთაურებმა (ვართაპეტმა, მოქალაქეებმა) წინასწარ მოქრთამეს მეფეცა და ყულარადასიცო. ამ მითითებიდანაც კარგად ჩანს, რომ აჯანყება უშედეგოდ არ დამთავრებულა, სამეფო ხელიშეწყობა იძულებული გამხდარა ანგარიში გაეწია ქალაქის ვაჭართა და მეღუქნეთა მოთხოვნისათვის.

ქალაქის მოსახლეობის გამოსვლა მიმართული იყო არა მარტო რომის პაპის აგენტების, არამედ მის დამცველთა და ხელშემწყობთა (მეფე, ფეოდალური არისტოკრატის წარმომადგენლები) წინააღმდეგაც. ამით აიხსნება, რომ აჯანყება სწორედ ერთ-ერთი უმაღლესი სამეფო მოხელის რაზმმა ჩააქრო. ამრიგად, თბილისის ვაჭარ-ხელოსანთა, მეღუქნეთა 1698 წ. გამოსვლა, გარეგნულად რელიგიური კონფლიქტის ფორმის მქონე. არსებითად კლასობრივ შინაარსს იტარებდა და ევროპის სავაჭრო კაპიტალის აგენტებისა და მათი ხელშემწყობი ფეოდალური არისტოკრატის წარმომადგენლების წინააღმდეგ იყო მიმართული.

XVII—XVIII სს. საქართველოს ქალაქებში იყო შემთხვევები, როცა კლასობრივი ბრძოლა ქალაქის მოსახლეობასა და ფეოდალურ არისტოკრატის შორის ერთგვარი ნაციონალური წინააღმდეგობისა და შუღლის სახეს ღებულობდა. კლასთა ბრძოლის ამგვარ გამოვლინებას განსაკუთრებით ხელს უწყობდა ისიც, რომ ფეოდალური საქართველოს ქალაქებში ვაჭრებსა და ხელოსნებს, განსაკუთრებით კი ვაჭრებს, ე. წ. მოქალაქეებს სხვა ეროვნების წარმომადგენლები, უმთავრესად სომხები შეადგენდნენ, რომელთა ნაწილი დიდი ხნიდან იყო გადმოსახლებული საქართველოში და ენობრივად და კულტურულად ფაქტიურად ქართველობას ეკუთვნებოდა, ნაწილი კიდევ XVII—XVIII სს. გადმოდირდა. კველა ამათ ქართველი თავდაზნაურობა მაინც სომხებად თვლიდა.

დამახასიათებელია, რომ ქართველი ფეოდალის გაგებით, „ვაჭარი“ და „სომეხი“ თანაბარი მნიშვნელობის ცნება იყო და

<sup>35</sup> მ. თამარაშვილი, ისტორია კათოლიკობისა ქართველთა შორის, 83: 293.

ქართველს, რომელიც ვაჭრობას მისდევდა, ქართველი ფეოდალი „გასომხებულს“ უწოდებდა. ამიტომაც კლასობრივი დაპირისპირება ფეოდალურ არისტოკრატიასა და ქალაქის ვაჭრულ-ხელოსნურ მოსახლეობას შორის ფეოდალურ საქართველოში ზოგ შემთხვევაში ნაციონალური (ქართველი და სომეხი) დაპირისპირების სახეს იღებდა.

ქართველი ფეოდალები, როგორც ჩანს, განსაკუთრებით უკმაყოფილონი იყვნენ იმით, რომ ქალაქის მოსახლეობის ნაწილს, მსხვილ ვაჭრებს საერთოდ და ე. წ. მოქალაქეებს, თბილისში სამეფო ხელისუფლება გარკვეულ პრივილეგიურ ფენად ხდიდა და მათ გამრავლებას ხელს უწყობდა. ქართული ფეოდალური არისტოკრატია ამ, სამეფო ხელისუფლების მიერ პატივდებულ, ვაჭრებში თავის მოწინააღმდეგეებს ხედავდა და ყოველგვარი შემთხვევით სარგებლობდა, რათა მათთვის ზიანი მიეყენებინა. ფეოდალური არისტოკრატის მტრული დამოკიდებულება მსხვილი ვაჭრებისადმი, მოქალაქეებისადმი და საერთოდ ქალაქის ვაჭრულ-ხელოსნური მოსახლეობისადმი კარგად აისახა ერთ-ერთი თავადის, იესე ბარათაშვილის „ცხოვრება-ანდერძი“, ოღონდ ბარათაშვილმა ეს მტრობა სომეხთა მიმართ მტრობად გამოაცხადა. იესე ბარათაშვილი XVIII ს. 70-იანი წლებში წერდა: „ულმთონი სომეხნი... ვაჭარნი ვაჭრულად და ცოდვისათვის ჩვენისა მეფისა პალატსა შემოცვენნილნი... მთავრობა და მეფობა აღძარცვილნი და ყოველსა პირსა ქუეყანისასა ლუთის მიერ მონად მიცემულნი, საქართველოში უფლად და გამგედ და აზნაურათ დაუდგენიათ, წინააღმდეგ ლუთის ბრძანებისა... რომელნიც იყვნენ უმსახურო მეფენი, მათ უქმნეს, თორემ ნახეთ აღმოსავალი, დასავალი, ზღვარი და ჩრდილო, სადაც აქვს სომეხსა აზნაურება. ღმერთმა განხეთქა, კაცმა ვით აღადგინოს“<sup>36</sup>. როგორც ვხედავთ, იესე ბარათაშვილი სასტიკად ილაშქრებს არა მარტო სომეხი ვაჭრების მიმართ, არამედ იმ ქართველ მეფეთა პოლიტიკის წინააღმდეგ, რომელთაც ხელი შეუწყვეს მათ გადმოყვანასა და დაწინაურებას.

ქართველ ფეოდალს განსაკუთრებით აწუხებს, რომ ისინი აქ, „საქართველოში უფლად, და გამგეთ და აზნაურათ“ გაუხდიათ, ე. ი. რომ მათ შესაძლებლობა აქვთ ყმები იყოლიონ, საქალაქო მართვა-გამგეობაში მონაწილეობა მიიღონ და აზნაურის წოდებაც დაიმსა-

<sup>36</sup> იესე ბარათაშვილის „ცხოვრება-ანდერძი“, გამოსცა ა. იოსელიანი, თბილისი, 1950, გვ. 67.

ზურონ. ქართველი ფეოდალის ამგვარი დამოკიდებულება საქართველოში მყოფი. სომეხი ვაჭრებისადმი, სომეხ-ქართველთა მტრულ ნაციონალურ ურთიერთობაზე კი არ მიგვივითებს, არამედ ფეოდალური არისტოკრატისა და ქალაქის მოსახლეობის კლასობრივ დაპირისპირებაზე, ანტაგონიზმზე.

ფეოდალური საქართველოს ქალაქების მოსახლეობაც თავის მხრივ ასევე მტრულად უყურებდა ქართველ ფეოდალებს და ზოგიერთ მათ წარმომადგენელთა წინააღმდეგ ერთიანი ფრონტით გამოდიოდა. განსაკუთრებით საინტერესოა, რომ ზემოხსენებული იესე ბარათაშვილს დასწამეს მეფის (ერეკლე II-ს) ორგულ ზაალ ორბელიანისადმი დახმარების აღმოჩენა. მეფის მოლაღატე ფეოდალისა და მისი დამხმარე იესე ბარათაშვილის წინააღმდეგ ქალაქის მთელი მოსახლეობა აღიმართა. თვით იესეს გაცხადებით, „დაიწყეს ქვეყანაზე ზახილი: — ზაალ ჩვეკროთო და ესეც მის გვერდით ჩვეკროთო. აღდგეს სომეხნი მოქალაქენი, იძახდნენ ჭონები, მკუპრავებნი: — მოგვეციოთ, მოგვეციოთ!“ მეფის მოლაღატე დიდგვარიანთა წინააღმდეგ ამხედრებული თბილისის ვაჭრები და ხელოსნები, როგორც თვით იასე მოგვითხრობს, მეფემ და კათალიკოსმა ძლივს დაშალეს<sup>37</sup>. როგორც ვხედავთ, დიდგვარიანი ფეოდალების წინააღმდეგ გამოსულან არა მარტო „სომეხნი მოქალაქენი“, რომელთაც ასე ძალიან მტრობდა ბარათაშვილი, არამედ ქალაქის მთელი მოსახლეობა. ცხადია, ისე როგორც იესე ბარათაშვილის გალაშქრებას სომეხი ვაჭრების (და საერთოდ ვაჭრების) წინააღმდეგ, ასევე ვაჭარ-ხელოსანთა გამოლაშქრებას ორბელიანისა, ბარათაშვილისა და მსგავსთა წინააღმდეგ ღრმა კლასობრივი საფუძველი ჰქონდა.

იესე ბარათაშვილი მარტო არ ყოფილა, და ქართველ თავადაზნაურობის მტრული განწყობილება ქალაქის მოსახლეობისადმი, რომელიც გარეგნულად სომეხთა მიმართ მტრობის სახეს ატარებდა, XVIII ს. არ დაწყებულა, მას უფრო დიდი ხნის ისტორია ჰქონდა.

ქართველი თავადაზნაურობის მტრული დამოკიდებულება სომხური (ე. ი. ქალაქის ვაჭრული) მოსახლეობისადმი, როგორც

<sup>37</sup> იქვე, გვ. 68.

ეს ადრე ს. კაკაბაძემ შენიშნა, აშკარად გამოიხატა როსტომ შეფის შვილობილის ლუარსაბ ბატონიშვილის მკვლელობის ფაქტში. ქართველმა თავადაზნაურებმა, სიაოშ ბარათაშვილის მეთაურობით, ლუარსაბ ბატონიშვილის მუხანათური მკვლელობა წარმოშობით სომეხს ბაინდურ თუმანიშვილს, ანუ ამ ამბების თანამედროვე ისტორიკოსის, ფარსადან გორგიჯანიძის სიტყვით, სომეხებს დააბრალებს: „ქართველთ (ქართველ თავადაზნაურებს, შ. მ.) უნდოდათ ის სისხლი სომეხთზედა დაეტეხა“<sup>39</sup>.

ქართველ ფეოდალებს, ცხადია, სურდათ სომეხები მეფის მოლაპატეხად გამოეყვანათ და ამით სამეფო ხელისუფლება ქართლის ვაჭრულ-ხელოსნური მოსახლეობისათვის დაეპირისპირებინათ. განსაკუთრებით საინტერესოა, რომ ისტორიკოსის სიტყვით, „მეფე და თათარი (თბილისის მაჰმადიანური მოსახლეობა, შ. მ.) სომეხთკენ მოდგნენ“<sup>39</sup>. როგორც ჩანს, ქართულ ფეოდალურ არისტოკრატის დაპირისპირებულ ქალაქის მოსახლეობას (სომეხებს, მაჰმადიანებს) თვით მეფემაც დაუჭირა მხარი. ყველაფერი ეს კი კარგად გვიჩვენებს, ერთი მხრივ, ქართველ-სომეხთა ამ და მსგავს დაპირისპირებათა კლასობრივ არსსა და, მეორე მხრივ, მეფის პოლიტიკას იმდროინდელი ქალაქების მოსახლეობის მიმართ.

აღსანიშნავია, რომ სომეხ-ქართველთა ამგვარი დაპირისპირება არაერთხელ შეუნიშნავთ უცხოელ მოგზაურებსაც (მაგ., შარდენს), მაგრამ უცხო დამკვირვებელი ყოველთვის ვერ ხედავდა იმ კლასობრივ არსს, რომელიც ამ დაპირისპირებას ედგა საფუძვლად.

კლასობრივმა ბრძოლამ ფეოდალურ არისტოკრატისა და ქალაქის მოსახლეობას შორის თავისი გამოძახილი ჰპოვა აგრეთვე ფეოდალურ სამართალშიც. სახელმწიფოებრივი სამართლის მიხედვით, „საზოგადოებრივი“ მაღალი თანამდებობები სახელმწიფოში არ შეიძლებოდა ჰქონოდა ვაჭარს, მოქალაქეს, რა პატივშიც არ უნდა ყოფილიყო ის. ამგვარი თანამდებობანი (მაგ., მოურავის) მხოლოდ უპირველეს ქართველ თავადებსა და აზნაურებს შეიძლებოდა მიეღოთ, მაგრამ, ამ შემთხვევაშიც, ფეოდალური სახელმწიფოებრივი სამართალი ამ არსებითად კლასობრივ განსაზღვრას ისევ ნაციონალური მომენტით ხსნიდა. დავით ბატონიშვილი თავის «Обозрение-»ში წერდა: «В звание моуравов всегда избираются из первейших князей и дворян гру-

<sup>39</sup> Э. К а к а б а д з е, Крестьянский вопрос и крестьянское движение в Восточной Грузии XVIII в., История классової борьбы в Закавказ., с. 127..

<sup>39</sup> ფ ა რ ს ა დ ა ნ გ ო რ გ ი ჯ ა ნ ი ძ ე, ისტორია, გვ. 264.

зинских, фамилии же армянские, каково бы они достоинства не были, в сем чиновниками места иметь не могут, поскольку, нация их, от самой отдаленнейшей древности почитается в Грузии не более как только торгового и по вкоренившемуся мнению в народе не должна участвовать в отправлении должностей общественных»<sup>40</sup>.

ამგვარად, ფეოდალური სამართლის განსაზღვრით, თითქოს მხოლოდ სომხებს არ შეეძლოთ მიეღოთ მაღალი „საზოგადოებრივი თანამდებობანი“, მაგრამ, როგორც თვით სამართლის განმარტებიდან ჩანს, სომხები ამგვარ „პატივს“ მხოლოდ იმის გამო იყვნენ მოკლებულნი, რომ ისინი ცნობილნი იყვნენ საქართველოში, როგორც „მოვაჭრე ნაცია“ ე. ი. როგორც ვაჭრები. მაშასადამე, თუ ლოგიკურად მივყევით თვით ბატონიშვილის მსჯელობას, ვაჭრები, რა პატივშიც და ხარისხშიც არ უნდა ყოფილიყვნენ აყვანილი, მაღალ სახელმწიფოებრივ თანამდებობებს ვერ მიიღებდნენ. ამრიგად, ამ შემთხვევაშიც ნაციონალური მომენტი კი არ არის განსაზღვრელი, არამედ სოციალური, კლასობრივი. უფლებრივად გაბატონებული ფეოდალური არისტოკრატია ეკონომიკურად ძლიერ ვაჭართა ფენას არ უთმობდა თავის ადგილს და ნაციონალური მომენტის მომიზეზებით, მსხვილ ვაჭრებს, მოქალაქეებს სახელმწიფოებრივ მმართველობაში მონაწილეობის შესაძლებლობას უსაპობდა.

მაგრამ მსხვილი ვაჭრები, მოქალაქეები ადვილად როდი ურიგდებოდნენ ფეოდალური არისტოკრატის ამგვარ დამოკიდებულებას სახელმწიფოებრივ ცხოვრებაში მათი უფლებისა და როლისადმი.

XVIII ს. დასასრულს და XIX ს. დამდეგს, როცა სასაქონლო წარმოების შემდგომი განვითარებისა და მომხდარ პოლიტიკურ ცვლილებათა შედეგად, ფეოდალური არისტოკრატის ბატონობას წყალი შეუდგა, ქალაქის მოსახლეობამ, განსაკუთრებით მისმა ზედაფენამ, საზოგადოებრივ ცხოვრებაში პოლიტიკური უფლების მოპოვებისათვის უფრო აქტიური ბრძოლა დაიწყო, რაც, ცხადია, ქალაქის მოსახლეობასა და ფეოდალურ არისტოკრატას შორის კლასობრივი ბრძოლის გამწვავების მაუწყებელი იყო. XIX ს. დამდეგს რუსეთის ხელისუფლებამ გადაწყვიტა შეექმნა ე. წ. „სამოქალაქო მმართველობა“, საამისოდ შემუშავდა სათანადო პროექტი, რომელიც განსახილველად,

<sup>40</sup> Царевич Давид, Обзорение Грузии, отдел рукописей Института Востоковедения, Н: 11, § 678.

ერთი მხრივ, თბილისის თავდაზნაურობის წარმომადგენლებს, ხოლო მეორე მხრივ, ცნობილ მოქალაქეებს, მსხვილ ვაჭრებს გადაეცათ. მართალია, პროექტიმ ხანად ცხოვრებაში არ გატარებულა, მაგრამ ჩვენთვის ამჟამად საინტერესოა არა ეს, არამედ ის დავა, რომელიც ქართველ თავდაზნაურებსა და მოქალაქეებს შორის წარმოშვა „პროექტის“ ცალკეულმა პარაგრაფებმა.

როგორც თავდაზნაურთა, ასევე მოქალაქეთა განსაკუთრებული ყურადღება მიიქცია პროექტის მეორე პარაგრაფმა, სადაც ნათქვამი იყო: «Городское Правление составляют председатель из дворян, четыре из почетнейших граждан и четыре члена из городских жителей»<sup>41</sup>.

როგორც ვხედავთ, საქალაქო მმართველობა, მართალია, ძირითადად ქალაქის მოსახლეობის ზედაფენის წარმომადგენლებისაგან უნდა შემდგარიყო, მაგრამ თავმჯდომარედ აზნაური უნდა ყოფილიყო, როგორც ჩანს, ფეოდალური არისტოკრატია თავის ძველ უფლებებს ჯერ კიდევ საესეებით არ თმობდა. დამახასიათებელია აგრეთვე, რომ თბილისის თავადებმა მოიწონეს ეს პარაგრაფი და თავიანთი აზრი ამის შესახებ შემდეგნაირად გამოთქვეს: „როგორც მეორეს პარაგრაფში წერია, უთუოდ საქირო არის წინამძღომი ანუ პრედსედატელი კეთილშობილთაგანი, მცოდნე რიგისა და ღირსი პატივისა და ყურადღებისა, მთავრობის დამტკიცებისა, რადგანაც, რაოდენიც უნდა მიიღონ მოქალაქეთა თავის თავზე ეს თანამდებობა, არა როგორმე არ შეუძლიანთ მმართველობაში რიგის დაცვა და ვერც თუ გამართავენ სასამართლოსა, არა მქონებელთა ერთმანეთის ჯეროვანის პატივეებისა და დამორჩილება მიბარებულის თანამდებობის აღსრულებისა“. მაგრამ ქართველ თავადებს არ მოსწონდათ განსაკუთრებით ის, რომ საქალაქო მმართველობაში „ყოველნი ჩლენნი, აგრეთვე პრედსედატელიცა აღმორჩევით ხალხისაგან“ უნდა იყვნენ და „არა მისცენ ნება მთავრობასა ერთის დანიშვნისა საკუთარისა თავის განხილვითა“<sup>42</sup>.

როგორც ჩანს, ქართველი თავადების აზრით, მოქალაქეებს არ შეუძლიათ თვით გაუძღვენ თავიანთ საქმეებს, რომ მათ უსათუოდ კეთილშობილთაგანი უნდა მეთაურობდეს. ამას გარდა, სასურველი არ არის, რომ მმართველობის წევრებისა და თვით თავმჯდომარის არჩევა ხალხს მიენდოს, აქ უსათუოდ მთავრობა უნდა ჩაერიოს. აღსა-

<sup>41</sup> სცსა, ფ. 2, აღწ 1, საქმე 268, § 2.

<sup>42</sup> სცსა, ფ. 2, მ. 268, ფურც. 31, 32.

ნიშნავია აგრეთვე ისიც, რომ თბილისელმა თავადებმა მოითხოვეს— თბილისის თავადაზნაურთა მარშალს უფლება ჰქონოდა საქალაქო მმართველობაში, საჭიროების მიხედვით, ერთი თუ ორი დეპუტატი წარეგზავნა, რომ ამით თავისი გავლენა განეხორციელებინა მასზე<sup>43</sup>. დასასრულ, თავადები მოითხოვდნენ პროექტში საგანგებოდ აღნიშნულიყო: „მოქალაქეთა, გარდა ერთისა ანუ ორის მოსამსახურისა და მოახლისა, არა ჰქონდეთ ნება კომლეულის გლეხისა ანუ სოფლის სყიდვისა“<sup>44</sup>. როგორც ვხედავთ, ქართველი თავადები გულმოდგინედ იბრძოდნენ, რათა არ გაფართოებულიყო მოქალაქეთა პოლიტიკური უფლებები, რომ ისინი ისევე ფეოდალური არისტოკრატიის პოლიტიკური ბატონობის ქვეშ ყოფილიყვნენ. მაგრამ სულ სხვა შეხედულება ჰქონდა თავის უფლებებზე თბილისის მოქალაქეებს. მოქალაქეები თანახმა იყვნენ, რომ „პრედსედატელი დამტკიცდეს მთავარმართებლისაგან კეთილშობილთაგანი“. მაგრამ მათი აზრით, ეს სრულებით არ ნიშნავდა იმას, რომ მმართველობის თავმჯდომარედ არ შეიძლებოდა მოქალაქე ყოფილიყო. ისინი თავიანთ „ზაზრში“ საგანგებოდ აღნიშნავდნენ: „როდესაც საჭიროებამ მოითხოვოს, პრედსედატელი აღმოერჩინოს მოქალაქეთაგანი საზოგადოების აღმორჩევით და დამტკიცებითა მთავარმართებლისათა“<sup>45</sup>. მოქალაქენი, უპირისპირდებოდნენ რა თავადების მოთხოვნას, მოითხოვდნენ „პროექტში“ შეტანილი ყოფილიყო ერთ-ერთ მუხლად: „მოქალაქეთ თავიანთის ჩვეულებისამებრ შეიძლოს სყიდვა ყმისა და მამულისა, რადგანაც თვით ესე ძველთაგანვე ნებართული ქონიათ“<sup>46</sup>. მოქალაქეებმა მოითხოვეს აგრეთვე, რომ ზოგიერთი იჯარიდან მიღებული შემოსავალი, ყაფნის (სასწორი) შემოსავალი და სხვა ზოგი გამოსაღება, რომელთა დიდ ნაწილს აქამდე ფეოდალური ბიუროკრატიული აპარატი ითვისებდა, ყოფილიყო „მოუშლელად ქალაქის სასარგებლოდ“ და „სამოქალაქოს შკოლის სასარგებლოდ“<sup>47</sup>. დასასრულ, განსაკუთრებით აღსანიშნავია, რომ მოქალაქეებმა მოითხოვეს სამოქალაქო მმართველობის წევრები და მოსამსახურეები (ე. ი. მოქალაქეებისა და საერთოდ, ქალაქის მოსახლეობის წარმომადგენელი) თავიანთი პრივილეგიებით გათანაბრებული ყოფილიყვნენ საქართველოს მმართველობის მოსამსახურეებთან: „სამოქალაქო მმართველობის ჩლუნთა და მოსამსახურეთა სამსახურისათვის ჯილდოს მიღებისა ჰქონ-

<sup>43</sup> სსსა, ფ. 2, მ. 268 ფურც. 30.

<sup>44</sup> იქვე, ფურც. 31.

<sup>45</sup> იქვე, ფურც. 33.

<sup>46</sup> იქვე, ფურც. 36.

<sup>47</sup> იქვე, ფურც. 36—37.

დესთ თანასწორი სამართალი სხვათა მალალ საქართველოს მმართველობის მოსამსახურეთა თანასწორ“.<sup>48</sup> როგორც ვხედავთ, XIX ს. დამდეგს ფეოდალური ქალაქების ორი სოციალური ფენის კლასობრივი ინტერესები აშკარად დაუპირისპირდა ერთმანეთს: ერთი მხრივ, ფეოდალური არისტოკრატია ძველ, პრივილეგიურ უფლებათა შენარჩუნებისათვის იბრძოდა და ყოველნაირად ცდილობდა გასაქანი არ მისცემოდა მისადმი დაპირისპირებულ ძალას, რომლის ხელშიც, ფ. ენგელსის სიტყვით, «*ныло могушее оружие против Феодализма—деньги*»<sup>49</sup>. მეორე მხრივ კი, ქალაქის მოსახლეობა იღვა, რომელიც თანდათან ძალას იკრებდა, ფეოდალური არისტოკრატის მძლავრობისაგან განთავისუფლებისათვის იბრძოდა და ცდილობდა არა მარტო ცხოვრების უფლება მოეპოვებინა, არამედ საბოლოოდ გაფორმებულიყო უფლებრივად და პოლიტიკურად ძლიერ „მოქალაქეთა კლასად“, საქართველოს ქალაქების ბიურგერთა კლასად. ასეთ ღრმა კლასობრივ შინაარსს ატარებდა ის ყრუ და ზოგ შემთხვევაში ნაციონალური ქიშპობის სამოსელში გახვეული აშკარა ბრძოლა, რომელიც საუკუნეების მანძილზე წარმოებდა ქალაქის მოსახლეობასა და ფეოდალურ არისტოკრატას შორის გვიანფეოდალურ საქართველოს ქალაქებში; მომავალი, რა თქმა უნდა, ქალაქის მოსახლეობის მხარეზე იყო, რომელმაც მოახერხა დიდი ხნით აღრე, ფულის შემწეობით, საფუძველი გამოეთხარა ფეოდალური წყობისათვის და მოემზადებინა ნიადაგი მისი დამხობისათვის<sup>50</sup>. ყველაფერი ეს აშკარა გახდა XIX ს., განსაკუთრებით კი მისა 30-იანი წლებიდან.

როგორც ზემოთ აღვნიშნეთ, გვიანფეოდალური ქალაქების მოსახლეობა ეკონომიკურადაც უფლებრივად ერთფეროვანი როლი იყო. ერთი, ქონებრივად შეძლებული, ნაწილი ქალაქის მოსახლეობის პრივილეგიებულ ზედაფენას ქმნიდა, რომელიც აგრეთვე მონაწილეობდა საქალაქო მმართველობაში სხვადასხვა თანამდებობის (მამასახლისი, ნაცვალი, გადასახადთა ამკრები, მოქალაქეთა „გამორჩეული მოსამართლეები“ და სხვა) მიღებით. მეორე და ძირითად ნაწილს კი უუფლებონი, ეკონომიკურად სუსტი ყმა ხელოსნები და ვაჭრები შეადგენდნენ. ქალაქის მოსახლეობის ამ ორ ფენას ყოველთვის ერთნაირი ინტერესები არ შეიძლებოდა

<sup>48</sup> იქვე, ფურც. 37.

<sup>49</sup> Ф. Энгельс, О разложении феодализма, ч. 1, с. 441, К. М а р к с и Ф. Энгельс, Соч. т. XVI, ч. I.

<sup>50</sup> შდრ. იქვე, გვ. 442.



ჰქონოდა. როცა ქალაქის მოსახლეობა ფეოდალური არისტოკრატის წინააღმდეგ გამოდიოდა, მაშინ მათი ინტერესები, როგორც ზემოთ ვნახეთ, ერთიანდებოდა. მაგრამ ინტერესთა ამგვარი გაერთიანება სრულებით არ გამოირიცხავდა მათ შორის შინაკლასობრივ ბრძოლას. ქალაქის მოსახლეობის ზედაფენის წარმომადგენლები ზოგჯერ ექსპლოატატორებად, მეფის მიერ დანიშნულ მოხელეებად ევლინებოდნენ ქალაქის მოსახლეობის დაბალ, ძირითად ფენას. უკანასკნელს, ამიტომაც, ბრძოლა უხდებოდა არა მარტო ფეოდალთა მძლავრობის, არამედ საკუთარ თანამოქალაქეთა წინააღმდეგაც.

როგორც ზემოთ აღვნიშნეთ, ქალაქის მცხოვრებთა ზედაფენიდან ირჩეოდა ქალაქზე სახელმწიფო გამოსაღების — მახტის გამწერი და ამკრები „მოქალაქენი“, რომელნიც, სარგებლობდნენ რა მათდამი მინიჭებული უფლებებით, არაერთ ბოროტებას ჩადიოდნენ. მახტას, რომელიც შემოსავლის, ქონების მიხედვით უნდა განაწილებულიყო, ხშირ შემთხვევაში, მახტის გამწერები, თვით შეძლებული მოქალაქეები ისეთ პირებს ახდევინებდნენ დიდი რაოდენობით, რომელთაც მცირე შემოსავალი ჰქონდათ ან კიდევ, რომელნიც „ქალაქის განწესების“ მიხედვით სავსებით თავისუფალნი უნდა ყოფილიყვნენ ამგვარი გამოსაღებისაგან. აღსანიშნავია აგრეთვე, რომ მოქალაქეთა შორის მოკრებილი მახტის ერთ ნაწილს „მახტის ამკრეფად გამოარჩეულნი მოქალაქენი“ თვით ითვისებდნენ და თავიანთი ბოროტმოქმედების კვალის დასაფარავად სათანადო დოკუმენტებს სპობდნენ კიდევ. ყველაფერი ეს განსაკუთრებით ნათელი გახდა რუსეთის ხელისუფლების საქართველოში დამკვიდრების პირველ წლებში, როცა რუსეთის ხელისუფლებამ განიზრახა შეემოწმებინა „აღმორჩეულ მოქალაქეთა“ საქმიანობა ამ მხრივ. როგორც შემოწმებამ გამოარკვია, „აღმორჩეული მოქალაქეები“ არა მარტო არღვევდნენ მახტისა და, საერთოდ, სახელმწიფოებრივ გამოსაღებთა გაწერისა და ამკრების წესებს, არამედ მის დიდ ნაწილსაც თვით ითვისებდნენ. მაგ., XIX ს. პირველ წლებში, მახტის ამკრებმა მოქალაქეებმა — მიკირტუმ მუნთიეევმა და სტეფანე გურგინბეგოვმა მიითვისეს 1805 მან. და 30 კაპ., ხოლო შემდეგ წლებში ამკრებებად გამოყოფილებმა — მირიან მირიმანოვმა, სოლომონ ბიმელიქოვმა და კაკალო იფრუმოვმა — 15000 მან. ბეჟან ხატისოვმა და სოლომონ ხაზარბეგოვმა კი 2586 მან. და 60 კაპ.<sup>51</sup> აღსანიშნავია აგრეთვე, რომ საუფლისწულო ყმებისაგან გადასახადის ამკრებ-

<sup>51</sup> სცსა, ფ. 2, აღწ. 1, საქმე 466, ფურც. 101.

მა იოსებ ყორანაშვილმა აკრებილი 1070 მანეთიდან 820 მან. მიითვისა<sup>52</sup>. „აღმორჩეულ მოქალაქეებმა“, მიკირტუმ მუნთიევემა და სტეფანე გორგინბეგოვემა მოსპეს რამდენიმე წლის მახტის საგამოსაღებო დავთარი, რათა თავიანთი ბოროტმოქმედების კვალი დაეფარათ<sup>53</sup>. მსგავსი მოქმედებანი „აღმორჩეული მოქალაქეებისა“ მით უფრო ხშირი იყო ქართლ-კახეთის სამეფოს არსებობის დროს, როცა იმდროინდელი აპარატი ქალაქის მოსახლეობის დაბალი ფენის განუკითხავი ძარცვის კიდევ უფრო მეტ შესაძლებლობას იძლეოდა. მაგ., ერეკლე II-მ ქალაქში ღუქნებისა და ადგილების ჩამორთმევით საგანგებოდ დასაჯა მოქალაქე პენტელაშვილი, რომელსაც მეფის სარქარის ფული მიუთვისებია და მსგავსი მოქმედებით თურმე არაერთხელ მოუტყუებია ქართლ-კახეთის მეფე<sup>54</sup>.

ქალაქის მოსახლეობა ილაშქრებდა მსგავს მტაცებელ პირთა წინააღმდეგ, რომელნიც თავიანთ უფლებებს ქალაქის მოსახლეობის წინააღმდეგ და საკუთარი გამდიდრებისათვის იყენებდნენ, როგორც 1802 წ. საბუთიდან ჩანს, თბილისის მოსახლეობის ერთიანი მოთხოვნით რუსეთის ხელისუფლება იძულებული გახდა ქალაქის ნაცვალი, „ფარვით მტაცებლობის გამო“, გადაეყენებინა,<sup>55</sup> მაგრამ რუსეთის ხელისუფლებამ, იმავე წლის თებერვალს, ქალაქის ნაცვლად ისაია თაყუაშვილი დანიშნა<sup>56</sup>, რომელიც ქალაქის მოსახლეობის განცხადებით „ცხადად მტაცებელი იყო“ და „რომელიც არა იყო ღირსად აღყვანილ ხარისხს ზედა და მხვეჭელ, მტაცებლობა მისი (კარგად ახსოვდა) ტფილისელთა საზოგადოებასა და აწ აღსრული ხარისხსა ზედა“<sup>57</sup>, „ამისთანასა რაოდენ ბოროტს მოქმედებასა შესძენს ჩვეულებასა თვისსაო“<sup>58</sup>. ქალაქის მოსახლეობამ „ფარვით მტაცებლის“ მაგიერ „ცრუ და მტაცებლის“ დანიშვნის გამო პროტესტი განაცხადა და კნორინგს კატეგორიულად აცნობა: „ისაიას ნაცვლობა არას გზით არ გვინდა და ნურც თქუჟნ ინებებთო“<sup>59</sup>.

<sup>52</sup> იქვე, ფურც. 100.

<sup>53</sup> იქვე, ფურც. 57.

<sup>54</sup> სცსა, ფ. 229, დავთ. 6, საბ. 129.

<sup>55</sup> იქვე, ფ. 226, № 9179.

<sup>56</sup> იქვე, საბ. № 9181.

<sup>57</sup> იქვე, საბ. № 9179.

<sup>58</sup> იქვე, საბ. № 9178, 9180.

<sup>59</sup> იქვე.

ისაია თაყუაშვილი ჩვენთვის სხვა დოკუმენტებითაც არის ცნობილი. იგი ერეკლე II-ს 1796 წ. ერთ-ერთ სიგელში მეფის ერთგულად და ქალაქში თოფისწამლის სარეწაოს მფლობელ მოქალაქედ არის მოხსენიებული<sup>60</sup>. ასე რომ, სამეფო ხელისუფლების „ერთგულ მოქალაქეს“ მისი თანამომქმეების, ქალაქის მოსახლეობის ძარცვაში განსაკუთრებით გამოუჩენია თავი. ქალაქის მოსახლეობაც მსგავს ფარვით თუ აშკარად მტაცებელ მოქალაქეთა წინააღმდეგ ფარულ თუ აშკარა ბრძოლას აწარმოებდა.

1792 წ. საბუთიდან ირკვევა, რომ გორის მოსახლეობამ მეფეს „მრავალჯერ მოახსენა საჩივარი“ მამასახლისის არაკანონიერი მოქმედების შესახებ, რომ მას არ შეუძლია ქალაქის „მოსახლეობის მოვლა“; მოუხედავად ამისა, მეფემ ის ერთხანს ისევ შეინარჩუნა, შემდეგ კი 1792 წ. იძულებული გახდა გორის მამასახლისი ბაბუჯა გადაეყენებინა და მის მაგიერ ზურაბა ხითარიშვილი დაენიშნა<sup>61</sup>. გორის მამასახლისის წინააღმდეგ ილაშქრებდნენ გორელები XVIII ს. მიწურულსაც. როგორც ზემომოტანილი მასალებიდან ჩანდა, გორის მოსახლეობის ძარცვაში მოურავს, იესე ამილახვარს „მამასახლისიც გაუხდა ამხანაგათ“<sup>62</sup>. მამასახლისი კი გორში ქალაქის მოსახლეობისაგან ინიშნებოდა. ასე რომ, თავადთან (მოურავთან) ერთად გორის მოსახლეობას დაუნდობლად ძარცვავდა მათი თანამოქალაქეც, მამასახლისიც, ამიტომაც გორის მოსახლეობა მოურავის წინააღმდეგ ისევე იბრძოდა, როგორც თავისი წრიდან გამოსული მამასახლისის წინააღმდეგ.

როგორც ჩვენ მიერ ზემომოტანილი მასალებიდან ჩანს, მამასახლისეები თვითნებობდნენ ქალაქის მოსახლეობის მიმართ თბილისშიც. XVIII ს. ერთ-ერთი დაუთარიღებელი საბუთიდან ჩანს, რომ კათალიკოსის მამასახლისი მის ყმა ხელოსანთა და ვაჭართაგან თბილისში ზოგს მეტს ახდევინებდა, ზოგს კიდევ სავსებით ათავისუფლებდა გამოსაღებისაგან. მამასახლისისაგან შევიწროებული ყმები, ხელოსნები და ვაჭრები კათალიკოსს მოახსენებდნენ: „არას ქვეყნის თარხანი აღარავინ არის საქართველოში, აქ კი ზოგ(ს) ჩვენი მამასახლისი ათარხნებს, ზოგს სხვანი და ჩვენი ძალა დაგვემართაო“. კათალიკოსი იძულებული გახდა მამასახლისისათვის ებრძანებინა:

<sup>60</sup> იქვე, ფ. 229, დავთ. 18, საბ. 15.

<sup>61</sup> სსმ, ფ. Sd: 389.

<sup>62</sup> იქვე, ფ. Qd: 7120.

<sup>63</sup> იქვე, ფ. Ad: 1772.

„მამასახლისო გაბრიელ, თუ ძალა და უსამართლობა დაემართა ვისმე, შენ გარდაგახდევინებო“<sup>63</sup>.

როგორც ამ საბუთებიდან ჩანს, და ჩვენ მიერ ზემოთაც აღნიშნული იყო, ქალაქებში მოსახლე ცალკეულ ყმათა განთავისუფლება (გათარხნება) სახელმწიფო გამოსაღებთაგან შინაკლასობრივ ბრძოლას ამწვევებდა ქალაქის მოსახლეობის, ასე ვთქვათ, შედარებით პრივილეგირებულ ნაწილსა და იმ ფენას შორის, რომელსაც მრავალგვარი სახელმწიფოებრივი და კერძო საბატონო ვალდებულებათა გასტუმრება უხდებოდა. ამიტომაც მოსახლეობის ეს უკანასკნელი ფენა იბრძოდა, რათა ე. წ. „პრივილეგირებულნი“, სახელმწიფოებრივი გამოსაღებებისაგან განთავისუფლებული ყმა ხელოსნებიცა და ვაჭრებიც საერთო სახელმწიფოებრივ სამსახურში თანაბრად ჩაებათ. მაგ., გორელებს მთავარ ეპისკოპოსის ყმა გრიგოლა ალადათაშვილი „ყოვლისფერს ხარჯსა და სათხოვარში“, სხვა გორელების თანაბრად გაუტრევიათ. მხოლოდ სასამართლოს განაჩენით ვახდა შესაძლებელი ალადათაშვილი, როგორც საეკლესიო ყმა, სახელმწიფოებრივი მათხოვრისაგან გაენთავისუფლებინათ<sup>64</sup>. მსგავსი დავა და ბრძოლა ქალაქის მოსახლეობის შიგნით ფეოდალურ საქართველოში ხშირი იყო. ასე რომ, ფეოდალური საქართველოს ქალაქების მოსახლეობის დაბალ ფენებს ბრძოლა უხდებოდათ არა მარტო საკუთარი მებატონეებისა და მეფის მიერ აღნიშნულ ფეოდალ მოხელეთა წინააღმდეგ, არამედ ქალაქის მოსახლეობისაგან გამოყოფილ ზედაფენასთანაც, მსხვილ ვაჭრებთან და მევახშეებთან, რომელნიც თავიანთი საქმიანობით ხშირად გვერდში უდგებოდნენ ფეოდალებს ქალაქის მოსახლეობის ძარცვაში.

ზემოთ მოტანილი მასალების მიხედვით შეიძლება შემდეგი დასკვნები გავაკეთოთ:

1. კლასობრივი ბრძოლა XVII—XVIII სს. საქართველოს ქალაქებში უმთავრესად ანტიფეოდალურ ხასიათს ატარებდა. ქალაქის არაერთფეროვანი მოსახლეობა ხშირ შემთხვევაში ერთიანი ძალით გამოდიოდა ფეოდალურ ექსპლოატატორთა წინააღმდეგ. ანტიფეოდალური კლასობრივი ბრძოლა, ქალაქის მოსახლეობის ცალკეულ წარმომადგენელთა თუ კოლექტიურ საჩივრებში ვლინდებოდა. ცალკეული თუ კოლექტიური საჩივრები თავისთავად მნიშვნელოვანი ანტიფეოდალური გამოსვლები იყო.

2. ფეოდალურ საქართველოს ქალაქებში კლასობრივი ბრძო-

<sup>64</sup> სცსა, ფ. 290, დავთ. II, ნაწ. 15, საბ. 25.

ლის ერთ ფორმას ბატონყმობაზე უარის თქმა, „ყმობის გმობა“ და ყმების გაქცევა წარმოადგენდა.

3. ანტიფეოდალური ბრძოლის შედარებით მაღალი სახე საბატონო გამოსაღებებზე უარის თქმა იყო, რომელიც ხშირ შემთხვევაში მასობრივ ჩასიათს იღებდა და ფეოდალური სამართლის მიერ ამბოხებასთან (აჯანყებასთან) იყო გათანაბრებული. ანტიფეოდალური ბრძოლები ზოგჯერ აშკარა გამოსვლის სახესაც იღებდა, ოღონდ ამგვარი გამოსვლები ხშირად რელიგიური კონფლიქტებისა თუ ნაციონალური დაპირისპირების სამოსელში ვლინდებოდა.

4. ქალაქის მოსახლეობა იბრძოდა არა მარტო ფეოდალური ექსპლოატაციის წინააღმდეგ, არამედ თავისი პოლიტიკური უფლებების გაფართოებისთვისაც. ამგვარად ბრძოლას უმთავრესად ქალაქის მოსახლეობის ზედაფენა, მოქალაქეები და მსხვილი ვაჭრები აწარმოებდნენ.

5. ქალაქის მოსახლეობის როგორც ქონებრივი, ასევე უფლებრივი სხვადასხვაობა შინაკლასობრივი ბრძოლის საფუძველი იყო, რაც უმთავრესად ქალაქის მოსახლეობის დაბალი, უმთავრესად ყმური ნაწილის, ქალაქის მოხელეთა და მსხვილ ვაჭარ-მეევანეთა წინააღმდეგ ბრძოლაში გამოიხატებოდა.

6. ქალაქების სოციალურ-ეკონომიკური განვითარების თავისებურებანი, ქალაქებში მოსახლე ყმა-ხელოსანთა და ვაჭართა სხვადასხვა კატეგორიების სიმრავლე და მათი დაქსაქსულობა, ინტერესის სხვადასხვაობა იყო ის ძირითადი მიზეზი, რაც ხელს უშლიდა ქალაქების მოსახლეობის ერთიანი ფრონტით გამოსვლას ბატონყმური ურთიერთობისაგან გასანთავისუფლებლად.

გამოკვლევა ძველი კოლხეთის ქალაქების შესახებ

(მ. ინაძე, ძველი კოლხეთის შავიზღვისპირა ქალაქები)

ძველი საქართველოს ქალაქებისა და საქალაქო ცხოვრების შესწავლას კიდევ ერთი მნიშვნელოვანი მონოგრაფია მიეძღვნა, მ. პ. ინაძის ისტორიულ მეცნიერებათა დოქტორის სამეცნიერო ხარისხის მოსაპოვებლად წარმოდგენილი ნაშრომის — „ძველი კოლხეთის შავიზღვისპირა ქალაქების“ («Причерноморские города древней Колхиды») — სახით. სარეცენზიო ნაშრომი ავტორის მიერ ჩატარებული მრავალი წლის ნაყოფიერი მუშაობის შედეგების შეჯამებას წარმოადგენს. ამ პრობლემისადმი მიძღვნილი პირველი წერილები მ. ინაძემ ჯერ კიდევ ამ ათიოდე წლის წინათ გამოაქვეყნა. თუკი პირველ ნაშრომებში ავტორი მხოლოდ საკითხებს სვამდა ძველი კოლხეთის ქალაქების განვითარების ხასიათისა და თავისებურებათა შესახებ, წინამდებარე ნაშრომში უკვე საფუძვლიანად შესწავლილია ძველი კოლხეთის ქალაქებისა და საქალაქო ცხოვრების უმთავრესი პრობლემები — ქალაქების წარმოშობის საკითხი, საქალაქო მეურნეობა, გარე სამყაროსთან ურთიერთობა, ზღვისპირა ქალაქების პოლიტიკური და სოციალურ-ეკონომიკური ცხოვრება, განვითარების ძირითადი პერიოდები. საქალაქო ორგანიზაციის ფორმები და სხვა კარდინალური საკითხები.

წარმოდგენილი საკვალეფიკაციო ნაშრომი ექვსი თავისაგან შედგება. პირველი თავის სახით მას წამძვარებული აქვს ვრცელი ისტორიოგრაფიული მიმოხილვა, სადაც მოცემულია კოლხეთის ზღვისპირა ქალაქების შესწავლის ისტორიის დეტალური და თანმიმდევრული სურათი. აქვე ნაჩვენებია ჩატარებულ არქეოლოგიურ ძიებათა მნიშვნელობა ქალაქების შესწავლის საქმეში.

განსაკუთრებულ ყურადღებას იქცევს მეორე, საკმაოდ ვრცელი თავი — „წერილობითი წყაროების მიმოხილვა“ («Избор писменных источников»), რომელიც ავტორის მიერ ჩატარებული ხან-

გრძლივი და სერიოზული კვლევითი მუშაობის შედეგს წარმოადგენს.

კოლხეთის ზღვისპირა ქალაქების ისტორიის შესასწავლად, ჩვენი აზრით, უპირველეს მნიშვნელობას მაინც ჯერ კიდევ წერილობითი წყაროები ინარჩუნებს და ბუნებრივია, თუკი ამ წყაროების კრიტიკულ-მეცნიერულ შესწავლას გადამწყვეტი მნიშვნელობა აქვს ზოგი კარდინალური საკითხის გასარკვევად. ამიტომ სავესებით სწორად მოიქცა დისერტანტი, როცა წყაროების კრიტიკა-მიმოხილვას ასე მნიშვნელოვანი ადგილი დაუთმო.

როგორც ცნობილია, ძველი ბერძენი და რომაელი ავტორების ცნობები საქართველოსა და კერძოდ, კოლხეთის ქალაქების შესახებ ჩშირად შემონახულია ფრაგმენტალური და ნაკლები სახით. ამასთანავე, წყაროში, ზოგჯერ მოცემულია სხვადასხვა დროის ამსახველი სხვადასხვა ღირსების ცნობა, რაც ამ წყაროებით სარგებლობას აძნელებს მისი კრიტიკული შესწავლის, მეცნიერული ღირებულებისა და ქრონოლოგიის გარკვევის გარეშე. ამიტომ დასჭირდა მ. ინაძეს სხვადასხვა წყაროთა ურთიერთშედარება და მათი ღირსების გასარკვევად ასე საჭირო სამუშაოს ჩატარება.

რა თქმა უნდა, ამ შემთხვევაში მ. ინაძე პირველი არ ყოფილა. ამ მხრივ ჩვენში დიდი და ნაყოფიერი მუშაობაა ჩატარებული ს. ყაუხჩიშვილის, თ. ყაუხჩიშვილის, ალ. გამყრელიძის და სხვების მიერ. ყველაფერ ამან, ბუნებრივია, მყარი ნიადაგი შეუქმნა დღევანდელ დისერტანტს უფრო კონკრეტული კვლევა ჩატარებინა საკუთრივ კოლხეთის ზღვისპირა ქალაქების ისტორიის წყაროების მეცნიერული ღირებულების გამოსავლენად. წინასწარვე შეიძლება ითქვას, რომ ავტორის მიერ მიღწეული წარმატებები ამ მხრივ უსათუოდ საგულისხმოა.

მაგალითად, ჩვენი აზრით, სავესებით სარწმუნოა დისერტანტის დასკვნები ძვ. წ. VI ს. ავტორის ჰეკატეს ფრაგმენტებში და ჰეროდოტეს კოლხეთის აღწერილობებში ზღვისპირა ქალაქების შესახებ სათანადო ცნობათა დაუცველობის შესახებ.

ასევე ყურადღებას იქცევს დისერტანტის მიერ გაწეული შრომა. ფსევდო სკილაქსის „პერიპლუში“ დატული ცნობების კრიტიკული შესწავლის თვალსაზრისით. მ. ინაძემ ფსევდო სკილაქსის ცნობებით მხრივ შეუდარა ჰეკატე მილეთელის ფრაგმენტების მონაცემებს, ხოლო მეორე მხრივ ქსენოფონტეს „ანაბაზისს“. ასეთმა შედარებამ ავტორი მიიყვანა დასკვნამდე, რომ ფსევდო სკილაქსის ცნობები მეტ საერთოს პოულობს VI ს. ავტორთან, ვიდრე მაგ.

ქსენოფონტეს ცნობებთან (იხ. გვ. 51—52). მ. ინაძე ვარაუდის სახით გამოთქვამს საინტერესო მოსაზრებას ფსევდო სკილაქსის დამოკიდებულების შესახებ ჰეკატე მილეთელისაგან და ამავე დროს, ამ ორი ავტორის მიერ ერთი საერთო წყაროს, საკუთრივ, სკილაქსის ცნობების გამოყენების შესახებ.

ამასთანავე, აღსანიშნავია, რომ მ. ინაძე ცდილობს, ზოგი დეტალის გათვალისწინებით, VI ს. 20-იანი წლებამდელი დროით დაათარილოს ჰეკატე მილეთელისა და ფსევდო სკილაქსის ეს საერთო წყარო (გვ. 53).

მ. ინაძის მიერ ჩატარებულ წყაროთმცოდნეობითი სამუშაოებიდან ყურადღებას იქცევს აგრეთვე მის მიერ წარმოებული დაკვირვება პერაკლიდეს ექსცერპტებზე და, ამასთან დაკავშირებით, ფასიანელთა პოლიტიის მნიშვნელობის წინ წამოწევა ქ. ფაზისის ისტორიის კვლევისას (გვ. 62. და სხვ.).

ასეთი და სხვა სახის წყაროთმცოდნეობითი სამუშაოს ჩატარების შემდეგ დისერტანტი გადადის საკუთრივ ზღვისპირა ქალაქების ისტორიის, კერძოდ, მათი წარმოქმნის დროისა და პირობების გარკვევაზე. ამ საკითხს ეძღვნება სადისერტაციო ნაშრომის მესამე თავი („კოლხეთის შავიზღვისპირა ქალაქების აღმოცენება“, გვ. 97—128).

ასეთი კარდინალური პრობლემის შესწავლისას დისერტანტის მიერ უხვადაა გამოყენებული არსებული არქეოლოგიური მასალა. ქალაქების წარმოქმნის პროცესი მ. ინაძეს არსებითად ორ ძირითად ეტაპად აქვს წარმოდგენილი: ერთი არის ერთგვარი მოსამზადებელი პერიოდი II და I ათასწლეულის მიჯნა, ხოლო მეორე საკუთრივ ქალაქთა წარმოშობის პერიოდი — VI ს-დან. ავტორის აზრით, თუკი გვიანბრინჯაოს ხანის და რკინის ათვისების პერიოდის კულტურამ მოამზადა ნიადაგი შრომის დანაწილების გაღრმავებისა და მსხვილ დასახლებათა წარმოქმნისათვის მათი სახელოსნო უბნებით, ამ უკანასკნელთა სახელოსნო-სავაჭრო ცენტრებად ანუ ქალაქებად გადაქცევის პროცესი უკვე დაკავშირებული იყო საშინაო და საგარეო რეგულარული ვაჭრობის განვითარებასთან, რასაც ძვ. წ. VI ს. ჰქონდა ადგილი (გვ. 106).

შავიზღვისპირა ქალაქების წარმოქმნის პერიოდის ამგვარად დათარიღება შეიძლება ახალი არ იყოს, მაგრამ სიახლეა ავტორის მასალები და მისი მოსაზრებანი ამ მასალების ანალიზის თვალსაზრისით. ამ შემთხვევაში დისერტანტის მიერ გათვალისწინებულია როგორც შინაგანი პროცესი, ასევე ურთიერთობაც გარე სამყაროსთან, რომელსაც, მართლაც, ამ პერიოდში არ შეიძლებოდა არ შეესრულე-



ზინა ერთ-ერთი წამყვანი როლი; ავტორის აზრით, კოლხეთის ჩათრევამ საზღვაო ვაჭრობაში, ურთიერთობამ მილეთთან, ქაოსთან, როდასთან, სამოსთან და სხვ. ხელი შეუწყო ეკონომიკურად დაწინაურებულ რაიონებში მოხერხებული მდგომარეობის მქონე დასახლებათა ქალაქებად გადაქცევის (იხ. გვ. 108—109). მის შიდარაიონებში — ქუთაისი, ვანი, დაბლაგომი, ითხვისი და სხვ., ამ პუნქტებს ჩვეულებრივი სამოსახლო ტერიტორიებისაგან, ავტორის აზრით, განასხვავებს იმპორტული კერამიკის დიდი რაოდენობა, ადგილობრივი და უცხოური მონეტების გამოყენება და გარეგანი, ქალაქური სახე.

ზემოაღნიშნულ საშინაო და საგარეო პირობებს უკავშირებს შ. ინაძე ზღვისპირა სამოსახლოთა შემდგომ განვითარებას და მათთანდათან გადაქცევის ქალაქებად, ეს პროცესი დაემთხვა ბერძნული სამოსახლოების გაჩენას, რამაც განაპირობა კოლხეთის ზღვისპირა ქალაქების თავისებურებანი. ამასთან დაკავშირებით დისერტანტი დეტალურად განიხილავს ბერძნულ სამოსახლოთა კოლონიზაციას სხვადასხვა ქვეყნებში და ამის შესაბამისად აღგენს ამა თუ იმ სამოსახლოთა გაჩენის დროსა და კონკრეტულ პირობებს, რაც, რა თქმა უნდა, არ შეიძლება საერთო იყოს ყველა ქვეყნისათვის.

შავიზღვისპირეთის ბერძნულ კოლონიზაციაში ავტორი არსებითად ორ ეტაპს არჩევს: ემპორიების გაჩენა — ფიჭვნარი, ბათუმის ციხე, ფოთის მიდამოები, რომლის შექმნაშიც მილეთის გარდა მონაწილეობდა აგრეთვე ქიასი (VII—VI სს.), რომელსაც შემდეგ მოსდევს ზოგ მათგანში ბერძნული ახალშენების წარმოქმნა—VI ს. პირველ ნახევარში ფაზისში და VI ს. 40-იანი წლებისათვის დიოსკურიადში (გვ. 118—122). ავტორის მტკიცებით, ყველა ემპორია, ცხადია, არ გამხდარა ახალშენად და ამიტომაც ისინი წყაროებშიც არ მოიხსენიებიან.

აქვე დისერტანტი საგანგებოდ ეხება თვით ბერძნულ ახალშენთა ბუნებას, მის ხასიათს. ავტორი განიხილავს ამ საკითხთან დაკავშირებით გამოთქმულ მოსაზრებებს, იყენებს სათანადო არქეოლოგიურ მონაბოვრებს და დაასკვნის: ადგილობრივი მოსახლეობისა და ბერძნული ელემენტის ხანგრძლივ თანაარსებობას და ელინისტურ სამყაროსთან მჭიდრო კონტაქტს, არ შეეძლო თავისი დიდი არ დაესვა აქაური ქალაქების ცხოვრებისათვის, კერძოდ არ მიეცა თავისებური სახე მოსახლეობის ეთნიკური შემადგენლობის, საქალაქო ორგანიზაციის, სოციალურ-ეკონომიკური განვითარებისათვის (გვ. 128).

სადისერტაციო ნაშრომის მეორე თავი—„კოლხეთის შავიზღვისპირა ქალაქების განვითარების ხასიათისა და თავისებურებათა შესახებ, «К вопросу о характере и своеобразии развития причерноморских городов Колхиды», — სწორედ ამ თავისებურებათა შესწავლას მიუძღვნა დისერტანტმა (გვ. 128—188). ამ თავში, რომელიც სადისერტაციო ნაშრომის ერთ-ერთ ძირითად ნაწილს შეადგენს, დისერტანტმა წერილობითი წყაროებისა და არქეოლოგიური მონაცემების საფუძველზე შესძლო განეხილა ისეთი მნიშვნელოვანი საკითხები, როგორცაა — მოსახლეობის ეთნიკური შედგენილობა, ადგილობრივი და ბერძნული ელემენტის როლი საქალაქო ცხოვრებაში, საქალაქო ორგანიზაციის ფორმა და ხასიათი, კოლხეთის ზღვისპირა ქალაქების ურთიერთობა სამეფო ხელისუფლებასთან, ზღვისპირა ქალაქების სოციალურ-ეკონომიკური და კულტურული განვითარების თავისებურებანი და სხვ.

ყველა ამ კარდინალურ საკითხზე ავტორს თავისი საკუთარი, არქეოლოგიურ და წერილობით წყაროებზე დამყარებული, საინტერესო მოსაზრება აქვს გამოთქმული. მაგ., ავტორის აზრით, ძირითადად ქალაქის ეთნიკურ შემადგენლობაში შეადგენდა ადგილობრივი ელემენტი არა მარტო ფიჭვნარსა და ოჩამჩირეში, არამედ ფოთშიც და დიოსკურიავშიც, სადაც მებრძოლი ელემენტი ადრადანვე მნიშვნელოვანი იყო, მაგრამ დროთა ვითარებაში აქაც ადგილობრივმა მოსახლეობამ მოიპოვა უპირატესობა და ამით აიხსნება მათი მოხსენიება წყაროებში უკვე არა ბერძნულ პოლისებად, არამედ ადგილობრივ ცენტრებად (გვ. 140—141). მართალია, არც ეს არის ახალი მოსაზრება, მაგრამ აღსანიშნავია, რომ მ. ინაძე ახალი მასალებით ასაბუთებს მას.

ეს სიახლე განსაკუთრებით კარგად გამოჩნდა ამ თავის მეორე პარაგრაფში წამოჭრილი საკითხების განხილვის დროს. ავტორის დასკვნით, სხვადასხვა პირობებში წარმოქმნილი ბერძნული სამოსახლოები ვერ თავსდებიან ვერც ტიპური კლასიკური ფორმის ბერძნული კოლონიების და ვერც ემპორიების ცნებაში (გვ. 135). ასევე უნდა იქნეს განხილული კოლხეთის ზღვისპირა ქალაქებიც, სადაც, მართალია, ასევე სავარაუდებელია საქალაქო ორგანიზაციის გარკვეული, გადმონერგული ფორმის არსებობა, მაგრამ ადგილობრივი თავისებური შინაარსითა და ხასიათით, რომლის შესწავლაც მხოლოდ სათანადო წყაროების აღმოჩენის შემდეგ გახდება შესაძლებელი.

ზღვისპირა ქალაქების ორგანიზაციაში ადგილობრივი, თავისებური ფორმების შექმნაში გარკვეული როლი უნდა ეთამაშა აგრეთვე იმას, რომ ქალაქების წარმოქმნის პროცესი კოლხეთში დამთხვავა სახელმწიფოს წარმოქმნის პროცესს.

საინტერესო მოსაზრებებს შეიცავს აგრეთვე ამავე თავის მომდევნო პარაგრაფიც, რომელიც ზღვისპირა ქალაქებისა და სამეფო ხელისუფლების ურთიერთობის საკითხისადრე მიძღვნილი. ამ შემთხვევაში ყურადღებას იქცევს მ. ინაძის მოსაზრებანი კოლხეთის სამეფოს წარმოქმნის პროცესისა და მისი დასრულების VI ს. მიწურულით დათარიღების შესახებ (გვ. 160—163). ამ ფრიად საინტერესო მოსაზრების განსამტკიცებლად მ. ინაძე იშველიებს უდავოდ ანგარიშგასაწევე მასალას, ნუმისმატიკის მონაცემებს, კერძოდ, კოლხური მონეტის სტაბილიზაციას V ს. დამდეგიდან, რაც დისერტანტის აზრით, უკვე ჩამოყალიბებული კოლხეთის სამეფო ხელისუფლების ჩარევით უნდა იყოს გამოწვეული. ეს კი თავისთავად მნიშვნელოვანი საბუთია ზღვისპირა ქალაქების უფლების შეზღუდვაში კოლხეთის სამეფო ხელისუფლების აქტიურად ჩარევისა (იხ. გვ. 170). მაგრამ, ცხადია, ეს არ ნიშნავს სამეფო ხელისუფლების ჩარევას ქალაქების შინაგან შმართველობაში. ამ მხრივ დამოუკიდებლობას ისინი ისევ ინარჩუნებდნენ (იხ. 172 გვ.). ყველაფერი ეს კი, ცხადია, თავისებურ სახეს აძლევდა კოლხეთის ზღვისპირა ქალაქების შინაგან წყობას და ამიტომაც, დისერტანტის აზრით, ისინი უფრო წააგავდნენ ელინისტური ხანის ქალაქებს, ვიდრე კლასიკურ ბერძნულ ქალაქ-სახელმწიფოებს (იქვე).

კოლხეთის ზღვისპირა ქალაქების სოციალური ურთიერთობის მნიშვნელოვანი საკითხებია აღძრული მეოთხე თავის უკანასკნელ პარაგრაფში. სათანადო მასალების მოშველიებით დისერტანტი ამ შემთხვევაშიც საინტერესო მოსაზრებებს აყენებს. მისი აზრით, აღრეული ხანიდან (V—IV სს.) კოლხეთის ზღვისპირა ქალაქებში, ბერძნული პოლისებისაგან განსხვავებით, ვიდრე III—II სს-მდე თავისუფალ მწარმოებელთა ფენა ძლიერად იყო წარმოდგენილი, ამ დროიდან კი კოლხეთის ქალაქებშიც იჭრება მონობა-მონათმფლობელობა, თუმცა იგი აქაც არ იყო ყოვლისმომცველი (გვ.174).

ამავე ქვეთავში დისერტანტი საგანგებოდ ეხება აგრეთვე ქალაქთა ცხოვრებას, კერძოდ ბერძნულის გავლენის თვალსაზრისით, როგორც ეკონომიკაში, ქალაქთმშენებლობის ტექნიკაში, ასევე

კულტურაში, — ბერძნული ენის გაბატონებული მდგომარეობა და სხვ. (იხ. გვ. 176—178; 179—180; 182—183 და სხვ.).

სადისერტაციო ნაშრომის მეხუთე თავი ეძღვნება ქალაქის ეკონომიკური ცხოვრების — ხელოსნობის, ვაჭრობის, მიწათმოქმედების — შესწავლას. ავტორის ამოსავალს ამ შემთხვევაში წარმოადგენს საესეებით მართებული მოსაზრება იმის შესახებ, რომ ზღვისპირა ქალაქები, ისე როგორც საერთოდ სხვა ქალაქებიც; წარმოადგენენ ვაჭრობისა და ხელოსნობის ცენტრებს (სხვა მხრივ მართლაც წარმოუდგენელი იქნებოდა მათი ქალაქობა); ეს უკანასკნელნი კიდევ დამყარებულნი იყვნენ ინტენსიურ მიწათმოქმედებაზე (გვ. 188).

აქვე დისერტანტის მიერ პირველ რიგში დახასიათებულია ხელოსნური წარმოების ცალკეული დარგებიც — მჭედლობა, იარაღის კეთება, ქსოვილების დამზადება, თვით ხომალდთა მშენებლობა და სხვ. (გვ. 194—196). ვრცლად აქვს მიმოხილული დისერტანტის ზღვისპირა ქალაქების საგარეო ვაჭრობა. ამ საკითხს მ. ინაძემ ჭერ კიდევ ადრე (1962 წ.) უძღვნა საგანგებო წერილი. კოლხეთის ქალაქების საგარეო ვაჭრობაში დისერტანტი სამ ძირითად ეტაპს გამოჰყოფს და დეტალურად ახასიათებს თითოეული ეტაპის გარკვეულ თავისებურებებს, გაპირობებულს ქვეყნის საშინაო ეკონომიკური და საგარეო ბაზრის მდგომარეობით. ეს მოსაზრებანი ძალაშია დატოვებული საკვალიფიკაციო ნაშრომში და გამდიდრებულია ახალი მასალებითაც. ჩვენ არ შევეუდგებით მის მიერ ამ შემთხვევაშიც გამოთქმულ მოსაზრებათა დეტალურ განხილვას და აგრეთვე იმ საკამათო, სადავო საკითხების წამოჭრას, რომელიც ასე უხვადაა სადისერტაციო ნაშრომში. არ შეიძლება ეს დღეს ჩვენი ამოცანა იყოს. აღვნიშნავთ მხოლოდ, რომ ამ ფრიადმნიშვნელოვანი საკითხების განხილვა დისერტანტს დამყარებული აქვს არსებული მასალების (წერილობითი, არქეოლოგიური) და სათანადო ლიტერატურის ღრმა მეცნიერულ-კრიტიკულ შესწავლასა და განზოგადოებაზე.

აღსანიშნავია დისერტანტის მოსაზრება ელინისტურ ხანაში ვაჭრობის განსაკუთრებული გამოცოცხლების წყალობით კოლხეთში ახალი ცენტრების, ქალაქების წარმოქმნის შესახებ. ასეთად მიაჩნია მას აფსაროსო, პიტაუნტი, არქეოპოლისი და სხვ.

დისერტანტს ყურადღების გარეშე არ დაუტოვებია კოლხეთის ზღვისპირა ქალაქების მდგომარეობა და ისტორია გვიანანტი-

კურ ხანაში. ამ საკითხისადმი მიძღვნილი სადისერტაციო ნაშრომის უკანასკნელი მეექვსე თავი.

ავტორის დაკვირვებით, II—I სს. იწყება ზღვისპირა ქალაქების ერთგვარი დაცემა, რაც ელინისტურ ხანაში მომზადდა და შედეგი იყო ქვეყნის შინაგან ცხოვრებაში მიმდინარე სოციალური და ეკონომიკური მოვლენებისა; ცვლილებები ქალაქის ეკონომიკაში, სოციალური კრიზისის გამწვავება და საგარეო ფაქტორები — რომის ექსპანსია და რომისა და პონტოს დაპირისპირება, რომაელების გამარჯვება — იყო ის მიზეზები, რამაც დასცა ვაჭრობა და საერთოდ საქალაქო ცხოვრება (გვ. 234—235).

დისერტანტის აზრით, ზღვისპირა ქალაქებში ერთგვარი ახალი აღმავლობა ახ. წ. I—II სს.-დან იწყება. მაგრამ ეს ახალი ქალაქები უმთავრესად ციხე-ქალაქები იყო (გვ. 239—240 და სხვ.).

ქალაქთა აღორძინების შემდგომ პერიოდად დისერტანტი მიიჩნევს III—IV სს. ლაზიკის სამეფოს წარმოშობის ხანას; მაგრამ ამას არსებითად, როგორც ჩანს, არც შეიძლება ეწოდოს ქალაქების აღმავლობის ხანა; ფეოდალიზაციის პროცესი და ნატურალური მეურნეობის თანდათან გაბატონება ამის შესაძლებლობას სპობდა.

ასეთია სადისერტაციო ნაშრომის ძირითადი მიღწევები. როგორც დავინახეთ, მ. ინაძის საკვალიფიკაციო ნაშრომში დასმულია და გაშუქებულია შავიზღვისპირა კოლხეთის ქალაქების ისტორიის საკითხების ფართო წრე, ავტორი, როგორც ეს მისი შრომის ყოველი ადგილიდან ჩანს, კარგად იცნობს მთელ შავიზღვისპირეთში და საერთოდ იმდროინდელ კულტურულ სამყაროში მიმდინარე ისტორიულ პროცესებს და, რაც მთავარია, ამ პროცესებთან მჭიდრო კავშირში განიხილავს თვით კოლხეთის ქალაქების ისტორიას და საქალაქო ცხოვრებას.

ამასთანავე, არ შეიძლება არ აღინიშნოს, რომ ავტორს მეტად მნიშვნელოვანი მოსაზრებები აქვს გამოთქმული საკუთრივ კოლხეთის ისტორიის კარდინალურ პრობლემებზე და მნიშვნელოვანი წვლილი აქვს შეტანილი ამ საკითხების შესწავლაშიც.

ავტორის წარმატებები ამ მხრივ გაპირობებულია წყაროებისა და საჭირო ლიტერატურის ზედმიწევნითი ცოდნით, დიდმნიშვნელოვანი წყაროთმცოდნეობითი სამუშაოს ჩატარებით, არქეოლოგიურ ექსპედიციებში პირადი მონაწილეობით. ზედმეტია ლაპარაკი იმაზე, რომ მ. ინაძე კარგად იცნობს ძირითად წერილობით

(ბერძნულ) წყაროს ორიგინალში, ასევე ზედმიწევნით იცნობს საჭირო უტხოურ (ინგლისურ, ფრანგულ, გერმანულ) უახლეს ლიტერატურასა და საბჭოთა ისტორიოგრაფიის მიღწევებს. ამრიგად, მ. ინაძის სარეცენზიო მონოგრაფია წარმოადგენს ქართული ისტორიოგრაფიის უდავოდ მნიშვნელოვან შენაძენს, რომელსაც დიდი წვლილი შეაქვს არა მარტო საკუთრივ კოლხეთის, არამედ საერთოდ შავიზღვისპირეთის ქალაქებისა და ქვეყნების ისტორიის შესწავლის საქმეში.

ზემოხსენებული შრომის ეს საერთო შეფასება სავსებით საკმარისი იქნებოდა დღევანდელი სხდომის მიზნისათვის, კერძოდ მ. ინაძისათვის ძიებულ ხარისხის მინიჭების საკითხის გადასაწყვეტად. მაგრამ, უკვე ტრადიციად ქცეული წესის მიხედვით, ოფიციალური ოპონენტი ვალდებულია ზოგი შენიშვნაც გააკეთოს ნაშრომის მიმართ, თუნდაც ამისი საჭიროება არც არსებობდეს.

რა თქმა უნდა, როგორც სრულყოფილაც არ უნდა იყოს ნაშრომი, მასში ყოველთვის მოიძებნება შენიშვნები, მით უფრო ისეთ ნაშრომში, რომელიც ჩვენი ქვეყნის უძველესი ისტორიის საკითხებს ეძღვნება, რომელთა გადასაწყვეტად მასალები, წერილობითი თუ არქეოლოგიური, ან საერთოდ არ მოგვეპოვება, ან კიდევ ძალიან მცირე, შეზღუდული რაოდენობით.

ამას გარდა, ამგვარ ნაშრომში არაერთი საკითხი შეიძლება მოიძებნოს სადავო და საბოლოოდ გადაუწყვეტელიც. მაგრამ წინასწარვე შეიძლება ითქვას, რომ რა ხასიათისაც არ უნდა იყოს ეს შენიშვნები, ისინი ვერ ამცირებენ მ. ინაძის ნაშრომის საერთო, დიდ მეცნიერულ ღირებულებას.

მიუხედავად ამისა, ჩვენ საჭიროდ მივიჩნევთ ზოგი შენიშვნა მაინც გააკეთოთ.

ზემოთ უკვე აღნიშნული იყო, რომ დისერტანტს წყარომცოდნეობითი ხასიათის დიდი და ნაყოფიერი მუშაობა აქვს ჩატარებული. ვრცელ წყარომცოდნეობით მიმოხილვაში მან, როგორც მოსალოდნელი იყო, დეტალურად განიხილა თავისი შრომის ძირითადი და პირველწყაროები (ბერძნულ-რომაული). მაგრამ ისიც არ შეიძლება არ ითქვას, რომ დისერტანტმა სავსებით უგულებელყო ქართული წერილობითი წყაროები და საჭიროდაც არ ჩათვალა ორიოდ სიტყვით მაინც აღენიშნა მათ შესახებ.

ყველასათვის ცნობილია, რომ ქართულ წერილობით წყაროებში თითქმის არაფერი მოიპოვება ანტიკური ხანის ქალაქებისა და, კერძოდ, კოლხეთის ზღვისპირა ქალაქების შესახებ, მაგრამ

თვით ამ ფაქტის აღნიშვნაც იყო საჭირო და დასავლეთ საქართველოს ქალაქების შესახებ ქართული წყაროების ასეთი ღუმლის მიზეზების ახსნაც. იქნებ თვით ამგვარ ღუმელშიც მოიძებნოს ზოგი რამ საგულისხმო. მაგ., თუ ლეონტი ან ჭუნაშვილი აქა-იქ საჭიროდ მიიჩნევენ დაასახელონ ძველი ეგარისის ზოგი ქალაქი (მაგ., ეგრი, ციხეგოჯი), საინტერესოა, რატომ არაფერს ამბობენ ზღვისპირა, მათთვის უდავოდ ცნობილი ქალაქების არსებობის შესახებ? და ეს იქნებ იმიტომ, რომ მათ ქართულ ქალაქებად არც კი მიიჩნევდნენ გარკვეულ დრომდე, გარკვეულ (VIII—IX სს.) საუკუნეებამდე.

ამასთანავე, ზოგ ნაგვიანვე წყაროშიც მოიპოვება საინტერესო ცნობა არაერთი ზღვისპირა ქალაქის ლოკალიზაციის თვალსაზრისით. მაგ., იმერეთის 1737 წ. რუკაზე ზღვისპირზე ჩახაზულია სოხუმი და მისი ციხე, რომელზედაც მიწერილია: „სოხუმის ციხე. ქართულად აყუ ქვიან“ და სხვ... ზოლო ზღვისპირისაგან მოშორებით, სოხუმიდან ოდნავ ჩრდილოეთით ჩახაზულია და ჩაწერილია: „ცხუმის ციხე, ცარიელი“. როგორც ვხედავთ, ეს ნაგვიანევი ცნობაც იქცევს გარკვეულ ყურადღებას და ამ ორი პუნქტის ურთიერთდამოკიდებულების გარკვევაც არ იქნებოდა ინტერესს მოკლებული ძველი ზღვისპირა ქალაქების ისტორიისათვის. სხვა მსგავსი მაგალითიც შეგვეძლო მოგვეტანა.

ასეა თუ ისე, ჩვენი აზრით, დისერტანტი ვალდებული იყო ქართული წერილობითი წყაროებისთვისაც მიექცია ყურადღება და მცირე ადგილი მაინც დაეთმო მათი ანალიზისათვის.

დისერტანტმა, როგორც აღინიშნა, საგანგებო პარაგრაფი მიუძღვნა ზღვისპირა ქალაქებისა და კოლხეთის სამეფო ხელისუფლების ურთიერთობის საკითხებს. დისერტანტის აზრით, კოლხეთის სამეფო ხელისუფლება გარკვეული დროიდან აქტიურად ჩაერია ზღვისპირა ქალაქების სამონეტო საქმეებში და მონეტების მოჭრა თავის პრეროგატივად აქცია (გვ. 170). ამ საინტერესო მოსაზრების დასასაბუთებლად, ანალოგიებს გარდა, მ. ინაქეს მოტანილი აქვს ნუმისმატიკური მასალები თვით კოლხური მონეტების თანდათან დახვეწისა და სტაბილურობის შესახებ. ამასთანავე, დისერტანტი იქვე, შენიშნავს, რომ ფულების მოჭრა ისევე გრძელდებოდა ამა თუ იმ ქალაქში (ფაზისი, დიოსკურია) და სათანადო ნიშნებითაც აღიბეჭდებოდა იგი.

მონეტათა სრულყოფა, მათი სტაბილურობა გარკვეული დროიდან, არა გვგონია, რომ ამ საინტერესო მოსაზრების ასე ურყევ საბუთად გამოდგეს. VI ს. მოკიდებული მონეტების არქაული ფორ-

მების თანდათან დახვეწა და სტაბილურად გადაქცევა დროთა განმავლობაში თავისთავად, სამეფო ხელისუფლების ჩარევის გარეშეც შეიძლებოდა მომხდარიყო. ეს ალბათ თან სდევდა კოლხეთში ახლად დაწყებულ სამონეტო საქმეს... ამასთანავე, სამონეტო სახელისნოთა ასე მრავლად არსებობა სხვადასხვა ქალაქებსა და რაიონებში, როგორც ეს დისერტანტს აქვს აღნიშნული (იხ. გვ. 170—171), სამონეტო საქმის სამეფო ხელისუფლების პრეროგატივად გადაქცევასა, ამ საქმის ცენტრალიზაციაზე არ უნდა მიგვიოთივებდეს.

ამ შემთხვევაში ჩვენ უფრო მართებულად მიგვაჩნია დისერტანტის აღრიხდელი მოსაზრება, რომლის მიხედვითაც ზღვისპირა ქალაქები გარკვეული დროიდან მონეტების მოჭრას სამეფო ხელისუფლების მხოლოდ ერთგვარი კონტროლით აწარმოებდნენ (გვ. 171).

ორიოდე სიტყვით ზღვისპირა ქალაქების სოციალური სახის შესახებ. აღსანიშნავია, რომ დისერტანტი შეეცადა ზღვისპირა ქალაქების ისტორიის ყველა კარდინალურ საკითხს შეხებოდა; ეს უსათუოდ დისერტანტის დამსახურებაა, თუმცა ზოგ შემთხვევაში მას სათანადო მასალა აკლდა კიდეც და გამოთქმული მოსაზრება სავარაუდო ხასიათს ატარებს. მისი ვარაუდი კი უსათუოდ ეპოქის საერთო ცოდნიდან გამომდინარეობს და მიუხედავად იმისა, რომ შეიძლება დასაბუთებული არ იყოს, მაინც მართებულად შეიძლება მიგვეჩინა.

მაგ., დისერტანტს უდავოდ მასალა აკლია იმდროინდელი ქალაქების სოციალური სახის აღსადგენად და მისი მოსაზრება V—IV სს. ქალაქებში ძირითადად თავისუფალ მოქალაქეთა მოსახლეობის შესახებ დასაბუთებული ვერ არის (გვ. 173). საამისოდ დისერტანტს მოტანილი აქვს დიოსკურიის ნეკროპოლში საომარი იარაღებისა და საერთოდ სამარხი ინვენტარების სიმრავლე ფიჭვნარსა და დიოსკურიაში (იქვე, შენ. 124), მაშინ როცა საომარი იარაღების ასეთი სიმრავლე (მაგ., მცხეთის სამთავროს ნეკროპოლში), ხოლო შემდეგ მისი თანდათანობით გაქრობა არქეოლოგებსაც სხვა მიზეზით (სახელმწიფოს ხელისუფლების არარსებობათა და სხვ.) აქვთ ახსნილი და არა ქალაქში თავისუფალ მოქალაქეთა მოსახლეობით.

მსგავსი მაგალითის მოტანა კიდეც შეიძლებოდა, მაგრამ ასეთ შენიშვნებზე, რომელიც შეიძლება წყაროების სიმცირითა და ზოგ შემთხვევაში არარსებობითაც იყოს გამოწვეული, სიტყვის გაგრძე-



ლება ზედმეტად მიგვაჩნია. ეს ვერაფერს დააკლებს ნაშრომის საერთო ღირსებას და ვერც ვერაფერს შემატებს მის შეფასებას.

მ. ინაძის ნაშრომის სახით ჩვენ გვაქვს სრულყოფილი მონოგრაფია — მისი ავტორი სავესებით ჩამოყალიბებული და ღრმა მომზადების მკვლევარია; ამიტომაც ვშუამდგომლობ ივ. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის სამეცნიერო საბჭოს წინაშე, რათა მ. ინაძეს მიენიჭოს ძიებული ხარისხი — ისტორიულ მეცნიერებათა დოქტორის სამეცნიერო ხარისხი.

## საინტერესო წყარო საქართველოს შესახებ

(ლ.-ნ. ჯანაშია, ლაზარ ფარპეცის ცნობები საქართველოს შესახებ. თბ., 1962)

ლ.-ნ. ჯანაშიას მიერ ისტორიულ მეცნიერებათა კანდიდატის სამეცნიერო ხარისხის მოსაპოვებლად წარმოდგენილი, ზემოთ დასახელებული ნაშრომი არის არა მარტო პირველხარისხოვანი წყაროს კრიტიკული პუბლიკაცია, არამედ აგრეთვე მაღალ მეცნიერულ დონეზე შესრულებული გამოკვლევა IV—V სს. ქართლის სამეფოს პოლიტიკური ისტორიის უმთავრეს საკითხებზე.

IV—V სს. კი ერთ-ერთი მნიშვნელოვანი პერიოდია საქართველოს ისტორიაში და დღემდე სათანადოდ შეუსწავლელიც. ამ ერთგვარი გარდატეხის პერიოდის საფუძველიან კვლევას აძნელებს, პირველ რიგში, სათანადო წერილობითი წყაროების სიმცირე და ამავე დროს არსებული წყაროების კრიტიკული განხილვის თანამედროვე დონე.

„შუშანიკის წამების“, ლეონტისა და ჯუანშერის თხზულების ზოგიერთ ცნობებს გარდა, IV—V სს. საქართველოს შესახებ ძველ ქართულ საისტორიო მწერლობაში არაფერი მოგვეპოვება. ასევე ღარიბია ამ პერიოდის შესახებ ბერძნული მწერლობის მონაცემებიც. წყაროების ასეთი მდგომარეობის დროს, ბუნებრივია, განსაკუთრებული მნიშვნელობა ენიჭება V ს. მდიდარი სომხური საისტორიო მწერლობის — კორიუნის აგათანგელოზის, ფავსტოს ბუზანდის, ელიშეს, მოვსეს ხორენაცის, ლაზარ ფარპეცის — მონაცემების კრიტიკულ განხილვას. ყოველივე ეს კი თავისთავად მეტყველებს დისერტანტის მიერ თარგმნილი და გამოქვეყნებული წყაროსა და საკვლევად აღებული ხანის მნიშვნელობისა და აქტუალობის შესახებ.

მართალია, ისე როგორც საერთოდ V ს. სომხური საისტორიო მწერლობის მონაცემები, ასევე კერძოდ, ლაზარ ფარპეცის ცნობები გამოყენებული იყო ქართულ სამეცნიერო ლიტერატურაში, მაგრამ IV—V საუკუნეები, ასევე თვით ფარპეცის პიროვნება, მისი „ისტორიის“ ჩვენთვის საინტერესო ადგილები საგანგებო შესწავლისა და მით უფრო სპეციალური თარგმანის საგანი დღემდე არ ყოფილა.

აკად. ივ. ჯავახიშვილმა, რომელსაც განზრახული ჰქონდა მოეცა მდიდარი სომხური საისტორიო მწერლობის სრული მიმოხილვა, თავისი „ძველი სომხური საისტორიო მწერლობის“ პირველი წიგნის გამოქვეყნებით, მხოლოდ ნაწილობრივ შესძლო დასახული დიდი ამოცანის განხორციელება; ხოლო ქართულ ისტორიოგრაფიაში ამ მიმართულებით გამოქვეყნებული სხვა შრომები (ლ. მელიქსეთ-ბეგისა, ილ. აბულაძისა და სხვ.) უმთავრესად წყაროთმცოდნეობითი ხასიათისანი არიან და ამ წყაროთა საფუძველზე იმდროინდელი საქართველოს ისტორიის კვლევას არ ისახავენ მიზნად.

ამრიგად, ლ.-ნ. ჯანაშიას მიერ საკვალიფიკაციოდ წარმოდგენილი გამოკვლევა არსებითად სცილდება წყაროთმცოდნეობითი შრომის ფარგლებს. შრომის ავტორი ქართულ საბჭოურ ისტორიოგრაფიაში ერთი პირველთაგანია, რომელიც სომხურ საისტორიო წყაროს პუბლიკაციასთან ერთად, საგანგებოდ შეისწავლის, ამ და სხვა წყაროთა მონაცემების საფუძველზე, იმდროინდელი საქართველოს პოლიტიკური ისტორიის კარდინალურ საკითხებს.

სადისერტაციო ნაშრომი შედგება სამი ძირითადი ნაწილისაგან, მას უძღვის წინასიტყვაობა და დართული აქვს პირთა, გეოგრაფიულ და ტომობრივ სახელთა საძიებელი. სარეცენზიო ნაშრომის პირველ ნაწილში — „ლაზარ ფარპეცი და მისი თხზულებანი“ (გვ. 13—70) განხილულია საკითხის ლიტერატურა, ფარპეცის ვინაობის, მისი თხზულებებისა და წყაროების უმთავრესი საკითხები.

ამ ნაწილის პირველ პარაგრაფში დისერტანტი საგანგებოდ ჩერდება მ. ჩამჩიანცის, ნ. ემინის, მ. ნალბანდიანის, ვ. ლანგლუას, მ. ხალათიანცის, ს. მალხასიანცის, მ. აბელიანის, ი. ჯავახიშვილის, ლ. მელიქსეთ-ბეგის და სხვათა მოსაზრებებზე ფარპეცისა და მისი შრომების შესახებ.

პირველი ნაწილის მეორე პარაგრაფში დისერტანტი იხილავს ფარპეცის ბიოგრაფიის ძირითად საკითხებს; აღსანიშნავია, რომ დისერტანტი ამ შემთხვევაშიც არ კმაყოფილდება ფარპეცის ვი-

ნაობის შესახებ სომხურ სამეცნიერო ლიტერატურაში დღემდე დადგენილი ფაქტების გადმოცემით და ცდილობს ფარპეცის ნახევრად ბნელით მოცული ბიოგრაფიის შესწავლაში თავისი წვლილიც შეიტანოს. მაგ., დისერტანტი არ იზიარებს მ. აბელიანის მოსაზრებას და ვარაუდობს, რომ ფარპეცის სომხეთიდან განდევნას არ უნდა ჰქონოდა პოლიტიკური საფუძველები. ასევე, სწორი ჩანს დისერტანტი, როცა მ. ნალბანდიანთან ერთად, უარყოფს ფარპეცის ნათესაურ კავშირს მსხვილ სომხურ საგვარეულოებთან — კერძოდ, მამიკონიანებთან და არწრუნებთან. ამასთანავე, ფარპეცის „ისტორიაში“ საქართველოს შესახებ ცნობების მნიშვნელობის დადგენისას ავტორი, საეხებით მართებულად, განსაკუთრებულ ყურადღებას აქცევს მის ყოფნას ქართლში — არშუშა პიტიახშის სასახლეში.

სარეცენზიო შრომის პირველი ნაწილის ორი უკანასკნელი (3,4) პარაგრაფი ფარპეცის თხზულებებისა და მისი წყაროების დადგენას ეძღვნება. მიუხედავად იმისა, რომ ამ მხრივაც საკმაოდ ვრცელი მდიდარი ლიტერატურა მოიპოვება, დისერტანტმა შესძლო ამ საკითხის კვლევაშიც თავისი წვლილი შეეტანა. დისერტანტი ასაბუთებს, რომ ფარპეცი მხოლოდ ორი შრომის ავტორია, რომ მისი: „სომხეთის ისტორიის“ წყარო არ ყოფილა მოვსეს ხორენაცის „სომხეთის ისტორია“ და ელიშეს თხზულებანი, ერთიცა და მეორეც, დისერტანტის აზრით, ფარპეცისათვის უცნობი იყო. ელიშესა და ფარპეცის თხზულებების ცალკეული ადგილების დამთხვევა ლ. ჭანაშვიას შემდეგდროინდელ ინტერპოლაციის, ფარპეცის თხზულების გვიანდელი რედაქტორის ნამოღვაწარის შედეგად მიაჩნია.

შრომის ერთ უმთავრეს, ცენტრალურ ნაწილს შეადგენს „ლაზარ ფარპეცის ცნობები საქართველოს შესახებ“ (გვ. 71—197). შრომის ეს მონაკვეთი მთლიანად მიძღვნილია ფარპეცის „სომხეთის ისტორიაში“ ქართლის შესახებ დაცული პირდაპირი და არაპირდაპირი ცნობების მეცნიერულ-კრიტიკული ანალიზისადმი. მეორე ნაწილი ხუთი პარაგრაფისაგან შედგება და აქ განხილულია შემდეგი საკითხები: წინა აზია და ამიერკავკასია. III—IV სს., ქართლი IV ს. დასასრულსა და V ს. პირველ ნახევარში, ქართლი V ს. შუა წლებში, ქართლი 80-იან წლებში და V ს. ქართლის ისტორიის ზოგიერთი საკითხი ლაზარ ფარპეცის ცნობათა შუქზე.

ზემოჩამოთვლილ პირველ ოთხ პარაგრაფში უმთავრესად პოლიტიკური ისტორიის საკითხებია განხილული, ხოლო უკანასკნელი მე-5 პარაგრაფი იხილავს როგორც სოციალური ისტო-

რის, სახელმწიფოებრივი წყობის, ასევე ისტორიული გეოგრაფიის საკითხებსაც. საკვლევ საკითხთა ჭკეტი მრავალფეროვნება დისერტანტის მიერ გამოქვეყნებულ წყაროში დაცული ცნობების სიმრავლით აიხსნება.

დისერტანტის სასახლოდ უნდა ითქვას, რომ მას განუხილველი არ დარჩენია ლ. ფარპეცის არც ერთი მეტ-ნაკლებად მნიშვნელოვანი ცნობა იმდროინდელი ქართლის შესახებ.

დისერტანტის კვლევის ობიექტი გამხდარა ფარპეცის არაპირდაპირი ცნობებიც. მაგ., მართალია, ლაზარ ფარპეცს IV ს. დასასრულისა და V ს. დამდეგის ქართლის შესახებ რაიმე მნიშვნელოვანი მასალა არ დაუცავს, მაგრამ იგი მაინც საჭიროდ მიიჩნევს იმდროინდელი სომხეთის შესახებ ფარპეცის ცნობათა შუქზე, ანალოგიების გზით, წარმოადგინოს IV—V სს. მიჯნის ქართლის პოლიტიკური ისტორიის უმთავრესი მომენტები, ქართლისა და ირანის ურთიერთობის ძირითადი საკითხები, ქართული, სომხური, სირიული და სხვა წყაროების ურთიერთშედარებისა და შესწავლის შედეგად დისერტანტი გამოთქვამს არაერთ ახალ მოსაზრებას ქართლის ისტორიის ქრონოლოგიის საკითხებზე და ამასთანავე აკეთებს სწორ დასკვნას იმდროინდელი პოლიტიკური ვითარების შესახებ: „ცნობათა ურთიერთშეპირისპირება და შემდეგ მათი შედარება ლაზარ ფარპეცის ცნობებთან გვიჩვენებს, რომ IV ს. 70-იანი წლებიდან დაწყებული, როდესაც ირანმა ფეხი შემოღვა ქართლში, მან ამ ქვეყანაში თანდათან სულ უფრო დიდ წარმატებებს მიაღწია და მოცემული პერიოდის დასასრულისათვის საკმაოდ მტკიცე მდგომარეობა მოიპოვა. ამ შედარებებიდან გამოირკვა აგრეთვე, რომ „მოქცევაჲ ქართლისაჲ“, მიუხედავად მასში ცნობათა სიმცირისა, ხშირად უფრო სანდო წყაროს წარმოადგენს, ვიდრე „ქართლის ცხოვრება“, განსაკუთრებით კი ამ უკანასკნელის ის ნაწილი, რომელიც ჯუანშერს მიეწერება“ (იხ. დისერტ., გვ. 108).

ახალი, დასაბუთებული მოსაზრებანი არაერთი გვხვდება ამ ნაწილის მომდევნო პარაგრაფებშიც. სავესებით სწორი ჩანს დისერტანტი, როცა სომხეთისა და ალბანეთის 450/51 წწ. აჯანყებაში გამოირიცხავს ქართლის მონაწილეობას და ცდილობს ამის მიზეზების მიგნებასაც. მიუხედავად იმისა, რომ ქართლს აჯანყებაში მონაწილეობა არ მიუღია, სომეხ-ალბანელთა ერთობლივ გამოძვლას ქართლისათვისაც უაღრესად დიდი მნიშვნელობა ჰქონდა. სავესებით სწორია დისერტანტი როცა დასკვნის: „აჯანყებამ აიძულა სპარსელები დროებით ხელი აეღოთ თავისი მიზნების განხორცი-

ელებაზე. მიუხედავად იმისა, რომ ქართლს არ მიუღია მონაწილეობა ამ აჯანყებაში, აჯანყებამ უთუოდ მოახდინა გავლენა ირანის პოლიტიკაზე ქართლის მიმართაც“ (გვ. 135).

სიახლე შეაქვეს დისერტანტს ვახტანგ გორგასლის ხანის შესწავლის საქმეშიც. ჭერ ერთი, დისერტანტმა დააზუსტა ვახტანგის დროს ირანელთა წინააღმდეგ მოწყობილი აჯანყების თარიღი: მისი აზრით, აჯანყების დაწყების თარიღის გასარკვევად გამოგვადგება არა იმდენად პეროზის გამეფების დრო, რამდენადაც მისი დაღუპვის თარიღი. რაკი პეროზი დაღუპულა აჯანყების დაწყებიდან მე-სამე წელს, აჯანყება დაწყებულა 482 წ., ამ დროს მოხდა აგრეთვე, დისერტანტის აზრით, ვარსკენის მოკვლაც. ავტორს აქვე უხდება აგრეთვე ხელახლა დააზუსტოს ვახტანგის მიერ მოკლული პიროვნების — ვარსკენის, როგორც ქართლის პიტიახშისა და შუშანიკის ქმრის, ვინაობა, რომელიც ამ ბოლო ხანებში სადავო გახდა პროფ. ს. კაკაბაძემ (იხ. გვ. 142—143).

დისერტანტი აგვიწერს აჯანყების მსვლელობას, და ქართულ ისტორიოგრაფიაში დღემდე გამოთქმული მოსაზრებებისაგან განსხვავებით, სავსებით სწორად აფასებს აჯანყების შედეგებს: „ირანის წინააღმდეგ ქართლის, სომხეთისა და ალბანეთის აჯანყება მოხდა 482—483 წლებში. მიუხედავად იმისა, რომ აჯანყებულებმა საომარ მოქმედებაში წარმატებას ვერ მიაღწიეს, საგარეო და საშინაო მძიმე პირობებმა აიძულეს სპარსელები მნიშვნელოვან დათმობაზე წასულიყვნენ აჯანყებულთა წინაშე. ამდენად, თუმცა აჯანყებულებმა ვერ შეძლეს საბოლოოდ განთავისუფლებულიყვნენ ირანის უღლისაგან, აჯანყებამ ნაწილობრივ მიაღწია თავის მიზანს“ (გვ. 165).

ამ პარაგრაფს ახლავს აგრეთვე, მეორე, უკვე წყაროთმცოდნეობითი ხასიათის მეტად მნიშვნელოვანი დასკვნაც: „ლაზარ ფარპეტისა და ჭუანშერის ცნობების შეჯერება გვიჩვენებს, რომ ჭუანშერის ცნობები ხშირად არასწორია და მათი გამოყენება დიდ სიფრთხილეს მოითხოვს“ (გვ. 165). წყაროთა შეჯერების შედეგად მიღებული ეს დასკვნა საყურადღებო უნდა იყოს იმ ისტორიკოსთათვის, რომელთაც ჭუანშერის და სხვათა ცნობების უკრიტიკო განმეორებას საქარველოს ისტორიის წყაროების ახლებურ გაგებად აცხადებენ.

მეორე ნაწილის უკანასკნელ პარაგრაფში დისერტანტი განიხილავს ქართლის სოციალური და პოლიტიკური ორგანიზაციის, კულტურის ისტორიის, ისტორიული გეოგრაფიისა და რიგ სხვა საკითხებს. დისერტანტი გაკვრით ჩერდება ქართლის მეფის, კერ-

ძოდ, ვახტანგ გორგასლის ირანში ყოფნის საკითხზე და მასთან დაკავშირებით სავსებით ნათელპყოფს პროფ. ს. კაკაბაძის მიერ ამ უკანასკნელ ხანებში ვახტანგის მეფობის შემოთავაზებული დათარიღების სრულ უსაფუძვლობას. აქვე დისერტანტი საგანგებოდ ეხება „ქართლის პიტიახშსა“ და მის სახელოს. იგი, განიხილავს რა ამ საკითხზე გამოთქმულ მოსაზრებებს (ი. ჯავახიშვილი, ს. ჯანაშია, კ. კეკელიძე, პ. ინგოროყვა, კ. გრიგოლია, გ. მელიქიშვილი) და სათანადო წყაროებს, მიდის დასკვნამდე, რომ „ქართლის პიტიახშობა აღმოცენებულია ადგილობრივ ნიადაგზე და წარმოშობით ირანული ინსტიტუტი არ ყოფილა“ (გვ. 178), რომ „პიტიახშობის და ერისთავობის ინსტიტუტები ერთი და იგივე არ არის და მათი გაიგივება სწორი არ უნდა იყოს“ (გვ. 179), რომ ქვემო ქართლის, გუგარქის საპიტიახშო წარმოიქმნა გუგარეთის ქართლთან შეერთების შემდეგ, და მის სათავეში გუგარეთი, პიტიახშთა ძველი დინასტია იდგა და სხვ. ეს და სხვა მოსაზრებანი დისერტანტს სათანადო მასალებით აქვს შემაგრებული.

ამავე პარაგრაფში დისერტანტი ეხება ფარპეცის ცნობებს ისტორიული გეოგრაფიის თვალსაზრისით და საგანგებოდ განიხილავს ტაშირის, კანგარის, აშიცის საკითხს ისტორიულ-გეოგრაფიული თვალსაზრისით.

დასასრულ, დისერტანტს მოაქვს ფარპეცის საინტერესო ცნობები, რომლებიც მოგვითხრობენ ამიერკავკასიის ხალხების ურთიერთკავშირისა და მეგობრობის შესახებ.

შრომის მესამე ნაწილი — ტექსტი (გვ. 198—268) შეიცავს ლ. ფარპეცის „სომხეთის ისტორიის“ ცალკეული, საქართველოს შესახებ ცნობებისა და „წერილის“ სომხურ ტექსტს. დისერტანტის მიერ შესრულებული თარგმანითურთ.

ამრიგად, როგორც ზემოთაღნიშნული მოკლე მიმოხილვიდანაც ჩანს, დისერტანტმა ორმხრივი, მეტად საჭირო და სასარგებლო სამუშაო ჩაატარა: ურთი მხრივ, მან მოგვცა წყაროს მეცნიერულ-კრიტიკული პუბლიკაცია თარგმანითურთ, ხოლო მეორე მხრივ, დეტალურად განიხილა ამ წყაროში დაცული ყველა ცნობა, რაც კი ქართლს, საერთოდ საქართველოს შეეხებოდა და მოგვცა მეტად მნიშვნელოვანი გამოკვლევა IV—V სს. საქართველოს ისტორიის შესახებ.

გამოკვლევაში აღძრული კარდინალური საკითხების განხილვა დისერტანტმა დაამყარა უშუალოდ პირველი წყაროების — ქართული, სომხური, ბერძნული, სირიული წყაროებისა და საჭირო, სხვადასხვა ენებზე არსებული, ლიტერატურის ღრმა ცოდნაზე.

წყართა და ლიტერატურის ენათა, განსაკუთრებით ძველი და ახალი სომხური ენის, ასე დაუფლება, თავისთავად მეტყველებს დისერტანტის მეცნიერულ შეიარაღებასა და მისი ნაშრომის შესრულების მაღალ დონეზე. ამასთანავე, დისერტანტი როდი კმაყოფილდება სხვის მოსაზრებათა სწორად გადმოცემით, ან კიდევ, მათი საფუძვლიანი კრიტიკით, იგი ამავე დროს გვთავაზობს ახალ, დასაბუთებულ მოსაზრებებს, რომლითაც სინათლე და სიახლე შეაქვს არა მარტო საქართველოს, არამედ სომხეთის ისტორიის ცალკეული საკითხების შესწავლაშიც.

ლ. -ნ. ჯანაშიამ თავისი სადისერტაციო ნაშრომით მნიშვნელოვანი წვლილი შეიტანა როგორც ძველი სომხური საისტორიო მწერლობის ერთ-ერთი თვალსაჩინო წარმომადგენელის — ფარპეცის შესწავლის, ასევე საკუთრივ სომხეთის ისტორიის კვლევის საქმეშიც.

ყოველივე ზემოთქმული შესაძლებლობას გვაძლევს დაბეჭდვით აღვნიშნოთ, რომ ლ.-ნ. ჯანაშიას მიერ ისტორიულ მეცნიერებათა კანდიდატის სამეცნიერო ხარისხის მოსაპოვებლად წარმოდგენილი ნაშრომი, თავისი შინაარსითა და შესრულების დონით, სცილდება ამგვარი შრომებისადმი წაყენებულ მოთხოვნილებათა ფარგლებს და უფრო მაღალ შეფასებას იმსახურებს.

ყველაფერი ეს იმას როდი ნიშნავს, რომ წარმოდგენილი ნაშრომი არ იწვევს რაიმე შენიშვნას. რამდენიმე შენიშვნა სადისერტაციო შრომის ნაკლოვანებათა შესახებ.

1. სადისერტაციო ნაშრომი ეძღვნება ლაზარ ფარპეცის ცნობებს, მის ანალიზსა და თარგმანს. ეს ცნობები კი, რაც სადისერტაციო შრომაშია მოტანილი და გაანალიზებული, მხოლოდ ქართლის (იბერიის) სამეფოს შეეხება. აქ მხოლოდ ერთგან, და ისიც გაკერით, მოხსენიებულია ეგრისი. მიუხედავად ამისა, სადისერტაციო ნაშრომის სათაურია „ლაზარ ფარპეცის ცნობები საქართველოს შესახებ“.

ნაშრომის დასათაურებისა და მისი შინაარსის ერთგვარი შეუსაბამობა აშკარად ჩანს შრომის ძირითადი ნაწილის პარაგრაფების მიხედვითაც. მაგ., მეორე ნაწილს ეწოდება — „ლაზარ ფარპეცის ცნობები საქართველოს შესახებ“. ამ ნაწილში ხუთი პარაგრაფია და ხუთივე მხოლოდ ქართლს შეეხება: „ქართლი IV ს. დასასრულსა და V ს. პირველ ნახევარში.“ „ქართლი V ს. შუა წლებში“, „ქართლი V ს. ოთხმოციან წლებში“, „V ს. ქართლის ისტორიის ზოგიერთი საკითხი“ და სხვ. ასე რომ, ამ ნაწილში თითქმის არაფერია ნათქვამი საერთოდ საქართველოს შესახებ. ჩვენი აზრით, აჯობებდა სათაურს

უფრო ზუსტად აეხსნა ნაშრომის შინაარსი და მას წოდებოდა „ლაზარ ფარპეცის ცნობები ქართლის სამეფოს შესახებ“.

2. ზემოჩამოთვლილი პარაგრაფების მიხედვით დისერტანტის მიზანი უნდა ყოფილიყო ქართლის ვითარების საერთო სურათის მოცემა ლაზარ ფარპეცის ცნობების მიხედვით. პარაგრაფის სათაურიდან არ ჩანს, რომ დისერტანტის ამოცანა ქართლის პოლიტიკური ვითარების განხილვით ყოფილიყოს განსაზღვრული. ნამდვილად კი დისერტანტი მხოლოდ პოლიტიკური ისტორიისა და მმართველობის სისტემის ზოგიერთ საკითხს ეხება. ამიტომაც სასურველი იყო ასეთ შინაარსს შესაფერისი დასათაურება ჰქონოდა პარაგრაფების მიხედვითაც; ან კიდევ დისერტანტი მოკლედ მაინც შეხებოდა ქართლის სოციალური და ეკონომიკური ისტორიის საკითხებსაც, მით უფრო, რომ იგი ა/კავკასიის ქვეყნების მდგომარეობის მიმოხილვისას საკმაოდ ვრცლად ჩერდება III—IV სს. სომხეთის სოციალურ წყობილებაზე (იხ. გვ. 83—85). სასურველი იქნებოდა მსგავსი საკითხები დისერტანტს წამოეჭრა ქართლის სამეფოს მიმართაც. ლაზარ ფარპეცის ცნობები ამ მხრივაც მას ერთგვარ ბიძგს მისცემდა.

3. ჩვენი ერთ-ერთი შენიშვნა შეეხება დისერტანტის მოსაზრებას ა/კავკასიის ქვეყნების — სომხეთის, ქართლისა და ალბანეთის — ერთნაირი პოლიტიკური მდგომარეობის შესახებ ირანის აგრესიისა და მისი თანდათან გაბატონების საუკუნეებში. დისერტანტის აზრით, „სომხეთისა და ქართლის პოლიტიკური მდგომარეობა ზშირად ერთნაირი იყო. ჩვენ ვფიქრობთ, წერს დისერტანტი, რომ ბევრი რამ, რაც ამ თავში ნათქვამია სომხეთის მიმართ, ჩვენ შეგვიძლია გავავრცელოთ ქართლზედაც“ (გვ. 86).

დისერტანტის ამგვარი მოსაზრება წითელი ზოლივით გასდევს სადისერტაციო ნაშრომის ძირითად, მეორე ნაწილს.

ირანის პოლიტიკის ერთიანობა ქართლისა და სომხეთის მიმართ IV—V სს. სომხეთისა და ქართლის პოლიტიკური ვითარების ერთნაირობა, რომელიც ასე დამახასიათებლად მიაჩნია დისერტანტს იმ ეპოქისათვის, ჩვენი აზრით, სწორად ვერ ასახავს რეალურ ვითარებას.

დისერტანტი გრძნობს ერთგვარ შეუსაბამობას თავის მოსაზრებებსა და რეალურ ვითარებას შორის და ქართლის ცალკეულ შემთხვევაში განსხვავებული მდგომარეობა ცდილობს ახსნას ამ ქვეყნის სპეციფიკით (გვ. 114), მაგრამ ირანის განსხვავებული პოლიტიკა (გარკვეულ პერიოდში) ქართლის მიმართ იმდენად ქართლის სპეციფიკით კი არ იყო გამოწვეული, რამდენადაც თვით მისი



სხვადასხვაგვარი დამოკიდებულებით სომხეთისა და ქართლის მიმართ. ირანი რომ სხვადასხვაგვარად მოქმედებდა ქართლსა და სომხეთში, ეს კარგად ჩანს თვით დისერტანტის მიერ მოტანილი მასალებიდანაც. მაგ., ელიშეს ცნობით, იეზდიგერდ II „უფრო მეტად მაინც სომეხთა ქვეყანას ებრძოდა“ (გვ. 114). ამასთანავე, როგორც ცნობილია, სომხეთში მეფობა გაცილებით ადრე გაუქმდა, ვიდრე ქართლში. ადრევე მოელო ბოლო ეკლესიის დამოუკიდებლობას; ადრევე დაამძიმა ხარკმა, ადრევე, ვიდრე ქართლში, მოხდა განხეთქილება სპარსელებსა და სომეხ ნახარაგებს შორის და სხვ.

ყველაფრიდან კარგად ჩანს, რომ ირანი პირველ რიგში სომხეთში მტკიცედ გაბატონებას ისახავდა მიზნად, ხოლო შემდეგ ქართლსა და ალბანეთში. ეს შესანიშნავად აისახა იმდროინდელ წყაროებში და ასეთი მასალები თვით დისერტანტსაც მოაქვს. დისერტანტის სიტყვით, ერთ-ერთი პაზარაგეტი არწმუნებდა შაჰს: „როდესაც სომხეთი მტკიცედ იქნება ჩვენი, მაშინ სწორედ ქართლიცა და ალბანეთიც ჩვენი იქნებაო“ (გვ. 115). „ირანის ამგვარ პოლიტიკაზე მიგვითითებს თვით იეზდიგერდის წერილი სომეხთა მიმართ — „როდესაც თქვენ ჩვენსავით ცნობთ ჩვენს ჭეშმარიტ რჯულს, ქართლი და ალბანეთი ჩვენი და თქვენი ნების იქით გადასვლას ვერ გაბედავენო“ (გვ. 116).

ასეთ ვითარებაში, როცა თვით ირანის მმართველი წრეები პირველ რიგში სომხეთში გაბატონებისათვის იბრძოდნენ, ბოლო შემდეგ ქართლსა და ალბანეთში, ცხადია თავდაპირველად ირანის პოლიტიკა სომხეთის მიმართ სხვაგვარი იყო, ვიდრე ქართლსა და ალბანეთში.

ამრიგად, დისერტანტის მოსაზრება ირანის პოლიტიკის ერთნაირობის შესახებ და ქართლსა და სომხეთში ერთნაირი პოლიტიკური მდგომარეობის შესახებ IV—V სს. არ შეიძლება სწორად იქნეს მიჩნეული.

4. დისერტანტი შრომის მეორე ნაწილის უკანასკნელ პარაგრაფში საგანგებოდ ჩერდება იმდროინდელი ქართლის სამოხელეო წყობის ცალკეულ საკითხზე. ვრცელი და საინტერესო მსჯელობა აქვს გამართული პიტიახშის თანამდებობის შესახებ, მაგრამ იქვე დისერტანტმა რატომღაც უყურადღებოდ დატოვა ლაზარ ფარპეცის საინტერესო ცნობა ქართლის ტანუტერების შესახებ. ფარპეცი ქართლის ბღემშთან ერთად იხსენიებს იმ ქვეყნის სხვა „ტანუტერებს“. ამ ტერმინის შინაარსის გარკვევა ჩვენთვის მრავალმხრივ საინტერესო იქნებოდა. „ტანუტერები“ დადასტურებულია ქართულ სამოხელეო წყობაში XI ს. სიგელით (ბაგრატ IV-ისა). ამ

შემთხვევაში იგი სავსებით შეესატყვისება „მამასახლისს“, თუკი X ს. „ტანუტერიც“ ქართულ „მამასახლისს“ გულისხმობდა (ამისათვის დისერტანტის დაკვირვება სასურველი იყო), მეტად საინტერესო ახსნა მიეცემოდა „ვესტათე მცხეთელის მარტილობაში“ მოხსენიებულ „ქართლის მამასახლისს“, რომლის სამოხელეო კუთვნილება დღემდე არცთუ ნათელია.

სამეცნიერო ლიტერატურაში უკანასკნელ ხანებში გამოთქმული მოსაზრებით, „ვესტათის მარტილობაში“ მოხსენიებული მამასახლისი უნდა იყოს ქართლის (არმაზის), ე. ი. ქალაქის მამასახლისი, რაც სწორი არ ჩანს. ყველაფერს თავი რომ დავანებოთ, არმაზის ქალაქობა ამ დროისათვის სავსებით გამორიცხულია. ამასთანავე, ქართლის მამასახლისი იმდროინდელი ქართლის ერთ-ერთი მაღალი, გავლენიანი მმართველი საზოგადოებრივი წრის წარმომადგენელია. ასეთად ქალაქის მამასახლისები არასოდეს არ ყოფილან. მამასახლისი, „ვესტათეს მარტილობაში“, ქართლის პიტიახშის გვერდით იხსენიება და ეს ძალაუნებურად მოგვაგონებს ლაზარ ფარბეცის მიერ დამოწმებულ არშუშასთან ერთად იმ ქვეყნის (ე. ი. ქართლის) ტანუტერებს, ასევე მმართველი ზედაფენის წარმომადგენლებს და არა ქალაქის მამასახლისებს, რომელნიც იეზუიტების ასე საგანგებო „გამოძახების“ (მოხმობის) ობიექტები არ შეიძლებოდა ყოფილიყვნენ.

დისერტანტი რომ ისეთივე საგანგებო ყურადღება მიექცია ამ სამოხელეო ტერმინისათვის, როგორც მან „პიტიახშს“ დაუთმო, და ეცადა მისი გარკვევა, უდავოდ მნიშვნელოვან წვლილს შეიტანდა იმდროინდელი ქართლის სამოხელეო წყობის შესწავლის საქმეში.

ასეთია ჩვენი შენიშვნები.

როგორც ვხედავთ, ისინი არ ატარებენ არსებით ხასიათს და სრულებით არ ცვლიან იმ საერთო შეფასებას, რაც ჩვენ დისერტაციას მივეცი.

ამიჯომაც ვშუამდგომლობთ ივ. ჯავახიშვილის სახ. ისტორიის ინსტიტუტის სამეცნიერო საბჭოს წინაშე, რათა ლ.-ნ. ჯანაშიას ნაშრომს მიეცეს სათანადო მსვლელობა, მისი ავტორი დაშვებულ იქნეს საჯარო პაექრობაზე ძიებული ზართხის მოსაპოვებლად.

დამოწმებული უმთავრესი ლიტერატურის სათაურების შემოკლებათა განკარგება

აბდულმესია — Тексты и разыскания по армяно-грузинской филологии, кн. IV. Древне-грузинские описцы (XII в.), Издание Н. Марра, С.-Петербург, 1902.

„აბოს წამება“ — იოანე საბანისძე, მარტელობა აბო ტფილელისა: „ადრინდელი ფეოდალური ქართული ლიტერატურა. I. იოანე საბანისძე, II. ბასილ ზარზმელი“, პროფ. კორნ. კეკელიძის რედაქციით და გამოკვლევით, თბილისი, 1935.

აბულაძე ილ. ქართული ბიბლიის ძვ. ხელნაწერი — ილ. აბულაძე, ქართული ბიბლიის ძველი ხელნაწერის რამდენიმე ფურცელი: „თბილისის სახ. უნივერსიტეტის შრომები“, XVIII, თბილისი, 1941.

აბუსერისძე ტბელი — აბუსერისძე ტბელი, გამოსცა ლ. მუსხელიშვილმა, თბილისი, 1941.

„ათ. კრებ.“ — ათონის ივერიის მონასტრის 1074 წ. ხელნაწერი აღაპებით, თბილისი, 1901.

ამირანდარეჯ., — ამირან-დარეჯანიანი მოსე ხონელისა, სარგის კაკაბაძის რედაქციით, თბილისი, 1939.

ამირანაშვილი შ., ბეჭა თბიზარი — შალვა ამირანაშვილი, ბეჭა თბიზარი, ტფილისი, 1937.

ამირანაშვილი შ., უბისი—შ. ამირანაშვილი, უბისი. მასალები ქართული კედლის მხატვრობის ისტორიისათვის, თბილისი, 1929.

ამირანაშვილი შ., ქართ. მხატვრობის ფრაგმენტები — შ. ამირანაშვილი, ქართული კედლის მხატვრობის დედნის ფრაგმენტები, „არილი“, თბილისი, 1925.

Ахвердов И. — Тифлисские амкары. Тифлис, 1883.

ბავრატ ტავრომენელი — А. Хаханов, Баграт епископ тавроменийский. Грузинский текст по рукописям XI в., «Труды по Востоковедению», вып. XIX, Москва, 1904.

Бакрадзе Д. и Бердzenов Н., Тифлис — Д. Бакрадзе и Н. Бердzenов, Тифлис в историческом и этнографическом отношении, Спб, 1870.

Бердзенишвили Н., Очерк — Н. Бердзенишвили, Очерк из истории развития феодальных отношений в Грузии (XIII—XVI в.), Тбилиси, 1938.

ბერძენიშვილი ნ., მასალები XI ს. სწავლა-აღზრდის შესახებ, კრებ. I—5. ბერძენიშვილი, მასალები XI ს. სწავლა-აღზრდის შესახებ: „სწავლა-აღზრდის ისტორია საქართველოში“, კრებ., 1, თბილისი, 1937.

ბერძენიშვილი ნ., მცხეთის საბუთი — ნ. ბერძენიშვილი, მცხეთის საბუთი XI საუკუნისა, „საქართველოს მუზეუმის მოამბე“, ტ. VI, თბილისი, 1931.

ბერძენიშვილი ნ., სამღებროთა შესახებ — ნ. ბერძენიშვილი, სამღებროთა შესახებ XVIII ს. საქართველოში. „მასალები საქართველოსა და კავკასიის ისტორიისათვის“, ნაკვეთი VI, ტფილისი, 1937.

ბერძენიშვილი ნ., საქ. ისტ., მე-13—14 სს. — კონსპექტი „ტფილისის სახ. უნივერსიტეტის შრომები“, VI, თბილისი, 1937.

ბოქორიშვილი ლ., კახური კერამიკა (ხელნაწ.) — ლ. ბოქორიშვილი, კახური კერამიკა (ისტორიულ მეცნიერებათა კანდიდატის სამეცნიერო ხარისხის მოსამზავებლად წარდგენილი სადისერტაციო ნაშრომი, ხელნაწერი), თბილისი, 1940 (ინახება „ენიმკის“ ეთნოგრაფიის განყოფილებაში).

ბოქორიშვილი ლ., კახური კერამიკა (თეზისები) — ლ. ბოქორიშვილი, კახური კერამიკა, სადისერტაციო ნაშრომის თეზისები, თბილისი, 1941.

ბოქორიძე გ., რაქის ისტ. ძეგლები — „საქართველოს მუზეუმის მოამბე“, VII, თბილისი, 1937.

Brosset, Voyage — Brosset M., Rapports sur un voyage archéologique dans la Géorgie et dans l, Arménie, 1<sup>re</sup>, 2<sup>e</sup>, 3<sup>e</sup> livraison. St.-Petersbourg, 1849—1851.

Гагстапузен А., Закавказский край. Заметки о семейной и общественной жизни..., СПб, 1857.

გამყრელიძე გ., ხელოსნობა — გ. გამყრელიძე, ხელოსნური მრეწველობა და ამქრული წყობილება საქართველოში (ხელნაწერი), თბილისი, 1940 (ინახება თბილისის სახ. უნივერსიტეტის ბიბლიოთეკაში).

გეორგიკა — გეორგიკა, ბიზანტიელი მწერლების ცნობები საქართველოს შესახებ. ბერძნული ტექსტი ქართული თარგმანითურთ გამოსცა სიმონ ყაუხჩიშვილმა. ტ. II, ტფილისი, 1934; ტ. III, ტფილისი, 1936; ტ. IV. ნაკვ. I, 1941 („მასალები საქართველოსა და კავკასიის ისტორიისათვის“, ნაკვეთი I, 1940).

„გრ. ხანძთელი“ — Тексты и разыскания по армяно-грузинской филологии, кн. XII, Георгий Мерчул, Житие св. Григория Хандатийского. Грузинский текст. Введение, издание, перевод Н. Марра. Спб., 1911.

დაბადება (ბიბლია), ნაწილი I და II. დაიბეჭდა საქართველო-იმერეთის უწმინდესის სინოდის კანტ. განკარგულებით. თბილისი, 1884 (ამონაწერები შედარებულია ბიბლიის მცხეთურ ხელნაწერებთან და ზოგი გაკეთებულია ოშკის ხელნაწერიდან). დ(ადი)ანი, შ., წერილი პეტერბურგიდან, „სახალხო ვაზეთი“, 1912 წ., № 519.

„Das Martyrium des heiligen Eustatius“, — „Das Martyrium des heiligen Eustatius von Mzchetha“, aus dem Georgischen übersetzt von Dschawachoff, bearbeitet von Harnak, sitzungsberichte der Kön. preuss. Akademie der Wissenschaften zu Berlin. B. XXXVIII, 1901.

Диль Ш., Очерки из культурной истории Византии, Харьков, 1903.

Джанашвили М., Опис., III — Описание рукописей Тифлисского церковного музея карталино-кахетинского духовенства, кн. III, сост. М. Г. Джанашвили, Тифлис, 1908.

Джавахов И., К вопросу о времени построения грузинского храма в Атене по вновь обследованным эпиграфическим памятникам. Хр. В., т. I, вып. III, 1912.

Джавахов И., Термины искусств — И. Джавахов, Термины искусств в

главнейшие сведения о памятниках искусства и матер. культуры в древне-грузинской литературе, Хр. В., т. III, вып. I.

„ევსტ. მცხეთელი“ — „მარტვილობა და მოთინება წმიდისა ევსტათი მცხეთელისა“, ს. კაკაბაძე, საისტორიო კრებული, III, თბილისი, 1928; საბინინი, საქართველოს სამოთხე.

Дункель-Веллинг Н., Статистич. опис. г. Тифлиса.

„ელინთა ზღაპრობანი“ — ილ. აბულაძე, „ელინთა ზღაპრობანი“, „ენიმკის“ მოამბე, X, თბილისი, 1941.

ვახუშტი, აღწერა—ვახუშტი, აღწერა სამეფოსა საქართველოსა (საქართველოს გეოგრაფია), თ. ლომოურისა და ნ. ბერძენიშვილის რედაქციით, თბილისი, 1941.

„ვაჰანის ქვაბთა განგება“ — ვაჰანის ქვაბთა განგება (XIII ს.), გამოსცა ლ. მუსხელიშვილმა, თბილისი, 1939.

Вейденбаум Е., Путеводитель по Кавказу, Тифлис, 1883.

ვისრამ. — ვისრამიანი, ალ. ბარამიძის, პ. ინგოროყვას და კ. კეკელიძის რედაქციით და შესავალი წერილით. ტფილისი, 1938.

„თარგმანებაჲ“ — პროფ. კ. კეკელიძე, „თარგმანება ეკლესიასისაჲ მიტროფანე ზმკრნელ მიტროპოლისისაჲ“, თბილისი, 1920.

„თეკლას მარტივლ“ — ილია აბულაძე, ქართულ-სომხური ფილოლოგიური შტუდიები, III, მარტივლობა თეკლასი. „ენიმკი“-ს მოამბე, VIII, თბილისი, 1940.

თაყაიშვილი ე. არხ. მოგზ. — ე. თაყაიშვილი, არხეოლოგიური მოგზაურობანი და შენიშვნანი, I, თბილისი, 1907; II, 1914; IV, 1913;

თაყაიშვილი ე. არხ. მოგზ. სამეგრელოში — ე. თაყაიშვილი, არხეოლოგიური მოგზაურობა სამეგრელოში, ძველი საქართველო, ტ. III, თბილისი, 1913—1914.

„იოანე და ექვთ ცხბა“ — „ცხოვრება ნეტარისა მამისა ჩვენისა იოანესი და ეფთემესი და უწყებაჲ ღირსისა დ მის მოქალაქობისა მათისაჲ, აღწერილი გლახაჲსა გეორგის მიერ, ხუცეს მონაზონისა“ („ათ. კრებული“, საბინინი).

იოსებ არიმათიელი, აღშენებისათჳს — იოსებ არიმათიელი, „აღშენებისათჳს ეკლესიისა, რი იგი არს ლოკლიასა შინა“. Изд. Н. Марра. Тексты и разыскания по армяно-грузинской филологии, кн. II, Спб, 1900.

„ისტ. და აზმანი“ — ისტორიანი და აზმანი შარავანდედთანი (ცდა ტექსტის აღდგენისა), აკად. კორნ. კეკელიძის რედაქციითა და გამოკვლევით. თბილისი, 1941.

კმენი, I — ქართული პაგიოგრაფიული ძეგლები, ნაწილი პირველი.

კმენი, ტომი I, გამოცემა რუსეთის სამეცნიერო აკადემიისა, პროფ. კორნ. კეკელიძის რედაქტორობით, თბილისი, 1918.

Kremer A., Culturgeschichte des Orients, — Culturgeschichte des Orients unter den Chalifen, von Alfred von Kremer. В. III, Wien, 1877.

Крымский А., История арабов и арабской литературы, «Труды по Востоковедению», вып. XV, ч. 2, 1912.

Кулишер И. М., Ист. экономич. быта Зап. Европы, I, изд. 7, Москва-Ленинград, 1926.

Латышев В., Известия, — Известия древних писателей греческих и латинских о скифии и Кавказе, собрал и издал В. В. Латышев, т. I, вып. I в II. Спб., 1896.

Марр Н., Агногр. мат., I — Н. Марр, Агнографические материалы по

грузинским рукописям Ивера, ч. I, Опис. пяти пергаментных рукописей. СПб, 1900.

მარი ნ. აღაპნი — Bibliotheca Armeno-Georgiaca, III, „აღაპნი ქუარის მონასტრისანი ფერუსალმისა შინა“, გამოსცა ნიკო მარ-მან. ს. პეტერბურგი, 1914.

Март Н., Дневник поездки — Н. Март, Дневник поездки в Шавшетию в Кларджетию, ТР, VII, С. Петербург, 1911.

Март Н., Опис. — Н. Март, Описание грузинских рукописей Синайского монастыря, Москва-Ленинград, 1940.

Матер. по арх. — Материалы по археологии Кавказа, вып. X, Москва, 1904, вып. XII, Москва, 1909.

Маркс, К. и Энгельс Ф., Немецкая идеология, Москва, 1934.

მარქსი კ., კაპიტალი, ტომი მესამე, ნაწილი პირველი, თბილისი, 1932.

მ. დედ. ქ. შხა — ქართლის ცხოვრება, მარიამ დედოფლის ვარიანტი, გამოცემული ვ. თაყაიშვილის რედაქციით, თბილისი, 1906.

„მრავალთავი“ — ხელნაწ. A. № 19 (ათანასე აღექსანდრიელი „განკაცებისათვის უფლისა“; პეტრე ფერუსალმელი „შობისათვის“ და სხვა. ინახება „ენიმქის“ ქართველურ ენათა განყოფილებაში).

მუსხელიშვილი ლ., დმანისი — ლ. მუსხელიშვილი, დმანისი (ქალაქის ისტორია და ნაქალაქარის აღწერა), „მ. რუსთაველის ეპოქის მატ. კულტ. ძეგლები“, თბილისი, 1938.

Натроев А., Свети-Цховели — А. Натроев, Михета и его собор Свети-Цховели. Тифлис, 1900.

„პეტრე იბერი“ — Православный Палестинский сборник, т. XVI, вып. II.

„ცხოვრება პეტრე ივერისა მოღუაწე მეფის-წულის და მიუღველ ეპისკოპოსისა მე-V საუკუნისი“. ქართული დედანი... გამოსცა ნიკო მარ-მან. სპბ., 1898.

Жордания Ф., Опис. — Описание рукописей Тифлисского церковного музея карталино-кахетинского духовенства, кн. I, сост. Ф. Д. Жордания, Тифлис, 1903; кн. II, сост. он же, Тифлис, 1903.

ჟორდანია თ., ქრონიკები — ქრონიკები და სხვა მასალა საქართველოს ისტორიისა და მწერლობისა, შეკრებილი... და ახსნილი თ. ჟორდანიას მიერ, წიგნი I, ტფილისი, 1893; წიგნი II, ტფილისი, 1897.

საბა ასური — სვიმონ ჯანაშია, ცხოვრება საბა ასურისაჲ, „არილი“, ტფილისი, 1925.

საბინინი — გ. საბინინი, საქართველოს სამოთხე, „სრული აღწერა ღუაწლოთა და ენებათა საქართველოს წმიდათა“, პეტერბურგი, 1882.

სასულეერო პოეზია — პ. ინგოროყვა, ძველი ქართული სასულეერო პოეზია ნ. I, ტექსტები, VIII—X საუკუნეები. თბილისი, 1913.

„სამართალი აღბუღასი პირველი“ — დ. ჩუბინაშვილი, ქართული ქრესტომატია, ს. პეტერბურგი, 1863.

სიბრძნე ბალაჰვარისი — სიბრძნე ბალაჰვარისი, რედაქცია, ვარიანტები და ლექსიკონი ილია ბულაძისა, ტფილისი, 1937.

„სრ. პ. ცხა“ — ბასილ ზარზმელი, „ცხოვრება და მოქალაქობა სერაპიონ ზარზმელისაჲ“, აღრინდელი ფეოდალური ქართული ლიტერატურა, I. იოანე საბანის-ძე, II. ბასილ ზარზმელი“, პრაღ. კ. კეკელიძის რედაქციით და გამოკვლევით. თბილისი, 1935.

Такайшвили Е., Арх. экск. — Е. Такайшвили, Археологические экскурсии, разыскания и заметки, Тифлис, вып. I, 1905; вып. II, 1905; вып. III, 1907; вып. IV, 1913; вып. V, 1915.

Такайшвили Е., Опис. — Е. Такайшвили, Описание рукописей «Общества распространения грамотности среди грузинского населения», т. I, Тифлис, 1902—1904; т. II, Тифлис, 1906—1912.

ფუთურძე ვ., არაბი ისტორიკოსი XII ს. თბილისის შესახებ. „ენიმკის“ მოამბე, XIII, თბილისი, 1942.

ფუთურძე ვ., ირანელი ავტორები — ისთახრი, პოდუდ ალ-ალემი, ჰამდალ-ლაჰ ყაზვინი. თარგმანი შენიშვნებითა და საძიებლითურთ ვ. ფუთურძისა, თბილისი, 1937.

ქადაგებანი — შ. ჯანაშვილი, იოანე ბოლნელი ეპისკოპოსის ქადაგებანი, თბილისი, 1911.

„ქებაჲ ქებათაჲ — Тексты и разыскания по армяно-грузинской филологии, кн. III. Иплогит, Толкование песни песней. Грузинский текст по рукописи X века. Исслед. перев. и изд. Н. Марр, Спб, 1901.

ქოიავა ნ., ძვირფასი ქეები — ნ. ქოიავა, ძვირფასი ქეები შოთა რუსთაველის პოემაში, „ენიმკის“ მოამბე, III, თბილისი, 1938.

ყუბანეიშვილი ს., ნარკვევი — ს. ყუბანეიშვილი, ნარკვევი მეექვსე საუკუნის ქართული ლიტერატურის ისტორიიდან („ევესტათი მცხეთელი“), ხელნაწერი, 1939 (ინახება თბილისის სახ. უნივერსიტეტის ბიბლიოთეკაში).

შანიძე აკ., მანგლისის წარწერები — აკ. შანიძე, კვლავ მანგლისის წარწერების შესახებ, „იმომხილველი“, თბილისი, 1926.

შანიძე, აკ., ძვ. ქართ. ქრესტომათია — აკ. შანიძე, ძველი ქართულის ქრესტომათია ლექსიკონითურთ, I; ქრესტომათია, ტფილისი, 1935.

შანიძე აკ., ჰაემეტი ტექსტები — აკ. შანიძე, ჰაემეტი ტექსტები და მათი მნიშვნელობა ქართული ენის ისტორიისათვის, „თბილისის უნივერსიტეტის მოამბე“, III, თბილისი, 1923.

Шаншиев П., Два слова об амкаре, Тифлис, 1857.

შიომღვ. საბუთ. — თ. ყორღანია, ისტორიული საბუთები შიომღვიმის მონასტრისა და „ძეგლი“ ვახანის ქვაბთა, თბილისი, 1896.

შმერლინგი რ., ქართ. ხელნაწ. მორთულობის ნიმუშები — ქართულ ხელნაწერთა მორთულობის ნიმუშები, ალბომი 32 ტაბულით. შესავალი და ტაბულების ტექსტი რ. შმერლინგისა, პროფ. გ. ჩუბინაშვილის რედაქციით, თბილისი, 1940.

„შუშ. წამება“ — იაკობ ცურტაველი, „მარტყოლაჲ შუშანიკისი“, ქართული და სომხური ტექსტები გამოსცა... ილია აბულაძემ, თბილისი, 1938.

ჩუბინაშვილი გ., მცხ.-ჯვრ. მც. ტაძარი — „თბილისის უნივერსიტეტის მოამბე“, II, თბილისი, 1922—1923.

ჩუბინაშვილი გ., რუისის ტაძრის ისტორიისათვის, „ენიმკის“ მოამბე, ტ. V—VI, თბილისი, 1940.

ჩუბინაშვილი გ., საჭ. საერო ხუროთმოძღვრ. რამდენიმე ნიმუში, „თბილისის უნივერსიტეტის მოამბე“, III, თბილისი, 1923.

ჩუბინაშვილი გ., ქართული ხელოვნების ისტორიიდან, გამოცემლობა „მეცნიერება საქართველოში“, ტფილისი, 1926.

ჩუბინაშვილი გ., 973 წ. ჯვარი იშხნიდან, „საქართველოს მუზეუმის მოამბე“, VI, თბილისი, 1913.

ჩხეტია შ., ამქრების ისტორიიდან, „საქართველოს მუზეუმის მოამბე“, X, თბილისი, 1940.

Цагарели А., Свед. — А. Цагарели, Сведения о памятниках грузинской письменности, вып. I, С.-Петербург, 1886.

„ცხრ“ბა გ“ი მთაწ.“ — „ცხოვრება და მოქალაქობაა წმიდისა და ნეტარისა მამისა ჩუენისა გიორგი მთაწმინდელისაა“ („ათ. კრებ.“, საბინინი).

„ცხრ“ბა სვმ. მესუეტისაა“ — „ცხოვრებაა სვმიონ მესუეტისაა“, კიმენი, ტ. I. „წარტყუნეაა“ — Тексты и рассказы по армяно-грузинской филологии, кн. IX, Стратиг. Антиох. Пленение Иерусалима персами в 614 г. Груз. текст., изсл. и пер. Н. Марр.

Хаханов А., Грузинския рукописи в европейских книгохр., «Древности Восточныя», IV, 1913.

Хаханов А., Матер. по груз. агниолог. — А. Хаханов, Материалы по грузинской агниологии по рукописям X века. Труды по Востоковедению (Изд. Лаз. Инст. Восточных языков), вып. XXXI, Москва, 1910.

ხერხეულიძე ტ., ავეჯი — ავეჯი ძველ ქართულ ფრესკებსა, მინიატურებსა და პედურ ხელოვნებაში: ნიმუშები შეაგროვა და ნახატები შეასრულა ტ. ხერხეულიძემ. თბილისი, 1941.

Хр. В. — Христианский Восток.

„ხრონოლოგია“, — ს. ყაუხჩიშვილი, ხრონოლოგია გიორგი მონაზონისა, ტფილისი, 1920.

„ხ. კ. გარ.“ — პროფ. ე. თაყაიშვილი, კელმწიფის კარის გარიგება, ტფილისი, 1920.

ჯავახიშვილი ივ., ახლად აღმოჩენილი უძკ. ქართ. ხელნაწერები და მათი მნიშვნელობა მეცნიერებისათვის. „ტფილისის უნივერსიტეტის მოამბე“, II, თბილისი, 1922—1923.

ჯავახიშვილი ივ., პალეოგრაფია — ივ. ჯავახიშვილი, ქართული დამწერლობათმცოდნეობა ანუ პალეოგრაფია, თბილისი, 1926.

ჯავახიშვილი ივ., საქ. ეკ. ისტ., I — ივ. ჯავახიშვილი, საქართველოს ეკონომიური ისტორია, წიგნი პირველი, თბილისი, 1907.

ჯავახიშვილი ივ., ქართვ. ერის ისტ., I, მესამე შეესებულებული და გადამუშავებული გამოცემა, ტფილისი, 1928.

ჯავახიშვილი ივ., ქართული ნუმისმატიკა — ივ. ჯავახიშვილი, ქართული საფას-საზომთა მცოდნეობა ანუ ნუმისმატიკა-მეტროლოგია, ტფილისი, 1925.

ჯავახიშვილი ივ., ქართ. სამ. ისტ., III — ივ. ჯავახიშვილი, ქართული სამართლის ისტორია, ნაწილი მეორე, ნაკვეთი პირველი, თბილისი, 1928.

ჯანაშვილი მ., ქართ. მწერლ., I, — მ. ჯანაშვილი, ქართული მწერლობა, წიგნი I, X საუკუნე, თბილისი, 1900.

ჯანაშია ს., თუბალ-თაბალი — ს. ჯანაშია, თუბალ-თაბალი, ტიბარენი, იბერი, „ენიმკის“ მოამბე, ტ. I, თბილისი, 1937.

ჯანაშია ს., საქ. ისტ. (კონსპექტი) — ს. ჯანაშია, საქართველოს ისტორია უძველესი დროიდან მე-13 ს-მდე (კონსპექტის პროექტი), „თბილისის სახ. უნივერსიტეტის შრომები“, V, თბილისი, 1936.

ჯანაშია ს., საქ. ისტ. — პროფ. ს. ჯანაშია, აკად. ივ. ჯავახიშვილი, პროფ. ნ. ბერძენიშვილი, პროფ. გ. ხაჭაპურიძე, საქართველოს ისტორია, თბილისი, 1940.

ჯანაშია ს., ფეოდალური რევოლუცია საქართველოში, თბილისი, 1935.



# ს ა ძ ი ე ბ ლ ე ბ ი \*

## კ ი რ თ ა

ა

აბასიდები 213, 254, 256, 257  
 აბაშაი 169  
 აბაზას ძე ივანე 214, 236  
 აბდულმესია 51  
 აბელ--აბესალომოვი 292  
 აბელიანი მ. 420—421  
 აბესალომ კლდეი 53  
 აბო 11, 159, 166, 167  
 აბულასანი 190, 201, 287, 298, 300, 316, 322  
 აბულაძე 227, 229—230, 240—241  
 აბულაძე ი. 111, 420  
 აბულაძე იუსტ. 325  
 აბულეთი 227  
 აბულ-ჰეიფა 237, 239, 243  
 აბუსერისძე ტბელი 31, 43—50, 55, 57, 60—61  
 აბუსერისძე 58, 175, 177, 193—195  
 აგათანგელოსი 419  
 აგათია სკოლასტიკოსი 34, 75, 125, 187  
 აგთანდილი 64  
 ათანასე (მწერალი) 133  
 ალადათაშვილი გრიგოლა 406  
 ალექსანდრა 10  
 ალი ამირა 214  
 ალი ბენ ჭაფარი 255  
 ალფ-არსლანი 241—243  
 ალ-ფარიკი 189—191, 203—205, 208—210, 226, 233, 245—247, 249—250, 252, 265—269, 271—277  
 ალ-ჯაუზი 276  
 ალ-ყაინი 276  
 ამანელის ძე 16  
 ამბროსი 41, 116  
 ამედროზი ჰ. ფ. 203  
 ამილახვარი 383, 386  
 ამილახვარი ოთარ 385  
 ამილახვარი იასე 377, 381—382, 385, 405

ამილახვრები 381  
 ამირანაშვილი შ. 116, 118, 148  
 ამირან დარეჯანის ძე 107  
 ამირქურდი არწრუნი 289  
 ამონა (მჩხრეკელი) 134—135  
 ანანია მხატვარი 21, 166  
 ანდრია 27, 132  
 ანდრია ზოგოლუბსკი 294, 302—303  
 ანდრია (მოციქული) 23, 307, 312  
 ანდრიანტი 19  
 ანტონ I 292, 390  
 ანტონ კუონდიდელი 80  
 აპოლონი 19, 70  
 არაქელიანი ბ. 210  
 არსენი 22, 86  
 არსენ ბერი 51  
 არისტაქეს ლასტივერტელი 225, 228  
 არისტოტელე 13  
 არტემიდე 19  
 არუთინა 390  
 არშუშა 428  
 არჩილი 330, 337  
 არქიმო (მწერალი) 135  
 არწრუნები 421  
 ასეთიანი ნ. 341—342  
 აშოტ კურაპალატი 27  
 აშურ-ნასირ-აბალ 12  
 აღბულა 331, 339, 342, 353, 356, 358—359  
 აღსართან გაგიკის ძე 228, 230, 240—241, 272  
 ახვერდოვი მ. 120  
 აქარიანი ჰ. 345  
 აჰმედ იბნ ლუთფულაჰი (მუნეჯიმ-ბაში) 202, 210, 227, 237, 239

ბ

ბაადურ 21, 166  
 ბაბუა (მამასახლისი) 405  
 ბაგრატ III 42, 136, 255—256, 259—260, 370—371

\* საძიებლები შეადგინა მარინე მესხიამ.

ბაგრატ IV 117, 190—200, 202, 214, 217—218, 225, 227—231, 236, 238—239, 241—242, 244, 248, 255, 261, 263, 272, 371, 428  
ბაგრატ კურაპალატი 91  
ბაგრატი 52  
ბაგრატ ტავრომენელი 20, 23, 63, 97—98, 112  
ბაერელი 165—166  
ბალაძორი 217, 229  
ბანდაიძე 25, 130, 132, 135  
ბარათაშვილი იესე 396—397  
ბარათაშვილი სიოაშ 398  
ბარათოვი ს. 206  
ბარამიძე ალ. 333—334, 350—351  
ბარამაქ იბნ აბდალაჰი 229  
(ბარონ) კუჩენბახი 86  
ბარძიშ-ფეშხუმი 83, 86  
ბარძიში 82—83, 86  
ბასილი 46, 48—50, 55, 61  
ბასილი (ბოლოკ-ბასილი) 193—194  
ბასილი გალატოზი 47, 175—177  
ბასილი ევოსმოძღვარი 287, 299—300, 302  
ბასილი ზარზმელი 33, 36—37, 56—59, 120, 122  
ბასილი იობის ძე 307  
ბასილი (მმოსელი) 144  
ბასილი (მწერალი) 133  
ბატონიშვილი თ. 103  
ბაქარი 151  
ბაქრაძე ალექსი 35  
ბაქრაძე დ. 91, 206, 331  
ბახტიარ იბნ ს.ლმანი 240  
ბაღდასარაშვილი ფარსადან 389—390  
ბაღდასარაშვილი შაქრუა 378  
ბეგთაბეგიშვილი სოლომონ 388  
ბერიძე ვ. 306, 314  
ბერტარნი ა. 13  
ბერძენიშვილი ნ. 10, 21, 24, 26—27, 83—84, 86—99, 116—117, 125, 148—149, 180, 191, 192, 197, 281, 300, 329—330, 332, 337, 372, 376  
ბეშქენ (ერისთავთერისთავი) 144  
ბეჟა 331, 333, 339, 342, 347, 353—359, 368

ბეჟა ოპიზარი 114, 116—118, 177—178  
ბეჟენ დიაკონი 169  
ბიმელიძევი სოლომონ 403  
ბოგვერაძე ა. 337—338, 343, 359, 361  
ბოცო 316  
ბოქორიშვილ 7, 10, 71—72, 74—75, 79  
ბრემელი ამადიო 392—393, 395  
ბროსე მ. 9, 32, 54, 61, 69, 114, 116, 146, 206  
Бакурцани — 363

## ბ

გაბაშვილი ვ. 336  
გაბისულოვა ანდრონიკე 146  
გაბრიელ დაფაზნული 58, 165  
გაბრიელ დიდებული 30  
გაბრიელ (მამასახლისი) 406  
გაგიკ 228  
გამყრელიძე ა. 409  
გამყრელიძე გ. 10—11, 105, 164, 183—184, 186  
გერასიმე 146  
გიორგი (ათონელი) 136, 145  
გიორგი 57, 63, 145, 171  
გიორგი II 65, 247, 320, 325, 327, 333, 335—336, 347, 366, 368, 371  
გიორგი III 52, 72, 80, 260, 373  
გიორგი XII 379—381, 384  
გიორგი მთაწმინდელი 19—20, 27, 36, 128—129, 136, 168—169  
გიორგი აფხაზთა მეფე 59  
გიორგი მეფე 115  
გიორგი მაგისტროსი 82  
გიორგი რუსი (იური) 201, 288, 294, 300—307, 309—311, 313—316, 322  
გიორგი (ხარაზი) 106  
გიორგი (მწერალი) 135—136  
გიორგი მჭედელი 177  
გიორგი (წმ.) 19, 194  
გიორგი (მონაზონი) 19—20, 61, 78, 151, 185  
გიღუაშვილი 387  
გირკე 185  
გოგია (ხელოსანი) 377  
გორგასალი 102  
გორგაძე დავით. 178

გორგაძე შაისა 178  
 გორგაძენი 178  
 გორგიჯანიძე ფარსადან 398  
 გორისის ძე იაი 169  
 გოსტაშვილი ერასტი 387—388  
 გრიგოლ 141, 147  
 გრიგოლ ბაკურიანის ძე 362  
 გრიგოლ ვარძელი 141  
 გრიგოლ (მამა) 34  
 გრიგოლი 24, 44  
 გრიგოლია კ. 424  
 გრიგოლ ხანძთელი 26, 28, 30, 34, 42—  
 45, 48, 58, 60, 69  
 გრიგოლ ხუცესი 137  
 გუარამ აშოტის ძე 27  
 გუგუშვილი პ. 231, 234—235  
 გუზანი 316  
 გულაგოვები 292  
 გურგანელი 190  
 გურგენ 134  
 გურგინბეგოვი სტეფანე 403—404  
 გურიელი როსტომ 221  
 Гюрги Андреевич 303—304

## დ

დადშანთ გასპარა 389  
 დადიან-ბედიანი 116  
 დადიანი გიორგი 116  
 დადიანი ვამეყ 146  
 დადიანი ვარდან 316  
 დადიანი მანუჩარ 152  
 დავით აღმაშენებელი 41—42, 51, 85,  
 87, 96—97, 145, 152, 188—189,  
 200—201, 203, 225, 227—228, 231,  
 245—247, 249, 252, 255, 260, 263—  
 272, 274—280, 283—284, 316, 320—  
 321, 327—328, 330, 347, 367, 371—  
 373  
 დავით ბაგრატიონი 294, 298, 391, 398  
 დავით დვინელი 228  
 დავით გიორგის ძე 115  
 დავით რუსუდანის ძე 115  
 დავით ნარინი 157, 166, 188  
 დავით კურაპალატი 135  
 დავითის ისტორიკოსი 16, 41—42, 61,  
 65, 87

დავით (მწერალი) 135  
 დავით (იოზის ძე) 308  
 დავით (რექტორი) 99, 107  
 დავითი 30, 63, 83, 86, 89  
 დავითა 112  
 დამიანე 146  
 დაჩი 138  
 დარეჯან დედოფალი 377  
 დებორიანის ძე 113  
 დემეტრე (დემნა) 193  
 დემეტრე I 203, 260  
 დერეკაინი ნ. 181  
 დილი შ. 196  
 დოლიძე ი. 331—332, 339, 355—356  
 დუმბაძე შ. 342—343  
 დუწყელ-ველინგი ნ. 179—180, 198  
 დურბეზ სადაყას ძე 268

## ე

ეგიაზაროვი 10, 180  
 ეგნატოს 60  
 ეესტათი მტხეთელი 11, 25, 43, 68,  
 104—105, 109, 175, 182—184  
 ეეთიმე (წმ. მამა) 141  
 ეეთიმი (ათონელი) 144  
 ელია 141  
 ელიშე 419, 421  
 ემინი ნ. 420  
 ენგელსი ფ. 402  
 ეპიფანე კათალიკოსი 376  
 ერეკლე I 381, 384—385  
 ერეკლე II 377, 380—381, 384—385,  
 387, 389, 397, 404—405.  
 ერემიანი ს. 288, 293, 306, 314  
 ეფთუმი 133, 140, 142  
 ეფრემ ასური 60  
 ეფრემ მტირე 70, 89  
 ექვთიმე 16, 23, 31, 34, 73, 83, 89, 91,  
 99, 101—102, 108, 110, 117, 127

## ვ

ვაიდენბაუმი ე. 179—180, 198  
 ვარდან დიდი 225—227, 295  
 ვარდანის ძე 16  
 ვარდანისძეები 173, 289  
 ვარსკენ პიტიახში 99, 423

ვაჩეიშვილი ა. 339—341  
 ვახტანგ მოძღვარი 135  
 ვახტანგ გორგასალი 159, 161, 328—  
 329, 337, 423—424  
 ვახტანგ ლომანის ძე 19  
 ვახტანგ (მეფე) 42—43, 63  
 ვახტანგ (ბატონიშვილი) 388  
 ვახტანგ VI 137, 291, 324, 340, 344,  
 354—356, 358—359, 368  
 ვახუშტი 9, 20, 22, 24, 34, 37, 41, 45,  
 51—52, 64, 88, 96—100, 107—108,  
 111—112, 155, 174, 189, 206, 293—  
 294, 372—373, 388

ზ

ზაზა (მესანთლე) 381  
 ზანქან ზორაბაბელი 178, 192, 299, 301,  
 305  
 ზაქარია (მშოსელი) 140  
 ზვიად მარუშიანი 59  
 ზნაკუ კეპოისძე 111  
 ზოსიმე 141

თ

თამარი 88—89, 92, 115, 143, 153,  
 170—171, 190, 192—193, 201, 224,  
 251, 279—282, 284, 286—291, 293—  
 294, 296—297, 299—300, 302, 305—  
 316, 347, 367, 374  
 თამარ მეფე 41, 80, 116  
 თამარის ისტორიკოსი 16, 25, 63, 67,  
 80, 88, 89—101, 115  
 თაყაიშვილი ე. 9, 27—28, 30, 32, 35,  
 46—48, 53, 58—60, 81, 99, 108, 114,  
 116—117, 134, 145, 147—148, 152,  
 310  
 თაყუაშვილი ისარა 378, 404—405  
 თბილელი არსენ 145  
 თეოდორე (ეპისკოპოსი) 26—27  
 თეიმურაზ ბატონიშვილი 152, 329,  
 344—345  
 თეკლაი 93, 111  
 თეოდორე 142  
 თეოფანე 108  
 თეოფანე ხუცესი 23, 137  
 თეოფილაქტე მკერვალი 95, 177

თუმანიშვილი ბაინდურ 398  
 თუმანიშვილი გივი 389

ი

იაკობ 171  
 იაკობ დეკანოზი 137  
 იაკობ მღვდელი 137  
 იბნ-ჰაუჟალი 217  
 იეზიდგერდ II 427—428  
 ივანე დიაკონი 118  
 ივანე სარგისის ძე 25  
 ივლიანე 20  
 ივლიანე ემენელი 24  
 ივლიანე 24  
 ილარიონ ქართველი 20, 39, 59, 84  
 იმნაიშვილი ი. 344  
 ინაძე მ. 408—418  
 ინგოროყუა პ. 288—289, 306, 310,  
 313—314, 424  
 იოანე 16, 23, 31, 34, 73, 83, 91, 99,  
 101—102, 108, 110, 117, 127, 137,  
 141—142, 158, 194  
 იოანე ანჩელი 116  
 იოანე ბოლნელი 62, 73, 88  
 იოანე ერზინკელი 295  
 იოანე საბანისძე 215  
 იოანე მტბევეარი 77, 128  
 იოანე შეყენებული 30  
 იოანე ჭონჭოზის ძე 77  
 იოანე ურპაელი 36  
 იოანე მალალა 108  
 იობ (ბეთლემის ბიძა) 159  
 იოვანე ეპისკოპოსი 50  
 იოვანე (კალატოზი) 32, 61  
 იოვანე (თარგმანი) 133, 142  
 ირაკლი 95  
 იოსებ 83, 194  
 იოსებ არიმათიელი 44  
 იოსებ ივანეს ძე 176  
 იოსელიანი პ. 206  
 ისაია 390  
 ისაკი (მწიბრეკელი) 134  
 ისთაპრი 188  
 იუსტინე 75  
 იუსტინიანე 28  
 იფრუმოვი კაკალო 403

## ბ

კაბაძე ს. 25, 104, 325, 327—330, 345, 361, 398, 423—424  
 კანდურლოვები 292  
 კაპანაძე დ. 254—257, 301  
 კარიჭაშვილი დ. 325  
 კარლოს დიდი 39  
 კარლოს გერმანელი 39  
 კარსტი ი. 332  
 კახაბერ ვარდანის ძე 306, 311  
 კაქკაიშვილი 389  
 კეკელიძე კ. 175, 185, 424  
 კვირიკე კახთა მეფე 214  
 კვრილე 137  
 კიკვიძე ა. 280  
 კიკნაძე რ. 273  
 კირაკოს განძაკელი 225—226, 295  
 კობალაისძე შალვა 169  
 კონსტანტი 51  
 კონსტანტინე 58  
 კონსტანტინე მონომახი 51  
 კორიუნე 419  
 კრემერი ა. 113, 149—150, 158, 162, 195—196  
 კრიმსკი ა. 149  
 კულიშერი ი. 39, 185

## ლ

ლაზარ ფარპეცი 419—422, 424—426, 428  
 ლანგლუა ვ. 420  
 ლაშხაშვილი შალვა 159  
 ლევან დადიანი 69  
 ლეთეთელი მაკარი 135  
 ლენგი დ. 254—259, 321  
 ლენორმანი ფრ. 13  
 ლეონ მეფე 50  
 ლეონი (აფხაზთა მეფე) 42  
 ლეონტი მროველი 29—30, 32, 58, 129—130, 152, 417, 419  
 ლილიბაროვი 292  
 ლიპარიტი 214, 236, 239  
 ლიტავრინი გ. 363  
 ლომოური თ. 24, 99  
 ლორთქიფანიძე მ. 334—336, 359  
 ლოსაბერიძე ა. 154

ლუარსაბ (ბატონიშვილი) 398  
 ლუღვიგ ბერკენი 121

## მ

მათე ედესელი 223  
 მაკალათია ს. 280  
 მალხაზიანცი ს. 420  
 მამედოვი ა. 202, 273  
 მამიკონიანები 421  
 მანოელ ევიენციოსი 146  
 მანსური 237, 239, 243  
 მანუჩა 244  
 მარი'ნ. 18, 27, 32, 49, 61—62, 71, 76, 82—83, 94, 96, 99, 100, 107, 109, 111, 133, 160, 207—208, 223  
 მარიამი 27  
 მარიამ მეგვიტელი 137  
 მარკოზი 146  
 მარკოზ მახარობელი 69, 106, 109  
 მარკსი კ. 86, 198, 204  
 მაქსიმე (აღმსარებელი) 134  
 მახარობელ ქვაბალია 146  
 მახაძე გორჯასპი 221  
 მაჰმუდი 266, 268  
 მეღიქიშვილი გ. 424  
 მეღიქსეთ-ბეგი ლ. 420—421  
 მეღიქსედეკი 53  
 მეღიქსედეკ კათალიკოსი 22, 26, 31—32, 42, 83—86, 91, 96, 102, 116—117, 120, 125, 214  
 მესანთლოვები 292  
 მეტლანდი 235  
 მთაწმინდელი გ. 51, 87, 89, 107  
 მილერი 180  
 მინორსკი ვ. 202, 204, 209, 240, 266, 273  
 მირაგოზოვები 292  
 მირიან მეფე 29—30, 35, 46—47, 58  
 მირიანოვი მირიან 403  
 მისიმიელი 34  
 მიქაელ კორეისი 143  
 მიქელ 23, 31—33, 36, 54, 56, 59, 137, 141, 145  
 მიქელ გალატოზი 177  
 მიქელ მწერალი 135  
 მიქელ I (უნგროვლახელი) 145

მიქელ დალაისონელი 137  
მუნთიევი მიკირტუმ 403—404  
მოესეს ხორენაცი 419, 421  
მონაზონი გ. 92  
მოსე 34  
მოსე კალანკატუელი 188  
მოსესაშვილი გოდერძა 388  
მოსესაშვილი კიკოლა 388  
მროველი ლ. 46, 77, 99  
მტბევიარი 72  
მუსხელიშვილი ლ. 52, 75—76, 80, 83,  
86, 176, 194, 310—311  
მხარგრძელი ზაქარია 312

5

ნათელა 116  
ნალბანდიანი მ. 420—421  
ნატროევი 53, 125  
ნატურაშვილი 389  
ნასყიდაშვილი ვასპარა 389  
ნასყიდაშვილი სტეფანე 389  
ნაცელიშვილი იოსებ 390  
ნერსე ერისთავი 159, 166—167  
ნეჯმ ად-დინ ღაზი 190, 245—246, 265—  
266, 268  
ნიკიფორე დოკა 119, 161, 196  
ნიკოლოზ (გალატოზთუხუცესი) 222  
ნიკოლოზი 51  
ნინო (წმ.) 138  
ნისტერონი 141  
ნიჩში 185

ო

ოპიზარი 32  
ოპიზელი 32  
ორბელიანი დავით 391  
ორბელიანი ზაალ 397  
ორბელიან ს. 61—63, 67, 69—70, 73—  
74, 80, 85, 90, 93, 98, 100—101,  
105, 107  
ოსეს ძე ნიკოლოზ 137  
ოტაბოის ძე 112  
ოქროპირ (კათალიკოსი) 165—166  
ოქროპირ ხარაზი 177

პ

პავლე 11, 141  
პაიქის ძე მიქელ 142  
პატარა 153, 171  
პახომოვი ე. 254—256, 258, 260, 321  
პეროზი 423  
პეროყავრი სივნიელი 138  
პენტელაშვილი 404  
პეტრე I 27, 385  
პეტრე იბერიელი 16, 38, 40—41, 187  
პეტრუშევსკი ი. 280  
პილიაევი 121, 124  
პიმენ კახი 135  
პომპეუსი 38  
პროკოფი კესარიელი 187  
პტოლემეიოსი 19

ჟ

ჟამთააღმწერელი 82, 112, 123, 295  
ჯორდანი თ. 9, 11, 25, 31, 34, 39—  
40, 50—51, 89, 91, 98, 100—101,  
111—112, 114—116, 125

რ

რატი სურამელი 296, 371  
როსტემი 23  
როსტომ მეფე 398  
რუნ ედ-დინი 189  
რუსთაველი 77, 86, 88, 92, 120, 122—  
125, 129, 139, 222, 324, 342, 350—  
352  
რუსუდან დედოფალი 299, 313  
რუსუდანის ძე დავითი 124  
Рюрик 303

ს

საბა 40, 64, 75, 94, 142  
საბა (მწერალი) 140  
საბაწმინდელი 83  
საბინინი 16, 20, 23, 25, 27, 31, 34, 36,  
51, 71, 83, 87, 89, 91, 99, 101—104,  
108, 110, 117, 127  
სგოჯაის ძე 111  
სადუნ მანკაბერდელი 312  
საველათი 302

სალმანასარ 11, 12  
 სალომე უეარმელი 138  
 სამოელ 143  
 სარგის სამცხის სპასალარი 147—149  
 საღირის ძე 16  
 სერაპიონი 59  
 სერაპიონ ზარზმელი 23, 26, 29, 31, 33,  
 36—37, 43—45, 50, 53—57, 110,  
 119—121, 167  
 სერაპიონ (მმსელი) 133, 140, 142  
 სეიატსკი ი. 121, 124  
 სუმონ 171  
 სუმონ მესუეტე 23, 29, 53, 60, 176  
 სუმონ ჭყონდიდელი 51  
 სითლარაბი 244—246  
 სიმონი (გალატოზთა უხუცესი) 32, 222  
 სქთამსძე გიორგი 135  
 სოლომონი 46, 65, 70, 114  
 სოსელია გ. 281—283, 286—287  
 სტალინი ი. 375  
 სტეფანა (კალატოზი) 387  
 სტეფანე (მონაზონი) 47  
 სტეფანე (მწერალი) 135  
 სტეფენსონი 235  
 სტრაბონი 14—15, 37—38, 80  
 სუმბატ 87  
 სუმბატ კურაპალატი 91  
 სურამელი გრიგოლ 156, 166, 171  
 სულხან-საბა ორბელიანი 133, 139,  
 154, 157, 160—161, 163, 219—  
 220, 324, 327, 329, 344—345

ბ

ბელეფისი 75  
 ბეიროსი 12, 30, 34  
 ბიგრან ჰონენცი 312  
 ბიშოფე 23, 29  
 ბიზომიროვი მ. 304  
 ბოლრული 245, 252, 265—268, 271—  
 272

უ

ულუ დავითი 295  
 უმეკი 295, 312  
 ურბნელი 331, 357—358  
 უსპენსკი თ. 119, 196

უსტაზოევი 292  
 უეაროვი 41

ფ

ფალონი 209, 214, 243—245, 359  
 ფავსტოს ბუზანდი 419  
 ფაკიპი 202—203, 226, 229—230, 237,  
 240—241, 272  
 ფარსმან ქველი 152  
 ფირცხალაიშვილი ლ. 10  
 ფრიდონოევი 292  
 ფრიდონი 109  
 ფსევდო-სკილაქსი 409—410  
 ფუთუაშვილი ელიზბარა 148  
 ფუთურიძე ვლ. 204, 208, 277  
 ფუქარალის ძე იოვანე 135

ძ

ძავთარელი 156, 171—173  
 ძაიხოსრო 21, 166  
 ძაიხოსრო ათაბაგი 41, 116  
 ძაჩაბურაისძე 153, 171  
 ძენ თოლდი, ათაბაგი 266  
 ძობალია ქველი 152  
 ძოიავა ნ. 120—123, 126  
 ძოსეს ძენი 170—171, 192  
 ძსენოფონტე 14, 409—410

ყ

ყანდუანთ ზალნა 390  
 ყაუნჩიშვილი თ. 409  
 ყაუნჩიშვილი ს. 20, 109, 244, 363, 409  
 ყიფშიძე ი. 326  
 ყორღანაშვილი იოსებ 404  
 ყუარყუარე ათაბაგი 21, 166  
 ყუბანეიშვილი ს. 68, 104  
 ყუთლუ-არსლანი 201, 280—282, 284—  
 289, 298, 300, 307, 311—312, 315—  
 316, 322

შ

შადინი 295—296  
 შავთელი 51, 101, 123—124, 160  
 შანიძე აკ. 22, 68—69, 96, 102  
 შარდენი 398  
 შერგილ დადიანი 116

შახნაზარი 86  
შაინშაი (იშხანი) 226  
შედალიანები 202, 227  
შიო მღვიმელი 129, 171  
შიხუაშვილი მარტირუზა 387  
შმერლინგი რ. 143  
შუშანიკი 42, 419, 423

ჩ

ჩამჩიანი მ. 420  
ჩარშალანი 226  
ჩახრუხაძე 94  
ჩუბინაშვილი გ. 38, 41, 46—47, 54, 79,  
94, 105, 118  
ჩუბინაშვილი დ. 154, 163  
ჩუბინაშვილი ნ. 345  
ჩხაროვები 292  
ჩხეთია შ. 10, 182

ც

ცაგარელი 52  
ცეცხლაისძე იაი 169  
ცინცაძე ი. 288—290, 292—293, 301—  
302, 304, 306—307, 315  
ციციანოვი 391

წ

წათე 108, 125  
წერეთელი გ. 201, 208, 272  
წმ. ანდრონიკე 114  
წმ. გიორგი 17, 32, 48—49, 55, 58  
წილოსანი ვ. 52  
წულუკიძე ა. 375—376

პ

პავქვიძე ი. 11  
პიაბერი 63, 101, 312  
პიკინაძე კ. 325  
პყონდიდელი ანტონ 154, 170—171,  
306

ბ

ბაზარბეგოვი სოლომონ 403  
ბალათიანცი მ. 420

ბატისოვი ბეჟან 403  
ბახანაშვილი ა. 288, 290, 293, 375  
ბერხეულიძე ტრ. 64  
ბითარიშვილი ზურაბა 405  
ბოსრო 187  
ბოჯა აზიზი 312

ჯ

ჯავახიშვილი ივ. 9, 12—13, 25, 36—38,  
42—43, 59, 69, 73—74, 95—96,  
101—105, 120, 130—134, 136, 138—  
139, 142, 150, 154, 164, 166—167,  
169, 172, 174—175, 177, 182, 189,  
191, 197, 200, 206—207, 218—219,  
225—226, 231—232, 244, 270, 280,  
282, 284—285, 287—288, 291, 293,  
296—297, 307—308, 325—326, 332—  
333, 335, 339, 376, 419—420, 424,  
429

ჯალალ ედ-დინი 219  
ჯანაშია ლ.-ნ. 419—421, 424—425, 429  
ჯანაშია ს. 9, 12—14, 182, 184, 197,  
209, 213, 281, 335, 376, 424  
ჯანაშვილი მ. 21, 73, 112, 131, 206,  
327, 333

ჯაუნარი 173  
ჯაფარი 190, 202, 214, 227—228,  
236—238, 242, 244, 261, 271  
ჯაფარიძეები 208, 213, 233, 241, 243—  
247, 254—256, 258—259

ჯიბლოს ძე მგელი 169  
ჯუნაშერი 42—43, 63, 69, 102, 159, 161,  
417, 419, 422—424  
ჯუმბერი 63

კ

კარნაიკი ა. 104  
კაქსტაუზენი ა. 179  
კეკატე 409—410  
კენრიხ III 39  
კერაკლე კეისარი 70, 188  
კერაკლიძე 410  
კეროდოტე 14, 409



გეოგრაფიულ სახელთა

ა

აგარანი 244, 248  
 აზერბაიჯანი 266  
 აზია 421  
 ათონი 95, 116, 136, 146, 156—157, 167, 169, 177, 365  
 ათონის ივერთა მონასტერი 41, 51, 82, 90, 106, 110, 116  
 აია სოფია 32—33, 35, 50  
 ალბანეთი 423, 426—427  
 ალუპო 265  
 ამიერკავკასია 181, 202, 211, 275, 421, 424  
 ანაკოფია 238  
 ანისი 75—76, 207, 225—228, 231, 263, 293  
 ანტიოქია 114, 158, 187  
 არაბეთი 87, 102, 149, 187, 198, 268  
 არაბთა სახალიფო 132, 197, 213  
 არანი 188, 265—266  
 არგუეთი 157, 166  
 ართვინი 13  
 არმაზი 428  
 არმაზის ხეივ 80, 155  
 არტანუჯი 188  
 არქეოპოლისი 187, 414  
 ასურეთი 12  
 ატენი 188, 190  
 ატენის სიონი 47  
 ატენის საყდარი 58—59  
 აფსაროსი 414  
 აღმოსავლეთ საქართველო 254  
 აყუ 417  
 აშორნია 267  
 აჟარა 34  
 ახალქალაქი 188  
 ახპატი 289

ბ

ბაბილოენი (ბაბილონი) 78, 92  
 ბათუმი 411  
 ბარდავი 188, 267  
 ბაღდადი 102, 187, 265  
 ბედიი 32, 42, 222  
 ბერძენთა ქუეყანა 56

ბესლეთი 41  
 ბეშვანაშენი 134  
 ბიზანტია 76, 102, 118—119, 124, 143, 161, 187—188, 196, 212  
 ბოლნისი 188  
 ბრიტანეთი 203—204  
 ბურნაშეთი 48, 81

გ

განძა 227, 243, 267—269, 275, 293, 321  
 განჯა 266, 389  
 გეგუთი 52, 79—80, 155  
 გელათი 42, 118  
 გენუა 41  
 გერმანია 179, 234  
 გრიგოლწმინდა 244  
 გიში 264  
 გომარეთი 59  
 გორი 377, 381—387, 404—405  
 გორისფერდი 198  
 გულამყარი  
 Грузия 399

დ

დაბლაგომი 411  
 დამასკო 268  
 დარუბანდი 188  
 დას. ევროპა 131, 198, 208, 234—235, 262, 264, 271, 339, 342, 392  
 დასავლეთ საქართველო 34, 253—254, 417  
 დიდგორი 203, 246, 265—269, 276—277, 321  
 დვინი 187, 217, 229  
 დიოსკურია 411—412, 417—418  
 დიღომი 80, 218, 231  
 დმანისი 40, 52, 67, 75—76, 79—80, 83, 86, 155, 188, 199, 244, 267—269, 275, 321  
 დუშეთი 391

ე

ეგრი 417  
 ეგრისი 417, 426

ევროპა 181, 233—234, 248, 250—251,  
319, 393, 395  
ეზინკი 314—315  
ეკლესია 214  
ერაყი 268  
ეროშეთი (ერუშეთი) 30—31

3

ვანი 143, 411  
ვანთა 38  
ვანაძიანი 38  
ვაპანის ქვაბი 168, 364—365  
ველისციხე 80, 155  
ვენეტო 41  
ვეძისი 80

ზ

ზარზმა 147—149  
ზარზმის მონასტერი 54, 57  
ზაქარ-წმინდა 46  
ზემო კრიხი 177  
ზენსკანდე 166

თ

თავრევი 293  
თბილისი 10, 19, 67, 80, 179—183,  
188—190, 197, 199—201, 203—205,  
208—221, 225—233, 235—263, 265—  
274, 276—281, 283—284, 290—296,  
298, 300—301, 303, 305, 307—313,  
316—323, 377—379, 381, 384—385,  
389, 391—392, 394—397, 400—401,  
404—405  
თელავი 381  
Tiflis 258

ო

ობერია 15, 17—38, 184, 425  
ოერუსალში 17, 99  
ოთხვისი 411  
ომერეთი 417  
ონგლისი 224, 233—234  
ონლოეთი 187, 389  
ორანი 102, 123—124, 179—181, 422—  
423, 426—428  
ოსანი 230, 286  
ოსრაელი 111

ოყალთო 38  
ოშხანი 119

კ

კაბალა 267  
კაენი 309  
კავკასია 10, 13, 38, 426  
კაბადუკია 74  
კარდანახი 74  
კარნუ-ქალაქი 314—315  
კაფა 48  
კახეთი 38, 71, 74, 228  
კახეთ-პერეთი 263, 387  
კახეთი 112  
კვეტერა 38  
კლარჯეთი 143, 309  
კლდეისი 53  
კლდეკარი 236, 238—239, 241, 263, 371  
კოლა 48  
კოლხეთი 114, 187, 408—409, 411—  
418

კონსტანტინოპოლი 143, 146, 196, 319  
კორიდეთი 144  
კრასოული 73, 75  
კუმურდო 50  
Колхида 408, 412

ლ

ლაზეთი 187  
ლაზიკა 415  
ლილო-პატარძელი 74  
ლომსაური 147  
ლონდონი 234  
ლორე 264, 312

მ

მანგლისი 22, 188  
მარანდი 268  
მარტვილი 32, 47, 117, 119, 145, 177  
მარტყოფი 74  
მაიაფარიკინი 203, 265, 268  
მახკანაზერლი 289  
მთიულეთი 289—290, 307—310, 312  
მილეთი 411  
მოქევი 42  
მტკვარი 188, 230

მცირე აზია 13

მცხეთა 25, 31, 43, 47, 78, 80, 83—84,  
86, 96, 104, 116—117, 151, 155,  
182—184, 186, 188, 190, 418

მეჭულის ხევი 147

Мингрелия 253

ბ

ბაქალაქარი 80, 86

ბეკრესი 38

ბიკორწმინდა 34, 39—40, 91, 98—99,  
102, 108, 111—113, 137, 144, 150,  
153, 338, 346

ბოგვორი 301—304, 311

ბიზისი 80, 155

Новгород 303—304

გ

გესეთი 24

გლთისი 188

გაბია 27, 118, 177

გაბეთი 13, 309

გამალეთი 179

გაქსორი 69

გაშვი 73

გაჩაჩი 412

გაძახე 188

დ

დებრა 187

დებრიწონი 346—347, 361, 363—365

დიტიუნტი 414

დონტო 415

ე

ეინვანი 188, 312

ვ

ვაკონი 91, 197, 347, 368

ვალოსი 411

ვაში 38, 392—395, 415

ვაში 240

ვაშთავი 188, 199, 243—244, 248,

265, 289—290, 307—310, 312

ვაშეთი 180, 339, 379, 399, 403—404

ზ

ზაბარძნეთი 13—14, 30, 35, 46—47,  
76, 144, 228

ზამეგრელო 221, 253

ზამთავრო 418

ზამოსი 411

ზამშვილდე 248, 264

ზარკინეთი 111

ზაფარეთი 53

ზაფრანგეთი 234

ზაქართველო 9—10, 15, 37—39, 41,  
43—45, 50, 52, 58—59, 61—63, 65,  
71—76, 79—82, 85—87, 97, 102, 105,  
115, 118, 125, 131—132, 135—  
136, 143, 146, 153, 158—159, 161,  
175, 179, 181—183, 186—188, 192—  
193, 195—197, 199—201, 205, 207—  
209, 212, 216, 221, 223, 227, 235—  
239, 241—245, 247, 248, 251—253,  
255, 257—260, 263—266, 268—272,  
275—276, 278, 280—283, 292—294—  
296, 298, 301, 304, 306—307, 310,  
313, 316—321, 323, 340, 342—343,  
356—357, 370, 375—376, 378, 383,  
386, 390—393, 395—398, 402—403,  
405, 408—509, 419—421, 424—426

ზეანეთი 145

ზევტიცხოველი 26, 30, 43, 53, 125

ზინა 135, 137

ზინას მთა 71

ზიონი 43, 47, 59

ზომხეთი 181, 210, 268, 421—424,  
426—428

ზომხითი 87, 175, 187, 248, 309

ზოფია 52

ზოხუმი 41, 417

ზპარსეთი 18, 115, 159, 161, 179, 181,  
187

ზუნდალის რუსეთი 294

ზუნჯა 294, 302

ზხალტა 80, 154—155, 170

Суждалъ 303

ტ

ტაო-კლარჯეთი 370

ტაშირი 112

ტბეთი 51, 118, 136, 143

უ

უბისი 26, 146

ულაბნო 114

უკრაინა 76

ურბნისის სიონი 26—27, 32

უჯარმა 188, 199

ფ

ფაზისი 34, 410—411, 417

ფარცხისი 244

ფინეზაურის ხეობა 76, 86

ფიქვენარი 411—412

ფოთი 411—412

ფოკა 165—166

ფოკათა ეკლესია 21—22

ქ

ქავაზინი 244

ქართლი 188, 212, 238, 289—291, 296—

297, 301, 307—309, 369—370, 381,

387, 398, 419, 421—429

ქართლ-კახეთი 404

ქაშუეთი 146—147

ქიოსი 411

ქიზიყი 71, 74

ქსნის ხეობა 71

ქუთაისი 42, 52, 79, 255, 258, 411

ყ

ყაზანი 53

ყანჩაეთი 144

ყივჩალეთი 294, 312

ყირიმი 76

ყობანი 13

შ

შავშეთი 309

შატბერდი 28, 32, 53, 138

შაქი 240

შემოქმედი 198

შიომღვიმე 154—155, 170—171, 173

შიორაპანი 52

შიორეთი 32

შუარტყალი 31, 194

ჩ

ჩინეთი 181

ც

ციხე-გოჯი 417

ციხედირი 156

ცხინვალი 380, 384

ცხუმი 417

წალენჯიხა 28, 55—56, 116, 146, 152

წარომი 47, 52

წყაროსთავი 135, 140, 177

კ

კალა 383

კანეთი 20

კერამი 38, 188

კული 145

ხ

ხახული 118

ხინწის ხევი 112

ხიხათა 55

ხონი 32

ხორასანი 227

ხუნანი 188, 267

ხუფათი 57—58

ჯ

ჯვარის მონასტერი 106, 156

ჯრუჭი 143

პ

პალაბი 268

პრომი 24

შ ი ნ ა ა რ ს ი

წინასიტყვაობა	5
ხელოსნობა ძველ საქართველოში (V—XII სს.)	9
შესავალი	9
თავი I. ხელობისა და ხელოსნობის აღმნიშვნელი ტერმინებისათვის	15
თავი II. მამულებელი და ავეჯის მკეთებელი	26
თავი III. ქურჭელთა მოქმედი	65
თავი IV. მქსოველი და მკერვალნი	87
თავი V. მჭედელი	110
თავი VI. მწიგნობრობასთან დაკავშირებული ხელობანი	130
თავი VII. ხაბაზნი, მზარეულნი, ქუქანკნი და ხელობის სხვა დარგთა წარმომადგენელი	150
თავი VIII. მენელსაცხებელი და „დამყვენიელი წვერთანი“	158
საქალაქო კომუნა შუა საუკუნეების თბილისში	199
თავი I. წყაროები და ლიტერატურა	199
თავი II. საქალაქო თვითმმართველობა თბილისში	211
თავი III. ბრძოლა თბილისის დამოუკიდებლობისათვის	232
თავი IV. თბილისი — ქალაქი კომუნა	249
თავი V. ბრძოლა კომუნის წინააღმდეგ და მისი დამარცხება	262
თავი VI. სოციალური ბრძოლა კომუნის დამარცხების შემდეგ	279
XI—XIII სს. საქართველოს სახელმწიფოებრივი წყობის ისტორიიდან	324
კლასობრივი ბრძოლა XVII—XVIII საუკუნეების საქართველოს ქალაქებში რეცენზიები	375
გამოკვლევა ძველი კოლხეთის ქალაქების შესახებ (მ. ინაძე, ძველი კოლხეთის შავიზღვისპირა ქალაქები თბ., 1968. რუსულ ენაზე)	408
საინტერესო წყარო საქართველოს შესახებ (ლ.-ნ. ჯანაშია, ლაზარ ფარბეცის ცნობები საქართველოს შესახებ, თბ., 1962)	419
დამოწმებული უმთავრესი ლიტერატურის სათაურების შემოკლებათა განმარტება	429
საძიებლები	435

Шота Амбакович Месхиа  
ИЗБРАННЫЕ СОЧИНЕНИЯ

т. I

(на грузинском языке)

დაიბეჭდა საქართველოს სსრ მეცნიერებათა აკადემიის  
სარედაქციო-საგამომცემლო საბჭოს დადგენილებით

რეცენზენტები: ისტორიის მეცნ. დოქ. პროფ. ნ. შენგელია  
ისტორიის მეცნ. კან. ვ. გუჩუა

ИБ 1936

გამომცემლობის რედაქტორი ლ. ჭვებენავა  
ტექნორედაქტორი ც. ქამუშაძე  
მხატვარი შ. ნიორაძე  
კორექტორი თ. გიგინეიშვილი

გადაეცა წარმოებას 30.II.81; ხელმოწერილია დასაბეჭდად 10.XII.81;  
ქალაქის ზომა 60×90<sup>1</sup>/<sub>16</sub>; ქალაქი № 1; ნაბეჭდი თაბახი 28.3;  
საარბიტრეო-საგამომცემლო თაბახი 24.6;

უე 01229;

ტირაჟი 10000;

შეკვეთა № 705;

უასი 3 მან. 10 კაპ.

---

გამომცემლობა „მეცნიერება“, თბილისი, 380060, კუტუზოვის ქ., 19  
საქ. სსრ მეცნ. აკადემიის სტამბა, თბილისი, 380060, კუტუზოვის ქ., 19

---

Издательство «Мецниереба», Тбилиси, 380060, ул. Кутузова, 19  
Типография АН Груз. ССР, Тбилиси, 380060, ул. Кутузова, 19